



BIBLIOTECA NAZ.  
Vittorio Emanuele III


X

C

33

NAPOLI







SANCTISSIMÆ TRINITATI GLORIA .

OPUSCULA TRIA  
D E D E O

QVOAD OPERA  
PRÆDESTINATIONIS,  
REPROBATIONIS,  
ET GRATIÆ ACTVALIS,

A FR. LAVRENTIO BRANCATO

BASILICÆ SS. XII. APOSTOLORVM  
S. R. E. PRESB. CARDINALI DE LAVRÆA  
BIBLIOTHECARIO,

*In commodum Tyronum S. Augustini Doctrina  
Studioforum elucubrata.*



ROMÆ, Typis Hæredum Corbelletti. 1687.

*Superiorum permissu. 40*

Seide Abol. Specialiter Expositum.  
 nitem Generalibus Indignissimis & 2.  
 publicis Christianis contra doctrinam per-  
 RR. DD. S. R. F. Cardinalibus Jacobis &  
 2. Mariae super Ministrum contra illas &  
 ualis Indignissimis habitis in Congregati-  
 on Congregatione Generali S. Romae & 7. mi.

[illegible]

In Congregatione Generali S. Rom. & Vni-  
uersalis Inquisitionis habita in Conuentu  
S. Mariæ super Mineruam coram EE. &  
RR. DD. S. R. E. Cardinalibus in tota Re-  
publica Christiana contra hæreticam pra-  
uitatem Generalibus Inquisitoribus à S.  
Sede Apost. specialiter Deputatis.

**L** Ecto Memoriali tenoris sequentis, vide-  
licet : *Eminentiss. e Reuerendiss. Si-  
gnori . Essendo dalla Sagra Congregatione  
proibito , che niuno possa stampare in mate-  
ria de Predestinatione, Scientia Dei, e de Gra-  
tia , seu de Diuinis Auxilijs , senza licenza  
di questa S. Congregat. il Card. di Lauria ,  
hauendo composto tre Opusculi, De Prædestina-  
tione ; Reprobatione , & de Gratia ,  
seu de Diuinis auxilijs , prega la me-  
desima S. Congregatione della licenza di po-  
terli stampare seruatis seruandis , e l'haurà  
à gratia . Quo Memoriali audito, EE. & RR.  
DD. Cardinales Inquisitores prædicti an-  
nuerunt .*

*Alexander Speronus S. Romanæ , & Vniu.  
Inquisitionis Notarius .*

**L**IBER verè egregius, omnibusque nu-  
 meris absolutissimus (cuius Titulus  
 est) *Opuscula de Deo quoad Opera Præde-  
 stinationis, Reprobationis, & Gratiæ Actua-  
 lis* ab Eminentiss. & Reuerendiss. Cardina-  
 li Brancato de Laurea elucubratus, difficil-  
 limas, ac penè inexolubiles complectitur  
 quæstiones, sed methodo, quam ante hac  
 faciliore, à subtilissimo tanti viri ingenio in-  
 cõcussis rationibus, Sacrarum Scripturarum,  
 & Conciliorum autoritate, fidelissimoque  
 Sanctorum Patrum testimonio, & præcipuè  
 ad mentem, & secundum germanum sensum  
 Divi Patris Augustini, explicantur, & eno-  
 dantur. Ut ergo in lucem prodeat, nam  
 intellectus inter tot huiusce sublimis materiæ  
 ambages aberret, sed ut è tenebris expir-  
 ctus, defocatum veritatis lumen intueatur,  
 & agnoscat, dignissimum censeo huius, ac  
 D. Io. Baptista Lamia Cremanensis Abbas, &  
 Proc. Gen. Congr. Can. Reg. Later. Ord. S.  
 Aug. Sacr. Theolog. Professor, &c.

**C**UM Opus tripartitum de Deo quoad  
Opera Prædestinationis, Reprobatio-  
nis, &c. Gratiæ Actualis ab Eminentiſſ. ac  
Reuerendiſſ. Card. de Laureâ ingenioſiſſimè  
compoſitum perlegiſſem, vnum inter cæte-  
ra in admirationem me rapuit, Virum ſcili-  
cet ætate prouectum, publicis occupationi-  
bus diſtractum, heroicisq; laboribus feſ-  
ſum, tam neruoſè, tamquàm lacertoſo co-  
natus arduum hoc negotium potuiſſe breui  
temporis intervallo aggredi, expedire, & à  
difficultatibus, quibus abundè ſcatet, extri-  
care, euacuare, præſente nempe Diui Au-  
guſtini face, cuius mentem neminè felicius, ne-  
minè medullitis aſſequutum eſſe reor, vt an-  
teps omnino ſis, num ipſius ore Auguſtinus,  
an ipſe Auguſtini ore loquutus ſit. Id verò  
tanta profunditate, ſed clara, claritate, ſed  
alta, altitudine, ſed facili, vt non ampliùs à  
ſæculis abſconditum dixeris Gratiæ, & Præ-  
deſtinationis myſterium. Pro Theologorum  
ergo eruditione, & Chriſtianorum profectu  
Opus hoc digniſſimum exiſtimo. 1669

*D. Benediſtus Giancaſperi Ord. Cæleſtinor.  
ac S. Eusebii de Vrbe Abbas, S. Theol.  
Profeſſor.*

**L**EGI Opuscula de *Prædestinatione, Re-*  
*probatione, & Gratia Actuali*, Aucto-  
re Cardinali de Lauræa. Stat pro magna  
commendatione Operis, nomen præferre  
Eminentissimi Auctoris, quem, ipsa seruitia  
Sanctæ Sedi insigniter præstita, extulere ad  
Purpuram. In hisce autem Opusculis Do-  
ctrinæ suæ Robur adijcere satagit ex Sacra-  
Scriptura, Sanctisque Patribus, & præser-  
tim Augustino, cuius discipulatum profite-  
tur. Et quod calamo proficitur, facto quo-  
que ipso explet; nam erga eos etiam,  
quos reijcit, implicite tantum absque  
nomine, aut censura (quod solemne erat  
Augustino) se gerit quàm modestissime; yn-  
de censuerim non parùm studiosis esse pro-  
futura, quandocumque prælo commissa  
euiurgentur. E Cænobio Minerarum pridie  
nonas Maij anno 1687. XXXI ICM

Fr. Iulius M. Bianchi Ord. Præd. Sacra  
Theologia Magister.




**I**N tribus Tractatibus de Deo quo ad Opera Prædestinationis, Reprobationis, & Gratiæ Actualis, ab Eminentissimo Cardinale de Laurea compositis, depræhendi flores, non è flaccido Tantalii horto lectos, qui nempe, dum nascuntur, consenescant, sed ad æternitatem omninò delectos, è Theologicæ soliditate Sanctorum Ecclesiæ Doctorum Augustini, & Thomæ. Quippè quibus sic totus hæret, ut eos, quanti sunt, totos imbibisse videatur. Mea non egent approbatione, cum maius omni laudum præconio sit Nomen, quod prætendunt in fronte. Nomen, inquam, Eminentissimi Scriptoris potius, quam muricis ostro, voluminum numero, Republicæ literariæ notissimi Romæ, è Conuentu Sanctæ Mariæ super Mineruam, Sexto idus Maij, anno Christiani orbis MDCLXXXVII.

Fr. Angelus Iulianus Ord. Prædic. Doctor Theologus, ac fidei olim Quæstor Genuæ.

*Imprimatur,*


Si videbitur Reuerendiss. P. Sac. Palatij Apost.  
Magistro .

*I. de Ang. Arch. Vrb. Vicefg.*



*Imprimatur.*

Fr. Dominicus Maria Putcobonellus Ord. Præd.  
Sac. Apostol. Pal. Mag.



# INDEX

## CAPITVM.

### OPVSCVLVM PRIMVM.

#### DE PRAEDESTINATIONE.

- Cap.1. **D**E nomine, & significato Prae-  
destinationis. fol.10.
- Cap.2. An ab aeterno facta sit praedestinatio a-  
liquorum ad gloriam. fol.18.
- Cap.3. An etiam ab aeterno facta sit prede-  
stinatio aliquorum ad gratiam. fol.22.
- Cap.4. An praedestinationes istae praeiudicent  
diuinae libertati, & potentiae. fol.29.
- Cap.5. An Praedestinatio ad gloriam praeiudi-  
cet libertati humanae. fol.39.
- Cap.6. An Praedestinatio ad gloriam facta  
sit praeiudicio Ada peccato, & ex massa dam-  
nata per originale. fol.50.
- Cap.7. An Praedestinatio ad gloriam facta sit

# I N D E X

<i>ex prauisione meritorum.</i>	56.
Cap. 8. <i>Quid alij Patres senserint de prae- destinatione, cum, vel sine intuitu merito- rum.</i>	68.
Cap. 9. <i>De qualitate meritorum, quorum in- tuitu à quibusdam asseritur facta praeesti- natio.</i>	78.
Cap. 10. <i>Quanam ex his sententijs de praeui- sione, vel non prauisione meritorum in- praeordinando, sit probabilior.</i>	83.
Cap. 11. <i>Quanta sit probabilitas sententiae do- centis praedestinationem factam esse ex me- ritis prauisis.</i>	94.
Cap. 12. <i>In quo resoluitur quaestio pro S. Au- gustino, &amp; soluuntur argumenta contra- ria.</i>	100.
Cap. 13. <i>An ex parte Praedestinatorum assi- gnari possit aliqua causa saltem congruen- tiae suae praedestinationis.</i>	118.
Cap. 14. <i>An Christi Domini Praedestinatio fue- rit causa Praedestinationis nostrae.</i>	129.
Cap. 15. <i>An saltem ex prauisione meritorum Christi facta fuerit hominum praedestina- tio.</i>	137.
Cap. 16. <i>De praecipuis Praedestinationis effe- ctibus.</i>	147.
Cap. 17. <i>De diuersis Praedestinatorum gradi- bus.</i>	153.
Cap. 18. <i>An Praedestinatorum numerus augeri possit, vel minui.</i>	161.
Cap. 19.	

Cap. 19. An Prædestinatorum numerus sit maior numero Reproborum . 169.

Cap. 20. Quomodo ergo saluatur, quod Deus vult omnes homines saluos fieri, si pauci sunt prædestinati? . 176.

Cap. 21. Animaduersiones quadam circa doctrinam de Prædestinatione . 189.

Cap. 22. An possint assignari aliquæ prædestinationis signa . 200.

8

ob

10

12

14

16

18

20

22

24

26

28

30

32

34

36

38

40


42

44

46

48

50



## OPVSCVLVM SECVNDVM.

DE REPROBATIONE  
MALORVM.

- Cap. 1. **D**E nomine, & significato Re-  
probationis, eiusque defini-  
tione. 212.
- Cap. 2. An malorum reprobatio ab aeterno sit  
facta. 217.
- Cap. 3. Quenam sit efficiens causa reprobatio-  
nis malorum. 219.
- Cap. 4. An Deus ex mera sua voluntate, sine  
motiuo culpa, homines reprobauerit, vel  
peccata reprobatorum efficaciter voluerit.  
fol. 224.
- Cap. 5. An ex motiuo peccati, & cuius, Deus  
aliquos homines reprobauerit. 233.
- Cap. 6. De effectibus reprobationis. 245.
- Cap. 7. An, & quanam assignari possit finis  
Dei in reprobatione hominum, & creatione  
eorum. 254.
- Cap. 8. An Deus ex supposito decreto reprobationis,  
aliquo modo concurrat ad peccata  
reprobatorum. 263.
- Cap. 9. In quo soluuntur potiora argumenta de  
Dei concursu ad hominum peccata. 276.
- Cap. 10. Cur Deus sciens, malos casuros, per-  
mit.

*mittit eos sentari, & cadere?*

290.

Capitulum. In Christus etiam pro reprobis mor-


rus it, & in quo eis profuit.

297.

DE REPROBATIONE  
MALORVM.

Cap. 1. *E nomine, & significata Re.*

Proprietăți ale funcției:



Cap. 7. 188, C. 906, 907, 908, 909, 910, 911, 912, 913, 914, 915, 916, 917, 918, 919, 920, 921, 922, 923, 924, 925, 926, 927, 928, 929, 930, 931, 932, 933, 934, 935, 936, 937, 938, 939, 940, 941, 942, 943, 944, 945, 946, 947, 948, 949, 950, 951, 952, 953, 954, 955, 956, 957, 958, 959, 960, 961, 962, 963, 964, 965, 966, 967, 968, 969, 970, 971, 972, 973, 974, 975, 976, 977, 978, 979, 980, 981, 982, 983, 984, 985, 986, 987, 988, 989, 990, 991, 992, 993, 994, 995, 996, 997, 998, 999, 1000

Downloaded by: [University of Twente](#) on 06/06/16 12:04:00

478 11/24/49

မိမိတို့အား ချီးမွမ်းသော အခန်း ၈.၄

DATE OF BIRTH 16-11-1950 AGE 51 SEX M

1955

အလကားအသုံးပြုမှုများကို ရှောင်ကြဉ်ရန်နှင့် အသုံးပြုမှုများကို ထိန်းချုပ်ရန် အရေးကြီးပါသည်။

275

979, 07/03/2017 11:01:01 AM

... ..

OPV.



## OPUSCULUM TERTIVM.

DE GRATIIS ACTVALIBVS, SEV DE  
DIVINIS AVXILIIS.

Cap. 1. **Q**uid intelligatur nomine Gratia  
actualis, seu Divini Auxilij.  
fol. 314.

Cap. 2. De varijs nominibus, ac speciebus gra-  
tiarum, seu auxiliorum. fol. 322.

S. 1. An detur; quæ, qualisue sit Gratia  
præueniens, fol. 323.

S. 2. An detur Gratia excitans, quæ, qualis-  
ue sit. fol. 329.

S. 3. An detur Gratia adiuuans, & quæ, qua-  
lisue sit. fol. 334.

S. 4. An detur, & quæ qualisue sit gratia  
cooperans, & an distincta ab adiuuante.  
fol. 341.

S. 5. An detur; quæ, qualisue sit gratia Sub-  
sequens, & an distincta ab adiuuante.  
fol. 346.

Cap. 3. An detur, qualisue sit Gratia efficax.  
fol. 351.

Cap. 4. An detur; & quæ, qualisue sit Gra-  
tia non efficax, communiter dicta suffi-  
ciens, fol. 357.

Cap. 5. An detur, & quid sit Gratia Sanans,  
seu



# C A P I T V M.

seu Medicinalis.

368

Cap. 6. An detur, & qua sit Gratia sine qua non, seu auxilium sine quo non, opus bonum fieri non potest, & an hac satis sit ad faciendum.

374.

Cap. 7. An detur, & qua sit gratia qua, seu auxilium quo opus bonum fit de facto.

382.

Cap. 8. Quinam secuti sunt Augustini sententiam de gratia qua, ac auxilio quo, seu efficiaci.

395.

Cap. 9. An Gratia actualis sit semper necessaria ad bene operandum.

401.

Cap. 10. Pro quibus operibus, & quibus conditionibus praeditis sit necessaria gratia.

409.

Cap. 11. De quibusdam specialibus Gratia diuina effectibus iuxta S. August.

419.

Cap. 12. An in Veteribus legibus necessaria fuerit gratia ad bene operandum.

425.

Cap. 13. Qualis fuerit, & modo sit gratia ista necessaria ad operandum cum effectu salutis opera.

437.

Cap. 14. An Gratia ista faciens facere, praeiudicet libero arbitrio.

460.

Cap. 15. Quomodo Gratia ista, seu Deus per eam, concurrat cum voluntate ad opus bonum.

473.

Cap. 16. An Gratia ista faciens facere, seu efficiax, detur singulis hominibus, & semper.

490.

Cap. 17.

# INDEX CAPITVM.

- Cap. 17. *Cur ista Gratia faciens facere, seu efficiat, non detur omnibus, & semper.* 503.
- Cap. 18. *An saltem gratia dicta sufficiens, concedatur omnibus hominibus, & in omni tempore.* 518.
- S. Vnic. An admittenda sit gratia sufficiens, contradistincta ab efficaci, & in quo consistat.* 519.
- Cap. 19. *An infidelibus omnibus Deus gratiam sufficientem ad credendum largiatur.* 540.
- Cap. 20. *An omnia infidelium opera sint peccata: vel saltem aliqua, & quae.* 574.
- Cap. 21. *An in omnibus infidelibus infidelitas sit peccatum; & an alia in eis adsint peccata; & quae.* 590.
- Cap. 22. *An Gratia sufficiens concedatur omnibus pro quolibet temporis momento.* 604.
- S. Vnic. Corollaria quadam ex precedentibus Capitibus illata.* 633.
- Cap. 23. *An aliqua gratia interdum cadat sub merito,* 647.





# PROLOQVIVM.

*Et mens Authoris.*



ANCTVS meus Pater Franciscus in cap. 9. Regule, Prædicatoribus præcipit, *ut annuncient vitia, & virtutes; penam, & gloriam cum breuitate sermonis; & rationem (tali Sancto dignam) tradit. quia, inquit, Verbum abbreviatum fecit Dominus super Terram.*

Cùm autem fuerim ab amicis rogatus, ut aliquando meam proferrem sententiam circa materias Prædestinationis, Reprobationis, & Gratiæ adeò controuersas; decreui tandem eis morem gerere, certò sperans, quòd iuxta Isaïæ 55. 12. vaticinium, *Verbum Domini non reuertetur vacuum.*

Et quoniam de his materijs innumera ferè, & proluxa extant disputantium volumina, quæ ob intolerabilem quorundam verbositatem, & impugnandi zelum, ab eis legendis quemcunque, etiam flemmaticum, Lectorem, deterrent; ut amicis præfatis satisfaciam, & Sancto Patri Francisco obediam, laconicè quantum fieri poterit, at non obscure, & sine concertatione, dicam pateticè quid de illis sentiam.

Authoris  
protestatio  
de breuitate.

Fateor, quòd ex Sacra Scriptura eruam, quæ habere potero argumenta, & ex Sacris Concilijs, quoad intrinsecam probabilitatem, vel euiden-  
tiam statuendam. Quòd verò ad extrinsecam, in  
omnibus sequar Sanctos Patres, & omnium præ-  
cipuum S. Augustinum, cuius doctrinam, & lau-  
darunt, & secuti sunt Romani Pontifices, Conci-  
lia plura; Doctores sancti permulti, & scholarum  
Principes. At quoniam Sancti Augustini senten-  
tia in his materijs est omnium ferè meorum dicto-  
rum fundamentum; non pigeat lectorem horum  
Opusculorum initio prælibare, quinam in specie  
Doctrinam S. Augustini de Prædestinatione, Re-  
probatione, & Gratia amplexati sunt, vt firmiter  
concludat euidentem eius firmitatem.

Omnium primò Innocentius Primus accipiens  
litteras à Concilio Mileuitano (in quo ipsemec  
Augustinus fuerat, & os, & calamus) de gra-  
tia liberante, & adiuvante, &c. respondit, *esse  
lineas plenas fidei, & totius Religionis Christianæ vi-  
gore formatas.*

Zosimus S. Augustini doctrinam contra Pela-  
gianorum errores maximè laudauit, eaque con-  
tra eos Antistitum omnium dexteris armauit.

Bonifacius Primus, quamuis doctissimus esset,  
tamen contra Pelagianorum errores Augustini  
poscebat responsa. Sic de hoc, & Zosimo loqui-  
tur S. Prosper. Sancti isti Pontifices, viuentis Au-  
gustino, eius doctrinam commendarunt.

Celestinus I. defuncto Augustino, audiens à S.  
Prospero, Massilienses contra eius doctrinam,  
de Prædestinatione, & Gratia obloqui, illum  
defendit, sic scribens ad Galliæ Episcopos, *Au-  
gustinum sanctę recordationis virum pro vita sua,  
atquè meritis in nostra communione semper habui-*  
*mus,*

Authoris  
declara-  
tio, quòd  
sequitur S.  
Augustinũ.

Romani  
Pontifices,  
qui doctri-  
nam Augu-  
stini com-  
mendarunt.

Innoc. I.

Zosimus.

Bonifacius  
I.

Celestinus  
I.

mus, nec unquam hunc sinistrae suspicionis saltem rumor aspersit; quem tanta scientia olim fuisse meminimus, ut inter Magistros optimos, etiam ante a meis decessoribus haberetur. Bene ergo de eo omnes in commune senserunt, utpotè qui ubique cunctis amoris fuerit, & honori. Undè resistendum talibus, quos malè crescere videmus.

Hormisda in epist. 70. quæ est ad Possessorem, in fine, ait, De Arbitrio tamèn libero, quod Romanæ, hoc est Catholica sequitur, & assenerat Ecclesia, licet in varijs libris B. Augustini, & maxime ad Hilarium, & Prosperum possit cognosci: tamèn in scriptis Ecclesiasticis expressa Capitula continentur; quæ si tibi desunt, & necessaria creditis, destinabimus, quamquam qui diligenter Apostoli dicta considerat, quid sequi debeat, euidenter cognoscat. Ex quibus duo habentur; & quòd doctrina hæc Augustini sit doctrina Romanæ Ecclesiæ, & quòd sit Apostoli doctrinæ conformis.

Ioannes 2. in epist. 3. inquit, Doctrinam S. Augustini in Ecclesia observari secundum Prædecessorum statuta.

Gelasius in Epist. 6. inquit, Augustinum, & Hieronymum esse lumina magistrorum.

Bonifacius 8. ut habetur in cap. unico de Reliquijs, & veneratione SS. in 6. statuit doctrinam Sanctorum Augustini, Ambrosij, Gregorij, ac Hieronymi tenendam; quia, inquit, per eam fulcitur Ecclesia, & nodi difficultatum solvuntur.

Ut autèm ad sæculum nostrum accedamus, Clemens Octauus, & Paulus Quintus, S. Augustini doctrinam sacramentam custodiri mandarunt in controuersijs coram se discussis in materia de auxilijs diuinæ gratiæ inter Patres ordinis Prædicatorum, & Patres Societatis Iesu; nam eam

Hormisda.

Ioan. 2.

Gelasius 2.

Bonifac. 8.

Clemens 8.

Paulus 5.

utrisque præfixerunt indeclinabilem regulam, ut ex Sancti Augustini doctrina sua depromerent argumenta; utrique enim eam doctrinam se tenere profitebantur, quamquàm in suis thesibus dissentirent. Et Pijssimi illi Pontifices 47. *Congregationibus* de hac materia coram se habitis patienter præfederunt; nempe Clemens 37. & Paulus 10.

Alexander  
7.

Alexander 7. pluries S. Augustini doctrinam in materia de gratia, & tutari, & commendare dignatus est. Primò cum damnatis *ab Innoc. X.* quinque Iansenij propositionibus, quidam Iansenistę conclamarent, Augustini doctrinam damnatam: Alexander sua Constitutione declaravit eas in sensu Iansenij fuisse damnatas. 2. cum in Breui ad facultatem Louaniensem directo, eam commendavit, quòd S. Augustinum in hac materia sequeretur. Idem fecerunt Clemens X. & feliciter regnans Innocentius XI.

Clemens  
10.  
Innocen-  
tius 11.

Alios omitto Pontifices, qui transeunter tantum Augustinum, vel eius doctrinam commendarunt contra Pelagianorum hæreses; nempe Sixtum III. Leonem Magnum, Felicem IV. qui, ut infra dicam, canones 24. Aurificani 2. Concilij ex Augustini libris ei Concilio præformavit, & Bonifacius confirmavit. Pelagium 2. Gregorium Magnum. Martinum I. Leonem IV. Nicolaum I. Urbanum V. & Martinum V.

Sixt. 3.  
Leo 1.  
Felix 4.  
Pelagius 2.  
Greg. Mag.  
Martin. 1.  
Leo 4.  
Nicolaus 1.  
Urban. V.  
Martin. V.

Concil. Mi-  
leuit.

Concil. E-  
phes.

Concilia plura, tam Generalia, quàm Nationalia omnium ferè nationum S. Augustini doctrinam de Gratia secuta sunt. Mileuitanum sub Innocentio I. 60. *Episcoporum*, in quo fuit etiam Augustinus. Ephesinum Generale 4. sub Cœlestino I. 200. *Episcoporum*, ad quod fuerat vocatus Augustin. ab Imperatore Theodosio magnifica

illa



5  
illa epistola, qua cum, ut magnum totius orbis  
Magistrum, euocat; sed morte præuentus est.

Concil. Rom. 70. *Episcoporum* sub Gelasio 1.  
Romanum 150. *Episcoporum* sub Martino I. Con-  
cil. Gallican. incerti loci, à quo Sancti Germa-  
nus, & Lupus missi sunt in Britanniam contra Pe-  
lagianos pro S. Augustini doctrina. Tolet. 8. Va-  
lentinum 3. Lingoniense, seu Tullenense. Arausi-  
canum 2. in quo canones 24. de Gratia, & libero  
Arbitrio ex Augustini libris decerpti, statuti sunt,  
& à Felice IV. fuerant præmissi, & eo mortuo à  
Bonifacio IV. confirmati, ut ex notis illius Con-  
cilij in fine.

Tandem Concil. Trident. Gener. postremum,  
suos de Gratia, & libero Arbitrio canones, ac do-  
ctrinam in capitibus præambulis comprehensam,  
ex doctrina, & verbis Augustini plerumque con-  
cinnauit, & aduersus hæreses tam nouas, quam  
antiquas stabiliiuit.

Sancti Patres plures eam secuti sunt, ut S. Hie-  
ronymus, S. Paulinus Nolæ Episcopus, S. Possi-  
dus Episcop. Augustini contubernalis, S. Prosper  
Aquitanus, S. Hilarius Arelat. omnes eius contra-  
nei. Post istos S. Germanus Episcop. Antisidior.  
S. Lupus Episcop. Trecent. S. Fulgentius cum om-  
nibus Africæ Episcopis, S. Cesarius Episcop. Arelat.  
Sancti Auitus, & Addo Episcopi Viennenses,  
& alij omnes, qui in 6. sæculo contra Faustum, ac  
alios Semipelagianos pugnarunt. Petrus Dia-  
conus, Cassiodorus, Facundus Episcop. Hermian.  
S. Isidorus Episc. Hispalen. S. Idelfonsus Episcop.  
Tolet. S. Amolo Archiepisc. Lugdunensis. S. Pru-  
dentius Episcop. Tricassinus contra Hincmarum  
Episc. Rhemensem, S. Remigius Archiep. Lug-  
dun. Venerabilis Beda Præbiter Anglus, S. An-  
selmus

Concil.  
Rom.  
Concil.  
Gallic.  
Concil. To-  
let.  
Concil. Va-  
lent.  
Concil. Lin-  
goniense.  
Concil.  
Arausi. 2.

Concil.  
Trid.

S. Hieron.  
S. Paulin.  
S. Possid.  
S. Prosp.  
S. Hilar.  
S. German.  
S. Lupus.  
S. Fulgent.  
Episcopi  
Africani  
S. Cesarius  
S. Auitus  
S. Addo  
Petrus Dia-  
con.  
Cassiodo-  
rus.  
Facundus.  
S. Isidorus.  
S. Idelfon-  
sus.  
S. Amolo.  
S. Pruden-  
tius.

S. Remigius.

Beda.

S. Anselmus.

Alius S. Remigius.

Haimo.

Rupertus Abbas.

S. Bernardus.

Abbas.

Petrus Venerabilis.

Scholastici Petrus Lombardus.

Albertus Magnus.

S. Thomas

S. Bonaventura.

Egidius Rom. Columna.

Alexander

Alensis

Gregorius

Ariminus.

Scorus

S. Vincen-

tius Ferre-

rius.

S. Antoni-

mus.

S. Thomas

de Villano

ua.

Cardina-

les Baro-

nus & Bel-

larm.

Perronius.

Vniuersita-

tes.

Parisiensis.

Salmaticensis.

Louaniensis.

Duacensis.

selmus Archiepisc. Cantuar. & alij multi. Remigius Antifidiorensis, Haimo Albelstradiensis, Rupertus Abbas, Petrus Venerabilis, S. Bernardus Abbas, qui vocat Augustinum *malleum hereticorum*, & *linguam totius Ecclesie*; qui omnes sequaces Augustini fuerant ante Scholasticos.

Item Augustini doctrinam secuti sunt præcipui Scholastici. Petrus Lombardus Archiep. Parisien. qui quatuor sententiarum libros pro maiori parte ex Augustini scriptis, & sæpissimè verbis, concinnauit. Albertus Magnus, D. Thomas Doctor Angelicus, D. Bonauentura Doctor Seraphicus, Egidius Columna Archiep. Bituricensis Doctor Fundamentalis, Alexander Alensis dictus Doctor irrefragabilis, Ioannes Duns Scotus Doctor subtilis, Gregorius Ariminensis dictus Doctor Authenticus, S. Vincentius Ferrerius. S. Antoninus Archiepisc. Florent. S. Thomas de Villanoua Archiep. Valentinus. Cardinales Baronius, Bellarminus, & Perronius: hi omnes S. Augustini doctrinam secuti sunt.

Tandem celebres multæ Vniuersitates S. Augustini doctrinam gloriantur se docere, ac propugnare, vt Parisiensis, Salmaticensis, Louaniensis, ac Duacensis. Religiones multæ, Dominicana, Franciscana, Augustiniana, & Carmelitana Discalceata, & Societas Iesuitarum pro maiori parte.

His ergo omnibus clarissimis Ecclesiæ Sanctæ Luminibus illuminatus, S. Augustini doctrinam in his materijs, præsertim de Prædestinatione & Gratia (cuius libros Deo duce ferè omnes ad compendiosum indicem pro meo solatio reduxi) amplexus, sequar, & vt alij sequantur maiori, quam potero facilitate, insinuabo. Difficillima tamèn, quæ



quæ in his Augustinus, ipseque Apostolus non declararunt, non tentabo, sed dicam, *hic sistendum*.

Religiones  
Dominica  
na, Franci-  
scana Au-  
gustiniana  
Carmelita  
na Discal-  
ceata.

Scias tamen, amice Lector, quòd in his Opusculis citavi interdum pro Sancto Augustino libros aliquos, qui post duodecim sæcula à morte S. Doctoris negantur esse illius opera; & dicuntur esse respectuè discipulorum S. Augustini; at continere doctrinas, Sancti Augustini menti conformes: Eorum seriem mox referam. Fateor, benigne Lector, me nolle contendere cum eiusmodi antiquitatis Censoribus, qui ei nituntur fundamento, quòd de eis S. Doctor in suis Retractionum libris, mentionem non fecerit, sicut de ceteris fecit. Sed cum iuxta Apostoli documentum Rom. i. 14. *Sapientibus, & insipientibus debitor sim*, rationem reddam, cur eos pro S. Augustino citaverim, eiusdemque libros esse crediderim, salua Modernorum Censorum pace, quibus detrahere non intendo.

Norum ergo sit tibi, Lector, quòd ego cupiens penitius S. Augustini mentem in suis doctrinis percipere, eius opera in partes undecim, præter Commentarium Psalmorum, in mea Basilicensi editione anni 1506. diuisa verbatim vsq; ad octauam legi, studui, & in compendium alphabeticum mea manu redegi; tres alias partes, & psalmorum commentarium, licet percurrerim, tamen ob alias publicas occupationes, & visus debilitatem, non potui compendio restringere.

In hac autem lectione, ac studio usus sum præfata

ta Basileensi editione in partes vndecim distributa: At in principio primæ partis adest epistola quædam commendatitia Fratris Conradi Leontorij Mulbrunnensis Cisterciensis Monachi, ex Posteuino, & ex Cisterciensium Chronicis doctissimi, eo tempore florentis, in cuius calce hæc verba leguntur. *Hos libros, quos edidit (S. Augustinus) in partes ab impressoribus vndecim distinctos, quorum ducentos triginta duos in octo primis partibus ipse retractauit nominatim, & correxit, tibi Lector beneuole exhibemus, &c.* Nunc sic discuro. Libri, qui in prima parte huius Basileensis editionis summatim pro S. Augustino referuntur, & in partibus vndecim distribuuntur, inter quos sunt illi asserti dubij, numerantur trecentidecem, & octo, præter tractatus 124. in Euangelium Ioannis, ac tractatus decem in primam Epistolam Ioannis, & homilias 18. in Apocalipsim, quæ tria in parte nona continentur. Si ergo recipiendi sunt illi tantum, quos retractauit, & reperiuntur in primis octo partibus; reliqui omnes, qui in numero 232. non inueniuntur nec in primis octo partibus, non essent censendi libri, & opera S. Augustini; quod nemo audebit dicere: huius ergo Religiosi viri, gestorum S. Augustini peritissimi, attestationsi, utpote antiquæ credidi, tamquam veraci, memor documenti Spiritus Sancti Ecclesiastici 8. 11. *Non te prætereant narratio seniorum: ipsi enim didicerunt à Patribus suis: quoniam ab ipsis discas intellectum, & in tempore necessitatis dare responsum.* Hic autem Religiosus Frater Conradus senior est, quia de anno 1506. viuebat, & scribebat. Ergo potui, & debui ei credere. At cum nullo Censore contendo.

*Libri, de quibus est quæstio, sunt infrascripti, &  
hoc ordine in Basileensi anni 1506  
editione dispositi.*

- |    |  |          |     |
|----|--|----------|-----|
| 1  | Liber 21. Sententiarum.                    | in parte | 3.  |
| 2  | Liber de Ecclesiast. dogmatibus.           | in parte | 10. |
| 3  | Liber de mirabilibus S. Scripturæ.         | in parte | 10. |
| 4  | Liber de Prædestinatione, & Gratia.        | in par.  | 10. |
| 5  | Liber de Prædestinatione Dei.              | in parte | 10. |
| 6  | Liber de Fide ad Petrum.                   | in parte | 10. |
| 7  | Liber de cognitione veræ vitæ.             | in parte | 10. |
| 8  | Liber de Salutaribus documentis.           | in parte | 10. |
| 9  | Liber de Spiritu, & anima.                 | in parte | 10. |
| 10 | Libri Hyppognosticon contra<br>Pelagianos. | in parte | 11. |





# OPVSCVLVM PRIMVM.

## DE PRAEDESTINATIONE.

### CAPVT PRIMVM.

*De nomine, & significato Prædestinationis.*

I.



Significa-  
tum verbi  
prædestino

Du. 1. quòd vocabulum hoc *prædestino* deriuatur à *præ*, quod significat *ante*, & *destino*, quòd significat, *decerno*, *statuo*, vel *definio*. Et sic actiuè prædestinare, nil aliud significat, quàm prædecernere, seu prædefinire, aut præ-

statuere de faciendo aliquid in futuro tempore. In quo sensu Paulus Apostolus vtitur hoc verbo *prædestino* ad Rom. cap. 1. & 8. in 1. ad Cor. 1. 2. & ad Ephes. 1. 5. Et quamuis etiam homines possint multa sua negotia prædecernere, antequàm ea faciant; tamen apud eos in vsu non est verbum hoc *prædestino*; sed apud Theologos tantum est in vsu, cùm de Dei decretis ab æterno factis circa creaturas loquuntur.

2. Adu. 2. quòd attenda natura vocabuli *prædestinationis* significantis præfinitionem, seu prædeterminationem alicuius rei faciendæ in futuro

tem-

tempore, oritur quæstio, an omnia decreta Dei de rebus faciendis circa creaturas, siue res sint bonæ, siue malæ malitia pœnæ, siue etiã malæ malitia culpæ procedentis à creatura, cum quæ permissiue concurrat Deus ( vt postea dicetur ) dicenda sint prædeterminationes; an verò illa sola decreta, quæ respiciunt bonum, siue supernaturale, siue naturale.

3. Adu. 3. quòd etiã si prædestinatio accipiatur, vt bona tantùm supernaturalia rationalis creaturæ respicit, adhuc tamen alię quæstiones insurgunt: An scilicet respicit tantùm gloriam, seu vitam æternam, ita quòd prædestinatio idem sit, ac electio ad gloriam ab æterno facta: an verò significet etiã media ad eam consequendam, vt sunt habitus supernaturales, seu bona opera, & auxilia gratiæ ad ea merita elicienda, ita quòd ad ista se extendat etiã prædestinatio.

4. Adu. 4. Quòd diuina prædestinatio de rebus faciendis quædam dici potest absoluta, quædam verò conditionis, seu ex suppositione ( vt loquitur S. Augustinus infra adducendus. ) Primi generis est illa, qua Deus, nulla supposita conditione creaturæ, decreuit ab æterno aliquid facere in tempore. v.g. decretum de creando Cœlos, terram, elementa, homines, animalia irrationalia, &c. Secundi generis sunt decreta illa de rebus faciendis supposita aliqua conditione creaturæ: v.g. supposita inobedientia Adami decreuit, eum esse mortalem, eijciendum è Paradiso; totum genus humanum naturali modo progenitum contracturum originale peccatum, incursum ignoratiam, concupiscentiam, cæteraq; incommoda, tam naturalia, quàm moralia: itẽm decretum incarnationis diuini Verbi, saltem in carne passibili, vt docet

Quæstio de  
extensione  
verbi præ-  
destinatio.

An præde-  
stinatio re-  
spiciat so-  
lam glo-  
riam, an  
aliud.

Prædesti-  
natio, quæ-  
dam ab-  
soluta, quæ-  
dam ex sup-  
positione.

Earum ex-  
empla.

Scotus ; vel absolutè , vt docet cum alijs Sanctus Thomas . De vtroque prædestinationum genere loquemur .

Prædestinatio significat decretum Dei de bono in creatura rationali faciendo.

5. Dico 1. Vox *prædestinatio* in Sacra Scriptura omnium primò , ac principaliter significat aliquem diuinæ voluntatis actum , seu decretum , quo Deus statuit ab æterno bonum aliquid supernaturalè rationali creaturæ conferre .

De Christo verificatur.

6. Pròb. 1. ex vsu , & praxi Sacræ Scripturæ , in qua omnis prædefinitio , ac prædeterminatio facta à Deo æternaliter de rebus futuris vocatur *prædestinatio* , & res prædefinita dicitur prædestinata . Primum exemplum sit de omnium maximo negotio , nempe de incarnatione filij Dei , ac de Christo ad filiationem Dei prædefinito ab æterno ( siue antè , siue post præuisionem peccati Adæ , nunc parum refert , quia dicitur postea . ) De eo inquit Paulus Rom. 14. *qui prædestinatus est filius Dei in virtute secundùm Spiritum sanctificationis ex resurrectione mortuorum Iesu Christi .*

De sanctis, & electis verificatur

7. Secundus locus sumitur ex Rom. 8. 29. vbi de electione Sanctorum ab æterno à Deo facta ( siue ante , vt teneo , siue post præuisa merita ) sic habet ; *nàm quos præsciuit , & prædestinauit conformes fieri imaginis filij sui ; vt sit ipse primogenitus in multis fratribus .* Deindè Dei ordinem circa electorum , seu prædestinatorum regimen exponens , dicit , *Quos autèm prædestinauit , hos & vocauit , quos autèm vocauit , hos & iustificauit , quos autèm iustificauit , illos & glorificauit ?*

Alius locus de prædestinatione Incarnationis

8. Tertius locus huius significati desumitur ex 1. Corint. 2. 7. vbi iterum loquens de mysterio Incarnationis , ineffabili Dei Sapientia patrandò , & ab æterno prædefinito , inquit . *Loquimur Dei sapientiam in mysterio , quæ abscondita est , quam*

*præ-*



*prædestinavit Deus antè sæcula in gloriam nostram; quam nemo Principum huius sæculi cognovit. Si enim cognovissent, numquàm Dominum gloriæ crucifixissent.*

9. Quartus locus desumitur ex Ephe. 1.5. ubi de electione Sanctorum ab æterno facta sic loquitur. *Benedictus Deus &c. Qui elegit nos in ipso (Christo) antè mundi constitutionem, ut essemus sancti, & immaculati in conspectu eius in Charitate; qui prædestinavit nos in adoptionem filiorum per Iesum Christum in ipsum, secundum propositum voluntatis suæ &c.* ergo ex Sacro textu habemus, quòd vox ista *prædestinatio* actiue sumpta significat actum diuinę voluntatis, quo ab æterno decreuit aliquid facere in tempore sibi beneplacito.

10. Et S. Augustinus vocat prædestinationem, non solum decretum diuinę voluntatis, quo Christum elegit ad filiationem, & redemptionem &c. ac electionem Sanctorum ad gloriam, & gratiam, seu media ad eam, ut passim patebit: sed etiam omne aliud Dei decretum de quolibet alio bono in tempore faciendo. Adducam aliquot exempla. In Euang. Ioann. tract. 105. & 6. explicans loca quędam Scripturę, in quibus legitur Deum fecisse aliqua, quę tunc temporis facta non erant, sed postea facta sunt, inquit ea intelligi de æternis decretis, quibus decreuit facienda, & appellat *prædestinationes*, sic. *Qui certis, & immutabilibus causis omnia futura prædestinavit, quod facturus est, fecit.* Item. *Illud prædestinandum erat, quod nondum erat, ut sic suo tempore fieret, quemadmodum antè omnia tempora prædestinatum erat, ut fieret.* Et explicans illud Saluatoris, *Pater clarifica me claritate, quam habui priusquam mundus fieret*, Augustinus dicit, *Clarifica me, sicut tunc, ita,*

Alius locus de electione Sanctorum.

Ex Augustino omne decretum Dei æternum de alio quo faciendo dicitur prædestinatio.

Exemplum ex S. Augustino.

*& nunc; sicut tunc prædestinatione, ita & nunc perfectione. Fac in mundo, quod apud te fuerat ante mundum. Alia eius loca, quæ ad idem sunt, insequentibus conclusionibus adducam.*

11. Dico 2. Hæc vox *prædestinatio* actiue sumpta secundum S. Augustinum significat omnia decreta diuinæ voluntatis, quibus ante mundi creationem, & ante omnia secula decreuit aliqua facere, siue spiritualia, ac supernaturalia, siue corporalia, ac naturalia.

12. Prob. 1. de spiritualibus, ac supernaturalibus, ex celebri illa definitione Augustini in lib. de bono Persener. cap. 14. *Prædestinatio est præparatio, & præscientia beneficiorum Dei, quibus certissime liberantur, quicumque liberantur.* Et S. Fulgentius in lib. ad Monimum, ait; *Hæc autem omnia, idest, & vocationis nostræ initia, & iustificationis augmenta, & glorificationis præmia, in prædestinatione Deus semper habuit, quia & in vocatione, & iustificatione, & in glorificatione sanctorum gratia suæ opera futura præsciuit.* Et infra. *Quos prædestinauit ad gloriam prædestinauit ad iustitiam.*

13. Et certè nimis prolixum esset asserre omnia S. Augustini loca, quibus decreta diuinæ voluntatis de gloria danda electis, & de gratia, meritis, ac medijs pro consecutione illius, appellat prædestinationes: & ne longius vageetur curiosus lector ei sufficeret legere tres Augustini libros, nempe primum de *Prædestinatione sanctorum*; Secundum, qui ad hunc sequitur, sed inscribitur de *bono Persenerantia*; & alium paruulum quinque parua, sed succosa capita continentem, qui prætitulatur de *Prædestinatione Dei*. In his enim libris, inter cætera, totus est Sanctus Doctor in explicando,

Omnia decreta æternæ diuinæ voluntatis sunt prædestinationes

S. August. dicta de prædestinatio. etiam ad gratia &c.

Tres Augustini libri pro Prædestinationis significato legendi, & qui.



do, quòd, & quomodò Deus aliquos elegerit ad gloriam, & ad gratiam, seu merita, & media, ac ad perseuerantiam, quibus peruenitur ad gloriam; & has omnes voluntates, seu decreta semper vocat *prædestinationes*.

14. Prob. modò, quòd alia omnia decreta de rebus alijs faciendis appellet *Prædestinationes*. Ratio autem eius vniuersalis ea est, quia quæcunque Deus facit in tempore, siue se solo, siue cum creaturis, iam ab æterno decreuerat. Ita in lib. 6. de Gen. ad lit. c. 11. vbi loquens de Ezechia, ait, *id vtique faciens Deus, quod antè constitutionem mundi se facturum præsciebat, & in sua voluntate seruabat*: & in lib. 22. de Ciuit. Dei, c. 12. inquit, *Dicimus, fiet, si Deus voluerit: non quia Deus nouam voluntatem, quam non habuit, tunc habebit, sed quia, quod ex æternitate in eius immutabili præparatum est voluntate, tunc erit*. Si ergo ab æterno destinauit omnia, quæ in tempore facit, ac facturum est; omnia illa decreta, seu destinationes, meritò dicuntur *prædestinationes*. Et in lib. de bono perseuer. c. 17. ait, *In sua, quæ fallit, mutarique non potest præsentia, opera sua futura, disponere, id omnino, nec aliud quidquam est, prædestinare*.

15. Immò decreta etiam damnationis impiorum ob præuisa eorum demerita, sepius appellat *prædestinationes*, quia reuera sunt destinationes ab æterno sancitæ de rebus in tempore faciendis, vnde in quæst. 40. super lib. Iudic. ait, *inimici omnino pænis gehennæ prædestinati sunt, vbi erit fletus, & stridor dentium*. In lib. de peccat. mor. c. 17. inquit, *siuè damnandi prædestinati sunt propter iniquitatem superbiæ; & in lib. de Perfect. iustitiæ c. 13. ait. In hominum genere, quod prædestinatum est*

Alia omnia decreta ex Augustino sūt prædestinationes.

Clara Augustini de hoc significatu loca.

Etiam decreta damnationis vocat prædestinationes.

Multa Au-  
gustini di-  
cta de hoc  
significato.

est ad interitum, super hoc respexit Dei præscientia, protulitque sententiam. Alia plura suppetunt eiusmodi Augustini loca, ut lib. 21. de Ciuit. cap. 24. de reprobis inquit, qui licet in hac vita sint constituti, tamen prædestinati sunt in ignem æternum ire cum Diabolo. Et alibi sæpè: Tamen quia communiter Ecclesia vocem prædestinationis accipit in bonum, idest, quatenus significat electionem Sanctorum ad gloriam, & gratiam, & de hac sum locuturus, non curo alia loca adducere.

Ex Augu-  
stino Præ-  
destinatio  
alligatio-  
nis, & con-  
ditionis.

16. Dico 3. ex S. Augustino Diuina Prædestinatio quædam est alligationis, & potentia; quædam verò conditionis, & iustitiæ: ita in lib. de Prædestinatione Dei cap. 1.

Sensus, &  
mens cla-  
ra Augusti-  
ni prædesti-  
nationis  
alligatio-  
nis, & po-  
tentia.

17. Prob. & declaratur: S. Augustinus in præfato capite hæc habet. In primis nefas est dicere, Deum aliquid, nisi bonum prædestinare. Sed prædestinationum aliæ sunt alligationis, aliæ conditionis: istæ sunt iustitiæ; illæ potentia. Declarat deinde utrasque sic. Creauit Deus Cælum, & Terram; Solem, & Lunam; diem, & noctem. Prædestinauit insuper, ut Cælum semper moueretur; Terra immobilis circumuoluenti Cælo, loco centri haberetur. Sol, & Luna diei, noctique præessent, dies, & nox certis temporibus vicissim præessent. Hæ prædestinationes potentia sunt, & alligationis; vnumquodque enim eorum, quæ prædiximus, sic alligatum est suo operi per prædestinationem, ut ab eo dimoueri non possit. Postea declarat prædestinationes iustitiæ, seu conditionis, sic. Creauit Deus hominem, & prædestinauit, ut si obediens esset, ac à gustu vetiti pomi se abstineret, in vita permaneret; sin autem inobediens esset, sententiam mortis subiret. Hæc prædestinatio conditionis est, & iustitiæ. Et rationem assignat, dicens, Non enim Deus antè casum homi-

Prædesti-  
natio con-  
ditionis, &  
iustitiæ.

*nis sic eum per potentiam alligationis prædestinavit morti ut necesse esset eum mori; sed sub ea conditione, si peccaret: quia igitur peccavit; iustum erat, ut moreretur.*

18. Itaque omnia illa decreta absoluta, quibus Deus ab æterno statuit aliqua futura, siue ab eo solo, ac immediatè, siue cum creaturarum concursu facienda, in Augustini, & vera sententia, appellantur prædestinationes potentia, & alligationis: absolutè futura sunt ea, quæ decreta sunt: illa verò decreta, quæ Deus fecit ab æterno, supposita aliqua conditione ex parte creaturæ, quæ non fecisset, nisi conditio illa præuisa esset ponenda à creatura; dicuntur conditionis, quia ea, quæ statuta sunt per talia decreta supponunt eam conditionem. Priora dicuntur Potentia, quia à sola diuina Potentia, Deo sic volente, pendent; & dicuntur alligationis, quia absolutè nullo habito ad creaturam aliquam respectu futura sunt. Posteriora verò dicuntur conditionis, quia dependent ab aliqua conditione statuta sunt: At nota, quòd ista quoque decreta, quæ facta sunt supposita conditione, immutabilia sunt, nam post conditionem alligata sunt.

19. Eiusmodi autem sunt prædestinationes, seu decreta, quibus statuta sunt mala omnia, quæ humano generi ex Adæ peccato acciderunt, ut mortalitas, eiectio è terrestri Paradiso, amissio originalis iustitiæ, ignorantia, concupiscentia, incurfus originalis peccati, Cæli clausio; filij Dei incarnatio, saltèm in carne passibili, & cætera omnia, quæ supposito Adæ peccato acciderunt, quæ, eo non existente, non accidissent.

Hinc oriuntur postea difficillimæ quæstiones; An aliquorum, & non omnium hominum electio

Regula generalis talium decretorum.

Omnia mala quæ ex Adæ peccato acciderunt ex conditione decreta sunt, & aliqua bona.

Multæ que-  
stiones or-  
tæ de Præ-  
destinatio-  
ne condi-  
tionis.

ad gloriam facta sit à Deo ex conditione peccati Adæ, quo non posito omnes fuissent electi. Secunda, An etiam supposito, vel non supposito Adæ peccato, electio ad gloriam facta sit ex conditione præuisorum meritorum, sicut reprobatio aliorum facta est ex conditione præuisorum demeritorum. Tertia, An electio, seu prædestinatio ad fidem, seu vocationem adultorum facta sit ex suppositione, seu conditione consensus naturalis. Quarta, An prædestinatio, seu electio ad gratiam efficacem pro operibus meritorijs præcepti, aut consilij, aut etiam supererogationis facta sit ex suppositione, seu conditione, quod homines consentiant illuminationibus, ac inspirationibus sufficientibus: Et aliæ similes quæstiones, quæ tanto rumore, calore, ac labore, sine ullo fructu meo videri disputantur: etenim hæc omnia in Dei præscientia prædefinita, ac prædestinata sunt ab æterno. Sed disputatur solum à Theologis, an sint prædefiniciones, seu prædestinationes alligationis, an conditionis; si potentia, an iustitiæ: Quæ quidem Deo duce cum S. Augustino soluemus. Argumenta verò, quæ contra æternas istas prædestinationes militant, si acceptionem personarum, vel necessitatem imponant, in suis locis soluentur negativè.

## C A P. II.

*An ab æterno facta sit prædestinatio aliquorum ad gloriam.*

10. **A**Du. quod sicut Christus docuit *Matth.* 20. & 22. *multi sunt vocati, pauci verò electi, & isti dicuntur, & sunt prædestinati ad glo-*

Sensus quæ-  
siti.

gloriam, sic enim à Saluatore vocantur, vt ex toto textu Euangelico patet; ideò de istis electis, seu prædestinatis loquimur, quando facta fuit eorum electio, seu prædestinatio; num in tempore, puta in creatione mundi, vel ante, & ab æterno; supponitur autem de fide, quòd facta sit; nam, Rom. 8. dicitur, *quos prædestinauit, hos & vocauit, quos vocauit, illos & iustificauit, quos autem iustificauit, illos & glorificauit;* & alibi sæpè, vt infra.

21. Adu. 2. quòd nunc quærimus de præcessione destinationis in ordine ad tempus, an scilicet, vt dixi, facta sit in tempore, vel ante omnia tempora, & ab æterno: postea loquemur de præcessione ad motiua, seu meritã, & de præcessione eius ad alia decreta circa naturalia, ac supernaturalia creaturæ rationali conferenda, His positis

22. Dico, Prædestinatio, seu electio aliquorum, siue hominum, siue Angelorum ad gloriam, non in creatione mundi, vel alio tempore facta est, sed ab æterno.

23. Prob. 1. ex Ephes. 1. 4. *Benedictus Deus, & Pater Domini nostri Iesu Christi &c. sicut elegit nos in ipso antè mundi constitutionem, vt essemus sancti, & immaculati in conspectu eius in Charitate. Qui prædestinauit nos in adoptionem filiorum per Iesum Christum secundum præscientiam voluntatis suæ &c.*

23. Neque huic textui repugnat assertum à Saluatore Matt. 25. 34. quòd in die iudicij dicet electis, *Venite benedicti Patris mei, Possidete paratum vobis regnum ab origine mundi,* quasi præparatio, seu prædestinatio, ac electio Sanctorum, facta sit, quo tempore factus est mundus, nam, respondetur, quòd textus Arabicus legit *antè constitutionem mundi.* Et Apostolus Paulus à Spiritu Sancto edoctus de Euangelio, vt ipsemet dicit

Prædestinatio ad gloriam, ab æterno facta.

Ex Sacra. Scriptura.

Responsio ad tacitam obiectionem.

Gal. 1. 12. non dixisset ante mundi constitutionem, nisi sic legendum esset Christi dictum Matt. 20. idèoque Sancti Patres, & Ecclesiæ Doctores, ceterique Theologi hoc modo legunt, & intelligunt.

S. August.

25. S. August. in eum locum ad Ephes. v. glosa quoque notauit, inquit. *Quomodo enim eligeret eos, qui nondum erant, nisi prædestinando; elegit ergo prædestinando nos.* Idem dicit in tract. 68. in Ioan. & nunc habetur etiam in can. In Domo 11. De Penit. dist. 4. *mansiones multæ comparatæ sunt in prædestinatione, sicut ait Apostolus, elegit nos ante mundi constitutionem prædestinando; parando autem in operatione.*

S. Ioan.  
Chrysost.

26. S. Ioannes Chrysostomus hom. 34. in Gen. ait, *Vide bonitatis Dei excellentiam, quanta erga nostrum genus misericordia usus sit, ut ante iacta fundamenta mundi nobis regni Cælorum fruitionem parare dignatus sit.* Et in hom. 1. in Epist. ad Titum, inquit, *ostenditur ex his nobilitas nostra, quod non nuper, sed olim, atque ab ipsis initijs dilecti sumus.*

S. Hieron.

27. S. Hieron. in citatum Matt. locum, ab origine mundi, ait, *Hoc iuxta præscientiam Dei accipiendum, apud quem futura iam facta sunt: & in locum cit. ad Ephes. c. 1. inquit. Quod autem electos nos, ut essemus sancti, & immaculati coram ipso, hoc est Deo, ante fabricam, mundi testatus est, ad præscientiam Dei pertinet, cui omnia futura, & antequàm fiant vniuersa sunt nota.* Et in alio Commentario eiusdem Epist. & capitis dicit, *elegit nos ante mundi constitutionem, quia nihil nouum est ei, apud quem omnia erant, antequàm fierent.* Et ut occurrat Origenistis, subdit; *Non ut quidam Hæretici putant, animas ante in Cælo fuisse creatas. Quasi dicat, omnia ab æterno decreta fuisse, ut essent,*

Ante mundum ab æterno facta est prædestinationis.



essent, non verò facta fuisse ex tunc.

28. Theodoretus in cit. locum ad Ephes. ait, sicut, elegit nos in ipso antè mundi constitutionem; ab initio enim antè constitutionem mundi ea quæ ad nos pertinebant præsciuit, & præsciuit. Docet etiam quam de causa elegerit, scilicet, ut essemus sancti, & immaculati in conspectu eius. Et quomodo elegit eos, qui nondùm nati erant? in Charitate qui prædestinavit in adoptionem filiorum per Iesum Christum in ipsum, &c.

Theodore  
tus.

29. S. Bernardus serm. 2. de Cantico Ezechia, ait. Generatio celestis est æterna prædestinatio, qua Deus prauidit eos conformes fieri imaginis filij sui, ex his nullus in peccato persenerat; quia nouit Dominus, qui sunt eius, & propositum Dei manet immobile. Et serm. 78. in Cantic. inquit, Triæ esse quædam, quæ sibi vendicat author Deus, præuenitque in illis omnes auxiliores, & cooperatores suos; Prædestinationem, creationem, & inspirationem. Quorum prædestinatio, non dico ab exortu Ecclesiæ, sed nec à mundi principio quidem principium habuit, non denique à tempore illo, vel illo, sed antè tempora est. Porro creatio cum tempore, inspiratio iam in tempore fit, ubi, & quando vult Deus. Sanè secundum prædestinationem numquam Ecclesia electorum penes Deum non fuit.

S. Bernar-  
dus.

30. Confirm. ex Act. Apost. c. 13. 48. ubi habetur, quòd Antiochiæ Pisidiæ prædicante Paulo, crediderunt quotquot erant præordinati ad vitam æternam. Omnes autem interpretes intelligunt de æterna præordinatione, seu prædestinatione.

Ex Act. A-  
post.

31. Præterea ex perfectione cognitionis diuinæ, nam ex psal. 138. habetur. Ecce tu Domine cognouisti omnia nouissima, & antiqua, inter nouissima sunt electi, & prædestinati, qui Deo fruuntur, ideò

Argum. ex  
perfectio-  
ne Dei.

ait



ait Apostolus, *novit Dominus, qui sunt eius*. At non posset eos ab æterno noscere tales, nisi ex tunc tales destinasset.

Argum. ex  
generali  
doctrina  
decretorū  
Dei ex Au-  
gust.

32. Prob. insuper ex generali doctrina decretorum omnium Dei de faciendis circa creaturas, quæ, ut ex tract. de Voluntate Dei suppono, ab æterno omnia facta sunt. Vnde Augustinus in Ioan. tract. 105. ait, *Qui certis, & immutabilibus causis omnia futura prædestinavit, quod factururus esset fecit*. Et explicans illud Christi dictum, *Clarifica nunc me Pater Claritate, quam habui priusquam mundus fieret*, dicit; *ad quid hoc valet, quod ait, & nunc clarifica me, sicut tunc; ita & nunc; sicut tunc prædestinatione, ita & nunc perfectione, & in mundo, quod idem apud te fuerat antè mundum; fac in tuo tempore, quod ante omnia tempora statuisti*. Alia loca ommitto. Concors enim est Patru, ac Theologorum sententia; quòd omnia, quæ facit, ac faciet Deus in tempore, ab æterno decrevit ea facere, sed pro tali tempore.

Communis  
est hæc do-  
ctrina.

Nec puto necessarium alios adducere D. D. pro hoc puncto, quòd prædestinatio aliquorum ad gloriam ab æterno sit facta: Omnes enim Scholastici, ut S. Thomas, S. Bonau. Alensis, Scotus; & postea moderni omnes eam docuerunt duce S. Augustino; neque de hoc est difficultas, sed de alijs mox discutiendis: idèò sit

### C A P V T III.

*An etiam ab æterno facta sit prædestinatio aliquorum ad gratiam.*

33. **A** Du. 1. quòd licet ex duobus præcedentibus capitibus colligi possit affirmati-

ua solutio huius quesiti ex generali principio , quòd omnia decreta Dei de rebus faciendis in tempore, facta fuerint ab eterno, sed exequenda in tali tempore: nihilominus pro clariori notitia harum prædestinationum de rebus humanam, vel Angelicam libertatem concernentibus , opere prætium existimaui, distinctè, ac specialiter de eis loqui .

34. Adu.2. quòd licet nomine gratiæ intelligatur quodcumque bonum, seu beneficium, siue naturale, siue supernaturale gratis, & sine intuitu meriti concessum homini, vel Angelo à benignitate, ac liberalitate Dei; tamen hic non loquor de gratia sic generaliter sumpta, sed de gratia, & gratijs supernaturalibus, quas Deus conferre dignatur hominibus, quæ vel sunt media ad vitam æternam, vel sunt ipsamet vita æterna, quæ, vt postea dicam, dicitur *gratia pro gratia*.

35. Adu.3. quòd vocabulum hoc *gratia*, vt est commune ad omnia dona supernaturalia, siue habitualia, siue actualia, quæ à Deo creature rationali conferuntur, sic posset definiri, est *Donum Dei gratis datum creature rationali disponens eam ad æternam beatitudinem, & adeptio ipsiusmet beatitudinis*. Et sic sub isto vocabulo *Gratia*, continentur habitus Theologici, Fides, Spes, & Charitas, ipsaque habitualis Gratia sanctificans, si ponatur distincta à Charitate: sub eodem continentur septem dona Spiritus Sancti; nouem gratia gratis datæ; octo beatitudines; continentur quoque lumen gloriæ, ipsaque Dei visio, ac fructio: itèm quatuor corporis beatitudines, impassibilitas, splendor, subtilitas, & agilitas. Sub eo continentur virtutes morales, si ponantur infusæ; itèm donum contemplationis infusæ, immò & acquisitæ,

Ratio cur  
specialiter  
de hac re  
loquitur  
Author .

Gratiæ no-  
men Vni-  
uersale,  
quid signi-  
ficat .

De qua gra-  
tia est hic  
sermo .

Definitio  
Gratiæ, vt  
communis  
ad omnia  
dona super-  
naturalia .

Omnia su-  
pernaturalia  
collata  
creature  
sunt gra-  
tiæ .

*Omnia auxilia actualia.*

*Diuerſa auxiliorum nomina.*

*Difficultates multę, quę occurrunt in his prædeterminationibus ad gratias.*

sitæ, ac etiam meditationis, cæterarumque deuotionum, ac vnionum cum Deo species; & tandem sub eo vocabulo tamquàm præcipuum analogatum, de quo tanta fuit cum Pelagianis, ac Cælestianis, Augustini disputatio, continentur omnia diuina auxilia, quæ necessaria sunt homini ad benè, aut meritoriè operandum in ordine ad salutem; quæ ratione effectuum diuersis nominibus appellantur; nempe illuminationes respectu intellectus, & inspirationes respectu voluntatis; vocationes, excitationes; auxilia, adiuuantia; sufficientia; & efficacia ad meritoriè operandum, ac vsque in finem perseuerandum. De quibus singillatim erit sermo in proprijs locis. De his ergo omnibus gratiarum generibus, quæ à Deo hominibus conferuntur, nunc est sermo, an scilicet de his omnibus respectiuè dandis factæ iam fuerint prædestinationes ab æterno.

36. Adu. quòd tam circa prædestinationes ad gloriam, quàm circa prædestinationes ad præfatas gratias occurrunt multæ graues, ac inextricabiles difficultates, nempe an factę sint cum, vel sine præuisione meritorum: et si sine, quomodo non detur acceptio personarum, quæ cum fide Catholica in Deo non est admittenda. Si autem cum præuisione meritorum, quomodo saluatur ratio gratiæ, quę si datur ex meritis, vt ait Apostolus, non est gratia. Secunda difficultas, quomodo saluatur libertas, cum prædestinationes istæ factæ sint ab æterno, & Dei decreta non possint frustrari; & propterea, quomodo voluntas remaneat libera, si nequeat resistere Dei voluntati, & facere contrarium eius, quod prædestinauit Deus. Tertia difficultas, circa gratias æquales, & opera meritoria. etiam si diceretur, quòd ex præuisione

ne conditionata consensus hominis ad auxilium offerendum tempore congruo, Deus decreuerit, seu prædestinauerit dare efficax auxilium, quomodo saluatur libertas hominis, qui in tempore, hic, & nunc vult operari; si decretum illud iam, ab æterno factum nequit mutari, aut frustrari. Hæ, ac similes difficultates, quæ omnium Theologorum, ipsiusque Augustini torserunt ingenia, in proprijs capitibus distinctè, & pro viribus, S. Augustino Duce, discutientur; & si non ad sufficientiam, tamen ad sobrietatem captiuando intellectum ad obsequium fidei.

37. Dico ergo, omnium præfatarum, & aliarum similium gratiarum prædestinationes pro creaturis, quibus conferuntur, ab æterno factæ sunt.

38. Prob. generali ratione, vt in præcedenti capite; omnia agibilia à Deo siue à se solo, ac immediatè, siue cum creaturæ cooperatione ab æterno destinata, decreta, & definita sunt; ergo, cum collationes harum gratiarum sint potiora, imò potissima Dei agibilia, non in tempore, sed ab æterno decreta, & destinata sunt. Anteced. pluribus medijs probatur à S. August. *1. ex lib. 10. de Ciuit. c. 12. quæ futura sunt tempora, iam in conspectu Dei facta sunt. In lib. 11. c. 21. de diuina rerum scientia multa dicit, præsertim hæc. Dum Deus vidit, quia bonum est; quod nisi vidisset antequàm fieret, non utique fieret: docet bonum esse, non discit. Hoc dicit contra Platonem; & infra ait. Non, more nostro Deus quod futurum est prospicit, vel quod præsens est aspicit, vel quod præteritum est respicit, sed alio modo à nostrarum cogitationum consuetudine, longè, altèque diuerso. Ille quippè non ex hoc in illud cogitatione mutata; sed omnino immutabiliter*

Omnes in proprijs locis discutientur.

Omnium gratiarum prædestinationes ab æterno factæ.

Ex S. August.

Multa S.  
August. lo-  
ca ad idē.

videt; ita ut in illa quidem, quæ temporaliter sunt, & futura non sunt, & præsentia iam sunt, & præterita iam non sunt: ipse verò hæc omnia stabili, ac sempiterna præsentia comprehendit; nec aliter nunc, aliter antea, aliter postea; quoniam non sicut nostra, ita quoque eius scientia trium temporum, præsentis, præteriti, vel futuri varietate mutatur. Neque enim eius intentio de cogitatione in cogitationem transit: in cuius incorporeo contuitu simul adsunt cuncta, quæ nouit. Si igitur ab æterno Deus cognoscit quæ futura sunt in tempore; cum hæc scientia futurorum sit visionis, & futura ista ab ipsomet Deo facienda sint, ab ipsomet habent determinationem, cum à numero possibilium secernuntur, & in numero futurorum ponuntur; & proinde si ab æterno præuisa; ab æterno quoque, immò in aliquo antecedenti rationis signo (ut in suo loco dicam) decreta, ac definita, & sic antè tempus decreta, ac prædestinata sunt.

39. Prob. 2. etià de ijs gratuitis, ac supernaturalibus, quæ à Deo, concurrente creatura, fiunt (de quibus fortasse est difficultas) v. g. consensus in vocatione alicuius ad fidem; quælibet operatio meritoria, siue præcepti, siue consilij, siue supererogationis; perseuerantia finalis in statu gratiæ; dico, quòd cum hæc omnia fieri non possint sine Dei gratia, & adiutorio (ut postea probabo) dico inquam, quòd de his omnibus gratijs, & adiutorijs, iam ab æterno factæ sunt prædestinationes. Nam siue dicatur, quòd decreto absoluto, & sequente scientiam simplicis intelligentiæ Deus statuit gloriam, & media ad eam, nempe merita ex donis gratiæ elicienda dare ali- quibus, & per consequens perseuerantiam usquè in finem; vel ut alij volunt, Deus ex scientia

In omni  
sententia  
prædestina-  
tiones ad  
omnes gra-  
tias faci-  
sunt ab æ-  
terno.

con-

conditionata meritorum elegerit aliquos ad gloriam, & ex eadem scientia consensus ad illuminationes, & inspirationes dandas eisdem in temporibus congruis statuit, ac decreuit dare gratiā ad talem cōsensum; semper sequitur, quòd decreta illa, ac prædefinitiones diuinæ voluntatis alterutro modo factę, ab æterno factę sint. Et consequenter prædestinatę, prædecretę, ac prædefinitę sint omnes istę gratiarum collectiones: quæ autem scientia præcedente factę sint istę prædestinationes gratiarum, dicam postea.

40. Prob. vltteriùs ex S. August. lib. de bono Persener. cap. 19. *Quæ dantur à Deo, & ea se daturum præsciuit; profectò prædestinavit.* Sed non solum gloria, verum etiam gratia, & omne genus gratiæ à Deo datur; quia dicitur, *gratiam, & gloriam dabit Dominus psal. 83.* Et Paulus plusquam centies docet, à Deo conferri creaturis rationalibus omnia gratiarum genera: Igitur præsciuit, se daturum; at non poterat præscire, nisi prædecreuisset, seu prædestinasset facere. Et in cap. 23. eiusdem libri, inquit. *Hæc igitur, quę poscit à Domino, & semper ex quo esse cępit Ecclesia, ista Deus vocatis suis daturum se esse præsciuit, & in ipsa prædestinatione iam dederat.* Et post, ille itaque dicat, *Ecclesiam aliquandò in fide sua non habuisse veritatem prædestinationis huius, & gratiæ, qui dicere audet aliquandò non orasse, vel non veraciter orasse, siuè, vt crederent infideles, siuè vt persenerarent fideles.* Et tract. 104. in Ioan. inquit, *Quicumque ergo in Dei prouidentissima dispositione præsciti, prædestinati, vocati, iustificati, & glorificati sunt, non dico etiam nondum renati, sed etiam nondum nati, iam filij Dei sunt, &c.* Et S. Fulgentius in lib. 3. ad Monimum, dicit, *Hæc autem omnia, idest, &*

Ex S. Aug.  
aliud argum.

Alia S. August. arg.



vocationis nostræ initia, & iustificacionis argumēta, & glorificationis præmia in prædeterminatione semper Deus habuit: quia & in vocatione, & iustificacione, & glorificatione Sanctorum gratiæ suæ opera futura præsciuit. Clariùs autem in lib. de Verit. prædest. & grat., sic loquitur. Omnes prædestinati sic vocantur, ut iustificentur: sic iustificantur, ut glorificentur. Ac per hoc prædestinavit quos voluit, & ad opera bona, & ad præmia sempiterna; prædestinavit ad vitam bonam, prædestinavit ad vitam æternam; prædestinavit ad fidem; prædestinavit ad spem; prædestinavit adoptando in sæculo; prædestinavit glorificando in regno, &c.

41. Et tandem in eodem lib. 3. docet nullum Christianum posse dubitare, quòd Deus ad omnia beneficiorum, seu gratiarum genera, quos voluit ab æterno prædestinavit, apertis hisce verbis. Quos filios Dei secundum veræ fidei regulam, sanctarum scripturarum auctoritate firmatam, non solum ad præmium glorificationis, sed etiã ad gratiam iustificacionis; nec solum ad æternam beatitudinem, quæ non mutatur; verum etiã ad fidem, quæ per Charitatem operatur; neque ad æterna tantum præmia, sed etiã ad bona merita gratuita bonitate Dei antè mundi constitutionem in Christo prædestinatos, & huius prædeterminationis beneficio secundum propositum vocatos, & iustificatos, nullus ambigere debet Christianus.

42. Concludendum ergo, quòd omnia beneficia spiritualia, ac supernaturalia, quæ nomine gratiarum veniunt, & creaturis rationalibus à Deo in tempore conferuntur, & conferentur in æternum, iam sunt à Deo prædecreta, & prædeterminata, seu prædestinata, ponenda tamen in executione pro determinato tempore. At quid di-

Clariùs se  
pè id do-  
cet S. Aug.

Evidenti-  
ssimè constat

Generalis  
conclusio,  
quòd om-  
nia dona  
gratiæ ab  
æterno sūt  
prædestina-  
ta.



co beneficia spiritualia, ac supernaturalia tantum; dicendum generaliter, omnia naturalia quoque, atque corporalia, quæ Deus omni creaturæ largitur, ut animarum, & corporum productiones, Cælorum motus, elementorum, ac mixtorum generationes, & alterationes; vnico finiam verbo concursus diuinæ potentiae ad omnia creaturarum opera. Hæc inquam omnia Deus præscit certò futura, quia ipse prædecreuit, & prædestinavit facere: et sic prædestinata iam ab æterno fuisse confiteri debemus.

43. Duo in hac materia occurrunt difficultatum genera. Vnum respectu creaturæ liberæ, an, & quomodo ei non præiudicent istæ ab æterno factæ prædestinationes. 2. An, & quomodo Deus non possit aliquod nouum decretum facere, & mutare quod decreuit. A secunda incipiam, quia dignior est: Ideò sit

## C A P. IV.

*An prædestinationes istæ præiudicent diuinæ libertati, & potentiae.*

44. **A** Du. rationem dubitandi, hanc esse; quia si ab æterno Deus prædestinavit, seu prædestinavit omnia, quæ facturum est; duo præiudicia videntur consequi; vnum respectu Omnipotentiae, quia non posset alia facere ultra ea, quæ facere decreuit. Secundum præiudicium est respectu libertatis diuinæ; quia si iam decreuit facere omnia, quæ facit, ac facturum est; non posset circa ea variare; & sic non haberet liberum dominium suorum actuum, neque creaturarum. Hoc ergo videndum quomodo suppositis hisce

Ratio dubitandi, quæ.

Saluanda  
Dei omnipotentia, &  
libertas.

præ-

prædestinationibus rerum omnium in quolibet ordine futurarum, saluetur Dei omnipotentia, ac libertas in operando, si nec alia, nec aliter facere potest.

Deus immutabilis omnino.

Quædam loca, quæ mutationem sonant declaranda.

45. Adu. 2. ex tract. de immutabilitate Dei, quod de fide est, Deum esse immutabilem quoad esse, & quoad operari. Nam Malach. 1.6. dicitur, *ego Deus, & non mutor*; & Iacobi 1. 17. *Apud quem non est transmutatio, nec necessitudinis obumbratio*; & psal. 32. *Consilium Domini in æternum manet. Cogitationes cordis eius in generationem, & generationem*. Et Rom. 9. 11. de Iacob, & Esau dicitur, *cum enim nondum nati fuissent, aut aliquid boni egissent, aut mali (ut secundum electionem Dei propositum maneret, &c.) idest non mutaretur*. Et alia similia suppetunt S. Scripturæ loca, in quibus de immutabilitate Dei, ac decretorum, & dictorum eius fit mentio. Et tamen aliqua sunt loca, in quibus videtur, Deum mutasse sententiam, v. g. Gen. 6. *cum videret Deus, quod cuncta cogitatio hominis prona esset ad malum, & quod omnis caro corruerat viam suam super terram, dixit, pœnitet me fecisse hominem*; & Ionæ 3. vbi Deus per hunc Prophetam prædicat, *adhuc quadraginta dies, & Ninive subuertetur*; & tamen ijs transactis, Ninive non fuit subuersa, sed ei pepercit Deus, quoniam totus populus egit pœnitentiam. Et Saluator dicit Matt. 11. 23. *Si in Sodomis factæ fuissent virtutes, quæ in te, (Capharnaum) fortè mansissent usque in hanc diem*. Idem dicit de Tyro, & Sydone; & sic, quasi si potuerit Deus mutare decretum, sequitur, quod prædestinationes non sint immutabiles: et proinde non esse admittendum factas ab æterno. Hęc ergo soluenda est difficultas.

46. Adu. 3. ex tract. de voluntate Dei, quod  
Deus

Deus est summè liber; nam in psal. 134. habetur, *Deus omnia quaecumque voluit, fecit in Cælo, & in Terra, in mari, & in omnibus abyssis*. Et Paulus ad Rom. 8. *Cuius vult miseretur, & quem vult indurat*. Et ex epist. Iacobi 1. *Voluntariè genuit, non verbo veritatis*. Et tandèm Exodi, 33. 19. *Miserebor cui voluero, & clemens ero, in quem mihi placebit*. Immò Dei libertas in operando ad extra est origo, radix, & prototypus omnis libertatis humanæ, vndè Macarius in homil. 15. in hoc potissimè asserit consistere imaginem Dei in homine, inquit, *Hominem eo ipso ad imaginem Dei esse factum, quòd sit liber, ac sui iuris: quoniam vt Deus liberi est arbitri, & quod vult facit; sic & tu liber es arbitri, &c.* Nequè vllus Catholicus, aliussue mentis compos, qui sacras litteras libauerit, hanc summam libertatis perfectionem à Deo auferre somniauit. Hoc autèm stante; si prædestinationes æternæ sunt, cùm immutabiles defendantur, libertas diuinæ voluntatis non saluatur, quia Deus non videretur remanere liber ad faciendum oppositum eius, quod prædestinauit; Hęc difficultas soluenda est, si prædestinationes defenduntur, sicut defendi debent.

47. Adu. 4. ex tract. de omnipotentia Dei, quòd inter primarias Dei perfectiones respicientes terminum ad extra, est *Omnipotentia*. Ipsemet Deus de seipso eam sepè testificatur, prima vice Gen. 17. 1. dicens Abrahæ, *ego Deus Omnipotens*. Idem replicat Gen. 33. 11. & in sacro textu per 74. vices *Omnipotens* prædicatur. Ideò in symbolo Apost. primo loco ponitur huius diuinæ proprietatis articulus. *Credo in vnum Deum Patrem Omnipotentem*. Et S. Augustinus serm. 139. de Temp. c. 2. ait, *non dico da mihi Christianum, da mihi Iudæum;*  
sed

Alia difficultas de libertate Dei.

Imago Dei in homine valdè per libertatem exprimitur.

Dei omnipotentia magna eius perfectio.

Ab omni-  
bus credi-  
tur.

*sed da mihi paganum, idolorum cultorem, demonum  
seruum, qui non dicat Deum esse omnipotentem: ne-  
gare Christum potest, negare Deum omnipotentem non  
potest. Hoc autem stante, videndum quomodo  
suppositis prædestinationibus æternis omnium à  
Deo agendorum, saluetur omnipotentia, cum  
nequeat ea non facere, vel alia noua, aut eis  
contraria facere. Ideò*

Prædesti-  
nationes  
non præi-  
dicant im-  
mutabilita-  
ti Dei in  
operando.

48. Dico 1. Prædestinationes rerum futura-  
rum à Deo ab æterno factæ, immutabilitati Dei  
in operando non præiudicant.

Ex S. Scri-  
ptura.

49. Prob. ex supra cit. loco psal. 32. *Consilium  
autem Domini in æternum manet; cogitationes cor-  
dis eius in generationem, & generationem. Interl.  
quæ est Hieronymi, Ver. Consilium in æternum,*  
dicit, nullo tempore dissoluitur, & Ver. cogitatio-  
nes, dicit, cogitationes sapientiæ eius non sunt mu-  
tabiles. Glo. ord. cogitationes, dicit, idest prædesti-  
natio, in qua omnia reposita sunt, quæ sic permanent,  
sicut præuisa sunt.

Ex S. Aug.

50. S. August. in secunda explicatione psal. 32.  
dicit, *Vnde igitur consilium Domini manet in æter-  
num, nisi de nobis antè præsciuit, & prædestinavit?  
Quis tollit prædestinationem Dei antè mundi consti-  
tutionem? Vidit nos, fecit nos, emendauit nos, misit  
ad nos, redemit nos: hoc eius consilium manet in  
æternum. Hæc cogitatio manet in sæcula sæculorum.*

Quid sit  
Deum pœ-  
nitere de  
aliqua re.

51. Idem S. Doctor sæpè de immutabilitate  
consiliorum, seu decretorum Dei loquitur, præ-  
sertim in lib. 93. qq. quæst. 53. & in lib. 2. ad Simplic.  
q. 2. vbi docet, quòd in præsciente omnia, vti est  
Deus, mutatio decretorum per pœnitentiam eo-  
rum esse non potest; & declarat, quid sit Deum  
pœnitere de aliquo suo facto, estque responsio  
ad dubium secundi notabilis. Sic autem ait.

Cum

Cùm legimus etiam Dominum dicentem , *Pœnitet me, consideremus, quid esse soleat. In hominibus opus pœnitendi est, proculdubio, cùm reperitur voluntas mutandi, &c. auferamus hæc à Deo, & videamus, qua regula intelligatur pœnitere Deum. Cùm enim pœnitere dicitur, vult non esse aliquid, sicut fecerat, vt esset. Sed tamen, & cùm ita esset, ita debebat; & cùm ita esse iam non finitur, iam non debebat ita esse, perpetuo quodam, & tranquillo æquitatis iudicio, quo Deus cuncta mutabilia incommutabili voluntate disponit. Sunt ergo stabiles, & immutabiles Dei prædestinationes circa creatura, quia Deus ab æterno decreuit aliqua pro tali tempore mansura, & pro alio desitura; & istæ sunt illæ prædestinationes, quas S. August. in lib. de Prædest. Dei cap. 1. vocat prædestinationes conditionis, ac iustitiæ; sed de hoc argumento in calce huius capitis iterum loquar.*

52. Dico 2. Prædestinationes rerum factæ à Deo ab æterno non præiudicant Omnipotentie Dei.

53. Prob. multa Deus facere non potest, quæ tamen impotentiam in eo non arguunt; ergo licet facere non possit contraria eorum, quæ iam ab æterno prædestinata sunt, non propterea impotens absolute dicendus est. Antec. prob. Deus non potest se destruere, aut mori: non potest mentiri, non potest facere, vt quæ facta sunt, aut præterierunt, facta non sint, aut non præterierint. Vnde Hugo de S. Viç. par. 1. de Sacramentis; de Sac. Fidei c. 22. ait summè potens est, qui potest omne, quod possibile est; nec idè minus potens est, si impossibilia non facit, quia impossibilia posse, non est posse, sed non posse. Itaque omnia potest Deus, quæ posse potentia est. Consequ. prima prob. quia im-

Prædestina-  
tiones non  
præiudi-  
cant omni-  
potentiæ  
Dei.

Multa non  
potest face-  
re Deus, &  
tamen om-  
nipotens  
est.

Hugo de  
S. Viç.

possibile est Deum mutari; quod quidem eueniret, si posset post decretum iam factum contrarium ponere.

S. Ambros.

Multa impossibilia genera.

54. S. Ambrosius in lib. 4. de fide c. 3. inquit, multa sunt impossibilitatum genera. Est aliquid natura impossibile, & est aliquid possibile per naturam, sed impossibile per infirmitatem. Est etiam tertium, quod est possibile per corporis, & animi firmitatem, impossibile per imperitiam, aut impotentiam. Est etiam, quod per definitionem immutabilis propositi, & constantis perseuerantiae voluntatis, atque amicitiae fidem sit impossibile mutari.

Cur aliqua sunt Deo impossibilia.

55. Hoc quartum impossibile Deo in hac materia conuenit, ratione constantis, & immutabilis propositi. De quo loquitur expressè Apostolus Rom. 4. 5. *Secundum propositum gratiae Dei*, & cap. 8. 28. *diligentibus Deum omnia cooperantur in bonum, his, qui secundum propositum vocati sunt sancti*. Et cap. 9. 11. loquens de Iacob, & Esau, inquit, *ut secundum electionem propositum Dei maneret, &c.* omnes enim S. Scripturæ interpretes Dei electiones firmas manere ex Dei immutabili proposito docent, quia *Dei consilium in aeternum manet, & cogitationes cordis eius in generationem, & generationem psal. 32.* esset autem repugnans prudentissimo, & constantissimo Dei proposito, seu consilio illud mutare; & propterea impossibile, sicut impossibile est Deo promittere, & non exequi. Istæ autem impossibilitates non præiudicant omnipotentiae, quæ tendit ad possibilia, & condecencia sanctitatem, ac dignitatem Dei.

Argum. 3  
paritate  
impeccabi-  
litate.

56. Conf. Ex hoc, quod Deus peccare non potest; nullum inferitur præiudicium omnipotentiae Dei, ergo neque ex hoc, quod nequeat prædestinari.



initiones, seu prædestinationes futurorum mutare. Vnde S. August. *serm. 109. de tempore*, inquit, *Iam ego dico quanta Deus non possit. Non potest mori, non potest peccare, non potest mentiri, non potest falli. Tanta non potest, quæ si posset, non esset omnipotens.*

57. S. Ambros. *in lib. num. ad Cramat. de ijs*, quæ sunt impossibilia Deo ratione dignitatis ait. *Numquid nam mentitur Deus? sed non mentitur, quia est impossibile mentiri Deum. Impossibile autem istud numquid infirmitatis est? non utique. Nam quomodo omnia potest, si aliquid efficere non potest? Quid ergo ei impossibile? illud utique, quod eius naturæ contrarium est, non quod virtuti arduum. Impossibile est ei mentiri, & impossibile istud non infirmitatis est, sed virtutis, & maiestatis, quia veritas non recipit mendacium, nec Dei virtus leuitatis errorem.*

58. Probari potest quoque ex communi Theologorum dicto, quod Dei omnipotentie non sit præiudicium, si non possit mutare ea, quæ prædestinavit, ex hoc, quod ipsemet se ad hoc obligavit, cum potuisset se non obligare; & sic in sensu composito, ut ipsi dicunt, non potest, at in sensu diuiso potest; & hoc modo, ut in suo loco dicam, subtilis Doctor dicit, quod Deus potest prædestinatum damnare; quia, inquit, potuit non prædestinare: at in sensu composito, seu ex suppositione, quod prædestinavit, non posset reprobare.

59. At placet quamdam Petri Damiani speculationem (ab Augustino, ut video, pro hac materia desumptam) adducere, in *Opusculo 36. c. 15.* existentem: eius verba postea referam, quæ summarie ita sonant. Deus potest facere contraria his, quæ iam decreuit facere; quia in Dei æterni-

Ex S. Aug.

Ex S. Ambros.

Argum. ex eo quod Deus se ad hoc determinavit.

Petri Damiani speculatione.



tate non adest prius, & posterius; & ita se habet eternitas, ac Deus in ea, sicut si modò inciperent; & sic Deus in prædestinando, ac prædestinando ita se habet, ac si modò ea decreta faceret; & propterea potens est facere, & non facere; & sic saluatur omnipotentia, ac libertas Dei, de qua infra. Verba Damiani sunt hæc. *Quantum enim ad æternitatem suam, quidquid potuit Deus, hoc etiam & potest, quia præsens eius in præteritum nunquam vertitur. Eius hodie non in cras, vel in aliud temporis vicissitudine mutatur; sed sicut ipse semper est, quod est, ita quidquid illi adest, semper adest. Quapropter, sicut rectè possumus dicere, potuit Deus, ut antequam Roma facta fuisset, facta non esset; ita congruè possumus dicere, potest Deus, ut Roma etiam postquam facta est, facta non fuerit. Illud enim posse, quod habebat Deus antequam Roma fieret, immutabile semper apud æternitatem Dei, & intransibile perscuerat. Et cum de quacunque re possumus dicere, quòd potuit eam Deus, valeamus etiam dicere potest eam Deus; quia posse eius, quod sibi utique coeternum est, fixum semper, atque immobile est. Potuisse enim Dei, apud nos est tantummodò apud ipsum autem, non potuisse, sed immotum constans, atque immutabile posse semper est. Quodcumque enim potuit Deus, indubitanter & potest; apud quem nimirum, sicut non est esse, & fuisse, sed sempiternum esse, ita consequenter non est potuisse, & posse, sed immobile semper, & perpetuum posse. Hæc Petrus Damianus; quod quidem argumētum breuius, & ideo obscurius afferre S. August. De Ciuit. lib. 12. c. 12. Deus quiescens agere, & agens quiescere potest ad opus nouum, non nouum, sed sempiternum adhibere consilium; nec pœnitendo quod prius cessauerat cœpit facere, quod non fecerat. Sed & si prius*

Notanda  
digna Da-  
miani do-  
ctrina.

Potuisse. &  
posse in  
Deo idem  
sunt, & ni-  
hil transit  
in præteri-  
tum.

*prius cessauit, & posterius operatus est ( quod nescio quemadmodum ab homine possit intelligi) hoc proculdubio, quod dicitur prius, & posterius in rebus prius non existentibus, & postea existentibus fuit. In illo autem non alteram præcedentem altera subsequens mutauit, aut abstulit voluntatem; sed vna, eademque sempiterna, & immutabili voluntate res, quas condidit, & vt prius non essent egit, quamdiu non fuerunt, & posterius essent cum esse ceperunt, hinc eis, qui talia videre possunt mirabiliter fortassis ostendens, quod eis non indignerit, &c.*

60. Dico 3. Prædestinationes rerum factæ à Deo ab æterno, non præiudicant summæ Dei libertati.

61. Prob. & supponitur ex tract. de Voluntate Dei ipsum summè liberum esse, quod ex S. Scriptura patet; nam in psal. 134. habetur, vt ex not. 3. *Omnia quæcunque voluit fecit, & ex 1. Corint. 12. Spiritus ubi vult spirat. diuisiones gratiarum sunt, omnia autem operatur vnus, atque idem spiritus diuidens singulis, prout vult; & cetera plura. Immo, & Scotus docet, quod ex libertate Dei dependet libertas creata, vt ex not. 3. patuit.*

62. Dicimus autem non lædi hanc libertatem, ex eo quod Deus nequit retractare ea, quæ prædestinauit. Primò, quia voluntas Dei in operando, vt nuper cum Augustino, & Damiano diximus, non transit in præteritum; & sic, licet quoad nos valeat dici, *prædestinauit*; quoad Deum, tamen, non valet; sed dici debet *prædestinat*; & liber est ad non prædestinandum. 2. quia necessitas ex suppositione, nec etiam in nobis lædit libertatem; ergo, nec in Deo. Anteced. notissimum est: cum quis decernit aliquid facere; etsi antequam decernat, vel faciat, possit non decernere,

vel

Idem docuerat S. Aug.

Prædestinationes non præiudicant Dei libertati.

Summa Dei libertas.

Necessitas  
ex suppositi-  
one non  
lædit libet-  
tatem.

vel non facere, quod decreuit; si tamen facit, necessariò quidem facit; at ex præcedenti libertate sibi necessitatem inferente, facit. Sic prorsus de Deo prædestinante omnia, quæ factururus est, dicendum, quòd liberè decreuit, & sibi necessitatem imponit; nec propterea aliquid de sua libertate amittit; & hoc impossibile, vt ex Ambrosio diximus, diuinę perfectioni maximè congruit.

63. Prob. 2. ex perfectione immutabilitatis diuinę, quę præcellentissima est in Deo, de qua maximè gloriatur Malachiæ 3. 6. vbi comminatus multa mala inferenda Populo, subdit, *ego enim Dominus, & non mutor*: igitur nec mutari potest in ijs, quæ absolute decreuit, neque per hoc summa eius libertas minuitur; sed optimè hæc duo coniunguntur. Firmum enim, ac stabile est Dei propositum: ideò num. 23. 19. Balaam ait ad Regem Balac, *non est Deus, quasi homo, vt mentiat, nec vt filius hominis, vt mutetur. Dixit Deus, & non faciet? locutus est, & non implebit?* quasi dicat, hoc est impossibile.

Argum. ex  
immutabili-  
tate Dei.

Solutio cu  
iusdam ar-  
gumenti  
de mutatio-  
ne diuinę  
sententię.

64. Neque obstant argumenta, quę adduci possunt vt supra de multis rebus, quas Deus se dixit facturum, & postea non fecit, vt de subuersione Ninive, de conuersione Tiri, & Sidonis, ac de permanentia Sodomę, Gomorreę, & aliarum trium Ciuitatum Seboim, Adama, & Segor, si pœnitentiam egissent, & de alijs multis, vt in Prophetis legitur; quia vt dicemus in cap. 18. illę coninationes, & promissiones erant conditionatę; sciebat autem Deus, quòd erant, vel non erant adimplendę conditiones, & propterea decreta non erant absoluta.

## CAPVT V.

*An Prædestinatio ad gloriam præiudicet libertati humane.*

65. **A**Du. 1. quòd hæc est vna ex difficilibus controuersijs in hac materia. Cùm enim Dei decreta ab æterno iam facta immutabilia sint, *quia consilium Domini in æternum manet*, psal. 32. & impedibilia sint à creatura, *quia nemo est, qui possit resistere voluntati Rom. 9.* si decretum est de danda aliquibus gloria, isti non poterunt facere opera mala, per quæ repellantur à gloria, & sic non remanent liberi ad actus malos finales: id ergo videndum est, quomodò, scilicet cum æterna Prædestinatione, saluetur humana libertas, quæ quidem quæstio coincidit cum illa, an prædestinati possint damnari, vt in proprio loco in cap. 18.

66. Adu. 2. quòd communiter cum S. Augustino triplex datur genus libertatis, nempe 1. à seruitute; & hoc est morale; 2. à coactione; 3. à necessitate. De duobus primis hic non est quæstio, sed de postremo; an scilicet Dei Prædestinatio ad gloriam imponat prædestinato necessitatem, an relinquat eum liberum.

67. Ad. 3. quòd penes omnes Theologos, ipsumque S. Augustinum necessitas multiplex quidem est; sed vt ad operandum applicatur, duplex tantum est; quædam antecedens, quædam consequens, seu conditionis, vel suppositionis. Prima aufert à potentia omnem indifferentiam, & determinat ad vnum tantum exequendum, absque vlla sua determinatione. Secunda verò sequitur ali-

Præcipua  
huius mate-  
riæ difficul-  
tas.

Ratio diffi-  
cultatis.

Triplex li-  
bertatis ge-  
nus.

Necessitas  
multiplex;  
sed duplex  
nunc consi-  
deratur.

Antecedens abso-  
luta.

quam

Consequens  
ex suppositi-  
tione .

quam determinationem operantis, etiam si cum alio cooperante se determinet : ut cum quis v. g. decernit aliquid facere, dum facit, necessario facit liberè tamen statuit facere: item, ut in suo loco dicemus, homo in operatione, tam naturali, quam supernaturali, & meritoria, simul cum Deo cooperante operatur, & tamen liberè operatur, licet ex conditione, seu suppositione vtriusque determinationis necessario dici possit operari, necessitate consequenti, idest ex suppositione, quod faciat .

De subsiste-  
tia liberi  
arbitrij  
prius lo-  
quendum,  
ex S. Scri-  
ptura .

68. Ad. 4. quod cum in hoc, & in seqq. Opusculis sæpissimè de libertate humana agendum sit; operè præteritum erit prius de consistentia liberi arbitrij humani ex S. Scriptura, Concilijs, & Patribus dogma firmare: deinde disputare de concordia illius cum diuina prædestinatione, præscientia, & gratia efficaci; ut si fortè nequeant homines distinctè, ac perfectè scire concordias istas (de quibus ego non curarem, cum sciam Deum esse Dominum iustum, & sine iniquitate) sciant saltem, & firma fide credant, se esse liberos; & de sua hac perfectione gandeant: ab hac ergo incipiendo

Hæretica  
est scientia  
quod om-  
nia homi-  
nis opera  
sint necessa-  
ria antece-  
denti neces-  
sitate, vel  
fatalia .

69. Dico 1. Phanaticam, hæreticamque esse Stoicorum, & Phariseorum, aliorumque sententiam, omnia, quæ ab hominibus fiunt, vel eis accidunt, antecedenti necessitate, & sine libertate vlla fieri, vel accidere, sed fato, seu fatali necessitate .

70. Prob. 1. ex Concilio Bracar. c. 9. dicente, *hominem operari ex fato, hæreticum est* .

Quatuor,  
sed vana  
factorum ge-  
nera secun-  
dum Stoi-  
cos .

71. Prob. 2. Nullum genus factorum concurrat ad opera voluntatis humanæ liberè essentialiter, ergo . Consequentia est euidens, quia fatum quod-

quodcumque inuentum à Stoicis, vel Poetis, aut Mathematicis tollit libertatem, & inducit necessitatem, quæ intrinsecè repugnat libertati; nam ex Augustino mox adducendo, *aut voluntas non est, aut libera dicenda est.* Anteced. prob. Qua-

Mathema-  
ticum.

tuor factorum genera à Stoicis, & Poetis assignantur: Primum dicunt *Mathematicum*, estque illa influenza, quæ colligat operationes humanas, cum virtute, seu potestate syderum; & hoc attendunt Astrologi Genethliaci; quod *ex Constit.*

Naturale.

17. *Cæli*, à Sixto V. est prohibitum in ordine ad liberas actiones. Secundum fati genus dicunt, *Naturale*; estque per eos ordo causarum naturalium, quæ nisi impediuntur, vi, & natura sua certum, determinatumque producant effectum.

Violentum

3. dicunt *Violentum*, & hoc propriè est stoicum, ac poeticum, quod Stoicus Seneca definit, esse necessitatem rerum omnium, & actionum, tam diuinarum, quam humanarum, quam nulla vis rumpere potest. 4. tandem dicunt aliqui, *verum*,

Verum.

estque colligatio necessaria omnium actionum omnis creaturæ, etiam liberæ, cum diuina voluntate, præscientia, ac prouidentia; his enim suppositis de futuris rebus, & actionibus, hæ omnes necessariò dicunt euenire.

Fatum,  
abijcit fi-  
des Catho-  
lica.

72. Hoc ergo de fati, seu veriùs fatui nomine, & conceptu, supposito; cum fide catholica dicimus, actiones hominis rationalis, idest, à voluntate, præuia intellectus cognitione, & deliberatione à nullo ex fatis prædictis regulari, aut procedere, vt præclare, & euidenter probat S. August. *in lib. 5. c. 9. de Ciuit.* & nos in sequenti conclusione probabimus, in qua de libertate voluntatis in operando loquemur.

73. Et quamuis quartum genus fati, quod se-



Quartum  
genus, qui-  
busdam a-  
dictis, pos-  
set admit-  
ti, et reijci  
tur.

Validum  
August. ar-  
gum. con-  
tra fatum.

Nulla dari  
posset pu-  
nitio.

Dari non  
posset prae-  
ceptum aut  
consilium.

Homines  
etiam post  
lapsum A-  
d liberum  
habent ar-  
bitrium. li-  
cet attenua-  
rum.

quitur Cicero, & impugnat S. August. loco cita-  
to, si necessitatem operandi abijceret, ut est coordi-  
natio illa causarum liberarum ex Dei praedestina-  
tione, praescientia, ac prouidentia, posset admit-  
ti: tamen ait ibi Augustinus à nomine fati esset  
abstinendum; hoc enim semper malè sonat, & à  
catholico sermone debet esse alienum. Quòd ve-  
rò diuina praedestinatio, praescientia, ac proui-  
dentia libertatem humanæ voluntati non adimat,  
elegantè contra Ciceronem probat ibi Augusti-  
nus, & nos cum eo probabimus inferiùs,

74. Prob. 2. valido S. Augustini argumento  
in lib. 2 1. sententiarum, sent. 3. si liber sit illius: si fa-  
tum, & fortuna essent causa humanorum actuum,  
nullus homo posset puniri, aut redargui; quilibet  
enim ex necessitate ageret. Et tamen in sacro tex-  
tu utriusque Testamenti legimus innumeras re-  
dargutiones, plures punitiones in effectu positas,  
& plurimas comminatas. Legimus omnium pri-  
mò, Adamum gratia Dei, iustitia originali, &  
immortalitate priuatum, & è Paradiso terrestri  
exulem; Cainum reprobatum; mundum totum  
dilunio submersum, &c. redargutiones, & com-  
minationes in toto Pentatheuco, in lib. Regum, &  
Prophetalibus insertas, nec non in toto Euange-  
lio. Si autem fato, & cum ineuitabili necessita-  
te homines operarentur, ad quid eos arguere, vel  
consulere, ut aliter facerent, si non possent, &  
quo iustitiæ titulo puniri possent, si errant? Fa-  
tum ergo est dicere, quòd hominum voluntates  
regulentur à fato.

75. Dico 2 homines etiam post lapsum A-  
d liberum habent arbitrium, quamuis aliquàlter  
attenuatum; ideòque liberè operari possunt,  
etiam posita eterna praedestinatione, praescientia

ac



ac prouidentia diuina: est de fide.

76. Prob. prima pars totidem verbis Concilij Arauf. 2. c. 13. & Concilij Trident. sess. 6. cap. 1. dicentis, *liberum hominis arbitrium minimè extinctum esse, viribus licet attenuatum, & inclinatum, & in can. 5. Si quis liberum hominis arbitrium post Adæ peccatum amissum, & extinctum esse dixerit, aut rem esse de solo titulo, aut titulum sine re, & c. anath. sit.* Et in can. 6. *Si quis dixerit non esse in potestate hominis vias suas malas facere, & c. anath. sit.*

Ex Conci-  
lij Arauf.  
& Trident.

77. Prob. 2. ex S. Script. Gen. 4. vbi dicit Deus ad Cain, *non ne si benè egeris recipies; sin autem, malè, statim peccatum in foribus aderit.* Et illicò admonet eum de sua libertate, ac dominio ad bonum, & malum, inquiens, *sed sub te erit appetitus eius, & tu dominaberis illius.* Hæc libertas est post Adæ lapsum.

Ex S. Scrip

Ex Gen.

78. Conf. ex Ecclesiastici 15. 14. *Deus constituit hominem ab initio, & reliquit illum in manu consilij sui, adiecit mandata, & præcepta sua, & ne quis dicat, quòd intelligitur de Adamo, qui liberè poterat operari; non verò de posteris; statim subiungitur. Si volueris mandata seruare, conseruabunt te, & in perpetuum fidem placitam facere. Apposuit tibi aquam, & ignem, ad quod volueris porrige manum tuam; ante hominem vita, & mors, bonum, & malum; quod placuerit dabitur illi.* Hæc dicta non diriguntur ad Adamum, sed ad omnem hominem. Et quoniam insurgere poterat hoc prorsus dubium, quod hic discutimus, quomodo scilicet subsistat hæc libertas ad bonum, & malum, ad vitam, & mortem, si decretum prædestinationis, & præscientia Dei de futuris sunt immutabiles, & infallibiles actus, subdit textus, *Quoniam multa sapientia Dei, & fortis in potentia,*

Ex Ecclef.

De quolibet homi-  
ne scriptu  
ra lequitur.

*videns omnes sine intermissione.* Sed de hac concordia infra.

Multis scripturæ locis videtur August.

79. Prob. 3. omnibus ferè locis Sacræ Scripturæ, quibus utitur S. August. *in lib. de Gratia, & lib. arb. c. 2.* ad probandum libertatem hominis operantis cum gratia, de qua postea loquar in proprio Opusculo. Sic autem discurrit August. Deus reuelauit in homine adesse liberum arbitrium: ex eo quòd multa in vtraque lege præcepit hominibus, quæ facere non possent meritorie, ut ad æternam vitam peruenirent. Nam (inquit Augustinus) *Deus in multis locis mandata sua omnia custodiri, & fieri iubet. Quomodò iubet, si non est liberum arbitrium? Quid beatus ille, de quo psalmus 1. dicit, quod in lege Domini fuit voluntas eius. Nonne satis indicat, voluntate sua hominem in lege Dei consistere?* Et postea adducit loca indicantia libertatem, ac dominium voluntatis humanæ in suos actus, *psal. 31. Nolite fieri sicut equus, & mulus, quibus non est intellectus. Prou. 1. Noli repellere consilia matris tuæ cap. 5. Noli esse sapiens apud te metipsum, & noli descere à disciplina Domini: Noli negligere legem; noli abstinere benefacere egenti. Noli fabricare in amicum tuum mala. Noli intendere fallaci mulieri: noluit intelligere.* Et si libros 45. Veteris Testamenti, & præsertim quinque Pentatheuchi reuoluas, innumera inuenies mandata à Deo facta nationi Hebræicæ; & multa cum oblatione præmij, multa alia cum comminatione supplicij. Quomodo ergo fierent præcepta, si homines libertatem non haberent obseruandi, & non obseruandi?

Plura arg. indicantia libertatem

Mandata innumera Dei comprobant

Ex nouo Testamento idem inferitur.

80. Ex nouo Testamento, ex omnibus ferè illis 27. libris canonicis innumera mandata, & consilia colliguntur; quæ quidem dare non oportebat

tebat si homo libero careret arbitrio, vt in eorum obseruatione mereretur, aut in obseruatione demereretur.

81. Siquidem in Euangelio legitur, *Nolite thesaurizare vobis thesauros in terra. Nolite timere eos, qui occidunt corpus. Qui vult venire post me abneget semetipsum; in terra pax hominibus bonæ voluntatis.* Hęc, & alia ex Euangelicis libris, quæ liberam demonstrant hominis voluntatem. Alia pariter multa habemus in epistolis Pauli, Ioannis &c. Rom. 12. *Noli vinci à malo; sed vince in bono malum.* 1. Corin. 7. *Quod vult faciat, non peccat si nubat. Qui autem statuit in corde suo non habens necessitatem, potestatem autem habens suæ voluntatis, & hoc statuit in corde suo seruare virginem suam, benè facit.* Et in cap. 9. ait. *Si autem volens hoc facio, mercedem habeo.* In cap. 15. *Sobrii estote iusti, & nolite peccare.* 2. Corint. 8. *Quemadmodum promptus est animus voluntatis, ita sit & perficiendi.* 1. Timot. 5. *Cum enim in delicijs egerint, in Christo nubere volunt.* 2. Timot. 5. *Omnes, qui volunt pie viuere in Christo Iesu, persecutionem patientur.* Ipsi autem Timotheo dicit. *Noli negligere gratiam, quæ in te est.* Ad Philemonem dicit. *Ne bonum tuum velut ex necessitate esset, sed ex voluntate. Serui Domini suis seruiant ex animo cum bona voluntate.* Item ex epistola Iacobi c. 1. *Nolite itaque errare fratres mei, & nolite in personarum acceptione habere fidem Domini nostri Iesu Christi.* Euidenter ergo patet, in homine liberam esse voluntatem, ad operandum, & non operandum, ad benè, vel malè agendum; & vt optimè alibi dicit August. *Aut voluntas non est, aut libera dicenda est.*

82. Videndum modò est, an prædestinatio, & præscientia hominum, antequam essent, siue sit

Ex Euangelio.

Ex epistolis Pauli.

Multa loca ex Pauli Epistolis

Ex epist. Iacobi.

Declaratur concordia liberi arbitrij cū prædestinatione.

fit ex præiudicis meritis, siue ante præiudicia merita (de quo postea) præiudicet libertati prædestinatorum, seu eam impediat; quandoquidem non possunt resistere voluntati Dei prædestinantis, & intellectui infallibiliter præscienti eorum salutem perseverando finaliter: Hoc enim opus, hic labor est.

83. S. Augustinus, & cum eo alij omnes cuiuscumque scholæ, docent, & sic tenentur docere; quod scilicet non præiudicet libertati humanæ, quamvis in modo concordie prædestinationis ad gloriam, ac præscientiæ cum libertate discordent. Tenentur inquam omnes docere, quod prædestinatio non præiudicet libertati; quia ex Concil. Trid. sess. 6. can. 6. dicitur anath. ei, qui asserit, hominem non posse vias suas malas facere. Quod autem prædestinatus libertate sua gaudeat, pluries docet S. August. nam lib. 5. de Civit. c. 9. impugnans in Cicerone Stoicorum fatum ex eo, quod dicebant, causarum omnium ordinem certissimum, esse, & à Deo præsciri, ideòque omnes effectus non liberè, sed fato euenire; S. Doctor multis rationibus confutat hanc consequentiam; præcipua autem est hæc. *Non est autem consequens, ut si Deo certus est omnium ordo causarum, ideò nihil sit in nostræ voluntatis arbitrio. Etenim ipsæ quippe nostræ voluntates in causarum ordine sunt, qui certus est Deo, in eiusque præscientia continetur; quoniam, & humanæ voluntates humanorum, operum cause sunt, atque ita, qui omnium rerum causas præscivit, profectò in eis causis nostras etiam voluntates ignorare non potuit, quas nostrorum operum causas effectus præscivit. Et infra inquit, Si Deus non est præsciens omnium futurorum, non est utique Deus. Quapropter voluntates nostræ tantum valent, quantum Deus eas valere voluit, atque præscivit; & ideò quidquid*

Omnes cū  
fide tene-  
tur docere  
prædestina-  
tos liberè  
operari: in  
modo est  
discordia  
authorum.

S. Augusti-  
ni discursus  
pro-  
bens con-  
cordiam li-  
bertatis cū  
prædesti-  
natione.

*valent certissimè valent, & quòd factura sunt, ipsa omnindè factura sunt, quia valituras, atque facturas ipse præsciuit; cuius præscientia falli non potest. Igitur, dum quis fuit à Deo electus, cum sua voluntate libera fuit electus, & sic à Deo præscitus, seu præcognitus, liber fuit præcognitus: sic ergo manet vsque ad mortem. Cur autem sic, mox dicam.*

84. In cap. 10. eiusdem libri pluribus contra Stoicos, voluntatem humanam liberam adstruit à necessitate, etiam cum Dei præscientia de omnibus, quæ factura est voluntas. *Abst à nobis Dei negare præscientiam, vt liberi esse velimus, quo adiuuante sumus liberi, vel erimus. Proindè non frustra sunt leges, obiurgationes, exhortationes, laudes, & vituperationes; quia & ipsas futuras esse præsciuit, & valent plurimum, quantum valituras ipse præsciuit, & preces valent ad ea impetranda, qui se precantibus concessurum esse præsciuit, & iusta præmia bonis factis, & peccatis supplicia constituta sunt.*

85. In lib. 3. de lib. arb. c. 4. ait. *Cùm Deus sit præsciens voluntatis nostræ, ipsa erit. Voluntas ergo erit, quia voluntatis est præsciens. Nec voluntas esse poterit, si in potestate non erit (idest ad vtrumque) ergo & potestatis est præsciens. Non igitur per eius præscientiam mihi potestas adimitur: quæ propterea mihi certior aderit, quia ille cuius præscientia non fallitur, adfuturam mihi esse præsciuit. Et infra, vt necessitatem, & coactionem voluntatis expellat, inquit. Sicut tu memoria tua non cogis facta esse, quæ præterierunt, sic Deus facienda esse non cogit, quæ futura sunt. Et paulò ante dixerat. Sicut non sibi aduersantur hac duo, vt tu præscientia, tua noueris, quòd alius sua voluntate facturum est; ità Deus neminem ad peccatum cogens, præuidet eos qui*

Alter 5.  
Augusti. discursus de eadem cordia.

Non frustra sunt correctiones, exhortationes &c.

Tertius  
Augustini discursus.

*qui propria voluntate peccabunt.*

Conclusio  
omnis di-  
scursus.  
Deus libe-  
ros homi-  
nes præde-  
stinat; idèd  
liberi re-  
manent.

Augu stini  
aliud argu-  
mentum.

Ex Concil.  
Constant.  
Prædestina-  
ti liberè  
operantur.

Ex text.  
Canon.

Argum. va-  
lidum ex  
natura me-  
riti.

86. Hinc ex S. Doctore concluditur, quòd Prædestinati, sicut cum libero arbitrio, quod eis essentiale futurum erat, prædestinati, & præuisi à Deo fuerunt; sic erunt, & perseverabunt; quia prædestinatio, & præscientia, eorum non mutant naturam, & essentiam, sed perficiunt, & faciunt, ut benè, ac iustè, sicut prædestinati, ac præsciti, seu præuisi sunt, finaliter vivant; nam ut postea dicam, prædestinati ad gloriam, sunt etiam prædestinati ad gratiam, & opera meritoria, ac perseverantiam in eis finalem.

87. Et confirmatur ex eodem in libro de spiritu, & lit. c. 35. dicente, *Vult Deus omnes homines salvos fieri, & in agnitionem veritatis venire: non sic tamen, ut eis adimat liberum arbitrium, quo benè, vel malè utentes, iustissimè iudicentur &c.* ergo sunt liberi.

88. Confirm. ex Concilio Constantensi, quod contra art. 21. Ioannis Hus decernit sic; *Prædestinati non sunt insolubiliter uniti cum Christo, & Ecclesia; quia possunt cadere, & recedere; igitur liberi sunt ad bonum, & malum.*

89. Conf. 2. ex Can. obtinui 23. q. 4. Prædestinati salvantur, quatenus postulando merentur accipere, quod Deus ante sæcula disposuit eis donare; igitur, cùm ad meritum requiratur libertas, liberi sunt.

90. Prædestinati adulti salvari non possunt sine meritis, saltem sine observantia præceptorum legis naturæ, ac Evangelicæ, sicut fides docet, *quia reddet Deus unicuique iuxta opera sua, & opera eorum sequuntur illos; idèd Saluator in die iudicii dicet prædestinatis, Esuriui, & dedistis mihi manducare; sitiui, & dedistis mihi bibere, &c.*



*venite benedicti, percipite regnum vobis paratum à constitutione mundi. Sed ad merendum, ac demerendum requiritur libertas indifferentiæ, seu à necessitate, nec sufficit libertas à coactione, vt de fide definitum fuit ab Innoc.X. in Constit. Cum occasione die vltima Maij 1653. & ab Alexandro 7. in Constit. Ad sanctam sub die 16. Octobris 1656. contra tertiam propositionem Iansenij Iprensis Episcopi.*

Ad salutem  
adultorum  
necessaria  
sunt merita.  
meritū  
sine liber-  
tate indif-  
ferentiæ  
dari ne-  
quit.

91. Quilibet ergo Catholicus tenetur docere, si magister est, & credere, quòd omnes homines, siue prædestinati, siue non, exercere non possunt opera aliqua meritoria, nisi liberè, & cum indifferentia absque vlla prorsus coactione, aut necessitate operentur; & hoc erat nostrum intentum, scilicet, quòd prædestinatio non præiudicat libertati Prædestinatorum.

Concludi-  
tur, quòd  
sit de fide  
prædesti-  
natos ope-  
rari liberè

92. Quomodo verò saluetur hæc libertas in finalibus actibus, cum prædestinati infallibiliter saluandi sint, & ideò infallibiliter perseueraturi sint in bonis actibus; & præsertim in sententiâ S. Augustini (quam ego sequor) quòd nempe prædestinatio facta fuit ante præuisa merita, nedum absoluta, sed conditionata; & quòd numerus Prædestinatorum minui non possit per lapsum alicuius in peccato, dicitur in sequentibus, & in cap. 18. Nunc autem sufficit scire dogma, quòd prædestinatus sit liber in operando, & suæ libertati non præiudicat prædestinatio. Hoc autem principium in tota hac materia supponendum est, cum S. Augustino, quòd posse peccare absolutè, & vniuersaliter secundum conceptum genericum libertatis non est libertas, nec pars libertatis; alioquin conueniret Deo summè libero, omnique libertatis creatæ origini, & causæ.



## CAPVT VI.

*An Prædestinatio ad gloriam facta sit præuiso  
Adæ peccato, & ex massa damnata  
per originale.*

Sensus quæ  
siti clarus.

93. **A**Du. 1. Nos hîc loqui de prædestinatione hominum, non Angelorum, aut Christi; de his enim agetur postea. Quæstio ergo est, an Deus in signo aliquo antecedente præuisionem peccati Adæ prædestinauerit aliquos; an verò præuiso peccato Adæ in eo, & in tota humana natura, & in omnibus, qui naturali propagatione ex Adamo, & successoribus erant generandi.

Hæc quæ-  
stio à S. Au-  
gust. mora  
fuit.

94. Adu. 2. hanc quæstionem à S. Augustino omnium primò fuisse excitatam; ipse verò existimans fuisse ab Apostolo affirmatiuè decisam in cap. 9. ad Rom. protestatur, eam sequi velle; idèò in lib. 1. ad Simplicianum, q. 2. inquit; & primò intentionem Apostoli, quæ per totam epistolam viget, tenebo, quam consulam.

Origo quæ-  
stionis ex  
dicto Apo-  
stoli.

95. Adu. 3. pro clariori S. Augustini sententiæ intelligentia, quòd Apostolus ad Rom. 9. de electione hominum ad gloriam, & gratiam, nec non de vocatione ad fidem, & de reprobatione complura dicit difficilia; in primis de Iacob, & Esau, ait; Cum enim nondum nati fuissent, aut aliquid boni egissent, aut mali, vt secundum electionem propositum Dei maneret; non ex operibus, sed ex vocante dictum est ei, quia maior seruiet minori, sicut scriptum est, Iacob dilexi, Esau autem odio habui. Quid ergo dicemus, numquid iniquitas apud Deum? absit. Moysi enim dicit, miserebor, cui misereor, & misericor-

*ricordiam præstabo, cuius miserebor. Igitur non, est volentis, neque currentis, sed Dei miserentis. Dicit enim scriptura Pharaoni, quia in hoc ipso excitavi te, ut ostendam in te virtutem meam, & ut annuncietur nomen meum in vniuersa terra. Ergo cuius vult miseretur, & quem vult indurat. Et quia hæc difficilia videri possent; & bonitati, ac misericordie Dei parum congrua, Apostolus sibi obijcit sic. Dicit itaque mihi, Quid adhuc quaritur? Voluntati eius quis resistit? Ad hoc argumentum, quasi volens adæquatè respondere Paulus ait. O homo, tu quis es, qui respondeas Deo? Numquid dicit figmentum ei, qui se fixit, quid me fecisti sic? An non potestatem habet figulus luti ex eadem massa facere aliud quidem vas in honorem, aliud verò in contumeliam? Quòd si Deus volens ostendere iram, & notam facere potentiam suam, sustinuit in multa patientia vasa iræ apta in interitum, ut ostenderet diuitias gloriæ suæ in vasa misericordiæ, quæ præparauit in gloriam; quos, & vocauit nos non solum ex Iudeis, sed etiam ex Gentibus; & cetera plura.*

96. Ex toto hoc contextu, S. Augustinus duo infert; & quòd ex tota massa damnata per originale peccatum in Adæ peccato, Deus ex misericordia aliquos elegit ad gloriam, alios ex iustitia reliquit in statu damnationis. Secundò, quòd non ex præiudiciis meritis, sed ex sua libertate, ac misericordia illos ad gloriam elegerit, & consequenter ad gratiam vocationis, &c. & perseuerantiæ finalis. Id ergo ex S. Augustino nunc perpendimus, an scilicet prædestinatio electorum facta fuerit post præuisionem peccati Adæ inficientis totum genus, seu massam humanam, & de hac massa facta fuerit electio; nam de reprobatione, tam negatiua, quàm positiua loquar postea. His præmissis

Apostoli  
dicta diffi-  
cilia.

Ipsemet  
Augustin.  
non soluit  
difficulta-  
tes.

S. August.  
ex Pauli do-  
ctrina in-  
fert suam  
sententiam  
affirmati-  
uam.

Prædestina-  
tio ad glo-  
riam facta  
est post præ-  
uisionem  
peccati A-  
dæ, & ex  
massa dam-  
nat a.

97. Dico iuxta S. Augustini doctrinam (quam ego sequor) Prædestinatio electorum ad gloriam facta est post præuisionem peccati Adæ diffundendi in omne genus humanum; & ex massa illa perditionis ex Dei misericordia aliqui electi sunt ad gloriam.

Multa Au-  
gustini lo-  
ca.

Ex lib. de  
Corrept. &  
gratia.

98. Prob. ex pluribus S. Augustini locis. Primo ex lib. de corrept. & gratia cap. 7. Quicumque ergo ab illa originali damnatione, ista diuinæ gratiæ largitate discreti sunt, non est dubium, quod & procuratur eis audiendum Euangelium, & cum audiunt credunt, & in fide, quæ per dilectionem operatur, usque in finem persenerant; & si quando exorbitant, correpti emendantur, &c. Hæc enim omnia operatur in eis, qui vasa misericordiæ operatus est eos, qui & elegit eos in filio suo ante constitutionem mundi per electionem gratiæ. Qui verò perseneraturi non sunt, &c. in isto numero computandi non sunt. Non enim sunt à massa illa perditionis, præscientia Dei, & prædestinatione discreti, & ideo nec secundum propositum vocati, ac per hoc, nec electi. Et in cap. 9. ait, scit Deus talem corripiendum, facturo Deo, aut misericordiam, aut iudicium, misericordiam quidem, si à massa perditionis ille, qui corripitur gratiæ largitate discretus est.

Ex Enchiri-  
dio.

99. Secundò ex Enchiridio cap. 65. vbi de futura vita sic loquitur. Tunc non latebit, quod nunc latet, cum de duobus paruulis vnus esset assumendus per Dei misericordiam; alius per iudicium relinquendus, in quo is, qui assumeretur agnosceret quid sibi per iudicium deberetur, nisi misericordia subueniret.

Ex epist.  
105. in qua  
plura dicit  
ad rem  
hanc.

Tertiò ex epist. 105. quæ est ad Sixtum, contra eos qui dicunt gratis, & sine causa aliquos reprobari, seu non prædestinari, murmurat; vbi plura dicit;

cit; 1. Parum attendunt, quòd debita reddatur pœna damnato; indebita gratia liberato; vt nec ille se indignum quæatur, nec dignum se iste gloriatur; atque ita potius nullam fieri acceptionem personarum, vbi vna, eademque massa damnationis, & offensionis inuoluitur; vt liberatus de non liberato discat, quòd etiam sibi supplicium conueniret, nisi gratia subueniret. Si autem gratia, vtique nullis meritis debita, sed gratuita bonitate donata; Et postea. Vbi quia vniuersa ista massa damnata est, contumeliam debitam reddit iniustitia; honorem donat indebitum gratia, non meriti prægrogatiua. 2. quærenti causam, huius respondet. Cur autem illum potius, quàm illum liberet, vel non liberet, scrutetur, qui potest, iudiciorum eius tam magnum profundum. 3. de Iacob, & Esau dicit. Vt intelligeretur hoc apertum, postea per Prophetam, quòd antequam nasceretur erat Iacob in Dei prædestinatione per gratiam. Quid enim diligebat in Iacob antequam natus fecisset aliquid boni, nisi gratuitum misericordiæ suæ donum? Et quid oderat in Esau antequam fecisset aliquid mali, nisi originale peccatum? 4. dicit. Vt cum ex eodem Patre, eadem matre, vno concubitu antequam aliquid egissent boni, vel mali, alterum Deus diligit, odit alterum, intelligat Iacob ex illa massa originalis iniquitatis, vbi fratrem suum, cum quo habuit communem causam videt per iniustitiam meruisse damnati, non nisi per gratiam potuisse discerni.

100. Idem S. Doctor in epist. 106. quæ est ad Paulinum adducit argumentum, quod aduersarij eius conficiebant, hodieque contra hanc suam, conficiunt sententiam. Sed quomodo inquirunt non est iniquitas apud Deum, si diligendo discernit, quos merita nulla discernunt? &c. & ad hoc respondet, Quid nos hic docuit, nisi ex illa massa primi hominis, cui

Clarissima  
Augustini  
documenta

Ex epist.  
106.

*cui meritò mors debetur, non ad merita hominum, sed ad Dei misericordiam pertinere, quòd liberatur; atque ita non esse iniquitatem apud Deum; quia neque remittendo, neque exigendo, quod debetur, iniustus est: ibi enim gratia est indulgentia, ubi iusta posset esse vindicta. Et hinc euidenter apparet à pena debitæ, liberato, & gratis iustificato quantum beneficij conferatur, quod alter æqualiter reus sine punientis iniquitate punitur. Idem in lib. 1. cont. Iul. ait, Cum dicuntur omnes ex vno in condemnationem, ipsa massa significatur, ex qua fiunt à figulo alia vasa in honorem, idest ea quæ assumuntur in gratiam; alia in contumeliam, idest ea, quæ ad supplicium relinquuntur.*

101. Ex illo ergo modo loquendi Pauli cum similitudine figuli facientis aliqua vasa in honorem, alia in contumeliam ex eadem massa luti ex suo beneplacito, S. Augustinus suam eruit sententiam, quòd Deus ex eadem hominum massa perditâ in Adamo aliquos ex sua misericordia eligere voluit ad gloriam, & dare eis mediâ ad eam merendam; alios verò reliquit in eadem massa perditâ, de quibus diuersimodè disposuit, vt postea dicetur: Propterea S. August. sæpius replicat hunc Dei agendi modum in prædestinatione sanctorum, nempe eruit à massa perditionis, vel discreuit à massa, vt ostendat post præuisionem peccati Adæ, & naufragij totius humani generis cum eo, factam fuisse talem discretionem, vt simul, & semel ostenderet, Deum non esse personarum acceptorem, sed misericordem cum aliquibus, & iustum cum alijs, quod difficilè saluare potuisset in sua sententia, qui sine præuisione meritorum tenet, vt videbimus, fieri prædestinationem; Ideò pluries hac phrasi liberationis, vel discretionis à

mas-

Ex lib. r.  
contra Iul.

Exemplo  
figuli vasa  
diuersa fa-  
cientis ar-  
gum. vali-  
dum pauli.  
& Augusti-  
ni.

massa perdita, seu damnata vtitur. Et in epist. 1. ad Valentinum ait, *Apostolus inquit, quis te discernit? idèd dicit, quia ex massa illius perditionis, quæ facta est ex Adam non discernit hominem, vt eum faciat in honorem, non in contumeliam, nisi Deus. In epist. 2. ad Bonifacium c. 7. dicit, Quis enim te discernit? vtique ab iræ vasis, à massa perditionis, quæ per vnum omnes misit in damnationem. In lib. 14. de Ciuit. c. 26. ait, Vniuersa massa, tamquam in radice damnata est: & alibi inquit, Pelagium nolle credere, quod in vno homine tota est massa vitiosa, & tota damnata; à quo vitio, & damnatione sola sanat, & liberat gratia. In lib. de nat. & grat. c. 5. ait, Vniuersa igitur massa penas debet; & si omnibus debitum damnationis supplicium redderetur, non iniuste proculdubio redderetur; & alibi sæpè.*

102. S. Augustinum secuti sunt Sancti Prosper, ac Hilarius Arelat. & omnes alij S. Augustini discipuli, quos in proemio huius opusculi diffusè retuli, & præ alijs Petrus Damianus, qui in lib. de Incarn. & Gratia Christi irridens multos, qui tunc docebant prædestinationem fieri ex præuisione liberi arbitrij volentis saluari, & reprobationem, ex præuisione liberi arbitrij nolentis saluari, verumque refellit; & de liberatione à massa perditionis mentionem facit, sic. *Hec si ita sunt, vt illi iactant, comprehensa sunt ab ipsis inscrutabilia, & incomprehensibilia Dei iudicia. Si enim, sicut ipsi volunt, nolentes damnat, saluat autem volentes, nihil est omnino, quod vltèriùs queratur, &c. Nos autem incomprehensibilia credentes iudicia Dei; ex vna massa perditionis, alios saluari dicimus bonitate, & gratia Dei; alios in isto, & occulto Dei iudicio derelinqui.*

Vtitur August. eo exemplo, vt saluet in hoc facto Dei misericordiam, & iusticiam

Alia plura loca de discretionè à massa damnata.

Petrus Damian. irridet aduersarios, quasi fuerint Paulo doctiores.



103. Cùm verò sèpissimè docuerit Augustinus discretionem hanc hominum à Deo misericorditer factam, & derelictionem aliorum in eadem damnata massa per iustitiam, & ideò aliquos fieri vasa honoris; alios verò contumeliæ; in Epist. 105. dicit. *Cur autem illum potiùs, quàm illum liberet, aut non liberet; scrutetur qui potest, iudiciorum eius tam magnum profundum; verùm tamen caueat præcipitium:* & subnectit verba Apostoli Rom. 9. *inscrutabilia enim sunt iudicia eius, & inuestigabiles viæ eius;* idemque replicat in lib. 1. de Prædest. S. S. cap. 9. in lib. de Bono Persæuer. cap. 2. & alibi sæpè.

August. mo-  
net, nè  
quærat,ur,  
quare Deus  
hunc non  
illum ele-  
gerit, quia  
inueniri  
potest præ-  
cipitium.

## CAPVT VII.

*An Prædestinatio ad gloriam facta sit ex præuisione meritum.*

104. **A**Du. 1. vt certa ab incertis secernamus, quòd circa hanc quæstionem, quæ est vna ex difficilioribus in hac materia, plures fuerunt sententiæ, quædam hereticæ, quædam verò probabiles inter Catholicos, Sanctosque Patres.

105. Prima hæretica fuit Basilidis, Valentini, & Manichei docentium, quòd sicut per eos dabantur duo principia, vnum bonum, alterum malum; ita duo hominum genera, vnum naturaliter bonum, alterum malum, & sic duo animarum genera, vnum naturaliter prædestinatarum; alterum naturaliter reprobatarum. Sic de eis refert Orig. in lib. 3. Periar. c. 1. aiunt non esse in nostra potestate, vt saluemur, sed naturas esse animarum tales, quæ in omni genere, vel pereunt, vel saluantur, nec villo modo possit anima, quæ mala facta est, bona fieri, aut  
quæ

Plures sen-  
tentix refe-  
runtur.

Manichei  
quid doce-  
bant ab  
origine re-  
fertur, & a  
Clem. Ale-  
xandrino.



*quæ bona facta est, mala fieri.* Quòd verò præfati heretici id docuerint, refert etiam Clemens Alexandrinus *lib. 5. Strom.*

106. Secunda sententia fuit quorundam, qui dicti sunt Prædestinatiani, qui S. Augustini, & ipsius Apostoli ad *Rom. 9.* doctrinam malè intelligentes, & asserentes Prædestinationem siue meritis factam, aliqua ardua, & diuinæ bonitati iniuriosa docuerunt. Isti autem in duplici, ac diuerso fuerunt tempore. Primi extiterunt in quinto sæculo, de quibus loquitur Sigibertus in *Chron.* ad annum 415. & Baron. ad *ann. 448.* Antesignanus fuit *Fauslus Reiensis*, quem secutus est Lucidius, & alij: Isti præ alijs docebant, quòd si vocati non sunt de numero prædestinatorum, Deus subtrahit eis vires benè agendi, ne perscuerent in bono: et alios etiam inuitos post multa mala opera attrahat ad salutem: alios post multa bona opera reiiciat, & compellat ad malum. Baron. ibi alia eorum dicta dura sic refert. *Quòd nec piè uiuentibus proffit bonorum operum labor, si à Deo ad damnationem præsciti sunt; nec improbis obesse, etiam si improbè uiuerent, si à Deo prædestinati fuissent ad vitam.* Sigibertus loco cit. alijs, sed ijsdem in substantia verbis refert eorum dicta, nempe, *quòd nec piè uiuentibus proffit bonorum operum labor, si à Deo ad mortem prædestinati sunt, nec impijs obsit, quòd improbè uiuant, si à Deo prædestinati sunt ad vitam;* addens, *quæ hæresis ex libris Augustini malè intellectis initium sumpsisse uidetur.* Qua de re ait Baron. ubi supra *Fauslus, ac Lucidius hanc sententiam in Concilio Arelatensi damnarunt.* Posteriores Prædestinatiani, qui ex Baron. *ann. 480.* in eadem Gallia extabant, eandem sententiam, & duriorum renouarunt. Au-

Prædestinatiani quid docebant.

Duæ Prædestinatianorum Classis.

Prima in quinto sæculo. Fauslus Reiensis caput.

Multa dicebant iniuriosa Deo.

Baron. eorum dicta refert, & Sigibertus.

Eam damnarunt eisdem Auctoribus.

Posterior  
classis Præ-  
destinaria-  
norm. Go-  
thescalcus  
eorum ca-  
put.

thor, & caput eorum fuit *Gothescalcus* Monachus de Orbe Diœcesis Rhemenfis, de quibus Hinchmarus Episcopus Rhem. ad Hinchmarum Episcopum Laudunensem sic scribit. *Docent, quodd sicut Deus prædestinavit aliquos ad vitam æternam, sic alios etiam ad mortem æternam prædestinavit; & quodd Deus non vult omnes homines saluos fieri: nam si vult, & non omnes saluantur, non omne fecit, quodd voluit: quodd si vellet id quodd non potest facere, non esset omnipotens, sed infirmus, & impotens, & quodd Christus non esset pro omnibus mortuus. Et alia huius generis dura; & quoniam noluit unquam Gothescalcus reuocare fuit in carcerem trusus, & punitus.*

Calvinus  
pessimè de  
hac mate-  
ria locutus  
est.

107. Post decem sæcula prodijt impius Ioannes Calvinus, qui prædestinationem absque præuisione meritorum, cum S. Augustino quidem docuit, sed hæreses plures contra Augustini sensum illius sententiæ adiunxit; cuius blasphemias adducere nunc non curo, sed in Opusculo de Reprobatione, Deo dante, aliqua de illius impietate referam.

Ex S. Aug.  
Prædestina-  
tio ad glo-  
riam ex  
mera Dei  
gratia, non  
merces.

108. Adu. 2. Sanctum Augustinum, sicut ex præcedenti etiam capite patuit, firmiter tenere, quodd prædestinatio electorum ad gloriam sit pura, & mera Dei gratia, ac misericordia independens à cuiusvis merito, ita tamen, vt assecutionem ipsius gloriæ concedere velit per merita eorumdem electorum, quibus quoque in tempore daturus est gratiam ad merendum.

109. Augustinum secuti sunt omnes, quos retuli in proemio huius opusculi, & præ cæteris Sancti Prosper, Hilarius Arelatensis, Fulgentius &c. deinde Magister sententiarum Petrus Lombardus, & omnes Sententiarij; Alexander de Ales

*Doct̃or irrefragabilis*, S. Thomas *Doct̃or Angelicus*, S. Bonau. *Doct̃or Seraphicus*, Ioannes Duns Scotus *Doct̃or subtilis*, Franciscus de Maironis Scoti discipulus, *Doct̃or illuminatus*, Academię plures, Thomistę omnes, ac Scotistę, & magna pars PP. Societ. Iesu, qui vnanimiter sequuntur in hac materia Sanctum Augustinum, vt initio demonstraui.

110. Adu. 3. plures, & ante, & post Augustinum secutos esse, hodieque sequi oppositam sententiam, de quibus loquar infra. Vtraque tamen sententia doceri in Ecclesia permittitur; quia neutra damnata est; & August. ipse ait suam non esse de fide; immò vtriusque authores suam intentionem in Sacra Scriptura fundare conantur; ideòque alterutri modeste se in alterutra impugnanda gerere debent, vt antiqui, & prudentes viri se gesserunt, sequentes Cęlestini primi in epistola ad Gallię Episcopos sententiam. Is enim post damnationem hæresum Pelagij, de alijs controuersijs inter Catholicos sic loquitur. *Profundiores verò, difficilioreſque partes quæſtionum, quas latius pertractarunt, qui hæreticis reſiſterunt; ſicut non audemus contemnere; ita non neceſſe habemus adſeruere; quæ ad conſitendum gratiam Dei, cuius operi, ac dignationi nihil penitus ſubtrahendum eſt, ſatis ſufficere credimus quidquid ſecundùm prædictas regulas Apoſtolicæ Sedis nos ſcripta docuerunt, vt proſus non opinemur Catholicum, quod apparuit præfixis ſententijs eſſe contrarium.* Hæc Cęleſtinus. Inter profundas autem, ac difficilioreſ quæſtiones, iſta computanda omninò eſt, quæ maxima Dei gratia eſt, à qua omnes alię gratiæ in electis toto vitę tempore promanant; ideòque ſub diſputatione relicta. At nihilominus aduertendum puto, quòd Cęleſtinus eam epistolam ſcripſit ad ſuge-

*Alij Authores ante, & poſt Auguſtin. tenuerunt oppoſitam ſententiam.*

*Modestia ſeruanda in alterutroſque inuicem.*

*Cęleſtini primi elo- gium pro Auguſtino.*

*Nota, quòd Cęleſtinus commen- dat eius do-ctrinam.*

stionem Prosperi, & Hilarij conquerentium, quòd post Sancti Augustini obitum, doctrina eius de Gratia à nonnullis sugillaretur; hæc autem de Prædestinatione pars est illius: & Celestinus corripit Episcopos Gallos, quòd Augustinum non defendant, & eius aduersarios retundant, vt in proemio huius opusculi dictum est. His præmissis

III. Dico I. Secundum S. Augustinum (quem ego sequor) Prædestinatio hominum ad gloriam facta est ex mera Dei gratia, & misericordia, sine præuisione meritorum eorumdem.

II. Prob. hæc historia, & sententia ex multis S. Augustini dictis. Nota quòd adduco dicta explicita Augustini, non solum, vt ostendam eum sic tenere; sed quia in eis adest ratio, cur ita teneat, quæ docilem quemque suadet. I. *ex lib. I. de Prædestinat. Sanctorum c. 18. & 19.* quæ ad idem sunt, perpendit locum ad Ephes. 1. *elegit nos ante mundi constitutionem, & c. Præsciebat eos, ait Pelagius, qui futuri essent sancti, & immaculati per liberæ voluntatis arbitrium, & idèd eos ante, mundi constitutionem, in ipsa sua præscientia, quatales futuros esse præsciuit, elegit. Elegit ergo antequam essent prædestinans filios, quos futuros sanctos, immaculatosque præsciuit, utique ipse non fecit, nec se facturum, sed illos futuros esse præsciuit. Hæc Pelagius: at nota, quòd hæreticus in hoc, per hoc tantum; quia dicebat per opera præuista facienda viribus arbitrij sine adiutorio gratiæ: Et August. vtrumque impugnat sic. Elegit nos ante mundi constitutionem, vt essemus sancti; non ergo, quia eramus futuri, sed vt essemus, nempè certum, & manifestum est. Idèd quippe tales eramus futuri, quia elegit ipse prædestinans, vt tales per gratiam eius essemus. Idem replicat in sequenti capite; non*

*quia*

Prædestinatio hominum ante præuisionem meritorum facta est, ex Dei mera, & pura gratia.

Augustini plura loca ex Sacra Script.

Quare August. dicit hæreticam sententiam Pelagij, qui ex meritis dicebat fieri.

quia futuros tales nos esse præsciuit; sed ut effemus tales per ipsam electionem gratiæ suæ, qua gratificauit nos in dilecto filio suo. Cùm ergo nos prædestinavit, opus suum præsciuit, quo nos sanctos, & immaculatos facit.

113. Secundò probat suam sententiam Augustinus argumento paruulorum, quorum multi saluantur, multi damnantur, & primum sine præiis, aut exhibitis meritis: in epist. 107. sic ait. *Quam quæso allaturi sunt causam, quod alius sic gubernetur, ut baptizatus sic exeat; alius infidelium manibus traditus, vel etiam fidelium, priusquam ab eis baptizandus offeratur, expiret?* Et infra. Cur providentia Dei, cui nostri Capilli numerati sunt, sine cuius voluntate non cadit passer in terram, quæ nec fato premitur, nec fortuitis casibus impeditur, nec vlla iniquitate corrumpitur, ut renascantur ad beatitudinem cælestem, non consulit omnibus paruulis filiorum suorum, & nonnullis consulit paruulis etiam impiorum? Quod quidem argumentum validissimum mihi videtur contra asserentes prædestinationem ex meritorum præiis.

Tertiò in lib. de Correp. & gratia cap. 13. præ alijs dicit. Non enim sicut sunt vocati, ut non essent electi; sed quoniam secundum propositum vocati sunt, profectò electi sunt per electionem, ut dictum est, gratiæ non præcedentium meritorum suorum; quia gratia est in illis omne meritum. Et de prædestinatione per gratiam non per merita sæpiissimè loquitur.

114. In eodem capite inquit. Hi verò, qui non pertinent ad hunc prædestinatorum numerum, quos Dei gratia, siue nondum habentes vllum suæ voluntatis arbitrium, siue cum arbitrio voluntatis, idèò verè libero, quia per ipsam gratiam liberato, perducit ad regnum. Hi ergo, qui non pertinent ad illum

S. Augustini validum argum. ex casu paruulorum.

Ex lib. de Correp. & gratia.

Multa ibi notanda.

*lum certissimum, & felicissimum numerum pro merito iustissimè indicantur. Igitur aliqui, ut paruuli, sine ullo actu voluntatis præuiso prædestinati sunt ex gratia, & beneficio Dei; & alij ex eadem gratia, & prædestinati sunt ad gloriam, & ad arbitrij libertatem à seruitute peccati, ac diaboli. Deindè assignat, quomodo damnantur, qui ex gratia prædestinati non sunt, inquit. Aut iacent sub peccato, quod originaliter de generatione traxerunt, & cum illo hæreditario debito hinc exeuntes, quod non est regeneratione dimissum; aut per liberum arbitrium alia addiderunt, arbitrium inquam, sed non liberatum, liberum iustitiæ, peccati autem seruum, quo voluntur per diuersas impias cupiditates, &c. Aut gratiam Dei suscipiunt, sed temporales sunt, nec perseuerant; deserunt, & deseruntur. Dimissi enim sunt libero arbitrio, non accepto perseuerantiæ dono, iudicio Dei iusto, & occulto. Et sic ex August. patet, quod non prædestinati, vel ex delicto, vel originali tantum, ut paruuli, vel ex eo cum alijs actualibus, ut Pagani, Iudæi, &c. vel si regenerati sunt, sed dimissi propriæ voluntati non perseuerantes in bono, reprobati sunt; & ita ex demeritorum præuisione; & sic iustè.*

Discursus  
August. con-  
uincens.

Quomodo  
reprobi di-  
mittuntur  
proprio ar-  
bitrio, &  
iustè dam-  
nantur.

Alia loca  
S. August.

115. In cap. autem 7. de corr. & gratia dixerat. *Ac per hoc, & qui Euangelium non audierunt, & qui eo audito, & in melius commutati perseuerantiam non acceperunt; & qui Euangelio audito venire ad Christum, hoc est in eum credere noluerunt, & qui per etatem paruulam nec credere potuerunt, sed ab originali noxa solo possent lauacro regenerationis absolui, quo tamen non accepto mortui perierunt, non sunt ab illa conspersione discreti, quam constat esse damnatam. Igitur prædestinatio sanctorum ex Dei gratia, & misericordia, non ex meritis eorum*



rum pręuіs faḡta est; immò merita ex prędestinationis gratia procedunt, vt in suo loco dicetur. Deus enim, qui prędestinat ad gloriam, prędestinat ad merita, quibus vult eam à prędestinatis consequendam. Nam in eodem cap. 7. ait, *sed quoniam secundum propositum vocati sunt, profectò electi sunt per electionem, vt dictum est gratiæ, non precedentium meritorum suorum, quia gratia est illis omne meritum.*

116. In Enchiridio c. 98. expendens illud Rom. 9. *Non ex operibus, inquit, qua in re si futura opera, vel bona huius, vel mala illius, qua Deus vtique pręstiebat, vellet intelligi; nequaquam diceret; non ex operibus, sed diceret ex futuris operibus, eoque modo solueret istam quæstionem; immò nullam, quam solui opus esset, faceret quæstionem; sed qui dixit, miserebor, cui misertus ero, & misericordiam pręstabo, cui misericors fuero, Iacob dilexit per misericordiam gratuitam; Esau autem odio habuit per indicium debitum. Quod cum deberetur ambobus: in altero alter agnouit, non de suis distantibus meritis sibi esse gloriandum, quod in eadem causa idem supplicium non incurrit, sed de diuinæ gratiæ largitate, quia non volentis, neque currentis, sed miserentis est Dei.*

117. In cap. 99. inquit. *Sola gratia redemptos discernit à perditis, quos in vnā perditionis concreuerat massā, ab origine ducta causa communis; & assignat rationem, cur ita factum sit, inquit, sic oportuisse liberari, vt ex pluribus non liberatis, atque in damnatione iussissima derelictis, ostenderetur quid meruisset vniuersa conspersio, & quòd etiam istos debitum Dei indicium duceret, nisi eis in debita misericordia subueniret.*

118. In cap. 10. de Corr. & grat. in fine habetur, *Quot quot ex hac stirpe gratia Dei liberantur, à dam-*

Merita ex  
Prędestina  
tionis gra  
tia procedunt.

Ex Enchiridio à Scrip  
ducit arg.

Ex eodem  
Enchiride  
rum.

Ex lib. de  
Corr. & gr.



Pauci Præ-  
destinati.

Argum.  
August. de  
Perseuer.  
quæ est do-  
num Dei,  
validissimū  
est, & non  
ex meritis.

Ideo librū  
consecit de  
bono Per-  
seuer.

Dicit, quod  
ex libris  
Dei infer-  
tur sua sen-  
tentia.

natione utique liberantur, qua iam tenentur obstricti. Unde etiam si nullas liberaretur, iustum Dei iudicium nemo insule reprehenderet. Quod ergo pauci in comparatione pereuntium, in suo autem numero liberantur multi, gratia fit, gratis fit; gratiæ sunt agenda quia fit, ne quis velut de suis meritis extollatur.

119. Item magni ponderis existimo S. August. argumentum de Perseuerantia finali, pro quo integrum librum scribit prætitulatum de bono Perseuerantiæ, quo respondet ad Prosperum, & Hilarium scribentes tumultum eorum, qui prædestinationem sine meritis ab eo traditam insimulabant: in omnibus 24. capitibus illius libri, varijs modis hoc argumento perseuerantiæ utitur ad probandum, quod electio ad gloriam, quæ ex perseuerantia finali confertur, quæ est donum Dei, non ex meritis, sed ex gratia fiat: adducam vnum ex cap. 8. ubi expendens locum quemdam Io: 8. querit August. cur ex duobus pijs viris, huic donetur perseuerantia vsque in finem, illi non donetur. Et respondet cum Ioanne, si fuissent ex nobis mansissent nobiscum. Et subdit. Nonne utrique vocati fuerant, & vocantem secuti; utrique ex impijs iustificati, & per lauacrum regenerationis utrique renouati: & respondet. Vera sunt hæc, & secundum hæc omnia nobiscum erant; verumtamen secundum aliam quamdam discretionem non erant ex nobis; nam si fuissent ex nobis, mansissent utique nobiscum; & post aliqua inquit; Quenam sit tandem ista discretio? Patent libri Dei, non auertamus aspectum. Clamat scriptura diuina, adhibeamus auditum. Non erant ex eis, qui non erant secundum propositum vocati: non erant in Christo electo ante constitutionem mundi: non erant in eo sortem consecuti, non erant prædestinati secundum propositum eius, qui vniuersa operatur.

Qui

Qui ergo non est prædestinatus, non perseverat in bono ad obtinendum finem, ac terminum prædestinationis; igitur non potest dici, quòd ex meritis (inter quæ deberet primum locum tenere perseverantia) facta est electio ad gloriam: vel si ex præuisione perseverantiæ, cum hæc sit ex gratia, ut de fide est, iam electio ex gratia originem haberet: satius autem est dicere, quòd ipsa electio ex numero perditorum in originali, sit ex gratia, & ex ea dependeat vocatio &c. ac perseverantia finalis. Quod quidem argumentum validissimum esse conspicitur, quia de fide est, perseverantiam esse donum Dei.

Perseverantiæ debetur gloria, sed hæc non ex meritis.

120. Augustinum secutus est eius discipulus S. Prosper, qui pluries de hac re loquitur, præcipuè in epist. ad Rufinum, in qua agit de libero arbitrio, & corripit eos, qui negabant, *ex omni genere hominum per cuncta sæcula natorum, certum apud Deum, definitumque esse numerum prædestinati in vitam æternam populi, & secundum propositum Dei vocantis electi, & ait, in illis non præcedens eligitur, nec secutura deuotio; non obedientia, nec discretio, non voluntas. Et soluens illud Pauli ad Timot. dictum, Deus vult omnes homines saluos fieri, quòd hoc non intelligatur de singulis hominibus, inquit. Numquid non sunt de omnibus hominibus, qui à præteritis generationibus usque ad hoc tempus sine Dei cognitione perierunt? & si maioribus natæ (quod non rectè dicitur) mala opera, quæ libero arbitrio commiserant, obsuerunt, quasi boni non mali gratia liberentur, inter saluatos paruulos, & non saluatos paruulos, quæ meritorum potuit esse discretio? Quid istos introduxit in regnum Dei, quid istos exclusit à regno Dei? equidem si merita consideres, non una pars saluari meruit, sed vtraque damnari; quia omnibus*

S. Prosper in omnibus his sequitur Agult.

Discursus S. Prosperi profundus & clarus.

in *Adæ præuicatione* prostratis, nisi quosdam as-  
 sumeret misericors gratia, maneret super vniuersos in-  
 culcata iustitia. Quæ autem sit discretionis istius in  
 secreto Dei consilio causa, vel ratio, & supra facul-  
 tatem humane cognitionis inquiritur; & sine fidei  
 diminutione nescitur, modò confiteamur, neminem  
 immeritò perdi, neminem meritò liberari, & omni-  
 potentissimam Domini bonitatem omnes saluare, &  
 omnes ad agnitionem veritatis imbuere, quos vult  
 omnes fieri saluos, & ad agnitionem veritatis venire.  
 Nisi enim ipso vocante, docente, saluante, nemo ve-  
 nit, nemo eruditur, nemo saluatur.

S. Fulgen-  
 tius eandẽ  
 sententiam  
 sequitur.

121. S. Fulgentius in lib. de Remiss. peccat.  
 cap. 4. discutiens historiam Iacob, & Esau, ait,  
 Quo circa ex duobus istis fratribus, quos vno concu-  
 bitu Isaac Patris nostri, vnus in semine conceptus  
 accepit, vnus in lucem partus effudit, sola quem vo-  
 luit à massa damnationis misericordia diuina discre-  
 nit, cui patrocinata est gratuitorum prædestinatio mu-  
 nerum, non futurorum præscientia meritum. Sic  
 enim secundum electionem propositum mansit, vt ex  
 proposito Dei gratuita foret electio. Voluntas enim  
 causa est electionis, non electio voluntatis.

Pluries Ful-  
 gentius id  
 repetit.

122. Idem in lib. de Prædestinationis Veritate,  
 plura de hac sententia dicit, præsertim hoc: ait  
 Apostolus dum nondum nati fuissent, aut aliquid  
 egressent bonum, vel malum, vt secundum electionem  
 propositum Dei maneret. Quod Apostolus idèd di-  
 xit, vt non secundum hominis, sed secundum electio-  
 nem vocantis propositum mansisse monstraret, neque  
 ex nascituri quolibet merito, sed ex voluntate Dei  
 cognosceretur electio.

Petrus Da-  
 mianus idẽ  
 docet.

123. Petrus Damianus eandem sequitur sen-  
 tentiam in epist. ad Fulgentium, vbi contra semipe-  
 lagianos loquens, & discutiens illud Pauli super  
 hac

hac materia, d quam incomprehensibilia sunt iudicia eius, ait. Hæc si ita sunt, vt heretici iactant, comprehensa sunt ab ipsis incomprehensibilia, & inscrutabilia Dei iudicia. Si enim, vt ipsi volunt nolentes damnat, volentes saluat; quod queratur ulterius? Nos autem incomprehensibilia credentes, & demonstrantes iudicia Dei, ex vna massa perditionis, alios saluari dicimus bonitate, & gratia Dei; alios iusto, & occulto iudicio derelinqui.

124. S. Gregorius in lib. 1. Dial. c. 8. ait. Obtineri nequaquam possunt, quæ prædestinata non fuerunt: sed ea quæ sancti viri orando efficiunt, ita prædestinata sunt, vt precibus obtineantur. Nam ipsa quoque perennis regni prædestinatio, ita est ab omnipotenti Deo disposita, vt ad hoc electi, pro labore perueniant, quatenus postulando mereantur accipere, quod eis omnipotens Deus ante sæcula disposuit donare. Et vt cæteros omittam, de quibus dixi in proemio huius Opusculi, post multa sæcula prodierunt Scholastici, quorum antesignanus fuit Petrus Lombardus dictus *Magister sententiarum*, eo quod plerasque sententias ex lib. S. Augustini collectas in quatuor libros redegit; qui floruit in sæculo 13. Hic sententiam S. Augustini de prædestinatione ad gloriam sine meritis factam tenuit; hunc secuti sunt Alexander de Ales dictus *Doctor irrefragabilis*, S. Thomas *Doctor Angelicus*, S. Bonaventura *Doctor Seraphicus*, Ioannes Duns Scotus, *Doctor subtilis*, & Academię multæ, vt initio retuli: ideòq; eam quasi irrefragabilem censeo.

125. Aliquæ fateor adsunt contra eam difficultates, quas infra ex S. August. soluere conabor; & si non satisfaciam, dicat lector, d *altitudo diuinarum sapientiæ*, & *scientiæ Dei*: plures enim, & inextricabiles sunt in opposita sententia, vt patebit.

S. Greg. Ma  
gister.

## CAP V T V.III.

*Quid alij Patres senserint de prædestinatione, cum,  
vel sine intuitu meritorum.*

Hæc quæ-  
stio anti-  
qua est.

Neutra sen-  
tentia de-  
clarata de  
fide.

Cum mode-  
stia sine  
iniurijs di-  
sputanda.

Historicè  
refertur  
sententia  
de Prædest.  
ex meritis.

Græci ali-  
qui docue-  
runt.

126. **A**Du. quòd quæstio hæc de prædestina-  
tione ex meritis, vel sine eis non est  
moderna; neque alterutra sententia declarata est  
de fide, sed vtraque permissa; quia vtraque San-  
ctos Patres habet patronos. Quamvis enim an-  
te S. Augustinum non fuerit formiter hæc quæstio  
disputata; sed vtraque sententia ab aliquibus  
prælibata tantum: tamen post S. Augustinum,  
qui methodicè Theologiam docuit, fuit semper  
acriter disputata. Fateor quidem, quòd primi  
utriusque sententiæ authores zelo pietatis erga  
Dei misericordiam, bonitatem, ac iustitiam, so-  
lis rationibus Sacræ Scripturæ innixis, absque  
iniurijs, scommatibus, aut falsitatibus disputa-  
runt. At sequaces eorum non omnes eandem  
viam tenuerunt, sed plerique in scommata, &  
acerbitates, quæ Catholicum non decent, prola-  
buntur. Hic ergo historicè referam, quid SS.  
Patres Græci, ac Latini ante, & post S. Augusti-  
num de prædestinatione ad gloriam sine præuisio-  
ne meritorum dixerunt.

127. Dico I. Plures Patres Græci prædesti-  
nationem sanctorum à Deo ab æterno factam ex  
præuisione meritorum asseruerunt.

128. Prob. hæc historia ex aliquibus Patri-  
bus Græcis Origene, Chrysostomo, Oecumenio, ac  
Theodoro.

129. Orig. licet in hac materia aliquando  
claudicare videatur; tamen in Epist. ad Rom.  
cap. 8.

cap. 8. quos præsciuit, & prædestinavit &c. ait, & ided etiam in præsentī loco constat, Apostolum secundum Scripturæ Sacræ consuetudinem posuisse sermonem cognoscendi, ut illos ostenderet præcognitos à Deo in quibus sciens quales essent, amorem suum Deus, affectumque posuisset. Et postea explicans illud eiūdem Apostoli, qui secundum propositum vocati sunt sancti, dupliciter explicat propositum, & ut propositum Dei vocantis, ac eligentis, & ut propositum eorum, qui eliguntur à Deo, præuisum, sic. Omnes quidem vocati sunt, sed non omnes secundum propositum bonum, & bonam voluntatem, quam circa cultum Dei gerunt, vocantur. Illi enim, qui non habent bonum, fixumque propositum circa diuinum cultum, vel circa opus bonum; vocantur quidem & ipsi, ne eis excusatio relinquatur. Quod si secundum propositum ad Deum referatur, hoc est, qui secundum Dei propositum, qui sciens in eis religiosam mentem, & salutis inesse desiderium vocati dicantur; non videbitur his, quæ exposuimus hoc esse contrarium. Hoc ergo pacto, neque in præscientia Dei, vel salutis, vel perditionis nostre causa consistit, neque iustificatio ex sola vocatione pendeat; neque gloriari de nostra penitus potestate sublatum est. Ex quibus patet, quod Deus (ex Origene) ex præuisione operum humanorum, & vocat, & reprobatur; ea tamen opera cum auxilio gratiæ facienda præuideri in suo loco dicemus cum eodem authore; nec aliter cum fide intelligi posset.

130. S. Io: Chrysostomus pluries de prædestinatione, & reprobatione ex præscientia operum loqui videtur: in epist. ad Rom. 9. homil. 16. prius dicit, Qui enim mentis occulta cognoscit, ipse manifestè scit, quinam coronis digni sint, quinam sup-  
pli-

S. Io: Chri-  
stom. idē  
docuit.



plício, atque pœna. Et explicans quomodo aliqua sint vasa irę, & contumelię, alia honoris, & misericordię, inquit, *Vt igitur Pharaos vas irę factus est propria iniquitate, sic & isti vasa misericordię sua probitate fiunt. Nam etsi maiori ex parte id à Deo geritur; tamen à nobis exiguum confertur aliquid. Idcirco non dixit vasa præclarorum facinorum; neque vasa fiducię; sed vasa misericordię, ut ostendat totum illud Deo tribuendum. Quod clariùs infra confirmat, inquiens, vnde ergo alij vasa sunt irę, alij misericordię? respondet. Ex arbitrio proprio. Nam Deus, cum sit optimus, in utrisque eandem benignitatem exhibet. Non enim eos, qui saluantur solùm miseratus est; sed etiam Pharaonem quantum in ipso fuit, eandem quippè in se tolerando patientiam experti sunt. Quod autem non est saluatus, totum id illius voluntati tribuendum est; quia, quod ad Deum pertinet, nihil minus quàm, qui saluati sunt, est adeptus.*

131. Quod autem opera illa præuisa non essent facienda ex solis naturę viribus, sed ex adiutorio gratiæ per Christum, docuit idem Chrysost. in homil. prima in epist. ad Ephes. versu, qui prædestinavit nos in adoptionem filiorum, ad quæ dicit. Non enim ex nostris laboribus rectè factis hoc suppedit, sed ex Charitate, neq; ex Charitate solùm, sed ex virtute nostra. Nam si id ex sola Charitate penderet, saluari omnes oporteret. Sin autem sola ex virtute nostra supernuacaneus fuisset aduñtus illius, & quæcumq; ab eo sunt administrata. Verùm neque ex sola Charitate, neque sola ex virtute nostra illud accidit, sed ex utraque. Hęc S. Doctor. Ex quibus pater, sententiam suam esse, quod prædestinatio ad vitam æternam facta sit ex præiunctione operum ex Charitate, & in Charitate fiendorum. Quomodo autem

Multa digna Christi-  
sunt.

Sed merita  
illa ex au-  
xilio gra-  
tię facien-  
da præuisa  
sunt.



autem hæc eius dicta explicentur à Doctoribus contrariæ sententiæ (nam Chrysostomo multum deferendum est) videbimus in suo loco.

132. Theodoretus in *epist. ad Rom. c. 8.* explicans illud, *Omnia cooperantur in bonum, ijs, qui secundum propositum vocati sunt sancti*, intelligit non de proposito Dei, sed de proposito vocatorum, inquit, *Quorum propositum præsciuit, eos ab initio prædestinavit. Prædestinatos, ac prædefinitos etiam vocauit: Deinde vocatos per baptismum iustificauit; iustificatos verò glorificauit: & post. Ceterum nemo horum causam, præscientiam esse dicat; non enim præscientia eos tales effecit, sed Deus, ut Deus, quæ futura erant procul prospexit. Et in cap. 9. ad Rom. ait. Non est enim iniusta electio, sed quæ hominum proposito conuenit. Et explicans illud etiam Pauli, numquid dicit figmentum ei, qui se finxit, &c. ait, Recta ergo est, & iusta Dei vniuersorum sententia; iure ergo punit peccatores, ut qui hoc sua sponte facere audeant. Iure etiam lenitate, ac benignitate utitur; à nobis enim accepta occasione præbet misericordiam.*

132. Oecumenius in idem *c. 8. ad Rom. eodem modo explicat illud dictum, ijs, qui secundum propositum vocati sunt sancti*, inquit. Deinde ne quasi certis hominibus indulgens Deus, eos præ alijs vocare videatur, aderit eis, qui secundum propositum vocati sunt, hoc est secundum arbitrium suum dignati sunt vocatione: ostendens, omnes nos quidem esse vocatos; illos autem auscultasse, idcirco opitulatur eis Deus, qui secundum propositum facti sunt vocati. Quos autem prædestinavit, hos & vocauit, quos autem vocauit, hos & iustificauit; ne absurdum videatur, Deum quibusdam benefacere, non alijs. Quod autem additur secundum propositum, effecit,

Theodore-  
tus eandẽ  
sententiam  
docuit.

Locum A-  
postol. de  
proposito  
explicat de  
proposito  
hominum.

Oecume-  
nius eodẽ  
modo te-  
net, ac ex-  
plicat.

*ut in factis illius adscribatur laus, quia suapte voluntate crediderunt; & à personarum acceptione reddit immunem Deum.*

Theophila-  
tus eandē  
docuit sen-  
tentiam.

133. Addi potest ex Græcis Theofil. qui in idem caput 8. ad Rom. quos præsciuit, & prædestinavit. inquit. Præcognoscit, vel præscit Deus eos, qui vocatione digni sunt, deinde sic prædestinat. Prior itaque est præscientia, postea sequitur prædestinatio. Prædestinationem autem intelliges impermutabilem Dei bonam voluntatem. Prænotavit itaq; Paulum Evangelij vocatione dignum esse, sicque præfinit, seu prædestinavit, hoc est, impermutabiliter decrevit, ideòque statuit vocare ipsum. Et in cap. 9. discutiens illud de Iacob, & Esau, cum enim nondum nati fuissent, idem ferè dicit.

134. Dico 2. Aliqui Patres Latini priores Sancto Augustino docuerunt; prædestinationem ad gloriam factam esse ex præiudicis meritis.

Ex latinis  
aliqui Pa-  
tres docue-  
runt factā  
ex præiudicio  
merito-  
rum.

S. Ambros.

Prob. hæc historia. S. Ambrosius in lib. 5. de Fide, c. 5. expendens illud Christi dictum ad Iacobum, & Ioannem, sedere ad dexteram, & sinistram meam non est meum dare vobis. Matth. 20. ait. Non est meum, qui iustitiam servo, non gratiam. Denique ad Patrem referens addidit, sed quibus paratum est, ut ostenderet Patrem quoque non petitionibus deferre solere, sed meritis; quia Deus personarum acceptor non est: Vnde Apostolus ait, quos præsciuit, & prædestinavit. Non enim ante prædestinavit, quam præsciret: sed quorum merita præsciuit, eorum præmia prædestinavit. Immò (si commentaria in epist. ad Rom. essent S. Ambrosij (quod non creditur) in cap. 8. & 9. multo plura de hac sententia habentur.

135. S. Hieronymus in cap. 1. Isaie. Si volueritis, & audieritis me, bona terræ comedetis, ait,  
liberum

*liberum seruat arbitrium, vt in vtramque partem, non ex praiudicio Dei, sed ex meritis singulorum, vel pena, vel premium sit: Et in cap. 1. Malachia inquit, Dilectio Dei, & odium, vel ex prescientia nascitur futurorum, vel ex operibus: Et in epist. ad Hedibiam de multis propositionibus 9. cap. epist. ad Roman. mentionem faciens, in decima questione, sic loquitur. Quid ergo dicemus, iniquus est Deus? absit. Exodi 33. ait, miserebor, cui misertus fuero, & non est volentis, neque currentis, sed Dei miserentis: his suppositis, mouet questionem cum Paulo, quid ergo conqueritur Deus, quod bona non facimus, vel fecimus mala, cum in potestate illius sit, & voluntas absque bonis, & malis operibus; vel eligere aliquem, vel abijcere. Et responderet, cum Paulo. O homo tu quis es, qui respondeas Deo. Et est sensus. Ex eo quod respondeas Deo, & calumniam facis, & de scripturis tanta perquisis, vt loquaris contra Deum, & iniustitiam voluntatis eius incusas, ostendens te esse liberi arbitrij, & facere quod vis, vel tacere, vel loqui. Et postea ait. Deus non saluat irrationabiliter, & absque iudicij veritate; sed causis praeccedentibus; quia alij non susceperunt filium Dei; alij autem recipere sua sponte voluerunt, &c. ex quo sequitur non gentes eligi, sed hominum voluntates. Hæc Hieron.*

136. Post S. Augustinum immediatè, alij tenuerunt electionem ad gloriam factam fuisse ex prauisione meritorum, vt Faustus, & Massilienses, qui contra S. Augustinum oblatrabant, & habetur ex epist. SS. Prosperi, & Hilarij ad Augustinum, in qua referunt difficultates contra eius sententiam motas (quas in cap. sequenti referemus:) qua de re S. Doctor pro responsione scripsit duos illos præclaros libros, vnum de Prædest. SS. alium de bono Persen.

Hieronymus idem docuit.

Pluribus ostendit motuum prædestinandi fuisse opera humana præuisa.

Post S. August. aliqui eum impugnarunt, & docuerunt fieri per merita.

Concil. Va-  
lentinum,  
eam tenuit

137. ° Concilium Valentinum ex 14. Episcopis in cap. 3. hanc sententiam tenuit dicens. *In electione saluandorum, misericordiam Dei precedere meritum bonum: in damnatione autem perditorum, precedere meritum malum, iustum Dei iudicium.* Et in cap. 2. dixerat. *Malos non idè perire, quia boni esse non potuerunt, sed quia boni esse noluerunt, suoque vitio in massa damnationis, vel merito originali, vel etiam actuali permanserunt.*

Honorius  
Augustod.

138. Honorius Augustodunensis in Dialogo de Prædestinatione, eam sic definit. *Est pro meritis cuiusque, vel ad gloriam, vel ad pœnam æterna Dei præparatio.* Porro qui præuisi sunt in bono permansuri sunt ad vitam prædestinati; qui verò præsciti in malo vitam finituri, ad pœnam sunt utique prædestinati, ergo quos Deus præsciuit in filium suum credituros, & voluntariè mandata eius seruaturus, hos ante sæcula prædestinavit: hos suo tempore ad fidem vocavit; hos per baptismum iustificavit; hos virtutibus magnificavit; hos vasa misericordiæ glorificavit. Quos autem minimè facturos præsciuit, hos à regno gloriæ reprobavit, & vasa iræ, & contumeliæ apta ad pœnam prædestinavit. Et hoc etiam, ait, notificatum in Iacob, & Esau, quia eorum merita, ac demerita fuerunt à Deo ab æterno præuisa.

Exemplum  
figuli di-  
uersa vasa  
facientis  
ex eodem  
luto, Autho-  
res contra-  
rij aliter  
explicant.

139. Et quoniam S. Augustinus, eiusque discipuli, & sequaces illius ad probandam electionem ad gloriam, vtuntur præ alijs loco Pauli Rom. 9. de figulo ex eadem massa faciente vasa duo, vnum in honorem, aliud in contumeliā; Authores contrariæ sententiæ adducunt alias Patrum huius loci declarationes Augustini sensui oppositas, quibus ostenditur vasa illa honorata, vel inhonorata fieri quidem talia, sed propria voluntate, & sic à Deo existimari.

140. Damascenus enim in lib. 4. fidei cap. 20. ait. *Vasa illa fidei à Deo, qui est solus omnium artifex; sed non qua honorata, vel inhonorata sunt. Id enim vniuscuiusque liberum arbitrium facit. Et vtens Pauli doctrina 2. ad Timot. 2. In magna domo, non solum sunt vasa aurea, & argentea; sed & lignea, & fictilia; & quedam quidem in honorem, quedam autem in contumeliam. Si quis ergo emundauerit se ab istis, erit vas in honorem sanctificatum, & vtile Domino ad omne opus bonum paratum. Quasi dicat homines à Deo creati, suis operibus se constituunt vasa, siue honoris, siue contumeliæ: Deus autem pro eorum bona, vel mala conditione eis vtitur in honorem, vel contumeliam.*

Damascenus dicit, quod homines ex se sunt vasa bona, vel mala.

Ex Origene confirmant multi.

141. Et confirmant ex Origene, qui homilia 14. in lib. Num. discutiens præfatum Pauli locum; In magna domo &c. ait; *Verum vasa hæc, quæ dicimus, rationabilia intelligenda sunt, & liberi arbitrij, non casu, neque fortuito unusquisque vas honoris efficitur, aut vas contumeliæ, sed qui se talem præbuerit, ut electus esse mereatur, vas electum, & vas honoris efficitur. Qui verò indignis, & deterrimis sensibus viuunt, isle formatur vas contumeliæ, non à conditore, sed à semetipso, causis contumeliæ suæ datis.*

Vtuntur præterea alio argumento Pauli, 1. Timot. 2. 4. *Deus vult omnes homines saluos fieri, & ad agnitionem veritatis venire.* Quem locum, dicunt, à Patribus sic intelligi, quod Deus voluntate antecedente, & quantum est in se omnes omnino homines volebat saluare, sed ab ipsorum hominum præiudiciis operibus, malis, aut bonis faciendis, cum gratiæ auxilio sufficienti omnibus dando, ortum est, (ut aliquos voluerit efficaciter, & voluntate beneplaciti, alios non; & ad-

Vtuntur dicit Pauli, Deus vult omnes homines saluos fieri.

Et ipsi homines impediunt suis peccatis.

76 DE PRÆDESTINATIONE  
ducunt Sanctorum dicta .

S. Io: Chri-  
soft. id te-  
net .

142. S. Io: Chriſoſt. hom. 2. in epiſt. ad He-  
breos ait, *Deus quantum eſt in ſe omnes ad ſalutem  
perducere cupit: & hom. 44. de longitudine præmio-  
rum, inquit. Quod enim ſæpius dixi neceſſitate; ac  
vix neminem attrahit vnquam Deus, ſicut Paulus  
ait, qui vult omnes homines ſaluos fieri, & ad agni-  
tionem veritatis venire. Cur igitur non omnes ſalui  
ſiunt, ſi vult omnes ſaluos eſſe? quoniam non om-  
nium voluntas illius voluntatem ſequitur: porro ip-  
ſe neminem cogit, dixit enim Ieruſalem, quoties volui  
congregare filios tuos quemadmodum Gallina congre-  
gat pullos ſuos ſub alas, & noluiſti.*

143. S. Paulinus in epiſt. 2. inquit. *Omniem  
enim hominem quantum in ipſo eſt ſaluum fieri vult,  
qui fecit omnes.*

S. Hieron.  
eodem mo-  
do decla-  
rat.

144. S. Hieronymus in cap. 63. Iſaie ſic diſ-  
currit. *Si prudens lector tacita cogitatione respon-  
derit, quare multi non ſunt ſaluati, ſi ipſe ſaluauit  
eos, & dilexit, & pepercit filiis ſuis, & redemit  
eos ſanguine ſuo, ſuſcepit, & exaltauit aſſumptos?  
Et reſpondet. Inſertur cauſa perſpicua; ipſi autem  
non crediderunt: & exacerbauerunt Spiritum Sancti  
eius, &c. Voluit itaque Deus ſaluari cupientes, &  
pronocauit ad ſalutem, vt voluntas haberet præmium;  
ſed illi credere noluerunt. Et poſt aliqua. Nec  
ſtatim in culpa eſt, ſi plures credere noluerunt, ſed  
venientes; voluntas fuit, vt omnes crederent, &  
ſaluarentur.*

Idem  
Hieron.

145. Idem S. Hieron. in cap. 1. ad Ephes. in-  
quit. *Vult ſaluari omnes, & in agnitionem veritatis  
venire: ſed quia nullus abſque propria voluntate  
ſaluatur (liberi enim arbitrij ſumus) vult nos bonum  
velle, vt cum voluerimus, velit ipſe in nobis ſuum  
implere conſilium,*

146. S. Am-



146. S. Ambros. ante Hieron. idem docnerat in psal. 72. super illud, *Quam bonus Israel Deus, &c.* dicens, nonne omnibus bonus est Deus? ille quidem omnibus bonus est, quia saluator est omnium, maxime fidelium. Et ideo venit Dominus Iesus, ut saluum faceret, quod perierat; venit ut peccatum mundi tolleret, ut vulnera nostra curaret. Sed quia non omnes medicinam expetunt, sed plerique, resugunt, ne medicamentis compungatur vis vlceris; ideo volentes curat, non adstringit inuitos. Et post multa. Pulchre autem Apostolus, ut premisimus, explanauit, quia & omnibus bonus est Deus, qui vult omnes homines saluos fieri; & maxime fidelibus diuinae pietatis prerogativa seruatur, quibus voluntas Dei opitulatur, & gratia.

S. Ambros.  
idem do-  
cuit.

147. Idem S. Ambros. in lib. de Paradiso c. 8. ubi de Inda ait, *Venerat Dominus Iesus omnes saluos facere peccatores: etiam circa tempus suam debuit ostendere voluntatem. Et ideo nec proditurum debuit praterire, ut aduerterent omnes, quod in electione etiam proditoris sui seruandorum omnium insigne pretendit; & post aliqua. Et quod in Deo fuit, ostendit omnibus, quod omnes voluit liberare.*

Iterum S.  
Ambros.

Et in lib. 2. de Abel, & Cain c. 3. dicit. *Omnibus opem sanitatis detulit; ut quicumque perierit, mortis suae causas sibi adscribat, qui curari noluit, cum remedium haberet, cum posset euadere; Christi autem manifeste in omnes pradicetur misericordia; & quod qui pereunt, sua pereant negligentia: & qui saluantur secundum Christi sententiam liberentur, qui vult omnes homines saluos fieri, & in agnitionem veritatis venire. Ex quibus authores huius sententiae inferunt, quod iuxta eorundem S. S. Patrum sententiam ex meritis, ac demeritis praenisis facta sit electorum, ac damnatorum praedestinatio, cum*

Tertio S.  
Ambros.

Deus quantum de se erat, vellet omnes saluare, & nihilominus omnibus liberi arbitrij vsum liberum permittere, & ex eo bene, vel malè in praxim redigendo ab ipsis hominibus, bonorum à malis discretionem ab æterno decreuisse.

Cur recentiores amplexi sunt sententiam istam.

148. Mirum ergo non est, si recentiores postea hanc sententiam sibi plausibilem visam, & à Deo acceptionem personarum omninò remouentem, amplexi sunt. At de maiori, aut minori alterutrius probabilitate, in sequenti loquar.

## CAPVT IX.

*De qualitate meritorum, quorum intuitu à quibusdam asseritur facta prædestinatio.*

Authoris intentio.

Quæ merita asseruntur fecisse.

Motiva prædestinationis.  
Sensus Pelagianorum.  
sensus semipelagianorum.

149. **A**Du. pro indemnitate eorum, qui tenent prædestinationem factam ex præiudiciis meritis; quòd tripliciter hoc posset intelligi. Primò de meritis ex naturæ viribus eliciendis absque auxilio gratiæ, quod Pelagianum est, & ab Ecclesia damnatum, vt probabitur in Opusculo de Gratia. 2. De meritis sic eliciendis ab adultis, vt supposita vocatione ad fidem, assensus primus ad eam sit ex puris naturæ viribus, cæteri autem sequentes actus tam credendi, quam sperandi, diligendi, ac poenitendi, &c. sint faciendi cum auxilijs diuinæ gratiæ. Et hoc est semipelagianum, vt in eodem opusculo dicitur. Semipelagiani enim tenebant, quòd ad omnia opera bona, & meritoria, est necessarium actualis gratiæ auxilium, & per hoc recedebant à Pelagio, qui omne auxilij adiutorium negabat, saltem ad simpliciter operandum; nam aliquando concessit eius necessitatem ad faciliùs operandum. At semipela-

pelagiani cum Pelagio in hoc præ ceteris conueniebant, quòd initium fidei dicebant esse ab homine solis naturæ viribus operante. Quæ sententia pariter hæretica est. 3. intelligitur de meritis præiis eliciendis, cum auxilio diuinæ gratiæ, & hæc sententia improbata non est ab Ecclesia, sed in scholis controuertitur; & hæc tantum ab Authoribus Prædestinationis ex meritis tenetur, ex eo quòd doceatur à Patribus.

150. Adu.2. quòd alia adhuc, & grauior superest difficultas de qualitate auxiliorum, quæ præiis sunt ad merita necessaria, & consequenter à Deo danda, seu offerenda. An scilicet sint generis auxilij *sine quo*, vel auxilij *quo* (de quibus in suo loco dicemus) id est, an sint auxilia ex natura sua intrinsecè efficacia, quæ cum à Deo dantur faciunt facere infallibiliter, & ineluctabiliter: an sint, seu debeant esse eius generis, vt oblata, seu offerenda hominibus sint ita indifferentia, vt homines, si velint consentiant, & sic euadant efficacia; si autem non consentiant, sine effectu maneant, & sic inefficacia. Certum quidem est, quòd hæc difficultas spectat ad Opusculum de auxilijs diuinæ gratiæ: at res istæ sic sunt concatenate, vt vna sine alia percipi nequeat. Qui enim tenent prædestinationem factam ex meritis, tenentur defendere, quòd ex meritis cum Dei auxilio eliciendis. Et si interrogentur, vel vrgeantur de qualitate auxilij, tenentur respondere, an de auxilio *quo*, seu ab intrinseco efficaci; an de auxilio *sine quo*, seu, vt ipsi dicunt, indifferente, & à voluntate humana imperante, determinando.

151. Adu.3. Quòd multi Authores moderni, qui prædestinationem ex meritis præiis factam tenent, sic eam explicant. Deus ab æterno volun-

Sensus quo  
rundam  
Catholico-  
rum, sed  
controuer-  
si.

Alia diffi-  
cultas de  
genere au-  
xilij.

§ An efficax  
ex sua natu-  
ra, an indif-  
ferens.

Auxilium  
quod id est  
efficax ex  
se. Auxiliu  
sine quo ex  
conse ista  
efficax.

Quomodo  
Authores  
modū hunc  
prædestinā  
di expli-  
cant.

luntate antecedenti voluit saluare omnes, ideò decreuit dare omnibus media sua auxilia necessaria ad salutem toto eorum vitæ tempore (de adultis loquor:) vidit autē, quòd aliqui eis essent consensuri, eisq; vsuri; alij verò non, ideò decreuit priores adiuuare, vt opera illa ad quæ daturus est auxilia, perficiant; illos verò, qui non consensuri sunt, relinquere. Hæc, aliaque plura de his auxilijs indifferentibus, & de operibus ex illis faciendis à Deo per scientiam, quam dicunt mediam, præuisis, docent, vt in suo loco dicetur. At pro re nostra, de qua nunc agimus hæc prælibasse sufficiat.

Merita  
quorum in  
tuitu facta  
est prædesti-  
natio, ne-  
queunt dici  
elicienda  
da viribus  
naturæ, sed  
ex auxilio  
gratiæ.

152. Dico 1. merita, ex quorum præuisione Authores dicunt factam prædestinationem, nequeunt dici elicienda ex viribus naturæ, sed cum auxilio gratiæ.

153. Prob. Illa prorsus debent asseri, quæ in tempore sunt à prædestinatis elicienda; & pro quibus vita æterna, seu gloria est eis reddenda, sed hæc non eliciuntur ex viribus naturæ, sed cum auxilio gratiæ, ergo. Maior prob. ex Rom. 2. 6. *reddet unicuique secundum opera eius.* & 2. Cor. 5. 10. nec non *Apocal. 22. 12.* ista igitur, quæ præmianda sunt, præuisa mouerunt ad prædestinandum: neque de hoc est dubium. Prob. min. pro nunc (quia in proprio loco de ea loquemur) Nullum opus bonum ad salutem conferens fieri potest absque auxilio gratiæ, quia ex *Io. 15. sine me nihil potestis facere.* Et sub eisdem verbis hæc propositio fuit definita in pluribus Concilijs *Milenit. can. 5. Arianf. 2. c. 7. & vlt. Trid. cap. 10. & can. 2.* ab Innocentio 1. in epist. 24. 25. & 26. à Coelestino 1. *epist. 1. cap. 10.* & hæc fuit tota concertatio S. August. cum Pelagio.

154. Dico 2. Aliqui Historici Authores, qui tenent

tenent prædestinationem factam ex præuisione meritorum eliciendorum cum auxilijs gratiæ, vt consequenter loquantur, docent ea auxilia non fore ex sui natura intrinsecè efficacia, siue phisicè, siue moraliter prædeterminantia; sed fore indifferentia, & à voluntate humana dererminanda.

155. Prob. hæc eorum sententia. Eatenus negant prædestinationem factam sine antecedenti præscientia meritorum, quia præiudicaretur libertati humanæ; cum enim voluntati illi diuinæ antecedenti, volenti efficaciter aliquem ad gloriam, & scatuenti media efficacia pro eius consecutione, non posset prædestinatus resistere; in nullo signo, neque naturæ, voluntas illius remaneret libera ad operandum oppositum. At idem argumentum vrget, si dicatur, quòd meritum præuisum est eliciendum cum auxilio gratiæ ex intrinseca sui natura efficaci; quia ei nequibit resistere voluntas humana: pluries enim in Sacro Textu hoc insinuat. *Gen. ult. 19.* Ioseph loquens fratribus de sui venditione, quasi eos excusans, inquit, *Nolite timere; numquid Dei possumus resistere voluntati?* *Psal. 75. 8.* *Tu terribilis es, & quis resistet tibi?* *Rom. 9. 19.* *Voluntati eius quis resistit?* Et sic si talia erunt auxilia danda, & ex meritis cum eis eliciendis, Deus, saltem de congruo, motus est ad prædestinandum, duplici modo præiudicium (inquiunt) fieret libertati, scilicet ob auxilia illa non permissura aliter facere, & ob Dei efficacem voluntatem prædestinantem; & sic duplici vinculo remaneret ligata voluntas: ideò auxilia ex se efficacia reiiciunt. 2. dicunt, si ex meritis, cum talibus auxilijs ab homine eliciendis; vel ea forent omnibus hominibus conferenda, vel non: Si primum; igitur omnes homines essent prædesti-

Consequenter loquentes authores docent auxilia esse indifferentia.

Ratio eorum est libertatis immunitas.

Quia voluntati efficaci Dei, & gratiæ intrinsecè efficaci resisti nequit.

Aliud argumentum pro hac sententia.

nati ; quod & falsum, & hæreticum est : Si secundum , recurrunt omnia argumenta ( infra adducenda ) quæ fiunt, & olim facta fuere contra S. Augustinum de prædestinatione sine meritis ; nempe, quòd non omnes habituri sint necessaria ad merendum, & ideò repræhendi , aut damnari non possent , si viderentur non meritari , cum non viderentur habituri necessaria ad merendum : quod videretur maxime derogare bonitati diuinæ , & suæ iustitiæ , dum exigeret ab homine suis viribus impossibilia ; & sic à primo ad vltimum ; authores isti dicere tenentur , sicut de facto dicant , auxilia cum quibus elicienda sunt merita , quæ Deum mouerunt, saltim de congruo, ad prædestinandum, non fore illius generis ex sui intrinseca natura efficacium : sed alterius generis , nempe ex sua natura indifferentium, quæ possit homo acceptare , vel eis resistere : de quibus *Act. 7. 51.* ait Sanctus Stephanus ad Iudæos : *Vos semper Spiritui Sancto resistitis, sicut Patres vestri , ita & vos,* & *Prou. 1. 24.* Deus *Prou. 14.* inquit , *quia vocavi , & renuistis : extendi manum meam, & non fuit , qui aspiceret : despexistis omne consilium meum , & increpationes neglexistis . Ego quoque in interitu vestro ridebo, &c.* Et Saluator *Matth. 23. 38.* ait ad Iudæam . *Quoties volui congregare filios tuos , quemadmodum gallina congregat pullos suos sub alas , & noluisti ?* Et alia multa sunt huiusmodi dicta in Sacro Textu, quibus innotescit ( inquam ) natura auxiliorum , quæ Deus offert hominibus , vt sanctè operentur , relinquens eos in sua libertate, vt acceptent, vel non acceptent : & Paulus Apostolus *Act. 13. 46.* hoc improbat Iudæis : *Vobis oportebat primum loqui verbum Dei ; sed quoniam repellitis illud , & indignos vos indicatis æternæ vitæ ,*

*ecce*

Dicens ad  
inconueniens .

Spiritui sã  
do Iudei  
resistebant

12. 2. 11. 12. 2.

Aliqua ex  
pla scriptu  
ræ de hac  
resistentia.



*ecce conuertimur ad Gentes, sic enim præcepit Dominus, &c.*

156. Huius generis dicunt esse auxilia, quæ danda erant hominibus ad exequenda merita, ex quorum præuisione facta est prædestinatio; & hoc modo putant occurri posse ad omnia inconuenientia, quæ ex æterna prædestinatione oriri possent. Sic enim (inquiunt) obstruitur os iniqua loquentium, quòd Deus sit acceptor personarum: saluatur benignitas Dei, quòd velit omnes saluos fieri, dans omnibus necessaria media: saluatur eius iusticia, quòd reuuentibus correspondere diuinis auxilijs, decreuerit supplicium, & sic ex homine perditio eius, & ex acceptantibus decreuerit conferre maiora, perseverantiam finalem, & vitam æternam.

157. Hæc sunt præcipua dicta eorum, qui tenent prædestinationem factam ex meritorum præuisione. Quantum verò subsistant, ex Opusculo de Gratia patebit. Ego eam sententiam non sequor, quia cum S. Augustino sentio; sed eam non iudico.

## C A P V T. X.

*Quenam ex his sententijs de præuisione, vel non præuisione meritorum in prædestinando, sit probabilior.*

158. **A**Du. quòd in ijs controuersijs Theologicis, quæ adhuc definitæ non sunt per Concilia Generalia, vel Prouincialia à Sancta Sede approbata; vel per ipsam Sanctam Sedem immediatè declaratæ, sed Doctorum disputationi relictæ; licitum est sequi alterutram partem;

Ob merita cum his auxilijs elicienda dicunt factam prædestinationem.

Hoc modo saluant inconuenientia, quæ torquent etiam doctos.

Alterutra sententia teneri potest, & quòd.

dummodo eam sequens sincerè, & non zelo contradicendi, sed rationibus, & autoritatibus grauium, & Sanctorum Doctorum iudicet, & conuincat se innixum; & nouitates vitare velit.

159. Adu. 2. quòd quamuis de reuelatis dari non possint rationes euidentés, quia creduntur fide, quæ ex Hebr. 11. est *argumentum non apparentium*: positis tamen, & creditis rebus reuelatis, possunt ex eis deduci rationes, & conclusiones, vel euidentés, vel probabilissimæ, & in huiusmodi illationibus consistit tota, quanta est Theologia, tum speculatiua, tum practica; quia tota ex principijs fidei reuelatis dependet; at, quia Ecclesia non existimauit ad salutem necessarium definire omnia, quæ disputantur inter Theologos, probabilitates eorum disputari permittit: Sed utinam omnes modestè, ac religiosè pro veritate inuenienda id agerent: Qui enim contra faciunt, caueant diuinam iustitiam, quia, & otiosè nimis, ac scandalosè procedunt: et quod peius est, scandalum in cartis impressum perpetuò permanet.

160. Adu. 3. quòd probabilitas triplex est; quædam intrinseca, quædam extrinseca, & quædam mixta. Prima est illa, quæ oritur ex rationibus deductis, vel ex substantia, vel ex causis, vel ex effectibus, vel ex proprietatibus, vel ex accidentibus alicuius rei, non tamen euidentibus; alioquin non esset probabilitas, sed esset scientia certa, & euidens, non admittens vllum gradum formidinis. Econtra verò probabilitas semper admittit gradum aliquem formidinis: quotiescumque enim intellectus rem non cognoscit euidenter, naturaliter formidat de eius veritate; aliquando autem magis, aliquando minus, iuxta rationum pondera, ut diffusè de hac re locutus sum

Cur Ecclesia non definit omnes Theologicas conuersiones.

Probabilitatis species tres in trinfeca, extrinseca, & alia mixta ex utraque.

Intrinseca, quæ

Probabilitas semper gradum aliquem formidinis admittit.

sum in tomo 2 *super tertium sent. disp. 11. per totam.*

161. Probabilitas extrinseca est illa, quæ oritur ab authoritate Doctorum, quæ maximi ponderis est, si Authores sunt insignes, & præsertim, si sint SS. Patres, aut Ecclesiæ Doctores; nam *Ecclesiastici* 8. 11. habetur. *Non te prætereant narratio seniorum; ipsi enim didicerunt à Patribus suis: quoniam ab ipsis discis intellectum, & in tempore necessitatis dare responsum.* Et Patres Concilij Vienn. vt habetur in *Clem. de summa Trinit. &c. §. ad hoc*, decreuerunt se tenere, tamquam probabiliorem sententiam illam, quod etiam paruulis in Baptismo infundantur virtutes habituales, & gratia; & dicunt, *tenere hanc sententiam, tamquam probabiliorem, & dictis sanctorum, ac doctorum magis consonam, & concordem.* Immo, quod maximè notandum est, in Concilijs Generalibus antequam ad definitionem de fide deueniretur, semper adducta sunt prius dicta Sanctorum Patrum de re illa, quæ tractabatur; deindè Patres Concilij Spiritu Sancto afflati decreuerunt de fide id, quod ex solis Patrum dictis antea erat probabile. Legatur præ cæteris Ephesinum, & si libet quodcumque ex 18. Concilijs Generalibus.

162. Dixi, probabilitatem extrinsecam magnificiendam, si oritur ex concordia Doctorum insignium, & maximè Sanctorum Patrum, & Ecclesiæ Doctorum ad excludendam praxim, quamdam, quam, nedum in scholasticis, & moralibus, sed in canonicis, & ciuilibus doctrinis teneri ab aliquibus cum stomacho cerno; qui ad conclusionem aliquam probandam, nulla textus habita ratione, farragine Doctorum, vel incognitorum, vel parue entitatis, vel paulò ante defunctorum vtuntur, qui cum viuerent in nullo pretio

ha-

Extrinseca  
probabili-  
tas ex Au-  
thoritatis  
Doctorum  
pendet.

Praxis Con-  
ciliorum  
est, vt vi-  
deatur  
quid Sancti  
Patres di-  
xerint de  
re, quæ di-  
scutitur.

Qui nam  
Doctores fa-  
ciunt pro-  
babilitatē  
extrinsecā.

habebantur. Hi quidem nullam se solis, quoad me, faciunt probabilitatem: maximè si nouum, aliquod ex proprio cerebro contrarium senioribus, & antiquis Patribus, *in quibus est sapientia*, ex Ecclesiastico, in medium proferunt, ac tenaciter defendunt.

Probabilitas mixta.

163. Probabilitas tandem mixta, illa est, quæ ex rationibus Patrum, Sanctorum, & Doctorum insignium, ac seniorum, & in tali Ecclesiæ conceptu existentium autoritatibus coalescit: nec sufficere arbitror ad maximam probabilitatem ex parte Doctorum, si Doctores sint vnus tantum nationis, vel scholæ, aut instituti; quia tales sæpè numero, vel iurant in verbo magistri, vel propriæ seruiunt passioni: sed quoad me puto, quòd debent esse Doctores diuersarum nationum, diuersorum institutorum, & scholarum; hi certè magnam, ac sufficientem faciunt probabilitatem; tum quia, vt ait Philosophus, *communitas difficilè fallitur*; tum etiam, quia vnus ex octo locis Theologicis, quibus independentè à fide probatur veritas nostræ fidei *est concordia diuersorum Doctorum diuersimodè dispositorum, & multum inter se distantium*. Quòd autem hæc mixta ex rationibus, & ex præfatis insignium Doctorum autoribus sit digna, maxima, & sequenda probabilitas, ex praxi Ecclesiæ, quæ decipi non potest, probatur.

Doctores vnus instituti, vel scholæ tantum non faciunt maximam probabilitatem.

Ex diuersarum nationum Doctoribus desumenda.

164. In omnibus Concilijs id practicum videtur, quòd ad inueniendas, & firmandas veritates rerum, de quibus erat controuersia, Conciliorum Patres, vel se solis, vel adhibitis etiam Theologis diuersarum regionum primò diligenter inuestigarunt, si veritates illæ in Sacra Scriptura explicite continebantur, vel saltem ex explicitis inferri

inferri possent; deinde Sanctorum Patrum, & insignium, ac veterum Doctorum euoluerunt libros, si in eis reperirentur; & facta tam Scripturarum, quam Patrum, & veterum Doctorum collatione, Deo ad sic, vel sic dicendum inspirante, facta sunt decreta. Et hæc est in huiusmodi agendis regula ex Can. *De libellis dist. 20.* estque Leonis 4. dicentis, quod dum veritas alicuius doctrinæ inquiritur, *si in Sacra Scriptura non inuenitur, ad canones Conciliorum, & decreta Romanorum Pontificum est recurrendum; & si in eis non inueniatur, ad dicta Sanctorum Doctorum Hieronymi, Augustini, Isidori, & cæterorum Doctorum habeatur recursus.*

165. Idem præceperat ante illum Innoc. primus, & habetur in Can. *De quibus eadem dist. 20.* & ut huic argumento valde necessario pro omnis materiæ resolutione in eligendis opinionibus finem aliquando imponam, si aliorum acta Conciliorum pigeat reuoluere, libeat Concilij Trident. acta semel inspicere in Historicis ea referentibus. Omnium enim primò Theologi, & Canonistæ respectiuè, priuatim pro materijs studentes, ex Sacra Scriptura, & alijs Concilijs, ex Sanctis Patribus, alijsque præclaris Doctoribus rationes decernendorum eruerunt; deinde in Congregationibus adunati eas discusserunt: postea conclusiones ab ipsis firmatas, Patribus Concilij præsentauerunt. Isti verò prævio semper solemnī sacrificio, ad suffragandum coeuntes, Deo inspirante, quod eis placuit decreuerunt. Doctorum ergo illorum regulæ, rationes, & Patrum dicta fuere. His positis

156. Dico igitur resolutè: Sententia docens prædestinationem sanctorum ad gloriam, factam fuisse,

Ordo inquirendi veritatem in Concilijs.

Hæc est Leonis 4. regula, vt ad Patrum dicta recurratur

Idem docuerat Innoc. primus

Hæc praxis Conciliorū

Ex Concilio Trid. actis probatur.

Sententia docens Prædestinationem absque præuisione meritorum est longè probabili-  
ior, quàm opposita.

Est ianixæ probabilitati mixtæ.

Primò, intrinsecè.

Rationes ex S. Scriptura desūptæ sunt.

Locus Pauli ad Rom. 9.

fuisse, absque præuisione meritorum, sed ex sola gratia, & misericordia Dei discernentis illos à massa damnata ex Adæ peccato, est longè probabilior ea, quæ asserit factam ex meritorum præuisione.

167. Prob. Sententia illa fundata est in probabilitate mixta ex rationibus ex Sacra Scriptura erutis; & in dictis, seu autoritatibus sanctorum Patrum, & Doctorum veterum diuersarum nationum, Academiarum, seu hominum diuersimodè dispositorum, & multum inter se loco, & tempore distantium, & de ea non simplici modo, & quasi obiter loquentium, sed acriter pro ea certantium; qualis non est sententia opposita, vt mox patebit: ergo.

168. Probantur singula. Primum scilicet, quòd fundetur in rationibus ex Sacra Scriptura erutis iam patuit in cap. 6. & 7. vbi cum S. Augustino loca scripturæ adducta sunt. Primus est ex Rom. 9. 10. vbi Apostolus docens, quòd ex eodem concubitu Rebeckæ cum Isaac geniti sunt Esau, & Iacob; & tamen dictum est; *Cum enim nondum nati fuissent, aut aliquid boni egissent, aut mali, vt secundum electionem propositum Dei maneret, & non ex operibus, sed ex vocante dictum est, quia maior seruiet minori, sicut scriptum est, Iacob dilexi, Esau autem odio habui.* Et quia hoc videbatur Apostolo arduum, ac difficile, inquit. *Quid ergo dicemus, numquid iniquitas apud Deum? Absit. Et quasi augens difficultatem subdit. Moysi enim dixit, miserebor, cui misereor, & misericordiam præstabo, cuius miserebor. Igitur non est volentis, neque currentis, sed miserentis est Dei. Dicit enim Scriptura Pharaoni: Quia in hoc ipsum excitauit te, vt ostendam in te virtutem meam, & vt annuncietur nomen*



*nomen meum in vniuersa terra. Ergo culus vult miseretur, & quem vult indurat. Postea mouet contra se difficultatem, quæ fieri poterat, hodieque fit. Dicis itaque mihi. Quid adhuc queritur; nam voluntati eius quis resistit? Et respondet. O homo tu quis es; qui respondeas Deo? Numquid dicit figmentum ei qui se finxit, quid me fecisti sic? An non habet potestatem figulus luti ex eadem massa facere aliud quidem vas in honorem, aliud verò in contumeliam? Quod si Deus volens ostendere iram, & notam facere potentiam suam, sustinuit in multa patientia vasa iræ apta in interitum; vt ostenderet diuitias gloriæ suæ in vasa misericordiæ, quæ præparauit in gloriam, &c. ostendens, & ex Iudæis, & ex Gentibus electos esse ad gloriam. Hic autem locus nimis clarus est; & quod de massa perditionis Deus ex misericordia multos elegit ad gloriam; & quod non ex præiudiciis operibus; & quod non sit iniquitas apud Deum, qui Dominus est misericors, sed etiam iustus. Mirabilis quidem locus iste est, sed Pauli, organi Spiritus Sancti est, & ipsemet profunditatem similis mysterij considerans in c. 11. 35. exclamat dicens. O altitudo diuitiarum sapientiæ, & scientiæ Dei, quam incomprehensibilia sunt iudicia eius, & inuestigabiles viæ eius!*

169. Secundus Sacræ Scripturæ locus, ex quo desumitur secunda ratio de Prædestinatione sine præiudiciis meritis, est ille Ephes. 1. 4. *elegit nos in ipso (Christo) ante mundi constitutionem, vt essemus Sancti, & immaculati in conspectu eius in Charitate. Qui prædestinauit nos in adoptionem filiorum per Iesum Christum;* vbi notat S. Augustinus, quod non dicit elegit nos sanctos, sed *vt essemus sancti;* id est, vt faceret nos sanctos, quod consequitur ad electionem,

Paulus agnoscit diffinitatem suæ sententiæ, sed hæc tenet.

Locus valde clarus.

Paulus recurrit ad secretum Dei iudicium in hac re.

[Secundus Scripturæ locus pro hac sententia.

Tertius  
Scripturæ  
locus pro  
eadem.

170. Tertius S. Scripturæ locus, ex quo desumitur tertia ratio pro eadem sententia, habetur in 1. Cor. 4. 7. *Quis enim te discernit? Quid autem habes, quod non accepisti? Si autem accepisti, quid gloriaris, quasi non acceperis?* Si igitur ex meritis, poterit prædestinatus gloriari, quod non fuerit sibi decreta prædestinatio ex dono, & gratia Dei; sed erat sibi ex iustitia debita ob præuisa merita.

Quartus  
Scripturæ  
locus pro  
eadem.

171. Quartus locus pro hac sententia sumitur ex Marc. 10. 14. Saluator ait, *finite paruulos venire ad me, talium enim est regnum Cælorum.* Paruuli enim regenerati per baptismum, si moriuntur, saluantur; & tamen sine meritis; igitur sine eorum præuisione erant prædestinati. Quod autem pueri baptizati decedentes ante vsum rationis, seu annos discretionis, gloriam statim in Cælo obtineant, definitum est in Concilio Tridentino sess. 5. de pecc. orig. s. 5. ubi dicitur, quod baptizati veterem hominem exuentes, & nouum qui secundum Deum creatus est, induentes, innocentes, immaculati, puri, innoxij, & Deo dilecti effecti sunt, heredes quidem Dei, cohæredes autem Christi, ita ut nihil prorsus eos ab ingressu Cæli remoretur.

Paruuli  
baptizati  
saluantur  
si moriun-  
tur.

Quintus Sa-  
cræ Scrip-  
turæ lo-  
cus pro ea  
sententia.

172. Quintus locus S. Scripturæ est ex Rom. 11. 6. *Si autem gratia, iam non ex operibus, alioquin gratia non esset gratia. Quid ergo quod quærebat Israel, non est consecutus, electio autem consecuta est; cæteri verò ex ætati sunt. Quod confirmatur ex Ephes. 2. 8. Gratia estis saluati per fidem. Et hoc non ex nobis; sed donum Dei est, non ex operibus, ne quis glorietur. At maxima, & omnium potissima in homines Dei gratia est, quod electi sint ad gloriam, & ex ista maxima pendent omnes aliæ, quæ pertinent ad seriem salutis; nam ait*  
idem

Maxima  
gratia est  
prædestina-  
tio; igitur  
sine meri-  
tis.

idem Apostolus Rom. 8. 30. *Quos autem prædestinavit, hos & vocavit: & quos vocavit, hos & iustificavit: quos autem iustificavit, illos & glorificavit*; igitur omnia hæc pendent à gratia prædestinationis; quia volens efficaciter finem, vult media ad illum: & sic non ex operum præiustione; alioquin non esset gratia.

173. Quo verò ad probabilitatem extrinsecam huius sententiæ de Prædestinatione ad gloriam, sine præiustione meritorum, notandum est prius documentum S. Vincentij Lirinensis, qui in *Commonitorio p. 1. c. 3.* inquit, *quòd in illis rebus, quæ in Sacra Scriptura non sunt clarè expressæ, sed remanent dubiæ, antiquitatem, & consensionem sequi debemus; antiquitatem quidem, si ab ijs sensibus nullatenus recedamus, quos sanctos, maiores, ac Patres nostros celebrasse manifestum est. Consensionem quoque itidem, si in ipsa vetustate omnium, vel penè omnium sacerdotum pariter, & magistrorum definitiones, sententiasque scèlemur; quod quidem, documentum valde conuenit cum eo, quod tradit Spiritus Sanctus, à nobis in 2. notabili allato, Narrationem Patrum tuorum ne prætereas, &c.*

174. Quot autem, & qualibus vallata sit authorum dictis hæc Sancti Augustini sententia, in huius Opusculi vestibulo aperuimus: Omnes siquidem doctrinam Augustini de Gratia, & libero arbitrio mirificè exaltant; inter omnes autem gratias, de quibus Deus dignatur homines honorare, & exaltare, hæc prædestinationis ad vitam æternam, summa omnium est; tum quia est de obtinenda perpetua Dei visione, & fruitione; tum etiam quia omnes aliæ, quæ in via obtinentur, vt filiationis Dei, hæredis eiusdem, & coheredis Christi, ad eam consequuntur; & pro hac

Probabilitas extrinseca pro hac sententia.

Extrinseca etiam maxima est, & ostenditur.

Prædestina-  
tio ad glo-  
riam, sum-  
ma gratia  
est.

Pro hac la-  
boravit  
multum S.  
August.

Pro hac  
defenden-  
da Cælesti-  
us scripsit  
ad Episco-  
pos Gallie

Tacite o-  
bjectioni  
respondet  
Author.

docenda multum laboravit Augustinus, *ut in li-  
bro de Prædestinatione Sanctorum, in libro de bono  
Perseuerantiæ, & in libro de Corrept. & Gratia*  
videre est; hunc enim postrenum scripsit, ut pri-  
mos defenderet, contra quos Faustus, & Massi-  
lienses obloquebantur; quia prædestinationem,  
ab æterno factam absque meritorum præscientia  
docuerat, sed à Dei voluntate, ex misericordia  
secernente quosdam à massa perditionis, ceteros  
autem in ea relinquentem. Maximam siquidem,  
sicut reuera est, gratiam eam existimabat S. Au-  
gustinus. Imò pro hac Massiliensium contra  
Augustinum murmuratiōe, quam à Sanctis Pro-  
spéro, & Hilario audierat Cælestinus Papa, scri-  
psit ad Episcopos Gallie grauem illam episto-  
lam, & admiratione plenam (cuius particulam  
in proemio retulimus) quòd non recunderent eo-  
rum audaciam, qui doctrinam carpebant Augu-  
stini à se, suisque prædecessoribus commendatam,  
&c. Hec obiter volui dicere, ut tacite alicuius re-  
spondeam obiectioni, si diceret; quòd Pontifi-  
ces, & Authores graues, & sancti commendarunt  
Augustini doctrinam de Gratia, & non descen-  
derunt ad particulam de prædestinatione; hic enim  
deciperetur; quia hæc est prima, & maxima gra-  
tia; & de hac locutus est Cælestinus. Hanc in-  
diuiduo secuti sunt Illustres Scholastici, & San-  
cti Ecclesie Doctores.

175. Cum ergo viri præclari, ac doctissimi  
omnis status, & conditionis, & in Ecclesia, tam  
dignitate, quam scientia sublimes, in proemio  
relati, eam sententiam approbent; eamque secu-  
ti sint, ac sequantur, ut Summi Pontifices, Sancti  
plures, Ecclesie Doctores, Thomas, ac Bonauen-  
tura; Episcopi multi, Concilia Prouincialia ap-  
pro-

probata, Religiones plures, Academiae celebres in toto orbe, ceterique magni nominis, non moderni (quos non retuli) sed quatuor, aut quinque saeculorum Theologi, Magister sententiarum, Alexander Alensis, Albertus Magnus, Scotus, alijque eorum temporum famigerati magistri; non video quis alius extrinsece probabilitatis gradus possit sententiae huic accedere, quin dicatur omnibus numeris absolute probabilissima, vnoque tantum gradu distans ab euidencia, si de secretis Dei consilijs dari posset in via.

176. Scio aliquas contra eam, ab aliter dispositis, renouari difficultates, ante duodecim saecula à Fausto, ceterisque Massiliensibus euulgatas, testibus Prospero, & Hilario in Epistolis ad Augustinum: & ab eo, quantum sibi datum est, solutas. Ingenue tamen fassus est sanctus, pius, humilisque Doctor, quod in aliqua eorum cum Paulo clamandum est, *O altitudo diuitiarum sapientiae, & scientiae Dei, quam incomprehensibilia sunt iudicia eius, & inuestigabiles viae eius.* Et monet legentem, ut caueat praecipitium; & si non, acquiescit ad ea, quae ipse docet, *querat doctiorem, sed caueat, ne inueniat praesumptiorem.*


177. Ego verò in his, alijsque Philosophiae, ac Theologiae (quibus operam, licet inutiliter, dedi) difficultatibus, memor fui semper cuiusdam Aristotelis documenti, *quod imbecillitas ingenij est, propter apparentem rationem, sensatam, ac fundatam relinquere probationem.* Hic est pro me praesens calus; & quoniam oppositam sententiam non sperno, sequens Caput adiicio.

Quinam  
eam se-  
quuntur.

Omni gra-  
du proba-  
bilitatis  
fuleta est.

Augustini  
humilitas.

Arist. sa-  
piens di-  
de sequen-  
dis senten-  
tijs doctri-  
nalibus.



## CAPVT XI.

*Quanta sit probabilitas sententiæ docentis prædeterminationem factam esse ex meritis præuisis.*

*Autoris  
sincera in-  
tentio ape-  
ritur.*

178. **A**Du. quòd hæc sententia suos habet Patrones, qui gloriantur etiam de probabilitate mixta rationibus ex Sacra Scriptura deductis, & authoritatibus Sanctorum, ac Doctorum veterum, & modernorum, immò, & ipsius S. Augustini, & aliquorum ipsiusmet discipulorum: Placuit autem mihi vtriusque sententiæ fundamenta sincerè, ac fideliter referre. Cum enim hæc etiam publicè in Academijs, & priuatis scholis doceatur, vt quilibet suę studiosę satisfaciat curiositati, possitque eam, ad quam se videt ex ratione inclinatum, sequi, & habeat fundamentum, cui innitatur; etiam si Theologicæ professionis non sit, vt valeat rationum pondera discutere,

179. Dico ergo 1. Probabilitas intrinseca, idest, rationibus ex Sacra Scriptura deductis, in quibus fundatur sententia, quòd Prædestinatio facta sit ex præuisione meritorum, in sequentibus scripturę locis per eos consistit.

Primus locus est, quòd in vtroque Testamento habetur, Deum redditurum præmium, aut supplicium vnicuique iuxta opera eorum. *Psal. 16. 12. semel locutus est Deus, duo hæc audiui; quia potestas Dei est, & tibi Domine misericordia, quia tu reddes vnicuique secundum opera sua. Iob. 34. 11. opus hominis reddet ei, & iuxta vias singulorum restituet eis. Rom. 2. 6. Reddet vnicuique secundum opera eius. Et Gal. Quæ seminauerit homo, hæc & metet.*

*Probabili-  
tas intrin-  
seca, quòd  
prædest. fa-  
cta sit ex  
præuisis me-  
ritis.*

*Primus lo-  
cus ex S.  
Scriptura,  
quòd red-  
det Deus  
cuique iux-  
ta opera  
sua.*



zet. Tim. 4. 6. *Bonum certamen certavi, &c. In reliquo reposita est mihi corona iustitiæ, quam reddet mihi Dominus in illa die iustus Iudex: non solum autem mihi, sed & ijs, qui diligunt aduentum eius.* Si ergo pro meritis Deus daturus est præmia, & supplicia, sic decreuit facere. At hoc decretum est prædestinatio ab æterno facta; & sic ex præiudiciis cuiusque meritis, ac demeritis.

180. Secundus locus ex S. Scriptura desumptus est de Dei voluntate, ac benignitate volente omnes saluos facere; at non faciente, quia non omnes seruant eius præcepta; & proinde, quia aliqui præiudiciati sunt obseruaturi, alij non, illos, non istos prædestinauit ad gloriam. Illa autem generalis voluntas probatur ex utroque Testamento. Isaïæ 5. 1. dicit Deus. *Nunc ergo habitatores Ierusalem, & viri Iuda indicate inter me, & vineam meam, quid est, quod ultra debui facere vineæ meæ, & non feci ei?* Item Ezechielis 18. 23. *Numquid voluntatis meæ est mors impij dicit Deus, & non ut conuertatur à vijs suis, & viuat?* Et infra. *Nolo mortem peccatoris dicit Dominus Deus: conuertimini, & viuite.*

181. Ex nouo Testamento Matth. 18. 14. Saluator ait. *Non est voluntas ante Patrem vestrum, qui in Cælis est, ut pereat vnus de pusillis istis.* Et in cap. 23. dixerat. *Ierusalem, Ierusalem, que occidis Prophetas, & lapidas eos, qui missi sunt ad te. Quoties volui congregare filios tuos, quemadmodum gallina congregat pullos suos sub alas, & noluisti?* Celebrerrimus autem, & clarior omnibus est Pauli locus Tim. 5. *Hoc enim bonum est, & acceptum coram saluatore nostro Deo, qui omnes homines vult saluos fieri, & ad agnitionem veritatis venire.* Ex quibus concluditur, quod Deus, quantum est ex se, non vult

Secundus  
Script. locus,  
quod  
Deus vult  
omnes saluare,  
sed  
multi impediunt.

Ex utroque  
Testamento

vult istos tantum, & non illos, saluos, sed omnes. At quia vidit aliquos tantum, & non omnes seruaturus legem, ideò decreuit illos saluare, non istos. Alia Scripturę loca pro hac sententia non valui inuenire.

182. Dico 2. Hęc sententia de Prædestinatione ex meritorum præuisione, innixa est etiam probabilitati extrinsecę, scilicet autoritatibus Sanctorum Patrum, & aliorum, & sic mixta gaudet probabilitate.

183. Prob. Sancti Patres, quorum autoritates adduximus in capite octauo hanc sententiam sequuntur; & sunt, S. Ioannes Chrysostomus, Origenes, Theodoretus, Oecumenius, ac Theophilus ex Gręcis: ex Latinis verò, Sancti Ambrosius, & Hieronymus: ex Gallis multi, qui alio modo sentientes contra Augustinum circa hoc insurrexerunt; & Concilium Valentinum, vt ibi.

184. Immò Authores huius sententię asserunt S. Augustinum idem aliquando tenuisse. Nam in lib. *de Gratia, & libero arbit.* c. 6. contra Pelagium, & sequaces loquens, discutiens illud Apostoli, *bonum certamen certavi, &c. ideò reposita est mihi corona iustitię &c.* ait, cui redderet coronam iustus iudex, si non donasset gratiam misericors Pater? & quomodo esset ista corona iustitię nisi præcessisset gratia, quę iustificat impiũ? Quomodo ista debita redderetur, nisi prius illa gratuita donaretur? Et postea ad rem nostram de Pelagianis loquens, qui docebant ex meritorum præuisione factam prædestinationem, S. August. subdit. *Si merita nostra sic intelligerent, vt etiam ipsa dona Dei eff. cognoscerent, non esset reprobanda ista sententia. Quoniam verò merita humana sic predicant, vt ea ex semetipso habere hominem dicant, prorsus rectissimę respon-*

Extrinsecę probabilitas sententię, quod fiat ex meritis præuisis.

Authores Sancti, qui eam sequuntur.

Et dicunt S. August. idem docuisse aliquando.

S. August. dictum pro hac sententia.

respondet Apostolus, quis te discernit? 2. idem S. Augustinus in lib. 1. ad Simplic. q. 2. hæc habet de Iacob, & Esau, electionem ex proposito, non propositum ex electione manere, idest non quia Deus inuenit bona opera in hominibus, quæ eligat, idèd manere propositum iustificandi: sed quia illud manet, & t iustificet credentes; idèd inuenire opera, quæ iam eligat ad regnum Cælorum: Et post aliqua. Nemo enim eligitur, nisi iam distans ab illo qui reijcitur, unde quod dictum est, quia elegit nos Deus ante mundi constitutionem, non video quomodo sit dictum, nisi præscientia.

185. 3. Idem S. August. in lib. de Gratia, & libero arb. c. 8. mouet hanc quæstionem. Si vita æterna bonis operibus redditur sicut dicit scriptura, quoniam Deus reddet unicuique secundum opera eius: quomodo gratia est vita æterna cum gratia non operibus reddatur, sed gratis detur? & sibi met respondet. Ista quæstio nullo modo mihi videtur posse dissolui, nisi intelligamus, & ipsa bona opera nostra, quibus redditur æterna vita ad Dei gratiam pertinere. Itaque si vita bona nostra nihil aliud est, quam Dei gratia; sine dubio & vita æterna, quæ bona vite redditur, Dei gratia est. Et ipsa enim gratis datur, quia gratis data est illa cui datur. Sed illa cui datur tantummodo gratia est; hæc autem quæ illi datur, quoniam præmium eius est, gratia est pro gratia, tamquam merces pro iustitia, ut verum sit, quoniam reddet unicuique iuxta opera eius. Idem S. August. in lib. 83. qq. quæst. 68. post medium, ait, Cuius vult miseretur, & quem vult indurat. Sed hæc Dei voluntas, iniusta esse non potest; venit enim de occultissimis meritis eorum.

186. Præter hæc S. August. loca, Authores huius sententiæ alia discipulorum Augustino coe-

Alia S. Augustini dicta pro eadem.

Sibi obijcit S. August. & soluit pro hac sententia.

Videtur difficilis locus hic.

S. Prosper  
pro ea sen-  
tentia.

Pluries S.  
Prosper.

Dicit Pro-  
sper, quod  
hec senten-  
tia ante Au-  
gustinum  
erat com-  
munis.

taneorum adducunt. S. Prosper in lib. respons. ad Gallorum capitula in cap. 3. habet. *Quod ergo in hæc prolapsi mala sine correptione penitentiae defecerunt; non ex eo necessitatem pereundi habuerunt, quia prædestinati non sunt: sed idem prædestinati non sunt, quia tales futuri ex voluntaria prævaricatione præsciti sunt: et sic ex demeritis præiudicis non fuerunt prædestinati.* Idem dicit in cap. 7. & 12. & proinde electio quoque ad gloriam ex meritis facta dicenda est. Et confirmare conantur ex eodem Sancto in lib. de vocatione Gentium c. 35. ubi ait. *Nec per electionis propositum liberi arbitrii deuotio relaxatur, cum implende voluntatis Dei ita sit præordinatus effectus, ut per laborem operum, per instantiam supplicationum, per exercitia virtutum fiant incrementa meritorum, & qui bona gesserint, non solum secundum propositum Dei, sed etiam secundum merita coronentur.* Ex quibus deducunt, quod si pro meritis datur corona gloriæ, ex eorum præscientia sit destinata.

187. Idem S. Prosper lib. 2. de Vocat. Gent. cap. 10. aliàs 35. ait, frustra dicitur quod ratio operandi non sit in electis, cum etiam ad hoc operentur, ut electi sint. At in epistola ad Augustinum prope finem dicit, quod hæc sententia, quam cœpit oppugnare Augustinus, erat communis omnibus antiquis Patribus, & petit ab eo solutionem argumenti, quod ex eius sententia deducebatur: sic autem scribit, *illud etiam argumentum, qualiter diluatur quæsumus patienter insipientiam nostram ferendo, demonstres, quod retractatis priorum opinionibus pene omnium par inuenitur, & una sententia, qua propositum, & prædestinationem Dei secundum præscientiam Dei receperunt, ut ob hoc Deus alios vasa honoris, alios contumelia fecerit, quia finem*  
vnius-

vnus cuiusque prauiderit, & sub ipso gratiæ adiutorio, in qua futurus esset voluntate præscierit; & sic antiquorum Patrum doctrinis ante Augustinum vallata videtur manere hæc sententia.

188. S. Fulgentius non obscure videtur eam tenuisse in libro 1. ad Monimum cap. 24. inquit, *Deus prædestinavit ad Regnum, quos ad se præscinit misericordiæ præuenientis auxilio reddituros, & in se misericordiæ subsequenti auxilio remansuros.*

S. Fulgentius assertur pro eadem.

189. Alios Authores ante vndecimum seculum non video à sequacibus huius sententiæ adduci, sed nonnullos posteriores, nempe Guglielmum de Rubione in primo sententiarum dist. 40. q. 1. art. 1. & 2. conclus. 3. Ioannem de Bononia Opusc. de Prædest. part. 1. & parte 2. post sextam opinionem. Catarinum in Opusc. de Prædestin. lib. 1. cap. ult. & lib. 3. c. 1. & 2. Turrianum in dogmatico de electione. Ex Patribus Societatis, incipiendo à primo, innumeros ferè referunt, à quorum relatione abstineo, tum quia maior ferè eorum pars tenet oppositam, tum etiam quia, & moderni sunt, quamvis docti; & quia argumenta noua, aut validiora ad hanc sententiam fulciendam adducere non video.

Alios Authores non adducunt pro sententia.

Cur modernos non refert Author.

190. Concludunt ergo huius sententiæ Authores, quòd ea gaudere debet titulo probabilis mixtæ probabilitatis, ex rationibus nempe à Sacra Scriptura desumptis, & ex Patrum, ac Doctorum Authoritatibus.

Conclusio eorum, quòd hæc sententia, de præfinitione meritorum omni gaudet probabilitate.

191. Adducunt præterea argumenta ducentia ad impossibile, nempe ad absurda plura. Primum, quòd si hoc modo prædicatur prædestinatio, homines ad ignauiam, & pigritiam alliciuntur; dicent enim, si sumus prædestinati, saluabimur, et si nihil operemur; quia decretum Dei infallibile.

Alia adducunt argumenta, quæ ducunt ad inconueniens.

Multa, sed  
antiqua.

est, & suum effectum infallibiliter obtinebit. 2. frustranea esset prædicatio, & correptio malorum operum, quæ facerent prædestinati; nam, etiam si eis non prædicaretur, & de pessimis operibus non corripenterentur, adhuc ex speciali Dei providentia, ut firmum maneret propositum, & infallibile decretum, emendarentur, & finaliter iusti reperirentur, & saluarentur; & sic etiam Christi prædicatio, tam pro prædestinatis, quam pro reprobis frustranea fuisset: priores enim ea non indignissent; posteriores verò fuissent incapaces. In sententia contraria non videtur æquè bene saluari benignitas, & misericordia Dei, qui vult omnes saluos fieri; neque videtur satisfieri curiositati hominum de acceptione personarum; quòd aliqui eligantur; alij despiciantur; Ideò sequens appono caput, ut difficultates istæ ponderentur, & solvantur, si fieri potest.

## CAPUT XII.

*In quo resolvitur questio pro S. Augustino, & solvuntur argumenta contraria.*

Author cen-  
set August.  
sententiam  
tenendam.

192. **P**Erpenfis ergo rationibus, & authoritatibus pro utraque sententia hucusque allatis, existimo sententiam S. Augustini, quòd nempe prædestinatio ad gloriam facta sit ex mera Dei misericordia, qua discrevit ab æterno multos à massa damnata per Adæ peccatum, absque prævisione meritorum; sed cum prædestinatione ad gratiam, & merita pro consecutione eiusdem gloriæ tamquam mercedis, & coronæ, seu brauij, ac præmij, esse longè, latèque probabiliorem, quàm sit opposita.



193. Prob. hæc assertio . Rationes ex Sac. Scriptura desumptæ pro hac sententia , vt consideranti patet, sunt magis claræ , & magis expri- mentes rem hanc, quàm illæ, quæ adducuntur ad oppositum , licet non euidentibus : si enim tales es- sent, frustra dixisset Apostolus; *ò homo tu quis es, vt respondeas Deo ? O altitudo diuitiarum Sapientiæ, & scientiæ Dei incompræhensibilia sunt indicia eius, & inuestigabiles viæ eius : quis enim cognouit sensum Domini, aut quis consiliarius eius fuit ?* Rom. 11.

34. quia si rationes essent euidentibus, iam iudicia Dei essent compræhensibilia , & viæ vestigabiles in hac materia , & cognosceretur sensus Domini clarissimè , si diceretur, Deus prædestinauit hos , quia præiudicauit hos benè vsuros libero arbitrio , & sanctè operaturos obseruando Dei legem, & ab- stinendo à peccatis, & perseueraturos immacula- tos vsque ad exitum vitæ : alios verò non præde- stinauit, quia præiudicauit eos non benè vsuros libero arbitrio, nec sanctè operaturos , & vsque ad vitæ finem non perseueraturos in gratia .

194. Quo verò ad probabilitatem extrinse- cam, vt dixi in cap. 10. non video, an dari possit maior , ac validior , tam ratione personarum, & Academiarum , & ipsius primi Authoris de ea nedum simpliciter loquentis , & vt dicitur obiter (sicut alij Patres eo priores aliter sentientes , vt cum eodem Augustino infra dicam ) sed dispu- tantis, & tot libros de ea implentis , acriterque illam defendentis ; tam etiam ratione temporis , ex quo sententia hæc cepit doceri , & perseuera- uit ; quam primarij Scholastici , etsi diuersarum scholarum institutores , vt S. Thomas, & Scotus amplexati sunt . Si autem huic probabilitati (qua credo , quòd maior dari nequeat ) comparetur pro-

Quia ratio- nes ex S. Scriptura desumptæ clariores sunt.

Et indicia Dei sunt incompræhensibilia .

Extrinseca probabili- tas maxima

Comparata oppositæ maior est .

probabilitas oppositæ sententiæ , qualiscumque illa sit , quam in suo statu relinquo , exigua , tenuisque mihi videtur .

Sentent. S.  
August. lau-  
data à Pon-  
tificibus .

195. Addendum præterea, quòd magnum, immò maximum affert pondus , totalemque probabilitatem, ita ut nullum ferè gradum formidinis in ea relinquat, commendatio doctrinæ S. Augustini in materia de gratia toties à Sancta Sede Apostolica commendata , ut in proemio huius Opusculi legi potest . Prædestinatio autem etiam in sententiâ opposita negari non potest, quòd pertineat ad gratiam : Authores enim huius, ut à Pelagianis discrepent, docent Prædestinationem factam ex meritis præiis ex gratiæ adiutorio eliciendis , & ex gratia æternæ vitæ præmio coronandis : Et sic ad gratiæ materiam pertinet Prædestinatio .

Cælestinus  
defendit in  
ea August.

196. Immò quod notatu dignum est, Sancti Prosper, & Hilarius , nedum ad S. Augustinum , sed ad Sanctum Papam Cælestinum scripserunt, quòd quidam S. Augustinum carpebant de eius doctrina circa prædestinationem sine meritis , quòd esset noua , & dura , ac plurium inconuenientium causa : Et Cælestinus scripsit ad Episcopos Galliæ (ut in proemio , & in cap. 10. dixi) admirans, quòd tales homines non compescerent; laudans S. Doctorem de vitæ, ac doctrinæ bonitate . Non video, quid ampliùs requiratur ad summum gradum probabilitatis huius sententiæ: Sola Ecclesiæ definitio deficit, ne possit ampliùs villo modò impugnari .

Difficulta-  
tes soluun-  
tur .

297. Restat modò , ut soluamus argumenta, quæ contra eam militare videntur . Sed priùs aduerto, quòd, cum neque Apostolo , neque Augustino, alioue doctore maior , aut equalis , vel  
pro-

proximus in doctrina ego esse prætendam, non puto adæquatè, me posse omnibus argumentis satisfacere, cum nec ipsemet Augustinus eis pro omnium capto satisfecisse se declarer, & protestetur, rem esse difficilem, & cum Paulo clamandum, *O altitudo diuitiarum, &c.* Sed pro viribus ex Augustini, & sequacium dictis, satisfaciam: infra verò in proprio capite aliquas S. Augustini regulas, & documenta adducam, de modis loquendi, ac prædicandi de Prædestinatione.

198. Ad primum ergo argum. ex S. Scriptura desumptum, & in cap. præcedenti adductum, de iustitia Dei reddituri in die iudicij *unicuique iuxta opera sua*; Resp. dicendum sic esse, & de fide hoc esse, quia, cum Deus prædestinavit homines, decrevit etiam, ut ipsi opera meritoria operentur proportionata mensuræ gloriæ, ad quam sunt prædestinati, & sic iuxta merita confert Deus gradus gloriæ. At indè non sequitur, quòd merita illa præiusta sint causa prædestinationis, sed econtra, ait Augustinus, Prædestinatio est causa omnis meriti in prædestinatis; & sic etiam respondetur ad illud Pauli, *Bonum certamen certavi, &c. idèd reposita est mihi corona iustitiæ*. Ipse enim in suis meritis Dei misericordiam exultat, inquit, *Gratia Dei sum id, quod sum, & misericordiam consequutus à Domino, ut sim fidelis. Quis te discernit? Quid habes, quòd non accepisti?* & alia plura, quæ adducam in Opus. de Gratia.

199. Ad secundum locum, quòd Deus non vult mortem peccatoris, & quòd facit vineæ suæ, quod potest facere, & tamen non convertitur ad penitentiam, &c. ut in cap. præcedenti, Resp. salua pace, non esse ad rem, quia tangit materiam reprobationis, quæ ut in suo loco dicam, sit ex præ-

Anchoris  
modestia.

Reddendū  
cuique iux-  
ta opera,  
quia opera  
etiam sunt  
prædestina-  
ta.

Prædestina-  
tio est cau-  
sa omnis  
meriti.

Ad aliud,  
quòd Deus  
non vult  
mortem  
peccatoris.

Non est ad  
rem, quia  
loquitur de  
reprobatio  
ne.

præuisione demeritorum, siue originalis, vt in paruulis cum illo decedentibus, siue cum eo, & actualibus, vt in adultis Paganis, & Iudæis, siue ex solis proprijs actualibus, vt in solutis ab originali; quia reprobatio procedit ex iustitia: nos autem loquimur de prædestinatione, quæ procedit ex misericordia, seu gratia. Ideò omnibus ijs autoritatibus, quæ de prædestinatione non loquuntur, negatur consequentia, quia ab ijs locis legitimè nequit deduci, nisi argumento à pari, quòd sicut Deus decreuit supplicium ex præuisione demeritorum, & ideò exprobat impijs, quòd non Dei, sed sua voluntate tales sint: ita dicendum de prædestinatione, quòd ex meritis facta sit; sed statim assignaretur disparitas, quia, vt dixi, in primo casu procedit iustitia; in secundo misericordia.

Ad alia argumenta  
de probabilitate  
extrinseca.

Patres ante  
August. obiter  
de hac re locuti  
sunt, nec de  
ea disputarunt, ait  
August.

200. Ad primum argumentum secundæ conclusionis de probabilitate extrinseca, Cùm multi Patres, etiam Augustino priores, docuerint fieri ex meritis, vt ipsimet Augustini discipuli Prosper, & Hilarius id rescripserint Augustino (sicut supra retulimus) quòd scilicet Massilienses dicebant, Patres docuisse contrariam sententiam, Resp. cum eodem Augustino, quòd quidam sancti obiter id dixerunt, & de hac sententia non disputarunt. Hæc sunt Augustini verba in lib. 1. de Prædest. SS. cap. 14. Quid igitur opus est, vt eorum scrutemur opuscula, qui priusquam ista hæresis (Pelagiana scilicet) oriretur, non habuerunt necessitatem de hac difficili ad soluendum questione versari, quod proculdubio facerent, si talibus respondere cogerentur. Vnde factum est, vt de gratia Dei, quid sentirent, breuiter quibusdam scriptorum suorum locis, & transseunter attingerent: immorarentur  
verò

verò in eis, quæ aduersus alios inimicos Ecclesiæ disputabant, & in exhortationibus ad quascumque virtutes, quibus Deo viuo, & vero pro adipiscenda vita æterna, & vera felicitate seruitur, frequentationibus autem orationum apparebat simpliciter Dei gratia quid valeret. Sed qui sententijs tractatorum instrui nolunt, oportet, vt istum librum Sapientiæ, vbi legitur, raptus est, nè malitia mutaret intellectum, eius omnibus tractatoribus anteponant, quoniam sibi eum anteposuerunt etiam temporibus proximis Apostolorum egregij tractatores, qui eum testem adhibentes, nihil se adhibere, nisi diuinum testimonium crediderunt. Deindè adducit doctrinam Sancti Cipriani, qui locum istum, raptus est, in solam Dei gratiam refundit. Hic autem est effectus prædestinationis, vt scilicet non permittatur prædestinatus viuere vsque ad tempus, in quo peccare posset finaliter.

201. Hęc ergo est Augustini responsio: licet alij Patres aliter senserint de prædestinatione, nempe ex meritis, non multum refert; quia de ea non disputarunt, sed obiter aliquid dixerunt; quia de alijs rebus disputarunt; & de virtutibus, quibus æterna acquiritur vita nauiter egerunt; quòd si de prædestinatione tractassent, debuissent locum illum sapientiæ præ oculis habere, vt fecit S. Ciprianus, & sic agnouissent, quòd non ex meritis præiudicis, sed ex Dei gratia, & misericordia facta est prædestinatio; alioquin Deus non raperet prædestinatum ne caderet finaliter, sed relinqueret eum cadere, & ex demerito illo ipsum damnaret.

202. Ad loca, quæ adducuntur ex Augustino, Resp. ad primum vbi dicit, quòd si Pelagius doceret prædestinationem factam fuisse ex

Ad illa Ecclesiæ necessaria cetera eius hostes attendebant antiqui Patres.

Adducit August. locum S. Cipriani.

Ad loca ipsius Augustini.

Ad primū.  
eundē non  
improbat,  
non tamen  
sequitur,  
sed dicit fo  
re minus  
malum pro  
Peiagio.

Ad 2. Au  
thor mira  
tur quia  
nihil tale  
ex eo loco  
deducitur.

Author ex  
cusat se de  
prolixita  
te, quia  
iniuria fit  
Augustino.

meritis præiis cum auxilio gratiæ eliciendis, *non esset reprobanda hæc doctrina*, concedo, quia saltem minus malum, seu aliquod bonum docuisset; neque ego reprobo, quia Ecclesia non reprobatur: sed Augustinus eam non sequitur, immò impugnando, contra eam disputat. Igitur non potest ex hoc dicto inferri, quòd eam, vel sequatur, vel approbet.

203. Ad secundum Augustini *ex lib. 1. ad Simplicianum q. 2.* deductum fateor meam incertitiam, nescio quomodo ex ea quæstione sumatur argumentum pro contraria sententia ex paucis, mutilisque verbis; & quomodo cordati etiam viri ita putent, immò aliqui eum excusent, quòd in iuventute fuerit eius sententiæ; cùm in libris retractationum, nec verbum quidem de hac re faciat, dum alia etiam minuscula retractet: Immò in tota illa prolixa quæstione secunda nervosè sustineat, ac propugnet sententiam, quòd prædestinatio facta sit sine præiis meritorum; sitque ex mera misericordia Dei. Patienter (oro) legat lector. Quæstio sibi proposita, ut initio patet, est de diuersitate sortium Iacob, & Esau vno concubitu, ut dicit Apostolus Rom. 9. genitis, & eodem die natis, & dicit Augustinus, *Intentionem Apostoli, quæ per totam illam epistolam viget tenebo, quam consulam*; Et postea multa dicit. 1. *eo ipso quod gratia est, operibus non debetur.* 2. ex Apostolo Eph. 2. dicit, *non ex vobis, Dei enim donum est; non ex operibus, ut ne quis gloriatur, de his, qui nondum nati erant documentum dedit.* Nemo enim posset dicere, quòd ex operibus promeruerat Deum Iacob. 3. *Vocantis est ergo gratia; percipientis verò gratiam, consequenter sunt opera bona, nec quæ gratiam pariant; sed quæ gratia pariantur.*



204.

Deinde mouet sibi difficultatem; quomodo electio ista Iacob facta sine præscientia meritorum, aut fidei, cum nec aliquid boni egisset, ut electio secundum propositum maneret, Iacob dilexit, c. 14. ait. *Non ergo secundum electionem, Dei propositum manet, sed ex proposito electi. Id est, non quia inuenit Deus opera bona in hominibus, quæ eligat, idem manet propositum iustificationis ipsius: sed quia illud manet, ut iustificet credentes; idem inuenit opera, quæ iam eligat ad regnum Cælorum, nam nisi esset electio, non essent electi.* Et quia subdit verba illa, quæ opponuntur. Vnde, quod dictum est *elegit nos Deus ante mundi constitutionem, non video quomodo sit dictum, nisi præscientia*, putant, quod teneat ex præscientia meritorum factam esse electionem ad gloriam; & non aduertunt, non esse hunc S. Augustini sensum, cum ex antecedentibus, cum ex sequentibus; quia statim subdit. *Quod ait non ex operibus, sed ex vocante dictum est; non de electione meritorum, quæ post iustificationem gratiæ proueniunt; sed de liberalitate donorum Dei voluit intelligi, nè quis de operibus extollatur. Gratia enim salui facti sumus, & hoc non ex operibus, sed donum Dei est; non ex operibus, nè forte quis extollatur.* Et postquam multum discussit, quomodo Iacob dilexit Deus, & Esau odio habuit, antequam nati essent; aut aliquid boni, vel mali egissent dicit Sanctus, *Deus faciet misericordem, ut etiã benè operetur.* Vnde admonemur, nec ipsis operibus misericordiæ quæquam oportere gloriari, & extolli, quod eis quasi suis Deum promeruerit, quandoquidem, ut haberet misericordiam ipse præstitit, qui misericordiam præstabit, cui misericors fuerit. Et post multa ait, *Cur non & Iacob præscientia Dei approbatus est futuræ bonæ*

Multa con-  
sideranda  
pro loco  
cit. S. Aug.

Ex quibus  
patet, quod  
docet oppo-  
situm.

Clarè loqui-  
tur S. Aug.

Pro absur-  
do videtur  
habere Au-  
gust. quod  
prædestina-  
tio fiat ex  
meritis.

Quod aper-  
tè pluri-  
bus probat.

Multis mo-  
dis confir-  
mat suum  
dictum.

voluntatis eius? quòd si semel concesseris potuisse quemquam, vel approbari, vel improbari ex eo quod nondum in illo erat, sed quia Deus futurum esse præsciebat; conficitur, cum potuisse etiam ex operibus approbari, quæ in illo Deus futura esse præsciebat: videtur ei absurdum id dicere; quia ait ex Apostolo, Non est volentis, neque currentis, sed miserentis Dei. Et infra post alia multa causam diuersitatis dilectionis, & odij reducit ad illud principium, quòd in multis suis operibus statuit, nempe ad peccatum originale, ex quo aliquos, non omnes voluit Deus discernere, sic: In Adam omnes moriuntur, à quo in vniuersum genus humanum origo ducitur offensionis Dei, vna quidem massa peccati, supplicium debens diuinæ, summeque iustitiæ, à quo siue exigatur, siue donetur, nulla est iniquitas. A quibus autem exigendum sit, & quibus donandum, superbiæ indicant debitores. Et post aliqua. Itaque huius impudentiam quæstionis ita retundit Apostolus. Homo tu quis es, qui respondeas Deo? Numquid dicit figmentum ei, qui se finxit, quare me sic fecisti? an non habet potestatem figulus luti ex eadem conspersione facere aliud quidem vas in honorem, aliud in contumeliam? Ecce quòd August. non recurrit ad merita vasis honoris, & electionis, sed ad occultum, sed iustum Dei indicium. Et infra. Illud tantum modo inconcussa fide teneatur, quod non est iniquitas apud Deum, qui siue donet, siue exigat debitum, nec ille à quo exigat, rectè potest de iniquitate eius conqueri; nec ille, cui donat debet de suis meritis gloriari. Et statim mouet contra se aliam quæstionem, quomodo verificetur, quod Sapientiæ 11. dicitur, nihil odisti eorum, quæ fecisti, si nondum natum, nec aliquando facientem Esau, illum odio habuit? Et soluit, quòd intel-

intelligitur de naturis hominum, non de peccatis eorum; hæc enim odit, eas verò diligit: & post multa, ait, *Deus fecit vasa perditionis ex con-  
spersione impiorum; non odit, quod facit, idest opus ordi-  
nationis suæ in pæna debita pereuntibus, in qua oc-  
casionem salutis illi, quorum miseretur, inueniant.*  
*Si autem volens Deus ostendere iram (vt ait Aposto-  
lus Rom. 9.) & demonstrare potentiam suam, attu-  
lit in multa patientia vasa iræ, quæ perfecta sunt in  
perditionem, tū quis es, qui respondeas Deo? & vt  
notas faceret diuitias gloriæ suæ in vasa misericor-  
diæ?* Et cum diffusè Sacræ Scripturæ testimonijs  
ostendisset, quòd ex omni natione, tam ex Iu-  
dæis, quàm ex Gentibus Deus fecit vasa misericor-  
diæ, & vasa iræ, honoris, & contumeliæ, ad osten-  
sionem misericordiæ, & iustitiæ, concludit, illos  
non debere ex meritis gloriari, quia totum illud  
gratia est; si autem gratia, non ex operibus; alio-  
quin gratia non esset gratia, ait, Apostolus, sed  
merces. Et postquam alia multa, & præclara,  
suo digna ingenio, dixit S. Doctor, etiam quæ-  
stionem de electione ad gloriam, & gratiam, &  
de modis vocationum, & desertionum, & de  
Sauli persecutoris Ecclesiæ vocatione, & electio-  
ne in Doctorem Ecclesiæ, ac Gentium, sic conclu-  
dit. *Et tamen, quid dicemus? numquid iniquitas  
est apud Deum exigentem à quo placet, donantem,  
cui placet, qui nequaquam exigit indebitum, nequa-  
quam donat alienum? numquid iniquitas est apud  
Deum? absit. Quare tamen huic ita, & huic non ita?  
Homo tu quis es? debitum si non reddes, habes, quod  
gratularis, si reddes, non habes quid quæraris. Creda-  
mus tantum, & si capere non valemus, quoniam,  
qui vniuersam creaturam, & spiritualem, & corpo-  
ralem fecit, & condidit, omnia in numero pondere,*

Deus non  
odit natu-  
ras homi-  
num, sed  
peccata eo-  
rum.

Sauli voca-  
tio gratio.

Ex tota ista  
August. do-  
ctrina ne-  
quit dedu-  
ci, quod  
predestina-  
tio fiat ex  
meritis, sed  
oppositum.

pro gratia, vt dicit Ioannes, idest vitam æternam pro meritis ex gratiæ adiutorio elicitis.

207. Ad illud desumptum ex lib. 83. quæst. q. 68. dico, quòd si opponens legisset totam illam quæstionem non opposuisset paucula illa verba de occultissimis meritis, quæ non respiciunt prædestinationem, sed glorificationem. Thema ergo illius quæstionis est, quomodo intelligitur, quod non sint condignæ passionibus huius temporis ad futuram gloriam, quæ reuelabitur in nobis, ex Rom. 8. & primò multa dicit de humanis miserijs, de dominio passionum carnalium pugnantium cum spiritu: deinde loquitur de libertate spiritus, quæ acquiritur per gratiam, & de gloria æterna. Et quia heretici legentes illud Pauli, cuius vult miseretur, & quem vult obdurat; quid adhuc queritur, nam voluntati eius, quis resistit? contemnunt præcepta, quæ ad gloriam perducunt; & dicunt Paulum nesciuisse, quid responderet, idcò dixisse, ò homo tu quis es, qui respondeas Deo? vel hoc non dixisse Paulum: S. Doctor sæpè inculcat, hæc esse Pauli verba, & sic respondendum curiosis inquirentibus de voluntate Dei in operibus gratiæ, & iudicij. Et post multa ait. Cum ergo meritum peccando amiserimus, & misericordia Dei remotæ, nihil aliud peccantibus, nisi æterna damnatio debeatur, quid sibi vult homo de hac massa, vt Deo respondeat, & dicat, quare me sic fecisti? Si vis cognoscere, noli esse lutum, sed efficere filium Dei per illius misericordiam, qui dedit potestatem filius Dei fieri credentibus in nomine eius. Et post multa de hoc argumento tandem dicit, ò homo tu quis es qui respondeas Deo? numquid dicit figmentum ei, qui se finxit, quare me sic fecisti? An non habet potestatem, figulus luti ex eadem conspersione facere aliud quidem

Ad locum  
ex lib. 83.  
quæst. dicit  
Author,  
quod oppo-  
nens non  
videtur le-  
gisse illam  
quæst. 62.

S. August.  
defendit A-  
postolum.

Curiosus in  
hac mate-  
riæcum ver-  
bis Pauli  
responden-  
dum.

dem vas in honorem, aliud in contumeliam? Expurga  
 vetus fermentum, ut sis noua conspersio, & in ea  
 ipsa, non ut paruulus in Christo, ut lacte potandus  
 sis, sed perueni ad virum perfectum, ut sis inter illos,  
 de quibus dicitur, Sapientiam loquimur inter perfe-  
 ctos. Tum demum rectè, & non præposterè audies,  
 si qua sunt de animarum occultissimis meritis, & de  
 gratia, vel iustitia secreta omnipotentis Dei. Postea  
 loquitur de operibus iustitiæ in Pharaone, inde  
 de operibus gratiæ in vocatis, & credentibus,  
 iustificatis, ac prædestinatis, referens factum Ia-  
 cob, & Esau, antequam nascerentur. Et subdit;  
 nec compræhendi potest, nisi fortè ab eis, qui dili-  
 gunt Deum ex toto corde, virtute &c. & proximum  
 sicut seipsos. Tanta enim Charitate induti possent  
 fortasse cum Sanctis compræhendere longitudinem,  
 latitudinem, & profundum; illud autem tenendum  
 constantissima fide, nihil Deum iniuste facere. Ni-  
 hil ergo ad rem pro aduersarijs colligitur; im-  
 mò totum oppositum.

Argum. ex  
 S. Prospero  
 soluitur,  
 quod non  
 sit ad rem.

Loquitur  
 de reprobatione.

208. Ad argumentum ex S. Prospero desum-  
 ptum in *resp. Gall. c. 3.* dico ad rem non esse; quia  
 loquitur de non prædestinatis, seu reprobis. Et  
 isti, ut dicemus in suo loco, ex demeritorum præ-  
 uisione, incipiendo ab originali, & prosequendo  
 per actualia, si adulti morituri sunt, siue vocati  
 ad fidem, & non perseueraturi, siue non vocati,  
 & ultra originale contrahendum, alia etiam  
 actualia patraturi, siue tandem in originali tan-  
 tum decessuri. Id cum Augustino, & cum omni  
 Catholico concedemus, quia de modo operandi  
 Dei ex iustitia, agitur. At, cum de prædestina-  
 tione sit sermo, agitur de modo operandi ex pu-  
 ra misericordia; ideò nihil ad rem.

209. Ad aliud desumptum ex *lib. de Vocat.*

Gra-

*Gentium c. 35.* dico, quòd vt distinctè legere est, S. Prosper docet quod nos *in cap. 5.* diximus, nempe, propositum firmum Dei in prædestinando non lædere propositum liberi arbitrij humani in operando opera, quæ perducunt ad finem, seu terminum prædestinationis, nempe vitam æternam, quia illa liberè facit.

210. Ad aliud, quod dixerat *in cap. 10.* quòd *electi idèd operantur, vt electi sint*, dico non posse intelligi de prima electione, quia hæc non fit in tempore, cum ab æterno facta fuerit; sed intelligi debet de consecutione electionis, idest de eius termino, nempe vita æterna, cum vt supra vidimus sequatur Augustinum.

211. Ad dictum Fulgentij responderetur, hunc Sanctum Augustini discipulum intelligendum, & declarandum esse consequenter ad ea, quæ vt in *cap. 7.* retulimus, idem Sanctus docuit, quòd nempe Deus præsciebat ea, quæ ipse facturus erat in prædestinatis, supposita prædestinatione; & consequenter, quia gratia præuenturus erat prædestinatos, & cum sequentibus auxilijs eos adiuturus vsque in finem præsciuit eos in suamet voluntate, quæ hæc omnia erat factura.

212. Ad aliorum Doctorum authoritates, quæ in eodem capite adducuntur, vnica responsione videtur respondendum. Vel enim considerantur argumenta eorum, quæ ex Sacra Scriptura desumpta sunt; & cum hæc sint eadem, quæ supra soluta sunt, non est necessaria alia responsio; vel considerantur personæ authorum; & his opponuntur authores *in cap. 7. & 10.* & in proemio huius opusculi, numero, qualitate, ac antiquitate multò maiores.

213. Ad argumenta ex absurdis, resp. quòd

Aliud arg.  
ex Prospe-  
ro soluitur

Ter. arg.  
ex Prospe-  
ro.

Ad argum.  
ex S. Fulgē-  
tio S. Augu-  
stini sequa-  
ci, respon-  
detur, sicut  
ad illa Au-  
gust.

Ad argu-  
menta alio-  
rum quo-  
modo re-  
spondetur.



Ad argu-  
menta ex  
absurdis,  
quæ anti-  
qua sunt.

Ad primū  
resp. quòd  
prædestina-  
tio non ad-  
ducit igna-  
uiam.

Prædestina-  
ti adulti  
per diuer-  
sa media  
obtiuent ef-  
fectum eius

Correctio  
est facien-  
da prædesti-  
natis.

sunt eadem, quæ tamquam facta à quibusdam, misit S. Prosper ad Augustinum, ut haberentur in suis epistolis, poscens ab eo solutionem, ut aduersantium ora obstruerentur: et nihil penitus mouerunt Augustinum, ut à sententia recederet: sed scribit præclaros illos tres libros, nempe *de Prædestinatione Sanctorum* primum; *de Bono Perseuerantiæ* alterum; tertium *de Correp. & Gratia*, in quibus ea, & alia soluit argumenta; & docet insuper, quomodo minus doctis, vel penitus indoctis prædicandum sit de Prædestinatione. Nihilominus ex eodem Augustino breuiter respondeo pro nunc (quia postea de effectibus prædestinationis, & de operibus ad effectum illius obtinendum loquar). Ad primum ergo de ignauia, dico cum Augustino, quòd Deus prædestinauit sanctos ad gloriam proprijs meritis obtinendam si adulti sunt; si verò paruuli per sola merita Christi; ideòque adulti omnes laborare debent in obseruantia legis, & exercitio virtutum, aut consiliorum iuxta formam, & mensuram prædestinationis. Quidam enim sunt prædestinati ad gloriam consequendam per martirium, & in hoc consistit eorum labor; quidam per statum, seu ordinem Ecclesiasticum, siue sæcularem, siue regularem, siue eremiticum, vel anacoreticum: quidam per conjugalem; quidam per virginalem; & sic discurrendo per omnes hominum status honestos. Ijs enim Deus dat auxilia congrua pro quocumque statu; & cum in peccata labuntur, dat auxilia ad resurgendum; omnes autem sunt operarij inuicem Dei.

214. Ad 2. de prædicatione, & correctione, respondetur per idem; cum enim non omnes prædestinati sint confirmati in gratia, immò rarissi-  
mi;

mi ; ideòque labi possint, & labuntur in peccata, erit ei necessaria prædicatio, & correptio, vt resipiscant; & ideò Saluator præcepit faciendam correptionem fraternam, vt fratres lapsos lucremur. Cum his ergo modis, & circumstantijs sunt prædestinati omnes sancti : et hæc debent agere, ac pati, vt gloriam, ad quam prædestinati sunt, consequantur.

215. Ad 3. de acceptione personarum, dico primò hoc argumentum, etsi difficillimum videatur, tale non esse, nec nouum, neque in quinto Ecclesiæ sæculo Augustini tempore prodijisse, sed in primo sæculo tempore Pauli ; at quid dico tempore Pauli ? immò tempore Moisis potuisse fieri, scilicet in sæculo mundi circa 30. immò in primo, vel saltem in secundo, tempore Cain, & Abel. At isti, prudentiores nostris, certi de iustitia, ac misericordia, & dominio Dei, & quòd non possit in eo esse iniquitas, hoc argumento vsi non sunt, sed caput flectentes, benè de Deo sentientes humiliter incompræhensibilibus Dei iudicijs se submittentibus, ori manum impo-  
nentes, siluerunt.

Cain non  
fuit conque-  
ritus de  
Deo, quòd  
dilexit ma-  
gis Abel.

216. Declaremus singula. In primo, vel secundo sæculo Gen. 4. *Respexit Dominus ad Abel; & ad munera eius* ( idest mittens de Cælo ignem consumentem eius sacrificia ) *ad Cain autem, & munera eius non respexit, iratusque est Cain vehementer, & concidit vultus eius. Dixitque ei Dominus, quare iratus es, & cur concidit vultus tuus? Nonne si benè egeris recipies, &c.* At Cain, etsi zelo, ac inuidia commotus, non respondit ( sicut nostri ) quia acceptas Personam, & munera fratris mei, & me, ac munera mea despicias ? non ita dixit, sed tacuit, quasi dicens, Dominus est.

217. Circa 30. mundi sæculum ex Saliano, cum Moises in deserto, Domino loquente, scriberet librum Exodi, cap. 33. petijt videre Deum, aiens, *ostende mihi gloriam tuam*. Respondit Dominus. *Ostendam omne bonum tibi. Miserebor cui voluero, & clemens ero in quem mihi placebit*. Tacuit Moises; poterat, tamquam Deo familiaris, dicere; Domine nonne es Deus, omnium Pater, & creator omnium; nonne misericordia, & Charitas tua infinita est? cur aliquorum tantum, & non omnium misereberis; cur in aliquos tantum, & non in omnes clemens eris? et tamen audiuit clarè, quòd pro libito hæc facturus erat. Existimo, quòd Moises, de Dei natura, ac proprietatibus optimè conscius, id non interrogauerit; quasi intra se dicens, donorum suorum Dominus est; nemini debet; si alicui dat, & alteri non dat, non facit huic iniuriam, sicut de Domino vineę dante denarium æquale omnibus, qui diuersis horis in sua vinea laborauerant, murmurantibus primis, dixit, *an non mihi licet facere, quod volo? tolle, quod tuum est, & vade*.

218. De Paulo manifesta sunt dicta; loquens enim, vt sæpè patuit, de Dei dominio in genus humanum, de misericordia, & iustitia, quę in illud exercet; adducit casum Iacob, & Esau, quorum primum dilexit, Esau autem odio habuit, antequam nati essent, aut aliquid boni, vel mali egissent. 2. adducit, quod nuper relatum fuit dictum Moisi à Deo, *miserebor cui voluero*; & concludit, igitur non volentis, neque currentis, sed miserentis est Dei. Deindè facit argumentum, quod nostri faciunt curiosi. *Dicis mihi quid adhuc quæritur, nam voluntati eius quis resistit?* Et responderet. *O homo tu quis es, qui respondeas Deo? numquid dicit figmentum*

Moïsis prudentia, & humilitas.

Paulus manifestè id docet.

tum ei, qui se finxit, quid me fecisti sic? An non habet potestatem figulus lati ex eadem massa facere aliud quidem vas in honorem, aliud in contumeliam? Quod si Deus volens ostendere iram, & notam facere potentiam suam sustinuit in multa patientia vasa iræ apta in interitum: ut ostenderet diuitias gloriæ suæ in vasa misericordiæ, quæ præparauit in gloriam. Quid voluit per hoc dicere Paulus, nisi quia Deus, cum sit Dominus gloriæ, misericors, & iustus, videns genus humanum in massa perditionis demersum, voluit cum aliquibus exercere misericordiam, & facere eos vasa honoris, & cum alijs exercere iustitiam relinquendo eos in massa damnata, & facta iam vasa contumeliæ. Hac responsione ait Augustinus contentus esse debet omnis Christianus, nec profundius inuestigare, ne inueniat præcipitium.

219. Ad illud de acceptione personarum, dicendum, quod est indignum Christiano argumentum; fides enim contrarium docet. 2. Paralip. 19. habetur; *Non est enim apud Dominum Deum nostrum iniquitas, nec Personarum acceptio, nec cupido munerum* Rom. 2. 11. *Non enim est acceptio personarum apud Deum*: idem repetit ad Ephes. 6. 9. & ad Coloss. 3. 23. Ratio verò à priori est, quia Deus nemini debet; ideò nemo potest conquiri, quod non habet à Deo illa quæ alijs concedi cernit, nec aliam causam debet querere; sed vel dicere, *Dominus est*, vel cum Apostolo Rom. 11. exclamare. *O altitudo diuitiarum sapientiæ, & scientiæ Dei, quam incomprehensibilia sunt iudicia eius, & inuestigabiles viæ eius.*

220. Ad illud tandem, *Deus vult omnes homines saluos fieri*, cum argumentum hoc famosum sit, & per ora omnium, etiam vulgarium personarum

Paulus conuincit curiosos querentes, cur hunc, non, illum prædestinauit: eo quod Dominus est, misericors, & iustus.

Responsio Pauli sufficit.

Fides docet non esse in Deo acceptionem personarum.

Ad famosū  
argumentū  
quod Deus  
vult omnes  
homines  
saluos fieri

118 DE PRÆDESTINATIONE

versetur, decreui vnum integrum caput, quod  
erit vigesimum, conficere pro intelligentia huius  
Apostolici dicti, pro quo nonnulli etiam scelesti  
sibi blandiuntur. Nunc cum eodem Augustino  
& cum instantia duplici ad arguentem respon-  
deo. Primò. *Si vult, quare non saluat? Deus enim  
quæcumque voluit, fecit; & voluntati eius nemo po-  
test resistere,* ait Psalmista: & cur dicit, *Iacob dile-  
xi, Esau autem odio habui*, si vult omnes saluare  
2. instantia, cur paruuli non omnes saluantur  
cum multi sine baptismo, & in ventre matris mo-  
riantur? ad rem ergo nunc non est, infra verò ex-  
plicabitur.

C A P V T XIII.

*An ex parte Prædestinatorum assignari possit  
aliqua causa saltem congruentiæ suæ  
prædestinationis.*

Intentio  
Authoris

221. **A**Du. quod præter errores hereticorum  
Pelagij, Origenis, & Manicheorum de  
causa prædestinationis, quæ dicebant fuisse merita  
ex naturæ viribus faciendæ: & præter Catholicorū  
quorundam sententiam, quod causa prædestina-  
tionis fuerit præuisio meritorum ex auxilio gratiæ  
eliciendorum, vt in præcedentibus patuit; insur-  
rexerunt alij, qui nequeuntēs compræhendere,  
quomodo æqualium hominum æqualiter dispo-  
sitorum, siue ante, siue post præuisionem Adæ  
peccati, à Deo iusto, & benignissimo, omnium  
suorum operum, & maximè animarum amantissi-  
mo, facta sit inæqualis illa discretio, vt alij eli-  
gerentur ad gloriam, gratiam, & merita, quibus  
gloria acquirenda est: alij verò derelicti, vel ex  
præ-

præuisione demeritorum, in quæ cadere necesse erat moraliter destitutis Dei gratia; ex pietatis, ut credo, in Deum zelo aliqui dixerunt, quod merita, elicenda ex gratia, & demerita futura præuisa, vel absoluta, vel saltem conditionata, etsi non sint causa inducentia Deum absolute ad prædestinandum, aut reprobandum; saltem merita illa alterutro modo præuisa sint velut quædam congruentiæ non autem motiua cur Deus prædestinauerit illos, & non istos: hoc ergo discutiendum, an sustineri possit.

222. Dico 1. Ex parte prædestinati nequit assignari aliqua causa, neque per modum congruentiæ, neque per modum motiui influens in sui prædestinationem.

223. Prob. 1. omnibus argumentis adductis cum Augustino ex Sacra Scriptura desumptis ad excludendum merita, nam ad idem sunt. Et Apostolus respondens ad obiectum, cur vnus sic, alius non sic, non recurrit ad aliquam causam, motiuum, vel congruentiam; facile enim fuisset ei ab hac difficillima quæstione se liberare, dicens, quod Deus ab æterno præuidit in vno bonam, aliquam qualitatem, vel bonum usum liberi arbitrij, vel saltem assensum præbendum primæ vocationi ad fidem; vel aliquid simile. At non sic respondit, sed repræhensens interrogantem, ait; *o homo tu quis es, qui respondeas Deo? numquid dicit figmentum ei, qui se finxit, quid me fecisti sic?* Et adducit exemplum de figulo, qui vnum vas facit in honorem, aliud in contumeliam, & tamen ex eodem luto. Sicut ergo non ex aliquo motiuo, vel congruentia reperta in luto, sed ex voluntate figuli nascitur vasorum diuersitas, sic ex Dei voluntate volente misericordiam exercere, non

Dubium, cur aliqui electi, alij derelicti, cum Deus diligeret.

Sensus quæ sit.

Nequit assignari causa congruentiæ ex parte prædest.

Omnia argumenta facta pro meritis sunt propria pro hac Conclusionem.

Responsio Pauli soluit omnem quæestionem



ex aliquo motiuo , vel congruentia visa in luto humano , scilicet in massa damnata hominum ob Adæ peccatum, aliquos elegit , & prædestinavit ad gloriam, & gratiam .

A sufficien-  
ti enumera-  
tione arg.

Non natu-  
ra, quia hic  
fuit error  
Basilidis, &  
Valentini.

Non bona  
qualitas.

Argum. de  
paruulis vr-  
get.

224. Prob. 2. ratione à sufficienti partium, enumeratione. Res illa præiusta, quæ asseri posset, non meritum, sed simplex motiuum inducens congruentiam mouentem Deum ad eligendum, hunc potius, quàm illum, vel esset natura alicuius, vel aliqua eius bona qualitas, vel bonus vsus liberi arbitrij consentientis vocationi diuinæ saltem primæ; vel aliquid aliud, vel tandem humana miseria hominum per lapsum Adæ lapforum. Nullum horum dici potest; ergo absque vlllo motiuo in eligendis præiusto, facta est à Deo electio, & Prædestinatio; Prob. min. de primo. Non natura quouis modo considerata; hic enim fuit error Basilidis, & Valentini, vt supra patuit. Præterea natura humana quoad essentialia, est eiusdem rationis in omnibus; nullum ergo motiuum, nullaue congruentia apparere, & præiuderi potuerunt in vno humano indiuiduo, quæ non apparuissent, & præiuderi potuissent in alio.

226. Neque potest asseri secundum de bona qualitate. Nam hæc, vel esset naturalis, vel supernaturalis: neutrum dici potest. Sic prob. primò quid dicendum de paruulis regenerandis, & sine vlla tali qualitate prædestinatis, & ante rationis vsus decessuris? 2. Si qualitas esset naturalis, recurrit argumentum contra Valentinum, & Basilidem. Si supernaturalis deberet esse donum Dei; & gratis datum: & sic non ex motiuo in prædestinando reperto, ac præiusto; sed ex suo beneficio ei conferendo, Deus moueretur: Et si sic, recurrit argumentum, quòd contra prædesti-  
natio-

nationem gratuitam fit. Cur huic bonam illam qualitatem supernaturalem Deus confert, & non alteri? Quod ergo responderetur ad hanc quæstionem; quia nempe Dominus est, responderi debet ad quæstionem, quare sine vlllo motiuo ex parte electi, elegit hunc, non illum, nempe, quia Dominus suæ gloriæ est.

226. Neque potest asseri bonus vsus liberi arbitrij. Primò, quia vrget argumentum paruulorum valdè molestum, vt sèpè replicat Augustinus; decedunt enim sine vlllo vsu liberi arbitrij statim post baptismum, & in Cælum euolant. 2. quia hic vsus liberi arbitrij præuisus, vel esset purè naturalis, vel eliciendus cum auxilio diuinæ gratiæ; neutrum dici potest. Non primum, quia Pelagianum est, posse aliquem sine auxilio gratiæ vri libero arbitrio, vel in consentiendo, vel in assentiendo vocationi ad fidem, vel in obseruando, vt oportet, aliquod legis præceptum. Hinc etiam Semipelagiani damnati sunt, qui asseriebant, quòd assensus, & consensus ad primam vocationem ad fidem, naturæ viribus haberi possunt; cæteri autem actus Religionis, ac pietatis nequaquam, sed ad eos necessaria sunt diuinæ gratiæ auxilia. Neque potest dici secundum; quia recurrit idem argumentum, quod fieri solet ab aduersarijs Augustini contra prædestinationem sine meritis. Nam gratia illa, vel aliquibus tantum danda esset, vel omnibus. Si primum, vrget difficultas, cur potius vni, quam alteri: præterea ita præualeret misericordia in hoc casu, sicut in casu, quòd dicatur prædestinationem factam, esse absque cuiusvis meriti præuisione: & si secundum non admittitur neque primum; eadem enim esset ratio quærelarum, & acceptionis per-

Nec vsus  
liberi arbi-  
trij ob ar-  
gumentum  
paruulorū

A sufficiē-  
ti arguitur  
non posse  
asserī.

Discursus  
necessariò  
consideran-  
dus.

Solutio va-  
lidi argu-  
menti.

Si haberet  
fundamen-  
tum in scri-  
ptura con-  
cluderet.

Motium  
prædesti-  
nandi non  
fuit vsus li-  
beri arbi-  
trij consen-  
surus gra-  
tiæ sufficie-  
ti.

sonarum, quod timent aliqui. Si verò dicatur se-  
cundum, quòd scilicet gratia illa omnibus dan-  
da, prædestinata, decreta, & præuisa fuerit ad bo-  
num vsum liberi arbitrij; iam in omnibus homi-  
nibus esset vnum, & idem motium, eademque  
congruentia mouens Deum ad prædestinandum;  
& sic omnes fuissent prædestinati: gratia enim  
illa fuisset futura efficax; alioquin frustranea es-  
set futura.

227. Quòd si dicas, vt aliqui ex modernis  
dicunt, gratiam illam futuram indifferentem, seu  
(vt nunc dicitur) sufficientem, talis nempe natu-  
ræ, vt si liberum arbitrium consentiat habeat ef-  
fectum; sin minus, nequaquam; & sic quia Deus  
ab æterno decreuit homines omnes creare, & om-  
nibus dare gratiam sufficientem ad benè ope-  
randum, & vidit aliquos ea benè vsuros, & con-  
sensuros, alios non; illos, non istos prædestinauit:  
Fateor, quòd si hæc sententia fundamentum ha-  
beret in Sacra Scriptura, vel in Concilijs, aut Pa-  
tribus, mihi apprimè placeret, & liberaret nos, &  
Sanctum Augustinum, immò & Sanctum Paulum  
à difficultate respondendi, cur illum, non istum  
prædestinauit. At quia fundamentum hoc ego  
non inuenio, ideò

228. Dico 2. Motium prædestinandi in Deo,  
non fuit præmissio boni vsum liberi arbitrij consen-  
suri gratiæ indifferenti, vel sufficienti, siue abso-  
lutè, sine conditionatè ei offerendæ. Declaratur.  
Quidam enim olim dicebant, quòd Deus decre-  
uit dare omnibus absolutè gratiam sufficientem,  
seu indifferentem, & vidit quòd aliqui essent con-  
sensuri, alij non, ideò illos, non istos prædestina-  
uit. Quidam verò dicunt, quòd Deus præiudicauit,  
quòd si daret gratiam sufficientem, aliqui con-  
sen-

sentirent, alij non; ideò illos prædestinauit, non istos, & ista præscientia est illa, quam dicunt mediam, quia non est simplicis intelligentiæ, puta possibilium, nec visionis, puta futurorum absolutorum; sed conditi onatorum, esto nunc nullus Catholicus his nullis modis loquatur. Quodcumq; horum dicatur, existimo non posse sustineri cum Augustino: ideò

229. Prob. I. argumento paruulorum, qui baptizati, ante vsum rationis decedunt. In his nullus penitus est consensus futurus ad assertum, indifferens, seu sufficiens auxilium: nullum etenim habent, neque habituri erant. Et hoc in tota hac materia argumentum S. Augustino visum semper fuit, sicut est, insolubile.

330. Quòd si diceretur, vt quidam tempore Augustini dicebant, Deum præuidisse, quòd si paruuli ad ætatem perfectam peruenturi essent, benè fuissent operaturi, & Dei auxilijs consensuri, & cooperaturi, & sic saluaretur casus paruulorum, quia ex ijs conditionatis, etsi numquam futuris consensibus prædestinentur, contra hos acriter inuehitur S. Augustinus in lib. 10. Gen. ad lit. c. 16. inquit. Cum ergo sic respondent, quid eis contradici potest, nisi incertos nos eorum salutis fieri, qui hac vita benè gesta in Ecclesia pace defuncti sunt, si non solum secundum id quod quisque vixit, verum etiam secundum id, quod victurus esset, si amplius viuere potuisset, quisque indicandus est; quandoquidem valent apud Deum merita mala, non tantum præteritorum, sed futurorum etiam delictorum, à quorum reatu, nec mors liberat, si antequam fuerint commissa promenerit, nec aliquid ei præmium, qui raptus est, nè malitia mutaret intellectum eius. Deus enim præsciens illius malitiæ futu-

Argum. ex paruulis.

Argumentum, quod fit de bono vfu futuro in paruulis si vixissent eliditur.

Acriter in  
illud inue-  
nitur S. Au-  
gust.

*ra, cur si cum secundum ipsam potius iudicaturus est, si moritura anime infanti, nè obesset ei ex corpore peccati participata colluies; idè subueniendum indicavit per baptismum, quia præsciuit eam si viveret pie, fideliterque fuisse victuram.* His, & alijs pluribus concludit S. Doctor, quòd nullus indicatur ex prævisione eorum, quæ facturus esset, bona, vel mala, si longiorem vitam duceret; & ita dici nequit, quòd parvuli aliqui fuerint prædestinati, vel reprobati ex prævisione operum, quæ facturi essent, si viuerent: alioquin etiam de adultis id esset dicendum, & sic de ijs, qui sanctè vixerunt, dubitandum esset de eorum salute, si non pro præteritis tantum, sed pro futuris, si vixissent, iudicandi essent: & hoc est primum absurdum, quod initio adducit Augustinus. Igitur effugium illud de prævisione futurorum, si vixissent, non soluit Augustini argumentum, quòd vrget contra defendentes prædestinationem ex prævisione conditionati consensus ad indifferens auxiliū, ratione paruulorum.

Petri Da-  
miani di-  
gitum ar-  
gumentum  
contra sic  
defenden-  
tes.

Non essent  
inuestiga-  
bilia Dei  
iudicia, si  
tàm facilè  
soluitur  
hæc quæ-  
stio.

231. Prob. 2. Si tàm facilè mysterium hoc compræhédi potest, inquit Petrus Damianus, iam non esset adeò difficile, vt Paulus exclamasset, *O altitudo diuitiarum sapientiæ, & scientiæ Dei, quàm incompræhensibilia sunt iudicia eius, & inuestigabiles viæ eius*: Neque diceret. *O homo tu quis es, qui respondeas Deo? Nunquid dicit figmentum ei, qui se finxit, quid me fecisti sic?* An non potest figulus luti ex eadem massa facere aliud quidem vas in honorem, aliud in contumeliam? Quod & Deus volens ostendere iram, & notam facere potentiam suam sustinuit in multa patientia vasa iræ, &c. Ecce quid responderet Paulus interroganti, cur Deus quæritur, quòd homo nō saluetur, seu salutis opera non

non faciat; cùm ipse, *cuius vult miseretur, & quem vult indurat*? Si sententia de operibus bonis conditionatè visis subsisteret, Paulum Ecclesiæ, & totius mundi Doctorem, ac Magistrum non la-  
tuisset: & docuisset, & totum mundum lætificaf-  
set, cum hac doctrina adeò clara, & aliquibus  
plausibili, & non reliquisset rem hanc inexplica-  
tam, & tamquam profundum mysterium. Quis  
enim Paulo doctior, magisque ad docendam Ec-  
clesiam illuminatus?

Nō laui-  
set Paulum  
Doctorem  
omnium à  
Deo edo-  
ctum.

232. Quòd si dicatur, hoc mirum non esse,  
quia non omnes veritates, maximè, quæ non sunt  
de necessitate salutis ab initio Ecclesiæ fuerunt  
scriptæ, vel alio modo manifestatæ, sed successu  
temporis creuerunt, vt notorium est, & Patres,  
Ecclesiæque ipsa experitur, sic dici potest de sen-  
tentia ista, licet tempore Pauli nota non fuerit.  
Iminò hoc punctum de prædestinatione, sine vilo  
præuiso merito, siue absolutè, siue conditionatè  
faturo, dici potest esse vnum illorum, de quibus  
loquitur S. Petrus epist. 2. cap. 3. 16. *Frater noster  
Paulus secundum datam sibi sapientiam scripsit no-  
bis, &c. in eius epistolis sunt quædam difficilia intel-  
lectu, quæ indoliti, & instabiles deprauant*. Fieri  
ergo potuit, vt inexplicata eius doctrina pro  
tunc, tractu temporis sit explicata.

Instantia  
de rouiter  
Ecclesiæ  
notis.

233. Resp. Verum quidem esse, quòd succes-  
su temporis multæ veritates in Ecclesia clarè in-  
notuerunt, quæ ab initio, vel obscuræ erant, vel  
penitus ignotæ. Istæ autem sunt in duplici diffe-  
rentia, quædam enim pertinent ad fidem, vel mo-  
res, quæ vel traditione Apostolica per manus ad  
nos vsque peruenerunt, vel à Sacris Concilijs Ge-  
neralibus, ex Sacra Scriptura, vel ex traditioni-  
bus erutæ sunt, & de his non loquimur. Quæ-  
dam

Eliditur.

Veritates  
nouæ, quo-  
modò notæ  
fuerunt.



dam verò sunt veritates, seu propositiones inter Catholicos Doctores controuerſe, & in Eccleſia exiſtentes atque diſputari permiſſe; cuiuſmodi eſt iſta. Et in hiſ tenendis, vel introducendis duæ regulæ obſeruandæ ſunt ab earum ſequacibus. Prima, nè nouæ ſint; nouitas enim ſæpè ſcandalum, & turbationem parit. Secunda, conſiderandum eſt quis ſit primus talis nouę ſententię author, ſi in magna exiſtimatione Eccleſię, ſi rationi validæ innitatur, ſi magni nominis viri eam approbent, & tandem ſi Sancta Sedes eam tantummodo toleret, ac permittat, vel potiùs in eam inclinet. Conſideret lector, ſi hæc faueant huic ſententiæ. Ego quidem, vr ingenuè fateor, non puto, ſed eam permittere exiſtimo, vr diſputabilè.

234. Prob. vltteriùs. Si ex conſenſu illo conditionato ad auxilium illud ſufficiens facta ſit prædeſtinatione, quæro primò, an omnes homines fuerint præuiſi, & conſtituti in eodem tempore, & cum eiſdem circumſtantijs; & ſimul omnibus dandum illud auxilium; & aliqui præuiſi conſenſuri, alij non; & ſic priores prædeſtinati, non poſteriores. Vel præuiſi ſunt conſtituti in diuerſis temporibus, & in diuerſis circumſtantijs. Neutro modo ſaluatur intentum pro hac ſententia, ergo. Prob. min. de primo. Nam decreta diuina de animarum creatione ſupponi debent in aliquo rationis ſigno præcedere decreta prædeſtinationis; nam priora reſpiciunt ſubiectum; poſteriora reſpiciunt accidentia. At decreta de creatione facta ſunt de animabus creandis pro diuerſis temporibus, ſicut de facto creatæ ſunt ab initio mundi uſque nunc, & creantur, atque creabuntur uſque ad finem mundi; igitur aſſeri non poteſt decretum illud de conſtituendis omnibus

Nouę doctrinę, quã do introducendæ.

Aliud argumentum a diuiſione contra eĩ ſententiã

nibus animabus in eodem tempore, & in eisdem circumstantijs, ac dispositionibus; quia cū tale decretum habiturum non esset vnquam illud effectum, esset frustratorium. Et sic prauideri non potuerunt omnes animę simul pro eodem tempore futurę, & in eisdem circumstantijs constitutę cum auxilio illo, cui possent assentire, & dissentire; quia Deus nihil videre potest futurum, siue absolutum, siue conditionatum, nisi decernat se illud facturum, seu cum creatura ad illud concursurum.

235. Neque dici potest secundum, de animabus scilicet in diuersis temporibus, & circumstantijs constitutis: tum propter pꛑcedens argumentum de frustraneitate talis conditionati decreti: tum etiam, quia recurrit eadem difficultas, quam authores huius sententię declinare vel-  
lent, nempe inęqualis electionis circa æqualiter dispositos, in quā diceretur esse apparentia acceptionis personarum. Nam in hac sententia omnes animę illę quantum est ex se, essent æqualiter dispositę, & non à se haberent, quod ponerentur in diuersis circumstantijs loci, temporis, & dispositionis corporum, quibus erant coniungendę. Ex his autem omnibus pender, quod aliquis operetur sic, vel sic; consentiat, vel dissentiat alicui vocationi, cū in eius libertate sit assentire, vel dissentire, vt esset in casu talis auxilij sibi exhibiti ex se non efficacis; & sic eodem modo, quo æqualiter dispositę, & non electę possent conquiri, *quid me fecisti sic?* idest posuisti in tali incongrua circumstantia, vt assentire facili non potuissem, sicut in alia circumstantia fecissem. Sicut si res ita se haberet, dicere possent pro alio casu conuersionis Tyrus, & Sydon, si factę fuissent in nobis  
vir-

Homines  
non fuerūt  
prauisimi  
nes futuri  
pro eodem  
tempore,  
& circum-  
stantijs.

Si dicatur  
animas  
prauifas  
pro diuer-  
sis tempori-  
bus futu-  
ras, non se-  
quitur in-  
tentum.

Idem ab-  
surdum ac  
ceptatio-  
nis perso-  
narum sem-  
per sequi-  
tur, quod  
effugere  
vellent.

virtutes, quæ factæ sunt in Corozaim, & Bethsaida, pœnitentiam egissemus; Nam Matth. 11. 21. sic ait Christus; *Vae tibi Corozaim, va tibi Bethsaida, quia si in Tyro, & Sydone factæ fuissent virtutes, quæ in vobis factæ sunt olim, in cilicio, & cinere pœnitentiam egissent.* Idem subdit contra Capharnaum, quæ vsque ad Cælum exaltata vsque ad infernum descensura erat, quia, ait, *si in Sodomis factæ fuissent virtutes, quæ in te factæ sunt fortè mansissent vsque in hanc diem.* Sic, inquam, dicere potuissent animæ illæ in circumstantijs diuersis præuisæ constituendæ. Non ergo meo videri, saluari potest modus iste dicendi.

236. Confirmari potest Conclusio principalis alio argumento fusiùs discutiendo in *Opusculo de Gratia*, quod tale est. Auxilium illud, cui visus est à Deo aliquis consensurus, est illud, quod offert Deus de facto ei, qui ex ea præuisione prædestinatus est. Sed auxilium, quod de facto isti confert Deus non est talis naturæ, vt sine speciali Dei concursu voluntas ei consentiat; sed Deus ipse (vt ibi dicam) *qui ex Philip. 2. 13. dat velle, & perficere*, facit, vt homo faciat, quia diuinæ gratiæ auxilium ex S. Augustino non solum dirigit liberum arbitrium ad benè operandum, *sed se habet ad illud, sicut sessor ad equum*, ita in *Hippognosticon lib. 3. m.* & ideò est auxilium quo, nempe faciens facere, non verò tantum *sine quo*, quod non facit facere. Et sic efficacia illius asserti consensus præuisi, esset (sicut nunc est) à Deo: Ideòque non adesset ex parte hominis sic consensuri morium aliquod prædestinandi; sed esse Dei donum, quòd vnus consentiret, non alius. Fateor meam imbecillitatem: hoc argumentum me conuincit, sicut & alia; & vnum auxiliatur alteri.

Alio argumento valde ille modus dicendi impugnari posset.

Gratia se habet ad liberum arbitrium, sicut sessor ad equum.

alteri. Si non placet mea, seu Augustini sententia, teneatur quæ placet, si habet modum satisfaciendi hisce argumentis, & deponendi formidinem de opposita; & maximè, quia Sancti Augustini menti consona non videtur.

## CAPVT XIV.

*An Christi Domini Prædestinatio fuerit causa Prædestinationis nostræ.*

237. **A**Du. 1. rationem dubitandi esse duplicem. Prima est quia Christus Dominus est Princeps Regum terræ, *Apocal. 1. 5. Est primogenitus omnis creature, Colos. 1. 18.* Est prædestinatorum caput, & *Prædestinatus in virtute Rom. 1. 4.* & omnes homines, qui prædestinati sunt, ad imaginem ipsius prædestinati fuerunt. *Rom. 8. 29.* Secunda ratio est; quia Christus est causa meritoria mediorum, per quæ prædestinati obtinent finem, seu terminum prædestinationis. Ipse enim reconciliauit humanum genus Deo; aperuit Cælum; instituit sacramenta, quibus ex inimicis Dei euadimus amici, & ex filiis iræ, filij, & hæredes Dei. Obtinuit etiam nobis auxilium, & habitum gratiæ, & habitus virtutum Theologicarum, & dona Spiritus Sancti: quibus medijs operamur meritoria opera, per quæ acquirimus vitam æternam, quæ est prædestinationis finis. Ideò meritò querimus, an idem Christus Dominus aliquam influentiam, vel causalitatem saltem meritoriam, aut exemplarem in hominum prædestinationem habuerit.

238. Adu. 2. ex dictis in primo tomo in 3. sent. disp. 18. per totam, quòd Christus, vt homo,

R

fuit

Authozis  
mens.

Duplex hu  
ius quæstio  
nis causa.

Beneficia  
priora,  
quæ nobis  
meruit,  
Christus.

Christus  
prædesti-  
natus, &  
quomodo.

Sensus que  
sibi clarius  
quis.

Christus  
aut eius  
prædestin.  
nō fuit cau-  
sa efficiens  
nostræ præ-  
destinat.

fuit ex *Rom. 1. 4.* ab æterno prædestinatus ad fili-  
ationem Dei per vnionem hypostaticam, ad  
summam gloriam, summam gratiam, & alia do-  
na supernaturalia (vt in toto illo tomo) & ad gra-  
dum mediatoris inter Deum, & humanum ge-  
nus, ad effectum reconciliandi istud cum Deo;  
& insuper, quod eius prædestinatio facta fuit  
antecedenter ad prædestinationem hominum, &  
Angelorum; immò antecedenter ad præuisionem  
lapsus Adæ, vt ex eodem tomo *disp. 11.* per arti-  
culos quinque; & inferiùs eadem explicabimus.  
Hinc oritur quæstio, an prædestinatio Christi in-  
fluxerit in prædestinationem hominum.

239. Adu. 3. ad vitandam æquinocationem,  
quod non loquimur de actu illo, quo Deus præ-  
destinauit, quasi quæramus, an Christus, eiusue  
prædestinatio in actum illum influxerit; quia hic  
est actus diuinæ voluntatis tantum: sed quærimus  
de passiuæ prædestinatione, quod est quærere, an  
ad hominum passiuam prædestinationem, Christi  
prædestinatio aliquo modo influxerit, siue effi-  
cienter, siue meritoriè, siue saltim exemplariter;  
sicut de causa exemplari dicimus in philicis cum  
Arist. quod *domus extra sit à domo intra*, vt om-  
nes architecti, omnesque artifices experiuntur;  
& Deus ipse præcipiens Moysi formationem ta-  
bernaculi, *Exodi 25. 40.* ait, *inspice, & fac secun-  
dum exemplar, quod tibi in monte monstratum est*;  
& cap. 26. *Eriges tabernaculum iuxta exemplar*;  
Quæri ergo potest, an prædestinatio Christi fue-  
rit saltim ipsi Deo exemplar in prædestinatione  
hominum.

240. Dico 1. Christus, vt homo, eiusue  
prædestinatio non fuit causa efficiens nostræ præ-  
destinationis ab æterno factæ.

241. Prob. de primo. Causa efficiens realiter debet existere; nam ex phisicis effectus in actu exigit causam in actu. Christus autem, ut homo, ab æterno, cum facta fuit hominum prædestinatio, non existeret; ergo non potuit esse efficiens causa nostræ prædestinationis.

242. Prob. de secundo. Nequit percipi, quomodo Christi prædestinatio, siue actiue, scilicet ut actus diuinæ voluntatis, siue passiuè concepta, ut importat prædestinatum esse, possit esse causa efficiens nostræ prædestinationis; nam, ut est actus voluntatis Dei, efficit id tantum, ad quod tendit, nempe eligit, ac prædestinat Christum: ut verò passiuè sumitur, nihil efficit, sed ipsamet est quid effectum, seu volitum; igitur in nullo statu accepta potest dici causa efficiens nostræ prædestinationis.

243. Dico 2. Christi prædestinatio dici potest, ac debet causa exemplaris nostræ prædestinationis ad gloriam, gratiam, & filiationem Dei, hæreditatis Dei, & cohæreditatis Christi.

244. Prob. 1. ex Rom. 8. 29. *Nam quos præsciuit, & prædestinavit conformes fieri imaginis filij sui, ut sit ipse primogenitus in multis fratribus. Quos autem prædestinavit, hos & vocavit, &c.* 2. ex Ephes. 1. 5. *Qui prædestinavit nos in adoptionem filiorum per Iesum Christum in ipsum, secundum propositum voluntatis suæ in laudem gloriæ gratiæ suæ, in qua gratificavit nos in dilecto filio suo.* Prius autem dixerat, *sicut elegit nos in ipso (Iesu) ante mundi constitutionem, ut essemus sancti, & immaculati in conspectu eius in charitate.* Igitur Christi Domini prædestinatio se habuit, ut exemplar, idea, ac prototypus aliarum prædestinationum.

Christi prædestinatio fuit causa exemplaris nostræ.

ex Aposto.



ex Augst.

245. Prob. 2. ex S. Augst. in lib. 1. de Prædest. Sanct. c. 15. *Est etiam præclarissimum lumen, prædestinationis, & gratiæ, ipse Saluator, ipse mediator Dei, & hominum homo Christus Iesus: & infra. Appareat itaque in nostro capite ipse fons gratiæ; unde secundum vniuscuiusque mensuram se per vnita eius membra diffundit: & postea. Ipsa est igitur prædestinatio Sanctorum, quæ in Sancto Sanctorum maximè claruit, quam negare quis potest rectè intelligentium eloquia veritatis? & infra. Sicut ergo prædestinatus est ille vnus, vt esset caput nostrum; ita multi prædestinati sumus, vt membra eius essemus.*

ex Lyrano.

246. Lyrano in epist. ad Rom. 8. in illud *conformes fieri imagines filij sui*, ait, Quia filiatio adoptiua est quædam similitudo filiationis naturalis diuinæ. Sicut ergo Deus hominem Christum præordinauit ad filiationem diuinam naturalem ponendam in eo per vnionem hypostaticam Verbi; ita præordinauit electos ad aliam filiationem, non quidem naturalem, sed adoptiuam cum iure hereditatis ad regnum: hæc Lyrano.

Prædestinatio Christi non fuit meritoria prædestin. nostræ.

247. Dico 3. Prædestinatio Christi, siue actiue, siue passiuè sumatur, non fuit causa meritoria nostræ prædestinationis.

248. Prob. prima pars facilè. Actiua prædestinatio Christi aliud non est, nisi actus diuinæ voluntatis, quo Christum hominem ab æterno elegit ad vnionem hypostaticam, vel filiationem Dei naturalem, ad summum lumen gloriæ, summam gratiam, summam gloriam; & ad omnes alias Christi perfectiones, ad statum mediatoris, ad septem dona Spiritus Sancti, ad gratias omnes gratis datas, &c. Hic autem actus eligendi ad

hæc

hec omnia, non est meritum; quia est actus Dei, seu Sanctissimæ Trinitatis, cui repugnat mereri: tum etiam, quia est actus liberalitatis, & beneficentiæ, atque Charitatis Supremi Principis in Christi humanitatem. Alioquin actiua nostri prædestinatio, immò quælibet cuiuslibet doni elargicio diuina erga creaturas esset Dei meritum, & causa meritoria; quæ in terminis repugnant.

249. Prob. de 2. scilicet de passiuæ prædestinatione Christi, sic. Hæc passiuæ prædestinatio Christi, siue ad vnionem hypostaticam, ac filiationem Dei, siue ad summam gratiam, ac gloriam, cæteraque bona, quæ supra dicta sunt, aliud non est, nec aliud importat, quàm Christi humanitatem tunc non existentem, fuisse à Deo ad ea electam, ac prædefinitam, & præordinatam. Id autem nullam habet conditionem meriti, sed potius passio quædam grammaticalis est, & denominatio extrinseca Logicalis, vt est esse visum, esse volitum, esse amatum, esse electum, & cætera similia.

250. Dico 4. Si prædestinatio nostra sumatur pro fine, seu termino ipsius, nempe pro gloria, & gratia, alijsque bonis, ad quæ prædestinati sumus, dici potest, Christi prædestinationem fuisse causam exemplarem, ac etiam meritoriam nostræ prædestinationis: hoc modo scilicet; quatenus Deus statuit per merita Christi aperire Cælum, liberare animas de potestate diaboli, facere eas hæredes regni, filiasque adoptiuas, & conferre eis gloriam.

251. Prob. prima pars ex dictis pro secunda Conclusionem. Sicut enim Christus prædestinatus filius Dei, licet ex meritis non meruerit incarnationem, & filiationem Dei, & prædesti-

A priori  
ratio de  
actiua  
Christi  
prædesti-  
natione.

De passiuæ  
Christi  
prædesti-  
natione  
ratio.

Quomodo  
Christi  
prædesti-  
natio in-  
fluit in  
nostram.

Christus  
quid me-  
ruit pro se,  
& pro no-  
bis.

Christus  
sine præui-  
sis meritis  
prædestina-  
tus.

Sed pleni-  
tudine glo-  
rie per me-  
rita assecu-  
tus est.

nationem ad gloriam, ut docet S. August. *lib. 1. de Prædest. Sanct. c. 15.* tamen plenitudinem gloriæ consecutus est per sua merita: Sic etiam nos, qui ad gloriam prædestinati sumus sine meritis; tamen eam non assequimur (loquendo de adultis) nisi per merita; ergo quoad consecutionem, Christi prædestinatio fuit causa exemplaris prædestinationis nostræ. Maioris prima pars pro nunc ex August. loco cit. prob. dicente. *Est etiam præclarissimum lumen prædestinationis, & gratiæ ipse Saluator, ipse mediator Dei, & hominum, homo Christus Iesus; qui, ut hoc esset, quibus tandem suis, vel operum, vel fidei meritis præcedentibus, natura humana, quæ in illo est, comparavit? Respondeatur quæso, ille homo, ut Verbo, Patri coæterno in unitatem personæ assumptus filius Dei unigenitus esset, unde hoc meruit? unde quaecumque eius bonum præcessit? Quid egit antè, quid credidit, quid petiuit? ut ad hanc ineffabilem excellentiam perveniret? & subdit. Ipsa est prædestinatio Sanctorum, idest facta sine meritis, &c.*

252. Prob. modò secunda pars maioris, quòd plenitudinem gloriæ Christus consecutus est per merita, ex oraculo ipsius Christi, qui Lucæ 24. iungens se discipulis euntibus Emmaus, dixit, *Nonne hæc oportuit pati Christum, & ita intrare in gloriam suam?* Nota tamen, quòd dico plenitudinem gloriæ, non gloriam absolutè, quia ut in tom. in 3. sent. cum comuni Ecclesiæ sententia docui, ac tenui, quòd à primo instanti suæ conceptionis Christus obtinuit gloriam, fuitque beatus, gratis, & sine præcedentibus meritis, at, quia erat simul viator, & passibilis usque ad sepulturam, immò usque ad resurrectionem, non habuit pro illo tempore plenitudinem gloriæ, sed exple-

expleta passione, in reunionem animę ad corpus, cum resurrexit, cessauit ratio vię, & collata sunt ei dona corporis beati, nempe impassibilitas, splendor, subtilitas, & agilitas; tunc plenę beatitudinis effectus est: hanc ergo beatitudinem per merita passionis acquisiuit. Hoc ergo modo nos Deus ad gloriam prædestinauit; sed per merita consequendam; vnde ait Paulus, *Bonum certamen certavi, cursum consummaui, fidem seruavi; in reliquo reposita est mihi corona iustitię, quam reddet mihi Dominus in illa die iustus Iudex; non solum autem mihi, sed his, qui diligunt aduentum eius.*

Quenā fuerit hæc plenitudo.

253. Prob modò secunda pars Conclusionis, quod scilicet prædestinatio Christi, seu vt legitimè, & propriè loquar, Christus prædestinatus filius Dei fuerit causa meritoria nostrę prædestinationis quoad effectum, idest glorię consecutionem; ex 1. Corin. 15. 22. *Sicut in Adam omnes moriuntur, ita in Christo omnes viuificabuntur.* Ephes. 5. 23. *Christus caput Ecclesię, ipse est Saluator corporis eius. Vnus est mediator Dei, & hominum Christus Iesus.* 1. Tim. 2. 5. ex Io. 2. 2. *Ipse est propitiatio pro peccatis nostris, non pro nostris autem tantum, sed pro totius mundi.* Act. 4. 12. *Non est in aliquo alio salus; non enim aliud nomen est sub Cælo datum, in quo oporteat nos saluos fieri.*

Christus fuit causa meritoria termini nostrę prædestinationis, quoad consecutionem.

254. Confirmatur. Christus redemit nos à potestate Diaboli, instituit Sacramenta, per quę reconciliamur Deo; obtinuit nobis per sua merita gratiam sanctificantem, & auxilia actualia, per quę meremur gloriam, aperuit Cælum, quod ob Adę peccatum obseratum erat, &c. quę omnia de fide sunt. Sine his autem gloriam non consequeremur, igitur dici potest, & debet, quod prædestinatio Christi, seu (quod idem est) Christus

Beneficia nobis per Christum collata.

stus prædestinatus fuit causa meritoria prædestinationis nostræ quoad effectum, seu terminum; & hanc existimo fuisse D. Thomæ mentem, in 3. p. q. 24. ar. 4. in corpore, ubi dicit; *Si consideretur prædestinatio Christi secundum prædestinationis actum, non est causa nostræ prædestinationis. Si autem consideretur secundum terminum; prædestinatio Christi est causa prædestinationis nostræ. Sic enim Deus præordinavit nostram salutem ab æterno prædestinando, ut per Iesum Christum compleretur.*

S. Thom.  
mens.

Arg. cont.  
1. & 3.

Quando  
Christus  
influit in  
nos, ut ca-  
put ad mē-  
bra.

Similitudo  
capitis ad  
membra in  
Christo, &  
in nobis.

Obijcies contra 1. & 3. Christus est caput Ecclesiæ, & omnium prædestinatorum, ergo ut prædestinatus, cum sit caput, in hoc genere influit in omnia membra.

255. Resp. dist. consequ. influit modo sibi competente iuxta Dei prouidentiam, concedo, alio modo, nego. Stando enim in similitudine capitis ad cætera membra corporis, euidens est, quod argumentum nihil concludit, nam caput Phisicum influit quidem in alia membra corporis, at non facit, seu generat illa membra; sed idem agens naturale, quod gignit caput, gignit alia membra cum facultate influendi in ea. Sic ergo Christus influit in membra prædestinata; at ipse nec membra facit, nec prædestinat, sed Deus, qui ab æterno statuit Christum efficere, & ex tunc eum prædestinauit; alios homines facere statuit membra eius, & prædestinauit ad imaginem, & conformitatem Christi. Totum hoc præclare explicauit Paulus Rom. 8. ut in probatione secundæ Conclusionis patuit. Ratio ergo capitis in Christo circa Ecclesiam consistit in hoc, quod Christus fundauit Ecclesiam visibilem, constantem ex ministris diuersi ordinis, & ex alijs fidelibus in vnum coadunatis per unitatem fidei, baptismi,

risini , ac cœterorum Sacramentorum, quæ respiciuè communia sunt . Ipse autem suis meritis hæc omnia facere meruit , & per eum , eiusque merita omnia spiritualia beneficia , & consecutionem æternæ gloriæ obtinemus . At ratio capitis non videtur vllō modo importare influentiam , nec physicam , nec moralem in actiuam , vel passiuam hominum prædestinationem , vt supra patuit .

## CAPVT XV.

*An saltem ex præuisione meritorum Christi facta fuerit hominum prædestinatio.*

256. **A** Du. 1. quæsitum hoc non coincidere cum præcedentibus . Quærimus ergo an Deus prædestinando Christum , vt hominem ad filiationem naturalem diuinam per vnionem hypostaticam, & ideò etiam ad summam gratiam, summumque lumen gloriæ, ac summum meritum, ex præuisione istius summi meriti prædestinauerit aliquo homines ad gloriam ; itaut omnes prædestinati , sicut omnia bona , quæ habent à Deo per Christi meritum recognoscunt , sic destinationem ad illa , & ad gloriam debeant per Christi meritum à Deo recognoscere .

257. Adu. 2. solutionem huius quæsitī pendere à solutione alterius famosæ controuersię, an si Adam non peccasset, Verbum incarnatum fuisset , seu venisset Christus in carne impassibili , vt cum sua Schola Scotus docet in 3. Sent. dist. 7. q. 3. & nos cum illo tom. 1. in 3. Sent. disp. 2. art. 2. At præscindendo ab hoc quæsito pro nunc satis molesto ; inquiram quid in vtraque , vel alterutra

Christus  
fundauit  
Ecclesiam .

Sensus quæ-  
siti diuer-  
sus à præ-  
cedentibus.

Solutio hu-  
ius quæsitī  
pendet à so-  
lutione al-  
terius.



sententia, S. Thomæ, scilicet, vel Scoti, dicendum sit ad præsens dubium.

258. Adu. 3. quòd sicut dixi de merito Christi in eodem *tomo disp. 19. ab art. 4.* & deinceps, Christus de facto meruit non solum per actiones, & passionem potentiæ sensitiuæ, per effusionem sanguinis, ac per mortem, &c. sed etiam per actus potentiæ spiritualium, præsertim per charitatem, seu dilectionem erga Deum, & homines, & per actus pietatis, & adorationis Dei, & obedientiæ erga Patrem, &c. ita quòd in Scoti, eiusque Scholæ, ac mea in hac re sententia, si Adamo non peccante Verbum fuisset incarnatum, quia non in carne passibili; licet non potuisset mereri agendo, & patiendò sensibiliter; adhuc mereri potuisset operando intellectualiter.

259. Adu. 4. quòd pro defensione huius Scoti sententiæ, & stabilienda illa, quam inquirimus de merito Christi pro nostra prædestinatione, hic ordo secundum nostrum intelligendi modum statuendus est inter decreta diuina circa futura faciendà, vt docet Scotus in 3. *Senten. dist. 7. q. 3.* ab æterno suppositis productionibus ad intra; in primo signo sequente, Deus intellexit omnes creaturas possibiles: in secundo signo, decreuit summè communicare creaturæ rationali; & in hoc signo decreuit vnire hypostaticè Verbum cum humana indiuiduali natura, & in hoc prædestinauit Christum ad summam gloriam, summamque gratiam, ad summam charitatem, ac pietatem in Deum, atque charitatem in proximum: in tertio signo decreuit creare Adamum, & alios homines: in quarto signo vidit Adamum cum tota posteritate casurum: in quinto signo decreuit modum vnionis, nempe in carne passibili,

Quibus actibus meruit  
Christus.

Ordo Dei  
in prædesti-  
nando iux-  
ta Scoti sen-  
tentiam.

Decretum  
de Incarna-  
tione in  
quo signum  
factum.

bili , & per actiones , tam intellectuales , quam , per corporales Christi passionis reconciliare sibi genus humanum : & quoniam cum S. Augustino prædestinatio hominum facta fuit post præuisionem peccati Adæ , dici consequenter cum eo debet , quòd in hoc signo facta sit hominum prædestinatio , & in hac sententia non est difficile saluare , quòd prædestinatio hominum facta sit ex præuisione meritorum Christi . Item si teneatur sententia contraria de decreto Incarnationis post præuisionem Adæ peccatum , adhuc distinguendum est : vel enim tenetur , quòd Adæ , & aliorum prædestinatio facta fuerit ante præuisionem peccati Adæ ; & hoc præuiso decreta fuerit incarnatio ad reparandum genus humanum , & tunc fuisse prædestinatum Christum ; non apparet via saluandi , quòd ex merito prædestinati Christi præuiso , facta sit prædestinatio Adæ , & aliorum , quia hæc supponeretur facta ante illum . Si verò teneatur , quòd , & Adamo non peccante facta non fuisset incarnatio , & quòd ante præuisionem peccati Adæ nullius facta fuerit prædestinatio , sed supposita Adæ peccati præuisione , decreta fuerit incarnatio , & consequenter prædestinatus fuerit Christus , & postea prædestinati sint homines , & discreti à massa damnata , vt docet S. Augustinus , & nos supra cum eo docuimus , facilis , & conueniens est via saluandi , quòd ex præuiso Christi merito facta sit hominum prædestinatio ; si enim hæc via teneatur , vt amicis meis consulo tenendam , in magnam redundat Redemptoris gloriam . Parcat Lector si prolixa sit adnotatio ; cedit enim ad Christi Domini nostri laudem , de quo omnia summè bona prædicare debemus , quæ Sacræ Scripturæ non repugnant , in-

Saluatur in  
hac senten-  
tia , quòd ex  
meritis  
Christi fieri  
potuit  
nostra præ-  
destinatio.

In alia sen-  
tentia non  
videtur pos-  
se saluari .

Alia via  
saluandi fa-  
cilis , & te-  
nenda con-  
siliatur.

pugnant, inquit cum alijs Scotus.

260. Adu. vltimò cum Scoto in 4. *Sent. dist. 2. quæst. 1. ad 3.* & est valdè notandum dictum illud, quòd gratia non cadit sub merito, sicut docet Apostolus Rom. 9. *Si gratia ex meritis, iam non est gratia, sed merces*, quod intelligi potest, vel de merito de congruo, vel de merito de condigno. De primo non est tanta difficultas; sed de secundo; pro quo etiam aduertit Scotus, quòd vel est sermo de causa intrinseca, idest de ipsomet merente, qui per sua opera non potest mereri gratiam de condigno, & de hoc intelligitur Pauli dictum; *Si gratia ex meritis, idest proprijs, iam non est gratia*; vel est sermo de causa meritoria extrinseca illi, cui confertur gratia, & sic gratia cadere potest sub merito: talis autem est Christus respectu omnium gratiarum, quas nobis meruit: his notatis

An, & quomodo gratia cadit, vel non cadit sub merito.

Christus meruit nobis omnes gratias.

In sent. Scoti probabilissimè sustinetur, quòd ex præuisione meritorum Christi facta fuerit hominum prædestinatio ad gloriam, & gratiam.

Commendari maximè debet Christus.

261. Dico 1. In ea sententia Scoti, quòd Verbum fuisset incarnatum, etiamsi Adam non peccasset, sustineri potest probabilissimè, quòd ex præuisione meritorum Christi per potentias intellectuales eliciendorum facta fuerit hominum prædestinatio ad gloriam, & gratiam.

262. Prob. In hac suppositione maximè commendatur Christi meritum, & non asseritur aliquid Sacræ Scripturæ, traditioni, aut communi Ecclesiæ opinioni repugnans: ergo. Consequ. prob. ex famoso illo Scoti axiomate, *in commendando Christum malo excedere, quàm deficere, si in alterutrum ex ignorantia incidere oporteret*. Hinc est, quòd Ecclesia in hymno illo Angelico, *Gloria in Excelsis*, sic eum collaudat. *Tu solus Sanctus. Tu solus Dominus. Tu solus Altissimus Iesu Christe*. Anteced. quoad primam partem prob. quia

quia hoc modo omnis ratio capitis mystici, ac moralis in omnia bona supernaturalia suorum membrorum influentis, dignè, & abundè saluaretur; maximum enim hominis cuiusque spirituale, ac supernaturale bonum est ad gloriam, & consequenter etiam ad gratiam prædestinari. Anteced. quoad secundam partem probatur: nullus Scripturæ locus, nullaque traditio huic dicto refragatur; immò aliqua Scriptura ei opitulatur. Paulus enim Rom. 8. 29. inquit. *Quos præscinit, & prædestinavit cōformes fieri imaginis filij sui, &c.* Tunc sic: si ex merito præuiso in carne passibili, & intellectuali operatione Christi Deus ab æterno decreuit nos sibi reconciliare, filios suos adoptiuos efficere, heredes ipsius Dei, & cohæredes Christi ad imaginem ipsius filij naturalis: cur ex merito, in illa suppositione præuiso non potuit Deus prædestinare homines etiam ad gloriam, & gratiam?

263. Quòd si dicas prædestinatio passiuæ hominum est maxima gratia, quæ possit ijs à Deo conferri; igitur cadere non potest sub merito; responsio facilis est ex notabili ultimo. Non potest cadere sub merito hominum: concedo; sub merito Christi, quem Deus voluit, ac statuit esse caput hominum, & in eos meritoriè influere, nego. Ratio euidens est: de facto redemptio à seruitute diaboli; collocatio in ordine filiorum Dei; aperitio ianue cœli pro hominibus, omnia dona supernaturalia, gratia tam habitualis, quàm omnes actuales, Sacramentorū institutio, & cetera omnia nobis, & Ecclesiæ conferuntur ex meritis Christi; item & consecutio gloriæ; & proinde Ecclesia omnes collectas, quibus beneficia spiritualia, immò & omnia alia à Deo petit, sic

con-

Sub merito  
nostro non  
potuit ca-  
dere gra-  
tia; sed be-  
nè sub me-  
rito Chri-  
sti.

concludit , *Per Christum Dominum nostrum* . Hæc autem omnia ab æterno Deus statuit , & præscit , se nobis daturum per merita Christi ; igitur idem dici potest de prædestinatione , quòd nempe ex merito Christi in ea suppositione præuiso , eam decreverit circa homines . Neque in hoc video ullam esse difficultatem , si principium illud Scoti teneatur .

In alia sententia idè teneri potest, si omnis prædestinationis facta sit præuiso Adæ peccato.

264. Dico 2. in alia sententia , quòd non fuisset facta incarnatio , non existente Adæ peccato ; si tenetur , quòd omnes prædestinationes , tam Christi , quàm hominum factæ fuerint ante præuisionem peccati Adæ ; adhuc probabiliter sustineri posset , quòd prædestinationes hominum factæ fuerint ex præuisione meritorum Christi .

Saluatur maxima Christi laus in hac sententia.

265. Prob. sicut præcedens ; quia nulla est implicantia , quin in aliquo signo præcedente facta sit Christi prædestinatio ad filiationem Dei , per vnionem hypostaticam , ad summam gloriam summam gratiam , & summa merita : & ita saluaretur in eo omnimoda ratio capitis , & causæ meritorix , respectu omnium bonorum , quæ hominibus à Deo à mundi initio hucusque concessa sunt , & concedentur : & ita , sicut est causa meritoria consecutionis gloriæ , respectu nostri , & mediorum ad talem consecutionem obtinendam ; ita esset causa meritoria destinationis ad eam ; ita quòd Deus in gratiam dilectissimi filij sui prædestinati voluerit alios prædestinare , & in gratiam eiusdem , ac per merita eius decreuerit possessionem termini prædestinationis , idest gloriam eisdem conferre .

266. Prob. 2. si quid obstarèt huic sententiæ , esset , quia in signo illo antecedenti non essent

essent pręuisa merita, ac genera, & qualitates meritorum per passionem, ac sanguinis effusionem, quia adhuc non esset decreta permissio peccati Adę, nec damnatio eius cum tota posteritate; & sic nec decreta passio, & mors Christi, quę sunt merita Christi; & ideò, cū in eo signo merita Christi adhuc non existerent in mente Dei, non potuit intuitu eorum prędestinare homines. Sed posset (in hac sententia) responderi, quòd licet pro illo signo non essent prędefinita merita per afflictiones, mortificationes, ieiunia, labores, itinera, passionem, & mortem, elicienda: dici possent prędefinita merita per intellectuales actus, pręcipuè dilectionis Dei, atque hominum, & Angelorum exhibenda; vel quòd ipsamet dignitas; magnitudo, ac sublimitas Christi pro illo signo ad ea iam prędestinati, se haberent, vt meritum, vel saltem, vt motiuum prędestinandi homines, immò & Angelos ad dignificandum, magisque exaltandum dilectum suum filium, constituendo illum omnium prędestinatorum caput, vt ei omnes etiam in hoc pręclarissimo fauore, se in æternum cognoscerent obnoxios.

267. Dico 3. si teneatur, quòd decretum incarnationis factum fuerit post pręuisum Adę peccatum, & sic Christus prędestinatus tunc ad filiationem Dei, & ad summam gloriam, summamque gratiam, & ad statum mediatoris inter Deum, & hominem; & postea facta fuerit hominum prędestinatio discernendo eos à massa perditionis; facilius videtur susstinendum, quòd ex Christi meritis pręuisis facta fuerit hominum prędestinatio.

268. Prob. facilè. Eatenus in omni sententia

Refellitur  
obstaculū.

Melius sus-  
stinetur in-  
fluxus Chri-  
sti in prę-  
destinatio-  
nem nostrā  
in alia sen-  
tentia.



Ratio clara  
pro hac  
sententia.

Argum. à  
pari de alijs  
bonis  
dandis ex  
merito  
Christi.

tia, & cum fidei principijs defenditur, quòd ex pręuisis Christi meritis decreuit Deus ab æterno reconciliare sibi genus humanum, liberare illud à potestate diaboli, aperire Cœlum, & conferre generi humano media necessaria ad salutem, vt Sacramenta, virtutes, auxilia, dona, &c. ipsamque gloriam; quatenus videns genus humanum lapsurum, & perditionis massam ex eo constituendam, voluit eius misereri, & per viam iustitię illi reconciliari; disposuit hoc facere mediante filio suo incarnando, & per eius merita in actionibus, & passionibus consistentia, & sic intuitu istorum omnia præfata spiritualia bona humano generi conferre. Quid autem impedit, quin dicamus, quòd pariter Deus videns genus humanum sic cum Adamo lapsurum, & massam damnatam futuram; ex eodem Christi præuiso merito motus fuerit ad prædestinandum aliquos, discernendo, seu secernendo eos à massa perditionis, sicut ex præuiso eiusdem merito decreuit præfata alia bona conferre? Immo existimo, quòd in hac sententia Augustini de prædestinatione post præuisum Adę peccatum, loquendo consequenter, negari non possit, prædestinationem quoque factam fuisse ex merito Christi. Ratio enim euidentis est, quia vt cum Augustino mox dicemus, omnia bona supernaturalia, quę prædestinatis conferuntur, sunt prædestinationis effectus. At omnia illa conferuntur ex merito Christi, & sic ab æterno decreta sunt conferenda, ergo multo magis bonum prædestinationis, quod est eorum causa: nam vt inquit Philosophus, & omnes amplectimur, *Propter quod vnumquodque tale, & illud magis.*

269. Confirmatur: hanc viam sequendo, magis

magis quàm in alijs relucet Christi Domini dignitas, ratio capitis influentis in omnium prædestinatorum præcipuè spiritualia, ac supernaturalia bona, & sic sublimitas Principatus; immò, & quòd per ipsum facta sint omnia; & nihil impedit, quin sic dicamus.

270. Confirmatur 2. Per Christi meritum, efficimur filij Dei, & hæredes, atque Christi coheredes, inquit Apostolus; & hæc omnia ab æterno sic prædefinita sunt. At filiatio, & hereditas Dei sunt essentialiter cum prædestinatione connexa, & ita, cum Deus prædefiniuit vnum, prædefiniuit simul & alterum: & sic ex merito Christi vtrumque. Cur enim Deus præcisionem fecisset, vt ex merito Christi prædefinisset vnum, & non alterum; cum in vtroque æqualiter reluceat benignitas, ac misericordia Dei in homines, & beneuolentia in Christum, cuius præuisione meriti voluerit illum exaltare, & constituere caput prædestinatorum influens in eos quoad omnia; & dare illi nomen, quod est super omne nomen, vt in nomine eius omne genu flectatur Cælestium, &c. & omnis lingua consteatur, quia Dominus noster Iesus Christus in gloria est Dei Patris?

271. Confirmatur 3. Non videtur saluari perfecta ratio mediatoris in Christo, nisi dicatur, quòd ex intuitu sui meriti facta sit hominum prædestinatio ad gratiam, & gloriam; ergo ita dicendum. Quòd autem sit mediator Dei, & hominum de fide est, ex 1. Tim. 3. 5. Prob. maior. Mediatio in genere sumpta consistit in hoc, quòd existente inter duos, siue æquales, siue superiorem, & inferiorem inimicitia, ratione alicuius offensæ, aliqua tertia persona grata offenso se interponit pro reconciliatione offendentis cum

Relucet  
Christi di-  
gnitas.

Ex perfecta  
ratione me-  
diatoris ar-  
gum.

In quo consistat mediatio.

Quomodo Deus statuit satisfactionem accipere pro offensa humani generis.

Paulus fortè id docuit.

offenso; quod perfici potest per satisfactionem procurandam ab offendente; vel si hic sit impotens, aut inhabilis, aut minus idoneus, ipsamet mediatrix persona, id acceptante, aut disponente offenso, aliquo modo huic benè viso, satisficiat pro offensa. Hoc tanquam certissimo posito, ad rem nostram accedens, sic discurre. Per Adæ peccatum omnes homines (excepta B. Virgine iuxta nostram sententiam) cum eo peccarunt, & inimici Dei constituti sunt. Placuit benignissimo Domino Deo homines sibi reconciliare, & per viam iustitiæ, ac satisfactionis pro grauissima (intensivè, & extensivè) offensa id perficere: non inueniebatur inter homines puros, qui condignè satisfaceret: statuit filium suum, sanctissimum incarnandum, ad hoc peragendum in terram mittere: Hic ergo cum esset nos reconciliaturus, ut adæquatè suo muneri mediandi satisfaceret, erat effecturus, ut Deus in suam gratiam nos reciperet filios; & heredes æternæ vitæ eos, qui sibi placerent, efficeret. Totum autem hoc per prædestinationem ad gratiam, & gloriam efficitur. Igitur, ut plenipotentiam mediatoris Deus Christo conferret, in gratiam eius, ac suorum meritorum, hanc gratiam prædestinationis, iustificationis, &c. consequentium debuit ex sua liberali benignitate concedere, discernendo ex tunc quos voluit à massa perditionis, efficiens suos filios, regnique cœlestis heredes, & Christi coheredes.

272. Tandem existimo Paulum id docere voluisse Ephes. 1. 3. inquiens de Deo; *Qui elegit nos in ipso (Christo) ante mundi constitutionem, ut effemus sancti, & immaculati in conspectu eius in charitate. Qui prædestinavit nos in*  
ado-

*adoptionem filiorum per Iesum Christum in ipsum, secundum propositum voluntatis suæ, in laudem gloriæ, & gratiæ suæ, in qua gratificauit nos in dilecto filio suo, in quo habemus redemptionem per sanguinem eius, &c.* Interl. Hier. *Elegit nos in ipso ait per Christum: infra, gratificauit nos in dilecto filio suo, dicit, per Christum; modus ergo iste loquendi toties à Paulo replicatus, Deus elegit nos in Christo; qui prædestinauit nos per Iesum Christum. Qui gratificauit nos in dilecto filio suo; & hæc ante mundi constitutionem, aliud significare nequeunt nisi prædestinationem nostram per Iesu Christi mediatoris nostri merita factam esse.*

## CAPUT XVI.

*De præcipuis Prædestinationis effectibus .*

273. **A**Du. quòd licet multa bona, tam supernaturalia, quàm naturalia sint communia prædestinatis, & non prædestinatis, seu reprobis; quædam tamen solis primis competent, & de his loquimur. Certum quidem est, quòd multa supernaturalia bona obtinent reprobi, quæ tamen temporalia, idest ad tempus tantùm durant, & non perseverant vsque ad finem vitæ. *Multi enim, ait, Saluator sunt vocati, pauci verò electi.* Veniunt enim ad fidem innumeri, baptismum suscipiunt, gratiam sanctificantem, cum Theologicis virtutibus, & Spiritus Sancti dona, aliaque Sacramenta recipiunt, & actualibus auxilijs diuinis ad sanctè operandum adiuvantur; & tamen, quia donum perseverantiæ non obtinent, sed in peccato decedunt, damnantur: immò plures præter hæc dona, gratias gra-

Multa supernaturalia bona obtinent etiã reprobi, sed sunt temporalia.

Gratias etiam gratis  
dadas.

tis datas obtinuerunt, vt sapientiam, prophetiam, gratiam virtutum, seu miraculorum, & curatum, genera linguarum, &c. & tamen damnati sunt: De quibus dicit Saluator, Matth. 7. 22. *Multi dicent mihi in illa die Domine, Domine, nonne in nomine tuo prophetauimus, & in nomine tuo demonia ciecimus, & in nomine tuo virtutes multas fecimus. Et tunc confitebor illis, quia nunquam noui uos, discedite à me, qui operamini iniquitatem.* Patet ergo, quòd hæc etiam supernaturalia dona, non in omnibus sunt effectus, ac signa prædestinationis: Iudas enim fuit à Christo cum alijs missus ad prædicandum cum virtute miraculorum; alij plures per aliquod tempus sanctè viuunt, prædicant, alios ad fidem conuertunt, Sacramenta frequentant; & nihilominus, vel quia in pessima aliqua consuetudine inueterati sunt, vel quia à fide decidunt, in fine pereunt: aliquos ergo proprios, & præcisos prædestinatorum effectus ex Sacro Textu, & ex Sanctis Patribus referemus.

Præcipui,  
effectus præ-  
destinationis,  
qui sunt

274. Dico 1. Primi, & præcipui effectus prædestinationis, ad quos alij consequuntur, sunt illi, quos refert Apostolus Rom. 8. 30. *Quos autem prædestinavit, hos & vocauit, quos autem vocauit, hos & iustificauit; quos autem iustificauit, illos & glorificauit.* At primi duo effectus declaratione indigent.

1. Efficax  
vocatio ad  
fidem.

275. Prob. & declarantur singula. Primus effectus prædestinationis est efficax vocatio ad Catholicam fidem, ac proinde hæreticorum fides cum baptismo recepta (exceptis paruulis in ea decedentibus) non est prædestinationis effectus, quia *extra Catholicam Ecclesiam non est salus, ex Concil. Later. 4. c. 1. de summa Trin. & fide Cath. c. 1.* At quia multipliciter fit vocatio, dicendum, quòd

paru-

parvuli, quibus confertur baptisumus, per huius collationem vocantur, & per fidem habitualement credunt, & vocationi respondent, & fides actualis offerentium, vel ministri, seu Ecclesiæ eis sufficit; *de Consec. dist. 4. cap. In Ecclesia, cap. Parvuli fideles, & cap. Mater Ecclesia*; immò dicuntur fideles; non quia actualiter credunt, sed quia fidei Sacramentum recipiunt, idest, baptismum, per quem eis infunditur fides, *ead. dist. c. Nihil est aliud*. Alij vocantur, & recipiunt fidem per baptismum sanguinis, cum Catecumeni, siue valde instructi, siue incipientes tantum pro fide Catholica martyrium patiuntur. Alij vocantur, sed per baptismum flaminis; idest, per votum, seu desiderium baptismi nequeunt illum in effectu recipere, è vita decedunt. Alij tandem adulti vocantur ad fidem ex Paganismo, Mahometismo, vel Iudaismo, & bene instructi baptizantur. Verum, ut in Not. dixi, hæc vocatio, & responsio per baptismi, ac fidei etiam Catholicę receptionem in adultis, non est præcisum signum, nec certus prædestinationis effectus; alioquin omnes Catholici essent prædestinati, & tamen Christus, *Matth. 20. 10. ait, multi sunt vocati, pauci verò electi*. Vocatio ergo est quidem in aliquibus, at non præcisus, & proprius prædestinationis effectus.

276. De iustificatione pariter idem dicendum; quia innumeri vocati sunt, & nedum per baptismum iustificari; sed & alijs vicibus per Sacramentum poenitentię; & tamen pereunt. Et proinde iustificatio etiam est prædestinationis signum, & effectus in aliquibus, at non proprius, ac præcisus; sed alia (ut infra) debent esse ipsi adiuncta; nempe finalis iustificatio, & persecu-

rantia

Parvuli dicuntur vocati per habitum fidei & per eum dicuntur fideles.

Alij per martirium.

Alij per votum baptismi si nequeunt eum habere.

2. Est iustificatio in aliquibus, non in omnibus, nisi sit finalis.



150 DE PRÆDESTINATIONE  
rantia in illa . Hæc est verus prædestinationis  
effectus .

3. Glorifi-  
catio .

277. De glorificatione tandem nulli dubium  
est , quòd sit vltimatus effectus , ac terminus præ-  
destinationis ; ad hanc enim Deus prædestinavit :  
ideò ait Saluator Matth. 25. 46. *Ibunt iusti in vi-  
tam æternam .* Vndè Magist. sent. in lib. 2. dist. 40.  
ait, *Sicut enim prædestinationis effectus illa gratia  
est , qua in presenti iustificamur , atque ad rectè vi-  
uendum , & in bono perseverandum adiuvamur , &  
illa quæ in futura beatificamur .*

Alij esse-  
tus proprj  
prædesti-  
nationis ex  
S. August.

278. Dico 2. effectus prædestinationis , qui  
solis prædestinatis competunt sunt sequentes ex  
Augustino .

Quomodo  
prædestina-  
ti corripiū-  
tur , & resi-  
stunt .

S. Doctor in lib. de Correp. & gratia cap. 7. in-  
quit . *Quicumque ergo ab illa originali damnatione  
istâ diuinæ gratiæ largitate discreti sunt ; non est du-  
bium , quod , & procuratur eis audiendum Euan-  
gelium , & cum audiunt , credunt , & in fide , quæ di-  
lectionem operatur , vsque in finem perseverant , & si  
aliquando exorbitant , correpti emendantur ; & qui-  
dam eorum , etsi ab hominibus non corripiantur , in  
viam , quam reliquerant , redeunt ; & nonnulli ac-  
cepta gratia in qualibet ætate periculis huius vitæ ,  
mortis celeritate subtrahuntur . Hæc enim omnia  
operatur in eis , qui vasa misericordiæ operatus est  
eos , qui elegit eos in filio suo ante mundi constitu-  
tionem per electionem gratiæ : & in fine capitis ait ,  
aut si qui deficiant , reparentur antequam vita ista  
finiatur , & deleta , quæ intercurrerat iniquitate ,  
vsque in finem perseverantia deputatur : & in cap.  
præced. discutiens illud Act. 13. 48. *Crediderunt  
quotquot erant præordinati ad vitam æternam ,*  
ait ; *Quis in æternam vitam potuit præordinari , nisi  
perseverantiæ dono ? Quandoquidem , qui perseve-*  
*raverit**

rauerit vsque in finem, hic saluus erit: qua salute, nisi aeterna?

279. Et in cap. 2. distinguens adiutorium gratiae datum Adamo ab illo, quod datur hominibus post lapsum, ut benè operentur (de quibus nos in suo loco) loquens de adiutorio dato prae-destinatis ad perseverandum, inquit non sufficere adiutorium *sine quo non perseveraret*, sed datur eis adiutorium *quo*, idest quo Deus facit perseverare, idest, efficax, *nunc verò sanctis in regnum Dei per gratiam prae-destinatis*; non tamen tale adiutorium (idest sine quo) perseverantia datur; sed tale, ut eis perseverantia ipsa donetur: non solum, ut sine illo dono perseverantes esse non possint, verum etiam, ut per hoc donum, non nisi perseverantes sint: efficacia ergo ad perseverandum finaliter in sanctitate, est verus, & proprius prae-destinationis ad gloriam effectus,

Adiutoriū datum prae-destinatis, est quo perseverant finaliter.

280. Ijs autem, qui curiosè inuestigarent, cur donum perseverantiæ finalis uni detur, alteri non detur, æqualiter utroque disposito, ad rem nostram respondet S. August. in lib. de Bono Perseverantiæ cap. 9. sicut respondet de Præ-destinatione unus, & non alterius, his verbis; *ex duobus itaque parvulis originali peccato pariter obstrictis, cur iste assumatur, ille relinquatur; & ex duobus ætate grandibus impijs, cur iste vocetur, ut vocantem sequatur, ille autem aut non vocetur, aut non ita vocetur, inscrutabilia sunt iudicia Dei. Ex duobus autem pijs, cur huic detur perseverantia vsque in finem, illi autem non donetur, inscrutabiliora sunt iudicia Dei. Et pro nostra, ac sua conclusione statim subdit. Illud tamen fidelibus debet esse certissimum, hunc esse ex prae-destinatis, illum non esse. En ergo prae-destinationis indissolubilis effectus;*  
fina-

Cur ijs detur, nō alijs responderi nequit.

Nisi quia, inscrutabilia sunt iudicia Dei.

finalis nempe perseuerantia .

Vocatio  
eorū fit se-  
cundū pro-  
positū Dei.

281. In lib. 1. Retract. cap. 18. de eiusmodi Prædestinationis effectibus ait . *Sed parum de ipsa vocatione differui , quæ sit secundum propositum Dei . Non enim omnium , qui vocantur talis est , sed tantum electorum .* Et verum hoc esse probatur ex illo Act. 13. 48. cum prædicante Paulo cum Barnaba in Perge Pamphilix coram multitudine Iudæorū , & Gentium , Gentes crediderunt , Iudæi verò eos eiecerunt . Dicit autem textus , *Crediderunt , quotquot erant præordinati ad vitam æternam ;* igitur effectus prædestinationis est aliquem ita vocari , vt vocantem sequatur .

Prædestina-  
tis omnia  
cooperan-  
tur in bo-  
num .

Prospera ,  
& aduersa  
eis profunt  
ex Dei gra-  
tia .

282. Alij præclari effectus prædestinationis sunt, quos vno verbo enunciat Apostolus Rom. 8. 28. *Scimus quoniam diligentibus Deum omnia cooperantur in bonum ijs , qui secundum propositum vocati sunt sancti .* Interl. *bonum ,* dicit , *non recedentibus , sed vsque in finem manentibus .* Glos. ord. *Scimus ,* ait , *non solum hoc facit Spiritus Sanctus , sed etiam facit omnia diligentibus se prouenire in bonum , prospera , vel aduersa .* Tales enim Deus consolatur prosperis , exercet aduersis . *Profunt enim mala , quæ fideles piè perferunt , vel ad emendanda , siue demenda peccata , vel ad exercendam , probandamque iustitiam , vel ad demonstrandam huius vitæ miseriam ;* Quamuis enim mors carnis de peccato primi hominis originaliter venit ; tamen bonus eius vsus gloriosos martires fecit , &c. & infra , secundum propositum , ait , inde est , *quod omnia cooperantur in bonum , non ex merito .*

Et S. August. lib. de Grat. & lib. arbitr. cap. 17. hunc Apostoli locum valdè exaggerat pro electis , dicens primò , cum eodem Apostolo ad Philip. 2. *Certus sum quoniam , qui operatur in vobis bonum ,*

opus perficiet usque in diem Christi Iesu. Ut ergo velimus sine nobis operatur, Cum autem volumus, & sic volumus, ut faciamus, nobiscum cooperatur: tamen sine illo, vel operante, ut velimus, vel cooperante cum volumus, ad bona pietatis opera nihil valeamus; De operante illo, ut velimus dictum est, Deus est, qui operatur in nobis, & velle. De cooperante illo, cum iam volumus, & volendo facimus; Scimus, inquit, quoniam diligentibus Deum omnia cooperantur in bonum. Quid est omnia? nisi, & ipsas terribiles, sanasque passiones? Sarcina quippe illa, quæ infirmitati gravis est, levis efficitur Charitati.

283. Et in can. 27. Talibus, de Pœnitentia, dist. 2. habetur. Talibus diligentibus Deum, omnia cooperantur in bonum, usque aded prorsus omnia, ut etiam si qui eorum deuiant, & exorbitant, etiam hoc ipsum eis faciat proficere in bonum. Glossa ibi, ait, dupliciter accidere potest, quod electis, seu sanctis deuiatio, seu exorbitatio possit in bonum proficere; primò per pœnitentiam fortiores resurgunt; & citat pro hoc dicto multos Canones: secundò ait, potest intelligi proficere ad bonum, pœnas, quibus à Deo affliguntur, quia se recognoscentes, humiliores fiunt; pro quo firmando canones plures citat. Quoquo ergo modo intelligatur, in bonum prædestinatorum est.

## CAPVT XVII.

De diuersis Prædestinatorum gradibus.

284. **A**Du. quòd prædestinati considerari possunt dupliciter; vel respectu finis, vel respectu mediorum, per quæ perueniunt ad finem;

V

idest,

S. Augustini quomodo omnia cooperantur in bonum prædestinatis.

Sensus questus.

idest, gloriam. De vtriusque gradus differentijs in præsentī loquimur.

285. Dico I. Respectu glorię, ad quam Sancti sunt prædestinati, diuersi sunt gradus eorum, iuxta diuersitatem meritorum.

Respectu  
terminandi  
uersi sunt  
prædestina-  
torum gra-  
dus.

286. Prob. I. ex I. Cor. 15. 41. *Stella enim differt à Stella in claritate, sic & resurrectio mortuorum.* Glos. ord. ait, *Vna est beatitudo, quam iusti percipiunt, & dispar retributionis qualitas.* Omnes enim beati recipiunt denarium iuxta parabolam Christi, Matth. 20. idest visionem, & fruitionem, Dei, in quo consistit beatitudo essentialis, sed inæqualiter, tam intensiue, quam extensiue; idest aliqui intensiori modo, & vident alia plura obiecta secundaria in Deo, quam videant alij, qui, & minus intensè; quia ad talem, ac tantam fuerunt à Deo prædestinati.

287. S. Augustinus hunc Pauli locum pluribus in locis, sed eodem modo de Beatitudine Sanctorum declarat: in lib. de Spir. & lit. ad Marcellinum c. 28. ait, *Verumtamen sicut in Regno Dei velut Stella à Stella in gloria differunt Sancti; sic & in damnatione pænæ sempiternæ tolerabilius erit Sodomæ, quam alteri Ciuitati; & erunt quidam duplo amplius quibusdam filij gehennæ.* In lib. de Sancta Virginitate c. 26. loquens de beatitudine essentiali, & accidentalī, iuxta Christi, & Pauli dicta, inquit, *quos prædestinauit, vocauit, iustificauit, & glorificauit. Hic est ille denarius merces omnium. Stella tamen differt à Stella in claritate: sic & resurrectio mortuorum; hæc sunt merita Sanctorum. Si enim cælum significaretur illo denario; nonne in Cælo esse est commune omnibus fidelibus? & tamen alia est gloria Solis, alia Lunæ, alia Stellarum.*

Locus Pauli iuxta Augustinū declaratus.

288. At in lib. de cognitione verę viæ, si sit

Augu-

Augustini cap. 46. nedum repetit idem; sed soluit argumentum, quod fieri posset contra dictum Pauli de claritate beatorum, stellis comparata, nam Saluator comparat beatos soli, non stellis, dicens Matth. 13. *Fulgebunt iusti sicut Sol in regno Cælorum*, inquit, videtur Apostolus Domino contrarium sentire, quia hic velut solem fulgere asserat, ille quosdam velut diuersas stellas, alios velut Lunā, alios velut Solē fulgere asseruat. Sed sciendum est, quod Dominus gloriam Sanctorum generaliter expressit: Apostolus autem singulorum gloriam pro meritis distinguit. Vltimus ergo in regno Cælorum, ut Sol fulgebit, qui tunc septies clarior, quàm nunc erit; & in hac claritate tantum quisque ab alio pro meritis differt, quantum stella à stella in claritate; Alij autem hos in tantum diuersæ claritatis gloria ita præcellunt sicut Lucifer Pleiades, Luna Luciferum, Sol Lunam in claritate excellunt. Nos autem omnes, tantum corpus Christi in claritate excedit, quantum Creator creaturas transcendit. Vndè & in dextera Patris sedere scribitur; quia in gloria diuinæ maiestatis fulgere creditur, &c. vbi S. Doctor, nedum de diuersitate gloriæ animarum, sed etiam corporum, cum post resurrectionem erunt in Cælo, loquitur; & consequenter ad dictum Pauli dicentis, sic & resurrectio mortuorum; immò principalis de hac loqui videtur Apostolus, quia de resurrectione corporum loquitur.

Idem prædixerat Daniel c. 12. *Qui docti fuerint fulgebunt, quasi splendor firmamenti, & qui ad iustitiam erudiunt multos, quasi stellæ in perpetuas æternitates.*

289. Prob. 2. ex Io. 14. 2. vbi ait Saluator, in domo Patris mei mansiones multe sunt. Interl. dicit, diuersa præmia meritorum. Gloss. ord. inquit,

Cur Christus Sancto-  
rum gloriā  
solita tūc  
comparat,  
Paulus ve-  
rò stellis.

Diuerſas  
gloriæ in-  
beatis.



Ex Christi  
oraculodi-  
uersa sunt  
gradus glo-  
rie.

Denarium  
quid signi-  
ficat, quid  
mansiones  
diuersæ.

Prædestina-  
torum gra-  
dus quoad  
media, sunt  
diuersa.

beati, etsi differentes, nullus tamen alienabitur à domo, in qua quisque habet mansionem pro merito. Per denarium quidem omnibus significatur vna, & non diuersa viuendi in aternitate mensura. Per mansiones significantur diuersæ dignitates in eadem aterna vita; quia alia claritas solis, alia claritas lunæ, alia claritas stellarum. In domo Dei idest in templo Dei, in regno Dei, hominibus iustis multæ sunt differentie inter se, & hæ sunt mansiones ipsius domus Dei. Hæ autem sunt paratæ in prædestinatione, sicut ait Apostolus, qui elegit nos ante mundi constitutionem in prædestinando, &c.

290. Prob. 3. ex alijs Sac. Scripturæ locis, Psal. 61. Reddet unicuique iuxta opera sua. Matth. 16. dicit. Christus filius hominis venturus est in gloria Patris sui, cum Angelis suis, & tunc reddet unicuique secundum opera sua. 2. Cor. 9. Qui parçè seminat, parçè & metet, & tandem Concil. Florent. in decr. Vnionis Græcorum, quod est in Const. 17. Eugen. 4. §. 6. ait Innocentium, ac decedentium in gratia, &c. animas in Cælum mox recipi, & clarè intueri ipsum Deum Trinum, & vnum, sicuti est; pro meritum tamen diuersitate, aliam alia perfectiōis.

291. Dico 2. Prædestinatorum gradus etiam quoad media, & in via sunt diuersi.

Prob. facile. In Ecclesia sunt diuersi ordines, ac status Personarum, ex quibus omnibus complures per opera suo statui conuenientia saluantur; igitur media diuersa sunt, & idcirco gradus diuersi. Anteced. præter quam quòd manifestum est; asseritur ab Apostolo in 1. Cor. 12. 28. Vos autem estis corpus Christi, & membra de membro, & quosdam quidem posuit Deus in Ecclesia. Primum Apostolos, secundo Prophetas, tertio Doctores,

res, deinde *virtutes*, exinde *gratias curationum*,  
*opitulationes*, *gubernationes*, *genera linguarum*, in-  
*terpretationes sermonum*. Numquid omnes *Apostoli*,  
 numquid omnes *Prophetæ*? &c. & ad Ephes. 4. 11.  
*Christus ascendens super omnes Cælos, dedit quosdam*  
*quidem Apostolos*, *quosdam autem Prophetas*, *alios*  
*Evangelistas*; *alios autem Pastores*, & *Doctores ad*  
*consumationem sanctorum in opus ministerij*, *in ædi-*  
*ficationem corporis Christi*, *donec occurramus omnes*  
*in unitatem fidei*, & *agnitionis filij Dei*. Ex his ho-  
 minum gradibus plures saluati sunt, & saluabun-  
 tur: at ad hæc ministeria peragenda fuerunt à  
 Deo prædestinati.

293. Prob. 2. ex mirabili illa Saluatoris pa-  
 rabola Matth. 13. 47. ubi de Ecclesia loquens, ait,  
*Simile est regnum Cælorum sægenæ missæ in mari*, &  
*ex omni genere piscium congreganti*, *quàm cùm im-*  
*pleta esset*, &c. in hac similitudine plura comple-  
 cti voluit, & quòd in Ecclesia adsint boni, & mali  
 Christiani, & quòd inter utrosque adsint diuersi  
 status, & conditionis Christiani, quilibet in suo  
 ministerio applicatus.

294. Et Sacræ Scripturæ interpretes, in illum  
 Pauli locum ingeniosè formant corpus Christi,  
 quod est Ecclesia visibilis, dicentes, primùm po-  
 suit *Apostolos*, secundò *Prophetas*, ut oculos,  
 tertio *Doctores*, ut linguam. Et sic successores  
 Apostolorum primi omnium; & Papa prior, quia  
 Petri successor, & super omnes. Deindè *Virtutes*,  
 idest miraculorum insignium operatores; hi sunt  
*manus Ecclesiæ*: exindè *gratias curationum*, idest  
 curatores morborum: postea *opitulationes*, idest,  
 qui alijs opitulantur, ut ægris, pauperibus, mi-  
 seris, peregrinis, hospitibus. Postea *guberna-*  
*tionem*, idest qui alios regunt, & gubernant, &  
 corri-

Diuersifica-  
 tus fide-liù.

Diuersa,  
 munera.

Ecclesia vo-  
 lus sægenæ  
 est congrega-  
 ns diuer-  
 sa piscium  
 idest, fide-  
 liù, genera

Corpus Ec-  
 clesiæ quo-  
 modo for-  
 matum.

Membra  
Ecclesiæ  
quæ.

corrigunt, vt Parochi, &c. Ponunt postea, genera linguarum, & interpretationes sermonum, eos scilicet, qui hæc dona à Deo habent ad docendum, & illuminandum cæteros, qui in Ecclesia sunt fideles, ac populi, & plebes; hi autem omnes à Deo sunt ad hæc omnia prædefiniti, in quibus, si iuxta Dei, & Ecclesiæ leges operentur, æternæ gloriæ mercedem obtinebunt, quamquam per media diuersa.

Diuersi spiri-  
tualium  
ordines, &  
dona Spi-  
ritus S.

295. Prob. præterea ex prolixo discursu Apostoli 1. Cor. 12. vbi omnia numerat munia, quæ à spiritualibus ad bonum, & vtilitatem proximi in Ecclesia Dei exercentur, per quæ ad æternam vitam perueniri potest, quæ à Deo illis sunt ab æterno prædestinata, dicens. Nemo potest dicere Dominus Iesus, nisi in Spiritu Sancto, diuisiones verò gratiarum sunt, idem autem spiritus, & diuisiones ministracionum sunt, idem autem Dominus, & diuisiones operationum sunt, idem autem Deus, qui operatur omnia in omnibus. Vnicuique autem datur manifestatio spiritus ad vtilitatem. Alij quidem datur per spiritum sermo sapientiæ: alij autem sermo scientiæ secundum eundem spiritum: alteri fides in eodem spiritu: alij gratia sanctorum in vno spiritu, alij operatio virtutum; alij prophetia, alij discretio spirituum: alij genera linguarum: alij interpretatio sermonum. Hæc autem omnia operatur vnus, atque idem Spiritus diuidens singulis prout vult. Sicut enim corpus vnum est, & membra habet multa; omnia autem membra cum sint multa, vnum tantum corpus sunt: ita & Christus. Etenim in vno spiritu omnes nos in vnum corpus baptizati sumus, sine Iudæi, sine Gentiles, sine serui, sine liberi; & omnes in vno spiritu parati sumus; nam & corpus non est vnum membrum, sed multa. Et discurret postea

Omnes sunt  
Ecclesiæ  
membra.

per

per singula membra, cor, os, pedes, manus, oculos, aures, &c. quæ quidem ex Dei dispositione non eundem, sed diuersum actum habent in eodem tamen corpore naturali. Sic & omnes fideles membra quidem diuersa sunt, & ministerium diuersum ex Dei dispositione habent in Ecclesia, quæ est corpus mysticum Christi. Hæc autem ministeria fidelibus conceduntur, vt rectè, ac sanctè, cum Dei adiutorio se gerentes ad diuersorum graduum præmia possint peruenire.

296. Hæc autem non sunt ita intelligenda, quasi munia, & gratiæ hæc, & supra à Paulo enarrata in singulis fidelibus sint media præcisa, ad principalem effectum prædestinationis (scilicet gloriam) acquirendum; tum quia sunt gratiæ gratis datæ, quæ non sanctificant, sed dantur, vt dicit Paulus, *ad utilitatem aliorum*; tum etiam, quia non adducunt persenerantiam in sanctitate. Sed in ijs tantum sunt media ad salutem, *qui secundum propositum vocati sunt*; ijs enim omnia cooperantur in bonum; ideoque illa ex fine, obiecto, alijsque circumstantijs rectis exercent. Ab opposito enim complures ijs muneribus, & donis decorati in omni ordine perierunt. Incipiamus ab ordine Apostolico, ex quo præuaticatus est Iudas: ex ordine Diaconorum ab Apostolis infectuto, Nicolans: ex ordine Episcoporum, Paulus Samosatenus, Macedonius, Nestorius, &c. & sic ex omni alio ordine si historias legamus, de quibus omnibus paucis verbis dixit saluator Matth. 7. 22. *Non omnis, qui dicit mihi Domine, Domine intrabit in regnum Cælorum; sed qui facit voluntatem Patris mei, qui in Cælis est, ipse intrabit in regnum Cælorum. Multi dicent mihi in illa die Domine, Domine nonne in nomine tuo propheta-*  
nimus,

Et diuer  
actum h  
benz.

Quomodo  
intelligitur  
quod isti  
gradus per  
ducunt ad  
gloriam.

Multi cum  
illis perie-  
runt.

Ex omni  
ordine.

Nisi sint se-  
cundū pro-  
positū per-  
seuerantiæ  
vocati, non  
saluantur.

Cur vni de-  
tur, alteri  
non, respō-  
detur cum  
Paulo.

In omni le-  
ge fuerunt  
prædesti-  
nati.

In lege na-  
turæ.

In Mosaica

*uimus, & in nomine tuo Dæmonia eiecimus; & in nomine tuo virtutes multas fecimus; & tunc confitebor illis, quia non noni vos, &c.* Et si ergo multi sint ad fidem vocati, & ad Sacramentorum susceptionem, ac ministracionem, & alia suprema Ecclesiæ Charismata, & sint temporalia Christi membra, & alia cum prædestinatis habeant communia; quia tamen non sunt secundum propositum vocati, non perseverant vsque in finem, & proinde non saluantur. Cur autem non his, sed illis donetur à Deo perseverare, idem prorsus est quesitum cum eo, cur de massa perditionis à Deo ab æterno præuisa, aliqui ex tunc fuerunt à Deo discreti, & prædestinati, alij non, cum neutri adhuc essent præuisi, an benè, vel malè essent operaturi; & ad vtrumque cum S. Augustino, & S. Paulo respondendum est, *incompræhensibilia, sunt iudicia Dei, & inuestigabiles viæ eius;* & apud Deum non est iniquitas, nec acceptio personarum, sed misericordia, & iustitia, vnde David Psalm. 100. *Misericordiam, & iudicium cantabo tibi Domine.*

297. Concludamus ergo, quòd prædestinatorum, dum viatores sunt, multi sunt gradus, diuersi status, diuersæ conditiones, diuersarum legū, naturæ, scriptæ, & Euangelicæ. De fide enim est, quòd in lege naturæ multi fuerūt prædestinati incipiendo ab Adamo, prosequendo per Abel, Enoch, Noe, Abrahamum, Isaacum, Iacobum, Iosephum, Iobum, quamuis alios nesciamus. In lege scripta, seu Mosaica ex eadem Scriptura legimus Sanctos, ac prædestinatos innumeros, quamuis diuersarum conditionum homines, vt Aaronem, Moysen; Prophetas, aliosque multos, de quibus mentionem facit Apostolus ad

*Hebr. xi. & alios, quos in Sacro Textu legimus  
vsque ad Ioannem Baptistam, quem Tertullianus  
ait, fuisse clausulam Veteris Testamenti.* In lege gra-  
tię scimus tot hominum vtriusque sexus, & om-  
nis ordinis, omnisque status, tam Ecclesiastici,  
quàm Sæcularis, omnisque conditionis millia,  
multa, sanctos, ac in bono perseverantes vsque  
in finem decessisse: inter quos Mater Iesu Maria,  
Apostoli, & Christi discipuli, Martires, tam  
males, quàm fœminæ: Pontifices Magni, &  
Maximi, simplices Sacerdotes, Virgines, Vi-  
duæ, Monachi, alijque diuersorum Institutum  
Religiosi, Diaconi, Subdiaconi, Acoliti,  
Exorcistæ, Lectores, Hostiarij, Laici celibes,  
& vxorati, mulieres simplices omnis generis;  
Domini, famuli, & in qualibet professione, aut  
arte constituti. Ex omni, inquam, istorum ge-  
nere legimus in Martirologio multos in Dei gra-  
tia perseverantes defunctos; ideòque ab Eccle-  
sia, vt Sanctos venerari: hi ergo secundum pro-  
positum vocati, ac iustificati, & in bono perse-  
uerantes, postea defuncti diuersis donorum, ac  
Charismatum, & ministeriorum generibus à  
Deo constituti ea gesserunt (& alij nunc gerunt)  
opera, quę glorię, ad quam prædestinati sunt,  
proportionata erant.

## CAPVT XVIII.

*An Prædestinatorum numerus augeri  
possit, vel minui.*

298. **A**Du. I. Sensum quæsitum clarum esse; an-  
scilicet dentur aliqui homines, qui  
adhuc prædestinati non sunt, & possint prædesti-

In lege B-  
angelica.

Omnis ge-  
neris, sta-  
tus, ac offi-  
cij homi-  
nes saluati



Sensus quæ  
siti clarus.

nari; quo casu cresceret numerus prædestinatorum, qui iam ab æterno supponuntur prædestinati. Item ab opposito; an aliquis ex prædestinatis possit damnari; quo casu, minueretur numerus prædestinatorum.

Ratio dubi-  
tandi pro  
utraque  
parte quæ-  
siti gravis.

299. Adu.2. rationem dubitandi pro prima quæsitæ parte, esse, quia si populi sciunt, prædestinatorum numerum augeri non posse, cum in peccata consuetudinaria continuò labuntur, præscitos se putantes, ac damnatos, non curarent pro suo posse ad bonam frugem redire; quia in prædestinatorum numerum ingredi non possent. Ratio autem pro secunda parte est; quia si dicatur prædestinatorum numerum minui non posse, & prædestinatos damnari non posse; videtur primò lædi eorum libertas; quia non essent indifferentes ad bonè, vel malè operandum: secundò, magna concederetur socordia prædestinatis in bonè operando. Quilibet enim sic discurreret. Vel sum prædestinatus, vel non. Si sic, vel operer, vel non; vel bonè, vel malè, non possum à prædestinatorum numero excidere. Si non sum prædestinatus, quidquid boni agam, non poterit me ad prædestinatorum numerum perducere: igitur edamus, & bibamus, & voluptatibus indulgeamus; quæ absurda sunt.

Ex his ho-  
mi num.  
ignorantiū  
discursibus  
S. Augusti-  
nus motus  
est ad scri-  
bendum  
duos li-  
bros.

300. Adu.3. ex his præcis motiuis inductū fuisse S. Augustinum ad scribendum præclaros illos libros *de Correctione, & gratia, & de Bono perseverantiæ*. Eo igitur duce hæc quæsitæ solvemus: in omni siquidem schola, licet diuersis loquendi formulis, utraque pars quæsitæ negativè defenditur.

301. Dico 1. Prædestinatorum numerus ab æterno iā prædefinitus augeri nequit, nec minui.

302. Prob.

Numerus  
prædestina-  
torum non  
potest au-  
geri, nec  
minui.

302. Prob. ex pluribus Sancti Augustini locis. Primus est ex lib. de Correp. & Gratia c. 13. initio. *Hac de his loquor, qui prædestinati sunt in regnum Dei; quorum ita certus est numerus, ut nec addatur eis quisquam, nec minuatur ex eis. Non de his, qui cum annunciaisset, & locutus esset eis, multiplicati sunt super numerum, Psal. 59. Ipsi enim vocati dici possunt, non autem electi, quia non secundum propositum vocati. Certum vero esse numerum electorum, neque augendum, neque minuendum, quamuis, & Ioannes Baptista significet, ubi dicit facite ergo fructum dignum penitentiae, & nolite dicere apud vos metipsos, Potens est Deus de lapidibus istis suscitare filios Abraham, ut ostendat sic istos esse amputandos, si non fecerint fructum, ut non desit numerus, qui promissus est Abraham; tamen aptius in Apocalipsi dicitur, Tene quod habes, ne alius accipiat coronam tuam. Si enim alius non est accepturus, nisi iste perdidit, certus est numerus: & pluries ibidem replicat, certissimum, & immutabilem esse fœlicium illorum numerum.*

Plura S.  
Augustini.

303. Secundus locus est ex epist. 106. Certus est ergo Dei præscientiæ definitus numerus, & multitudo Sanctorum, quibus diligentibus Deum omnia cooperantur in bonum.

304. Tertius ex lib. de Bono persequ. cap. 8. Deus autem melius esse indicavit miscere quosdam non perseveraturos certo numero Sanctorum suorum.

305. Quartus locus est ex tract. 122. in Evangel. Ioann. ubi docet non futurum aliquem prædestinatum supra numerum iam præfinitum ante mundi constitutionem. Non est, inquit, aliquis supra numerum, sed certus est numerus: & in ser. 154. de tempore 1. ait; In Congregatione Christiana, quantum pertinet ad communionem, & participatio-

De certitudine infal-  
libili numeri præ-  
destinatio-  
rum.

nem Sacramentorum multiplicati sunt super numerum ex psal. 59. Alius est ergo numerus, alij super numerum. Numerus est de quibus dicit Apostolus, nouit Dominus, qui sunt eius. Super numerum autem, quoniam in magna domo sunt non solum vasa aurea, & argentea, sed & lignea, & fictilia, &c. Numerus ergo vasa in honorem, supernumerum, vasa in contumeliam.

De hoc etiam Massilienses carpebant Augustinum.

S. Prosper sic scribit ad August.

Idem scribit Hilar.

Cur impugnabant Augustinum Massilienses

306. Immo hoc fuit vnum ex ijs, quæ in Augustino sugillabant Massilienses, quod scilicet docuisset numerum Prædestinatorum sic fuisse à Deo præfinitum, vt nec augeri posset, nec minui: ita scripserunt ad Augustinum Prosper, & Hilarius. Primus sic. Nec acquiescunt prædestinatum electorum numerum, nec augeri posse, nec minui, ne locum apud infideles, ac negligentes cohortantium incitamenta habeant, ac superflua sit industria, & laboris indictio, cuius studium cessante electione frustrandum sit. Hæc Prosper. Idem quoque insinuaui Augustino Hilarius. Si prædestinati sunt, inquiunt, ad vtramque partem, vt de alijs ad alios nullus possit accedere, quò pertinet tanta extrinsecus correctionis instantia? & post multa, Inde est, quod & illud pariter non accipiunt, vt eligendorum, reijciendorumque esse definitum numerum velint,

307. Id autem impugnabant Massilienses; non quia ipsi negarent prædestinatorum numerum certum, & prædefinitum esse; sed negabant insensu Augustini defendi posse, qui ante præuisionem meritorum docuerat factam prædestinationem: ipsi verò qui docebant factam esse ex meritorum præuisione, cum in eo casu liberi arbitrij vsus concurreret, non agnoscebant eam repugnantiam, quam in sententia Augustini agnoscere dicebant.

308. At si fuisset ab eis quæsitum, an ad ea merita fuisset necessaria gratia efficax, idest faciens facere, nec ne, si secundum igitur ex naturæ viribus essent meritori, & sic, vt Pelagiani loquerentur; vel si gratiam aliquam vertibilem, admitterent, quam homines meritori possent efficacem, vel inefficacem reddere, in alium inciderent scopulum meo videri non minus incommodum præfato, quia ipsi se discernere, contra Apostoli dogma, *Quis te discernit? Quid habes, quod non accepisti?* dicere enim quis potest, *ego me dignum reddidi, vt prædestinarer*. Si verò assertatur, vt deberet, primum, de gratia per se efficaci requisita ad illa merita, occurrent eadem, ab eis asserta inconuenientia, quæ de prædestinatione ante merita, & de definito, ac certo prædestinatorum numero: nam Deus ex se solo prædestinasset ad eam gratiam ex se efficacem, & ad numerum certum talium prædestinatorum.

309. Prob. vltcrius conclusio ex dictis in 2, & 3. capite, omnia quæ Deus facturæ est in creaturis vsque ad mundi finem, immò per totam æternitatem à parte post (quoad nos) decreuit ab æterno ex parte ante (quoad nos) quia Deus non habet ante, & post: decreta autem Dei absoluta sunt immutabilia, immò etiam conditionata; quia hæc etiam adimplentur in statu conditionato. Ergo si iam ab æterno prædestinauit, certum hominum numerum, hic non poterit alterari per augmentum, vel per diminutionem. Maior, & consequentia probatur ex S. August. in epist. 106. *Novit quippè Deus quid agat, & quantus numerus esse debeat, primitus omnium hominum; deinde Sanctorum, sicut siderum, sicut Angelorum; neque, vt de terrenis loquamur, sicut pecorum, piscium, vola-*

Discursus  
contra Mas-  
silienses.

Alia ratio  
remissiva.

De immu-  
tabilitate  
Dei.

*volatiliū : sicut arborū , & herbarū , sicut denique foliorū , & capillorū nostrorū .* Ratio autem ( supposita fide infinitæ sapientiæ , & potentie Dei ) videtur euidens ; nam Deus sua infinita sapientia ab æterno præuidit omnia , & infinita possibilia ( immò *vt ex tractatu de Scientia Dei* ipsemet per cognitionem suæ essentia infinitis modis participabilis producit ea possibilia in esse possibili , seu , vt dicitur , obiectiuo , ac ideali , ) Visis autem eis , decreuit facere pro tempore suo in omni possibiliū genere ea , quæ sibi placuit facere . At quoniam nihil nouum , aut inconsideratum potest ei accidere , quod inducat ad mutandum decretum , quia , & omnes res , omnia tempora , & temporum momenta , omnesque etiam , minimas circumstantias ex tunc habuit præsentēs , ac si tunc extarent , sicut modò ; ideò nunquam poterit habere motiuum , seu occasionem mutandi consilium ; & propterea immobilia permanent diuina decreta , ne dum quoad prædestinationem , & reprobationem , sed quoad omnia fienda per totam æternitatem .

310. Neque valet obijcere factum circa Nininitas à Iona relatum , in quo putatur , quòd Deus mutauerit decretum ; præcepit enim Ionæ , vt prædicaret Niniuitis , *adhuc quadraginta dies , & Ninive subuertetur .* Et tamen eo tempore elapso , non solum subuersa non fuit Ninive , sed conquazrente de hoc Iona , quasi esset propheta falsus , Deus ei dixit , *quomodo non parcam Ninive Ciuitati magnæ , in qua sunt plusquam 120. millia , qui uesciunt inter dextrum , & sinistrum ,*

311. Non , inquam , valet hoc , vel aliud simile ex Sacris litteris obijcere , quasi Deus mutauerit , vel potuerit mutare sententiam ; nam facilis est

Possibilia  
in suo esse  
à scientia  
Dei quomodo  
produ-  
cuntur .

Cur in suis  
decretis nõ  
mutetur  
Deus .

Obiectum  
de mutatio-  
ne circa  
Niniuitas  
soluitur .

est solutio : primò cum D. Hieronymo in cap. 3. Iona dici potest ex Glos. ord. *Niniue illa euersa est, quæ mala erat, & bona adificata, quæ non erat; stantibus manibus, & domibus euersa est Ciuitas in perditis moribus; & quamuis non sit factum, quod illi homines timuerunt, Iona predicante, futurum; factum est tamen, quod fuerat Deo præcipiente prædictum.* Et sic moralis Niniue per Hieronymum, idest mores, & peccata Niniuitarum per penitentiam, quam egerunt, euersa, seu deleta fuit.

166. Et puto, quòd Glosa malè citat Hieronymum pro hac sententia, vel Hieronymus ad verbū accepit ab Augustino, qui in lib. 21. de Ciuit. cap. 24. multò post medium, vbi de euerfione Niniue malè intelligi, ait, & Ionas intelligebat de materiali Niniue sic. *Eueruntur enim peccatores duobus modis, aut sicut Sodoma, vt pro peccatis suis ipsi homines puniantur: aut sicut Niniuite, vt ipsa hominum peccata penitendo destruantur. Factum est ergo, quod prædixit Deus, euersa est Niniue, quæ mala erat; & bona adificata est, quæ non erat. Stantibus enim manibus, atque domibus euersa est Ciuitas in perditis moribus: ac sic, quamuis propheta, fuerit contristatus, quia non est factum, quod illi homines timuerunt, illo prophetante, factum est tamen, quod fuerat Deo præsciente prædictum, quoniam conuerat, qui prædixit, quomodo in melius esset implendum.* Et in lib. 18. cap. 44. dixerat, quod si per illam Ciuitatem rectè accipitur Ecclesia Gentium prophetice figurata euersa scilicet per penitentiam, vt qualis fuerat iam non esset.

Itaque secundum hos Ecclesiæ Doctores, non fuit mutatum Dei decretum, sed impletum.

312. Responderi potest secundò, quòd si literaliter, & de materiali Niniue intelligatur, commina-

Moraliter  
subuersa,  
est Niniue,  
de mala in  
bonam, con-  
uersa per  
penitentiam.

Ex Augusti-  
no, multiplex  
est supple-  
tio.

De Niniue  
moraliter  
sumpta, de-  
clarat Au-  
gustinus.

Alia respō.  
solutio



Comminatio erat cōditionata, si non pēniteret.

minatio euersionis fuit conditionata ex parte Dei, quòd scilicet, si non pēnitebat, subuertenda erat; at quia per Regis edictum tota Ciuitas cum dolore peccatorum, & ieiunio egit pēnitentiam, subuersionem effugit. Multæ similes comminationes Dei de malis inferendis Populo Hebraico leguntur in sacro textu, quæ caruerunt effectu, eo quòd Populus pēnituit, & ad Dominum est reuersus.

313. Dico secundò consequenter ad dicta, licet in aliquo sensu dici posset, quod prædestinatus, potest damnari; tamen nunquam damnabitur.

In aliquo sensu dici potest, quòd prædestinatus potest damnari.

Quid de sensu composito. & diuiso.

314. Prob. prima pars. A compluribus defenditur, quòd si accipiatur prædestinatus in sensu composito, seu reduplicatiuè, vt prædestinatus, damnari non potest; si verò in sensu diuiso, idest, præcisa prædestinatione, damnari potest, & hoc euidentius est. Exempla clara sunt de impeditis ad aliquod opus faciendum, cum tali impedimento illud efficere nequeunt; eo verò sublato possunt. Scotus dicit hoc modo tantum esse veram propositionem illam, quòd prædestinatus potest damnari, quatenus poterat non prædestinari. Ego dicerem (& redit in idem) quòd quantum est de se potest damnari, quia capax est damnationis; sed ab æterna, Dei efficaci voluntate, cui nemo potest resistere, impeditur, ne talia faciat, per quæ possit damnari, ac damnetur.

315. Prob. 2. ex Augustino lib. 13. de Trin. cap. 16. *Horum prædestinatorum nemo cum diabolo peribit. Nemo vsque ad mortem sub diaboli potestate remanebit.*

Nunquam damnabitur prædestinatus.

316. Confirmatur ex Rom. 11. 29. *Secundum electionem autem Charissimi propter Patres: Sine*  
pēni-

*pœnitentia enim sunt dona, & vocatio Dei .*

Prædestinati autem habent hoc Dei donum , & vocati sunt secundum propositum , vt sæpè dictum est . Igitur nefas est putare , quòd Deum pœniteat de illo dono , & vocatione , & donum amoueat prædestinationis , & sic aliquis pereat . Sic enim dicit Glos. ord. *Electio ab æterno sine pœnitentia est , scilicet sine immutatione consilij Dei . Nam, vt dicit Iacobus , apud Deum non est transmutatio, nec vicissitudinis obumbratio .*

Idem S. Augustinus de Ciuit. lib. 18. cap. 51. circa finem, ait . *Quoniam cogitantur immutabilia diuina promissa , ait Apostolus , nouit Dominus , qui sunt eius . Quos enim præsciuit , & prædestinauit conformes fieri imaginis filij sui , ex eis perire nullus potest .*

## C A P V T XIX.

*An Prædestinatorum numerus sit maior numero Reproborum .*

317. **A** Du. quòd licet de reprobatione, & reprobis adhuc locutus non sim , & comparatio fieri nequeat , nisi utroque extremo cognito ; quia tamen sub hac disputatione de prædestinatione omnes de hoc puncto loquuntur, & res soluta sit facilis , sub eadem nos etiam loquemur .

318. Adu. 1. quòd comparatio hæc fieri potest tripliciter . Primò inter fideles , ac infideles . 2. inter ipsosmet fideles ; an inter hos sint plures electi , quàm reprobi . 3. inter homines, & Angelos , cum infidelibus solis, vel cum his , & demonibus . Fugienda verò Origenis hæresis , quòd

Cur hic agitur de hære .

Comparatio triplex.

demones aliquando acturi sint penitentiam, & saluandi sint, cùm Saluator *Matth. 25.* dicat, *ignem æternum paratum esse Diabolo, & Angelis eius.*

319. Dico 1. Si comparatio fiat inter fideles, seu Christianos tantum, pauciores sunt prædestinati, quàm reprobi.

320. Prob. ex clarissima Christi attestatione *Matth. 20. 16. & cap. 22. 14* *multi sunt vocati, pauci verò electi.* Interl. utrobique *vocati*, dicit, *ad fidem*, & *electi*, dicit, *ad regnum*, vel *gloriam*. At nota, quòd in primo loco Saluator præmittit parabolam de Patre familias mittente operarios ad laborandum in sua vinea, quorum aliqui missi fuerunt primo mane; alij circa terriam, & sextam horam; alij circa nonam, & vndecimam; & quòd facta solutione denarij, &c. Saluator dicit, *multi sunt vocati pauci verò electi.* Inquit Lyr. *Moraliter hanc parabolam significare, quòd à principio mundi vocati fuerunt homines ad fidem, vt Adam, filij eius &c. Sic in prosecutione Enos Enoch, &c. postea Noe cum filijs, &c. Et sic prosequente de Abraham, & alijs in lege Moysi, & tandem omnes Christiani in lege Christi, & ex his omnibus in omni lege vocatis in vinea Domini, idest in Ecclesia, ac ceteru fidelium, pauci sunt electi. Et vti nam ita non esset. Nam vt omittamus status illos legis naturæ, ac mosaicæ, si statum nostrum, legis gratiæ, consideremus, multas Christianorum miriades numerare possemus; omnes quidem ad Christi fidem vocatos, ac in Christo baptizatos; maiorem tamen partem damnationi addictos dicemus; si Hæreticos, Schismaticos, & malos Catholicos sine penitentia decedentes numeremus. Nam extra Catholicam Ecclesiam non est salus ex *Can. loquitur Dominus; & can. Alienus est**

Ex fidelibus pauciores sunt prædestinati.

Operarij missi in vineam diuersis horis, sunt homines nati in mundo diuersis temporibus.

Pauci autem prædestinati. Considerat Author omnes status Christianorum.

est 24. qu. 1. & ex Concil. Later. 4. can. 1. De summa Trin. & fide Cathol. cap. 1. & ex Concil. Constan. in Conflit. Martini V. In secundo autem loco Matth. multi sunt vocati, Interl. ait ad regnum, & Lyran. inquit. Multi sunt vocati ad fidem Catholicam, pauci verò electi ad gloriam, quia pauci sunt, scilicet comparatiuè, respectu illorum, qui vocati sunt ad fidem. At notandum, quòd Hæretici quoque vocati sunt ad fidem Catholicam, quia paruuli in baptismo habitum catholicæ fidei recipiunt, & cum adolescunt, esto perdant habitum illum per hæresim, tamen continuis illuminationibus à Deo vocantur, licet nolint eis assentiri; quia tamen, caracterem baptismi, qui dicitur caracter, fidei adhuc retinent, dicuntur ad fidem vocati. Et sic verum est, quòd inter fideles, idest, baptizatos, plures sunt, qui damnantur, quàm qui saluantur.

321. Dico 2. Si tota hominum multitudo consideretur, maior putatur numerus reproborum, quàm prædestinatorum.

322. Prob. ex pluribus Sancti Augustini locis: primò ex epist. 157. ad Optatum, in qua dicit. Tàm multos autem creando nasci voluit, quos ad suam gratiam non pertinere præsciuit, ut in multitudine incomputabili plures sint illis, quos in sui regni gloriam filios promissionis prædestinare dignatus est: & assignat rationem, ut etiam ipsa reiectorum multitudinè ostenderetur, quàm nullius momenti sit apud Deum iustum quantalibet numerositas iniustissimè damnatorum; atque ut hinc quoque intelligant, qui ex ipsa damnatione redimuntur, hoc fuisse debitum massæ illi vniuersæ, quòd tam magnæ parti eius redditum cerneretur, non solum in eis, qui originali peccato multa addunt malæ voluntatis arbitrio, verùm

Hæretici  
quoque vo-  
cati sunt  
ad fidem.

Ex tota  
multitudi-  
ne hominū  
maior est  
numerus  
reprob-  
orum.

Ex S. Au-  
gustino.

etiam in tam multis parvulis, qui tantummodo vinculo peccati originalis obstricti sine gratia mediatoris ex hac luce rapiuntur.

Plura S. August. loca.

323. Secundus Augustini locus desumitur ex lib. 21. de Civit. c. 22. ubi prius demonstrat in peccato Adæ uniuersam humani generis massam fuisse damnatam, deinde, quod Deus, ut misericordiam ostenderet, aliquos ex ea massa discreuisset prædestinando, alios in ea damnatione, ut iustitiam ostenderet, reliquisset; & postea subdit. In qua propterea (idest massa damnata) multò plures, quam in illa, (idest saluatorum) sunt, ut sic ostendatur, quod omnibus deberetur; quod si omnibus redderetur, iustitiam iudicantis nemo in se reprehenderet.

Ex facto hi  
Rorico

Ante dilu-  
uium pauci  
leguntur in  
fili.

Deus dicit  
cunctum ge-  
nus huma-  
num malè  
agere.

Noe dici-  
tur inuenit  
se gratiam  
apud Deū.

324. Probari potest ex facto historico; incipiendo enim ferè à mundi initio plures semper fuerunt mali, quàm boni, igitur plures fuerunt damnatione digni, quàm saluatione. Assumptum in antecedenti clarum est: Nam in toto illo tempore ante diluuium, idest, per sæcula decem, & septem cum dimidio iuxta Saliani Epocham, non solùm non legimus, multos sanctos, seu iustos; sed è contra legimus ferè omnes malos, nam Gen. 6. 5. legitur, videns Deus, quod multa malitia hominis esset in terra, & cuncta cogitatio cordis intenta esset ad malum omni tempore, pœnituit eum, quod hominem fecisset in terra, & tactus dolore cordis intrinsecus, delebo, inquit, hominem, quem creavi à facie terræ, &c. pœnitet enim me fecisse eos. De Noe tantùm dicitur, quod inuenit gratiam coram Domino: & Nu. 11. dicitur; corrupta est autem terra coram Deo, & repleta est iniquitate. Cunque vidisset Deus terram esse corruptam, omnis quippè caro corruerat viam suam super terram, præcepit

cepit Noë, vt formaret arcam, &c. Venit diluuium, & perdidit omnes exceptis octo illis animabus in arca reclusis, Noë scilicet cum vxore, ac tribus filijs Sem, Cam, & Iaphet, cum suis vxoribus. Certè diceremus omnes tunc diluuiò ex iusto Dei iudicio damnatos, nisi in *epistola prima Petri c. 3. 20.* legeremus, quòd Chriltus ad inferos descendens, *ijs qui in carcere erant spiritibus prædicauit, qui increduli fuerant aliquando, quando expectabant Dei patientiam in diebus Noë, cum fabricaretur arca.* Ex quibus colligimus, quòd aliqui saltem ex illis in Limbo essent.

325. A diebus Noë vsque ad quartam generationem, nempè ad Phalegh, cum homines illius temporis vellent ante diuisionem formare turrim pertingentem vsque ad Cælum, & confusæ sunt lingue eorum, idest per annos 132. à diluuiò iuxta eiusdem Saliani Epocham, non legimus fieri mentionem de sanctis, seu iustis, licet aliquos credam fuisse.

326. A diuisione illorum hominum vsque ad aliam quartam generationem, nempè Thare Patrem Abraham, non solum non fit mentio sanctorum, seu iustorum; sed cepit idolatria ingredi in mundum, vt quidam volunt tempore Enos filij Seth, ac nepotis Adæ, idest anno mundi 300. quia de Enos dicitur, quòd cepit inuocare nomen Domini, quasi se opponens ijs, qui falsos colebant Deos: ita putat Torniellus cum alijs. Nonnulli, vt Malderus cum alijs in *tract. de iustitia, & Relig. tract. 10. cap. 7. dub. 3.* docent idolatriam incepisse in malis Angelis, qui adorarunt Luciferum. Sed loquentes de idolatria hominum, quidam putant ex *Sap. 4.* ante diluuium, non fuisse idola; sed initium eorum non vniformiter

Tempore diluuij aliqui saluari leguntur.

) Post diluuium non legimus multos iustos vsque ad confusionem linguarum.

Ab eodem tempore legitur inuoluisse idolatri genere.



Quando cepit  
idolatria, diuer-  
ſe ſenten-  
tiæ.

Tertull.

Epiphan.

Nine tri-  
buitur ori-  
go idolorum  
& quare.

Idola  
in  
lib. 1. c. 102

Cecrops in  
uexit eam  
in Græcia.

miter assignant. Tertull. in lib. de Idolis c. 3. dicit  
ex artificibus statuas formantibus cepisse, & sic  
varia eis imposuisse nomina, ut Saturni, Iouis,  
Martis, &c. S. Epiphanius loquens de idolorum  
origine idem dicit, quod Tertullianus, inquiens,  
quod post diuisionem Gentium id acciderit tem-  
pore Ragau filij Phalegh, tunc enim fieri cepe-  
runt statux, ac picturæ hominum elegantes, &  
venerari ceperunt sub diuersis nominibus, quod  
ex Epochâ Saliâni, idest hebraica, accidit anno  
mundi 1850. Inualuit autem Idolatria tempore  
Nini filij Nembrod, aliàs Beli: Is enim in Patris  
memoriam, ut ex Hieronymo, & alijs refert Sa-  
lianus anno mundi 2000. quia primam ciuitatem  
Babel ædificauerat, statuam elegantem, illum,  
representantem formari curauit, quam postea,  
cùm posteri venerati sunt, tamquam Deum, quem  
Græci Belum, Latini Saturnum, dixerunt ex Hiero-  
nymo in cap. 46. Isaie, eique sacrificia offerebant;  
& in Caldeâ numquam cessauit idolatria. Vnde  
ex Vr Caldeorum Deus eduxit Thare cum Abra-  
ham, Nachor, & Aram filijs; quod accidit anno  
mundi 1208. ex Epochâ Saliâni. Dilatata autem  
fuit per totum mundum idolatria. In Græciam  
innexit Cecrops primus Atheniensium Rex, ex  
Saliâno anno mundi 2498., & in alias partes alij;  
ita quod non solum statuas hominum, quos Deos  
putabant, adorarunt infani homines, sed anima-  
lium, ipsaque animalia, ut ex Sacra Scriptura  
habetur, & ex S. August. de multitudine Dearum,  
ac Deorum, quos Romani colebant. Totus er-  
go mundus idola, falsosque colebat Deos tem-  
pore Abrahæ; & post eum hæc sola Natio hebrai-  
ca Deum verum colebat; huic enim populo tan-  
tùm credita sunt eloquia Dei, Rom. 3. 2. Omnes ergo  
in-

infideles erant excepta hæbraica Natione. Et pro magno miraculo legimus, quòd inter Gentes aliquis sanctus, seu iustus fuerit, vt legimus de Melchisedech, & Iacob, & fortè alij fuerunt, quos nescimus. At quid dicam de Populo hæbraico infideli? In ipsum quoque intrauit Idolatria. Mortuo enim Iosue, sub Iudicibus Populus sapiùs idolatrauit, ideò sepè fuit à Deo punitus, & redactus in seruitutem plurium Regum Gentilium, & postremò sub Philisteorum iugo. Tempore Regum sub Salomone, tertio Rege, rursus in idolatriam incidit, & persecutus est sub Roboam, sub quo decem tribus ab eo rebellarunt ad Ieroboam, & cum isto omnes idolatrarunt, & à Salmanasar postea Assiriorum Rege omnes transmigratæ sunt, & dispersæ. Sub regibus Iuda duæ tribus, Iuda, & Benjamin, quæ remanserant cum suis regibus exceptis Asa, Iosaphat, Ezechia, & Iosia: inuò ob Idolatriam permisit Deus, vt Nabuchonosor, cum potenti exercitu Ierusalem inuaderet, ac funditus templum, ac Ciuitatem totam demoliretur; & captiuos duceret Iudæos in Babiloniam; ex qua post annos 70. redeuntès quinquaginta millia, non legitur, quòd populus vniuersus amplius idolatruerit, nisi Maccabeorum tempore sub Antiocho rege Syriæ, cum innumeri Iudæi transferant ad ritum Gentilium; at non omnes: Et tandem veniens Christus in mundum paucorum fidem inuenit.

327. Ad rem ergo nostram redeuntès, clarè colligitur, quòd ante Christi aduentum paucissimi fuerint fideles; & inter eos non est verisimile, quòd non adfuerint immuni, immò ferè omnes, reprobi, ideòq, facta omnium nationum comparatione ab effectu infertur, quòd paucissimi fuerunt præ-

*Etiam in  
hæbreos in  
trauit ido-  
latria.*

*Ex Idola-  
tria potius  
Iudæi.*

*Ierusalem  
demolita,  
& direpta,  
ob idola-  
triam, & ci-  
nes captiui  
ducti in Ba-  
biloniam.*

Facit om-  
nium uatio-  
um compa-  
rationes,  
pauci sunt  
prædestina-  
ti.

prædestinati. Post autem Christi aduentum, usque ad nostra tempora quales, quantæque nationes fuerint, modòque sint fideles, & inter fideles quot adsint iniqui, nemo ignorat.

328. Dicendum ergo, quòd plures absque vlla comparatione sint reprobi, quàm prædestinati.

## CAP V T XX.

*Quomodo ergo saluatur, quòd Deus vult omnes homines saluos fieri, si pauci sunt prædestinati?*

Gratissima  
difficultas,  
& quare.

329. **A**Du. hanc esse vnam ex præcipuis huius materix difficultatibus, nam si pauci sunt electi, seu prædestinati, & alij prædestinari non possunt, Apostoli dictum 1. Timot. 2. 4. quòd *Deus velit omnes homines saluos fieri, & ad agnitionem veritatis venire*, nullatenus videtur saluari posse; immò, neque aliquid proficere prædicationem, infidelibus faciendam, neque correptionem fidelium peccantium; sed omnem laborem, omnemque operam pro eis impensam, vanam, ac frustratoriam euadere. Videndum ergo, quo modo dictum illud Apostoli saluetur.

Hec fuit  
Massilien-  
sium quæ-  
re.

330. Adu. 2. hanc esse vnam ex querelis Massiliensium, seu Semipelagianorum contra Sanctum Augustinum, ut in suis ad istum epistolis referunt Sancti Hilarius, ac Prosper, quòd nempe docuerit Deum aliquos tantum prædestinasse, alios verò in massa perditionis reliquisse. Et quòd è contra Massilienses docerent, Deum quantum de se est, omnes velle saluare; sed homines suis operibus, sibi damnationem parare. Sic inquit Prosper ex illorum sententia. Itaque, inquiunt,

Eorum opi-  
nio, quæ

quan-

quantum ad Deum pertinet omnibus paratam vitam  
 æternam, quantum autem ad arbitrij libertatem, ob  
 his eam approbendi, qui Deo spontè crediderint, &  
 auxilium gratiæ merito credulitatis acceperint. S.  
 Ioannes Damasc. lib. 2. de fide Orthod. cap. 29.  
 docuit, Deum antecedente, ac præcipua voluntate  
 velle omnes salutem assequi. Et huic sententiæ Da-  
 masceni adharere exitimo omnes authores, qui  
 docent ex præuisione meritorum, ac demerito-  
 rum factam esse prædestinationem, ac reprobationem,  
 siue merita, ac demerita præuisa sint  
 per scientiam absolucam, siue conditionatam,  
 quam moderni quidam appellant mediam. At S.  
 Augustinus, & cum eo eius omnes sequaces, quos  
 in proemio huius operis retuli, aliter exponunt  
 Pauli locum; ita quòd verum sit, quòd ex massa  
 perditionis Deus non omnes elegerit, saluosque  
 voluerit; sed aliquem determinatum numerum  
 ex illis omnibus lapsis; pro quo declarando

331. Dico. Secundum S. Aug., & vt puto, veritatem, dictum illud Pauli, *Deus vult omnes homines saluos fieri*, non intelligitur de singulis omnino hominibus, sed vel de singulis generibus, seu statibus, atque conditionibus hominum; vel de omnibus ijs, qui saluantur, seu vt dicitur, de singulis generibus, non de singulis generum.

332. Prob. prima pars ex Enchir. ad Laurentium cap. 93. vbi habet, quòd, si Deus vellet, omnes saluarentur, quòd si non saluantur, non vult: sic. Tunc, id est, in gloria, clarissima luce sapientiæ videbitur, quàm certa, & immutabilis sit efficacissima voluntas Dei, quàm multa possit, & non velit, nihil autem velit, quod non possit, quàmque sit verum, quod in psal. 113. canitur, Deus autem noster in Cælo sursum, omnia, quæcumque voluit, fecit in

S. Damasc.  
sententia.

Aliorum,  
eadem sen-  
tentia.

S. Augusti-  
ni senten-  
tia.

Dictum  
Pauli non  
intelligi-  
tur de sin-  
gulis homi-  
nibus, sed  
de singulis  
generibus  
hominum.

Cælo, & in terra. Quod utique non est verum, si aliqua voluit, & non fecit, & quod est indignius, idè non fecit, quoniam ne fieret, quod volebat omnipotens, voluntas hominis impediuit. Vult ergo dicere Augustinus, quòd in Deo non adest voluntas, sicut in nobis; sed omnis eius volitio si sit absoluta, est efficacissima, & non potest à creatura impediri; idèque si voluisset absolutè omnes, & singulos homines saluare, singuli saluarentur.

333. 2. In eodem Enchir. cap. 97. idem repetit, inquit. Videndum quomodo sit de Deo dictum, quod ait Apostolus Deus vult omnes homines saluos fieri. Cum enim non omnes, sed multo plures non sint salui; videtur utique non fieri, quod Deus vult fieri; humana scilicet voluntate impediende voluntatem Dei. Quando enim quaritur causa, cur non omnes salui fiant, responderi solet, quia hoc ipsi nolunt. Quod quidem de paruulis dici non potest, quorum nondum est velle, seu nolle. Nam quod infantili motu faciunt, si eorum voluntati indicaretur esse tribuendum, quando baptizantur, cum resistunt quantum possunt, etiam nolentes eos saluos fieri diceremus. Sed aperius Dominus in Euangelio compellens ipsam Ciuitatem, quotiens inquit volui colligere filios tuos, sicut gallina pullos suos, & nolui- sti? tamquam Dei voluntas superata sit hominum voluntate; & infirmis notendo impediendis, non potuerit facere potentissimus, quod volebat? & ubi est illa omnipotentia, quæ in Cælo, & in Terra, omnia quacumque voluit fecit, si colligere filios Ierusalem voluit, & non fecit? An potius & illa quidem filios suos ab ipso colligere noluit, sed ea quoque nolente, filios eius collegit ipse quos voluit: quia in Cælo, & in Terra, non quædam voluit, & fecit, quæ-

Sepè S. August. id docet.

Expressè id docet, & argumèto paruulorū conuincit.

quadam verò noluit, & non fecit; sed omnia quaecumque voluit fecit.

334. Immò in lib. 4. cont. Iul. c. 8. acriter inuehitur contra Pelagianos dicentes, *Deum velle quidem omnes saluos fieri, & in agnitionem veritatis venire*; at non fieri saluos, nec venire ad agnitionem veritatis, quia ipsi nolunt; contra quos vtitur insolubili argumento paruulorum, qui damnantur, inquit. *Hunc sensum vestrum infantes ipsi sua taciturnitate conuincunt, qui nec petunt, nec querunt, nec pulsant; immò cum baptizantur reclamant, respuunt, reluctantur; & accipiunt tamen, & inueniunt, & aperitur eis, & intrant in regnum Dei, ubi sit eis aternitatis salus, & agnitio veritatis longè pluribus istis infantibus non adoptatis in istam gratiam ab eo, qui vult omnes homines saluos fieri, & in agnitionem veritatis venire. Quibus dicere non potest volui, & noluiſti, quasi noluiſſet, quis eorum qui nondum habebat voluntatis arbitrium voluntati eius omnipotentissimæ resistiſſet. Et post aliqua. Si Deus vult omnes homines saluos fieri, & in agnitionem veritatis venire, cur tot millia paruulorum, qui non accepto baptismo moriuntur, non veniunt in regnum Dei, ubi est certa agnitio veritatis? Numquid aut homines non sunt, ut pertineant, quòd dictum est omnes homines? aut aliquis potest dicere, Deus quidem vult, sed ipsi nolunt, qui nondum velle, aut nolle nouerunt?*

335. Idem fusiùs replicat in epist. 107. quæ est ad Vitalem; & probat, quòd si Deus vellet singulos homines saluos facere, singuli salui fierent, quia nullus posset eius omnipotentis, & efficacissimæ voluntati resistere, & omnia quaecumque vult, facit.

336. Prob. secunda pars de modo intelli-

Dicit Auguſtinus, quòd Pelagiani id docebant.



Quod in-  
tellegatur  
de ijs, qui  
saluantur  
tantum.

Vel de om-  
nibus ge-  
neribus  
hominum.

S. August.  
numerat  
omnia ho-  
minum ge-  
nera.

gendi dictum illud Pauli ab eodem August. ex  
eodem Enchir. cap. 102. ubi ait, *Per hoc cum in  
sacris literis legimus, quod Deus velit omnes homi-  
nes saluos fieri; quamuis certum sit nobis, non om-  
nes homines saluos fieri: non tamen ideo debemus om-  
nipotentissimæ Dei voluntati aliquid derogare; sed  
ita intelligere; quod scriptum est, qui vult omnes ho-  
mines saluos fieri, tamquam diceretur, nullum homi-  
nem fieri saluum, nisi quem saluum ipse fieri volue-  
rit, non quod nullus sit hominum, nisi quem saluum  
fieri voluerit; sed quod nullus fiat saluus, nisi quem  
velit, & ideo sit rogandus ut velit; ideo rogandus est  
ut velit, quia necesse est fieri si voluerit, & sic intel-  
ligendum est, quod in Euangelio dictum est, qui illu-  
minat omnem hominem venientem in hanc mundum;  
non quia nullus est hominum, qui non illuminetur; sed  
quia, nisi ab ipso, nullus illuminatur. Aut certè sic  
dictum est, qui omnes homines vult saluos fieri, non  
quod nullus hominum esset; quem saluum fieri nollet,  
qui virtutes miraculorum facere noluit apud eos, quos  
dicit acturos esse penitentiam si fecisset. Sed ut om-  
nes homines omne genus humanum intelligamus per  
quascumque differentias distributum; Reges, prinatos,  
nobiles, ignobiles, sublimes, humiles, doctos, indoctos,  
integri corporis, debiles, ingeniosos, tardicordes, fatuos,  
diuites, pauperes, mediocres, mares, feminas, infan-  
tes, pueros, adolescentes, iuvenes, seniores, senes: in  
linguis omnibus, in moribus omnibus, in artibus om-  
nibus; in voluntatum, & conscientiarum varietate  
innumerablem constitutos; & si quid aliud differen-  
tiarum est in hominibus. Quid est enim eorum, un-  
dè non Deus per vnigenitum suum Dominum nostrum  
per omnes gentes saluos fieri homines velit. Et assi-  
gnat manifestam rationem, cur locus iste Pauli,  
non pro singulis generum hominibus intelligen-  
dus*

duſ ſit, ſed pro ſingulis generibus hominum, inquiens. *Præceperat enim Apoſtolus, vt oraretur pro ſingulis hominibus. & ſpecialiter addiderat pro regibus, & his qui in ſublimitate ſunt, qui putari poterant faſtu, & ſuperbia ſeculari à ſidei Chriſtiane humilitate abhorrere. Proinde dicens, hoc bonum eſt coram Salvatore noſtro Deo, ideſt, vt etiam pro talibus oretur, & ſtatim, vt deſperationem tolleret, addidit: Qui vult omnes homines ſaluos fieri, & in agnitionem veritatis venire. Hoc quippè Deus bonum iudicauit, vt orationibus humilium dignaretur ſalutem præſtare ſublimium. Quod utique iam videmus impletum. Deinde adducit phraſim loquendi Chriſti Domini cum Phariſæis Matth. 23. Decimatis mentam, & rutam, & omne olus, inquiens, neque enim Phariſæi, quæcumque aliena, & per omnes terras omnium alienigenarum omnia olera decimabant. Sicut ergo hic omne olus omne olerum genus; ita illic omnes homines, omne hominum genus intelligere poſſumus. Et tandem concludit: & quocumque alio modo intelligi poteſt, dum tamen credere non cogamur, aliquid omnipotentem Deum voluiſſe fieri, factumque non eſſe; quia veritas cantat, omnia quæcumque voluit fecit in Cælo, & in terra.*

3 137. Secundus S. Auguſtini locus pro hac intelligentia habetur in lib. de Corrept. & grat. cap. 14 ubi aſſumit probare, quòd Deus quidquid vult de voluntatibus, & in voluntatibus hominum, facit; & quòd dari nequit creatura aliqua, quæ diuinam ſuperet, ſeu impediatur, poteſtatem, ne fiat quod vult, & inquit; De his enim, qui faciunt, quæ non vult facit ipſe, quæ vult. Et quod ſcriptum eſt, quòd vult omnes homines ſaluos fieri, nec tamen omnes ſalvi ſiunt, multis quidem modis intelligi poteſt, ex quibus in alijs opusculis noſtris aliquos comme-

mora-

Et quòd ita ſit intel-  
ligendus  
Paulus, ra-  
tio mani-  
feſta.

Alia ſcrip-  
turæ loca  
cùm dicunt  
omnia, nō  
cōprehē-  
dunt ſin-  
gula.

Ex Agniti-  
onibus Deus  
vult facit,  
nec poteſt  
à creatura  
impediri.

morauimus: sed hic vnum dicam. Ita dictum est vult omnes homines saluos fieri, vt intelligantur omnes prædestinati, quia omne genus hominum in eis est, sicut dictum est Pharisæis decimatis omne olus, vbi non est intelligendum, nisi omne, quod habebant. Neque enim omne olus, quod erat in toto orbe terrarum decimabant. Secundum istum locutionis modum dictum est, 1. Corinth. 10. sic & ego omnibus per omnia placeo. Numquid enim, qui hoc dixit, placebat etiam tam multis persecutoribus suis? Sed placebat omni generi hominum, quod Christi congregabat Ecclesia, siue intus positis, siue introducendis in eam. Non est itaque dubitandum, voluntati Dei, quæ in Cælo, & in terra omnia quæcumque voluit, fecit, & quæ etiam illa, quæ futura sunt, fecit, humanas voluntates non posse resistere.

338. Tertius S. Augustini locus desumitur ex lib. de Prædest. Sanctorum cap. 8. vbi locum illud, Deus vult omnes homines saluos fieri, hoc exemplo explicat; Sicut ergo integrè loquimur, cum de aliquo litterarum magistro, qui in Ciuitate solus est; dicimus, omnes iste hic literas docet; non quia omnes discunt, sed quia nemo nisi ab illo discit, quicumque ibi literas discit: ita rectè dicimus, omnes Deus docet venire ad Christum; non quia omnes veniunt: sed quia nemo aliter venit.

339. Alia plura sacri textus loca Augustinus obseruat, in quibus verbum, omnes, non supponit distributiue pro singulis generum, sed, vel pro multitudine aliqua, vel pro singulis generibus: in ferm. 158. notat illud 1. Corinth. 15. Sicut in Adam omnes moriuntur; ita in Christo omnes viuificabuntur. Patet autem, quod in prima parte omnes significat distributiue pro singulis hominibus naturaliter ex Adamo descendentibus (excepta B. Virgine)

Plura loca  
ad idem.

Augustin.  
plura scrip-  
t. loca ad  
ducit pro  
significato  
omnes.

ne) & tamen in secunda parte non supponit eodē modo, vt in prima; quia non singuli homines viuificantur in Christo. Item de hominibus legis Gratia dicitur *Isaie 54.* & Saluator illud recitat Io: 6. *erunt omnes docibiles Dei*; & tamen maior pars est indocibilis, & infidelis: & in lib.6. cont. Iul. cap.23. notat illud Apostoli, *Per vnus iustitiam in omnes homines in iustificationem vitæ*; & tamen non omnes, nec iustificuntur, nec iustificabuntur. *Sicut si diceretur per vnā ianuam omnes intrant in talem domum, sensus non esset, quod omnes personæ mundi, vel Ciuitatis intrant in eam, sed sensus est, quod omnes qui intrant, per eam intrant.*

340. Confirmari potest hæc Augustini explicatio, quod nempè omnes non intelligatur de absoluta voluntate pro singulis hominibus, immò nec de singulis mundi ciuitatibus, ac Prouincijs. Sine cognitione Euangelij, ac sine baptismo nemo potest saluari; At multæ sunt Ciuitates, & Prouinciæ, in quibus non adest noticia Euangelij, & baptismi; & etiam si in aliquibus olim fuit per plura sæcula, defecit, nec patet ad eas accessus: quomodo autem credere poterunt, & baptizari, nisi de eiusmodi lege instruantur? Si autem Deus absolute vellet illos saluos fieri, inuenirer modum efficacem, vt possent ad eas penetrare, Missionarij, & populos conuenire; At non facit: Ergo signum est, incompræhensibili, & inuestigabili illius iudicio, cur ita non faciat, nec velit, absolute eos saluos fieri: Quis enim ad amplissimam illam terram, quam dicunt incognitam in finibus Americæ inuexit Euangelium? & quis in ipsam notam Americam ante eius inuentionem per Americum Vespucium, & Columbum; cum antiqui omnes terræ habitabilis in Occiden-

Argum. va  
lidum ad  
idem.

Ad omnes  
mundi Ci-  
uitates nō  
peruenit  
Euangelij  
& in mul-  
tis defecit

Antipodas  
negavit  
August.

te columnas Herculeas statuerint, Abilam ex parte Africæ, Calpem ex parte Europæ; montes scilicet sic dictos, in laudem Herculis sic appellatos, qui eò vique terra, marique pugnavit? Quis ad Antipodas, gentes scilicet nobis ex diametro sub terra politas attulit Evangelium, cum plures Authores tales habitatores negauerint? præ cæteris Plinius in *lib. 2. cap. 67.* & inter Catholicos præclarissimi illi Ecclesiæ Doctores, Gregorius Nazianzenus, & Augustinus. Sic enim ait in *lib. 16. de Ciuit. cap. 9.* *Quod verò, & Antipodas esse fabulantur, idest homines à contraria parte terre vbi sol oritur, quando occidit nobis, aduersa pēdibus nostris calcare vestigia, nulla ratione credendum est, &c.* Adsunt tamen, vt omnes tenent; quomodo autem vult Deus eos saluos fieri, si media salutis eis non concedit? certè fatendum cum Augustino, quòd Pauli dictum de singulis generum, nequit intelligi, quamuis vt dicam in opusculo de Gracia, omnibus omninò adultis gratiam, sufficientem Deus largiatur.

Ex Christi  
dicto infer  
tur idem.

341. Confirmatur 2. Ex Christi dictis perne-  
cessè concluditur, quòd non singulos generum,  
vt Augustinus docet, saluos fieri efficaciter velit,  
nam Matth. 13. 13. assignans rationem cur non  
clare, sed in parabolis, ac similitudinibus loque-  
retur Pharisæis, ait. *Idèd in parabolis loquor eis,  
quia videntes non vident, & audientes non audiunt,  
neque intelligunt, & adimpletur in eis prophetia  
Isaiæ dicentis, auditu audietis, & non intelligetis,  
& videntes videbitis, & non videbitis: incruassatum  
est enim cor populi huius, & auribus grauiter audie-  
runt, & oculos suos clauferunt, ne quando videant o-  
culis, & auribus audiant, & corde intelligant, &  
conuertantur, & sanem eos.* Et Exodi 33. 19. Deus  
dicit

dicit Moysi. *Miserebor cui voluero, & clemens ero  
 in quem mihi placebit.* Et hoc est quod exaggerat  
 Paulus Rom. 9. 14. *Quid ergo dicemus, numquid ini-  
 quitas apud Deum? absit. Moysi enim dicit: misere-  
 bor cui misereor, & misericordiam præstabo, cuius  
 miserebor, igitur non volentis, neque currentis, sed  
 miserentis est Dei. Dicit Scriptura Pharaoni. Quia  
 in hoc ipsum excitavi te, ut ostendam virtutem meam  
 in terra. Ergo cuius vult miseretur, & quem vult  
 indurat: dicis itaque mihi, quid adhuc quaritur, vo-  
 luntati enim eius quis resistit? id homo tu quis es, qui  
 respondeas Deo? Numquid dicit figmentum ei, qui se  
 finxit, quid me fecisti sic? An non habet potesta-  
 tem figulus luti ex eadem massa facere aliud quidem  
 vas in honorem, aliud verò in contumeliam? Quod si  
 Deus volens ostendere iram, & notam facere potentiam  
 suam sustinuit in multa patientia vasa iræ apta in in-  
 teritum, ut ostenderet diuitias gloriæ suæ in vasa mi-  
 sericordiæ, quæ præparauit in gloriam. Quos & vo-  
 cauit non solū ex Iudæis, sed etiam ex Gentibus, & cæ-  
 tera plura. Si ergo iuxta Pauli doctrinam, ex Vete-  
 ri etiam Testamēto desumpta, Deus cuius vult tan-  
 tū miseretur, & quem vult indurat; si quosdam  
 homines fecit vasa honoris in gloriam, quosdam  
 contumeliæ in interitum; si per ipsum Paulum,  
 motiuum Dei ad sic faciendum, fuit ostensio ius-  
 titiæ in interitum vasorum contumeliæ; & mise-  
 ricordiæ in gloriam vasorum honoris: quomodo  
 potest locus ille epist. ad Timot. *Deus vult omnes  
 homines saluos fieri* intelligi nisi in sensu Augusti-  
 ni, scilicet, omnis generis homines; non omnes,  
 & singulos omnium generum? alioquin sibi ma-  
 nifestè contradiceret; cū in epist. ad Rom. di-  
 cat *non omnes*, sed quosdam; in epist. verò ad Ti-  
 mot. dicat *omnes*, cū tamen *non omnes* salui fiant.*

doctrina.  
 Ex Pauli

Incompre-  
 hensibilia  
 sunt Dei  
 iudicia.



Sensus Pauli ab Augustino fuisse declaratus.

Clara Augustini explicatio.

Argum. in oppositum

343. Quòd autem sensus Pauli fuerit ille, quem docet Augustinus, inde colligitur, quia in nuper relato loco ad Rom. dicit, quòd Deus vocauit *ex Iudeis, & ex Gentibus*: notandum, quòd non dicit *omnes Iudeos, nec omnes Gentes*, sed ex omni natione, ac religione aliquos, & hos voluit saluos fieri; quia hos, & non omnes prædestinauit. Idem colligitur, vt Augustinus notauit, ex loco ad Timot. ibi enim Apostolus præcipit, *vt fiant orationes pro omnibus hominibus, pro Regibus, & omnibus, qui in sublimitate sunt*; hoc enim bonum, & acceptum est coram Salvatore nostro Deo, qui omnes homines vult saluos fieri, & ad agnitionem veritatis venire. Cur dicit hoc? quia tunc totus mundus erat infidelis, ipsique Reges, & cæteri sublimes Domini; & quia poterant fortasse Timotheus, alijque putare frustraneum esse pro infidelibus, ac idolatris orare, Paulus tollit dubium, addens, quia de his omnibus saluos facit; de omni siquidem natione aliquos prædestinauit, & mediantibus sanctorum orationibus, ac miraculis interdum ex illis vocat ad fidem.

Dices: saluari potest apparens contradictio Pauli, si dicatur, quòd in loco ad Rom. Deus vellet saluos facere omnes, & facere omnes vasa honoris; at quia præiudicauit aliquos benè vsuros libero arbitrio cum gratia; alios verò non, ideò illorum fuit misertus, eosque fecit vasa honoris: aliorum verò non fuit misertus, & fecit eos vasa contumeliæ.

343. Resp. S. August. iam respondit ad eiusmodi obiectionem, cum semper docuerit, quòd post præuersionem lapsus Adami, ac totius posteritatis cum eo, sine vlla meritorum præuisione ex massa illa perditâ aliquos discreuit tantum ex mi-

seri-

misericordia, relinquens cæteros in eadem, ex mo-  
 tivo iustitiæ. Si verò, vt dicit argumentum, discre-  
 tio illa electorum fieret ex præuisione illorum,  
 consensuum, qui ab aliquibus præstandi essent vo-  
 cationi diuinæ, quos alij non essent præstaturi;  
 iam priores dici non possent, neque essent vasa  
 honoris ex misericordia, vt docet Apostolus, sed  
 vasa gloriæ, & retributiue iustitiæ; & electi illi à  
 semetipsis se discreuissent; seu præuisi fuissent se-  
 metipsos discreturos à massa damnata, contra  
 Apostoli dogma 1. Corinth. 4. 7. *Quis enim te di-*  
*scernit? Quid autem habes, quod non accepisti? Si*  
*autem accepisti, quid gloriaris; quasi non acceperis?*  
 Quomodo autem saluari posset in sententia præfa-  
 ti argumenti, quòd electi in eo casu non se discer-  
 nerent, & non ex semetipsis facerent se vasa ho-  
 noris, & gloriæ, non video: Quod pro senten-  
 tia S. Augustini clariùs explicare operæ pretium  
 censeo. Supponamus vnum ex duobus impossi-  
 bilibus pro possibili, quorum vnum non censetur  
 ab aliquibus impossibile, maximè ab Aristotile;  
 & est hoc. Si plures homines fuissent creati ab  
 æterno, & Deus omnibus dedisset equalia auxilia  
 illuminationum, & inspirationum dependentia,  
 tamen ab eorum arbitrijs (sicut dicemus factum  
 cum Adamo) vt eis vterentur, si vellent; & ijs qui  
 vterentur vellet dare gloriā; si aliqui vterentur,  
 & alij non; certè primi ex semetipsis se discreuif-  
 sent à secundis, & dicere hi possent: licet Deus  
 dederit nobis, sicut & vobis, media, vt eligi pos-  
 semus ad gloriā, si vellemus; nos quia volui-  
 mus, & vsi sumus medijs illis, discreuimus nos a  
 vobis, & ideò eiectioni sumus: hanc discretionem  
 ab hominibus faciam, & non à Deo impugnare  
 Paulus vbi supra, & ideò hic modus dicendi non

Ex d. Ari-  
 na August.  
 clarè solui-  
 tur argu-  
 mentum.

Apostolo  
 contradi-  
 cetur.

Duo casus  
 rem hanc  
 declaran-  
 tes.

Casus im-  
possibilis ;  
sed rem-  
explicans .

subsistit . Secundus casus, licet impossibilis , est hic . Supponamus , quòd non ab æterno , sed in tempore vitæ cuiuscumque hominis Deus prædestinet , & reprobet : ac det , sicut dicit argumentum, omnibus æquales illuminationes , ac inspirationes dependenter à liberis eorum arbitrijs, & decernat eligere consentientes , & reprobare dissentientes ; & aliqui consentirent , & eligerentur ; alij non consentirent, & reprobarentur ; Consentientes, iure optimo dicere possent, nostra voluntate in pari conditione secruimus , seu discreuimus nos ab illis . Hoc non placet Paulo dicenti vbi supra , *Quis te discernit ? Quid habes , quod non accepisti ?* & ad Philipp. 3. *Deus dat velle, & perficere pro bona voluntate* . Ideò modus hic sustineri nequit .

Explicatio  
ad dicta .

344. Ita prorsus dicendum de casu, seu hypothefi argumenti ; si Deus hoc modo elegisset , ac reprobasset , ac fecisset vasa honoris , & contumeliæ : vidisset enim homines , cum æqualibus auxilijs à se dandis, eorum aliquos consensuros , & alios non ; & priores elegisset , posteriores verò reprobasset . Et sic vidisset, quòd illi ex semet ipsis discreturi se essent à posterioribus , & sic in tempore suæ vitæ actualiter, & in futuro se discernent : hos redarguit Paulos .

345. Igitur duo illa loca Pauli per dicti argumenti sententiam nequeunt conciliari, præsertim , quia *Deus quæcumque voluit fecit* . Hæc pro Augustino, & meo sensu . At vnusquisque in suo sensu abundet .

## CAPVT XXI.

*Animaduersiones quædam circa doctrinam de  
Prædestinatione.*

346. **A**Du. quòd, cùm doctrina de Prædestinatione in sententia præsertim S. Augustini graues videatur pati difficultates, sicut in suo loco diximus, iam excitatas à Fausto, alijsque Massiliensibus, vt ex epistolis Sanctorum Prosperi, & Hilarij ad Augustinum patuit; idem Sanctus Doctor Pauli sententiam secutus, *quia debitores sumus sapientibus, & insipientibus*, in lib. de bono Perseu. quamuis Massiliensium, Fausti que argumenta soluisset; quia tamen adhuc sibi met quoque mysterium hoc obscurum videbatur fore Christianis; sapienter, ac piè, de more, studuit pusillis succurrere, nè desidia in bene operando, vel desperatione in resipiscendo obruerentur, certi quòd, quidquid fecerint, nequeant eorum mutari decreta, iam ab æterno, & ab immutabili Deo prædefinita; quædam tradidit documenta pro modo loquendi de hac materia, vt in eius intelligentia, tranquillitatem inueniat conscientia.

347. Dico ergo I. Secundùm Augustinum, docentes materiam de Prædestinatione ab æterno facta, adhuc debent populos instruere, ac mone-  
re, vt diuinam legem obseruent, & in virtutibus se exerceant, ita S. August. in lib. de bono Perseu. cap. 21. in fine: eius verba sunt sequentia.

348. Prob. ex August. ibidem. Postquam enim docuit perseuerantiam finalem in bono, esse donum Dei prædestinatis collatum, inquit. *Nimia contentionis est prædestinationi contradicere, vel*  
de

S. August.  
difficulta-  
tibus oc-  
currit.

Ipsi quoque  
mysterium  
hoc obscu-  
rum vide-  
batur.

Monendi  
sunt popu-  
li de obser-  
uantia le-  
gis, & de  
virtutum  
exercitio.

de prædeterminatione dubitare. Quæ tamen ita populis prædicanda est, ut apud imperitam, vel tardioris intelligentiæ multitudinem redargui quodammodo ipsa sua prædeterminatione videatur, sicut redargui videtur ipsa præscientia Dei, quæ certè negare non possunt si dicatur hominibus, siuè curratis, siuè dormiatis, quod vos præsciuit, qui falli non potest, hoc eritis. Dolosi autem, vel imperiti medici est etiam utile medicamentum sic alligare, ut aut non prosit, aut obsit. Sed dicendum est, sic currite, ut comprehendatis, atque in ipso cursu vestro ita vos esse præcognitos noueritis, ut legitimè curratis, & si quo alio modo Dei præscientia prædicari potest, ut hominis segnitia repellatur.

Declara-  
tur Augu-  
stini docu-  
mentum.

349. Documentum consistit in hoc, quòd prædestinatus debet benè operari, & Dei, atque Ecclesiæ leges seruare; quia per harum obseruantiam consecuturus est gloriam, & dum Deus eum prædestinauit ad gloriam, prædestinauit etiam ad gratiam, & ad merita; ideo ait Paulus, *sic currite, ut comprehendatis*. Quòd autem Deus præsciat opera illa à prædestinato facienda, non impedit, quin faciat, nec prohibet, aut dispensat ne faciat. Propterea segnis esse nec debet, nec potest in benè operando.

In sacra-  
scriptura  
semper om-  
nes indif-  
ferenter  
monentur  
ad bona o-  
pera faciē-  
da.

350. Hinc est, quòd sapientes à Deo illumi-  
nati in sacro textu relati, ut in Veteri Testamento  
Moyses, Dauid, Salomon, Prophetæ, ipseque  
Ioannes Baptista (clausula, ut ait Tertull. Veteris  
Testamenti) quamuis optimè callerent, Deum  
ab æterno omnia præsciuisse futura, item electos,  
& reprobos; indifferenter tamen omnes ad benè  
agendum inuitasse; omnibus pœnitentiam, Dei  
cultum in fide, spe, & charitate consuluisse. Scie-  
bat Moyses, ut Exodi 33. quòd dixerat Deus, *Mi-  
serebor cui voluero, & clemens ero in quem mihi pla-*  
*cebit,*

*cebit: sciebat, quòd Deus omnes electos agnoscebat, noscebat enim Deus, vt dicit Apostolus, qui sunt eius; & tamen hortatus est populum ad legis obseruantiam, quam etiam in fine vitæ seriò inculcauit populo: Deuter. cap. 32. Sciebat Dáuid ex Psal. 138. quòd Deus cognoscebat omnia nonissima, & antiqua, & consequēter eos, qui saluandi erant; & tamen in toto psalterio sæpissimè hortatur omnes indifferenter ad laudandum, & amandum Deum, & ad seruiendum ei. Seruite Domino in timore, & exultate ei cum tremore. psal. 2. Beatus vir, qui timet Dominum in mandatis eius volet nimis. psal. 111. & alia penè innumera sunt loca, in quibus hortatur homines ad omnium virtutum opera.*

351. Salomon optimè callebat, Deum cognoscere omnia futura, & maximè omnium, quæ Deus ipse facturus erat, quos iam discreuerat ab æterno; & consequenter, quos iam elegerat ad gloriam; & tamen tot libros scripsit ad opera virtutum exhortatorios, vt librum Prouerbiorum, Ecclesiastem, Sapientiæ librum, si suus est, & Ecclesiasticum, in quibus omnes Sanctos, seu iustos etiam ad ea hortatur.

352. Ioannes Baptista sciebat non latere Deum eos, qui electi iā erant ad gloriam: & tamē ex Matth. 3. hortatur omnes ad pēnitentiam, ad opera misericordiæ, ac iustitiæ. Dixit enim discipulis suis; *Veniet vir, qui prior me erat, & ante me factus est, cuius non sum dignus corrigiam calceamenti soluere; Cuius ventilabrum in manu sua, & purgabit aream suam; congregabit triticum suum in horreum suum; paleas autem comburet igni inextinguibili.* Et tamen hortabatur omnes ad pēnitentiam, inquit, *Pēnitentiam agite, appropinquauit*

Dauid ad  
ea monet.

Salomon  
idem facit.

Ioan. Baptista quoque



uit regnum Dei, nè cæperitis dicere Patrem habemus Abraham. Potens est Deus de lapidibus suscitare filios Abraham. Et sciscitantibus illis, quid faciemus? dixit, qui habet duas tunicas, det non habenti; & qui habet escas similiter faciat. Et Publicanis interrogantibus, quid faciemus nos? dixit, nihil amplius, quàm quod constitutum est vobis, facietis. Id est servate leges pro vestris negotijs statutas. Militibus autem dicentibus, quid faciemus & nos? respondit, neminem concutiatis, neque calumniam faciatis, & contenti estote stipendijs vestris: & sæpè hortabatur Herodem ad benè operandum, & hic eo audito multa faciebat, & arguebat illum de adulterio incestuoso cum Herodiade.

353. Hi ergo, & alij Prophetæ non discurrebant sicut alij, qui nolunt acquiescere in Scripturis, & Sanctis, dicentes, si Deus ab æterno prædestinavit me, siue operer benè, siue malè, saluabor. Si reprobavit me, quidquid fecero mali, aut boni, damnabor: Sed omnes ad bonum hortabantur, ut patuit: rationem autem mox afferam, cum Euangelicam legem percurrerim.

354. Apostoli omnes missi sunt ad prædicandum Euangelium, & docendum Iudæos, & Gentiles viam salutis, exercitium verarum virtutum, & usum Sacramentorum. Cur autem hoc, si Christus sciebat, quinam erant prædestinati, & qui reprobati, & tamen ea facienda, & prædicanda præcepit? Paulus Apostolus, ut cæteros taceam, benè callebat, quòd aliqui in mundo sunt vasa honoris, alij vasa contumeliæ, nempe illi electi, isti reprobi, ut ex Rom. 9. & quòd antequam aliquid boni, aut mali egerint facta sit ista discretio, quod plus est; & tamen in omnibus quatuordecim epistolis, & in actibus Apostolorum, quorum maior

Ignari quo  
modo dis-  
currunt de  
prædesti-  
natione.

Apostoli  
indifferen-  
ter omni-  
bus prædi-  
cabant e-  
xercitium  
virtutum.

Paulus sic  
faciebat.

pars Paulum tangit, & tamen ad penitentiam, ad baptismum, ad obseruantiam Euangelij, ad actus virtutum omnes hortatur .

355. Sed cur de Sanctis istis loquor? Sufficiebat exemplar, seu doctrinam Sancti Sanctorum Christi Domini Saluatoris, Doctoris, ac Magistri nostri, tantum in medium asferre . Dominus namque noster, scientia beata, & etiam infusa, clarè, & euidenter sciebat non solum prædestinationem, & reprobationem ab æterno factas, & numerum vtriusque ordinis; sed etiam personas electas, & reprobatas, & quòd *Multi sunt vocati, pauci verò electi*: & nihilominus omnes, indifferenter, hortabatur; eisque præcipiebat fugam vitiorum, & exercitia virtutum, vt ex tota Euangelij historia habetur: & quod maximè notandum est, quòd non solum Apostolis, cæterisque, quos prædestinatos esse certò sciebat, sed omnibus Iudæis, inter quos etiam quosdam prædestinatos, quosdam reprobos nouerat, indifferenter virtutum actus præcipiebat, quos nempe ad salutem necessarios iudicabat, vel consulebat, quos supererogatorios existimabat .

356. Constat ergo, quòd Sancti Veteris, & Noui Testamenti, ipseque Dominus Noui Author Testamenti, quamuis existimarent in hominum multitudine, aliquos esse prædestinatos, & alios reprobos, & quòd vtrique labi possent, & laberentur in peccata; adhuc tamen vtrosque ad penitentiam hortandos putarunt; item & corrigendos, & ad virtutum exercitia inuitandos .

357. Ratio autem, cur corrigendi, & ad penitentiam, aliasque virtutes hortandi, & trahendi sunt, pro prædestinatis, est, vt sæpè cum S. Augustino diximus; quia licet gratis, & sine meri-

Christus ipse qui sciebat electos, & reprobos, omnes tamen hortabatur ad opera virtutum .

Vniuersalis conclusio .

Ratio cur omnes mouendi .

tis sint electi ad gloriam; tamen ad eam per merita consequendam; & propterea per talia, & talia merita, quæ præuia etiam suafione, vel correptione erunt in executione ponenda. Pro reprobis verò, vt opera bona etiam temporaliter exercendo, minus in inferno ardeant; & quia omnes incerti sunt, an prædestinati, vel reprobì.

358. Dico 2. Secundum Augustinum, licet verum sit, quod prædestinati etiam si quandoque, vel sæpè cadant, tamen in fine vitæ erunt in gratia, & saluabuntur; & reprobì licet vocati ad fidem, & aliquoties iustificati, in fine vitæ erunt in peccato: hæc tamen doctrina non est populis prædicanda; sed prædicandum eis, vt spem habeant in Deo, quod sint de prædestinatorum numero, & eis consulantur opera pietatis, orationis, &c.

359. Prob. I. pars ex S. Augustino totidem, ferè verbis id docente in *lib. de Bono Persen. cap. 22*: vbi postquam multa dixit de certitudine salutis prædestinatorum, & de certitudine damnationis reproborum, quæcumque temporaliter faciant, siue illi mala, siue isti bona; quia diuina præscientia falli non potest; inquit tamen non esse hoc modo populis prædicandum. Eius verba sunt. *Pronunciari non potest, vt dicatur, & si qui obeditis si præsciti estis reijciendi, obedire cessabitis. Nempe hoc verissimum est, ita sanè: sed improbißimum, importunissimum, incongruissimum, non falso eloquio, sed non salubriter valetudini infirmitatis humane appposito. Id enim induceret legnitiem, & in aliquibus malè habituatìs, fortè desperationem.*

360. Prob. Secunda pars ex eodem Augustino ibidem, vbi modum prædicandi de prædestinatione sic insinuat. *Illum etiam modum, quo vten-*  
dum

Hæc doctrina de prædestinatione, non est populis promulganda; sed prædicandum est eis, vt sperent in Deo.

Documentum salubre Augustini.

dum esse in prædestinationis prædicatione nos diximus loquenti ad populum ( idest factam gratis , & sine meritis ) non existimo debere sufficere , nisi hoc , vel huiusmodi aliquid addat , vt dicat . Vos etiam ipsam obediendi perseuerantiam , à Patre luminum , à quo descendit omne datum optimum , & omne donum perfectum , sperare debetis , & quotidianis orationibus poscere ; atque faciendo confidere , non vos esse à prædestinatione populi eius alienos ; quia etiam hoc vt faciatis ipse largitur . Absit autem à vobis , idèò desperare de vobis , quoniam spem vestram in ipso habere iubemini , non in vobis . Maledictus enim omnis homo , qui spem habet in homine ; & bonum est confidere in Domino , quam confidere in homine , quia beati omnes , qui confidunt in eum . Et hanc spem tenentes seruite Domino in timore , & exultate ei cum tremore ; quoniam de vita æterna , quam filijs promissionis promisit non mendax Deus ante tempora æterna , nemo potest esse securus , nisi cum consummata fuerit illa vita , quæ tentatio est super terram , sed faciet nos perseuerare in se vsque in eius vitæ finem , cui dicimus quotidie , nè nos inferas in tentationem . Hæc atque huiusmodi , cum dicuntur , siue paucis Christianis ; siue multitudini Ecclesiæ , cur metuimus Sanctorum prædestinationem , & veram Dei gratiam , idest , quæ non secundum merita nostra datur , sicut eam sancta scriptura prædicat , prædicare ? An verò timendum est , nè de se homo desperet , quando spes eius ponenda demonstratur in Deo ; non autem desperaret , si eam in seipso superbissimus , ac infelicitissimus poneret ? Et postea aliud subdit non minus utile documentum , nempe , considerandum esse , quòd Ecclesiæ ex sacris scripturis hanc eruit praxim , vt semper ab initio orationes faciat pro vitæ æternæ acquisitione , quia secunda non est , quinam sal-

Modus prædicandi de prædestinatione ex August.

Valdè considerandū documentum .

Ecclesia  
orat pro  
omnibus  
quia nescit  
qui sint,  
vel non  
sint præde-  
stinati.

uandi sint, & qui non, sed omnes eius filij salutem sperant; dicens. *Atque utinam tardi corde, & infirmi, qui non possunt, vel nondum possunt scripturas, vel earum expositiones intelligere, sic audirent, vel non audirent in hac questione disputationes nostras, ut magis intuerentur orationes suas, quas semper habuit, & habebit Ecclesia ab exordijs suis donec finiatur hoc seculum.* Hæc S. Doctor ad consolationem fidelium incapacium, vel etiam capacium huius mysterij.

361. Dico 3. Secundum eundem Sanctum Augustinum, nullum fidelem deterrere debet, quod prædestinatio, facta sit gratis, & sine nostris meritis, sed ex Dei misericordia, quoad electionem; sicut si ex meritis fieret, non deterreret, quod Deus præsciat quales futuri sunt homines, siue boni, siue mali: ita S. August. *in lib. de Bono Perseu. cap. 15.*

Cur deter-  
rere non  
debet fide-  
les, quod  
prædesti-  
natio facta  
sit, sine ex  
meritis, si-  
ue absque  
illis.

362. Prob. & declaratur. S. Doctor audiens quod quidam in Monasterio murmurabant de eius doctrina de prædestinatione sine meritis iam ab æterno facta, dicentes, si prædestinati sumus, etiam si legi diuinæ non obedimus, dabitur nobis gratia, ut à peccato surgamus, & obediamus, atque in ea obedientia usque in finem perseueremus. Si verò non sumus prædestinati, etiam si nunc habemus gratiam obediendi legi, & seruandi eam; auferetur à nobis talis gratia, ut ab obedientia, & obseruantia legis cessemus: Et hic discursus eos terrebatur. Inquit Augustinus. Dato, quod prædestinatio facta esset ex meritis, & reprobatio ex demeritis (sicut facta est) Deus certò, & infallibiliter scit an boni, vel mali futuri estis, an saluandi, vel damnandi, & vos de alterutro incerti estis, nec vos deterret hæc certitudo

præscientiæ Dei, & incertitudo scientiæ vestræ; cur deterrebit vos scire, quòd Deus prædestinauit ex gratia, & sine meritis, cùm sitis incerti, an de illis sitis, vel non sitis? Hic est Augustini subtilis, & conuincens discursus; quia tamen verba eius neruosiore sunt, ea adducam: inquit. *Isti cum dicunt, ita nos à confitenda Dei gratia, id est, quæ non secundum merita nostra datur, & à confitenda secundum eam prædestinatione Sanctorum detertere non debet, sicut non deterreret à confitenda præscientiæ Dei, si quis de illa Populo sic loquatur, vt dicat. Si uè nunc rectè viuatis, si uè non rectè; tales vos eritis postea, quales vos Deus futuros esse præsciuit, vel boni, si bonos, vel mali, si malos. Numquid enim, si hoc audito aliqui in torpore, segnitieque vertantur, & à labore proclines ad libidinem post concupiscentias suas eant; propterea de præscientiæ Dei falsum putandū est, quod dictū est; Nonnè si bonos Deus illos futuros esse præsciuit, boni erunt in quantalibet nunc malignitate versentur: si autem malos, mali erunt, in quantalibet nunc bonitate cernantur. Et narrat postea exemplum de quodam Monacho, qui corripiebatur, vt facienda faceret, & non facienda non faceret, & respondebat, qualiscumque nunc sim, talis ero, qualem me Deus futurum esse præsciuit; qui non proficiebat in bonum, sed vsque adeò profecit in malum, vt deserta Monasterij Societate, fieret canis reuersus ad uomitum; & tamen adhuc qualis sit futurus incertum est: & concludit illud caput sic. Numquam ergo propter huiusmodi causas, ea quæ de præscientiæ Dei vera dicuntur, vel neganda sunt, vel tacenda; tunc scilicet, quando si non dicuntur, in alios itur errores.*

363. Ex his igitur Sancti Augustini documentis patet primò, quòd etiam si teneatur, quòd prædesti-

Corollaria  
notatu di-  
gna.



destinatio facta sit ante præuisionem meritorum nullus Catholicus præiudicium, vel turbationem ex hac sententia pati potest; quia cum nesciat, an sit vnus de illis, nec ne, & audiat, multos per aliquod tempus malos, deinde conuersos, sanctè vitam finisse; sperare debet, quòd ex Dei misericordia sit vnus de illis, & maiori cum spe, si eiusdem gratiæ diuinæ ope experiatur, se in Dei, ac proximi Charitate, virtutibus alijs, ac pietatis actibus exercere, quamuis certò non sciat, quid de se decreuerit Deus. Sicut, si ipsemet Catholicus teneat, quòd ex præuisis meritis Deus prædestinauerit Sanctos, & ipse nesciat, an sit vnus ex illis hoc modo prædestinatis, credit tamen, sic debet, quòd Deus præscit, an sit vnus ex illis, vel non; nullum ex hoc patitur præiudicium, vel turbationem, sed sperat in Dei misericordia, quòd vnus ex illis sit.

Sine teneatur prædestinatio ante merita, siue post, nemo turbari debet & quare.

Socordia fugienda in vtraque sententia.

364. Patet 2. quòd siue teneatur, prædestinationem factam esse ante, siue post præuisionem meritorum, in vtroque casu fugienda est desidia, & vacatio à bonis operibus. Nam facta ex meritis præuisis; ista sunt in actu secundum ponenda: si antè præuisa merita, adhuc ista sunt ponenda; quia facta quidem est electio ad gloriam sine meritis, sed dandam per merita; nam gloriæ consecutio est corona, merces, & premium, quod non datur sine labore, certamine, ac merito, & ideò Apostoli, Prophetæ, Christus Dominus, & ante eius aduentum, Deus in scripturis omnibus, bonis, & malis indifferenter præcepit obseruantiam legis naturæ, decalogum, & ludais alia supra quingenta; & tamen sciebat, qui nam essent electi, quiue reprobi, & neminem excludit ab eorum obseruantia.

365. Patet 3. neminem Catholicum, neminemque Hæreticum posse se subtrahere à correptione, si malè operatur, eo nixus fundamento, si sum prædestinatus, Deus ipse, vt sit firmum eius propositum, inueniet viam reducendi me ad bonam frugem, & ad statum gratiæ. Non inquam potest sic dicere homo Christianus; quia licet sit verum, quòd Deus saluabit prædestinatum lapsum in quoduis peccatum, etiam hæresis, vt accidit aliquibus martiribus; qui in prima quæstione negarunt; & postea resipuerunt; & martyrium subierunt; tamen Deus modo suauis, supernaturali quidem, sed non miraculoso, semper hoc facit, nempe per concionatores, aliosque probos viros corripientes lapsos, sicut fecit Deus per Prophetas, & per dilectissimum filium: *ipsum audite*, inquit, & postea per Apostolos, eorumque successores Pontifices, & Episcopos, & concionatores, sicut modò facit; & per eos conuertuntur homines, etiam prædestinati, ad penitentiam, & ad bonam frugem, & ad multa virtutum opera.

366. Patet 4. quòd licet verum sit; vt ait Augustinus, & fides docet, id certò futurum, quòd Deus ab æterno decreuit se facturum, vel se solo, vel cum consensu, & cooperatione creaturæ, & omnia hæc à Deo præsciri, nec posse aliter euenire; non proindè potest quis desidiosè viuere, dicens, iam decretum est, quòd futurum est: immò nec putat, se posse hoc facere; nisi quia sic se facturum Deus præuidit; quilibet ergo in timore, & tremore, prout sibi à Deo datum fuerit, humiliter pro sua salute operetur, cum sibi incertum sit, *an odio, vel amore finali dignus sit.*

Nullus Christianus potest, & debet à bono destituisse ex eo discursu, si sum prædestinatus saluabor, si reprobus damnabor & quare.

Ex incertitudine de exercitiis diuini quisque cum timore semper bene debet operari.

## CAPVT XXII.

*An possint assignari aliqua prædestinationis signa .*

367. **A**Du. quòd , sicut prædestinationis decretum est mysterium quodam , idest secretum Deo soli notum , & in genere tantum Ecclesiæ reuelatum , quòd nempe Deus aliquos prædestinauerit , seu elegerit ad gloriam , dicente pluries Salvatore, quòd dantur inter homines electi, & propter eos breuiabuntur tribulationes futuræ ante finale iudicium ; ita secretum , immò secretius mysterium est, nullique, neque particulari creaturæ, neque ipsi Ecclesiæ reuelatum, qui sunt homines prædestinati, si infantes cum baptismo decedentes excipias ( vt mox dicetur : ) nihilominus ex sacra scriptura in consolationem, fidelium filiorum Dei , vt cum spe , & timore uiuant , aliqua eruuntur signa , ex quibus possunt homines probabiliter colligere , se esse de prædestinatorum numero . Verùm neque illa sunt adeò certa , vt ex eis possit quis infallibiliter tenere , se esse prædestinatum . Hoc autem ex diuina providentia factum putamus, vt omnes *cum timore , ac tremore*, vt ait Apostolus , *suam salutem operentur* . Vt autem alacrius id fiat , aliqua ex his signis , vt plurimum certis , pro adultis fidelibus adducemus .

Prædestinatio est in agnum secretum Dei .

Secretius est quoniam sine prædestinati.

Nemo sine diuina reuelatione scire potest infallibiliter se esse prædestinatum.

368. DICO I. Nullus viatorum potest certitudine infallibili scire , se esse prædestinatum , sine diuina reuelatione .

369. Prob. totidem ferè Concilij Tridentini verbis in sess. 6. cap. 12. dicentis . *Nemo quoque,*  
*quam-*

quamdiu in hac mortalitate uiuitur, de arcano diuinae predestinationis mysterio usque adeo presumere debet, ut certe statuat, se omnino esse in numero Prædestinatorum, &c. Nam nisi ex speciali reuelatione sciri non potest, quos Deus sibi elegerit. Et in can. 15. Si quis dixerit, hominem renatum, & iustificatum tene-ri ex fide ad credendum se certò esse in numero prædestinatorum, anathema sit.

370. Conf. ex can. Corripiantur, estque S. Augu-  
stini, 24. qu. 3. ubi habetur. Corripiantur ita-  
que fratres subditi à Præpositis suis correptionibus,  
de Charitate venientibus pro culparum diuersita-  
te diuersis, vel minoribus, vel amplioribus, &c. con-  
cludens pro ratione ad rem nostram: Nescientes  
enim, quis pertineat ad prædestinatorum numerum,  
quis non pertineat, sic affici debemus Charitatis affe-  
ctu, ut omnes velimus saluos fieri. Signa ergo cer-  
ta, & intallibilia non dantur ad cognoscendum,  
sine deceptionis periculo, quòd aliquis sit præde-  
stinatus, vel non, quantumuis enim aliquis sanctè  
uiuat, nec ipsemet de se, nec alij de illo certò, &  
sine deceptionis periculo iudicare potest esse præ-  
destinatum: non ipse de se, quia etsi sanctè pro  
aliquo tempore uiuat exercendo se in operibus  
virtutum, in obseruantia præceptorum, & consi-  
liorum, nescit tamen, an sit perseveraturus, aut ca-  
surus; ideò Apostolus 1. Cor. 10. 12. ait. Qui se  
existimat stare, videat, nè cadat: & in cap. 4. 4. in-  
quit, nihil enim mihi conscius sum, sed non in hoc iu-  
stificatus sum, nam Ecclesiastes 9. 2. dicitur, nemo  
scit, an odio, vel amore dignus sit. Et ipsemet Pau-  
lus de se in eadem epist. cap. 9. in fine, inquit, Ego  
igitur sic curro, non quasi in incertum; sic pugno, non  
quasi aerem verberans: sed castigo corpus meum, &  
in seruitutem redigo, nè fortè cùm alijs prædicauero,

Non datur  
signum in-  
fallibile  
in aliquo,  
per quod  
sciat se  
prædesti-  
natum esse.

Paulus de  
se dubita-  
bat.

*ipse reprobus efficiat*. Timet Paulus, qui à Christo apud Ananiam laudatus erat, *Act. 9.* quòd erat *effectus vas electionis*, ut *predicaret eum apud omnes gentes*; quis ergo, cuiuscumque probitatis vir non timebit casum? Et multi in Chronicis referuntur magnæ probitatis viri, qui non perseuerarunt vsque in finem vitæ. Nullus ergo est certus de perseuerantia finali, & consequenter neque de prædestinatione, quæ fert secum perseuerantiam finalem.

Multi apparent Sâ-  
cti, sed non  
sunt.

371. Neque cognoscentes aliquem magnæ probitatis virum possunt certò scire, eum esse prædestinatum; externa enim vident, nec possunt interna penetrare; crebrò enim sub ouina pelle latent lupi, & cù eiusmodi Hipocritis fuit continua concertatio Christi Domini, quos vocat modò *lupos sub specie ovis*, modò *Sepulcra dealbata foris speciosa, intus autem omni spurcitia plena*, Phariseos Hipocritas appellabat: igitur ex sanctitate externa cognosci, aut iudicari nequit, aliquem esse prædestinatum. At dato, quòd quis Hipocrita non sit, sed & externè, & internè Sanctus, nemo potest iudicare, quòd sit vsque in finem perseueraturus, nisi fuerit sibi à Deo reuelatum, nam Isaïæ 41. 22. dicitur, *Annunciate, quæ ventura sunt in futurum, & scimus, quia Dñs estis vos*. Vndè meritò Concil. Trid. ut supra diximus, declarauit, non posse sine speciali Dei reuelatione sciri aliquem prædestinatum esse.

De paru-  
lis cum ba-  
ptismo mo-  
rientibus  
certa est  
prædestina-  
tio.

372. Dico 2. Pro Paruulis ante vsum rationis deuoentibus signum certum prædestinationis est, si cum baptismo decedunt.

373. Prob. 1. *Ex cap. Maiores de Baptismo*, &c. in quo definitur, quòd paruuli baptizati, si ante vsum rationis moriuntur, saluantur.

Prob. 2.

Prob. 2. ex Concil. Trid. sess. 5. in decr. de pecc. orig. §. 2. ubi habetur. *In renatis nihil odit Deus, quia nihil est damnationis ipsi, qui verè consepulti cum Christo per baptismum in mortem, qui non secundum carnem ambulant, sed veterem hominem exuentes, & nouum, qui secundum Deum creatus est, induentes, innocentes, immaculati, puri, innoxij, ac Deo dilecti effecti sunt, hæredes quia Dei, cohæredes autè Christi, itant nihil prorsus eos ab ingressu Cæli remoretur. Paruuli autè ante vsum rationis iam baptizati, renati sunt, & si moriantur, quia secundum carnem non ambulant; innoxij, puri, & innocentes, hæredes Dei, & cohæredes Christi ex hoc mundo discedunt, & nihil eos ab ingressu Cælorum remoratur. Ergo est certum signum, quod sunt de prædestinatorum numero.*

Ex Tridte.

374. Dico 3. Pro Adultis iam mortuis, beatificatio, seu canonizatio eorum; seu martirium eorum ab Ecclesia declaratum, siue cultus publicus ab Vniuersali Ecclesia eis tributus, vel permissus; sunt signa certa prædestinationis, & saluationis securæ.

Pro Adultis mortuis, quæ sint prædestinationis signa certa.

375. Prob. de qualibet ex præfatis functionibus. Quælibet enim illarum declarat, eos esse in Cælo cum Deo regnantes; & ob quamlibet earum, fideles venerantur eos, vt Sanctos; & ad eos suas dirigunt preces, vt pro ipsis apud Deum intercedant, vt praxis Ecclesiæ docet. Nullum autem certius signum dari potest de gloria aliquius, quàm aliquod ex præfatis (si diuinam explicitam reuelationem excipias) quia Ecclesia in Sanctorum declaratione, & cultu infallibilis est. Patet autem, quod ab initio Ecclesiæ vsque ad nostra tempora, sic semper processum est. Nam præter Sanctos de quibus S. Scriptura Veteris Te-



Cur ali-  
quos, vt  
Sanctos co-  
limus.

stamenti loquitur, quosque Apostolus ad *Hebr.* II. commemorat; omnes alij, quos post Christi aduentum colimus, aliquo ex præfatis modis declarati sunt Sancti; illosque, vt tales colimus, ac veneramur; & eorum passionibus, ac festa celebranda statuit *Concil. Cartag. 3. can. 47.* deinde alia posteriora Concilia; illosque cum Deo regnare, definit *Concil. Trident. sess. 25. in decreto de inuocat. Sanctorum*, & propterea colendos, & orandos esse ex eodem Concilio, ibidem. Illæ ergo declarationes, seu venerationes illorum, quæ ab Ecclesia Vniuersali fiunt, aut fieri conceduntur, sunt signa certa prædestinationis. Dixi, *si ab Ecclesia Vniuersali fiunt, vel fieri conceduntur*; quia aliæ particulares, in eiusmodi cultu aliquorum, possunt decipi, & de facto aliquando deceptæ sunt: nam sæpè id accidisse legimus. Immo hanc ob causam Alexander 3. vt habetur in *cap. 1. de reliquijs, & Vener. Sanctorum* decreuit, neminem de cætero posse pro Sancto venerari, etiamsi per eum miracula fierent absque Romanæ Ecclesiæ autoritate. Quod postea confirmauit Urban. VIII. per prolixam Constitutionem 137. *Cælestis*, quia peculiare Ecclesiæ, & populi in his iudicijs decidebantur; quando autem à Romana Ecclesia, interueniente Summi Pontificis infallibili decreto aliquis declaratur Sanctus, seu permittitur venerari pro Sancto, nullum adest deceptionis periculum, & propterea (à posteriori) est prædestinationis, & consecutionis termini illius, nempe gloriæ, certissimum signum.

Pro viu-  
entibus dan-  
tur præde-  
stinationis  
signa, sed  
fallibilia.

376. Dico 4, pro Viuentibus, dantur quidem prædestinationis signa, sed fallibilia, nisi vsque in finem vitæ perdurauerint.

377. Prob. 1. pars ex Sacra Scriptura Vete-  
ris

ris Testamenti in *psalm. 14.* Dauid sic interrogat Deum. *Domine quis habitabit in tabernaculo tuo, aut quis requiescet in monte Sancto tuo?* S. Hieronymus mitticè analogicè locum istum intelligit: sic. *Tabernaculum*, hic pro eternitate accipimus. S. Augustinus eodem modo intelligit, ait fortasse, iam ipsam eternam habitationem significat, ut montem intelligamus supereminentem Charitatem Christi in vita eterna. Eundem sensum secuti sunt alij, & postea Lyranus in eundem psalmum. Interrogat ergo Dauid Dominum, quis nam destinatus sit habitare cum eo in Cœlo & Spiritu Dei afflatus, sibi ipsi, quasi respondens, ait. *Qui ingreditur sine macula, & operatur iustitiam. Qui loquitur veritatem in corde suo, qui non egit dolum, in lingua sua, non fecit proximo suo malum, & opprobrium non accepit aduersus proximum suum. Ad nihilum deductus est in conspectu eius malignus; timentes autem Dominum glorificat. Qui iurat proximo suo, & non decipit; qui pecuniam suam non dedit ad usuram, & munera super innocentem non accepit.* Et concludit. *Qui facit hæc non commovebitur in æternum.* Hæc ergo ex Dauidis sententia sunt signa in sæculo præsentis viuentium, qui destinati sunt à Deo habitare cum eo in sæculo futuro. Declaremus ergo signa ista, ut si in nobis ea experiamur, gaudeamus, confidentes, ac sperantes, cum securitate de eorum esse numero. Primum ergo est ingredi, alij legunt, progredi sine macula. Hic est cardo perfectæ vitæ, carere culpa, & ideò, ut mox dicetur, Saluator dixit, *Beati mundo corde; quoniam ipsi Deum videbunt.* In hoc continetur obseruantia legis naturæ, diuinæ, ac positivæ; qui enim contra aliquod legis præceptum delinqueret, sine macula non esset, neque,

cum

Ex Veteri  
Testamen-  
to signa  
prædesti-  
nationis.

Ex psalmo  
Dauid.

Fundamē-  
tum perfe-  
ctionis est  
munditia  
cordis.

cum corde mundo . Et hoc suffecisset, dicere ; at  
quia munditia interna , & carentia maculæ non  
videtur exteriùs, adijcit quasdam notas visibiles,  
inquiens, & operatur iustitiam, idest circa Deum,  
per Religionis actus , & circa homines per con-  
mutatiuam, & distributiuiam: sequitur; *Qui loqui-  
tur veritatem in corde suo, qui non egit dolum in lin-  
gua sua* . S. Augustinus , & Hieronymus in eum-  
psalmum clarè explicant omnes præfatas condi-  
tiones, quæ in probo, & sancto homine Dei ado-  
ptiuo filio, & ad æternam vitam destinato, debent  
requiri ; & super illud ; *qui facit hæc non commo-  
uebitur in æternum* , S. August. dicit , *idest perue-  
niet ad illa maiora, in quibus est magna , & incon-  
cussa stabilitas* .

S. Hieron.  
explicatio.

378. S. Hieronymus 14. conditiones ipsius ,  
tamquam omnem perfectionem continentes , ex-  
plicat . *Qui ingreditur sine macula*, ait, *sine pecca-  
tis mortalibus , quia sine minimis esse non possumus,*  
& non dixit , *qui peruenit ad finem sine macula*, sed  
*qui in itinere adhuc est , & maculam non habet ; &*  
*non sufficit non facere malum , nisi fecerimus & bo-  
num* . Et operatur iustitiam . Multa de hoc dicit  
Hieronymus , sed concludit, *quia iustitia prodest*  
*cæteris miseris, vel aliter , qui operatur iustitiam ,*  
*idest custodit mandata* . *Qui loquitur veritatem in*  
*corde suo* , ait , *multi loquuntur veritatem in labijs ,*  
*sed non in corde , qui videntur vera dicere , sed cor*  
*cum labijs non consonat ; vel aliter , qui credit in*  
*Christum &c.*

Declaratio  
totius psal-  
mi docet  
signa præ-  
destinatio-  
nis.

*Qui non egit dolum*, inquit: ille dolose agit, qui  
aliud cogitat, & aliud dicit, sicut Propheta, ait, Pro-  
hibe linguam tuam à malo , & labia tua nè loquan-  
tur dolum . Sequitur, *nec fecit proximo suo malum*  
ait Hieronymus, Proximus noster , omnis Christia-  
nus

nus est. Quod tibi non uis fieri, alij ne facias, & alibi dicit, diliges proximum tuum, sicut te ipsum. Et post multa, ait, omnes ergo homines proximi nostri sunt, & nulli debemus malum facere. Et opprobriū &c. dicit, Numquam à suis vicinis, quasi noxiis accusatur. Timentes autem Dominum glorificat. Non diuites, non potentes, sed qui Dominum timent. Opprobrium detractiōis de fratre tunc non accepit, si prius non credit illa, antequam probet; ac si dicat. Qui ista custodit, quæ superius dixit, ille est sine macula, & operatur iustitiam, & iste habitabit in tabernaculo, & requiescet in monte sancto suo, hoc est in uita æterna.

379. Prosequitur Hieronymus: Ad nihilum deductus est in conspectu eius malignus, inquit, Quicumque malus est, in conspectu sancti pro nihilo reputatur. Ad nihilum deductus est; quia apud talem sanctum pro nihilo habetur. Timentes autem Dominum magnificat; scit enim in his habitare Deum, sicut ait Dominus, qui uos diligit, me diligit.

380. Qui iurat proximo suo, & non decipit. De hoc dicit, quod iurans minor est in perfectione, quia Dominus dicit non iurare omnino &c. sed sit sermo uester, est, est, non, non. Sententia perfectorum est non iurare, quia anima, quando promittit, Dei præcepta custodit, & proximum decipit, si hoc quod promittit non obseruat. Sequitur. Qui pecuniam suam non dedit ad usuram, inquit, & si non peccet quis, eo quod quantum dat, tantum recipit, tamen perfectio non est, quia dictum est, frange esurienti panem tuum. Et beatius est magis dare, quam accipere. Usquequò ad ista peruenit, minor est à perfectione.

381. Et munera super innocentem non accepit, inquit; Ut non conturbent iudicium ueritatis munera offerentes; nè similis Iudæ efficiatur, qui accepto

Perfecti  
non iurant

Perfectio  
est donare  
egenti;  
non uero  
mutuare  
sine usura.

Munera  
faciunt  
pauca  
iudices.

*argenti pondere vendidit innocentem. Sicut Prophe-  
ta Isaias cap. 33. dicit. Qui excutit manus suas ab  
omni munere, hic in excelsis habitabit.*

Qui hæc cu-  
stodit præ-  
destinatus  
est.

382. Concludit. *Qui facit hæc non movebitur in  
æternum, ait, quæ si quis irreprehensibiliter custodie-  
rit; non solum à commotione æterni Iudicis securus  
erit; verum etiam ipsum montem, tabernaculumque  
caleste possidere merebitur in Christo Iesu Domino no-  
stro. Hæc Hieronymus.*

Hæc eadē  
Signa ex  
Nouo Te-  
stamento  
habentur.

383. Hæc eadem prædestinatorum, seu sal-  
uandorum signa, ex Nouo Testamento ex Christi  
Domini oraculo confirmantur. Nam interroga-  
tus à quodam Matth. 19. 17. *Magister bone, quid  
boni faciam, ut habeam vitam æternam*, Saluator  
autem respondit dicens, *si vis ad vitam ingredi ser-  
ua mandata, & eodem, qui supra, iterum interro-  
gante, Quæ? Dominus refert præcepta decalogi  
respicientia proximum, & concludit; Diliges pro-  
ximum tuum, sicut teipsum: iterum ex cap. 22. 38.  
interrogatus à quodam legis doctore, Magister,  
quod est mandatum magnum in lege? Respondit. Di-  
liges Dominum Deum tuum &c. & alterum simile  
huic, diliges proximum tuum, sicut teipsum. In his  
duobus mandatis vniuersa lex pendet, & Prophetæ.  
Et ita in factum est, quia in primo includuntur præ-  
cepta primæ tabulæ. In secundo autem præcepta  
secundæ tabulæ; & vulgatum est legis naturæ præ-  
ceptum ab ipsomet inculcatum, quod tibi fieri non  
vis, alteri ne feceris. Observantia ergo præcepto-  
rum ex Veteris, & Noui Testamenti doctrina, du-  
cit ad æternam vitam; & consequenter, in ijs, qui  
ea observant, est signum prædestinationis. At  
aliquid aliud requiritur; ideò*

374. Prob. secunda pars conclusionis, quòd  
scilicet signa hæc fallibilia sunt, nisi in habente,  
per-

perseuerent vsq; ad mortem: nam Saluator Matt. 10. 27. de patientia exercenda in *perseuerationibus*, ait, *Qui perseuerauerit vsque in finem, hic saluus erit*. Et in cap. 24. 13. prædicens tribulationes futuras in fine mundi ob Antichristi persecutionem, & deficientiam multorum, atque Charitatis frigescentiam, concludit, *qui autem perseuerauerit vsque in finem, hic saluus erit*: & ex epist. Iacobi cap. 2. 10. habetur. *Quicumque totam legem seruauerit, delinquat autem in vno, factus est omnium reus*. Et ideò Ecclesiastici 18. 22. Spiritus Sanctus sic monet quemcumque fidelem; *Non impediari orare semper; neque uercari vsque ad mortem iustificari; quoniam merces Dei manet in æternum*. Et Apocal. 2. 10. *Esto fidelis vsque ad mortem, & dabo tibi coronam uitæ, & qui uicerit, & custodierit vsque in finem opera nra, dabo ei potestatem, &c.*

Et propterea homines quantumuis boni, virtutibus multis ornati, Dei seruitio consecrati, in præceptorum, immò & consiliorum Euangelicorum obseruantia exercitati, qui vsque in finem non perseuerarunt, damnati sunt, de quibus Apostolus Iudas Thaddeus in *epist. Canonica* num. 8. exemplificat hoc in Angelis desertoribus, sic, *Angelos, qui non seruauerunt suum principatum, sed dereliquerunt suum Domicilium in iudicium magni Dei uinculis æternis sub caligine reseruauit*.

385. Conclusio ergo huius capituli est, quòd licet ex Sacra Scriptura aliqua colligamus prædestinationis signa; quia tamen de perseuerantia in bono, sine diuina reuelatione, nemo certus est, neque de prædestinatione certus est. Neque sibi blandiatur fidelis, cum simplici intelligentia doctrinæ Pauli ad Rom. 9. *Quos prædestinauit, hos &*

Obseruantia totius legis dura re debet, vsque ad finem uitæ, ut sit prædestinatio. nis signum certum.

Plura Sacra Scripturæ loca.

Exemplum de malis Angelis. qui non perseuerauerunt.

Capitis huius generalis conclusio.



vocavit; quos autem vocavit, hos & iustificavit; quos autem iustificavit, illos & glorificavit, quasi hæc sint necessariò connexa in omnibus vocatis, & ex vocatione, & iustificatione concludatur prædestinatio; quia Paulus loquitur de vocatione, secundum propositum, ut ait Augustinus, & est illa, quæ habet annexam perseverantiam, quæ nõ omnibus vocatis, & iustificatis per baptismum, ac etiam per penitentiam conceditur. Vnde Saluator dixit, *Multi sunt vocati, pauci vero electi*,

386. Neque sibi quisquam blandiri potest de prædestinatione ex observantia mandatorum Dei quia securus nõ est de perseverantia in illa: plures enim fideles in pueritia observantissimi sunt mandatorum, & deficiunt in adolescentia; plures deficiunt in iuventute; plures in virili ætate; & pluri in senectute, ut docet experientia.

Neque quis sibi blandiatur de prædestinatione ob consiliorum observantiam, vel gradum Ecclesiasticum, Monasticum, Eremiticum, vel Mysticum; quia nullus istorum securus est de perseverantia: & ut in Chronicis legitur ex quolibet horum ordine multi lapsi, ac damnati sunt.

387. Neque tandem aliquis sibi de prædestinatione blandiatur ob virtutem miraculorum, aut prophetiam, vel aliam similem gratiam gratis datam tantum, quia de his Saluator *Math. 7. 22. inquit, Multi dicent mihi in illa die, Domine, Domine, nonne in nomine tuo prophetavimus, nonne in nomine tuo demonia eiecimus, & in nomine tuo multas virtutes fecimus? Et ego confitebor illis; quia numquam novi vos; discedite a me, qui operamini iniquitatem.*

388. Omnis ergo fidelis cuiuscumque status, gradus, conditionis, professionis, ac virtutis sit,

Ex vocatione ad fidem non concluditur prædestinatio necessaria.

Neque ex sola observantia mandatorum Dei, &c.

Neque ex consiliis quoque observantia.

Neque ex gratis datis.

timeat cum vase electionis Paulo, ne cadat; & idè cum eodem *in timore, ac tremore suam salutem operetur, ne reprobus efficiatur*, idest ne cadat in fine. At nihilominus, si fidelis videt, se pro posse, obseruare Dei, & Ecclesiæ mandata, & si quando ex fragilitate labitur, per Sacramentum pœnitentiæ curat surgere; videtque se inclinatum ad opera pietatis in Deum, & ad opera misericordiæ in proximum; & quantum potest in eis se exerceat; timeat quidem, ne in fine cadat, sed confidat, & speret in Deo, *qui non permittet tentari supra posse, sed faciet cum tentatione prouentum*, ex 1. Corinth. 16. 13.

Qui autem præter mandatorum Dei, & Ecclesiæ custodiam, amplectitur Euangelica consilia, aut mysticam exercitationem, timeat quidem cum Paulo, ne cadat in fine; at maiori cum fiducia confidat, ac speret in Deo, quòd ex sua misericordia id non permittet, sed quòd *Deus omnis gratiæ, qui capit, perficiet, confirmabit, solidabitque*, ex 1. Petri 5. 10. & cum eodem

finem huic Capiti, & Opusculo

imponam dicens, *ipsi gloria,*

*& imperium in sæcula*

*sæculorum.*

*Amen.*

Quisque  
quantum-  
uis bonus  
timere de-  
bet, ne ca-  
dat.

Timere  
quidem de-  
bet fidelis;  
sed confi-  
dere etiã,  
& sperare  
in Domi-  
no.





## OPVSCVLVM SECVNDVM.

## DE REPROBATIONE MALORVM.

## CAPVT PRIMVM.

*De nomine, & significato Reprobationis, eiusque definitione.*

I.



Du. quòd, tam apud prophanos, quàm apud Ecclesiasticos authores, ipsosque Sacre Scripturę interpretes hoc verbum *reprobo* significat abiectiōnem, seu abhominatiōnem, vel exclusionem, ac reiectiōnem alicuius rei,

quam quis non vult: ita Cicero 4. *Acad. & lib. 1 de Fin.* In Sacro Textu pluries reperitur vsurpata hæc significatio. Nam psalm. 119. prædicitur Christi Domini abiectio, & oppressio à Iudæis faciēda his verbis, *Lapidem, quem reprobauerunt edificantes, hic factus est in caput Anguli.* Quem Textum de se loquentem adducit Saluator, *Matt. 8. & Luca 10.* dicens, se à Senioribus reprobandum; quod quidem accidit, ut notum est, & Petrus epist. 1. cap. 2. 3. de eo inquit, *ab hominibus quidem reprobatum.* Item cuiuscumque malæ rei confuta-

Reproba-  
re generali-  
ter signifi-  
cat. abij-  
cere.

futatio, seu condemnatio dicitur reprobatio. Psalm. 12. de Deo dicitur, *reprobat cogitationes populorum, & reprobat consilia Principum*: Et 1. Corinth. 1. 19. *Prudentiam prudentum reprobo*, & psalm. 117. *Nationem filiorum tuorum reprobaui*. Videndum modò est, an verbum istud videatur vsurpatum in Scriptura pro actu illo voluntatis diuinæ, quo ab æterno Deus ratione alicuius mali præmissi in aliquibus creaturis rationalibus, siue Angelis, siue hominibus eas odio habens ob malum illud, eas destinauerit ad æternum supplicium, & hæc destinatio in Sacro Textu dicatur *reprobatio*: his præmissis.

2. Dico 1. Quamuis in Sacro Textu non habeamus verbum, *reprobo*, significans exclusionem aliquorum hominum à Regno Cælorum, & destinationem, seu deputationem eorundem ad penam æternam, à Deo ab æterno factam; habemus tamen æquivalentia verba hoc totum significantia; quæ Sancti Patres, Ecclesiæ Doctores, omnesque Theologi vertunt, dicentes, *reprobationem*. Singulæ partes probandæ sunt.

3. Prob. prima pars. Nullus adduci potest Textus Canonicus, in quo de verbo hoc *reprobo* fit mentio, vt significante exclusionem à Regno Cælorum, & damnationem ad æternas pœnas à Deo ab æterno factam. Omnia enim loca, quæ supra adduxi, si de Deo loquuntur, significant exclusionem, seu eiectionem à re aliqua in tempore factam; non verò eiectionem, seu exclusionem creaturarum rationalium à vita æterna, cum destinatione ad mortem æternam, vt cuilibet legenti patet. Cùm enim, inquit, Dauid, *reprobat cogitationes populorum, et reprobat consilia Principum*, non facit ad rem nostram; quia non loquitur de

repro-

In Sacra-  
Scriptura  
idem signi-  
ficat.

Licet hoc  
verbum,  
pro condē-  
natione v-  
surpatum,  
non habe-  
tur in Scri-  
ptura, ta-  
men equi-  
ualens ha-  
betur.

Pars pri-  
ma proba-  
tur, quia  
in Sacra-  
Scriptura  
non reperi-  
tur.

Omnia loca  
Sacre  
Scripturæ  
asseruntur,  
quæ hoc nō  
significant

reprobatione hominum ab æterna gloria; neque cū dicitur ex 1. Corinth. 1. *Prudentiam prudentum reprobo*. Neque cū Ecclesiasti 9. 11. dicitur, *Speciem mulieris alienæ multi admirantes, reprobi facti sunt*. Neque cū Rom. 2. 28. aut, 2. Corinth. 13. 5. 6. ac 7. aut 2. ad Timot. 3. 16. aut Hebr. 6. 9. fit mentio de reprobatione, ac reprobis vñquam sumitur pro actu illo, quo ab æterno Deus aliquos exclusit à gloria, & ob præiusta demerita destinavit ad pœnam æternam. Nec alijs assignari potest locus in Sacra Scriptura, in quo sub hoc nomine, actus ille Dei, quo excludit à gloria, & destinat ab æterno ad pœnas dicatur reprobatio.

4. Neque facit ad rem locus 1. Corinth. 9. 22. vbi ait Apostolus, *Castigo corpus meum, & in servitutem redigo, nè fortè cū alijs prædicaverim, ipse reprobus efficiar*. Quia intelligitur de temporali exclusionem à gloria, & à gratia per peccati commissionem.

5. Prob. Secunda pars, quòd æquivalentibus verbis in Sacra Scriptura reperitur *reprobatio* malorum hominum cum destinatione eorum ad pœnam, sic. Deus odit malos, seu peccatores non ratione naturæ, quia de eo dicitur Sap. 11. 15. *nihil odisti eorum, quæ fecisti*, sed ratione peccati Psalm. 1. *odisti omnes, qui operantur iniquitatem, perdes omnes, qui loquuntur mendacium*. Ecclesiastici 15. 13. *Omne execramentum erroris odit Dominus*. Psalm. 44. *Dilexisti iustitiam, & odisti iniquitatem*. Ecclesiastici 12. 7. *Altissimus odio habet peccatores, & impijs reddet vindictam*. Malachix 1. 3. dicit Dominus, *Nomè Esau frater erat Iacob, & dilexi Iacob, Esau autem odio habui*, quo loco vñtur Paulus Rom. 9. 13. loquens de homi-

num

2. pars,  
quòd æqui-  
valentia  
verba ha-  
bentur in  
Sacra Scr.  
ptura.

num electione, & aliorum reprobatione, antequam nati sint, cum enim nondum nati fuissent, aut aliquid boni egissent, aut mali, ut secundum electionem propositum Dei maneret, non ex operibus, sed ex vocante dictum est, quia maior seruiet minori, sicut scriptum est, Iacob dilexi, Esau autem odio habui: &c.

6. Igitur, cum Deus ab æterno odio haberet peccatores, & ab æterno antequam nascerentur, aut operarentur malum; ex tunc præiudicet eos malum finaliter operaturos, ex tunc eos pœna æterna dignos iudicauit, & ad eam ipsos destinauit: omnia enim Dei decreta circa creaturas, siue ad bonum, siue ad malum pœnæ, tam temporalis, quam perpetuæ ab æterno sunt facta; ut latè diximus cum S. Augustino in *Opusc. de Prædest. cap. 2. 3. 18. 19.* Sequitur ergo, quod quamuis non reperiatur in Sacra Scriptura exclusio aliquorum hominum à gloria, cum destinatione ad pœnam sub vocabulo *reprobationis*; habetur tamen sub alijs vocabulis, quæ rem significant eandem.

7. Prob. tertia pars ex solo intuitu inscriptionum omnium Ecclesiæ Sanctorum, ac Doctorum, qui de hac materia loquuntur; omnes enim appellant *reprobationem* actum illum, quo Deus ab æterno peccatores aliquos præiudicet in peccato decessuros, ad æternam pœnam destinauit, quorum historia patebit ex dicendis in toto hoc opusculo. *Et Concil. Valent. 2. cap. 3.* statuit per demeritorum præscientiam Deum reprobasse peccatores.

8. Dico 2. reprobatio Theologica, seu diuina sic potest definiri, *Reprobatio est æternum decretum, seu iudicium diuinum, quo Deus ob demeri-*

Loca Scripturæ significantia reprobationem malorum.

Omnes SS. & Doctores hoc vocabulo vtuntur.

Ex Concil. Valent. 2.

Definitio reprobationis.



*merita indicat creaturam rationalem indignam vita æterna, & dignam pœna æterna, siue damni tantum, siue damni, & sensus ob peccatum finaliter in ea permanens.*

Est decre-  
tum, seu iu-  
dicium Dei

Æternum,  
quia ab æ-  
terno fa-  
ctum.

De indi-  
gnis vita  
æterna.

Ad pœnam  
damni, vel  
etiam sen-  
sus.

Ob finale  
peccatum.

9. Prob. & declaratur: dicitur *decretum*, seu *iudicium diuinum*, quia Deus iudicat aliquos dignos præmio, vel pœna, & nemo præter eum habet potestatem dandi æternum præmium, aut supplicium: dicitur *æternum iudicium*, quia ab æterno facta est reprobatio, sicut ab æterno facta est prædestinatio, vt de secunda dictum est in præced. Opusc. & de prima dicitur in cap. seq. Dicitur, *quo indicat creaturam rationalem*; quia sola ista, siue Angelica, siue humana capax est præmij, ac supplicij, cum sola ista sit capax meriti, ac demeriti illorum. Dicitur *indignam vita æterna*; quia per reprobationis iudicium ab ea excluditur. Dicitur, *& dignam pœna æterna*, quia ad eam destinatur, *ibunt iniussi in ignem æternum*. Dicitur, *siue damni tantum*, propter paruulos decedentes sine remedio contra originale, quod erat in duplici Veteri lege, cui successit baptisumus in noua lege, hi enim ad pœnam damni tantum damnantur, vt communiter docetur, licet S. Augustin. aliquam etiam sensus, licet mitissimam in eis agnoscat. Dicitur, *siue damni; siue sensus*, propter adultos, qui ob peccata propria etiam damnantur, siue habeant originale, siue careant illo. Dicitur *ob peccatum*, quia iustus est Dominus, & non damnat, vt postea dicam sine demerito: Dicitur, *finaliter permanens*, quia Eccles. 11. 3. *ubi ceciderit lignum, ibi erit*. Siue sit solum originale, siue hoc cum personalibus, siue sint peccata personalia sine originali, & remissa non sint, sed adsunt in decedenti, propter hæc præuisa re-  
pro-

probatus fuit. Dicitur ob demerita, quia, vt infra dicitur, sic Deus reprobauit.

## CAPVT II:

*An malorum reprobatio ab æterno sit facta.*

10. **A**Du. quòd vt clarè, & distinctè in materia (quamuis omnibus exosa) procedamus, priùs de facto discurrendum est, postea de modo, ac de motiuo faciendi; idest priùs, an Deus reprobauerit aliquos, & quando; postea, an, & ex quo demerito; deinde consequenter de causa finali, cur scilicet aliquos voluit reprobare; & tandem de effectibus reprobationis, & alijs quibusdam accessorijs.

Ordo procedendi.

11. Dico ergo. Malorum, qui damnantur, reprobatio, seu exclusio ab æterna vita, & destinatio ad æternam pœnam, facta est à Deo ab æterno.

Ab æterno facta est malorum reprobatio.

12. Prob. 1. Executio huius exclusionis à vita æterna, & immissio ad æternam pœnam quoad animam fit in tempore mortis, quo verò ad corpus, & animam simul fiet in finali, ac vniuersali iudicio, cùm dicet Saluator, *Ite maledicti in ignem æternum, qui paratus est Diabolo, & Angelis eius*; ergo decretum huius facti exequendi, factum fuit ab æterno. Consequ. prob. ex D. Augustino, cui in hoc nullus Theologorum contradicit; id enim de omni decreto Dei de agendis in tempore dicit; in epistola enim 106. ait, *Novit quippe Deus quid agat, & quantus numerus esse debeat, primitus omnium hominum, deinde Sanctorum, sicut syderum, Angelorum, atque vt de terrenis loquamur, sicut pecorum, piscium, & volatiliū;*

'Omnia Deus ab æterno decreuit.

Ec

sicut

sicut arborum, & herbarum; sicut denique foliorum, & capillorum nostrorum: & in psalm. 138. dicitur, *Ecce tu Domine cognouisti omnia nouissima, & antiqua, & cogitationibus tuis non est, qui similis sit tibi.* Omnes autem interpretes huius psalmi, docent Deum omnia futura ab eterno decreuisse, ac preiudisse; scientia enim Dei coëua, & coëterna est Deo, & nihil noui temporaliter potest ei accidere. S. August. ad *Simplicianum lib. 2. qu. 2.* & de *Cinit. lib. 11. cap. 21.* inquit, quod Deus eodem modo semper cognoscit omnia, tam presentia, quam preterita, & futura; *Neque aliter nouit facta, quam fienda,* Ideoque, cum cognoscat aliquos eterna pœna fore plestendos, cognoscatque ab eterno, neque illi ea pœna essent plestendi, nisi ad eam Deus ipse illos addixisset, & condemnasset; sequitur euidenter, quod ex tunc iudicium illud condemnationis fecerit.

Ex paritate predestinationis, quæ ab eterno facta est.

13. Prob. 2. paritate Prædestinationis. Hęc enim ut in antecedenti Opusc. visum est ab eterno facta fuit, cum scilicet post preiuditionem peccati Adę, & totius humani generis cum eo lapsi; *quia in eo omnes peccauerunt*, Deus ex tota illa massa perditionis ex sua misericordia aliquos discreuit ordinando ad gloriam, alios verò ex iustitia reliquit in massa illa perdita, quorum aliquos ex suo inscrutabili iudicio decreuit permittere, ut in originali, & infantili vita decederent, & ad eternam damni pœnam damnauit: alios verò permittere, ut in adulta, alios in adultiore; alios vsque ad senectam viuere, & permittere, ut suo libero arbitrio cum gratia tamen sufficienti, (ut dicam postea) viuerent; & vidit peccaturos fore magis, vel minus, & in peccato decessuros, & hos ad eternam pœnam damni, & sensus

sus aliquibus maiorem, alijs minorem pro criminum grauitate, ex tunc damnauit. Et hic est (vt infra dicemus) secundum Augustinum reprobationis ordo.

14. Prob. ex S. Prospero in resp. ad 15. Gallo-  
rum capitulum. *Dubium non est sine vlla tempo-  
rali differentia Deum, & prescisse simul, & prædesti-  
nasse, quæ ipso erant authore facienda, vel quæ ma-  
lis meritis iusto erant iudicio retribuenda. Ergo v-  
trumque ab æterno factum est.*

Ex S. Pro-  
pero.

15. Prob. ex S. Fulgentio in lib. de Veritate  
Prædestinationis, & Gratiæ, dicente, Deus, sicut  
numquam futurarum rerum fuit inscius, ita nec mise-  
ricordiæ, aut iudicij sui fuit ignarus, sed sicut semper  
omnia futura bona, & mala præsciuit; sic omnia ope-  
ra gratiæ, & iustitiæ suæ incommutabili prædestina-  
tione disposuit. Et infra. Non solum ea disposuit,  
quæ ipse gratis, quibus vellet, donaret, vt bonus; ve-  
rum etiam illa, quæ & bonis, & malis redditurus  
esset, vt iustus: ab æterno ergo facta est electio  
bonorum, & reprobatio malorum. Neque de  
hoc vllus dubitauit; sed de modo, ac ordine, &  
motiuis vtriusque diuini decreti.

Ex S. Fulg.

### C A P V T III.

*Quanam sit efficiens causa reprobationis  
malorum.*

16. **A** Du. quòd quæsitum hoc multa compre-  
hendit distinctè discutienda. Primum  
est, an intellectus, vel voluntas Dei, vel vtraque  
potentia sit causa efficiens reprobationis. Secun-  
dum est, an Deus absoluta sua voluntate, nullo  
habito ad demeritum respectu, efficienter repro-

Multa cõ-  
prehendit  
hoc quæsi-  
tum, & quæ

bauerit; an verò supposita demeriti præsciētia: et de hoc discurremus in sequenti capite cōtra Caluinum. Tertium est, an equaliter Deus omnes malos reprobet, vel aliquem ordinem seruet. Quartum, an ante, vel post præuisionem lapsus Adæ insufficientis totum humanum genus, reproba. uerit malos ab æterno. Quintum, an ante, vel post præuisionem vltimi peccati Adultorum. Hęc, & alia his affinia essent discutienda pro adęquata huius quęstiti solutione: quia tamen prolixa, & confusa nimis euaderet solutio; aliqua hęc, aliqua infra erunt explicanda.

Voluntas  
diuina est  
causa effi-  
ciens re-  
probatio-  
nis.

17. Dico ergo primò. Licet intellectus diuinus præsuppositiue per scientiam malorum reprobatorum concurrat ad eorum reprobationem; tamen causa efficiens illius est Dei voluntas, qua aliquos excludit à vita æterna, & destinat ad penam æternam.

18. Prob. prima pars. Ex ordine, quem in operando inter se genericè sumptæ seruant istę potentię, *nihil enim volitum, quin præcognitum*. Et sicut prædestinatio prærequirit præscientiam eorum, qui prædestinandi sunt, ita & reprobatio: immò vtraque actio ab Augustino appellari sæpè solet præscientia, & cò magis, quia potentię istę in Deo sunt realiter idem; ideòque, sicut omnis Dei actio ad extra requirit intellectum, ac voluntatem, sic & reprobatio.

Omnia  
creata à  
Dei volun-  
tate pen-  
dent.

19. Prob. secunda pars, primò. Omnia, quę à Deo fiunt, aut fiunt ad extra, cùm sint cōtingentia, ab eius voluntate pendent; *omnia enim quęcumque voluit fecit in cælo, & in terra, in mari, & in omnibus abyssis. Psal. 134.* Secundò ad casum nostrum, prob. ex Rom. 9. vbi Paulus ex Malachiz 1. electionem Iacob, & reprobationem

Eſau ſic refert à Deo reuelatam illi Prophetæ .  
*Cum enim nondum nati fuiſſent , aut aliquid boni e-  
 giſſent , aut mali ( vt ſecundum electionem Dei pro-  
 poſitum maneret ) non ex operibus , ſed ex vocante  
 dictum eſt , Iacob dilexi , Eſau autem odio habui .*  
 Eligere autem, & odio habere ſunt actus volunta-  
 tis ; ergo . Tertiò idem Apoſtolus ibidem ad idẽ  
 probandum refert dictum Dei reuelatum Moïſi  
 Exodi 33. 20. *Miferebor cui voluero, & clemens e-  
 ro in quem mihi placuerit ; & ipſe Paulus ſubdit ,*  
*igitur non volentis , neque currentis , ſed miſerentis*  
*eſt Dei . Dicit enim Scriptura Pharaoni, quia in hoc*  
*ipſum excitavi te, vt oſtendam in te virtutem meam,*  
*& vt annuncietur nomen meum in vniuerſa terra .*  
 Ecce quòd omnia bona , vel mala pœnẽ in crea-  
 turis rationabilibus à Dei voluntate pendent ; i-  
 deò concludit, ergo *cuius vult miſeretur, & quem*  
*vult indurat .* Poſtea facit contra ſe argumentum.  
*Dicis mihi , quid adhuc queritur ? Voluntati enim*  
*eius quis reſiſtit ?* Reſpondet, *ò homo tu quis es, qui*  
*reſpondeas Deo ? Numquid dicit figmentum ei , qui*  
*ſe finxit quid me feciſti ſic ? An non habet poteſtatem*  
*figulus luti ex eadem maſſa facere aliud quidem vas*  
*in honorem, aliud verò in contumeliam ? quod ſi Deus*  
*volens oſtendere iram , & notam facere potentiam*  
*ſuam ſuſtinuit in multa patientia vaſa iræ apta in-*  
*teritum , vt oſtenderet diuitias gloriæ ſuæ in vaſa*  
*miſericordiæ, &c.* Ecce quomodò clarè docet Pau-  
 lus, quòd electio aliquorum , & reprobatio alio-  
 rum à Dei voluntate ſunt . An verò ex aliquo de-  
 merito fiat reprobatio , an verò ex nullo demeri-  
 to , ſed ex mera Dei voluntate volente homines  
 perdere ( vt impiè docuit Caluinus , malè intel-  
 ligens S. Auguſtinum ) in ſequenti capite videbi-  
 mus .

Alia Scri-  
 turæ loca  
 ad idem .

Clarè Pau-  
 lus docet  
 à Dei vo-  
 luntate  
 pendere  
 prædeſtina-  
 tionem, &  
 reprobationem .



Ex August.

Calvinus  
malè intel-  
ligit Au-  
gustinum.

20. Prob. 2. Conclusio ex diuersis S. Augustini dictis. 1. In epistola 105. *Cur autem istum potius liberet, quàm illum, scrutetur, qui potest iudiciorum eius tam magnum profundum; verumtamen caueat præcipitium.* At nota contra Calvinum, quòd Augustinus loquitur de tota hominum massa cum Adamo (in quem omnes peccauerunt) lapsa, non verò de hominibus in sua pura natura consideratis, quasi aliquos ex eis sine vlla penitus culpa voluerit perdere. Nam in lib. 1. ad Bonif. cap. 20. inquit, *iam quomodo ista dispenset faciens alios secundum meritum vasa iræ, alios secundum gratiam vasa misericordiæ; quis cognouit sensum Domini, aut quis consiliarius eius fuit?* Sed de hoc argumento diffusè loquemur in cap. sequenti; sufficit nunc scire, quòd non ex fato, neque ex naturali necessitate homines sint reprobi; sed ex Dei voluntate efficienter ex aliqua tamen culpa saltim originaliter, saltim radicaliter, vt postea dicetur.

21. Confirmatur ex eodem in lib. de Prædest. Sanct. cap. 8. vbi supponens, quòd Deus ex hominibus lapsis ob Adæ peccatum, aliquos liberet, non alios, dicit, *Cur autem istum potius, quàm illum liberet, incompræhensibilia sunt iudicia eius, & inuestigabiles viæ eius.* Melius enim, et sic audiuius, et sic dicimus, ò homo tu quis es, vt respõdeas Deo? quã dicere audeamus, quasi nouerimus, quòd occultum esse voluit, qui tamen aliquid iniustum velle non potuit. Igitur voluntas Dei (supposita præuisione lapsus omnium hominum cum Adamo) est causa efficiens, tam prædestinationis ex misericordia, quàm reprobationis ex iustitia. Cur verò, cum illis utatur misericordia, & cum istis iustitia, nulli hominum reuelatum est; neque Apostolus nobis causam manifestauit, sed clamauit,  
bomo

homo tamen quis es, ut respondeas Deo? ut supra dictum est. Voluntas tamen Dei reprobauit, & ex motiuo iustitiæ id fecit; cur autem in hos, non in illos iustitiam voluit exercere, hoc est ignotum, & incompræhensibile; quod verò ex iustitia fecerit, iam reuelatum est, ut Paulus innuit Rom. 9. ut patuit.

22. Confirmatur 2. ex eodem lib. 2. de pecc. mor. & c. cap. 18. ubi inquit, *Quare autem illos velit conuertere, illos pro auersione punire; quamquam, & in beneficio tribuendo, nemo iuste reprehendat misericordem, & in vindicta exercenda nemo iuste reprehendat veracem, nempe iustum; consilium tamen occultioris iustitiæ penes ipsum est.* Ad voluntatem ergo Dei iuste operantis refert sententiam reprobationis.

23. Confirmatur 3. ex eodem Augustino, qui sæpè tam electionem ad gloriam, quam destinationem malorum ad pœnam appellat prædestinationem à Dei voluntate procedentem. Tract. 100. in Ioann. ait, *Deus amat suum in vitiosis salvationis beneficium, vel damnationis iudicium.* In lib. 1. de anima cap. 11. dicit. *Benè utens & malis tamquam summè bonus, ad eorum damnationem, quos iuste prædestinavit ad pœnam: in tractat. 107. ait, filius perditionis dictus est traditor Christi, perditioni prædestinatus: in tract. 110. inquit. Ne eum hoc mundo damnemur. Pro isto mundo non roget, neque qui sit prædestinatus ignorat.* In lib. Iudicum, quæst. 40. ait, *Inimici omninò panis gehennæ prædestinati, ubi erit fletus, & stridor dentium.* Patet ergo, quòd sicut electio aliquorum ad gloriam, quæ dicitur prædestinatio ad vitam, est à voluntate diuina misericordiam exercente; ita reprobatio aliorum, quæ est prædestinatio ad mortem,

Alia plura  
August. lo.  
ca id probantia.

Interdum  
reprobationem  
August. appellat  
prædestinationem  
ad pœnam.

tem, ac supplicium æternum ab eadem diuina est voluntate. An verò ex delicto hominum, vel ex absoluta Dei voluntate volente homines perdere, in sequenti capite dicitur.

## CAPVT IV.

*An Deus ex mera sua voluntate, sine motiuo culpæ, homines reprobauerit, vel peccata reproborum efficaciter voluerit.*

24. **A**Du. Ioannem Caluinum Hæresiarcam, huius sententiæ impię fuisse Authorem, quòd nempe Deus absoluto suo decreto absque ullius culpæ præuisione homines reprobauerit, & ad æternam pœnam destinauerit; immò, & decreto pariter absoluto, omnia hominum peccata etiam quoad culpam decreuerit; & tandem quòd homines, & absoluta necessitate reprobi nascantur, & absoluta necessitate peccent. Id docuit in suis institutionibus lib. 3. cap. 12. per totum, & in §. 5. ait, *Prædestinationem, qua Deus alios in spem vitæ adoptat, alios adiudicat æternæ morti, esse decretum æternum, quo apud se constitutum habuit, quod de vnoquoque homine fieri vellet*: in §. 6. inquit; *Deum nutu, consilioque suo ordinasse, vt inter homines nascentur ab vtero certę morti deuoti, qui suo exitio ipsius nomen glorificent, nec alia ratione, ea quæ futura sunt, præuidet, nisi quia ita vt fierent, decreuit*: in §. 7. dicit, *Decretum fuisse à Deo, vt sua defectione periret Adam; Et eorum frigidum esse commentum, qui dicunt liberi arbitrij fuisse, vt fortunam ipse sibi fingeret, Deum verò nihil destinasse, nisi, vt pro merito eum tractaret*. Postea dicit, quòd eodē Dei absoluto decreto factū est, vt

Impiè Cal-  
uinus do-  
cet Deum,  
sua mera  
voluntate  
homines  
reprobasse  
& peccata  
eorum de-  
creuisse.

Blaspho-  
mia mul-  
tæ  
Caluini.

omnes homines inimici illius nascerentur, & insinuat Theologos Catholicos, qui pro omnibus hominibus concedunt hoc absolutum decretum, & non pro Adamo, his verbis. *Quid eos prohibet fateri de vno homine (idest Adamo) quod inuiti de toto humano genere concedunt? Cunctos mortales in vnius persona morti aeternae mancipatos fuisse Scriptura clamat. Vndè factum est, vt tot gentes vna cum liberis suis infantibus aeternae morti inuolueret lapsus Adæ absque remedio?* subdit postea, *Decretum horribile, fateor, inficiari tamen nemo poterit, quin præsciuerit Deus, quem exitum habiturus esset homo antequam ipsum conderet; & idè præsciuerit; quia decreto suo sic ordinarat.* Tandem inquit, *lapsus est primus homo, quia Dominus ita expedire censuerat. Cur censuerit, nos latet.* Hæc est summa huius capituli de errore Caluini, qui docet, Adamum non peccasse suo libero arbitrio, & cum eo omnes homines, vt Paulus docet, Deo permittente; sed dicit, quòd Deus voluit efficaciter, vt ipse peccaret, & cum eo omnes illius peccato voluit esse inuolutos, nullo habito respectu ad voluntariam, & liberam transgressionem Adæ; & sic voluisse absolutè reprobationem multorum: Quam sententiam Caluinistæ veri mordicè defendunt, & gloriantur, quòd in hoc sequantur S. Augustinum: Ideò Anglus quidam, non multis ab hinc annis, de hac materia pro Caluino librum sic prætitulauit, *Doctrinæ Ioannis Caluini de absoluto reprobationis decreto, defensio.* Et alijs in locis impiè etiam docet, Deum velle efficaciter omnia reproborum peccata, & facere, vt ea faciant, & excæcare eos, ne lumen veritatis videant; hoc autem facere per Sathanam, tamquam ministrum, ipsum verò Deum esse causam efficientem erro-

Calvinus  
Catholicos  
deridet  
Theologos

Calvinus  
docet Deū  
efficaciter  
voluisse,  
quòd Adā  
peccaret.

ris, sicut in bonis est causa efficiens actuum bonorum, & Charitatis. Hoc posito

Deus non  
reprobauit  
ex sua me-  
ra volunta-  
te, nulla  
præiusta cul-  
pa.

25. Dico. Deus non reprobauit homines absolute decreto nullo habito respectu ad culpam aliquam, quasi ex suo libito voluerit homines ad æternam pœnam damnare. Est de fide.

Plura Scri-  
pturæ loca  
de iustitia  
Dei.

26. Prob. 1. De fide est, Deum esse iustum, iudicem in præmiando, & puniendo; sed si modo Calviniano reprobarer, non esset iustus iudex, ergo. Maior ex pluribus Scripturæ locis probatur psal. 10. *Iustus Dominus, & iustitias dilexit, æquitatem vidit vultus eius*: psal. 111. *Misericors Dominus, & iustus*: psal. 118. *Iustus es Domine, & rectum iudicium tuum*: psal. 144. *Iustus Dominus in omnibus vijs suis*; & alibi sæpè in omnibus libris canonicis Veteris Testamenti. Ex Nouo quoque multa desumi possunt loca; Ioan. 5. 10. *Iudicium meum iustum est*; & in c. 1 7. 25. Christus hoc digno encomio Deum inuocat. *Pater iuste, & c. 2. Timot. 4. loquens de præmio sibi, & alijs Sanctis à Deo reddendo, inquit Apostolus, reposita est mihi corona iustitiæ, quam reddet mihi Dominus in illa die iustus iudex; non solum autem mihi, sed & ijs, qui diligunt aduentum eius*. Ex epist. 1. Ioan. *fidelis, & iustus est Deus*. Apocal. cap. 15. *Iustæ, & veræ sunt viæ tuæ*. Idem replicatur in cap. 16. 5. & 7. & in cap. 19. 2. & quoniam Iob in suis tribulationibus in cap. 9. 23. dixerat, *Deus flagellat me sine causa*, acriter à Deo repræhenditur his verbis, *Condemnas me, vt tu iustificeris*. Hæreticum ergo est iniustitiam in Deo admittere.

Min. primi argumenti prob. Si Deus reproba-  
uit, & decreuit inferre pœnam æternam homini-  
bus, absque præiusto demerito, & aliquibus ma-  
iorem, alijs minorem, non esset iustus; quia iusti-  
tia

*tia est virtus ius suum unicuique tribuens pro dignitate sua; & ideò de fide est, quod Deus reddet unicuique secundum opera eius, psal. 61. etsi ergo Deus, vt absolutus Dominus posset omnes homines ad pœnas æternas damnare, vel annihilare, tamen nec ita facit, nec ex Sacra Scriptura reuelatum habemus, quòd velit sic facere; sed habemus oppositum; & quòd non odit nos, nihil odisti eorum, quæ fecisti, Sap. 12. 23. & quòd non vult mortem peccatoris, sed vt conuertatur, & viuat; & quòd apud Deum non sit iniquitas, seu crudelitas, sed misericordia cum iustitia: misericordiam, & iudicium cantabo tibi Domine. Misericors Dominus, & iustus, & miserationes eius super omnia opera eius; & innumerabilia dicta his similia leguntur in sacro textu: si autem Deus, vt impiè dicit Calvinus, absoluto decreto, sine respectu ad culpam, homines reprobasset, damnando ad æternam pœnam, & ad peccandum, vt eis pœnam infligeret, nulla in eo appareret misericordia, neque commutatiua, seu distributiua iustitia.*

27. Prob. 2. Si Deus decreto absoluto voluit ab æterno aliquos perdere destinando, & ad æternam pœnam, & ad peccandum, tolleretur omnis humana libertas in eis; necessitate enim antecedenti compellerentur ad peccandum; sed hoc contra fidem est, quia Deus creauit hominem, & reliquit eum in manu consilij sui, &c. vt dictum est in Opusc. præcedenti cap. 5. vbi egimus de libertate Prædestinatorum, de quibus maior est difficultas ob efficaciam auxiliorum, quæ illis ad rectè operandum conferuntur.

28. Prob. 3. ex S. Augustino in lib. 1. operis imperfecti cont. Iul. cap. 34. neque enim sub Deo iusto miser esse quispiam, nisi mereatur, potest. In

Ex Caluini  
doctrina,  
Deus non est  
set iustus.

Argum. ad  
impossibile  
ducens,  
quia homi-  
nes necessi-  
tate com-  
pussi pecca-  
rent.

Homo non  
esset liber.



Ex Augusti  
no pluri-  
bus in locis

lib.2.cont.Iul. cap. 7. inquit, *Iam tu responde, utrum Deus iustus nulli obnoxiam peccato imaginem suam priuare vita possit æternam?* Et in lib.3.c.18.ait, *Bonus est Deus, iustus est Deus. Potest aliquos sine bonis meritis liberare, quia bonus est; at non potest quemquam sine meritis damnare, quia iustus est.* In lib.de vnitae Trinitatis cap. 7. dicit. *Non enim iustitia est apud Deum, ut damnet eos, qui omnino nihil peccauerunt.* In lib.4.cont.Iul.cap.3.inquit, *Deus namque ipse, quod absit, esset iniustus, si ad eius regnum verus non admittitur iustus, cum & ipsum eius regnum iustitia sit.* Quomodo ergo excogitari poterit, quod sine vlllo delicto, aliquos ad æternam pœnam irremissibiliter damnare voluerit?

Impium est  
dicere,  
quod Deus  
efficaciter  
faciat ho-  
mines pec-  
care.

29. Dico 2.Falsum, & impium est dicere, quod Deus, ut aliquos ad pœnam æternam damnet, sua efficaci, & antecedente voluntate velit, ut mortaliter peccent, & quasi compellat eos ad peccandum, & in finali peccato decedant: est contra Caluinum, qui in lib.2.Instit.cap.4.ait, *Sathanam non nisi Dei imperio agere. Indurandi Verbum, cum Deo in scripturis tribuatur, non solum permissionem (ut volunt diluti quidam moderatores) sed diuinæ quoque iræ actionem significat, nam res omnes externæ, quæ ad excacationem reproborum faciunt, illius iræ sunt instrumenta; Sathan autem ipse, qui intus efficaciter agit, ita est eius minister, ut non nisi eius imperio agat: & in cap. 17. inquit, reprobos peccare, ut Dei iussa exequantur, eique obsequi præsent: Et sic facit Deum authorem peccatorum in reprobis. Contrarium huius blasphemie teneo.*

Contra Cal-  
uinum.

20. Prob.ex Concil. Trid. sess.6. can. 6. qui contra Caluini Dogma fuit formatus. *Si quis dixerit*

xerit non esse in potestate hominis vias suas malas facere; sed mala opera, ita ut bona Deum operari, non permissiue solum, sed etiam proprie, & per se, adedat sit proprium eius opus, non minus proditio Iudæ, quam vocatio Pauli, anath. sit. Hoc idem fuerat decretum in Concil. Araus. 2. circa finem. Idem, Concil. Trid. sess. 6. can. 17. Anathema pariter dicit, cum, qui dixerit Deum prædestinasse homines ad malum.

21. S. August. sæpè eiusmodi blasphemiam impugnaverat. Nam in lib. 13. de Trinit. cap. 12. dixit. Modus iste, quo traditus est homo in Diaboli potestatem, non ita debet intelligi, tamquam hoc Deus fecerit, aut fieri iusserit; sed quia tantum permiserit, iustè tamen. In lib. 5. cont. Iul. cap. 4. habet. Nos certè si eos, in quos, nobis potestas est, ante oculos nostros perpetrare scelera permittamus, rei um ipsis erimus. Quam verò innumerabilia ille (idest Deus) permittit fieri ante oculos suos; quæ utique si nolisset, nulla ratione permetteret; & tamen iustus; & bonus est, & quod præbendo patientiam, dat locum pœnitentiæ, nolens aliquem perire: & infra explicans illud Rom. 14. tradidit eos in passionem ignominie, dicit, hoc facere permittendo, miris, & ineffabilibus modis. Qui non facit voluntates malas; sed utitur eis, ut voluerit, cum aliquid iniquè velle non possit.

22. In Epist. 89. ait, Dictum est, ne nos inducas in tentationem, quod intelligitur, ne nos inferri deferendo permittas. In lib. 2. de peccat. mort. & remiss. cap. 19. inquit, extolli quippe in superbiam propriæ voluntatis est hominum, non operis Dei. Neque enim ad hoc eos compellit, aut adiuvat Deus.

23. Præterea idem S. Doctor in responsione ad articulos sibi falsò impositos, ad 10. qui continebat,

Ex Concil.  
Trid. Deus  
non facit  
peccata, sed  
permittit  
tantum.

Ex August.  
sæpè.

Deus non  
facit homi-  
nes pecca-  
re, sed per-  
mittit eos  
vbi liberè  
arbitrio.

S. August.  
acriter im-  
pugnat  
hoc falsum  
dogma.

tinebat, quod adulteria, & corruptiones virginum sacrarum idè contingant, quia illas Deus ad hoc prædestinavit, ut caderent, sic respondet. *Detestanda, & abominanda opinio est, quæ Deum cuiusquam malæ voluntatis, aut malæ actionis credit authorem, cuius prædestinatio numquam extra iustitiam est. Non ergo casus ræntium, neque malignitatem iniquorum, neque cupiditates peccantium prædestinatio Dei, aut excitavit, aut suavit, aut impulit.*

24. Item in lib. de Gen. ad lit. vnico imperfecto cap. 5. docet, *Deum non esse Authorem vitiorum nostrorum, sed ordinatorem, cum eo loco peccatores constituit, & ea perpeti cogit, quæ merentur. Quædam ergo, & facit Deus, & ordinat; peccatores autem, ut peccatores sint, non facit, sed ordinat tantum.* Idem S. August. lib. 83. qu. 71. & in lib. de Prædestinatione Dei cap. 4. inquit. *Deus nullius mali est author, sed totius boni author est.*

Argumen-  
contr.

Obijci potest contra hanc secundam Conclusionem primò, ex Thessal. 2. cap. 2. *mittet illis (idest reprobis) Deus operationem erroris, ut credant mendacio; igitur est in aliquibus author peccati.*

Ex S. Aug.  
Deus per-  
mittit, ut  
homo utatur  
libero  
arbitrio in  
malum.

25. Resp. ex S. August. de Ciuit. lib. 20. cap. 19. *Nec dubitauit Apostolus addere, & docere, mittet illis Deus operationem erroris, ut credant mendacio; Deus enim mittet, quia Diabolus facere ista permittet, iusto ipse iudicio, quamuis faciat ille iniquo, malignoque consilio.* Permittit ergo Deus, ut Diabolus, caro, mundus, & mali homines etiam bonos tentent, & permittit interdum, ut vtrique suo libero arbitrio ad malum etiam utantur, ut ex Psalm. 80. 13. Deus ostendens, quod non deserit hominem, nisi deferatur, & idè permittit homines peccare, ait, *Et non audiuit populus meus vo-*  
*cem*

*cem meam, & Israel non intendit mihi, & dimisi eos secundum desideria cordis eorum, ibunt in adinventionibus suis. At non propterea Deus ipse in illis peccatum facit, aut præcipit, vt faciant, aut cum eis operatur ad faciendum, licet ex natura suæ omnipotentia, qua cum omni creatura ad earum actiones concurrat, etiam cum peccatoribus ad materiale peccati concurrat, non ad formale.*

Obijci potest 2. illud Rom.9. vbi, cum adduxisset similitudinem figuli, quod Deus quosdam homines facit vasa honoris in misericordiam, quosdam verò vasa contumeliae in iustitiam, & iram, exemplificans de secundis, inquit. *Dicit enim Scriptura Pharaoni. Quia in hoc ipsum excitavi te, vt ostendam in te virtutem meam, & vt annuncietur nomen meum in vniuersa terra.* Notorium autem est in Sacro Textu, quomodo Deus excitauit Pharaonem in crudelitate contra populum Israeliticum deserendo eum, indurando cor eius, cum videret tot mirabilia; in libro enim Exodus à capite 4. vsque ad 14. per quindecim vices refertur, quod Deus dixerit, *indurabo cor Pharaonis*, & quod *induratum fuerit cor Pharaonis* (qui Cencres vocabatur:) ergo Deus videtur fuisse principalis author peccatorum Pharaonis. Et sic dici potest de alijs, qui à Deo deseruntur, & obdurantur, ac obsecantur.

26. Resp. primò, quod argumentum esset soluendum *in tract. de concursu Dei cum creaturis, & in tract. de auxilijs*, vt faciam in Opusc. 3. Aliqua etiam dicam infra in cap. 6. de effectibus reprobationis, vbi loquar de hac permissione ad peccandum. Pro nunc verò cum vno tantum, sed Angelico Doctore ad hoc argumentum de deser-

Ex Apost.  
argum.

Deus indu-  
rat, vt pa-  
tet de Pha-  
raone.

Responſo  
ex S. Tho-  
ma .

Quomodo  
ex S. Tho-  
ma Deus  
permittit  
peccata .

272 DE REPROBAT. MALORVM  
fertione, induratione, ac permiſſione Dei, vt quis  
peccet, respondebo . S. Thom. in Comment. E-  
piſt. ad Rom. lect. 3. declarans præſata verba, *Quia  
in hoc ipſum excitauit te , vt oſtenderem in te virtutem  
meam*, dicit, *Quod quidem non eſt intelligendum  
hoc modo, quod Deus in homine cauſet malitiam; ſed  
eſt intelligendum permiſſiue ; quia ſcilicet ex iuſto  
ſuo iudicio permittit aliquos ruere in peccatum prop-  
ter præcedentes iniquitates, ſicut ſupra primò dictum  
eſt, Tradidit eos Deus in reprobum ſenſum : ſed ali-  
quid aliud videtur mihi in hoc ipſo intelligendum ,  
quia inſtinctu quodam interiori mouentur homines à  
Deo ad bonum, & ad malum ; Vnde Auguſtinus di-  
cit in lib. de Gratia , & libero arbitrio cap. 20. quod  
Deus operatur in cordibus hominum ad inclinandum  
eorum voluntates quodcumque voluerit , ſiue ad bo-  
num pro ſua miſericordia , ſiue ad malum pro meritis  
eorum . Vnde Deus dicitur ſapius ſuſcitare aliquos  
ad bonum; dicitur etiam ſuſcitare aliquos ad malum.  
Nam ad bonum inclinatur hominum voluntates directè, &  
per ſe , tamquam author bonorum , ad malum autem  
dicitur inclinare , aut ſuſcitare homines occaſionaliter  
in quantum ſcilicet Deus homini aliquid proponit, vel  
interius, vel exterius , quod quantum eſt de ſe eſt in-  
ductiuum ad bonum , ſed homo propter ſuam malitiã  
peruerſè vtitur ad malum , &c. & ſimiliter Deus  
quantum eſt de ſe inſtigat hominem ad bonum, puta  
Regem ad defendendum iura regni ſui, vel ad punien-  
dum rebelles ; ſed hoc inſtinctu bono malus homo ab-  
vtitur ſecundum malitiã cordis ſui ; & hoc modo  
circa Pharaonem accidit , qui cum à Deo exaltaretur  
ad Regni ſui tutelam abuſus eſt hac excitatione in-  
crudelitatem .*

Optima quidem in hoc, & ſimilibus caſibus  
Sancti Thomæ ſpeculatio , quando nempe mate-  
ria,

ria, ad quam excitatur homo, est capax boni, & mali, tunc enim dici potest, quòd Deus excitet ad illum ob finem bonum; at si materia non est capax boni v. g. furtum, adulterium, blasphemia, &c. quæ non sunt boni capacia, dici nequit, quòd ad ea excitet Deus, sicut inquit Iacobus Apostolus, *Nemo cum tentatur, dicat, quod à Deo tentatur, Deus enim intentator malorum est. Sed vnusquisque tentatur à concupiscentia sua abstractus, & illectus.* In his ergo peccatis Deus permissiue tantum concurrat, vt inquit Augustinus, omnesque Doctores tenent, & ad materiale peccati influit, quia est omnipotens, & causa prima, sine qua nihil fieri potest. At de hoc argumento latius loquar in capitibus octauo, & nono.

## CAPVT V.

*An ex motiuo peccati, & cuius, Deus aliquos homines reprobauerit.*

27. **A**Du. 1. & suppono ex tract. de Volunte, ac Providentia Dei, quòd Deus ab æterno decernens creare homines, & caput omnium Adamum, decreuit creare eos liberos. 2. decreuit conferre Adamo præter alia (de quibus loqui non est necessarium) iustitiam originalem, & auxilium gratiæ, sine quo benè operari non posset. 3. decreuit in voluntate Adami complicare voluntates omnium hominum pro obseruantia primi præcepti Adamo imponendi, ita quòd si illud obseruaret, tam Adamo, quam omnibus hominibus prodesset pro perseuerantia status innocentiae; si verò Adam transgrediretur præceptum illud; illa transgressio noceret, tam Adamo, quam alijs omnibus in ammissione diuinæ gratiæ, seu filiationis Dei adoptiue, iustitiæ originalis, ac sta-

In quibus casibus applicatur doctrina S. Thomæ.

In cap. 8. & 9. fusiùs de hoc agitur

Ordo decretorum Dei ab æterno circa creationem hominum, prædestinationem, & reprobationem.



tus innocentiz . 4. decreuit præcipere Adamo, ne de ligno scientiz boni, & mali comederet, cum comminatione mortis si comederet . 5. decreuit permittere, vt Adam suo libero arbitrio vteretur, & auxilio illi offerendo, si vti vellet. 6. præuidit, quòd Adam non esset vsurus diuino auxilio in obseruando præceptum hoc, sed esset vsurus suo libero arbitrio, & transgressurus præceptum, comedendo de ligno vetito; & sic tam pro se, quàm pro alijs omnibus ammissurus esset gratiam, seu amicitiam, ac filiationem Dei adoptiuam, statum innocentiz, & habitationem Paradisi terrestris. His autem decretis factis, & lapsu Adæ, cum tota posteritate, præuiso, deuenit ad decreta prædestinationis aliquorum, & reprobationis aliorum. Hæc omnia supponenda sunt iuxta S. Augustini doctrinam.

Decretum  
Dei de  
concurrē-  
do ad om-  
nes homi-  
num actus.

Permissiue  
Deus con-  
currit ad  
peccatum.

28. Adu. 2. quòd præter alia decreta, quæ Deus condidit, tam circa prædestinatos, quàm circa alios non prædestinatos, hoc fuit vnum de concurrento cum eis ad omnes eorum actus; ad bonos quidem positiuè, tam ad materiale eorum, quàm ad formale, idest ad bonitatem quoque eorum: ad malos verò non eodem modo, vt postea dicam, sed permissiue tantum; & hoc modo per omnes saluatur, quomodo Deus non sit author peccati, nec ad illud concurrat per se, vt ait Concil. Trid. sed permissiue tantum.

Ab æterno  
Deus nouit  
omnia fu-  
tura.

29. Adu. 3. quòd vt suppono ex *tract. de scientia Dei*, Deus ab æterno nouit omnes actiones, siue bonas, siue malas, quæ à quouis homine toto vitæ tempore eliciendæ sunt, ex *Psal. 138. Tu Domine cognouisti omnia nouissima, & antiqua*: neque de hoc est controuersia in scholis. Omnes enim fatentur, Deum præuidisse omnia hominum

minum peccata , toto eorum vitæ tempore patrandæ ; & multos in eis decessuros , & ex horum præuisione illos reprobasse . Immò, vt in *Opusc. præced.* patuit, Theologi multi, prædestinationem quoque ex bonorum operum in gratia , & cum auxilio diuinæ gratiæ faciendorum præscientiæ factam esse docent .

30. Adu. 4. quòd cùm inter reprobatos adsint diuersi, ætatis, sexus, conditionis, & graduû pœnarum ad quas destinati sunt, ordines ; prius de generali motiui reprobationis agemus; deinde de particularibus , sed sub generali contentis. His suppositis

31. Dico 1. Secundùm S. Augustinum, & veritatem, Deus neminem reprobauit, nisi post præuisionem peccati Adæ influentis in omnes posteros , & post præuisa istorum peccata, respectiue .

32. Prob. ex S. August. in *lib. 1. operis imperfecti contra Iulianum cap. 65.* vbi discutens illud Apostoli , *Per vnum hominem peccatum intrauit in mundum, & per peccatum mors, & ita in omnes homines pertransiit,* inquit, *quia iustum non erat, sine crimine transire supplicium: & in cap. 130. ait, Vasa iræ dicit, quæ sunt perfecta in perditionem; quod iniustum esset, nisi omnibus ex vno in condemnationem venientibus, iam damnata massa esset .*

33. Confirmatur ex eodem in epist. 106. *Pid namque, & veraciter creditur, Deum nocentes, atque impios iustificando à pœnis liberare; quemquam verò immeritum, & nulli obnoxium peccato, si Deus damnare creditur, alienus ab iniquitate nō creditur; & infra. Quæ cum ita sint, audeant disputare, & quibus possunt persuadere contendant, Deum iustum, apud quem non est iniquitas, paruulos à peccatis proprijs innocentes, si nec illo ex Adam obligati, &*

Ex præuisione peccati Adæ. & aliorum facta fuit reprobatio .

Multa S. Augustini dicta .

Paruuli ob  
originale  
tantum re-  
probati.

S Fulgen-  
tius idem  
docet, ob  
peccata  
præuisa  
factam re-  
probatio-  
nem.

Ex S. Scri-  
ptura.

obstricti sunt, morte perpetua damnaturum, quod absurdissimum est, & à iustitia Dei alienum. Igitur ob peccati præuisionem, saltem originalis pro paruulis, facta est reprobatio. 3. S. August. alijs in locis de hoc argumento plura dicit; in lib. de unitate Trinitatis cap. 7. ait. *Non enim iniustitia est apud Deum, ut damnet eos, qui nihil omninò peccauerunt.* In lib. 1. cont. Iul. cap. 7. ait. *Iam tu responde, utrum Deus iustus, nulli obnoxium peccato imaginem suam priuare vita possit aterna?*

34. Sanctus Fulgentius lib. 1. ad Monimum, circa finem, inquit, *Tales ad interitum prædestinauit, quia talibus iustæ punitiois supplicium præparauit. Quod utique manifestò Dominus ipse sermone perdocuit in eo, quod à se ostendit paratum non solum regnum, ubi latentur boni, sed & ignem æternum, ubi crucientur mali. Bonis etenim dicturus est, venite benedicti Patris mei, percipite Regnum vobis paratum à constitutione mundi. Malis autem d. cturus est, ite maledicti in ignem æternum, qui paratus est Diabolo, & Angelis eius. Ecce ad quid Dominus iniquos, & impios prædestinauit, idest, ad supplicium iustum, non ad aliquod opus iniustum, ad penam, non ad culpam.*

35. Prob. tandem ex Matth. 25. ubi Saluator prædicat, quid dicturus, & facturus sit cum reprobis in die iudicij; *Tunc dicet his, qui à sinistris eius erunt, ite maledicti in ignem æternum, qui paratus est Diabolo, & Angelis eius. Et assignat rationem huius sententiæ; esuriui enim, & non dedistis mihi manducare, sitiui, & non dedistis mihi bibere. &c. Si igitur propter peccata damnat, propter hæc damnare decreuerat; ut enim in cap. 2. dixi, reprobatio, immò, & omnia alia decreta Dei, ut ex Opusc. 1. cap. 2. ab æterno facta sunt.*

36. Dico 2. ad particularia descendendo, Paruuli, qui damnantur sine baptismo nunc; aut olim sine circumcisione in lege veteri, aut alio remedio in lege naturæ, ob hoc solum originale peccatum (in quo decessuri præuisi sunt) reprobati fuere.

37. Prob. & de fide supponitur; primò, quòd omnes paruuli sine remedio contra originale, respectiue pro omni tempore damnentur ad pœnam damni, idest negationem perpetuam visionis, ac fruitionis, Dei, & S. Augustinus addit aliquam etiam sensus, licet (ait) micissimam. 2. Quòd paruuli omnis status, ac legis incurrerint in peccatum originale, non enim fuerunt melioris conditionis paruuli Gentilium, & Iudæorum, quàm Christianorum. 3. Quòd omnes indiguerint remedio aliquo à Deo destinato ad eius dilectionem. Nunc sic arguo. Deus iustè ob aliquam culpam paruulos istos damnare statuit ab æterno: Sed aliam in eis non præuidit, nisi originalem: Ergo ob istam tantum reprobauit; quæ conclusio ex principijs fidei est euidens.

38. Prob. ex S. Augustino lib. 5. contra Iul. cap. 11. *Quis dubitauerit paruulos non baptizatos, qui solum habent originale peccatum, nec ullis proprijs aggrauantur in damnatione lenissima futuros, quæ qualis, & quanta erit, quamuis definire non possim; non tamen audeo dicere, quod eis, ut nulli essent, quàm ut ibi essent potius expediret. Quamuis antea dixisset. Ego autem non dico paruulos sine Christi baptismo morientes, tanta pana esse plectendos, ut eis non nasci potius expediret, cum hoc Dominus, non de quibuslibet peccatoribus, sed de selectissimis, & impijs dixerit.*

39. Secundò ex eodem in lib. de Corrupt. & Gra-

Paruuli ob  
solum ori-  
ginale re-  
probati.

In omni le-  
ge paruuli  
incurrerunt  
originale,  
& egerunt  
remedio.

Ex S. Aug.

Gratia cap. 7. vbi de diuersitate reprobatorum, sic de paruulis loquitur. *Qui per aetatem paruulam, nec credere potuerunt, sed ab originali noxa solo possent lauacro regenerationis absolui, quo tamen non accepto mortui perierunt, non sunt ab illa conspersione discreti, quam constat esse damnatam.*

S. Fulgentius sequitur Augustinum.

40. S. Fulgentius sequens Sancti Augustini sententiam, tam de causa damnationis, ac reprobationis, quam de poena etiam paruulorum, sic loquitur, in lib. de Fide ad Petrum cap. 3. *Qualitas malae vitae ab infidelitate incipit, quae ab originali peccati reatu initium sumit, in quo quisquis viuere ita incipit, ut ante finiat vitam, quam ab eius obligatione solvatur; si vnus diei, vel vnus horae spatio anima illa vixit in corpore, necesse est eam cum eodem corpore interminabilia gehennae sustinere supplicia, vbi Diabolus cum Angelis suis in aeternum arsurus est, qui & primus peccauit, & peccatum primis hominibus persuasit.*

Idem S. alibi paruulos ob originale reprobatos docet.

41. Idem in cap. 17. inquit, firmissimè tunc, & nullatenus dubites, non solum homines iam ratione videntes, verum etiam paruulos, qui siue in utero matrum viuere incipiunt, & ibi moriuntur; siue cum de matribus nati sint sine Sacramento Baptismatis ab hoc saeculo transeunt, ignis aeterni sempiterno supplicio puniendos; quia etsi propriae actionis peccatum nullum habuerunt, originalis tamen peccati damnationem carnali conceptione, & nativitate traxerunt.

S. Greg. Magn. secutus S. Aug. idem de paruulis dixit.

42. Eandem S. Augustini sententiam secutus est S. Gregorius Magnus lib. 9. moral. cap. 12. sic de paruulis loquens. *Quos, quia à culpa originis sacramenta salutis non liberant, & hic ex proprio nihil egerunt, illuc ad tormenta perueniunt, &c.*

43. Tandem præter ea, quæ in tom. de Nouissimis disp. de

de statu paruulorum diffusè dixi, Concilij Florentini definitionem adducam, quod in decreto Vnionis legitur. *Illorum animas, quæ in actuali peccato, vel in solo originali decedunt, mox in infernum descendere pœnis tamen disparibus puniendas.* Igitur cum paruuli ob originale damnentur, ob hoc præuisum reprobati sunt.

44. Dico 3. Alij omnes, qui in adulta ætate erant præuisi morituri in peccatis, siue cum proprijs, & actualibus tantùm, siue cum his, & originali etiam; ob ea peccata fuerunt reprobati, sed originatiuè ob peccatum originale.

45. Prob. 1. pars ex S. Augustino *lib. de Corept. & gratia cap. 13.* explicite id docente. *Hi verò, qui non pertinent ad prædestinatorum numerum, quos Dei gratia, siue nondum habentes vllum liberum suæ voluntatis arbitrium, siue cum arbitrio voluntatis, idè verè libero, quia per ipsam gratiam liberato, perducit ad regnum: hi ergo, qui non pertinent ad hunc certissimum, ac felicissimum numerum, pro meritis iustissime iudicantur.* Et assignat statim motiua. *Alij enim iacent sub peccato, quod originaliter de generatione traxerunt, & cum illo hereditario debito hinc exeuntes, quod non est regeneratione dimissum: aut per liberum arbitrium alia addiderunt (arbitrium inquam liberum, sed non liberum, liberum iustitiæ, peccati autem seruum) quo voluntur per diuersas impias cupiditates, &c. aut gratiam Dei suscipiunt sed temporales sunt, nec perseuerant, deserunt, & deseruntur, dimissi enim sunt libero arbitrio, non accepto perseuerantiæ dono, iusto Dei iudicio, & occulto.* Ista ergo peccata præuisa in his futura, fuerunt motiuum, vt Deus reprobareret illos, qui præuisi sunt in eis decessuri.

46. Quòd verò diuersi sint reprobatorum ordines

Adulti ob  
quæ peccata reproba  
ti.

Ob alia  
peccata et  
tiam facta  
fuit reproba  
tio.



Diuerſi re-  
proborum  
ordines .

240 DE REPROBAT. MALORVM.

dines, ſcilicet, paruulorum, ac adultorum ; item  
& eorundem adultorum , inde patet ex fidei  
principijs; quia omnes paruuli ſine baptiſmo de-  
cedentes ad vitam æternam non perueniunt , ſed  
ad pœnam, ad minus damni, deſtinantur ; inter  
adultos verò, qui damnantur, alij ſunt infideles ,  
& inter hos Pagani, Mahometani, Iudæi, ac Hæ-  
retici : alij fideles, qui Catholicam fidem ſequun-  
tur , & tamen in peccatis moriuntur : & omnes  
damnantur ad æternas pœnas quidem; ſed tamen  
diuerſorum graduum, ac intentionum; immò, &  
generum pœnarũ, vt latè diſſerui in *tomo de Nouiſ-  
ſimis in diſp. de inferno* . Nam Apocal. 18. 7. de  
tormentis inferendis damnatis dicitur, *Reddite  
illi, ſicut ipſe reddidit vobis , & duplicate duplicia  
ſecundum opera eius; in poculo, quo miſcuit, miſce-  
te illi duplum . Quantum glorificauit ſe , & in deli-  
cijs fuit; tantum date illi tormentum, & luſum* . Si  
ergo ad diuerſas pœnas, acriores, & duriores  
pro culparum diuerſitate addicentur mali ; ad  
eas, & propter eas culpas à Deo fuerunt ab æter-  
no deſtinati .

Secunda  
pars .

Ex peccato  
communi  
in Adamo  
prouenit  
originariè  
reprobatio

47. Prob. ſecunda pars , quòd ſcilicet origi-  
nariè ab originali peccato dependeat omnium  
reprobatio in Sancti Auguſtini, ac vera , meo vi-  
deri, ſententia . Nam ſicut in præcedenti Opu-  
ſculo probauimus, quòd poſt præuiſionem lapſus  
Adæ cum toto humano genere , Deus ex miſeri-  
cordia elegit aliquos ad gloriam relinquens al-  
ios in maſſa perditionis ; ex quibus aliquos ſta-  
tuit efficaciter vocare ad fidem, alios non, ex ſuo  
iuſto, ſed occulto iudicio ; aliquos decreuit per-  
mittere, vt in vna ſecta naſcerentur; alios in alia;  
omnibus ſtatuuit terminum vitę ; omnibus decre-  
uit dare concurſum ad opera propria , & permit-  
tere

tere ut suo libero arbitrio; omnibus decreuit gratiam sufficientem concedere: omnes tamen illos non electos pręuidit diuersis peccatis se maculatu-  
 ros, & in eis, vel illorum aliquibus, vel aliquo decessuros, & propter illa ipsos reprobauit. In hac rerum serie, patet euidenter, quod etsi adulti propter hæc reprobati sint immediatè, etiã si aliqui fuerint ab originali liberati; prima tamen origo, radix, & fons eorũ damnationis fuit originale, in quod lapsi sunt cum Adamo, & ex massa illa damnata non fuerunt discreti.

48. Prob. 2. ex S. August. in *Enchir. cap. 99.* ubi docet causam efficientem reprobationis esse diuinam voluntatem, supposita pręscientia lapsus humani generis, cum Adamo, sic. *Vides enim si capis, vniuersum genus humanum iam iusto iudicio diuino in apostatica radice damnatum, ut etiam si nullus inde liberaretur, nemo rectè posset Dei vituperare iustitiam; & qui liberantur, sic oportuisse liberari, ut ex pluribus non liberatis, atque in damnatione iustissima derelictis, ostenderetur quid meruisset vniuersa conspersio, & quod etiam iustos debitum Dei iudicium duceret, nisi eius indebita misericordia subueniret.* Igitur etiam si ob omnia actualia peccata non remissa homines damnantur de facto, & ob ea à Deo ab eterno pręuisa fuerint reprobati; origo tamen tam permissionis eorum, quàm negationis auxiliorum efficacium, ac indurationis aliquorum (ut postea dicam) fuit lapsus originalis pręuisus in illis.

49. Immò idem S. Augustinus in *lib. de Bono Persēuer. cap. 11.* sicut omnia bona opera electorum refundit in prędestinationem, tamquàm illorum originem, ita omnia mala non electis incessuris secundum desideria cordis eorum, & ne-

Ex S. Aug.  
 clarè habetur,  
 quod  
 radix reprobationis  
 fuit originale  
 peccatum.

August. si-  
cut omnia  
bona ope-  
ra electo-  
rum refun-  
dit in præ-  
destinatione-  
nem: ita  
omnia ma-  
la reprobo-  
rū in pec-  
catum ori-  
ginale.

Alia plura  
S. August.  
loca ad i-  
dem.

Ab origi-  
nali tam-  
quam à fō-  
te proce-  
dit repro-  
batio.

gationem efficacium auxiliorum, & impeniten-  
tiam finalem refundit in reprobationem securam  
ex peccati originalis præscientia, his verbis.  
*Proinde sicut Apostolus ait, non volentis, neque cur-  
rentis, sed misertis est Dei, qui & parvulis, quibus  
vult etiam non volentibus, neque currentibus subue-  
nire, quos elegit ante constitutionem mundi in Christo  
&c. & maioribus etiam his, quos prævidit, si apud  
eos facta essent suis miraculis credentes, quibus non  
vult subuenire, non subuenit, de quibus in sua præ-  
destinatione, occultè quidem, sed iustè aliud indi-  
cavit.*

50. Idem confirmatur ex lib. 1. ad Bonif. cap.  
1. Cum secundum propositum Dei unus vocatur, alius  
non vocatur: Vocato datur gratuitum bonum, cuius  
boni est vocatio ipsa principium: non vocato reddi-  
tur malum; quia omnes rei sunt ex eo, quod per unum  
hominem peccatum intrauit in mundum. Et paulò  
post, inquit, *Vbi dicitur, cuius vult miseretur; &  
quem vult obdurat, qui facit aliud vas in honorem,  
aliud in contumeliam, bonum quidem immeritò, &  
gratis datur, quia ex eadem massa est, is cui datur;  
malum verò meritò, & debitum redditur, quia in  
massa perditionis malo non malè redditur, & infra.  
Quis enim te discernit utique ab iræ vasis, à massa  
perditionis, quæ per unum omnes misit in damna-  
tionem.*

51. Et in lib. de Corr. & Gratia cap. 7. de re-  
probis, inquit, Non esse ab illa conspersione discre-  
tos, quam constat esse damnatam, euntibus omnibus  
ex vno in condemnationem.

52. In lib. de Bono Persæu. cap. 14. ait. Cæteri  
autem ( præter prædestinatos ) ubi, nisi in massa  
perditionis iusto Dei iudicio relinquuntur; ubi Ti-  
rij relictī sunt, & Sidonij, qui etiam credere pote-  
rant

rant, si mira illa Christi signa vidissent, & tamen, si altiore Dei iudicio à massa perditionis non sunt gratis prædestinatione discreti, nec ipsa eis adhibentur, vel dicta diuina, vel facta, per quæ possent credere. Et post. In eadem perditionis massa relictæ sunt Iudæi etiam, qui non potuerunt credere factis in conspectu suo tam magnis, clarisque virtutibus.

53. Ex quibus omnibus, alijsque ferè innumeris, quæ pro hoc argumento adduci possent Augustini dictis, clarè euincitur, quòd omnes etiam adulti, qui ex multis præiudicijs eorum finalibus peccatis, siue non fuerint ab originali liberati, siue etiam liberati, ob alia peccata damnantur, & reprobati ab æterno fuere, & originem suæ reprobationis originariè, & radicaliter, lapsum originale in Adamo, & cum Adamo debet confiteri.

54. Neque obstat id, quòd Concilium Tridentinum decernit in sess. 5. in §. penultimo, ubi definit, quòd in baptismo peccatum originale non raditur, sed omnino deletur, & idè in renatis per baptismum, nihil odit Deus, nihilque damnationis in eis remanet. Non inquam nostræ conclusioni obstat: primò, quia Concilium loquitur de iustificatis per baptismum, inquit, quòd ex parte originalis peccati nihil prorsus remanet in baptizatis, quòd eos remoretur ab ingressu Cælorum. 2. quia nos loquimur de reprobis etiam baptizatis; & non dicimus, quòd ob peccatum originale iam deletum per baptismum, damnentur, quia illud non reuiscit, & sine penitentia sunt dona Dei, ait Apostolus. Sed dicimus, quòd lapsus omnium hominum cum Adamo præiudicijs à Deo ab æterno, fuit in eis occasio decernendi exercitium suæ misericordiz in aliquos, & efficiendi eos vasa honoris

Conclusio  
generalis  
huius ar-  
gumenti.

Ad tacitā  
obiectionē  
responde-  
tur.

Originale  
deletum,  
in baptis-  
mo non  
reuiuiscit  
in repro-  
bis.

Quomodo  
ab origina-  
li pendeat  
reproba-  
tio.

Baptizati,  
si in pecca-  
to moriun-  
tur non dā-  
nantur ob  
originale.

eligendo ad gloriam, atque gratiam; & decer-  
nendi exercitium iustitiæ in alios, relinquendo  
quosdam in solo originali, non impediendo cau-  
sas naturales, ne mortem eis inferrent, vel in vte-  
ris matrum, vel paulò post egressis ex illis; quos-  
dam autem etiam liberatos ab originali, immò,  
& pluries tēporaliter iustificatos permittendo, vt  
ambulent *secundum desideria cordis eorum in adin-  
ventionibus suis*, & in peccatis vitam finiant; quos-  
dam tandem relinquendo in originali, ac permit-  
tendo, vt *secundum desideria cordis eorum viuant*, &  
in peccatis hi quoque vitam finiant, vt sunt om-  
nes Gentiles, Mahometani, ac Iudæi, qui non  
veniunt ad fidem, & ob hæc peccata præuisa eos  
reprobauit, & æternas, licet dispares pro di-  
uersitate demeritorum, pœnas destinauit; & hoc  
ordine, ac serie de facto in infernum morientes  
descendant. Itaque obiectio ex Concilio ad rem  
non est, nec etiam pro reprobis ab originali libe-  
ratis, quia pro eo non damnantur, sed pro alijs,  
si adulti sunt. Adde tamen, quòd licet in his ori-  
ginale deletum sit, & pro eo non damnentur ab  
eo liberati; quia tamen sequela remanens ex ori-  
ginali in baptizatis, licet non sit peccatum, ta-  
men ad peccatum inclinatur, nempe concupiscen-  
tia, vt ibi Concilium docet, & sic effectus peccati  
originalis, qui ad peccata diuersi generis incli-  
nat, cui vt Paulus *Rom. 8. ait*, cum difficultate re-  
sistitur, vt idem docet, multum conducit ad  
damnationem. Adde 2. Quòd ob originale cō-  
mune peccatum, genus humanum incurrit, non  
solum mortalitatem animæ moralem per culpam,  
& corporis physicam, ac naturalem; sed concu-  
piscentiam, ac ignorantiam, passionum immo-  
derationem, quæ inducunt ad iram, intemperan-  
tiam,

tiam, ad homicidia, furta, blasphemias, &c. item morbos diuersi generis, qui pariter ad peccandum incitant. Et ita originale, in reprobis baptizatis, per se non est causa damnationis; sed effectus eius ad eam conducunt, quia ad peccata inclinant, quæ sunt immediatæ damnationis causæ. Et hæc ad abundantiorē doctrinam dicta sunt; quia pro soluenda obiectione superflua sunt.

## CAPVT VI.

*De effectibus reprobationis.*

55. **A**Du. quòd reprobos multa consequuntur mala, tam naturalia, quàm moralia; nempe seclusio à Regno Cœlorum, damnatio ad æternam pœnam, priuatio finalis diuinorum auxiliorum, obcecatio, & obduratio, permissio peccandi; tentationes validissimæ, negatio doni perseuerantiæ finalis in bono. Præterea aliquibus accidunt multa mala naturalia, vt defectus corporei monstruosi, obtusitas ingenij, dementia, morbi molestissimi, vel insanabiles, odia, persecutiones, famæ, & bonorum, vel vtrorumque ammissio, & alia mala naturalia his similia: quæritur ergo, an omnia hæc, vel aliqua horum mala sint effectus reprobationis.

Mala, quæ consequuntur reprobos.

56. Dico mala naturalia, siue in bonis vite, siue famæ, siue fortunæ, quamuis aliquando etiã reprobis aliquibus accidunt, tamen non sunt effectus proprii, aut signa propria reprobationis.

57. Prob. Hæc omnia mala sunt reprobis, ac prædestinatis communia, ergo. Anteced. ex factis Sacræ Scripturæ probatur: Abel Sanctus ex inuidia

Mala naturalia nō sunt proprii effectus reprobationis.



dia Cain, quòd Deus respiceret ad munera illius, & non ad sua, occisus fuit. *Gen. 4.* Abrahamo Deo caro, bis Sara Vxor rapta fuit à Pharaone in Ægypto, *Gen. 12.* & ab Abimelech in Geraris. *Gen. 20.* Isaac Sanctus, cæcitare per annos plusquàm 40. laborauit, in qua & mortuus est. Ioseph castissimus spiritu prophetiæ à pueritia à Deo donatus, ob inuidiam à fratribus venditus; mancipiumque Putifarisi effectus, ob castimoniam, calumniam ab eius Vxore passus, & in vincula coniectus, annis ferè octo in eis permansit. Daud à Deo electus, & *secundum cor eius à Deo dictus*, persecutionem sæuissimam à Saule ob inuidiam; deindè à filio proprio Absalone cum publica decem Vxorum deturpatione, passus est. Tobias Sanctus cum ceteris à Salmanasar captiuus in Assiriam ductus fuit. Sanctus Iob bonis omnibus, ac filiis spoliatus, & lepra resperus, in Sterquilinio per plures annos testa saniem radens, à tribus consolatoribus impius putabatur.

38. Sancti Prophetæ, Isaias, Ieremias, Daniel, & cæteri, in bonis fortunæ, famæ, ipsiusque vitæ calamitates perpeffi sunt. Primus ab impio Manasse per medium sectus; secundus à Iudæis in Ægypto lapidatus; tertius ex Aulicorum inuidia, quia præpotens in aula prius Nabuch, deindè Darij Medi, bis in lacum leonum coniectus fuit; & sic de alijs (quos refert Apostolus *Hebr. 11.*) Veteris Testamenti Sanctis. Alia innumera extant in Nouo Testamento exempla Sanctorum, incipiendo à Ioanne Baptista, & prosequendo per Apostolos, omnesque Martires, qui complura mala bonorum, famæ, ac demum vitæ tolerantes prædestinationis præmium sunt assecuti. At ubi relinquimus Sanctum Sanctorum, Prædesti-

Exempla  
Seroorum  
Dei, qui  
mala natu-  
ralia, &  
fortunæ  
passi sunt.

Prophetæ  
ferè omnes  
mala mal-  
ta passi.

natorum caput, Dei filium Christum Deum, & hominem, qui tormala, insidiasque in fama, ac vita, ipsamque ignominiosam, ac opprobriosam mortem pati pro nobis dignatus est.

Idem de  
Sanctis No.  
ui Testa-  
menti ha-  
betur.

59. Perpetua inuidia ipsum Iudæi persecuti sunt: penè natum, Herodes illum tentauit interficere, vnde oportuit tenellum infantulum in Ægyptum transferre: in perpetua voluntaria egestate, & in labore continuo vixit: cùm prædicare cepit, continuis calumnijs fuit subiectus, modò impostoris, modò seductoris, modò, oh Deus! etiam insani. Bis lapidationem effugit; passionem denique immanem, seuamque, & opprobrijs ignominiosis refertam, Sanctissimus Dominus perpeffus est.

Christi Do-  
mini ex-  
plum, qui  
tot mala  
pati digna-  
tus est.

60. Concludendum ergo, quòd mala ista famæ, fortunæ, ac vitæ non sunt effectus, aut signa reprobationis, cùm etiam Sanctis, ac prædestinatis, & sæpè, ista accidunt, sintque in eis ordinata ad meritum, & præmium, & probantur etiam à Deo: nam Prou. 17. 3. dicitur, *sicut igne probatur argentum, & aurum in camino, ita probat Dominus. Flagellat enim interdum, quem diligit Dominus; vnde Tobias cap. 12. 2. sui libri, ait ad Deum; Quoniam tu flagellas, & sanas; deducis ad inferos, & reducis.*

61. Dico 2. Proprij, præcipuique reprobationis effectus sunt exclusio ab æterna vita, & destinatio ad æternam mortem, à Deo infligta ex præuisione peccatorum.

Effectus  
proprij  
reprobatio-  
nis qui  
sint.

62. Prob. Hos effectus de facto patiuntur reprobi, & vt supra diximus, & ex Matth. 25. hos Christus dicit, se infligturum illis: *ite maledicti in ignem æternum, qui paratus est Diabolo, & Angelis eius.* Et ex his præcipuè (à posteriori) sunt, & dicun-

Exclusio à  
Cælo, &  
destinatio  
ad infernũ.

Execratio,  
& obdura-  
tio, an esse.  
Aus, vel  
causa.

Pharaonis  
exemplum  
circa po-  
pulum He-  
braicum.

248 DE REPROBAT. MALORVM

dicuntur reprobat, seu reprobi; si enim hæc duo ab eis auferantur, reprobi non sunt, sed vel prædestinati, vel in statu neutro positi; qui secundum præsentem prouidentiam non datur, quia vt docet S. August. de Ciuit. lib. 15. cap. 1. *Dua sunt Societates hominum, quarum vna est, quæ prædestinata est in æternum regnare cum Deo; altera, æternum supplicium subire cum Diabolo.*

63. Dico 3. Obduratio, excecatio, seu auxiliorum diuinorum priuatio in reprobis accedentes, licet in aliquo sensu dici possint reprobationis effectus, tamen veriùs dici deberent peccatorum præcedentium à Deo præuisorum, ac pro eis reprobante, effectus; in eis tamen sunt.

64. Prob. prima pars: *Ex Rom. 9. Deus cuius vult miseretur, & quem vult indurat*: Et, sicut supra vidimus, Deus prædixit Moysi, se induraturum cor Pharaonis, sicut de facto indurauit, cum ex parte Dei iussus dimittere Populum, videntq; tot mirabilia, noluit dimittere; immò, quod plus est, ab initio tria prima signa virgæ in colubrum versæ, & deinde ex colubro iterum in virgam, & ranarum, ac aquæ Nili in sanguinem conuersæ, putauit esse demoniaca, & per suos Magos Iamnem, & Mambrem (vt ait Apostolus) curauit similia facere; & quando Magi illi non potuerunt ad instar Moisis producere Cinifes, & dixerunt, *digitus Dei est hic*, adhuc obstinatus, & induratus permansit, quamuis alia sex signa mirabilia videret. Et ita de multis alijs, qui plura signa per Martires, eorumque merita à Deo patrata, proprijs oculis conspexerunt, & tamen in infidelitate persenerunt, immò crudeliùs in eos exarserunt; & de Iudæis, Mahometanis, Paganis, & Hæreticis obstinatis communiter dicitur, quèd  
Deus

Deus dereliquit eos, excæcavit, & induravit; & sic effectus sint reprobationis, quia in omni conditione auxiliorum sufficientium præiisi sunt repugnaturi.

65. Prob. secundò. Probatum iam fuit, quòd reprobatio fiat ex præiustione peccatorum. At quoniam præiudit Deus, quòd aliquorum voluntates adeò peruersæ, & ad malum inclinatæ erant futuræ, quòd nullam admissuræ erant correptionem, ideò decreuit eas deserere; seu obsecare, & indurare, quod idem est, ac suis efficacibus auxilijs priuare; & ideò ex hoc capite dici potest, quòd reprobatio completè accepta comprehendat, nedum exclusionem à gloria, & damnationem ad pœnam; sed etiam excæcationem, & indurationem, seu derelictionem, & permissionem peccatorum.

66. Prob. secunda pars. Motiuum vnde mouetur Deus ad excæcandum, deserendum, & indurandum aliquem de facio, vt nuper dixi, est habituata peruicacia in malo, respuens omnem correptionem, omnemque vocationem, tam internam, quàm externam, vt inquit Dauid, *Psal.* 80. *Et non audiuit Populus meus vocem meam, & Israel non intendit mihi, & dimisi eos secundum desideria cordis eorum; ibunt in adinventionibus suis.* Procedit ergo ex malitia peccatoris peruersi, quòd Deus eum deserat, excæcet, & induret, ac permittat aliquem inuolui pluribus grauioribusque peccatis, vsque in finem, & pereat; & hoc est, quod dicitur de Iudæis *Io. 12. 40. cum tot signa fecisset coram eis, non credebant in eum, vt sermo Isaïe impleretur, quia excæcavit oculos eorum, & induravit cor eorum, vt non videant oculis, & non intelligant corde, & conuertantur, & saluem*

Ex præiustione peruersæ voluntatis, Deus statuit obsecrare.

Ratio cur induratio, & obsecratio dici possint causæ reprobationis.

eos. De hac excæcationis causa loquitur Paulus Rom. 11. 8. de illis, qui in Christum post tot signa non crediderunt; *Ceteri verò excæcati sunt, sicut scriptum est, dedit illis Deus spiritum compunctionis, oculos, ut non videant, & aures, ut non audiant usque ad hodiernum diem.* Si ergo mouetur Deus ad excæcandum, & ad obdurandum peccatorem peruiacem habituatum, & obstinatum; quia talem futurum præuidit, decreuit sic facere. Et nulla est in Deo iniquitas, nulla iniustitia, sed tota motiua causa in peccatorem est refundenda; ita ut ipse sit præuisus suæ miseriæ futurus faber, & prouocaturus Deum ad iusticiam exercendam.

Ex præuisione peccati, oritur decretum obsecrationis.

67. Prob. ex S. August. lib. de peccat. mort. & remiss. cap. 17. ubi de hominum peccatorum derelictione, sic habet: *Quia gratia non adiumentur, in ipsis illa causa est, non in Deo; damnandi prædestinati sunt propter iniquitatem superbiæ. In epist. 105. quæ est ad Sixtum, ait, Cuius vult miseretur, non iniustitiæ, sed misericordiæ gratia; & quem vult indurat; non iniquitate, sed veritate vindictæ.* Et infra. *Querimus meritum obdurationis, & inuenimus. Merito enim peccati vniuersa massa damnata est: nec obdurat Deus impertiendo malitiam, sed non impertiendo misericordiam; quibus enim non impertitur, nec digni sunt, nec merentur, ac potius, ut non impertiatur, hoc digni sunt, hoc merentur.*

Augustini sententia.

68. Idem S. Doctor in lib. de Gratia, & lib. arb. c. 5. dicit, *quando auditis, quod dicit Apostolus, cuius vult miseretur, & quem vult indurat, in eo quem seduci permittit, aut indurari, eius mala credite.* Et in cap. 21. ait, *Per hoc, quando legitis in libris veritatis à Deo seduci homines, aut obtundi, vel obdurari corda eorum, nolite dubitare præcessisse mala merita eorum, ut insit ista paterentur: quia malitiam*

*litiam non ipse fecit , sed aut originaliter tracta sit ab ipso Adam , aut creuit per propriam voluntatem .*

69. Idem Sanctus ad Simplicianum *lib. 1. qu. 2. ait . Vbi hic dicitur obdurare peccantes quosdam quia non eorum miseretur , quibus misericordiam non esse præbendam , æquitate occultissima , & ab humanis sensibus remotissima iudicat .*

70. Ex his ergo omnibus patet , quòd excepcatio , & obduratio , præsertim finalis , quæ important carentiam auxiliorum in peccatore peruiicaci , licet reperiantur in reprobis ex Deo non conferente efficacia auxilia ad conuertenda , & commutanda mala eorum corda in bona ; ad eas tamen infligendas mouetur Deus ex eorum peccatis in actu positis ; at quia ab æterno præiudic eos sic peccaturos , & ea auxilia demerituros , decreuit iustè ea non dare ; & sic , licet ab eo denegentur , ipseque sit causa denegationis ; quia tamen non includuntur primariò in decreto reprobationis , dici nequeunt immediati effectus reprobationis , sicut exclusio à Regno Cælorum : ex alia verò parte , licet peccator ipse sit causa suæ excepcationis , & obdurationis , mouens nempe Deum ad excepcandum , & obdurandum , adhuc status ille , in quo Deum mouet , originem habet à permissione vsus liberi arbitrij ad quodcumque malum ; hæc autè permissio oritur à reprobatione , saltem negatiua , si datur : & sic dici posset quòd est effectus reprobationis , siue immediatus , & primarius , siue mediatus , & secundarius . Dicatur quod placet , dùmmodò Deo non tribuatur iniquitas , quasi malitiam velit in reprobis , vt impudenter docuit Calvinus ; neque iniustitia , quasi puniat , seu penam miseris hominibus sine demerito inferat .

71. Dico 4. Permissio quælibet peccati non

Conclusio  
de causa  
obsecratio-  
nis , & in-  
durationis



Que per-  
missio pec-  
cati sit ef-  
fectus re-  
probatio-  
nis .

Etiā prę-  
destinati  
aliquando  
peccant.

Diuersi or-  
dines pec-  
cantium ,  
& in pecca-  
tis morien-  
tium .

Alij ordi-  
nes peccā-  
tium inter  
Christia-  
nos ,

est effectus reprobationis, sed sola permissio toto vitę tempore ; vel saltem peccati finalis , in quo decedit reprobus .

72. Prob. & declaratur prima pars . Multos iustos , ac prędestinatos permittit Deus peccare , vt in sacris litteris , & Ecclesiasticis Historijs legimus, etiam de Martiribus quibusdam, qui prima vice negarunt ; deindę spontę se obtulerunt Tyrannis, & fidę confessi, martiriũ passi sunt: ergo.

73. Prob. & declaratur secunda pars . Quidam enim homines ab vrero matris cum peccato egressi, numquam ab eo mundantur , sed toto vitę tempore in eo permanentes , alia propria , nedum infidelitatis , sed contra legem naturę addunt , & eis obruti decedunt , vt omnes Iudęi , Mahometani, & Pagani, seu Idolatrę . Hęc permissio in eis est reprobationis effectus, & supposita nostra fide, maius reprobationis signum apud nos assignari nequit ; quia *sine fide impossibile est placere Deo*, Hebr. 11. & Io: 3. *nisi quis renatus fuerit ex aqua , & Spiritu Sancto non potest introire in Regnum Dei* ; & Marci ultimo , *qui non crediderit condemnabitur* .

74. Probatur tertia pars . Innumeri ab originali mundantur , & tamen cüm adolescunt, in hęresibus instruuntur , & in eis moriuntur : in his permissio peccati est reprobationis effectus. Multi pariter baptizati , catholicę viuentes, sæpę per Sacramentum pęnitentię iustificati , tamen in peccatis moriuntur , vel quia recedunt à fide in hęresim , aut Mahometismum , aut Iudaismum ; vel quia Catholici quidem moriuntur ; sed vel adulteri, vel fornicarij, vel Sodomitę , vel Vsurarij , vel Simoniaci , vel alijs similibus onusti , ex improuiso , aut sine Sacramento pęnitentię ,

aut

tut sine valido Sacramento decedunt: in his cerè permissio sic peccandi est effectus reprobationis, ni velis dicere, vt in præcedenti conclusio-  
ne, quòd illa peccata præuisa sint motiuum, & causa reprobationis. Quodcumque dicatur, in miseris reprobatis reperitur eiusmodi iniseria.

75. Ex his autem multa scitu digna colliguntur. Primò, quòd dictum illud Dei per Dauid, *dimisi eos secundum desideria cordis eorum, ibunt in adinventionibus suis*, non conuenit electis, sed est effectus reprobationis; miseri, enim reprobi, sic ex sua mala inclinatione, & renitentia correptionis, ac orationis, vt à praua consuetudine liberentur, dimittuntur à Deo, vt faciant, quod volunt, & sic in peccatis moriantur: ita docet S. Augustinus lib. de *Gestis Pelagij cap. 3. Absit autè ut ij, qui secundum propositum vocati sunt, quos præscinit, & prædestinavit conformes imagini filij sui, vt pereant, desiderijs dimittantur. Hoc enim patiuntur vasa iræ, quæ perfectæ sunt ad perditionem. Illis ergo fit, quod scriptum est; tradidit illos Deus in desiderijs cordis eorum; non autem prædestinatis, quos regit spiritus Dei.*

76. Secundo colligitur, & est valdè potandum, quòd permissio primi peccati Adæ, & incurfus totius humani generis in illud, nullo modo dici potest effectus reprobationis. Tum quia, vt cum S. Augustino docuimus, decreta, tam prædestinationis, quàm reprobationis facta sunt, ab æterno quidem, sed post præuisionem lapsus Adæ, cum tota posteritate, & ex tunc massa generis humani facta est damnata, idest, Deo inimica, & ex ea, vt in primo Opusculo diximus, Deus discreuit aliquos ex misericordia; alios in ea reliquit ex iustitia; & in sequenti signo reprobauit, cum

Reprobi  
dimittuntur  
in desi-  
derijs suis

Permissio  
primi pec-  
cati Adæ,  
& incurfus  
aliorum,  
non fuit ef-  
fectus re-  
probatio-  
nis.

cum eo respectu, & ordine, nempe infantes morituros cum originali solo, addicens ad pœnam, damni: adultos verò ex præuisione peccatorum propriorum, ad pœnam damni, & sensus, iuxta proportionem grauitatis eorum; & sic permissio primi peccati Adæ, cum iacursu omnium, non potest dici effectus reprobationis; sed potius causa, & origo respectu illorum.

Tum etiam, quia si primum peccatum Adæ cum incurso aliorum esset effectus reprobationis, tam Adam, quam ceteri omnes, etiam Sancti vtriusque Testamenti, essent reprobati: Quod nedum falsum, & hereticum, sed fatuum est; effectus siquidem supponit causam; ideò si peccatum omnium est effectus reprobationis, si omnes cum Adam, & in Adam peccarunt, omnes erunt reprobati, quod absurdum est.

## CAPVT VII.

*An, & quinam assignari possit finis Dei in reprobatione hominum, & creatione eorum.*

77. **A**Du. 1. quòd licet, vt ait Apostolus, *nemo nouit sensum Dei, neque consiliarius eius fuit*; nihilominus ex ijs, quæ Deus ipse dignatus est per Prophetas, Sanctosque alios viros reuelare, multa alia inferre potuerunt Sancti Ecclesiæ Doctores. Ideò quærimus, an ex Sacris literis inferri possit, ob quem finem voluerit Deus homines permultos sinere peccare, & ob peccata illa reprobare, excludendo eos ab æterna vita, & damnando ad æternam mortem; eosque creare, & cum prædestinatis miscere.

78- Adu. 2. & suppono ex tractatu de Voluntate

Ex duplici  
ratione.

Ex his, quæ  
reuelata  
sunt potest  
aliquis fi-  
nis Dei  
colligi.

tate Dei, quòd, vt ex Prou. cap. 16. 4. habetur, *Vniuersa propter semetipsum operatus est Deus; im-  
pium quoque in diem malum.* Quoniam verò Deus  
non frustra, sed prudentissimè, ac sapientissimè,  
& iustissimè operatur omnia; sicut in psalmis ca-  
nitur, *Omnia in sapientia fecisti*; quærimus finem,  
ob quem homines reprobauerit; immò, cur eos  
creauerit, quos sciebat fore peccaturos, & se illis  
non esse parciturum; decreueritque eos cum ele-  
ctis permiscere.

79. Dico 1. Quamuis incognita, & inscruta-  
bilia sint iudicia, & fines particulares Dei; dici  
tamen potest, quòd supposita peccatorum præ-  
scientia vnus Dei finis in creatione, & reprobatione  
malorum fuerit suæ iustitiæ vindicatiæ e-  
xercitium.

Probari potest 1. ex Rom. 9. vbi Apostolus  
cùm præmisisset verba Malachiæ 1.2. *Iacob dilexi,  
Esau autem odio habui*, & verba Exodi 33. *Misere-  
bor cuius misereor, & misericordiam præstabo, cuius  
miserebor, & quod non est iniquitas apud Deum*,  
subdit, *Scriptura dicit Pharaoni: In hoc ipsum ex-  
citauit te, vt ostendam in te virtutem meam, & vt an-  
nuncietur nomen meum in vniuersa terra.* Et infra.  
*Quod si Deus volens ostendere iram, & notam facere  
potentiam suam sustinuit in multa patientia vasa iræ  
apta in interitum, vt ostenderet diuitias gloriæ suæ in  
vasa misericordiæ, quæ preparauit in gloriam, &c.*  
Igitur sicut finis Dei in prædestinando fuit exer-  
citiū suæ misericordiæ, ita finis in reprobando  
ob demerita, fuit exercitiū iustitiæ. Glos. ord.  
*Quid ergo, ait, per misericordiam eligit, per iustitiam  
reprobat.*

80. Confirmatur ex supra allato Prou. capi-  
e, *Vniuersa propter semetipsum operatus est Deus;*  
im-

Finis quæ-  
titur, ob  
quem Deus  
reprobauit

Vnus finis  
Dei in re-  
probando  
fuit iusti-  
tiæ exerci-  
tium.

Ex S. Scri-  
ptura.

*impium quoque in diem malum. Lyran. ait, idest extremi iudicij, vt in reprobis reluceat iustitia, sicut misericordia in electis, vt deducit Apostolus diffuse in epistola ad Rom. cap. 9.*

81. Prob. 2. euidenti ratione. *Deus iustus est, & misericors, & talis in Sacro textu sapissimè enunciat, & à Paulo dicitur, iustus Index reddens vnique iuxta opera sua.* Tunc sic. Potuisset Deus ab æterno decernere, & in tempore postea creare omnes homines Sanctos, & non permittere, vt libero arbitrio vterentur ad malum, sed denegare eis concursum ad malum; vel eos confirmare in gratia: At non sic fecit, sed cum facultate operandi bonum, & malum eos creauit. Cur hoc? tutius responderetur, *incompræhensibilia sunt iudicia eius*: nihilominus pro nostro captu, ex principijs Sacræ Scripturæ, dicimus id fecisse ad ostensionem potentiæ suæ, & liberalitatis in homines, faciens eos liberos ad quæcumque velint, vt postea ostendam. Item poterat Deus ab æterno decernere, & postea facere in tempore, sicut fecit homines liberos, ac omnium primum Adamū, & permittere, vt peccaret, ad probationem suæ libertatis; & potuit decernere, & postea exequi, de dando omnibus veniam in Adamo; & sicut decreuit facere aliquos tantum vasa misericordiæ, eligendo eos ad gloriam, & ad gratiam necessariam pro consecutione gloriæ; ita potuisset omnes facere vasa honoris, & misericordiæ; & tamen omnes tales non decreuit facere; sed aliquos eorum ob solum originale damnare; alios verò ob originale, & alia actualia, seu personalia, quæ ab eis patranda præuidit, reprobare; alios præterea decreuit ab originali, immò, & ab actualibus, ac proprijs sæpè liberare, sed postea permittere,

Prob. ratione.

Ex liberalitate sua, Deus fecit homines liberos ad bonum, & malum.

Discursus euicens ad Conclusionem.

tere, quòd vsque in finem non perseuerarent; & sic preuisos damnare. Ex quo discursu sequitur, quòd sicut finis Dei in liberando aliquos ex massa damnata, fuit exercitium suę misericordię; sic in relinquendo alios in ea, & damnando ad pœnam eternam, modo predicto, scilicet, ex peccatorum preuisione, finis eius fuit exercitium iustitię.

84. Confirmatur. Si dicatur predestinationem quoque quoad electionem factam ex preuisis meritis, sicut communiter tenetur de reprobatione; adhuc in vtroque casu Deus ad iusticiam exercendam vtrumque fecisset. Igitur per hoc, quòd dicitur electionem ad gloriam factam esse ex fine misericordię; non impedit, quin dicatur, reprobationem factam esse ex fine iustitię.

85. S. Augustinus inter alios fines (de quibus infra) ob quos Deus malos creauit, eosque reprobauit; vnum dicit, ostensionem iustitię. In lib. 2. de peccat. mort. cap. 18. sicut alibi sepè, docet, Deum in predestinando, & reprobando exercere misericordiam, & iusticiam. At quare circa illos misericordiam, & circa hos iusticiam, cum posset erga omnes exercere misericordiam; inquit, hoc non esse inquirendum, sic. *Quare autem illos velit conuertere, illos pro auersione punire; quamquã, & in beneficio tribuendo nemo iustè reprehendat misericordem, & in vindicta exercenda, nemo iustè reprehendat veracem, (idest iustum) Consilium tamen occultioris iustitię penes ipsum est.* Igitur, sicut in predestinatione Deus habet pro fine semetipsum misericordem; ita in reprobatione habet pro fine semetipsum iustum: & in lib. 1. ad Bonifac. cap. 20. ait, *Iam quomodo ista disponet, faciens alios secundum meritum vasa irę, alios*

A paritate  
predesti-  
nationis.

Ex August.  
finis repro-  
bationis in  
Deo est sua  
iustitia.

Cur non  
circa om-  
nes Deus  
exercet mi-  
sericordiã  
predesti-  
nando, oc-  
cultum est.



Plura Au-  
gust. loca.

Alij fines  
creationis  
& reprobationis.

Vnus finis  
extrinsecus  
Dei est  
experimen-  
tum electo-  
rum in vir-  
tutibus.

*secundum gratiam vasa misericordiae, quis cognouit sensum Domini, aut quis consiliarius eius fuit? At in lib. de bono Persen. cap. 8. dicit. Cur in eadem causa, me potius, quam illum puniet, aut potius illum, quam me liberabit, hoc non dico si queras, quare? quia in hac re, sicut iustè est iræ eius, & sicut magnæ misericordiae eius, sic inscrutabilia iudicia eius; & infra ait, in hac re cantandam esse misericordiam, & iudicium. Igitur supposita præscientia peccatorum, finis Dei in reprobando, seu puniendo, est iustitiæ exercitium, sicut in prædestinando est exercitium misericordiæ. Cur autem in illos, & non in istos in pari causa iustitiam exerceat, inscrutabile Dei iudicium est.*

84. Dico 2. Secundum Augustinum, alij plures fines, seu motiua assignari possunt in Deo in creatione, & reprobatione hominum, supposita præscientia peccatorum eorundem.

85. Prob. vnus finis, seu vnum motiuum, dici potest, quod sit exercitium, & experimentum electorum in virtutibus ob malorum infestationem: ita ex lib. 18. de Ciuit. cap. 15. *Inimici omnes Ecclesiæ quolibet errore cæcentur, vel malitia deprauentur, si accipiunt potestatem corporaliter affligendi, exercent eius patientiam; si tantummodò malè sentiendo aduersantur, exercent eius sapientiam; ut autem etiam inimici diligantur, exercent eius beneuolentiam, aut etiam beneficentiam, siue suafibili doctrina, siue terribili disciplina.*

86. Idem S. Doctor in Psalm. 106. assignās causam, cur Deus permittat Hæreticos externè etiam prorumpere in hereses, ait, *Potius illos pati intus semper; sed nos de illis non proficeremus. Cum autem separati sint, & quæstiones malignas inquietant nos, propositum est vobis ex illis, & inquisitio-*

sitionis studium, & timoris exemplum. Vnusquisque tremat, cum alterum videt exisse, tamquam ex illius exitu dicatur illi, qua propter, qui se putat stare, videat, ne cadat. Profunt ergo, qui exeunt. Nam si intus essent, & tam mali essent, nihil de illis prodesset: & in epist. 106. ait, Hæreticos à Deo permitti, vt emineant, qui probati sunt in eloquio Dei; quam sententiam Paulus expressit. Oportet hæreses esse, vt qui probati sunt, manifesti fiant in nobis. Et de Ciuit. lib. 11. cap. 18. clariùs ait. Neque enim Deus vllum, non dico Angelorum, sed hominum crearet, quem malum futurum esse præscisset, nisi pariter nosset, quibus eos bonorum vsibus commodaret; neque ita ordinem seculorum, tamquam pulcherrimum carmen, etiam ex quibusdam quasi antithesis honestaret. Et in psalm. 54. dicit, Ne putetis gratis esse malos in hoc mundo, & nihil boni de illis agere Deum: omnis malus, aut idèd viuit, vt corrigatur, aut idèd viuit, vt per illum bonus exerceatur.

87. Secundus finis, seu motuum Dei in creando malos, & reprobando illos post peccatorum eorumdem præscientiam, dici potest secundùm Augustinum, quòd fuerit, vt prædestinati agnoscant Dei misericordiam, qua cum eis vsus est, & Deum ex hoc continuò laudent.

Prob. ex eodem pluribus in locis. Primò ex epist. 106. ait, malos creatos, & reprobatos, vt ex eorum iniustis pœnis, ac debitis vasa misericordiae, quæ non suorum operum meritis, sed gratuita Dei gratia sunt ab illa concretione discreta, quid sibi collatū esset addiceret, vt omne os obstruatur, et qui gloriatur, in Domino gloriatur. Ibidem iterum dicit, Ibi gratia est indulgentia, vbi iusta posset esse vindicta. Et hoc euidentius apparet à pœna debita liberato, & gratis iustificato, quantum beneficii conferatur; quod alter æ-

Ob bonum  
electorum  
permittatur repro-  
bi.

Et ob pul-  
chritudinē  
vniuersi.

Secundus  
finis extri.  
secus Dei  
in repro-  
bando, qui.

Ut electi  
agnoscant  
Dei mise-  
ricordiā.

qualiter reus, sine punientis iniquitate punitur. Et in lib. de bono Persen. cap. 8. inquit, Deus iudex est; ac per hoc ab eo gratis datur gratia, & iusto eius in alijs iudicio demonstratur, quod eis, quibus datur, confertur gratia.

Multa S.  
August. lo-  
ca de hoc  
fine Dei  
in creatio-  
ne, & re-  
probatio-  
ne malorū

88. Et in psalm. 87. assignat mortuum, cur Deus creat reprobos, dicens, *occurrebat autem quæstio, quis sit usus istorum mortuorum, quid ex his agat Deus ad utilitatem corporis Christi, quod est Ecclesia? Et respondet. Ut in eis demonstretur gratia, quæ est in prædestinatis, qui secundum propositum vocati sunt. Unde ipsum corpus in alio psalmo dicit, Deus meus misericordia eius præueniet me. Deus meus demonstravit mihi in inimicis meis; & in psalmo 58. dixerat, Deus meus demonstravit mihi in inimicis meis quantam circa me habuit misericordiam, in illis mihi demonstravit, circa quos non habuit; nisi enim debitor suspendatur, minus agit gratias, cui debitum relaxatur.*

Bonum ele-  
ctorum in-  
surgit ex  
creatione,  
& reprobato-  
ne malorum.

89. Idem Sanctus lib. 1. ad Simpl. quæst. 2. plura dicit ad rem, & præcipuè sequentia. Quod ergo volens Deus ostendere iram attulit vasa iræ ad utilem alijs præstandum timorem, & ut notas faceret diuitias gloriæ suæ in vasa misericordiæ, quæ præparauit in gloriam. Etenim obduratio illa impiorum, utrumque demonstrat, & quod timendum sit, ut quisque pietate conuertatur ad Deum, & quantæ agendæ sint gratiæ misericordiæ Dei, qui in aliorum pæna, quid alijs donet ostendit. Si autem illa, quam de alijs exigit, non est iusta pæna, nihil donat alijs, à quibus eam non exigit; quia verò illa iusta est, & nulla est iniquitas apud Deum indicantem, quis sufficiat agere gratias ei, qui hoc remittit, quod si vellet exigere; nemo se rectè diceret non debere.

90. Alius finis, ac mortuum Dei in creandis,  
& re-

& reprobandis malis post præuisionem peccatorum eorundem, & permittendi, vt permixtim, cum prædestinatis commorentur, secundum Augustinum fuit, vt omnes homines humiliter, & cum timore suę damnationis uiuerent, nescientes de quorum sunt numero.

91. Prob. ex multis Augustini locis. Primò ex lib. de Sancta Virginitate cap. 40. An verò propter aliud credendum est, permittere Deum, vt misceantur numero professionis vestrę multi, & multę casuri, & casurę, nisi vt his cadentibus timor vester augeatur, quo superbia vestra comprimatur, quam sic odit Deus, vt contra hanc vnā se tantum humiliaret Altissimus.

92. In lib. autem de Bono Persę. cap. 8. inquit, hominibus autem videtur, omnes, qui boni apparent fideles, perseuerantiam vsque in finem accipere debuisse: Deus autem melius esse indicauit, miscere quosdam non perseueraturos certo numero Sancto-  
rum suorum, vt quibus non expedit in huius vitę tentatione securitas, non possint esse securi; multos enim a perniciosa elatione reprimat, quod ait Apostolus, qua propter, qui videtur stare, videat, ne cadat.

93. Idem S. Doctor in eodem lib. de Bono Persę. cap. 13. inquit. Ided quippè, vt supra diximus, non perseueraturi perseueraturis prouidentissima Dei voluntate miscentur, vt esse discamus non alta sapientes, sed humilibus consentientes, & cum timore, ac tremore nostram ipsorum salutem operemur.

94. Et in epist. 107. quę est ad Vitalem, idem prorsus dicit, Propter huius timoris utilitatem, ne regenerati, & pię viuere incipientes, tamquam securi alta sapimus, quidam non perseueraturi perseueraturis Dei permissione, vel prouisione, ac dispositio-

ne

Tertius finis creationis, & reprobationis maioris, fuit omnium humilitas.

Omnes humiliter uiuere debent ne labantur.

Vt omnes timeant de casu.

*trium rueret, nisi ei per Dominum nostrum Iesum Christum Dei gratia subueniret?*

98. Hæc ergo bona prædestinatis ex reprobatione malorum, ex creatione eorum, & inmixtione cum eis, proueniunt, & sic *Vniuersa propter semetipsum operatur Deus, etiam impium; ut eius iustitia, & misericordia in vtrisque exalteretur, & glorificetur. Amen.*

## CAPVT VIII.

*An Deus ex supposito decreto reprobationis, aliquo modo concurrat ad peccata reproborum.*

99. **A**Du. I. quod licet quæstio hæc pertineat propriè ad tractatum de concursu Dei cum causis secundis, abs re tamen non est hic aliqua discutere de Dei concursu, seu influenza ad actum peccaminosum cuiuscûque peccantis, num sit verus, & physicus influxus, an mera permissio, qua nempe Deus finit homines uti suo libero arbitrio, etiam circa obiecta mala, seu prohibita. Difficultas autem in eo consistit, quia cum Deus sit causa prima, & vniuersalis, debet ad omnem actum secundum creaturæ cuiuslibet concurrere: ideò videndum, an, vel quomodò ad actiones peccaminosas concurrat. Id autem censui in hoc Opusculo discutiendum, ut Deus optimus maximus ab iniuria authoris peccati, atque crudelis vindicetur: & mali homines excusatione indigni appareant, dum de Deo conqueruntur. Et quamuis in capite quarto huius Opusculi multa, & meritò dicta sint contra Calvinum, eiusq; gregales, dicentes quod Deus sua absoluta voluntate voluerit homines perdere, & quod malis

Cur hic  
tractatur  
de hoc pñ.  
do.

In c. 4. cōt.  
Calu. plu-  
ra dicta  
sunt ad a-  
liud pro-  
positum:

malis Angelis vtatur ad instigandum homines, & inducendum, vt peccent; nihilominus, cū hic agamus de causa peccati, quod pręuisum, fuit Deo mortuum reprobandi peccatores; operę pretium duxi, blasphemiam Caluinistarum iterum confutare: deinde mortuum inquirere, cur Deus decreuerit permittere, vt caderent, quos pręiudit casuros, cū potuisset non permittere, vel per denegationem concursus, ad opus malum, vel per collationem gratię efficacis ad opus bonum oppositum.

100. Adu. 2. Primum, quem legamus in Noua Lege, qui phanaticę dixerit Deum positiuę, ac effectiuę concurrere ad omnia peccata hominum, & æquę principaliter, sicut homines, teste S. Vincentio Lirinensē in *Commonit. aduersus prophanas vocum nouitates*, fuisse Simonem Magum, quem secuti sunt Cerdon, Marcion, & Manichęus, quem errorem cum Authoribus in Orco sepultum, ab eo reuocauit in pręterito sæculo impius Ioannes Calvinus. Is enim, non solum id sępę docet, sed in *lib. 1. Instit. cap. 4. §. 3.* deridet, immo repręhendit antiquorum sobrietatem, quod ausi non sint dicere, Deum velle positiuę peccata hominum, & ad ea concurrere; sæpiusque hanc impietatem replicat, vt in *lib. 1. instit. cap. 18. in lib. 3. cap. 23. §. 7. & 8.* & seqq. docet expressę Deum non permittere solum, sed efficaciter, & absolutę velle hominum peccata: & in eodem *lib. cap. 23. §. 4.* dicit, quod homo iusto Dei iudicio, ac impulsu facit, quod non licet: in *§. 6.* ait, quod ex externa Dei ordinatione factum fuit primum Adę peccatum. At contra impios istos nebulones sunt omnes tam Catholici, quā Heretici Theologi, sequentes Sacram

Blasphemię Caluini contra Deum, quę facit Authorem peccati.



Sacram Scripturam, ipsique Philosophi sequentes dictamen naturæ, vt mox patebit. Prius ergo videbimus, an positiuè, an verò permissiuè tantum Deus concurret ad peccata hominum; deinde *in cap. 10.* videbimus, cur ea permittat. Et loquimur de actualibus peccatis.

101. Adu. 3. quòd vt suppono *ex tract. de vitijs, & peccatis*, in quolibet peccato, siue commissionis, siue omissionis adsunt duo, vnum pro substrato, seu subiecto, alterum pro formali, seu forma peccaminosa; v.g. in furto, vel fornicatione, adest materialis ille actus capiendi bona alterius, vel coeundi carnaliter; qui sunt actus merè naturales; & adest in eis negatio rectitudinis debitæ in esse illis actibus, idest negatio conformitatis ad legem; lex enim præcipit, non furandum, non mæcandum; qui hæc non facit, habet conformitatem ad legem; hæc est bonitas: qui facit habet negationem huius cõformitatis, seu bonitatis. Hæc certa, & sine difficultate sunt. Sed difficultas est, quomodo, qui concurret ad actum illum materiale capiendi bona alterius, vel coeundi cum non sua vxore, cui necessariò connexa est deformitas, seu bonitatis carentia, non concurret ad illam deformitatem, seu bonitatis carentiam. Hoc opus, hic labor. Deus enim, vt causa prima, de necessitate causalitatis vniuersalis concurret ad omnem actum positium humanum: quomodo ergo saluabitur, quòd non concurret etiam ad deformitatem, quæ necessariò coniuncta est cum actibus illis posituiis. Hoc etiam videndũ.

102. Dico 1. Deus nullatenus concurret positiuè ad formale peccati, vt dici possit author peccati alicuius hominis.

Prob. 1. ex ipsismet Ethnicis Philosophis.

L1

Mer-

Duo const.  
deranda in  
actu pecca-  
minoso.

Difficultas  
hęc in quo  
constat.

Deus non  
concurrit  
ad forma-  
le peccati.

Ex Ethni-  
cis prob.

Trimegi-  
rus.

Plato neq;  
dici per-  
mittit.

Ex S. Scri-  
ptura Ve-  
ter. Test.

Ex Nouo  
Testam.

266 DE REPROBAT. MALORVM.

Mercurius Trimegistus in *Pimandro* cap. ult. ait,  
à Deo factore nihil turpe, nihil malum prodijt.

103. Plato de *Republica* dialogo 2. inquit; Bo-  
norum quidem solus Deus causa est dicendus: malo-  
rum autem quamlibet aliam causam querere decet.  
Et postea damnat docentes oppositum, inquiens,  
malorum alicui causam esse Deum, cum bonus sit,  
refellendum est omnino; nec permittendum hoc quem-  
quam dicere in sua Ciuitate, si bonis instrui legibus  
ciuitas debet. Et velut fidei inquisitor Christianus  
Catholicus, nec audiendam permittit hanc blas-  
phemiam, subdens, Nec quemquam permittendum  
audire, siue sit ille iunior, siue senior; siue carminibus  
hec inferantur, siue soluta oratione narrentur, tam-  
quam quæ neque dictu sancta sint, neque alijs vtilia,  
neque inter se consona. Quomodo sanctius loqui  
potuit quiuis Catholicus Doctor? & tamen ef-  
frons Calvinus ausus est delirare.

104. Prob. ex S. Scriptura, Psalm. 5. non  
Deus volens iniquitatem tu es. Deuter. 32. 4. Deus  
fidelis, & absque ulla iniquitate. Sapientie 14.  
odio est Deo impius, & impietas eius: Habacuh 1.  
Mundi sunt oculi tui, ne videant malum, & respice-  
re ad iniquitatem non poteris. Ezechiel. 18. Nun-  
quid voluntatis meæ mors impij, dicit Dominus? & cæ-  
tera plura loca Veter. Test. improbant Calvinista-  
rum impietatem.

105. Prob. 3. ex Nouo Test Ex 2. Petri. cap.  
3. Deus neminem vult perire: ex Rom. 3. Nunquid  
iniquus est Deus? absit, alioqui quomodo indicabit  
Deus hunc mundum? & cap. 9. nunquid iniquitas a-  
pud Deum? absit. Ex epist. 1. Ioan. cap. 3. pecca-  
tum in eo non est.

106. Neque dici potest, quod præceperit ho-  
minibus, vt peccarent. Nam Ecclesiast. 15. Ne-  
mini

*mini mandauit impiè agere . Non dicas per Deum , abest ; quæ enim odit , ne feceris , non dicas ille me implanauit . Non enim necessarij sunt ei homines impij . Vnde Iacobus in epist. Canonica docet , quòd Deus non solùm non peccat cum homine , aut iubet ei peccata , sed neque tentat eum ad peccatum . Neque cùm tentatur dicat , quòd à Deo tentatur ; Deus enim intentator malorum est ; ipse autem neminem tentat , sed vnusquisque tentatur à concupiscentia sua abstractus , & illeclus .*

Et per Ieremiam cap. 19. protestatur Deus , quòd peccata non præcepit , sic . *Ædificauerunt excelsa Baalim , quæ non præcepi , nec locutus sum , nec ascenderunt in cor meum .*

107. Prob. 4. Deus in toto Sacro Textu prohibet peccata , & comminatur penas peccantibus , ergo , nec ipse concurrit efficienter ad peccata ; neque ea imperat : euidens est consequentia ; iniuste enim ageret , si puniret opera sua , vel quæ ipse præcepit , vt fierent . Anteced. ex lectura Sacri Textus patet ; de prohibitione sufficiat vnus locus Isaia cap. 1. *Væ genti peccatrici , populo graui iniquitate , semini nequam , filijs sceleratis , dereliquerunt Dominum , blasphemauerunt Sanctum Israel , abalienati sunt retrorsum . Super quo percutiam vos vltra addentes præuaricationem ? Omne caput languidum , & omne cor mærens , &c. & post multa . Terra vestra deserta , ciuitates vestrae succense igni ; regionem vestram coram vobis alieni deuorant , & desolabitur , sicut in vilitate hostili , &c.*

108. De penis autem illatis à Deo ob peccata , quis fidelis Scripturam Sacram legens , diffiteri potest ? incipiat ab Adamo , & consideret in quas penas incurrerit , & in nobis easdem induxerit ob transgressionem diuini præcepti ; quàm

Deus non  
præcipit  
hominibus  
vt peccent.

Deus pro-  
hibet pec-  
cata .

Deus punit  
non præci-  
pit pecca-  
ta.

Multe pe-  
nz inflig-  
untur pro pecca-  
tis.

magnæ sunt amissiones status innocentie, immortalitatis, habitationis terrestris Paradisi, certitudinis eterne vite; incurfus in concupiscentiam, & ignoratiam, & pessimam hereditatem peccati originalis. Legatur peccatum, & pena Caini. Legatur exterminium generis, ferè totius, humani per diluuium, *ex eo quod cuncta cogitatio hominis intenta esset ad malum omni tempore*. Legatur subuersio quinque ciuitatum Palestine, Sodomæ scilicet, Gomorræ, Adamæ, Seboim, & Segor, diluuiio ignis, & sulphuris incensarum ob peccatum pessimum *Gen. 19*. Legatur occisio tot Myriadum primogenitorum Ægyptiorum ob tyrannidem, in Hæbreos, contra Dei mandatum, decem manifestis signis, Pharaoni, & ministris eius intimatum, *Exodi 12*. & seqq. Legatur submersio eiusdem Pharaonis cum toto exercitu in mari rubro, ob eorumdem Hæbreorum persecutionem, cum ab eo fugerent, *Exodi 14*. Legatur excidium viginti trium millium Hæbreorum sub monte Sinai iussu Moisis interfectorum, ob adorationem vituli, existente Moise in colloquio Dei in monte. Alia multa possem exempla adducere, de eiusmodi punitionibus notorijs à Deo inflictis ob peccata. Quis ergo, nisi insanus, dicet Deum esse peccatorum Authorem, cum hominibus peccare, aut peccata illis præcepisse, aut præcipere? absit. Sanctus est Deus, bonorum author, peccatorum osor.

109. Prob. eadem conclusio ex Patribus, & Ecclesiæ Doctoribus Græcis, & Latinis, quorum in vnum congerit Bellarminus in *tract. de Amissione gratiæ, & statu peccati lib. 2. cap. 9*. Omnes autem vnanimiter docent, impium esse asserere, quòd Deus sit author, seu causa peccati. Ex Græcis,  
Iusti-

Iustinus in *Dialogo cum Triphone* circa finem. Ire-  
neus, qui integrum librum scripsit contra Flori-  
num tenentem hunc errorem, ex Eusebio Cæsar.  
*lib. 5. Histor. cap. 19.* Clemens Alexandrinus *lib. 1.*  
*Stromat.* Origenes *lib. 4. contra Celsum.* Eusebius  
Cæsariensis *lib. 6. de præparatione Euangelica c. 5.*  
S. Athanasius in *orat. contra Idola.* S. Basilus  
*homil. 2. de opere sex dierum.* S. Gregorius Nisse-  
nus in *lib. 7. Philosophiæ cap. 1.* S. Gregorius Na-  
zianzenus *orat. 1. in Iulianum.* S. Ioannes Chry-  
sostomus *Homil. 22. in Acta Apostolorum.* Epi-  
phanus in *hæresim 66. Manichæi.* Theodoretus in  
*Epitome diuinorum decretorum cap. de Antichristo.*  
S. Cyrillus Alexand. *lib. 3. in Iulianum.* Et S. Io-  
hannes Damascenus *de fide orth. lib. 4. cap. 20.* Hi  
omnes Græci Patres, vt blasphemum, & impium  
dogma censuerunt, & impugnarunt, quòd  
Deus sit causa efficiens, seu author peccato-  
rum, quæ sunt ab hominibus, aut istis illa præci-  
piat.

110. Ex Latinis verò omnes nemine prorsus  
excepto (si Caluinistas cum suo impio magistro  
excipias) idem docuerunt, quod Græci. Tertul-  
ianus in *lib. aduersus Hermogenem.* S. Ambrosius  
in *lib. de Paradiso cap. 15.* & in *lib. 1. Exameron.*  
*cap. 8.* S. Hieronymus in *cap. 1. ad Ephes.* & in *cap.*  
*7. Eccles.* S. Prosper in *responsione ad capitula Gal-*  
*lorum cap. 12.* S. Fulgentius in *lib. 1. ad Monimum.*  
S. Gregorius Magn. *lib. 29. Moral. cap. 21.* Leo 9.  
in *epist. ad Petrum Antiochenum.* Hugo de S. Vi-  
ctore *lib. 1. de Sacrament. part. 5. cap. 27.* & omnes  
Scholarum authores, S. Thom. S. Bonau. Scotus,  
Alexander de Ales, & S. Augustinus, cui pro sua  
doctrina de electione aliquorum ex massa dam-  
nata, ad gloriam, & efficacem gratiam, ac de-  
sertione aliorum in eadem massa, ac reprobatio-

Omnes P.  
P. Græci  
dicunt im-  
pium esse  
asserere,  
quòd Deus  
sit author  
peccati.

Patres La-  
tini.

S. Aug. cui  
incumbe-  
bat hoc  
probare.  
dogma  
Manichæo-  
rum impu-  
gnat.

Pluribus  
in locis id  
præstat S.  
Doctör .

270 DE REPROBAT. MALORVM.  
ne ( licet ex præiis demeritis ) incumbere hoc  
dogma probare , vt obstrueret ora , nedum Ma-  
nichæorum , ac Massiliensium , sed & multorum  
Catholicorum nolentium pacato animo , & non  
præoccupato doctrinam eius in his materijs dis-  
cutere , pluries impium Manichæorum ( quòd Deus  
sit Author peccatorum nostrorum ) dogma refel-  
lit . Primò in lib. de natura , & Gratia contra Pe-  
lag. cap. 48. & 49. vbi docet , quod peccare nostrum  
est , at non posse peccare non est nostrum . 2. in lib. de  
Prædest. Sanctorum cap. 10. idem docet . 3. in  
lib. de natura , & Gratia cap. 54. docet , quòd pec-  
cata non diuino operi , sed humane voluntati , illius-  
que iustæ vindictæ tribuimus . 4. in disp. 2. contra  
Fortunatum , inquit , Peccata nostra , nisi à libera  
voluntate nostra essent , non essent peccata . 5. in lib.  
de vera Relig. cap. 14. ait , Peccatum vsque aded vo-  
luntarium malum est , vt nullo modo sit peccatum nisi  
sit voluntarium . 6. in lib. 3. cont. Iulianum Pelag. c. 3.  
dicit , peccati origo est voluntas mala , & peruersa .  
7. in lib. 7. Confess. cap. 3. ait , peccati causa est libe-  
rum arbitrium . Idem habet , in lib. 22. con. Fau-  
stum cap. 22. 8. de Gen. ad lit. lib. 11. cap. 9. dicit ,  
peccatores à se habent voluntatem malam ; à Deo au-  
tem naturam bonam , & iustam penam . 9. In quæst.  
super Exodum qu. 29. dicit , peccatorum origo in vo-  
luntate hominis est . 10. in lib. 83. qq. qu. 19. pecca-  
tum nulli imputatur , nisi in propria fuerit voluntate .  
11. in lib. 2. de peccat. mor. & remis. cap. 16. inquit ,  
peccatum nullum Deus habere iubet , cum scientia ta-  
men , nullum hominem hoc esse facturum . 12. in lib. de  
vera , & falsa penit. c. 16. docet , peccatū nullū ordina-  
uit , qui nullū relinquit impunitum ; ordinauit autē pē-  
nam amantibus culpam . 13. in lib. 1. de lib. arb. c. 2. &  
in lib. imperfecto de Gen. ad lit. c. 5. inquit , peccatorū  
nostrorū Deus author non est , ordinator tamen est , cū pec-  
cato-



catores in eo loco constituit, & ea perpeti cogit, quæ merentur. 14. In articulis sibi falsò à Semipelagianis impositis, art. 5. ait, peccati author Deus non est, & in lib. 2. de pecc. orig. cap. 27. in fine, & in lib. 2. cap. 3. de Symbolo ad Cathecumenos, inquit, peccati author est Diaboli decipientis calliditas; & hominis consentientis voluntas; nature verò author Deus. Ecce quòd S. Augustinus acriter defendit, Deum non esse causam peccati, nec præcipere peccatum; sed illud odio habere, & punire. Imò ait, misereri peccantium; & ideò remedium eis contulisse, vt reconcilietur, & vt in suam redeant gratiam, nempè pœnitentiam: ita in qq. Vet. & Novi Testam. qu. 102. & tract. 49. in Euang. Ioannis, inquit, Si peccatores Deus non amaret, de Cælo ad terram non descendisset, & in lib. de peccat. mor. & remis. cap. 26. & 27. dicit, peccatores querere, saluare, & illuminare venit Christus in hunc mundum, iuxta illud, venit filius hominis querere, & saluum facere, quod perierat.

111. Absit ergo ab humano corde peruersum, impiumque illud Caluini, & gregalium damnatum dogma, quòd Deus per se, & positiuè concurrat ad peccatum, vel præcipiat illud, aut cogat homines ad illud perpetrandum; cum peccantes puniat, iramque suam in eos effundat, ac in æternas pœnas eos condemnet. An verò, cur, & quomodò permittat homines peccare, nunc videndum est.

112. Dico 2. Deus non concurrat ad peccata hominum alio modo, nisi permittendo, vt homines vtantur libero suo arbitrio, vt sibi placet, tam scilicet circa obiecta, seu materias bonas, ac præceptas, quàm malas, seu prohibitas: ita communis Theologorum sensus.

Constantinus  
8 August.  
sententia,  
quòd Deus  
non sit au-  
thor pec-  
cati alicuius  
hominis.

Sed odit  
peccata, &  
miseretur  
peccanti sibi.

Deus per-  
missiuè tam-  
en se ha-  
bet ad ho-  
minum pec-  
cata.

Permittendi  
modus.

113. Prob. 1. euidenti ratione, supposito fidei principio, quòd Deus concurrat ad omnes effectus causarum secundarum, quæ est omnipotentia diuinæ proprietatis: *in ipso enim*, inquit Apostolus Act. 17. 28. *uiuimus, & mouemur, & sumus*. Tunc sic. Deus ad omnes actus liberi arbitrij, ex generali lege concurrat; quia omnes sunt creaturæ; ideòque essentialiter à Deo dependentes in fieri, & esse. Sed non concurrat effectiue, vel preceptiue, vt probatum est ad malitiam peccatorum; ergo concurrat permissiue, idest, permittendo, vt homo faciat, quod vult. Cur autem permittat, & permiserit in Adamo, dicetur postea. Consequ. prob. Alius modus concurrendi excogitari non potest, decens diuinæ bonitati, & omnipotentia, vt nempè nihil fieri possit à creatura, nisi volente Deo; & nulla sit iniquitas in Sanctissimo Deo. Modus autem permissionis, sic declaratur. Decreuit Deus creare homines, cum libero arbitrio ad faciendum, quod vellent; & decreuit præbere illis concursum ad omnes eorum operationes; præuidit autem, quòd pro sua libertate, opera mala, idest circa obiecta prohibita essent operaturi; & potuisset, si voluisset eos impedire non præbendo eis concursum ad operationes: at decreuit non impedire, & non negare concursum, sed sinere operari, vt vellent; & hoc est permittere. Neque video, quomodo possit aliter explicari hæc Dei permissio in peccatoribus: ergo.

Ex facto  
Cain.

114. Prob. 2. Conclusio ex Gen. 4. 7. dicit Deus ad Cain, *Nonne si benè egeris recipies; sin autem malè, statim in foribus peccatum aderit. Sed sub te erit appetitus eius, & tu dominaberis illius*. Et quia Deus non impediuit Cain ne occideret

deret fratrem suum , sicut poterat varijs modis impedire , sed permisit , vt suo arbitrio vteretur ad malum , & sic occidit fratrem suum .

115. Prob. 3. ex Ecclesiast. 15. 14. *Ab initio Deus constituit hominem , & reliquit illum in manu consilij sui . Adiecit mandata , & præcepta sua . Si volueris mandata seruare , conseruabunt te . Apposuit tibi aquam , & ignem ; ad quod volueris porrigere manum tuam . Ante hominem vita , & mors ; bonum , & malum , quòd placuerit ei , dabitur illi . Ecce quòd Deus ab initio sic fecit hominem , vt permitteret ei facere , quod vellet , etiam cum sciret operaturum fore malum , sicut accidit in Adamo , Caino , & omnibus peccatoribus .*

116. Prob. 4. ex psalm. 80. 12. vbi Deus dicit . *Non audiuit populus vocem meam , & Israel non intendit mihi . Et dimisi eos secundum desideria cordis eorum , ibunt in adinventionibus suis . Dimitte ergo , seu permittit , vt homines sua iniqua desideria exequantur .*

117. Prob. 5. ex Rom. 1. 24. vbi de iniquis peccatoribus Apostolus ait . *Propter quod tradidit illos Deus in desiderijs cordis eorum in immunditiam , vt contumelijs afficiant corpora sua in semetipsis , &c .* & post . *Tradidit eos Deus in passionem ignominie . Nā femina eorum mutauerunt naturalem usum , in eum usum qui est contra naturam . Similiter autem masculi relicto naturali usu feminae , exarserunt in desiderijs suis in inuicem , masculi in masculos turpitudinem operantes . Et post aliqua . Tradidit eos Deus in reprobum sensum , vt faciant , ea quæ non conueniunt , repletos omni iniquitate , malitia , fornicatione , auaritia , nequitia ; plenos inuidia , homicidio , contentione , dolo , malignitate ; susurriones , detractores , Deo odibiles , contumeliosos , superbos , elatos , inuen-*

Hominis  
liberum  
arbitrium  
in peccan-  
do ex Sac.  
Textu .

Alia Sacr.  
Script. lo-  
ca .

Ex Apost.  
Paulo .

tores malorum, parentibus non obedientes, insipientes, incompósitos, & sine affectione, absque federe, & sine misericordia, &c. Ecce quæ mala facere possunt homines ex suo arbitrio, Deo permittente; id enim significat illa dimissio Dei secundum desideria cordis humani, ac traditio in reprobum sensum, ut faciant homines quod volunt.

Theodoro-  
reti expli-  
catio.

118. Theodoretus in cit. loco ad Rom. Tradidit eos, inquit, illud tradidit posuit pro permisit, & infra. Illos sua providentia priuavit, & tamquam cimbam absque rectore ferri permisit, &c. Idem prorsus dicit in psalm. 80. & dimisi eos, &c.

S. August.  
de permis-  
sione sen-  
tencia.

S. Augustinus lib. 5. cont. Iulianum Pelagianum cap. 3. probat, quod sæpè aliquod peccatum est pœna alterius peccati, quod probat ex dictis locis Psalmi, & Pauli, nempe, quod Deus tradidit peccatores in reprobum sensum, non quidem, ait, per potentiam, quasi immittat in eis mala desideria, aut mala opera. sed ait per patientiam, quia eos deserit, & permittit, ut suo arbitrio utentes, ea committant. Et multa Scripturæ huius permissionis enumerat facta.

119. In lib. 13. de Trinit. cap. 12. ait, Modus iste, quo traditus est homo in Diaboli potestate; non ita debet intelligi, tamquam hoc Deus fecerit, aut fieri iusserit, sed quod tantum permiserit, iussit tamen.

Plura Au-  
gust. loca  
de permis-  
sione.

In lib. 5. cont. Iulian. cap. 4. inquit. Quàm verè innumerabilia Deus permittit fieri ante oculos suos, quæ utique, si nolisset, nulla ratione permetteret; & tamen iustus, & bonus est, & quod præbendo patientiam dat locum penitentiae, nolens aliquem perire; nouit Dominus, qui sunt eius, & infra explicans illud Rom. 1. tradidit illos (idest reprobos) in passionem ignominiae, dicit, hoc Deum facere miris, & ineffabilibus modis; sed semper iuste.

120. In epist. 89. ait. *Dicitur est, ne nos inducas in tentationem, quod intelligitur, ne nos inferri deferendo permittas.*

In lib. 10. cont. Faustum cap. 9. ut Deum vindicet à calumnia scelestorum hominum, qui in Deum suas iniquitates refundunt, inquit. *Hi perturbati homines non intelligunt, in vno eodemque opera mala, non postea consequente alia, quæ manifesta erit, sed quadam comitante vindicta, aliud venire de astutia suadentis, aliud de nequitia nolentis, aliud de iniustitia punientis: cum Diabolus suggerit, homo consentit, Deus deserit.*

121. In lib. 20. de Ciuit. cap. 19. dicit. *Nec dubitauit Apostolus addere, & dicere: idcirco mittet illis Deus operationem erroris, ut credant mendacia. Deus enim mittet, quia Diabolum ista facere permittet, iusto ipse iudicio, quamuis faciat ille iniquo, malignoque consilio.*

S. Hieronym. in cap. præfatum Epistolæ ad Rom. ibi, *Propter quod tradidit illos Deus in desiderijs cordis eorum, ait, in hoc, quod Deus tradidisse dicitur proprijs desiderijs peccatores, ostendit, non quod ipse sit causa, sed quod per longanimitatem, & patientiam, non inducendo vindictam, patitur eos secundum cordis sui agere voluntatem. Hoc facit volens eos ad penitentiam conuerti. Idem dicitur tradere in scripturis Deus, cum non retinet delinquentes propter arbitrij libertatem, sicut in psalmo dicit dimisi eos secundum desideria cordis eorum; ergo.*

122. Pro coronide harum probationum, quod Deus non per se concurrat ad peccata hominum, sed permissiue tantum, ponamus decretum Concilij Trid. sess. 6. can. 6. *Si quis dixerit non esse in potestate hominis vias suas malas facere; sed mala opera, ita ut bona Deum operari, non permissiue solum,*

Varijs argumentis  
S. August. probat Deū  
peccata hominum  
non patrare, sed per  
mittere tantum.

S. Hieron.  
idem docet de di-  
uina per-  
missione.

Conc. Tri-  
dent. decre-  
tum hoc to-  
tum confir-  
mat.

*lum, sed propriè, & per se, adeò sit proprium eius opus, non minùs proditio Iudæ, quàm vocatio Pauli, Anathema sit.* Idem docuerat Concil. Arausic. secundum: ergo de fide est, quòd Deus permissuè tantùm se habeat in peccatis hominum.

## CAPVT IX.

*In quo solvuntur potiora argumenta de Dei concursu ad hominum peccata.*

123. **A**Du. quòd, licet in præcedentibus sufficienter demonstratum sit, quòd Deus nec effectiuè, nec præceptiuè concurrit ad peccata hominum, immò ea odit, ac prohibet, & punit; sed permissuè tantùm, quatenus finit, vt homines suo libero vtantur arbitrio, etiam circa prohibita, & potens impedire, vel subtrahendo vires hominibus, ne operentur mala, vel alijs modis impediendo, hoc non facit: tamen, quia nunc Calvinistæ, & olim Marcionistæ, ac Valentiniani, & Manichæi multa afferunt argumenta ex Sacra Scriptura, & alia ex ratione deducta, quibus probare nituntur Deum effectiuè, vel præceptiuè ad omnia hominum peccata concurrere: decreui aliqua ex eis in medium afferre, ac solvere, ne Tyrones incauti decipiantur.

124. Adu. 2. quòd quamuis omnis peccans suo vtens libero arbitrio Deum deferat, ideòque à Deo deferatur, vt ex S. Augustino docet Concil. Trid. sess. 6. cap. 11. & hoc accadat in omni peccato, & sic omnis peccans à sua concupiscencia vehementi obfuscatus, & obcæcatus peccet: hæc tamen obcæcatio non semper est illa magna, quæ dicitur etiam induratio, de qua loquitur Isa-



ias cap. 53. & refert Saluator Ioan. 12. quam Deus immittit in aliquos, in penam aliquorum grauium peccatorum, vt mox patebit; quam ob causam prefati blasphemi effutierunt, Deum in ijs casibus peccare. Prius ergo adducam loca ista de obcecatione, & induratione, quæ à Deo immissa, seu tradita legitur pessimis, ac reprobis hominibus; quæ, permissio quidem est, sed considerabilior; deinde de alijs simplicibus permissionibus, siue ex Sacra Scriptura, siue ex ratione causæ vniuersalis deducta argumenta asseram, & Deo adiuuante soluiam.

125. Primum argumentum ex Veteri Testamento desumptum est euulgarissimum factum de Cencres Pharaone Exodi 4. 21. & cap. 7. 3. Deus dicit Moysi, *ego indurabo cor Pharaonis*. In cap. 8. 12. dicitur, *indurauit Dominus cor Pharaonis*. In cap. 10. 1. *ego enim induraui cor eius*. Idem replicatur in pluribus alijs capitibus libri illius. Ergo (inquiunt Hæretici illi) Deus fuit causa, cur Pharaon ad primum Moysi nuncium crudeliter tractaret Iudæos, deinde etiam visis tot Moysis miraculis, eos non dimitteret, si enim Deus eum non indurasset, paruisset.

126. Resp. consequentiam esse voluntariam, & malè ex præmissis deductam; quia in penam scelerum à Pharaone patratorum, ac patratorum, quæ Deus præsciebat, statuerat deserere, & obcæcare, seu indurare Pharaonem, ne pareret. Nā præter peccatum Idolatriæ circa Apim, & alia, quæ nescimus; iniuste, ac tyrannicè addixerat crudeli seruituti populum Hæbraicum, qui per annos 400. erat liber incola in Ægipto; & crudeliter eum tractabat, vtendo illo in ædificijs maximarum Pyramidum, vnde Deus Exodi. 4. dicit

Moi-

Obcecatio  
duplex: vna  
in omni  
peccato; al-  
ia in pœ-  
nam pec-  
cati.

Factum  
contra  
Pharaonē  
ex libro Ex-  
odi.

Ratio cur  
Deus indu-  
rauit Pha-  
raonem.

Ordo deli-  
torum  
Pharaonis

Moisi, se iratum cum Ægyptijs *propter duritiam eorum, qui praeerant operibus* : & perueniente ad Pharaonem Moise, ac explicante Dei mandatum, vt populum dimitteret; non solum non paruit, sed iussit duplicari labores diurnos Iudaeorum, & vapulare eos, qui laborem non perficiebant. Ventum est ad tria miracula Virgæ conuersæ in serpentem, & rursus ex serpente in Virgam: conuersionis aquæ totius Nili in sanguinem per dies septem; ebullitionis ranarum in maxima copia per totam Ægyptum; & non credidit; immò putans esse præstigia demoniaca, curauit per maleficos Iannem, & Mambrem (vt ait Apostolus) fieri apperentia similia per Dæmonum artem: at Virga Moisis deuorauit virgam maleficam, idest, fecit eam euanescere: at Pharaon non credidit. Moises edidit miraculum Ciniphum in tota Ægypto. Tentarunt malefici facere similia, & non potuerunt; immò dixerunt, *digitus Dei est hic*: neque credidit Pharaon. Quid ergo mirum, si Deus in pœnam tot scelerum, tantæque incredulitatis, eum dereliquit, obcæcauit, & indurauit, vt neque post alia sex horribilia signa vellet populum dimittere; & postquam dimisit, de hoc facto pœnitens, illum cum exercitu magno persecutus est, donec in mari rubro, cum toto exercitu suffocatus simul cum illo, temporalem vitam amisit, & mortem eternam est consecutus. Pœna ergo priorum peccatorum fuit induratio.

Vnde ob-  
cecatio, &  
obduratio  
Pharaonis

Aliud ar-  
gum. Cal-  
uini ex Io.  
sue.

127. Secundus locus, ex quo desumitur argumentum, est in Iosue II. vbi dicitur, *Domini sententia fuerat, vt indurarentur cõrda eorum, & pugnarent contra Israel*. Ergo Deus indurauit, & fuit causa, vt non se traderent Iosue in Seruos, sed

sed obstinati necarentur .

228. Resp. ex eodem capite, & ex alijs præcedentibus haberi solutionem: Deus enim præceperat Moysi, & per hunc Iosue successori, & toti populo, vt omnes Cananæi, vtpotè Idolatræ, &c. ad vnum necarentur completa enim erat eorū malitia, propterea eos deferere statuerat, vt neque humiliare se possent Hēbreis, ab eisque veniam petere, & eisdem Ciuitatum clauēs tradere: ideo subdit Textus, *Et pugnarent contra Israel, & caderent, & non mererentur vllam clementiā, ac perirent, sicut præceperat Dominus Moysi*. Regula ergo vniuersalis, ex Augustino, est; vt quoties in Sacro Textu legitur obduratio, vel excecatio alicuius à Deo ex hominū obstinata malitia proueniēs; intelligatur desertio, qua Deus aliquem obstinatum peccatorem priuat suo auxilio ad resipiscendum, & permittit eum vti suo libero arbitrio in malum, vt cadat, & totum hoc in pœnam priorum peccatorum: pluries autem id docet S. August. primò in epist. ad Sixtum, quæ est 105. *Non obdurat Deus impartiendo malitiam; sed non imperitendo misericordiam*. 2. in lib. 1. ad Simplicianum qn. 2. ait, *obdurare Deum est nolle misereri; nec ab illo irrogatur aliquid, quo sit homo deterior, sed tantum, quo sit melior non erogatur*. 4. in lib. 5. cont. Iul. cap. 3. ait, *cacitas mentis, quam solus Deus illuminator remouere potest, & est peccatum, quo in Deum non creditur, & est pœna peccati, qua cor superbum digna animaduersione punitur, & est causa peccati, cum aliquid mali cœci cordis errore committitur*. Hæc, & alia plura Augustinus. Itaque non Deus est author peccati, sed ipsemet peccans, qui non curans, sed spernens Dei illuminationes; & inspirationes, à Deo deseritur in pœnam suorum peccatorum.

Cur Cananæos Deus deseruerit, & indurauerit.

S. August. doctrina, quare, & quando Deus obcecat, & indurat.

Factum Ioseph in Ægypto venditi.

129. Tertius locus, quo Phanatici vtuntur habetur, *Gen. 45. & 50.* In primo, cum Ioseph venditus Ismaelitis à fratribus, & ab Ismaelitis Putiphari Magistro militum Pharaonis, deinde ex Dei prouidentia factus à Pharaone Ægypti Primus Minister, & se, vt ibi, fratribus manifestasset, hique stupidi, ac trementes de vindicta iusta timerent, veniamque implorarent, Ioseph consolans eos dixit, ne timerent, & adducen- huius causam excusantem illos, dixit, *Non vestro consilio, sed Dei voluntate huc missus sum.* Et in *cap. 50.* cum ab officio pietatis sepulturæ Patris sui Iacob de Hebron reuerteretur in Ægyptum, magis timentes fratres de vindicta, & iterum, veniam de in eum patrato delicto petentes, se humiliter benignitati Ioseph commendarent; Ioseph ait, *Nolite timere; num Dei possumus resistere voluntati?* ex quo duplici dicto, Phanatici inferunt, quòd fratres Ioseph ex Dei consilio, ac voluntate fratrem persecuti sunt, eumque venderunt.

Dno confi-  
deranda  
in casu Ioseph. Vnū  
malum, quod fuit à fratribus, alterū bonum, quod fuit à Deo.

130. Resp. ad primum, *Non vestro consilio*, &c. quòd duo consideranda sunt in Ioseph casu. Primum est venditio facta ex inuidia Fratrum. Secundum est exaltatio eius in Ægypto. Primum fuit peccatum fratrum, ad quod Deus permissi- uè se habuit; sicut cum cæteris peccatoribus: Secundum verò non processit ex consilio, seu intentione fratrum, qui volebant eum perdere: sed fuit intentio Dei, qui peccatum illud fratrum ordinauit ad exaltationem Ioseph; & hoc tantum dixit fuisse Dei voluntatem, non primum; inquit enim, *Non vestro consilio, sed Dei voluntate huc missus sum, qui fecit me, quasi Patrem Pharaonis, & Dominum vniuersæ domus eius, & Principem in*

omni terra *Ægypti* . Et sic nihil ad rem .

131. Ad 2. ex cap. 50. *Dei non possumus resistere voluntati* . Resp. non fuisse voluntatem Dei, vt fratres Ioseph, ei inuidentes, ipsum venderent; sed voluntas Dei fuit, vt mala cogitatio, & actio eorum de perdendo illum inter mancipia *Ægypti*, quò, venditus, erat asportandus, verteretur in bonum suum; ideo addidit. *Vos cogitastis de me malum; sed Deus vertit illud in bonum, vt exaltaret me, sicut in presentiarum cernitis, & saluos faceret multos populos* . Voluntas ergo Dei erat exaltandi Ioseph in Principem; ideo iam ante 43. annos, eo nesciente quòd significarent, immisit duo somnia, quæ fratribus narrauit, *Gen. 1. 27*. Vnum in quo viderat, se in campo cum fratribus ligare manipulos spicarum; ac manipulum suum stare, & manipulos fratrum genuflexos adorare manipulum suum; quod audientes fratres dixerunt; *Numquid Rex noster eris, aut subijciemur ditioni tue?* Alterum quod narrauit iisdem, & Patri, *Vidi per somnium, quasi Solem, & Lunam, ac undecim Stellæ adorare me* . Cui Pater dixit. *Quid sibi vult somnium hoc? numquid ego, & mater tua, & fratres tui adorabimus te super terram?* Volebat ergo Deus exaltare eum efficaciter, cui nemo poterat resistere; & vsus est facto peccaminoso fratrum, per quod in *Ægyptum*, locum exaltationis, induxit.

132. Quartus locus, quo Phanatici vtuntur in Dei iniuriam, & scelestorum excusationem, sumitur ex *Iob. 12*. vbi de Deo dicitur, *commutans labium veracium, & doctrinam senum aufert, qui immutat cor principum, & decipit eos, vt frustra incedant per inuium; palpabunt, quasi in tenebris, & non in luce, & errare eos faciet, quasi ebrios, &c.*

Dei voluntas non fuit de vñ. ditione, nisi permissiva, de exaltatione positiua

Didum.  
Iob, quod  
Deus facit  
errare.

ex quo concludunt, quòd Deus est causa peccatorum eorundem, & non permissiue tantum, sed effectiue.

133. Resp. satis superque Scripturæ interpretes omnia similia loca de permissione, vel de vindicta in pœnam alicuius peccati declarasse. Ad hunc autem Iob, *Commotans labium*, Glos. ord. ait, *quia sæpè hi qui celestia predicando veraces erant, dum temporalia diligunt, ad terrena dicenda corruunt, labium veracium commutatur*. Lyr. ibi inquit. *Aliquando propter elationem subtrahitur lumen cognitionis veræ, & sic falsa loquuntur, ut dicitur Rom. 1. dicentes se esse sapientes, stulti facti sunt*. Verbo, doctrina. Glos. ord. ait, *quia Indæi nequaquam ea credendo secuti sunt, quæ Patres suos dixisse meminerunt*. Lyr. ibi ait, *eos infatuando prædicto modo; non quod aliquando falsum à Deo immittatur intellectibus eorum; sed quia ex demeritis eorum subtrahit illustrationem suam; & sic cadunt à veritate propter proprium defectum*. Versu, *Qui immutat cor principum, &c.* Glos. ord. dicit, *cor principum terræ immutatum est, cum summi Sacerdotes, & Seniores populi illi conabantur obsistere, quem prius prædicabant; & decepti sua malitia, incedere per inuium frustra conabantur; quia crudelitati eorum quærentium extinguere nomen suum, patere via non poterat, contra authorem omnium*. Palpabant, &c. Lyr. pluribus, sed sicut supra, id explicat, quòd nempe Deus non immittit malum, in cordibus principum; sed quòd ex demeritis subtrahit illustrationem, ne cognoscant veritatem, & sic cadunt in deceptionem per proprium defectum, & sic permittit eos errare, quasi ebrios.

134. Quintus locus, seu quintum argumentum, quo Phanatici vtuntur, desumitur ex Isaie cap.

Glosæ declaratio a-  
perta, &  
clara de  
permissione, vel vin-  
dicta, ac  
pœna.

Argum. ex  
Isaia de-  
sumptum.



cap. 63. Tu Domine Pater noster, & Redemptor noster, quare errare nos fecisti Domine de vjs tuis, indurasti cor nostrum, ne timeamus te?

135. Resp. Interl. errore fecisti, ait, permisisisti. Erroris, & induritiæ causa videtur, dum non corripis delinquentes. Ver. indurasti, eadem Interl. ait, indurari permisisisti suspendendo flagella. Lyr. inquit, indurasti cor meum subtrahendo gratiam cor molliificantem, tamen iuste pro nostra incredulitate.

136. Sextus locus, seu argumentum Phana-  
ticorum desumitur ex Ieremiæ 20. ubi ait Pro-  
pheta, Seduxisti me Domine, & seductus sum,  
fortior me fuisti, & inualuisti, factus sum in derisum  
tota die; omnes subsannant me. Sed Glos. ord. sic  
explicat, dicit Propheta à Domino se deceptum, cui  
supradictum est Prophetam in gentibus dedite, & con-  
stitui te hodie super Gentes, & regna, &c. Quibus  
verbis arbitrabatur nihil se contra Iudæos dicturum;  
sed contra Gentes: & ided prophetiam libenter as-  
sumpsit. Nunc autem res in contrarium reci-  
dit, ut captivitatem Ierusalem predicaret, & perse-  
cutiones, ac angustias sustineat. Ita S. Hierony-  
mus; sed Theodor. & Vatabl. dicunt, Propheta  
dicere volebat, Domine detrectavi munus Prophetæ  
dicens, Puer ego sum, & tu me induxisti, promit-  
tens me futurum columnam ferream, & muram æ-  
neam; & ecce omnes obruunt me, & succumbo car-  
ceri, ærumnis, odijs, & irrisionibus Iudæorum. Vi-  
detur ergo mihi tacite, & callide in hosce compedes,  
& ærumnas inductus, & seductus. Ex hoc autem  
non potest colligi, quod Deus Ieremiam decepe-  
rit, vel quod in aliquod peccatum eius influxerit;  
sed quod ipsemet Ieremias à semetipso deceptus  
sit, intelligens Dei verba materialiter, ac litera-  
liter; non spiritualiter, ac mystice; quia re vera

Argum. ex  
Ieremia.

Hieron. re-  
spondet.

Alia Theo-  
dor. & Va-  
tabl.

Ieremias à  
semetipso  
deceptus  
est.

fuit spiritualiter columna ferrea, & super Gentes, & regna; nam omnibus nationibus prædixit regnorum suorum destructionem; & Iudæos acriter obiurgauit; & in obsidione Ierusalem, ac destructione eius facta per Nabuch, Propheta consulebat, vt ei se traderent, alioquin captiui ducerentur, & Ciuitas, ac templum vastarentur; & ei non paruerunt; & vastata Ciuitate, Ieremias obtinuit à Nabuch, vt pergeret quò vellet. Iuit autem in Ægyptum, vbi prosequens corripere iniquos Iudæorum mores, ab eis ibi lapidatus est; & ideo argumentum hoc non est ad rem, quòd Deus deceperit Ieremiam.

137. Septimus locus, seu argumentum, quòd Phanatici putāt Achillem in hac materia, desumitur ex lib. 3. Reg. cap. 22. 20. vbi legitur Deum dixisse. *Quis decipiet Acab Regem Israel, vt descendat, & cadat in Ramoth, &c. & egressus est spiritus, & stetit coram Domino, & ait, ego decipiam illum. Egrediar, & ero spiritus mendax in ore omnium Prophetarum eius, & dixit Dominus, decipies, & praualebis: egredere, & fac ita.* Et sic accidit. Quoniam falsi Prophetæ Regis Acab Idolatræ prædixerunt, eum in bello victurum Regem Sirie: contrarium tamen accidit. Immo, quia Micheas verus Propheta reuelauit Acab, quòd Prophetæ sui erant mendaces, & spiritus Domini eos deseruerat, Sedecias vnus ex eis dedit alapam Micheæ, inquit, *me ne deseruit spiritus Domini?* ex quo inquit Caluinus, quòd Deus fuit author mendacij in Prophetis Acab, & per eos decepit etiam Acab.

138. Resp. ad hoc, & similia argumenta, vt ad primum, quòd magnis peccatoribus in peccatam suæ obstinationis in peccatis permisit Deus, vt deciderent in alia peiora; vt decipiantur, & deci-

Argum. 7.  
ex lib. 3.  
Regum;  
quòd Deus  
per Diabol-  
um dece-  
pit Regem  
Acab.

decipiant . Sic autem fuit pessimus ille Idolatra Acab Rex Samariæ , seu Israel, ob cuius conuersionem ab Idolo Baal ad verum Deum, Elias tot patrauit miracula, vt nec plueret in Samaria tota, idest in toto Regno Acab tribus annis cum dimidio, ex 3. Reg. 17. & postea ad Eliæ preces descendit pluuia : ad Eliæ preces Deus fecit grande illud miraculum in sacrificio Eliæ , vt madefactis lignis , ac Victimâ , & circa altare fossis plenis aquæ ad confirmandam Eliæ doctrinam de falsitate Baal, & veritate Dei Eliæ , immisso igne de Cœlo combussit victimam , & ligna , & siccauit fossas; quam ob causam ex Eliæ consilio Acab occidi iussit falsos Propheta suę Vxoris Iezabel 450. & tamen non reliquit Baal . Ad preces Eliæ existentis in vertice montis Deus immisit ignem e cœlo , & combussit Præfectum militum cum quinquaginta suis, quos miserat Acab ad capiendum Eliam ; & hoc bis accidit : & alia plura Elias miracula fecit; nec tamen Acab conuersus est . Acab iste nequam mediante impia vxore Iezabel , per calumniam accusari , & necari fecit Naboth , vt vineam istius arriperet , ex 3. Reg. cap. 21. & alia plura commiserat Acab delicta ; ideò permisit Deus , vt Diabolus deciperet Prophetas Acab , & illi istum , promittentes victoriam de Rege Siria , vt ab isto caderet sicut factum est .

Obstinatio  
Acab in I-  
dolatria ;  
visitatio E-  
liæ mira-  
culis .

Miracula  
Elię quæ .

In penam  
delictorum  
Deus per-  
misit Acab  
decipi .

139. Glosa pariter Interl. *Quis decipiet* , ait , *Quod exigebant merita eius* . Glos. Lyr, inquit, *non intelligendum , quodd falsitas , vel falsum reueletur à Deo, vel de eius mandato , cum sit veritas per essentiam , sed per hoc intelligitur permissio diuina, quia in isto iudicio Deus permittit malos homines decipi à Demonibus, qui non habent potestatem aliquid facien-*  
di ,

*di, nisi quantum ipse permittit*, Hæc Lyranus. Voluit ergo Deus punire Acab ob præfata magna, & multa eius peccata, permittendo eum decipi à Prophetis suis falsis à Demone deceptis, ut iniens bellum contra Benadab Regem Siria, ab hoc occideretur.

3 argum.  
Caluini,  
& cetero-  
rum.

140. Octauus locus, seu octauum argum-  
tum Phanatici sumunt ex Ioan. 12. 36. vbi Salua-  
tor comprobat dictum Isaia cap. 53. Propterea non  
poterant credere, quia iterum dixerat Isaia, excaca-  
uit oculos eorum, & indurauit cor eorum, ut non  
videant, & intelligant corde, & conuertantur, &  
sanem eos. Hæc dixit Isaia, quando vidit gloriam  
Dei, & locutus est de eo.

Quomodo  
excæcati  
sunt Iudæi.

Deserti sūt  
à Deo.

141. Resp. ex Glos. Interl. Non poterant.  
Quando prædicabat incarnationem Christi, prædicebat  
etiam excacationem Iudæorum, & infra eadem In-  
terl. excacauit, inquit, Deus deferendo eos, qui cum  
possent videre, noluerunt, & cum possent cogitare,  
& intelligere, noluerunt. Glos. ord. dicit, hanc  
excacationem meruit voluntas eorum tumida, qui  
suam nolentes constituere iustitiam, iustitiæ Dei non  
sunt subiecti; quod dicit non posse credere, ita est  
culpa voluntatis humanæ, sicut, quod dicitur, Deus  
non potest se negare, laus est voluntatis Diuinæ. Glos.  
Lyr. clariùs ait, non poterant credere, &c. Hæc im-  
possibilitas non est absoluta, sed ex suppositione, sci-  
licet, supposito, quod haberent voluntatem obstina-  
tam in malo; sicut de aliquo dicitur non potest dili-  
gere illum, quando habet voluntatem fixam in odio  
eius. Verbo, excacauit, dicit Lyr. Subtrahendo  
lumen gratiæ propter eorum malitiam, quia auertebāt  
se ab hac luce. Verbo, & indurauit cor, &c. inquit,  
Quia subtractionem gratiæ, quæ cor mollificat per  
deuotionem, sequitur cordis induratio per cordis ob-

Ex obsti-  
natione in  
malo.

stina-

inationem. Sic Lyr. Non ergo Deus est causa peccati hominis, deferens illum propter illius obstinationem, sed in pœnam excæcat ipsum.

142. Nonum argumentum desumunt Phana-  
ci ex Rom. 1. ubi Apostolus plura dicit. Primò  
tradidit Deus illos in desiderijs cordis eorum in im-  
munditiam. 2. dicit. Tradidit illos Deus in passio-  
es ignominia; & numerat multa, ac nefanda sce-  
ra. Tertiò inquit. tradidit illos Deus in reprobum  
sensum, ut faciant, quæ non conueniunt, eaque nar-  
rat; suntque potiora peccatorum genera. Ex qui-  
us concludunt, quòd miseri reprobi, Deo au-  
tore, peccant.

143. Resp. omnia hæc permissiue à Deo pro-  
uenire. Interl. in primo versu, tradidit in deside-  
ris, ait, idest, ita à se parati, non à Deo. Glos. ord.  
idem ait, quia nihil absque Dei permissione fit.  
Ipsius in desideria cordis, quod eorum erat à Deo sibi  
licitum; postea in immunditiam tantum, ut corpo-  
naturaliter repugnantia, quadam vi applicarent, &  
ratio aptiora facerent. Lyr. ait, Tradidit illos Deus,  
idest, tradi permisit in pœnam præcedentis peccati.

144. Augustin. ut in præcedd. capp. notau-  
is ad hæc, & similia loca, vniformiter sem-  
per respondet; nempe, quòd propter præceden-  
tia, & consuetudinaria peccata tradit peccatores  
in desideria cordis eorum, idest, dimittit eos, ut  
secundùm sua praua desideria, atque inclinatio-  
nes operentur; & hoc in pœnam præcedentium  
peccatorum. Ideò in psalm. 80. dicitur, dimisit eos  
secundùm desideria cordis eorum, ibunt in adinuen-  
tibus suis. Ita August. in lib. 5. cont. Iul. cap. 3.  
in lib. de Gratia, & lib. arb. cap. 21. Quòd verò id  
permittat Deus in pœnam præcedentium pecca-  
torum, docet August. in eodem lib. cont. Iul. c. 5.

in-

Vnum ar-  
gum. ex e-  
pist. ad  
Rom.

Ad omnia  
numerata  
scelera  
Deus per-  
missiue se-  
habet.

S. Aug. ad  
hec, & om-  
nia similia  
respondet,  
quòd Deus  
in pœnam  
peccatorum  
permittit.

inquiens, *Crimina criminibus vindicantur*, & *supplicia peccantium*, non tantum sunt tormenta, sed & *vitiorum incrementa*. Et in Psalm. 57. declarans illud, *supercæcidit ignis* &c. inquit, inter primum peccatum apostasia, & ultimam penam ignis æterni, media, quæ sunt, & peccata sunt, & pœna peccati. Idem postea docuit S. Gregor. in lib. 25. moral. cap. 9.

10 argum.  
ex 2. Testi.

145. Decimum argumentum desumunt Phantastici ex 2. Thessal. cap. 2. 10. ubi loquens Apostolus de Antichristi aduentu, & de reproborum per eum deceptione, ait, *ideò mittet illis Deus operationem erroris, ut credant mendacio, ut iudicentur omnes, qui non crediderunt veritati, sed consenserunt iniquitati*. Ergo, inquiunt, Deus decipiet eos; ideòque si ex deceptione, ac errore illo peccabunt, Deus dicendus erit author peccati, sicut erit author erroris.

De permiffione errandi loquitur Paulus.

146. Resp. sicut aliàs, & nuper in præcedenti. Interl. *mittet illis*, dicit. *Quia non receperunt veritatem, permittet venire ad illos, eum, qui est ipsa malitia, quia pater omnis malitiæ, & iniquitatis*. Glos. ord. quæ est Augustini, inquit, Deus, Diabolum ista facere permittet, iusto quidem iudicio, quamvis faciet ille iniquo, indignoque consilio. Proinde iudicati seducuntur, & seducti iudicabuntur. Sed iudicati iudicio Dei occultè iusto, & iustè occulto seducuntur. Seducti autem iudicabuntur nonissimo, manifestissimoque iudicio per Christum iustissime iudicaturum iniustissime iudicatum. Id ergo tunc accidet miseris (qui in fine mundi erunt) reprobis: quia veritatem euangelicam credendi, & operandi non receperunt, in huius peccati pœnam permittet Deus, ut in errorem Antichristi incidant, ab eo seducantur, eumque usque ad

Ex August.

In fine mudi quid accidet reprobis tunc viventibus & quare.



ad baratrum sequantur .

147. Quia tamen omnes eiusmodi errores , ac deceptiones hominum reproborum , quæ alijs vocabulis dicuntur excæcationes , & obdurationes in malo , à Deo deferente permittuntur in pœnam præcedentium peccatorum , libet adducere vnam generalem, sed magistralem Augustini doctrinam : Is enim in lib. 5. cont. Iul. cap. 3. ait. *An non est peccatum, & pœna peccati, vbi legitur, Deus misit illis spiritum erroris, & seduxerunt Ægyptum in omnibus vijs suis, sicut seducitur ebrius? Nonne peccatum, & pœna peccati, vbi Deo dicit Propheta, quia errare fecisti nos Domine à via tua, obtudisti eorda nostra, vt non timeremus te? Ecce tu iratus es, & nos peccauimus, propterea errauimus, & facti sumus immundi omnes? Nonne est peccatum, & pœna peccati, vbi legitur de Gentibus, quas debellauit Iosue, quia per Dominum factum est confortari cor eorum, vt obuiam irent ad bellum contra Israel, & exterminarentur? Nonne est peccatum, & pœna peccati, quod non audiuit Roboam Rex plebem benè monentem, quoniam, sicut Scriptura loquitur, erat conuersio à Domino, vt statueret verbum suum, quod de illo locutus est in manu Propheta? Nonne est peccatum, & pœna peccati in eo, quod scriptum est, Amasiam noluisse audire Ioas Regem Israel benè monentem, ac procederet ad bellandum? Et infra sequitur. Vnde est illud Apostoli, quod ad Thessalonicenses scribit. Pro eo quod dilectionem veritatis non receperunt, vt salui fierent, idèd mittet illis Deus operationem erroris, vt credant mendacio. Vt seduceretur Acab, & in pralio periret: & adducit Historiam supra allatam de Diabolo ex Dei permissione decipiente Prophetas Acab, ipsumque Acab per eos .*

Generalis  
August. re-  
gula circa  
permissionem  
Dei,  
vt reprohi  
peccent .

In pœnam  
semper sūt  
permissiones,  
quas  
narrat .

148. Alia plura adduci possent Scripturę loca eiusdem tenoris : at quia omnia eandem patiuntur responsionem , ea omitto , & ad finem Opusculi accedo .

## CAPVT X.

*Cur Deus sciens , malos casuros , permittit eos tentari, & cadere ?*

149. **A**Du. 1. quòd licet prima facie quæsitum hoc videatur exoticum, ne dicam importunum ; cùm inuestigare intendat secreta Dei consilia , deterrente Paulo ad Rom. 11. 34. dum ait, *ò altitudo diuinitarum sapientie, & scientiæ Dei, quam incompræhensibilia sunt iudicia eius, & inuestigabiles viæ eius : Quis nouit sensum Domini , aut quis consiliarius eius fuit ?* nihilominus , quia Deus per Prophetas , & Apostolos in Sacra Scriptura , & per traditiones Apostolicas , & Conciliorum declarationes , ac per communem interdum Doctorum , ac Sanctorum sensum , multa arcana reuelauit Ecclesiæ , quæ nemo poterat penetrare , multa inquam dura , multaue obscura , ex quibus alia ijs connexa deduci possunt, vt sunt omnes conclusiones Theologicæ , quæ ex principiis reuelatis deducuntur , quærimus , an solutio propositi dubij in Sacra Scriptura iam reuelata reperiatur ; vel ex ea ab aliquo Concilio , vel Sancto Doctore deducta sit , aut deduci possit , vel ex traditione Apostolica habeatur .

150. Adu. 2. Motiuum inquirendi hoc dubium , inde oritur ; cùm tota Scriptura prædicet, Deum esse Patrem nostrum amantissimum , benignissimum , misericordiosissimum : & mis-

Authoris  
protestatio

Ex aliqui-  
bus reue-  
laris alia  
inferuntur

*rationes eius super omnia opera eius*, immò essentia-  
liter esse Charitatem, cur permiserit, primum,  
hominem peccare, cùm pręsciret, eum casurum,  
& cum eo totum genus humanum; & quare per-  
miserit alios post eum, & nunc permittat nos pec-  
care; cùm prauiderit casuros, eumque offensu-  
ros, & mortem ęternam incurfuros; maximè,  
quia dicit Apostolus, *Deus vult omnes saluos fieri*,  
& Propheta dicat, *Deus non vult mortem peccato-  
ris*: dum autem sciens homines peccaturos, eos  
non impedit, sed permittit peccare, arguitur,  
quòd nolit saluare, sed perdere?

151. Adu. 3. Quòd de duplici permissione  
tentationis, & peccati loqui debemus; primò de  
permissione tentationis, & peccati Adę. Secun-  
dò de permissione tentationum, ac peccatorum  
omnium hominum in omni statu, ac tempore;  
immò & ipsius Adami post primũ lapsum, & que-  
rere debemus quodnam potuerit esse motiuum  
Dei; primò in permissione peccati Adę, cum  
quo tota lapsa fuit humana natura. 2. quodnam  
fuerit, & inodò etiam sit motiuum Dei in per-  
mittendo, quòd homines; siue electi, siue reprobī ca-  
dāt in peccata, cùm possent miris, ac varijs modis  
à Deo impediri: & nota, quòd non loquor de pec-  
catis execratorum, ac induratorum (quia de  
hac permissione in præcedenti locuti sumus) sed  
loquor de permissione cæterorum simplicium  
peccantium, antequam ad statum execrationis,  
& indurationis deueniant.

152. Dico 1. Non est adhuc explicitè reue-  
latum, cur Deus permiserit Adamum per Vxo-  
rem allici ad comestionem pomi vetiti, cum trans-  
gressione diuini præcepti, & de facto transgre-  
diendo peccare.

Ratio du-  
bii, quę sit.

De permis-  
sione primi  
peccati A-  
dę, totius  
humani ge-  
neris pri-  
mò.  
Deinde de  
alijs per-  
missioni-  
bus loquē-  
dum.

Non est re-  
uelatũ ex-  
plicitè, cur  
Deus per-  
miserit A-  
dam pec-  
care.

153. Prob. Nuspian in Sacra Scriptura reperitur huius rei reuelatio : neque Concilium aliquod ex loco aliquo Sacrae Scripturae intulit, ac definiuit motium huius permissionis . Ergo nequit dici reuelatum , quomodocumque illud ab aliquo autore asseratur .

Negatiue  
probat  
ex Augst.

154. Prob. 2. ex S. Augustino, qui licet ( vt postea dicam ) aliquod motinum assignare videatur ; tamen nullum asserit , tamquam reuelatum : nam in lib. 11. de Gen. ad lit. cap. 4. ait, *si ergo quaeratur, cur Deus permiserit hominem tentari, quem tentationi consensurum esse praesciebat ; altitudinem quidem consilij eius penetrare non possum ; & longe supra vires meas esse confiteor .* Idem prorsus respondere videtur ad simile quaesitum in epist. 106. quae est ad Paulinum respondens ad quaesitum , cur Deus creet illos, quos peccaturos prauidit, & ad aeternam poenam damnandos, iam ab aeterno decreuit ? ait, *Deus sic facit, quia sic vult ; cur autem velit*, responder, *tu qui es, qui respondeas Deo ? an non habet potestatem figulus facienda vasa, alia in honorem, alia in contumeliam ;* quae est ; responsio Pauli Rom. 9. ad eos, qui inquirerent, cur Deus aliquos praedestinauit, alios reprobauit ; saluo tamen, quod *apud Deum non est iniquitas, & quod omnia, quae facit, in iusto iudicio facit .* Idem Sanctus Doctor in lib. 11. de Gen. ad lit. cap. 10. ait, *posset Deus peccantium voluntates in bonum conuertere, quoniam omnipotens est ; posset plane .* Cur ergo non fecit ? *Quia noluit .* Cur noluerit, penes ipsum est . *Debemus enim non plus sapere, quam oportet sapere .* Sed postea, vt mox dicam, assignat probabilia quaedam motiua, cur permiserit homines peccare, & cur eos praesciens peccaturos, adhuc creauerit . Igitur explicitè reuelatum non est,

Semel, ac  
iterum Au.  
gust. dicit  
se causam  
nescire .

cur

cur Deus permiserit primum hominem, & omnes alios cum eo peccare; deinde omnes pariter permiserit proprijs actualibus peccatis peccare, & multos sic preuisos, ac damnandos creare.

155. Dico 2. Probabilissimè teneri potest, quòd motium Dei primum, cur permiserit primum hominem, & totum genus humanum cum eo, deinde singulos actualibus etiam peccatis peccare, fuerit ostensio suæ misericordiæ, ac iustitiæ circa liberos homines exercendarum. Alia autem plura secundaria, diuinam sapientiam, & liberalitatem demonstrantia assignari possunt.

156. Probata remanet hæc Conclusio ex ijs, quæ diximus in cap. 7. huius Opusculi, in quo quæsitum fuit, *quem finem habuerit Deus in reprobatione malorum*: eadem autem de utroque quæsitto est ratio.

157. Prob. nihilominus hæc conclusio. Deus in operando nequit habere pro fine primario aliud, quàm semetipsum in diuersis suis perfectionibus se manifestantem, vt habetur ex Prou. 16. 4. *Vniuersa propter semetipsum operatus est Dominus, impium quoque ad diem malum*. Sed in facto huiusmodi permissionis peccandi non videtur assignari posse aliud motium, nisi hoc, vt scilicet Deus ostenderet se misericordem cum aliquibus in parcendo, & iustum vindicem cum alijs in puniendo; & hæc fuit S. Augustini mens, qui, licet vbi supra, dixerit se nescire cur sic fecerit, (existimo, quòd de scientia euidenti, vel reuelata loqui voluerit) hoc tamen motium misericordiæ, & iustitiæ à se exercendarum putat fuisse. Nam in lib. 11. de Gen. ad lit. cap. 8. ait, *Cur ergo non crearet Deus etiam quos malos futuros esse presciebat,*  
( & uti-

Probabile est, quòd Dei primi permissionis motiū fuerit ostensio misericordiæ, & iustitiæ. Et alia secundaria plura.

Alijs probata fuit Conclusio.

Rarius probatur.

Aug. ratio  
Conclusio-  
nis .

( & vtitur verbis Rom. 9. ) volens ostendere iram , & demonstrare potentiam suam , & ob hoc sustinens in multa patientia vasa ira , quæ perfecta sunt in perditionem , vt notas faceret diuitias gloriæ suæ in vasa misericordiæ , quæ præparauit in gloriam ? sic enim , qui gloriatur , non nisi in Domino gloriatur , cum cognoscat non suum esse , sed illius esse , non solum vt sit , verum etiam non nisi ab illo benè sit , à quo habet vt sit . Nimis itaque importunè dicitur : Non essent , quibus Deus tantam beneficentiam misericordiæ suæ tribueret ; si aliter esse non possent , nisi essent & hi , in quibus vindictæ iustitiam demonstraret .

Replicati-  
dem S. Au-  
gust.

158. Clariùs id docet S. Augustinus in lib. de Correptione, & Gratia cap. 10. inquit, Deus igitur permisit hominem tentari, quem sciebat esse casurum; quia simul videbat, eo casu se vti posse ad misericordiam, & iustitiam declarandam, dum ex damnata massa alios iustè punit, alios misericorditer liberabit. Item ibidem, ait, Qui creauit omnia bona valde, & mala ex bonis exoritura esse præsciuit, sciuit, magis ad suam omnipotentissimam bonitatem pertinere, etiam de malis benè facere, quàm mala nulla esse permittere.

Alia alibi, & plura S. August. & alij Ecclesiæ Doctores assignare solent motiua cur Deus permiserit primum hominem, deinde cæteros peccare; & cum hac præscientia eos, etsi casuros, ac etiam damnandos, creare: sed omnia reduci possunt ad præcitatum motiuum misericordiæ, ac iustitiæ. Nam in dicto libro de Gen. ad lit. cap. 9. inquit, Cur enim non vtrique potius essent, quando in vtrisque, & bonitas Dei, & æquitas iure prædicatur? At enim, si Deus vellet, etiam isti boni essent. Quando melius hoc Deus voluit, vt quod vellent, essent: Sed  
boni



boni infructuosè, mali autem impunè non essent, & in eo ipso alijs vtilis nō essent; sed præsciebat quid eorum factura esset voluntas mala. Præsciebat sanè, & quia falli non potest eius præscientia: idèd non ipsius; sed eorum est voluntas mala. Cur ergo eos creauit, quos tales futuros esse præsciebat? Quia sicut prauidit, quid mali essent facturi; sic etiam prauidit de malis factis eorum, quid boni esset ipse factururus. Sic enim eos fecit, vt eis relinqueret, vnde & ipsi possent aliquid facere; quo quidquid etiam culpabiliter eligerent, illum de se laudabiliter operantem, à se quippè habent voluntatem malam; ab illo autem, & naturam bonam, & iustam pœnam, sibi debitum, locum; alijs exercitationis adminiculum, & timoris exemplum.

159. In sequenti cap. 10. hæc dicta confirmat, & ad rem nostram concludit: Postquam enim dixit ea, quæ supra de hoc capite adduxi, inquit. Puto autem paulò ante, satis nos ostendisse, non parui boni esse rationalem creaturam, etiam istam, quæ malorum comparatione cauet malum, quod genus bona creatura non esset, si omnes malas voluntates in bonum Deus conuertisset, & nulli iniquitati pœnam debitam infligeret, ac si non esset, nisi solum illud genus, quod nulla, vel peccati, vel supplicij malorum comparatione proficeret, ita velut aucta numerositate excellentioris generis ipsorum generum bonorum numerus minueretur. Itaque ad exercendam iustitiam Deus permittit homines suo vti libero arbitrio, & peccare.

160. Idem S. Doctor alibi docet, id Deum permisisse, vt experiretur homo, se liberum esse, & suorum actuum tam ad bonum, quam ad malum esse dominum. Nam in lib. de Corrupt. & Gratia cap. 12. ait, Ille Adam, & terrente nullo, &

S. August. discursus, cur Deus creauit, quos malos esse præsciebat.

Alia Aug. loca.

Permittit Deus peccare, vt homo se liberum esse cognoscat.

*insuper contra Dei terrentis imperium , libero vsus arbitrio , non stetit in tanta felicitate , in tanta non peccandi facilitate . Tales vires habebat eius voluntas , quæ sine vlllo fuerat instituta peccato , & nihil illi ex seipsa concupiscentialiter resistebat , vt digne tantæ bonitati , & benè viuendi felicitati perseuerandi committeretur arbitrium : & post aliqua . Fortissimo ( idest Adamo ) dimisit , atque permisit facere quid vellet : infirmis seruauit , vt ipso donante , inuictissime , quod bonum est vellent , & hoc deficiente , inuictissime nollent . Et de Ciuit. lib. 7. cap. 10. de libertate hominis , & permissione illa vtendi , sic loquitur . Deus sic administrat omnia , quæ creauit , vt etiam ipsa proprios exercere , & agere motus sinat . Quid enim nobilius in homine , quàm libertas ad agendum quod vult . Cùm ergo inter alias præclaras homini collatas dotes , hæc in naturalibus summa sit , quia per eam à cæteris differt animantibus , si sibi impediretur , ne ea posset vti , frustra collata fuisset . Ideò per necessariam consequentiam , supposito hoc beneficio sibi à Deo collato ; permissio operandi , quod vellet , bonum , ac malum , fuit ei concedenda : Et in hoc relucet Dei benignitas , ac liberalitas .*

Alibi confirmat .

Alia permissionis peccandi motiua ex c. 7. huius Opusc. desumenda .

*Cætera motiua Dei in permissione peccandi ex capite septimo huius Opusc. desumi possunt :*

*Nam ad idem sunt .*



## CAPVT XI.

*An Christus etiam pro reprobis mortuus sit, & in quo eis profuit.*

161. **A** Du. 1. Huius quæsitæ solutionem maximi momenti esse, nedum pro Catholicis contra Hæreticos, sed etiã pro Catholicis inter se ipsos. Duo siquidem quæsitum continet. Primum, an Christus mortuus sit etiam pro reprobis, & hoc contra Hæreticos, nedum antiquos, sed & modernos aliquos, qui se iactant Catholicos, facilè ex Sacra Scriptura, Concilijs, Apostolicæ Sedis definitione, & vnanimi Sanctorum Patrum, ac Theologorum sententia soluitur. Secundum est; supposito cum fide, quòd pro reprobis etiam mortuus sit; cum fides etiam doceat eos non esse electos, nec à Christo fuisse reconciliatos Deo finaliter, ideòque perituros; videndum est, quale beneficium eis contulit Christi mors; id enim importat Christum esse passum, & mortuum pro humano genere, vt mox dicetur: Si autem Christus non attulit reprobis salutem, & innumeris neque fidem, quia eum numquam acceperunt; & consequenter, nec vllam attulit iustificationem, neque primam, quia sine baptismo in lege Euangelica, & sine remedio contra originale in lege naturæ, ac scripta decesserunt, quale bonum his collatum, aut illis conferendum attulit Christus: Et hic revera est cardo difficultatis in hoc quæsito.

162. Adu. 2. Quòd, sicut fides docet, Christus est Saluator, ac Redemptor, & Mediator humani generis indefinitè, & vniuersaliter, non verò

Magni pò-  
deris est  
quæsitum  
hoc.

Duo conti-  
net.

Primum  
facile: secū-  
dum diffi-  
cile.

Christus  
est omnium  
Saluator.

huius, vel illius generis, aut nationis; & sic tam hominum, qui in lege naturæ, aut lege scripta, quàm eorum, qui fuerunt, sunt, & erunt pro tempore legis Euangelicæ; & sic omnium omnis temporis hominum: Vndè insurgit curiosum, sed nobile quæsitum, quid scilicet Christi passio, ac mors contulerit etiam hominibus, tam prædestinatis, quàm reprobis, qui ante Christum mortui erant.

Remigij  
Lugdun.  
sententia.

163. Adu. 3. quòd Remigius Lugdunensis in libro de tribus epistolis contra Epistolam Hincmari ad Anulum cap. 8. §. 2. quatuor classes hominum distinguit per comparisonem ad Christum, inquiens. *Primus ordo est electorum, ac prædestinatorum ad vitam æternam, de quibus perire nullus potest, & qui omnino omnes saluantur. Secundus ordo est eorum, qui recta fide, & pietate accedunt ad gratiam baptismi, & per eam accipiunt indulgentiam peccatorum. Tertius est eorum, qui adhuc in infidelitate positi, vocandi tamen sunt per misericordiam Dei, & hoc sine dubio in Ecclesia consecuturi, quod consecuti sunt illi duo ordines, siue perseverantium, siue non perseverantium. Quartus est infidelium, qui numquam credituri sunt. De tribus primis dicit pertinere ad gratiam Christi, & pro illis esse mortuum, & beneficium aliquod eis contulisse; at pro his quarti ordinis mortuum non esse, nullumque eis beneficium contulisse.*

Distinctio  
efficaciæ, &  
sufficientiæ  
mortis  
Christi tenenda.

164. Adu. 4. quòd distinctio Theologorum de Christi passione, & morte pro omnibus applicata efficaciter, vel sufficienter necessariò admittenda est; alioquin non apparet via, nec modus defendendi, quòd Christus sit Saluator omnium, vt canit Ecclesia, docuerunt Apostoli, ipseque Christus, vt patebit; declaratione tamen indiget

hæc

hec distinctio efficacie, ac sufficientiæ; alioquin inuoluta adhuc remaneret distinctio, & fuga potius, quàm solutio difficultatis appareret: his premissis

165. Dico 1. Christus pro omnibus omnino hominibus, tam prædestinatis, quàm reprobis passus, ac mortuus est.

166. Prob. facile omnibus argumentis, quæ pro hoc dogmate adduxi in *tom. 1. in 3. sent. disp. 20. art. 4. & 5.* desumptis ex Sacra Scriptura, Patribus Græcis, ac Latinis, & ex Concilijs.

167. Primò ex 2. Cor. 5. 14. *Charitas urget nos, æstimantes hoc; quoniam si vnus pro omnibus mortuus est, ergo omnes mortui sunt, & pro omnibus mortuus est Christus.* Secūdò ex Rom. 5. 6. *Christus pro impijs mortuus est.* Alia loca adducam sub titulo Redemptoris.

168. Prob. ex Patribus Græcis: ex Gregor. Nazian. orat. 25. *Per Christi perpeffiones omnes reformati sumus, nullo penitus excepto, qui eidem Adamo participauimus, & à serpente decepti, & per peccatum morte affecti, &c.*

169. Et quod magis urget in orat. 3. quæ est inuectiua contra Iulianum Apostatam iam mortuum, inquit. *Tu manum mouere aduersus eam ausus es, quæ, & pro te, & propter te clauis affixa est.* Et in orat. 38. loquens de reprobis Hæreticis, ait, *Pro quibus etiam gratis mortuus est Christus.*

170. Cirillus Alexand. in epist. ad Monachos, ait, *Vnus ex omnibus resurgens, qui pro omnibus mortuus erat, vt proprio sanguine redimeret quidquid sub Cælo est, & acquireret Deo, ac Patri omnes, qui in vniuersa terra consistunt.*

171. S. Basil. in psalm. 48. inquit, *Christum sanguinem suum pro nobis omnibus effudisse.*

Pro omnibus omnino hominibus Christus mortuus est.

Ex S. Scriptura.

Ex Patribus Græcis S. Gregor. Nazian.

S. Cirill. Alexand.

S. Basil.

Euseb. Cæs-  
sar.

172. Eusebius Cæsar. 10. de Demon. Euang-  
ingeniosè notat Sanctum Ioannem Baptistam ,  
omnium primum id dogma prædicasse , dum Io:  
1. 17. de Christo dixit , *Ecce Agnus Dei , ecce qui  
tollit peccata mundi.* Eusebius, inquit, *Pro toto gre-  
ge hominum agnum illum sacrificatum esse, dicit.*

S. Epiph.

173. S. Epiphanius Hæresi 69. ait, *ipse Chri-  
stus Sacerdos, ipse hostia semetipsum obtulit pro om-  
ni creatura Pontificatus officio fungens, &c.*

Alia Patrum Græcorum , iminò & Latino-  
rum dicta sub titulo Saluatoris , Redemptoris , &  
Mediatoris adducam .

Ex PP. La-  
tinis .

S. Cyprian.

174. Prob. ex Patribus Latinis . S. Cypria-  
nus in *lib. de Opera, et Eleemos.* circa finem, introdu-  
cit Diabolum loquentem cum Christo, præsentem  
reprobtorum turba, & sic dicentem . *Ego pro istis,  
quos mecum vides , nec alapas accepi , nec flagella su-  
stinui , nec crucem pertuli , nec sanguinem fudi ; nec  
familiam meam prætio passionis, & crucis redemi, nec  
Regnum Cælestè eis promitto : Ergo pro eis etiam  
tenet Christum passum .*

S. Ambr.

175. S. Ambrosius in *lib. 3. de offic. cap. 3.*  
ait, *Christus quoque Dominus , qui pro omnibus mor-  
tuus est, mercedem suam euacuatam delebit . Et in  
lib. de Ioseph cap. 7. dicit , Christus omnibus vitam  
dedit . Ipse pro omnibus mortem suam obtulit . In  
psalmo verò 118. sepè formula hac loquendi vi-  
titur .*

S. Hieron.

176. Hieron. in 2. *epist. ad Cor. cap. 5.* super  
illud, *Christus pro omnibus mortuus est,* inquit, *so-  
lus inuentus est , qui vt immaculata Hostia pro om-  
nibus , qui erant in peccatis mortui offerretur .*

177. August. *tract. 12. in Ioann.* super illis  
verbis Ioan. *Non enim misit Deus filium suum in  
mundum , vt iudicet mundum , sed vt saluetur mun-  
dus*



duſ per ipſum; inquit. Ergo quantum in medico eſt, ſaluare venit ægrotum; ipſe ſe interimit, qui præcepta medici ſeruare non vult. Venit Saluator in mundum; quare Saluator dictus eſt mundi, niſi, vt ſaluet mundum, non vt indicet mundum. Saluari non vis ab ipſo, ex te indicaberis.

S. Auguſt.

178. Clariuſ cont. Iulianum lib.6. cap.1. ait. Attende, cùm validis argumentis vrgearis. Tu dicis etiam pro peccatoribus mortuum, ego dico, non niſi pro peccatoribus mortuum; ita vt respondere cogaris, ſi nullo peccato paruuli obſtriſſi ſunt, non eſſe pro paruulis mortuum. Dicit enim ad Corinthios, quoniam vnus pro omnibus mortuus eſt. Ergo omnes mortui ſunt, & pro omnibus mortuus eſt. Et longo, ſed digno diſcurſu argumentum iſtud proſequitur, concludens, Chriſtũ pro omnibus mortuũ eſſe, nemo dubitet, qui ſenõ negat, aut dubitat eſſe Chriſtianũ.

Clariè Auguſt. id probat.

179. S. Proſper Auguſtini fidelis diſcipulus, ad 9. argumentum Gallorum, quo dicebatur, ex Auguſtini doctrina ſequi, quòd non ſit crucifixus, & mortuus pro omnibus hominibus, multa dixit, inter quæ hoc. Nullum omninò eſſe ex omnibus hominibus, cuius natura in Chriſto Domino ſuſcepta non fuerit: ſed non ſufficere hominum redemptioni crucifixum eſſe Dominum Ieſum Chriſtum, niſi commemorantur ei, & conſepeliantur in baptiſmo, &c.

S. Proſper.

180. Idem dicit idem Sanctus in reſponſ. ad primam obiectionem Vincentianam, ſuper hac re, docens pro ſe, & Magiſtro ſuo Auguſtino, Cum itaque propter vnã omnium naturam, & propter vnã omnium cauſam à Domino Noſtro in veritate ſuſceptam, rectè omnes dicuntur redempti; & tamen non omnes à captiuitate ſunt eruti, redemptionis proprietat, haud dubiè penes illos eſt, de quibus Princeps mundi miſſus eſt foras &c. Poculum quippè immortali-

Iterum S. Proſper.

302 DE REPROBAT. MALORVM  
talitatis , quod confectum est de infirmitate nostra ,  
& virtute diuina , habet quidem in se , vt omnibus  
prosit ; sed si non bibitur , non medetur .

S. Leo Mag.  
181. S. Leo 1. Serm. 1. de Natiu. Domini, ait  
vna cunctis letitiæ communis est ratio ; quia Domi-  
nus noster peccati, mortisque destructor, sicut nullum  
à reatu liberum reperit, ita pro liberandis omnibus ve-  
nit . Et in serm. 1. de Passione Domini, sic ad Iudeos  
alloquitur . Meritò soli non habetis , quod omnibus  
perire voluistis : & tamen tanta est bonitas nostri Re-  
demptoris , vt etiam vos possitis consequi veniam , si  
Christum Dei filium confitentes , illam paricidalem  
malitiam relinquatis . Non enim Dominus in Cruce  
frustra orauit , Pater dimitte illis, quia nesciunt, quid  
faciunt . Quod remedium nec te Iuda transisset , si ad  
penitentiam confugisses , quæ te reuocasset ad Chri-  
stum, non quæ te reuocasset ad laqueum .

Alios Patres, atque Scholasticos omnes bre-  
uitatis gratia omitto , & stabiliora, Conciliorũ, &  
S. Sedis Apostolicæ prosequor argumenta .

Conc. Arelat.  
182. Concilium Prouinciale Arelatenſe cele-  
bratum anno 475. contra Prædestinarianos, ana-  
thema dixit illi , qui dixerit , quod Christus non pro  
omnibus mortuus sit , nec omnes homines saluos esse  
velit , Immo Lucidus Gothescalchi discipulus,  
tunc suam retractauit sententiam oppositam , his  
verbis . Nunc verò Sacrorum Testimoniorum autho-  
ritate, quæ abundè per spatia diuinarum Scripturarum  
inueniuntur, ex Seniorum doctrina ratione patefacta ,  
libens fateor, Christum, etiam pro perditis aduenisse ,  
quia eodem nolente perierunt . Neque enim fas est  
circa eos solùm , qui videntur esse saluati , immense  
diuitias bonitatis , ac beneficia diuina concludi . Nam  
si Christum his tantum remedia attulisse dicimus, qui  
redempti sunt ; videbimur absolvere non redemptos ,  
quos

Retractatio  
Lucidi .

quos pro redemptione contempta, constat esse puniendos. Idem docuit Concilium Valentinum Provinciale in can. 4.

Concilium Trident. Generale in sess. 6. cap. 3. expresse id docet hisce grauib. verbis, *Christum promissum in lege Veteri venisse in mundum, ut & Iudæos, qui sub lege erant redimeret, & Gentes, quæ non sectabantur iustitiam, iustitiâ apprehenderent, atq; omnes adoptionem filiorum reciperent. Hunc proposuit Deus propitiatorem in sanguine ipsius pro peccatis nostris, non solum autem pro nostris, sed etiam pro totius mundi. Verum, & si ille pro omnibus mortuus est, non omnes tamen beneficium mortis eius recipiunt, sed ij dumtaxat, quibus meritum passionis eius communicatur: Ergo pro omnibus mortuus est.*

183. Tandem à Summis Pontificibus Innocentio Decimo primùm, postea à successore Alexandro Septimo damnantibus, ut hæreticas quinque propositiones Iansenij, ea, quæ dicebat Christum non esse mortuum pro omnibus, in ordine quinta, hæretica declarata, & damnata est.

184. Dico 2. Quamuis reprobi per Christi passionem, & mortem, à iugo, ac seruitute Diaboli in effectu liberati, ac soluti non fuerint in effectu; fuerunt tamen soluti, ac liberati sufficiens quantum ad solutionem prætij superabundantis, ac infiniti.

185. Prob. 1. Omnes Theologi, ac Patres Scripturæ interpretes hoc modo, ut nuper patuit declarant Christum pro omnibus, & singulis hominibus mortuum; & omnes redemisse; quia, sempè pretium pro omnibus sufficiens Deo Patri soluit in effectu.

186. Confirmatur. Non possunt aliter intelligi verba Conciliorum, & Patrum dicentium Christum

Concil. Valentin.  
lent.

Concil. Trident.  
Tria.

Ex definitione S. Sedis.

Reprobi quomodo à Christo redempti.

Non potest  
aliter in-  
telligi, vel  
declarari,  
quod Chri-  
stus sit om-  
nium Re-  
demptor .

Clemens  
Alexand.

stum esse omnium omninò hominum Saluatorem, Redemptorem, ac Mediatorem; & non posset Ecclesia canere, *Christe Redemptor omnium*. Vnde Clemens Alexandrinus lib. 7. Strom. inter cetera, de Christo omnium Saluatore, ait; *est enim Saluator, non horum dumtaxat, illorum verò minimè. Si quidem pro cuiusque captu beneficentiam suam impertijt. Græcis perindè, ac Barbaris, & qui ex illis, prædestinati suo tempore vocati sunt fidelibus, & electis. Non igitur restrictus in aliquos erit, qui ex æquo vocauit omnes. Et infra. Quinam ergo Saluator, & Dominus, nisi omnium sit Saluator, & Dominus.*

S. August.

187. Prob. 2. ex ijs, quæ diffusè in tom. 1. in 3. sent. disp. 20. art. 4. per totum, sed præcipuè §. 2. diximus. Non alio modo Patres saluant, quòd Christus sit Redemptor omnium, tam electorum, quàm reproborum; nisi, quia passione, ac morte sua meruit media, quibus applicatis homines liberari possint à seruitute Demonis, & qui non adhibent illa, non liberantur. Ergo magnum hoc beneficium attulit etiam reprobis. Anteced. prob. ex plurium SS. Patrum dictis. S. August. in *Serm. 114.* qui nunc est in appendice, ait. *Saluator noster in latera Crucis pretium nostræ salutis appendit, & vna morte vniuersum mundum, sicut omnium conditor, ita omnium reparator absoluit. Indubitanter enim credamus, quod totum mundum redemit, qui plus dedit, quàm totus mundus valeret.*

S. Basil.

188. S. Basilus supra etiam relatus in psalmo 48. Super illud, & pretium redemptionis animæ sue, dicit, *Inuentum est vnum par omnibus simul liberandis hominibus, quod in redemptionem animarum pretium est impensum, Sanctus videlicet, ac pretiosus sanguis Domini Nostri Iesu Christi, quem nobis om-  
nibus*

ibus effudit. Vnde, & pretio redempti sumus.

189. S. Prosper, vt supra patuit, docet, hoc modo omnes homines bonos, & malos fuisse redemptos, quòd nempe Christus pretium sanguinis, idest meritum, in eius effusione soluerit, vt scilicet ijs tantum profuit, quibus communicatur, & appropriatur per Sacramenta Baptismi, & Pœnitentiæ post peccatum. Ij verò, quibus non communicatur eius meritum per applicationem aliorum Sacramentorum in actu, seu effectu, non liberantur à Diaboli seruitute: inquit enim, Non sufficere hominum redemptioni Crucifixum esse Dominum Christum, nisi commoriantur ei, & consepeliuntur in baptismo, &c. Item, Sanguinem Christi redemptionem esse totius mundi: sed qui hoc sæculum sine fide Christi, & sine regenerationis Sacramento pertranseunt, redemptionis alienos esse. Et post aliqua, vt supra, dicit, Cuius mors non ita est impensa humano generi, vt ad redemptionem eius etiam, qui regenerandi non erant, pertineret; sed ita ut, quod per vnicum exemplum gestum est pro vniuersis, per singulare Sacramentum celebraretur in singulis. Poculum quippè immortalitatis, quod confectum est de infirmitate nostra, & virtute diuina, habet quidem in se, vt omnibus profuit; sed si non bibitur, non medetur. Ergo, sicut Sacramenta Baptismi, & Pœnitentiæ post peccatum liberant à seruitute Diaboli eos, qui ijs vtuntur, seu quibus applicantur; ita liberarent, & in effectu redimerent etiam alios omnes, ac reprobos, si eodem modo his applicarentur: Et hoc voluit docere Concil. Trid. supra relatum, dicens; Verum licet Christus pro omnibus mortuus sit, non omnes tamen beneficium mortis eius recipiunt, sed ij dumtaxat, quibus beneficium passionis eius communicatur. Communicatio au-

S. Prosper.

Quomodo  
in effectu  
Christus li-  
berat, per  
Sacramen-  
torum ap-  
plicationē.

Idē in ef-  
fectu non  
redimuntur  
reprobi,  
quia Sacra-  
menta non  
recipiunt,  
quando, &  
vt oportet.

tem passionis, ac meritorum Christi, per quam quis à seruitute Diaboli liberatur, & ad salutem æternam disponitur, sit per præfata Sacramenta, eam efficaciam ex meritis Christi habentia: Ista autem pro omnibus omninò hominibus Christus meruit, & pro omnibus instituta, & parata sunt. Isto igitur modo, omnes etiam reprobos redemisse dici potest Christus, siue sint ex reprobis, qui numquam talia Sacramenta receperunt, siue ex ijs, qui receperunt quidem, sed non perseuerarunt in bono. Alia plura argumenta studiosus lector in nostro citato tomo 1. in 3. sent. disp. 20. art. 4. ad satiетatem inueniet.

Cur aliqui-  
bus non  
communi-  
cetur Chri-  
sti meritis.

Cur repro-  
bi à massa  
perdictio-  
nis non fue-  
re discreti

190. Cur autem ijs actu non communicetur meritum passionis Christi, eisque non applicentur Sacramenta; & cur, si aliquibus applicentur, temporaliter tantum profunt, & ad perseuerantiam non conducunt; alia nequit assignari ratio, nisi illa fundamentalis, quia non fuerunt à Deo discreti à massa perditionis. Cur autem à massa perditionis discreti non fuerint, inquit Augustinus cum Apostolo Rom. 9. respondendum est, sicut alias sæpè diximus; *ò homo tu quis es, qui respondeas Deo? Numquid dicit figmentum ei, qui se finxit, quid me fecisti sic? An non habet potestatem figulus luti ex eadem massa facere aliud quidem vas in honorem, aliud in contumeliam?* At statim adducit rationem sæpè à nobis in præced. capite adductam, sic nempe, sapientissimum Deum fecisse in ostensionem gloriæ, potentiæ, ac magnitudinis suæ in exercitio misericordiæ, & iustitiæ: ideòque Psalmista crebrò in hac duplici virtute, seu perfectione Deum glorificat, *misericors Dominus, & iustus*: & in Psalmo 80. *Misericordiam, & iudicium cantabo tibi Domine.*



191. Cur tandem eos à massa perditionis nō discretos reprobauerit damnans eos ad æternam pœnam damni, & sensus, iam in toto hoc Opusculo diximus, quòd ex præscientia peccatorum adultos damnauerit; paruulos autem in originali decedentes, ad pœnam tantum damni; neque vllam aliquis hominum assignare potuit causam: Sed inquit Augustinus, in hoc puncto ad occultū, sed iustissimum Dei iudicium est recurrendum, apud quem, vt inquit Apostolus, *nec iniquitas est, nec personarum acceptio*: & quòd nos *non debemus plus sapere, quam oportet sapere, sed sapere ad sobrietatem*, & gratias continuò agere debemus Deo, qui nos eripuit de potestate Diaboli, & trātulit in Regnum dilectissimi filij sui Iesu Christi per eius passionem, ac mortem, cui gloria in sæcula.

192. Dico 3. Christus Dominus, nedum pro reprobis post eius aduentum natis, ac nascituris vsque ad mundi finem mortuus est, eisque beneficium attulit sufficienter per institutionem mediocorum ad salutem; sed etiam pro reprobis, qui à mundi initio, vsque ad ipsum extiterunt, mortuus est, beneficium eis afferens per media ad salutem à Deo tunc pro toto humano genere instituta ex præuisione meritorum, ac mortis Christi in tempore futuræ.

193. Prob. ac declaratur hæc curiosa conclusio, clariùs postea in sequenti Opusculo (de Auxilijs) declaranda. Sic ergo prob. Christus mortuus est pro omnibus, sic decernente Deo, quia omnes in Adamo erant mortui, vt sæpè testatur Apostolus, & docet fides; sed nedum prædestinati, ac reprobi, qui Christi aduentum sequuntur, in Adamo mortui sunt; sed etiam omnes, qui

Cur non  
discreti  
fuerit re-  
probati.

Etiam pro  
reprobis.  
qui fuerūt  
ante ipsum  
Christus  
mortuus  
est.

Evidens  
ratio sup-  
posita fide.

eum præcesserunt, incipiendo ab Adamo vsque ad mortem eiusdem Domini: ergo pro ijs etiam mortuus est. 2. quia Christus, per mortem fuit Mediator omnium hominum præsentium, futurorum, ac præcedentium, immò quasi (vt ita dicam) magis propter illos mortuus est; ait enim Apostolus, *Rom. 3. 25. Per redemptionem, quæ est in Christo Iesu, quem proposuit Deus propitiationem per fidem in sanguine ipsius ad ostensionem iustitiæ suæ propter remissionem præcedentium delictorum.* Pro omnibus ergo hominibus, etiam, qui Christum præcesserunt, mortuus est Christus; & de prædestinatis inter eos, est adeò certum, vt ipsi omnium primi beneficium mortis senserint, quia à Lybmo liberati, & in Cælum introducti; pro antecedentibus ergo etiam mortuus est Christus.

Quale beneficium  
attulit re-  
probis an-  
tecedenti-  
bus Chri-  
sti mors.

194. Prob. modò secunda pars, quoad beneficium, quod etiam reprobi præcessores mortis Christi, per eum obtinuerunt, evidenti ratione. Omnibus, qui Christum præcesserunt (loquendo de adultis) Deus dedit media necessaria ad salutem, ob merita passionis, & mortis Christi præuisa, quæ illis tantum profuerunt, quibus applicata fuerunt: sicut modò ob merita passionis, ac mortis exhibita, ijs tantum profunt media salutis, quibus applicantur. Ergo sicut Christus ideò profuit reprobis post eius mortem natis, ac nascituris, quia pro ijs per exhibita merita, instituta sunt media ad salutem; ita profuit illis ab initio mundi vsque ad suum aduentum; quia Deus ob præuisa Christi merita instituit media ad salutem necessaria ad delendum originale, & ad delendum actualia patrata post deletionem originalis: nec potest aliter declarari beneficium, quod

quod reprobis illorum temporum attulit Christus. Quòd verò ijs non profuerunt, neque saluati sint; hoc accidit, quia media illa non fuerunt eis applicata; sicut modò reprobi damnantur, quia media salutis, vel eis non applicantur, vel quia non, vt oportet, applicantur.

195. Prob. 2. & redit in idem. Electi, & prædestinati pro lege naturæ, & gratiæ Christum Mediatorem habuerunt pro liberatione à seruitute Diaboli, tam in statu originalis, quàm in statu personalis peccati; quia Deus ob præuisa merita passionis, & mortis Christi instituit pro omni lege remedium contra originale, & personale, seu actuale; & efficaciter voluit, vt eis applicarentur illa remedia; ergo pro reprobis etiam erant parata; alioquin non habuissent gratiam sufficientem ad salutem, & fuissent excusatione digni, si pro eis media illa, nec applicata, neque parata fuissent. Anteced. prob. ex S. Hieronymo in cap. 3. epist. ad Gal. vbi ait Apostolus. *Conclusit scriptura omnia sub peccato, vt promissio ex fide Iesu Christi daretur credentibus.* Hieron. inquit. *Scribit ad Timotheum, Vnus est Mediator Dei, & hominum homo Christus Iesus postquam ob nostram salutem de Virginis utero dignatus est nasci, Dei & hominum homo Christus Iesus, sequester est dictus. Antequam verò humanum corpus assumeret, & esset apud Patrem in principio Deus Verbum, ad omnes sanctos, ad quos factus est sermo Dei, Enoch videlicet, Noe, Abraam, Isaac, & Iacob, & postea Moysen, & cunctos Prophetas, quos Scriptura commemorat, sine additamento hominis, quem nec dum assumpserat, Mediator tantummodò nuncupatur. Hæc autem mediatio, illum præstabat effectum, vt electos illos, in originali nascentes, & postea in*  
mor-

Media salutis Deus instituit pro antiquo tempore, ob præuisa merita Christi.

Ex Hieron.

Remedia  
contra ori-  
ginale . &  
actuale pro  
lege natu-  
rz .  
Et pro le-  
ge scripta.

Christus  
caput om-  
nium .

Ex S. Aug.  
fuit semper  
necessaria  
Christi fi-  
des ad sa-  
lutem .

mortali proprio cadentes, per aliqua media, peccata illa delentia, Deo reconciliaret; sicut factum est: nam pro toto tempore legis naturę aderat remedium contra originale, quod, vt alibi dixi, erat oblatio quędam facta Deo, cum fide venturi, implicitę saltem crediti; & pro mortali proprio, aderat remedium contritionis de peccato, cum proposito non peccandi de cętero, & cum fide venturi eodem modo crediti. Pro Iudęis verò incipiendo ab Abraham, cui pręcepta fuit circūcisio vsq; ad promulgationem Euangelij, remediū contra originale pro maribus fuit circumcisio; pro alijs verò extra Iudęos durauit idem remedium, quod prius. At pro mortali proprio in vtraque lege durauit vsque ad promulgationem Euangelij idem remedium, licet pro Iudęis in lege scripta aliqua legalia fuerint addita. Hęc autem remedia dependenter à meritis Christi fuerunt à Deo instituta, vt ipse esset omnium Mediator; quia ait Apostolus ad Coloss. 1. 18. *Ipse est caput corporis Ecclesię, qui est principium, primogenitus ex mortuis, vt sit in omnibus ipse primatum tenens, quia in ipso complacuit omnem plenitudinem inhabitare, & per eum reconciliare omnia in ipsum pacificans per sanguinem crucis eius, siue quę in terris, siue quę in Cælis sunt.*

196. Et S. Augustinus lib. 2. de pecc. orig. contra Pelag. & Cælest. cap. 24. docet, omnes Sanctos Patres in fide Christi venturi, ac merituri, Dei gratiam, & peccatorum remissionem obtinuissē: ait enim, *ex fide, qua nos viuimus vna eademque vixerunt antiqui iusti; & ipse Moyses Testamenti Minister Veteris, hæres Noui, incarnationem, passionem, & resurrectionem Christi credentes futuram, quam nos credimus factam: quod prius docuerat in*

lib. 3. cap. 4. contra duas Epistolas Pelagij, & contra Iulianum Pelag. lib. 1. cap. 2. eisdem verbis. Quoniam ex Ephes. 1. 10. Deus proposuit instaurare omnia in Christo, quæ in Cælis, & quæ in terra sunt.

197. Tunc sic. Ista media ad salutem pro deletionem originalis, & actualium peccatorum instituta, non fuerunt à Deo determinata pro his tantum, aut illis, sed communia omnibus hominibus, bonis, & malis, ut eis pro necessitate vterentur; quia, ut inquit S. Augustinus, *numquam Deus reliquit mundum sine remedio, nec unquam præcepit impossibilia*; omnes ergo etiam reprobis in prioribus legibus habuerunt remedia contra utrumque peccatum, & gratiam sufficientem per unicum Mediatorem Christum. Noe enim ante diluuium electis, & reprobis, ut resipiscerent prædicabat; nam ex 1. Epist. Petri 3. 20. habemus, quod Christus ad inferos descendens, *his, qui in carcere erant, spiritibus veniens prædicauit: qui incredulifuerant aliquando, quando expectabant Dei patientiam in diebus Noe, cum fabricaretur Arca, &c.* Aliquos enim ex ijs in Lymbo fuisse oportet, quos Christus arguit, quia non crediderunt Noe prædicanti diluuium futurum, licet per centum annos, ut ait Glos. ord. in citato loco Petri, durauerit fabricatio Arce à Noe elaboratæ. Lyr. Iudæus olim, ibidem ait, *Noe ex parte Dei peccatores ad penitentiam hortabatur*. Omnibus ergo bonis, & malis prædicabat penitentiam Noe: & sic oportuit eos auxilia habuisse supernaturalia ad posse credere, pænitere, ac Deum diligere; quia erat eis impossibile eos actus naturalibus viribus exequi. Hæc autem auxilia eis Deus concedebat intuitu meritorum præuisorum Christi, omnium Mediatoris.

Aliud

Noe prædicauit bonis & malis.

Ionas præ-  
dicauit bo-  
nis, & malis

Prophetæ  
omnes simi-  
liter prædi-  
carunt.

Iis, quibus  
prædicabāt  
auxilia  
sufficientia  
habuerūt.

198. Aliud Scripturæ exemplum est illud Io-  
næ, quo prædicante in magna Ciuitate Ninive;  
Regeque terrefacto, ac indicente ieiunium rigo-  
rosum pro hominibus, & bestiis, & mandante  
resipiscenciam à pessimis vijs suis, penitentiam  
egerunt, & Deus placatus est, & Ciuitas subuer-  
sa non fuit: igitur auxilium diuinum habuerunt,  
vt pæniterent, ac Deum placarent: illud autem  
auxilium Deus concessit ex præuisione mortis, ac  
meritorum Mediatoris Christi.

199 Alia innumera suppetunt Scripturæ exē-  
pla, & præsertim omnium Prophetarum maio-  
rum, ac minorum, quos misit Deus ad prædican-  
dum Idolatris Regibus, tam Samariæ, quam Iu-  
dæe, eorumque populis, quamuis nihil profece-  
runt: oportuit ergo, vt populi illi, quibus præ-  
dicabant, quosque à peccatis, præsertim Idola-  
triæ retrahere satagebant, auxilia gratiæ, nempe  
illuminationes, ac inspirationes ad cognoscen-  
dam veritatem, & adorandum Deum pro eius co-  
gnitione, & assécutione, habuerint; alioquin  
impossibilia eis fuissent, quæ sibi prædicabantur;  
neque potuissent de inobedientia puniri: Hæc e-  
nim duo Dei bonitati, ac iustitiæ non conueniunt.  
Si igitur media illa ad salutem necessaria, & ad  
resipiscendum, ac sanctè operandum habuerunt  
(quamuis eis ex sua culpa vñ non fuerint) ex præ-  
uisis meritis passionis, ac mortis Christi homi-  
num omnium Mediatoris, ac Redemptoris. Ip-  
sum enim constituit Deus caput totius Ecclesiæ  
pro omni statu; & in ipso decreuit omnia instaura-  
re; ideò sine ipso factum est nihil: & sicut sine  
eo, nihil boni supernaturalis nunc fieri potest: ne-  
que potuit ante eius aduentum fieri, & sicut nunc  
Deus illuminat omnem hominem venientem in

hunc



hunc mundum ob merita Christi exhibita : ita  
tunc ob eadem præuisa . Omnibus ergo , etiam  
reprobis , qui existunt , & existent , ac extiterunt  
ab initio mundi vsque ad Christum , ex morte  
eius præuisa , aut exhibita beneficium aliquod sa-  
lutare obtinuerunt , quo uti potuerint , ac possint :  
quòd verò non utantur , aliundè , ut sæpè dixi-  
mus , prouenit .

200. Concludamus ergo Caput istud , simul-  
que Opusculum cum S. Augustino *lib. de salut. do-  
cum. cap. 46. Christus non pro Sanctis tantum passus  
est ; sed pro peccatoribus , & impijs , ac sceleratis a-  
scendit in Crucem , & passione sua nos omnes reuoca-  
uit ad vitam : non Sanctis tantum dedit Deus Solem ,  
& Lunam , & pluuiam , & omnia nascentia  
terre , &c. Non enim iniustus est Deus ,  
aut personarum acceptor : sed  
iustus , benignus , ac miseri-  
cors ; cui gloria in  
sæcula. Amen.*

Sine depen-  
dentia ad  
Christime-  
rita nullū  
opus bonū  
fieri vmq̃  
potuit .





# OPVSCVLVM TERTIVM.

## DE GRATIIS ACTVALIBVS, SEV DE DIVINIS AVXILIIS.

### CAPVT PRIMVM.

*Quid intelligatur nomine Gratix actualis, seu  
Divini Auxilij.*

I.



DV. I. quòd Theologus ,  
omnes suas Conclusiones  
eruiere debet ex Sacra  
Scriptura, siue literaliter  
accepta, siue declarata  
à Romano Pontifice, vel  
à Concilijs Generalibus,  
siue Prouincialibus à Sã-  
cta Apostolica Sede ap-

Theologus  
quibus me-  
dijs debet  
suas proba-  
re conclu-  
siones.

probatis ; siue à traditionibus ; siue à Patribus ,  
vel Sanctis, aut præclaris Ecclesiæ , laudatisque  
Doctoribus : Nam Ecclesiast. 8. dicitur. *Non  
te prætereant narratio Seniorum ; ipsi enim didicerunt  
à Patribus suis , vt scias in tempore opportuno dare  
responsum .* Hoc idem docuit Innocent. I. vt ha-  
betur in *can. ult. dist. 20. de quibus causis . Si nul-  
la soluendi , ligandique authoritas in libris Veteris  
Testamenti, quatuor Evangeliorum cum totis scriptis  
Apostolorum appareat , ad diuina recurre scripta*

Græ-

*Græca. Si neque in illis, Canones Apostolica Sedis intueri. Sineque in illis ad Catholica Ecclesiæ Historias Catholicas, à Catholicis Doctoribus scriptas manum mitte. Si nec in illis, Sanctorum exempla perspicaciter recordare. Quod si omnibus his inspectis huius quæstionis qualitas non lucidè inuestigatur Seniores Provincia congrega, & eos interroga. Facilius namque inuenitur, quod à pluribus Senioribus quaeritur. Verus enim repromissor Dominus ait, Si duo, vel tres conueniunt super terram in nomine meo, de omni re, quamcumque petierint, fiet eis à Patre meo. Hæc ergo sunt Ecclesiastica, ac diuina Promptuaria, è quibus canonica, theologica, ac morales resolutiones excerptæ sunt: & propterea in primi Opusculi initio me declarauit, quòd, quando pro difficilibus hisce materijs claras resolutiones non inuenero in Sacra Scriptura, in decretis Romanorum Pontificum, vel in approbatis Concilijs; ad Sanctorum antiquorum Patrum, atque Ecclesiæ Doctorum, qui Apostolorum temporum proximiores fuerint, Doctrinas, recurram, inter quos vnum Augustinum, vtpotè omniscium elegi; & sicut in duobus Opusculis feci, sic prosequar in hoc de Auxilijs diuinis, pro quibus tuendis, ac declarandis contra Pelagianos, ac Manichæos, vsque ad vitæ finem laborauit: cuius Doctrinam Vniuersalis Ecclesia complexa est. Ex Scriptura ergo primùm huius quæsti resolutione petenda est; ideo*

S. Scriptur.  
admonitio.

Innoc. r.  
documentum.

Authoris  
intentio.

Gratia, auxilium diuinum, & adiutorium in S. Script. commemorantur.

2. Adu. 2. quòd hæc vocabula *Gratia, Auxilium*, seu *Adiutorium* diuinum, in Sacra Scriptura, cum suis significatis sæpè in vtroque Testamento reperiuntur.

3. De vocabulo enim *Gratiæ* diuinæ collatæ, vel conferendæ à Deo hominibus, vel ab eo peten-

de, & si penè innumera Scripturę sint loca, vt facile quisque in Concordantijs Bibliorum, Verbo, *Gratia*, videre potest; tamen ad laborem subleuandum aliqua referam Exodi 11.3. *Dabit autem Dominus Gratiā populo*: idem repetit in cap. 12. 18. & in cap. 13. 12. de ipsomet Moise inueniente gratiam apud Deum, tot beneficia ei largientem; Iudith. 10. 8. *Deus Patrum nostrorum det tibi gratiam*. Psalm. 83. *Gratiam, & gloriam dabit Dominus*. Prou. 3. 14. *Mansuetis dabit gratiam*. Sap. 4. 15. *Gratia Dei, & misericordia est in sanctos eius*; & alia plura possunt loca Veteris Testamenti adduci. At quia Nouum Testamentum ex gratiarum abundantia appellatur *Lex Gratię*, quia Ioan. 1. 17. *Gratia, & veritas per Iesum Christum facta est*, ex eo accipiamus exempla. Act. 6. 8. *Stephanus plenus gratia, & fortitudine*: cap. 7. 10. *Deus dedit ei gratiam, & sapientiam*: cap. 15. 11. *per gratiam Domini Iesu*. Rom. 1. 5. *Per quem accepimus gratiam, & in tota epistola per 24. vices mentio fit de Gratia Dei*. In epistol. ad Corinth. 25. vicibus, in alijs supra 50. Item in vtraque epistola Petri: in secunda, & tertia Ioannis, & in epist. Iacobi. In his ergo, & in omnibus canonicis Libris mentio fit de gratia, quam Deus hominibus confert.

4. De vocabulo *Auxilij diuini*, quod Deus hominibus impertitur pro suis actionibus exercendis, 2. Paralip. 20. 17. *Videbitis auxilium Domini*. Iudit. 6. 21. *petentes auxilium à Deo Israel*. Psalm. 19. 3. *Mittit tibi auxilium de Sancto*, &c. Psalm. 39. 13. *Da nobis auxilium de tribulatione*. Psalm. 61. 8. *Deus auxilij mei*. Psalm. 70. 12. *Deus meus in auxilium meum respice*. Psalm. 120. *Auxilium meum à Domino*, & alia plura suppetunt

Sacrę

De Gratia  
frequens  
mentio in  
S. Script.

In Nouo  
Testam.  
sepius,  
quia est lex  
gratię.

Sacræ Scripturæ loca . Isaïæ 41. 10. & 14. Deus improperat Populo , *ego auxiliatus sum tibi* , cap. 49. 8. *In die salutis auxiliatus sum tibi* . cap. 50. 7. *Dominus Deus adiutor* : idem replicat infra. Sub titulo Adiutorij diuini habemus alia Sacri Textus loca . Psalm. 34. 2. *exurge in adiutorium mihi* ; Psalm. 67. *Deus in adiutorium meum intende, Domine ad adiuuandum me festina* . Psalm. 125. *Adiutorium nostrum in nomine Domini* . &c.

De auxilio diuino pluries fit mentio .

Item de adiutorio .

5. Habemus ergo in Sacra Scriptura hæc vocabula significantia beneficium aliquod , seu opē aliquam, quam Deus hominibus confert, quæ aliquando appellatur *Gratia* , aliquando *Auxilium* , aliquando *Adiutorium* actuale ; sed idem significant, idèò significatum horum vocabulorum nunc inquirō .

6. Adu. 3. quòd nomen *Gratia* etiam inter prophanos Scriptores commune est ad significandum omne bonum , omneque beneficium , quod aliquis alteri confert gratis ex sua beneuolencia, sine merito recipientis ; nam si ex merito confert, non est gratia, sed præmium, & merces . Inter Theologos autem de diuinis erga homines beneficijs, & gratijs differentes , *Gratia* diuina in genere sumpta significat omne bonum , omneque donum, quod Deus hominibus largitur, siue sit naturale, idest, spectans ad naturam hominum , vt est anima, corpus, vita, sanitas, bona fortunæ, honores , &c. siue sit bonum spirituale , & supernaturale disponens, & conducens ad spiritualem vitam , & æternam salutem . De primo gratiarum genere hîc non loquimur , sed de secundo , nempe spirituali , ac supernaturali ad salutem conducente. At quia *Gratia* spiritualis, ac supernaturalis multiplex est, quædā enim dicitur habitua-

Apud prophanos *gratia* quid significet .

*Gratia* generis multi-plex .

Habitualis .

lis ,

Gratis da-  
ta.

Actualis  
quæ.

Auxilij  
genus mul-  
tiplex.

Quid in-  
telligitur  
nomen  
gratiæ.

lis, & sanctificans, seu gratum, & sanctum fa-  
ciens, quæ ex Scoto, quem sequor, est eadem, ac  
Charitas; quædam est gratis data, quæ non san-  
ctificat, sed est in bonum aliorum, vt latè dixi  
in *tom. 3. in 3. sent.* vt Prophetia, Gratia miracu-  
lorum, & aliæ septem; quædam dicitur gratia  
actualis, seu auxilium illud, quo Deus concurret  
cum homine ad aliquod opus bonum, conducens  
ad salutem: in hoc loco non loquimur de primis  
Gratiarum generibus, sed de postremo, de gra-  
tia nempe actuali.

7. Adu. 4. quòd nomen *Auxilium diuinum* est  
commune ad omne adiutorium, quo Deus adiu-  
uat homines cooperando cum illis in suis ope-  
rationibus, tam naturalibus, quàm supernatura-  
libus: Omnis enim homo, omnisque creatura,  
tam in sui primo esse, & conseruari, quàm in om-  
ni sua operatione indiget ope, ac auxilio Dei, vt  
docet Apostolus Act. 17. 28. *In eo enim viuimus,  
mouemur, & sumus.* Hic autem nō loquimur de au-  
xilij diuino in tanta latitudine accepto; sed de au-  
xilij, quo indiget homo in motibus, seu ope-  
rationibus, tam internis, quàm externis conducen-  
tibus ad salutem, vt sunt v.g. obseruantia præ-  
ceptorum, *sicut oportet*, obseruantia consiliorum;  
omniaque supererogationis opera, pietatis, Re-  
ligionis, &c. De gratijs, seu auxilijs ad hæc opera  
requisitis hic loquimur; ideò

8. Dico 1. nomine *Gratiæ*, seu *Auxilij diuini*,  
actualis, intelliguntur omnes illæ cooperationes,  
& adiutoria, quibus Deus cooperatur cum ho-  
minibus, dum exercent, *sicut oportet*, opera præ-  
ceptorum, vel consiliorum, vel supererogationis  
ad salutem pertinentia.

9. Prob. ex suppositione, quòd homo effice-  
re



re non possit aliquod opus meritorium, siue de  
condigno, vt in homine iusto, siue de congruo,  
vt in homine disponente se ad iustitiam, ( per ba-  
ptismum, seu per pœnitentiam obtinendam, ) vt  
de fide esse dicemus in suo loco, sine gratia, seu  
auxilio ad opera ista faciendâ à Deo obtinendis;  
ergo Gratia actualis, seu Auxilium diuinum hanc  
opem, hunc concursum, seu adiutorium signifi-  
cant, quod ad præfata opera faciendâ est neces-  
sarium, & sine quo non fierent, vel non fierent,  
vt oportet, idest à Deo exigita, eique placentia.  
Anteced. prob. ex S. Scripturæ locis: Hanc opem  
Sancti à Deo petebant. Tren. 5. 21. *Conuerte nos  
Domine ad te, & conuertemur.* Jerem. 31. 18. *Con-  
uerte me, & conuertar, quia tu es Dominus Deus  
meus.* Psalm. 79. 8. *Deus virtutum conuerte nos;  
ostende faciem tuam, & salui erimus.* Et vt in no-  
tabili diximus sæpè sic Dauid Dei opem ad benè,  
& sanctè operandum implorabat, *Deus in adiuto-  
rium meum intende. Adiutor meus esto, ne derelin-  
quas me, neque despicias me Deus salutaris meus.*  
*Ad te leuavi oculos meos, qui habitas in Cælis. Ad  
Dominam cum tribularer clamaui, & exaudiuit me.*  
*Leuavi oculos meos in montes, vnde veniet auxi-  
lium mihi, auxilium meum à Domino, &c. Deus  
Deus meus respice in me, quare me dereliquisti, & cæ-  
tera multa. Quis cõsurget mihi aduersus malignâtes,  
aut quis stabit mecum aduersus operantes iniquita-  
tem. Nisi quia Dominus adiuuit me, paulò minus  
habitasset in inferno anima mea. Si dicebam, motus  
est pes meus, misericordia tua Domine adiunabat me.*  
Psalmo 93.

10. Hieremię 31. 19. *Postquam conuertisti me,  
dedit mihi penitentiam; & postquam ostendisti mihi, per-  
cussisti femur meum.* Ezzechielis 36. & 37. *Deus pro-  
mittit*

Hanc à  
Deo homi-  
nes petūt.

Ex Veter.  
Testam.

mittit hoc auxilium, hancque gratiam conuertendi, ac trahendi ad penitentiam, & ad sanctè operandum. *Dabo tibi cor nouum, & spiritum nouum ponam in medio vestri: auferam cor lapideum de carne vestra, & dabo vobis cor carneum, & spiritum meum ponam in medio vestri; & faciam, vt in præceptis meis ambuletis, & iudicia mea custodiat, & operemini.* Alia similia Veteris Testamenti loca, quæ Dei opem, seu adiutorium, & gratiam ad benè operandum in via salutis, indicant; in decursu huius Opusculi adducentur.

Ex Nouo  
Test. notitia  
gratiæ.

II. Ex Nouo Testamento plura pariter sumi possunt loca, quæ diuinam gratiam, seu auxilium indicant, quo Deus omnes infirmos homines adiuuat ad benè, sanctèque operandum: aliqua igitur ex his proferam. Apocal. 3. *Ego sto ad ostium, & pulso; si quis audierit vocem meam, & aperuerit mihi ianuam, intrabo ad illum, & cænabo cum eo, & ipse mecum.*

Ex 2. Timot. 1. 9. *Qui liberauit nos, & vocauit vocatione sua sancta, non secundum opera nostra, sed secundum propositum suum, & gratiam, quæ data est nobis in Christo Iesu ante tempora secularia.*

Ex Pauli  
Epistolis.

Ex Rom. 8. 26. *Spiritus adiuuat infirmitatem nostram, nam quod oremus, sicut oportet, nescimus: sed ipse spiritus postulat pro nobis gemitibus inenarrabilibus.*

Ex Philipp. 3. 13. *Deus est, qui operatur in nobis velle, & proficere pro bona voluntate.*

Ex 1. Corinth. 4. 8. *Quid habes, quod non accepisti? Si autem accepisti, quid gloriaris, quasi non acceperis? Et in cap. 12. 3. Nemo potest dicere Dominus Iesus, nisi in Spiritu Sancto.*

Ex 2. Corinth. 3. 5. *Non quod sufficientes si-*

*mus cogitare aliquid à nobis, quasi ex nobis, sed omnis sufficientia nostra ex Deo est.*

Ex Euangelio pariter, ipsiusque Saluatoris ore audiuius gratias, seu auxilia, quæ nobis ad benè operandum necessaria sunt, quæque Deus ob eius merita nobis elargitur. Ioan. 6. 44. *Nemo potest venire ad me, nisi Pater, qui misit me traxerit eum.* cap. 1. 6. *Erat lux vera, quæ illuminat omnem hominem venientem in hunc mundum, & de plenitudine eius omnes accepimus, & gratiam pro gratia: & cap. 14. Christus ait, sine me nihil potestis facere.* Matth. 23. 27. *Quoties volui congregare filios tuos, quemadmodum gallina congregat pullos suos sub alis, & noluisisti; & Matth. 6. 9. docet, Sic orabitur. Pater noster, &c. & ne nos inducas in tentationem, sed libera nos à malo.* Ioann. 17. 11. ipsemet Saluator orat pro Apostolis, ut adiuuentur. *Pater sancte serua eos in nomine tuo, quos dedisti mihi, ut sint vnum, sicut & nos. Non rogo, ut tollas eos de mundo, sed ut serues eos à malo.* Et specialiter pro Petro Lucæ 22. 31. inquit. *Simon, ecce Sathanas expetiuit nos, ut cribraret, sicut triticum. Ego autem rogaui pro te Petre, ut non deficiat fides tua, & tu aliquando conuersus confirma fratres tuos.*

12. Tota ergo Sacra Scriptura vtriusque Testamenti scater eiusmodi locis, quæ indicant adiutoria diuina, ac supernaturalia, quæ confert Deus hominibus, ut possint opera salutis operari. Dicuntur autem adiutoria, seu auxilia, quæ dant virtutem, seu vires ad talia opera, sine quibus fieri non possunt: dicuntur, *gratia*, quia gratis, & sine meritis à Deo donantur: dicuntur *æterna* adiutoria, seu gratiæ ad differentiam habituum supernaturalium, vel etiam moralium, qui à Deo conceduntur, permanentque in homi-

Ex Euang.

Tota Scriptura plena est his dictis significantiis diuina adiutoria.

Cur dicuntur gratiæ

Cur dici-  
tur a&ua-  
les.

ne, siue operetur, siue non, ante actum, & post actum; at gratiæ istæ actuales, siue actualia auxilia cum actibus incipiunt, & desinunt, duranteque, durante actu. At quid sint, an aliqua qualitas animæ, vel eius potentijs inherens, vel ipsamet Dei cooperatio; & quotuplicis generis sint, an necessaria, &c. dicetur postea. Pro nunc sufficit scire, quòd dentur istæ gratiæ actuales, seu auxilia; & significant opem, quam Deus confert hominibus ad benè, sanctèque operandum.

## C A P V T I I.

*De varijs nominibus, ac speciebus gratiarum, seu auxiliorum.*

13. **A**Du. 1. quòd antequam deueniamus ad discussionem necessitatis, naturæ, ac effectuum diuinarum gratiarum, seu auxiliorum, operæ pretium est diuersas eorum species, ac nomina explicare, vt tyrones faciliùs eorum naturam intelligant. Gratiarum autem, seu auxiliorum nomina, quæ in Sacra Scriptura, vel in Concilijs, vel in Sanctorum Patrum, & præsertim Augustini codicibus reperiuntur; ista sunt. *Præueniens, excitans, adiuvans, cooperans, subsequens, medicinalis, sanans, efficax, sufficiens, qua, & sine qua.* Omnium ethimologias, naturas, & effectus, crasso, (vt ita dicam) pro nunc modo per plures paragraphos, & capita prælibabimus, latius postea, ac distinctius de eisdem acturi.

14. Adu. 2. quòd nedum hic, sed in toto hoc Opusculo hæc duo *gratia actualis*, & *auxilium*, promiscuè sumuntur, & idem significant, nempe fauorem illum, seu opem, quam Deus elargitur homi-

Gratiarum  
seu auxi-  
liorum  
nomina.

ominibus ad operandum, *vt oportet*, opera salutis, quæ non posset homo cum solis naturalibus viribus facere : dicitur autem *auxilium*, quia per illud Deus auxiliatur, vt homo facere possit, & faciat opera, quæ de se sine illo auxilio non posset : dicitur verò *gratia*, eo quòd à Deo, qui nulli debet, gratis, idest, sine meritis datur; vnde Apostolus Rom. 11. 6. *si autem gratia ex operibus*, (idest meritis) *iam gratia non est gratia* : quia tunc esset *merces*; seu prægium.

## S. I.

*An detur; qua, qualisque sit Gratia præueniens.*

15. **D**ico. Gratia, seu auxilium *præueniens*, consistenda de fide est : & est illa, qua Deus præuenit intellectum, & voluntatem humanam in ordine ad actus bonos, & sanctos, *illuminando intellectum* ad cogitandum hic, & nunc de illis, & *inspirando* voluntati, vt consentiat, & exequatur.

16. Declaratur Conclusio, & postea probabitur. Quilibet homo, vel scit legem Evangelicam, vel non. Si non, vt Pagani, Mahometani, Iudæi, & suo modo etiam Hæretici, dixi, *suo modo*, idest circa ea, quæ non credunt; si istis prædicatur veritas Evangelica, & à Deo illuminantur ad cognoscendam veritatem, & inspirantur ad consentiendum illi, quod fit per voluntatē imperantem intellectui, vt assentiat; illuminatio illa respectu intellectus, & inspiratio respectu voluntatis sunt gratiæ *præuenientes* : quia reuera præueniunt actus talium potentiarum : & si sunt

Idem auxilium, ac gratia actualis.

Datur gratia præueniens, & quæ est.

Explicatio conclus.

Quid sit  
gratia præ-  
ueniens, &  
cur sic di-  
ca.

efficaces sequitur consensus voluntatis, & assensus fidei in intellectu, neque enim aliter creditur, quia ut docet S. Augustinus; *cetera potest homo nolens; credere verò non nisi volens*. Si autem gratia ista præueniens non sit efficax, intellectus illuminatur quidem, & voluntas inspiratur; sed effectus credendi non sequitur; ut accidit Iudæis (Christo, & Apostolis prædicantibus) multi enim auditorum crediderunt; ceteri verò non. Vnde autem oriatur, quòd gratia efficax sit in illis, & non in istis; discutietur postea.

Quomodo  
per præue-  
nientem  
disponitur  
homo ad  
credendū.

17. Quòd verò hoc modo fiat conuersio infidelium venientium ad fidem Deo præueniente, eorum potentias, easque ad consensum, & assensum disponente, docere videtur Concilium Trident. sess. 6. cap. 5. loquens de alicuius infidelis conuersione, sic. *Declarat* (S. Synodus) *iustificatiois exordium in adultis à Dei per Iesum Christum præueniente gratia, sumendum esse, hoc est; ab eius vocatione, qua nullis eorum existentibus meritis, vocantur, ut qui per peccata à Deo auersi erant, per eius excitantem, atque adiuuantem gratiam ad conuertendum se, ad suam ipsorum iustificationem, liberè gratiæ assentiendo, & cooperando, disponuntur; ita ut tangente Deo cor hominis per Spiritus Sancti illuminationem, neque homo ipse nihil omninò agat, inspirationem illam recipiens; & in fine ait, cum dicit Scriptura conuerte nos Domine ad te, & conuertemur, Dei nos gratia præueniri confitemur: Et in capite sequenti declarans, quomodo ex Dei gratia præparatur, ac disponitur homo ad primam iustificationem, idest, cum quis primò conuertitur ad fidem, eandem præuenientem gratiam conficitur, ac declarat sic. *Disponuntur autem ad ipsam iusti-**



*iustitiam, dum excitati diuina gratia, & adiuti fidem ex auditu concipientes, mouentur in Deum, credentes vera esse, quæ diuinitus reuelata, & promissa sunt; &c.* Hoc ergo est exemplum de gratia præueniente, seu excitante infidelem ad conuersionem; quia sopitus in sua Religione, à Deo præuenitur, & excitatur ad cognoscendam veritatem, & volendum credere, & diligere Deum, ac in eo sperare: quod pluribus modis facere potest Deus; regulariter tamen id facit per prædicatores Euangelij: speciali modo facit per obseruationem vitæ, ac morum fidelium; specialius per lectionem librorum de fide, & lege Christianorum tractantium; specialissimè tandem, (sed rarò) cùm quis nec prædicatorem audit, nec mores Christianorum videt, nec libros sacros legit; sed ex improviso, Deus in mentem ipsius immittit dubium aliquod, ac dissidentiam de sua Religione; & inspirat, vt pergat ad locum aliquem, in quo audire possit, ac intrui de nostra lege. Hæc ergo est gratia *præueniens*, seu *excitans* pro casu conuersionis: Alia exempla pro alijs operibus bonis, ac sanctis, vt sunt obseruantia præceptorum, aut consiliorum, aut supererogationum opera, quæ post conuersionem ab omni fidei fieri possunt, pro quibus quoque præueniens gratia necessaria est, mox adducam.

18. Si ergo homo sit fidelis; quia tenetur ad præceptorum naturalium diuinorum, ac positiuorum, atque Ecclesiæ obseruantiam, & si vult potest etiam Euangelica consilia obseruare, & alia supererogatoria facere, vt eremiticam degere vitam, peregrinationes, ac ieiunia peragere; aliasque mortificationes suscipere, vt dormitionem in terra, vigiliis, flagellationes, & alia eiusmodi

subi-

Conc. Tri-  
explicatio  
huius gra-  
tiz .:

Quibus mo-  
dis Deus  
præuenit  
per gratiã.

Opera su-  
pereroga-  
toria, quæ  
sunt.

subire; ad omnia hæc peragenda, præuenit Deus, ut postea patebit, excitando, illuminando, & inspirando talia opera; quia, ut diximus ex Apostolo, *non sumus sufficientes cogitare aliquid à nobis, quasi ex nobis, sed omnis sufficientia nostra ex Deo est*. Item, dum fidelis cadit in peccatum; ut pæniteat, gratia præueniente, seu excitante indiget; ut scilicet Deus eum illuminet, ac inspiret ad id faciendum, ut Trid. docet in *sess. 6. can. 3*. Sed de necessitate præuenientis; immò, & omnis alterius gratiæ loquemur postea. Nunc de nomine tantum, natura, & qualitate præuenientis gratiæ loquimur. Hac ergo explicatione præuenientis gratiæ supposita, quod debet admitti,

Quòd de  
fide confi-  
tenda sit  
præueniens  
gratia.

Ex S. Scrip.

19. Prob. Conclusio, quòd confiteri debemus dari, hanc gratiam præuenientem: ex Psal. 58. *11. & misericordia eius præueniet me*. S. Augustin. concione 2. in Psal. 58. ut ostendat, quòd omne opus nostrum bonum, ac meritorium, semper à Deo incipit, nunquam à nobis, inquit, *Cogitate, quod dictum est, præueniet me. Si aliquid tuum primum attulisti; & ex tuo aliquo bono primum Dei misericordiam meruisti, non te præuenit. Quando autem vel intelligis, quia præuentus es, nisi intelligas, quod ait Apostolus, quid habes, quod non acceperisti. Si autem acceperisti, quid gloriaris, quasi non acceperis? Hoc est misericordia eius præueniet me.*

Idem Augustinus lib. 2. ad Bonif. cap. 9. ait: *Auertat Deus hanc amentiam, ut in donis suis nos priores faciamus, posteriorem ipsum. Quoniam misericordia eius præueniet me: & ipse est, cui fideliter, veraciterque cantamus. Præuenisti eum in benedictionibus dulcedinis: & quid hoc aptius intelligitur quam ipsa, de qua loquimur, cupiditas boni? Tunc enim bonum concupisci incipit, quando dulcescere*  
cape-

capit. Ergo benedictio dulcedinis est gratia Dei, quæ  
 fit in nobis, & nos delectet, & cupiamus, hoc est a-  
 memus, quod præcipit nobis: in quasi nos non præ-  
 uenit Deus, non solum non perficitur, sed nec inchoa-  
 tur ex nobis. Si enim sine illo nihil possumus facere;  
 profectò, nec incipere, nec proficere, quia, ut incipia-  
 mus dictum est, Misericordia eius subsequetur me.  
 Et in Enchiridio cap. 3. dicit. Nam utrumque  
 legitur in sanctis eloquijs: & misericordia eius præ-  
 ueniet me; & misericordia eius subsequetur me, no-  
 lentem præuenit, ut velit. Volentem subsequitur,  
 ne frustra velit. Cur enim admonemur orare pro ini-  
 micis nostris, utique nolentibus pie vivere, nisi ut  
 Deus operetur in illis, ut velint: oramus ergo pro  
 inimicis nostris, ut misericordia Dei præueniat eos,  
 sicut præuenit nos.

20. Idem S. Doctor conc. 1. in Psal. 58. Pela-  
 gium perstringens, qui docebat bonam hominis  
 volitionem præcedere, eique gratiam postea  
 conferre (quando confitebatur gratiæ necessita-  
 tem) sic ait ad Deum. Quid in me inuenisti, nisi  
 sola peccata? Tuum nihil aliud, nisi natura, quam  
 creasti: cetera mala mea, quæ delinisti. Non ergo  
 prior ad te exurrexi; sed tu ad me excitandum veni-  
 sti. Nam misericordia eius præueniet me. Ante-  
 quam aliquid boni ego faciam, misericordia eius præ-  
 ueniet me. Quid hic respondebit infelix Pelagius?  
 Alia plura congeri possunt S. Augustini loca de  
 Gratia hac præueniente; sed nunc necessarium  
 non est. Adducentur autem, cum discutemus,  
 an gratia, maximè prima, detur præcedente ali-  
 quo merito ex parte hominis. Pro his enim quæ-  
 tionibus, an gratia sit necessaria ad bona opera,  
 & an detur à Deo præcedente aliquo bonæ vo-  
 luntatis motu, tot annis contra Pelagianos, ma-  
 gno

Ex August.

Iterum ter-  
 tiò, & plu-  
 ries Aug.Pro hac  
 gratia tu-  
 da contra  
 Pelagium  
 laborauit  
 August.

gno cum Ecclesiæ fructu S. Doctor laborauit .

21. Probari potest secundò hæc conclusio de existentia præuenientis gratiæ ex Concil. Trid. supplicato , toties præuenientem gratiam commemorante : & in eadem sess. 6. can. 3. sic definitur .  
*Si quis dixerit , sine præueniente Spiritus Sancti inspiratione, atque eius adiutorio, hominem credere , sperare, diligere, aut penitere posse, sicut oportet , ut ei gratia iustificationis conferatur, anathema sit .*

Trident.  
definitio .

22. Confirmatur ex Concilio Arausico can. 18. definiente , gratiam Dei præcedere omnia bona opera, ut fiant .

Concil. Araus.  
can. 18.

23. Confirmatur ex Cælestino Primo, epist. 1. cap. 12. idem cum S. Augustino docente : & tandem ex communi sensu Ecclesiæ , exceptis Semipelagianis , qui ut recedant à Pelagio, docent quidem Gratiam Dei esse necessariam ad omnia opera bona , excepto tamen initio fidei : hunc enim actum dicebant fieri ab homine viribus naturæ , cætera autem bona opera ex auxilijs gratiæ : sed de errore eorum , & de necessitate gratiæ pro quolibet actu bono, loquemur postea .

Cælest. 1.

24. Hinc est , quòd Ecclesia in suis collectis sæpè sic orat . *Tuanos Domine quesumus gratia semper præueniat, & sequatur, ac bonis operibus iungit præstet esse intentos*: ita in Dom. 15. post Penthecostem .

In 2. Dom. Aduentus . *Excita Domine corda nostra ad præparandas vnigeniti tui vias , &c.* Item *Gratiam tuam quesumus Domine mentibus nostris infunde, &c.*

Ex orationibus Ecclesiæ probatur gratia præueniens .

In Dom. 5. post Pascha . *Deus à quo bona cuncta procedunt, largire supplicibus tuis , ut cogitemus, te inspirante, quæ recta sunt, & te gubernante eadem faciamus .*

In Dom. 8. post Penthec. *Largire nobis quæsumus Domine semper spiritum cogitandi, quærecta sunt propitius, & agendi, &c.*

In Dom. 24. post Penthec. *Excita quæsumus Domine tuorum fidelium voluntates, ut diuini operis fructum propensius exequentes pietatis tuæ remedia maiora percipiant.*

In orationibus cōmunibus. In secunda ad petēdā serenitatem, dicitur; *præueniat nos quæsumus Domine gratia tua semper, & subsequatur: & has oblationes, quas pro peccatis nostris nomini tuo consecrandas offerimus, &c.*

Ibidem in oratione pro remissione peccatorum, dicitur. *Deus qui, &c. illumina corda nostra, ut tua valeamus implere præcepta.*

Ibidem in oratione 3. ad repellendas malas cogitationes. *Deus, qui illuminas omnem hominem venientem in hunc mundum, illumina quæsumus corda nostra gratiæ tuæ splendore, ut digna, ac placita maiestati tuæ cogitare semper, & te sincerè diligere valeamus.* Aliæ plures similes phrasēs orandi pro gratia præueniente sunt in Ecclesia: Ergo de fide est.

## S. I I.

*An detur Gratia excitans, quæ, qualisue sit.*

25. **A** Du. 1. quòd licet Gratia præueniens eadem sit, ac excitans; quia tamen hoc etiam nomine appellatur, & effectum quemdam notabilem in animæ potentijs efficit; sub hoc nomine de ea, eiusque effectū loquemur: quoniam animam quasi dormientem, & de nullo bono cogitantem, & fortè tunc de malo aliquo, Deus eā

Pluries eo.  
dem modo  
orat Eccl.

Cur de  
hac loqui-  
tur Author

excitat, facitque euigilare, illuminando intellectum ad cogitationem alicuius boni, & inspirando voluntatem ad eius amorem per primos motus à solo Deo excitatos, ex quibus homo prius nihil cogitans, vel malum cogitans, aut appetens, experitur, se mutatum ad aliam cogitationem, & appetentiam: hæc autem gratia, & fauor diuinus præuenit actus intellectus, & voluntatis: ideoque est *præueniens*, & *excitans* eas potentias.

Notabilis  
cognitio  
pro toto  
hoc tract.

26. Adu. 2. pro clara noticia huius gratiæ immò & omnium dicendorum in hoc Opusculo. quòd cum Deus excitat aliquem ad bonum opus cogitandum, appetendum, seu volendum, ac exequendum, quomodocumque faciat, siue immediatè per seipsum internè, siue per lectionem alicuius Libri spiritualis, vel alterius; siue per concionatorem, aut alium externè loquentem; dum isti externè loquuntur, Deus semper internè loquitur illuminando, & inspirando, ac inflammando ad volendum id, quod externè proponitur, nec sufficeret externa illa vocatio, seu propositio rei bonæ, ac hortatio ad eam (vt Pelagius aliquando docebat) nisi Deus ad intus in corde audientis loqueretur; quod egregiè de more docuit S. Augult. in epistol. 1. S. Ioann. *tract. 3* super illud *non habetis necessitatem, vt aliquis doceat vos; quia vnctio ipsius* (idest Spiritus Sancti) *docet vos de omnibus*: Multa dicit S. Doctor de internis Auxilijs, seu Gratijs diuinis; sed ad rem nostram hoc dicit peculiare. *Videte magnum Sacramentum fratres. Sonus verborum nostrorum aure percutit; Magister intus est. Si non sit intus, quod doceat; inanis fit strepitus noster. Magisteria foris secus adiutoria quædam sunt, & admonitiones, Ca-*

Externa locutio, vel alia noticia non sufficit, nisi Deus internè loquatur.



*thedram in Calo habet, qui corda docet: propterea dicit in Evangelio, Vnus est Magister vester Christus. Ipse ergo intus loquitur; quia nemo hominum illic est, Interius est Magister, qui docet; Christus docet; inspiratio ipsius docet. Vbi illius inspiratio non est, & vultio, forinsecus inaniter perstrepunt verba. Postea adducit exemplum Agricole fundentis aquam circa arborem; at dare ei non potest virtutem producendi poma. Sic se habet prædicator prædicans doctrinam, qui non potest dare virtutem faciendi opera bona: vnde Apostolus. Ego plantavi, Apollo rigavit, Deus autem incrementum dedit. Neque qui plantat est aliquid, neque qui rigat; sed qui incrementum dat Deus: hæc S. Augustinus.*

26. Dico ergo: Admittenda est gratia dicta *excitans*, quæ animam quasi sopitam, & de bono non cogitantem, excitat ad cogitandum, & cupiendum tale bonum.

27. Prob. & declaratur. Quamvis in Sacra Scriptura non habeamus hoc vocabulum, *Excitans* ad rem nostram faciens, nec verbum, *Excito*; habemus tamen æquipollentia, *expergefatio*, ac *expergiscor*, *exurrectio*, & *exurgere*; quæ idem significant. Ephes. 5. 14. habetur. Propter quod dicit, *surgere qui dormis, & exurge à mortuis, & illuminabit te Christus*. Interl. Propter quod dicit, ait, *Spiritus Sanctus per me*. V. *qui dormis* ait, *oblitus Dei*: V. *exurge à mortuis*, ait, *à dormitione futura*. V. *illuminabit te Christus*, ait, *Hic per fidem, & in futuro per speciem; quia ipse est Sol iustitiæ*.

28. S. Augustinus in psal. 62. locum istum discutiens, ait. *Apostolus excitabat animam dormientem, quando ad hoc eam excitabat, ut illuminaretur à Christo: ergo secundum ipsius vigilias dicit*

Datur gra-  
tia excitār.

S. Auguſt.  
plura loca.

*iſte, Deus Deus meus ad te luce vigilo. Non enim vigilares in te, niſi oriretur lux tua, quæ te de ſomno excitaret, illuminat enim animas Chriſtus, & facit eas vigilare:& in pſal. 87. de ſemetipſo excitato à ſomno inconfiderantiæ veritatis fidei, inquit, Quomodo crederem, niſi audirem, ſed vt audita crederem, ipſe me attraxit, quia in occulto à morte cordis, non quilibet medicus, ſed ipſe excitauit: & infra; At per hoc, nec credere potuiſſem, niſi me Dei miſericordia præueniſſet: & quia mortuos ſuſcitatur, & vocat ea, quæ non ſunt, tamquam ea, quæ ſunt, me in occultis vocando, & ſuſcitando, & trahendo à tenebris reduxiſſet, & in lumen fidei perduxiſſet. Idem S. Doctor in pſal. 106. loquens de excitatione, & ſuſcitatione alicuius infidelis, ait; Nihil putantem aliud eſſe poſt hanc vitam, ſocordem, obrutum cor habentem illecebris mundi, & manifeſtis delectationibus conſopitum, vt excitetur iuſtè ad quærendam gratiam Dei, & fiat ſollicitas, & tamquam è ſomno euigilet, nonne manus Dei excitat eum?*

Theodore.  
tus.

29. Theodoretus in hunc Pauli locum inquit. *Qui enim ſocordem, tamquam ſomnum deponit, Domini lucis radium ſuſcipit.*

Iſaias de  
expergeſa-  
tione.

30. Aliud ſimile excitationis verbum habemus in Iſaiæ 26. 19. *Expergiſcimini, & landate, qui habitatis in puluere, quia vos lucis ros tuus: & in Ioelis 1. 5. expergiſcimini ebrij, & flete; & vultate omnes, qui bibitis vinum in dulcedine, quoniam perijt ab ore veſtro.*

31. Quartum ſimile nomen, ac verbum habemus in S. Scriptura explicans actionem excitandi hominem ad benè, ac ſanctè operandum, nempe *Illuminationem*. Cùm nempe homo mundi huius voluptatibus abſtractus, manet quaſi obtenebratus, nihil cogitans de ſpiritualibus rebus

bus ad animæ salutem spectantibus ; & Deus ex sua misericordia illuminat illum ad cogitandum de istis , & ad ea concupiscendum ; quod pluribus modis contingere potest , nempe audiendo concionatorem aliquem , vel alium de diuinis disserentem ; vel librum aliquem legendo ; vel absque ullo ex his extrinsecis medijs, Deus internè cogitationem aliquam in eum immittit species rerum spiritualium mouendo , & ad earum applicationem concurrando , necnon ad eorum affectum , tunc homo ille à Deo *Illuminatur* , & tenebræ mundanarum rerum tunc ab eo repelluntur : de hac illuminatione sæpè fit mentio in S. Scriptura , præsertim in psalterio . Psal. 26. *Dominus illuminatio mea, & salus mea* : crebrò autem hanc à Deo petebat : psal. 12. *illumina oculos meos*. psalm. 17. *Deus meus illumina tenebras meas*. psal. 66. *Illuminet vultum suum super nos , & misereatur nostri , vt cognoscamus in terra viam tuam*. psal. 73. *Illuminans tu mirabiliter à montibus æternis, & cætera plura* . Ecclesiastici 2. 10. *Illuminabuntur corda vestra*, cap. 24. 43. *Illuminabit omnes operantes in se* . In Nouo Testamento multa quoque de illuminatione hac diuina habemus testimonia . Ioan. 1. *Illuminat omnem hominem venientem in hunc mundum* . 1. Corinth. 4. 5. *Illuminabit abscondita tenebrarum* . Ephes. 1. 18. *Illuminatos oculos cordis*, cap. 5. 14. *Illuminabit te Christus* , &c.

32. Quintum simile nomen, & verbum reperitur in Sacra Scriptura explicans excitantem hanc gratiam , nempe inspiratio , qua Deus homini nihil de spiritualibus rebus cogitantium immittit , aliquo ex nuper dictis modis, cogitatione aliquam obiecti boni , & amorem eius . Iob. 32. 8. *Spiritus est in hominibus, & inspiratio omnipoten-*

*Illuminationis exemplum in Scriptura.*

*Aliud simile verbum explicans excitationem est inspiratio.*

Quid sit  
gratia præ-  
ueniens, &  
cur sic di-  
ca.

efficaces sequitur consensus voluntatis, & assensus fidei in intellectu, neque enim aliter creditur, quia ut docet S. Augustinus; *cetera potest homo nolens; credere verò non nisi volens*. Si autem gratia ista præueniens non sit efficax, intellectus illuminatur quidem, & voluntas inspiratur; sed effectus credendi non sequitur; ut accidit Iudæis (Christo, & Apostolis prædicantibus) multi enim auditorum crediderunt; ceteri verò non. Vnde autem oriatur, quòd gratia efficax sit in illis, & non in istis; discutietur postea.

Quomodo  
per præue-  
nientem  
disponitur  
homo ad  
credendū.

17. Quòd verò hoc modo fiat conuersio infidelium venientium ad fidem Deo præueniente eorum potentias, easque ad consensum, & assensum disponente, docere videtur Concilium Trident. sess. 6. cap. 5. loquens de alicuius infidelis conuersione, sic. *Declarat* (S. Synodus) *iustificati-  
onis exordium in adultis à Deo per Iesum Christum  
præueniente gratia, sumendum esse, hoc est; ab eius  
vocatione, qua nullis eorum existentibus meritis, vo-  
cantur, ut qui per peccata à Deo auersi erant, per eius  
excitantem, atque adiuuantem gratiam ad conuer-  
tendum se, ad suam ipsorum iustificationem, libere  
gratiæ assentiendo, & cooperando, disponuntur; ita ut  
tangente Deo cor hominis per Spiritus Sancti illumi-  
nationem, neque homo ipse nihil omnino agat, inspi-  
rationem illam recipiens; & in fine ait, cum dicit  
Scriptura conuerte nos Domine ad te, & conuerte-  
mur, Dei nos gratia præueniri confitemur: Et in ca-  
pite sequenti declarans, quomodo ex Dei gratia  
preparatur, ac disponitur homo ad primam iu-  
stificationem, id est, cum quis primò conuertitur  
ad fidem, eandem præuenientem gratiam confici-  
etur, ac declarat sic. Disponuntur autem ad ipsam  
iusti-*

*iustitiam, dum excitati diuina gratia, & adiuti fide ex auditu concipientes, mouentur in Deum, credentes vera esse, quæ diuinitus reuelata, & promissa sunt; &c.* Hoc ergo est exemplum de gratia præueniente, seu excitante infidelem ad conuersionem; quia sopitus in sua Religione, à Deo præuenitur, & excitatur ad cognoscendam veritatem, & volendum credere, & diligere Deum, ac in eo sperare: quod pluribus modis facere potest Deus; regulariter tamen id facit per prædicatores Euangelij: speciali modo facit per obseruationem vitæ, ac morum fidelium; specialius per lectionem librorum de fide, & lege Christianorum tractantium; specialissimè tandem, (sed parò) cum quis nec prædicatorem audit, nec mores Christianorum videt, nec libros sacros legit; sed ex improviso, Deus in mentem ipsius immit-  
tit dubium aliquod, ac diffidentiam de sua Religione; & inspirat, vt pergat ad locum aliquem, in quo audire possit, ac intrui de nostra lege.  
Hæc ergo est gratia *præueniens*, seu *excitans* pro casu conuersionis: Alia exempla pro alijs operibus bonis, ac sanctis, vt sunt obseruantia præceptorum, aut consiliorum, aut supererogationum opera, quæ post conuersionem ab omni fidei possunt, pro quibus quoque præueniens gratia necessaria est, mox adducam.

18. Si ergo homo sit fidelis; quia tenetur ad præceptorum naturalium diuinorum, ac positiuorum, atque Ecclesiæ obseruantiam, & si vult potest etiam Euangelica consilia obseruare, & alia supererogatoria facere, vt eremiticam degere vitam, peregrinationes, ac ieiunia peragere; aliisque mortificationes suscipere, vt dormitionem in terra, vigilias, flagellationes, & alia eiusmodi subi-

Conc. Trid.  
explicatio  
huius gra-  
tiæ.

Quibus mo-  
dis Deus  
præuenit  
per gratiâ.

Opera su-  
pereroga-  
toria, quæ  
sunt.

subire; ad omnia hæc peragenda, præuenit Deus, vt postea patebit, excitando, illuminando, & inspirando talia opera; quia, vt diximus ex Apostolo, *non sumus sufficientes cogitare aliquid à nobis, quasi ex nobis, sed omnis sufficientia nostra ex Deo est*. Item, dum fidelis cadit in peccatum; vt pæniteat, gratia præueniente, seu excitante indiget; vt scilicet Deus eum illuminet, ac inspiret ad id faciendum, vt Trid. docet in *sess. 6. can. 3*. Sed de necessitate præueniētis; immò, & omnis alterius gratiæ loquemur postea. Nunc de nomine tantum, natura, & qualitate præuenientis gratiæ loquimur. Hac ergo explicatione præuenientis gratiæ supposita, quod debet admitti,

19. Prob. Conclusio, quòd confiteri debemus dari, hanc gratiam præuenientem: ex Psal. 58  
 11. & *miserericordia eius præueniet me*. S. Augustin. concione 2. in Psal. 58. vt ostendat, quòd omne opus nostrum bonum, ac meritorium, semper à Deo incipit, nunquam à nobis, inquit, *Cogitate, quod dictum est, præueniet me. Si aliquid tuum primum attulisti; & ex tuo aliquo bono primum Dei misericordiam meruisti, non te præuenit. Quando autem vel intelligis, quia præuentus es, nisi intelligas, quod ait Apostolus, quid habes, quod non accepisti. Si autem accepisti, quid gloriaris, quasi non acceperis? Hoc est misericordia eius præueniet me.*

Idem Augustinus lib. 2. ad Bonif. cap. 9. ait: *Auertat Deus hanc amentiam, vt in donis suis nos priores faciamus, posteriorem ipsum. Quoniam misericordia eius præueniet me: & ipse est, cui fideliter, veraciterque cantamus. Præuenisti eum in benedictionibus dulcedinis: & quid hoc aptius intelligitur quam ipsa, de qua loquimur, cupiditas boni? Tunc enim bonum concupisci incipit, quando dulcescere*  
 cape-

Quòd de  
 fide confi-  
 tenda sit  
 præueniens  
 gratia.

Ex S. Scrip.



caperit. Ergo benedictio dulcedinis est gratia Dei, quæ sit in nobis, & nos delectet, & cupiamus, hoc est amemus, quod præcipit nobis: in quasi nos non præuenit Deus, non solum non perficitur, sed nec inchoatur ex nobis. Si enim sine illo nihil possumus facere; profectò, nec incipere, nec proficere; quia, ut incipiamus dictum est, Misericordia eius subsequetur me. Et in Enchiridio cap. 3. dicit. Nam utrumque legitur in sanctis eloquijs: & misericordia eius præueniet me; & misericordia eius subsequetur me, nolentem præuenit, ut velit. Volentem subsequitur, ne frustra velit. Cur enim admonemur orare pro inimicis nostris, utique nolentibus pie vivere, nisi ut Deus operetur in illis, ut velint: oramus ergo pro inimicis nostris, ut misericordia Dei præueniat eos, sicut præuenit nos.

20. Idem S. Doctor conc. 1. in Psal. 58. Pelagium perstringens, qui docebat bonam hominis volitionem præcedere, eique gratiam postea conferre (quando confitebatur gratiæ necessitatem) sic ait ad Deum. Quid in me inuenisti, nisi sola peccata? Tuum nihil aliud, nisi natura, quam creasti: cetera mala mea, quæ deleuisti. Non ergo prior ad te exurrexi; sed tu ad me excitandum uenisti. Nam misericordia eius præueniet me. Antequam aliquid boni ego faciam, misericordia eius præueniet me. Quid hic respondebit infelix Pelagius? Alia plura congeri possunt S. Augustini loca de Gratia hac præueniente; sed nunc necessarium non est. Adducentur autem, cum discutiemus, an gratia, maximè prima, detur præcedente aliquo merito ex parte hominis. Pro his enim questionibus, an gratia sit necessaria ad bona opera, & an detur à Deo præcedente aliquo bonæ voluntatis motu, tot annis contra Pelagianos, magno

Ex August.

Iterum re-  
tidi, & plu-  
ries Aug.

Pro hac  
gratiæ  
da contra  
Pelagium  
laborauit  
August.

gno cum Ecclesiæ fructu S. Doctor laborauit.

Trident.  
definitio.

21. Probari potest secundò hæc conclusio de existentia præuenientis gratiæ ex Concil. Trid. supplicato, toties præuenientem gratiam commemorante: & in eadem sess. 6. can. 3. sic definitur *Si quis dixerit, sine præueniente Spiritus Sancti inspiratione, atque eius adiutorio, hominem credere, sperare, diligere, aut penitere posse, sicut oportet, ut ei gratia iustificationis conferatur, anathema sit.*

Concil. Araus.  
auf.

22. Confirmatur ex Concilio Arausico no can. 18. definiente, gratiam Dei præcedere omnia bona opera, ut fiant.

Cælest. 1.

23. Confirmatur ex Cælestino Primo, epist. 1. cap. 12. idem cum S. Augustino docente: & tandem ex communi sensu Ecclesiæ, exceptis Semipelagianis, qui ut recedant à Pelagio, docent quidem Gratiam Dei esse necessariam ad omnia opera bona, excepto tamen initio fidei: hunc enim actum dicebant fieri ab homine viribus naturæ, cætera autem bona opera ex auxilijs gratiæ: sed de errore eorum, & de necessitate gratiæ pro quolibet actu bono, loquemur postea.

24. Hinc est, quòd Ecclesia in suis collectis sæpè sic orat. *Tu nos Domine quesumus gratia semper præueniat, & sequatur, ac bonis operibus iungiter præstet esse intentos:* ita in Dom. 16. post Penthecostem.

Ex orationibus  
Ecclesiæ probatur gra-  
tia præueniens.

In 2. Dom. Aduentus. *Excita Domine corda nostra ad præparandas vni geniti tui vias, &c.* Item *Gratiam tuam quesumus Domine mentibus nostris infunde, &c.*

In Dom. 5. post Pascha. *Deus à quo bona cuncta procedunt, largire supplicibus tuis, ut cogitemus, te inspirante, quæ recta sunt, & te gubernante eadem faciamus.*

In Dom. 8. post Penthec. *Largire nobis quæsumus Domine semper spiritum cogitandi, quærecta sunt propitius, & agendi, &c.*

In Dom. 24. post Penthec. *Excita quæsumus Domine tuorum fidelium voluntates, ut diuini operis fructum propensius exequentes pietatis tuæ remedia maiora percipiant.*

In orationibus cōmunibus. In secunda ad petēdā serenitatem, dicitur; *præueniat nos quæsumus Domine gratia tua semper, & subsequatur: & has oblationes, quas pro peccatis nostris nomini tuo consecrandas offerimus, &c.*

Ibidem in oratione pro remissione peccatorum, dicitur. *Deus qui, &c. illumina corda nostra, ut tua valeamus implere præcepta.*

Ibidem in oratione 3. ad repellendas malas cogitationes. *Deus, qui illuminas omnem hominem venientem in hunc mundum, illumina quæsumus corda nostra gratiæ tuæ splendore, ut digna, ac placita maiestati tuæ cogitare semper, & te sincerè diligere valeamus.* Aliæ plures similes phrasæ orandi pro gratia præueniente sunt in Ecclesia: Ergo de fide est.

## S. I I.

*An detur Gratia excitans, quæ, qualisue sit.*

25. **A** Du. 1. quòd licet Gratia præueniens eadem sit, ac excitans; quia tamen hoc etiam nomine appellatur, & effectum quemdam notabilem in animæ potentijs efficit; sub hoc nomine de ea, eiusque effectū loquemur: quoniam animam quasi dormientem, & de nullo bono cogitantem, & fortè tunc de malo aliquo, Deus eā

Pluries eodem modo  
orat Eccl.

Cur de  
hac loqui-  
tur Author

excitat, facitque euigilare, illuminando intellectum ad cogitationem alicuius boni, & inspirando voluntatem ad eius amorem per primos motus à solo Deo excitatos, ex quibus homo prius nihil cogitans, vel malum cogitans, aut appetens, experitur, se mutatum ad aliam cogitationem, & appetentiam: hæc autem gratia, & fauor diuinus præuenit actus intellectus, & voluntatis: ideòque est *præueniens*, & *excitans* eas potentias.

Notabilis  
cognitio  
pro toto  
hoc tract.

26. Adu. 2. pro clara notitia huius gratiæ, immò & omnium dicendorum in hoc Opusculo, quòd cum Deus excitat aliquem ad bonum opus cogitandum, appetendum, seu volendum, ac exequendum, quomodocumque faciat, siue immediate per seipsum internè, siue per lectionem alicuius Libri spiritualis, vel alterius; siue per concionatorem, aut alium externè loquentem; dum isti externè loquuntur, Deus semper internè loquitur illuminando, & inspirando, ac inflammando ad volendum id, quod externè proponitur, nec sufficeret externa illa vocatio, seu propositio rei bonæ, ac hortatio ad eam (vt Pelagius aliquando docebat) nisi Deus ad intus in corde audientis loqueretur; quod egregiè de more docuit S. August. in epistol. 1. S. Ioann. *tract. 3.* super illud *non habetis necessitatem, vt aliquis doceat vos; quia vnctio ipsius* (idest Spiritus Sancti) *docet vos de omnibus*: Multa dicit S. Doctor de internis Auxilijs, seu Gratijs diuinis; sed ad rem nostram hoc dicit peculiare. *Videte magnum Sacramentum fratres. Sonus verborum nostrorum aures percutit; Magister intus est. Si non sit intus, qui doceat; inanis fit strepitus noster. Magisteria foris secus adiutoria quædam sunt, & admonitiones, Cathedralium*

Externa locutio, vel alia notitia non sufficit, nisi Deus internè loquatur.

*hedram in Cælo habet, qui corda docet: propterea, dicit in Evangelio, Unus est Magister vester Christus. Ipse ergo intus loquitur; quia nemo hominum illic est, Interius est Magister, qui docet; Christus docet; inspiratio ipsius docet. Vbi illius inspiratio non est, & vñctio, forinsecus inaniter perstrepunt verba. Postea adducit exemplum Agricoltę fundentis aquam circa arborem; at dare ei non potest virtutem producendi poma. Sic se habet prædicator prædicans doctrinam, qui non potest dare virtutem faciendi opera bona: vnde Apostolus. Ego plantavi, Apollo rigavit, Deus autem incrementum dedit. Neque qui plantat est aliquid, neque qui rigat; sed qui incrementum dat Deus: hæc S. Augustinus.*

26. Dico ergo: Admittenda est gratia dicta *excitans*, quæ animam quasi sopitam, & de bono non cogitantem, excitat ad cogitandum, & cupiendum tale bonum.

27. Prob. & declaratur. Quamvis in Sacra Scriptura non habeamus hoc vocabulum, *Excitans* ad rem nostram faciens, nec verbum, *Excito*; habemus tamen æquipollentia, *expergefactio*, ac *expergiscor*, *exurrectio*, & *exurgere*; quæ idem significant. Ephes. 5. 14. habetur. Propter quod dicit, *surge qui dormis, & exurge à mortuis, & illuminabit te Christus*. Interl. Propter quod dicit, ait, *Spiritus Sanctus per me*. V. *qui dormis* ait, *oblitus Dei*: V. *exurge à mortuis*, ait, *à dormitione futura*. V. *illuminabit te Christus*, ait, *Hic per fidem, & in futuro per speciem; quia ipse est Sol iustitiæ*,

28. S. Augustinus in psal. 62. locum istum, discutiens, ait. *Apostolus excitabat animam dormientem, quando ad hoc eam excitabat, ut illuminaretur à Christo: ergo secundum ipsius vigilias dicit*

Datur gratia excitans.

S. Auguſt.  
plura loca.

*iſte, Deus Deus meus ad te luce vigilo. Non enim vigilares in te, niſi oriretur lux tua, quæ te de ſomno excitaret, illuminat enim animas Chriſtus, & facit eas vigilare:& in pſal. 87. de ſemetipſo excitato à ſomno inconfiderantiæ veritatis fidei, inquit, Quomodo crederem, niſi audirem, ſed ut audita crederem, ipſe me attraxit, quia in occulto à morte cordis, non quilibet medicus, ſed ipſe excitauit: & infra; At per hoc, nec credere potuiſſem, niſi me Dei miſericordia præueniſſet: & quia mortuos ſuſcitatur, & vocat ea, quæ non ſunt, tamquam ea, quæ ſunt, me in occultis vocando, & ſuſcitando, & trahendo à tenebris reduxiſſet, & in lumen fidei perduxiſſet. Idem S. Doctor in pſal. 106. loquens de excitatione, & ſuſcitatione alicuius infidelis, ait; Nihil putantem aliud eſſe poſt hanc vitam, ſocordem, obrutum cor habentem illecebris mundi, & manifeſtis delectationibus conſopitum, ut excitetur iuſtè ad quærendam gratiam Dei, & fiat ſollicitas, & tamquam è ſomno euigilet, nonne manus Dei excitat eum?*

Theodore.  
tus.

29. Theodoretus in hunc Pauli locum inquit. *Qui enim ſocordem, tamquam ſomnum deponit, Domini lucis radium ſuſcipit.*

Iſaias de  
expergeſſi-  
tione.

30. Aliud ſimile excitationis verbum habemus in Iſaiæ 26. 19. *Expergeſcimini, & laudate, qui habitatis in puluere, quia ros lucis ros tuus: & in Ioelis 1. 5. expergeſcimini ebrii, & flete; & vultate omnes, qui bibitis vinum in dulcedine, quoniam perijt ab ore veſtro.*

31. Quartum ſimile nomen, ac verbum habemus in S. Scriptura explicans actionem excitandi hominem ad benè, ac ſanctè operandum, nempe *Illuminationem*. Cùm nempe homo mundi huius voluptatibus abſtractus, manet quaſi obtenebratus, nihil cogitans de ſpiritualibus re-



as ad animæ salutem spectantibus ; & Deus ex  
 a misericordia illuminat illum ad cogitandum  
 e istis , & ad ea concupiscendum ; quod pluribus  
 modis contingere potest , nempe audiendo con-  
 onatorem aliquem , vel alium de diuinis disse-  
 entem ; vel librum aliquem legendo ; vel absque  
 o ex his extrinsecis medijs, Deus internè cogi-  
 ationem aliquam in eum immittit species rerum  
 irtualium mouendo , & ad earum applicatio-  
 em concurrento , necnon ad eorum affectum ,  
 tunc homo ille à Deo *Illuminatur* , & tenebræ  
 undanarum rerum tunc ab eo repelluntur : de  
 hac illuminatione sæpè fit mentio in S. Scriptura ,  
 præsertim in psalterio . Psal. 26. *Dominus illumi-*  
*natio mea, & salus mea* : crebrò autem hanc à Deo  
 erebat : psal. 12. *illumina oculos meos*. psalm. 17.  
*Deus meus illumina tenebras meas*. psal. 66. *Illumi-*  
*net vultum suum super nos , & misereatur nostri , ut*  
*agnoscamus in terra viam tuam*. psal. 73. *Illuminans*  
*u mirabiliter à montibus æternis, & cætera plura* .  
 Ecclesiastici 2. 10. *Illuminabuntur corda vestra*, cap.  
 24. 43. *Illuminabit omnes operantes in se* . In No-  
 uo Testamento multa quoque de illuminatione  
 hac diuina habemus testimonia . Ioan. 1. *Illumi-*  
*nat omnem hominem venientem in hunc mundum* . 1.  
 Corinth. 4. 5. *Illuminabit abscondita tenebrarum* .  
 Ephes. 1. 18. *Illuminatos oculos cordis*, cap. 5. 14.  
*Illuminabit te Christus* , &c.

32. Quintum simile nomen, & verbum repe-  
 ritur in Sacra Scriptura explicans excitantem  
 hanc gratiam , nempe inspiratio , qua Deus  
 homini nihil de spiritualibus rebus cogitanti im-  
 mittit, aliquo ex nuper dictis modis, cogitationē  
 aliquam obiecti boni , & amorem eius . Iob. 32.  
 8. *Spiritus est in hominibus, & inspiratio omni-poten-*

*Illumina-*  
*tionis exē-*  
*pla in Scri-*  
*ptura .*

*Aliud simi-*  
*le verbum*  
*explicans*  
*excitatio-*  
*nem est in-*  
*spiratio.*

334 DE GRATIIS ACTVALIBVS,&c.  
*tis dat intelligentiam . A& . 17. 23. Deus dat omni-  
 bus vitam , inspirationem, & omnia, 2. Petri 1. 11.  
 Sancto Spiritu inspirati locuti sunt Sancti Dei homi-  
 nes. Timot. 3. 18. Omnis Scriptura diuinitus inspi-  
 rata utilis est, &c. & Saluator Ioann. 3. 8. inquit ,  
 Spiritus ubi vult spirat, & vocem eius audis, sed ne-  
 scis vnde veniat, aut quo vadat .*

Significata  
 excitatio-  
 nis quæ .

33. Omnia ergo nomina , & verba hæc su-  
 pradicta significant ex parte Dei actum illum, quo  
 hominem , quasi sopitum, ac dormientem, obte-  
 nebratum à curis sæculi , & incogitantem de di-  
 uinis, ac medijs ad salutem conducentibus, Deus  
 vel per extrinseca media, vel intrinsecus etiã cum  
 excitat, illuminat, inspirat , facit expurgisci , vt  
 de his cogitet , eaque cupiat: ex parte verò ho-  
 minis recipientis significat effectum illum excita-  
 tionis , expurgationis, inspirationis, ac illumi-  
 nationis circa diuina , ac supernaturalia .

Quæ quidem excitatio non datur solum ,  
 cum primò venit homo ad fidem ; sed quoties-  
 cumque post acceptum baptismum , vel in pecca-  
 tum labitur , & pænitet, vel cum in rebus ad ani-  
 miam spectantibus focors , & negligens est , vt in  
 suo loco dicetur .

### S. I I I.

*An detur Gratia adiuuans, & quæ, qualisue sit .*

34. **A**Du. quòd quamuis omnis diuina gratia  
 dici possit adiuuans ; quia omnis ,  
 quæcumque sit, adiuuat vires naturæ , complens  
 eius potentiam , vt possit operari opera superna-  
 turalia, & meritoria, siue de condigno, vt in iusto  
 existente in gratia habituali, siue de congruo, vt  
 de

Aliquo mo-  
 do omnis  
 gratia dici  
 potest adiu-  
 uans .

de peccatore disponente se ad iustificationem, tam ad Baptismum, quam ad Sacramentum Pœnitentiæ per actus fidei, spei, dilectionis Dei, & pœnitentiæ; qui quidem actus ex Spiritus Sancti inspiratione, atque adiutorio fiunt, vt docet Tridentinum *sess. 6. can. 3.* tamen de gratia adiuuante in tanta latitudine, non loquimur; sed de alio genere gratiæ adiuuantis; nempe de illa, quam largitur Deus homini iam excitato, illuminato, præuento, expergefacto, & cupienti bonum cognitum exequi. De hac ergo adiuuante, vt bonum illud cognitum, ac volitum exequatur, & petat à Deo adiutorium, vt exequi possit, hoc posito,

35. Dico admittenda, & confitenda est gratia *Adiuuans* specialiter dicta, qua Deus hominem illuminatum, præuentum, excitatum, ac expergefactum, adiuuat, vt exequi possit bonum illud iam cognitum, ac inspiratum, & exequatur. Est de fide.

36. Prob. Multa sunt Sacræ Scripturæ loca, quæ adiuuantem Dei gratiam, modò generalem, modò peculiarem indicant. 1. Paralip. 12. 18. *Te enim adiuuat Deus tuus;* & in cap. 18. 8. *adiuuatque eum Dominus;* & vtroque de Salomone est sermo. 2. Paralip. 25. 8. *Dei quippè est adiuuare:* in psalterio sæpius de hac adiuuante gratia fit sermo, eamque implorabat Dauid ad benè operandum. Ipse enim fidem firmam habens, ferè continuò à Deo illuminatus ad bonà opera faciendà, Dei opem pro exequendo precabatur. psal. 39. *Domine ad adiuuandum me respice.* Idem replicat in psal. 69. psal. 78. psal. 108. & psal. 118. Isaia 41. 13. Deus inquit, *Ne timeas, ego adiui te.* Ex Nouo Testam. Rom. 8. 26. *Spiritus adiuuat infirmitatem nostram.*

Admittenda est gratia adiuuans.

Ex S. Scriptura loca multa.

Deus adiu-  
tor noster  
dicitur .

37. Prob. 2. ex eadem S. Scriptura; in qua Deus anthonomasticè appellatur *adiutor noster*. Exodi 2. 22. *Dens Patris mei adiutor meus*. Psal. 9. *Adiutor in opportunitatibus*. ps. 17. *Deus meus adiutor meus*. Idem replicat in psalmis 18. 26. 32. &c. & Paulus Hebr. 13. 9. *Dominus mihi adiutor*.

Petitur à  
Deo adiu-  
torium .

38. Confirmatur ex eisdem S. Scripturæ locis, in quibus exprimitur hoc adiutorium Dei pro exequendis eius mandatis. Psal. 9. *Iustum adiutorium meum à Domino*: psal. 34. *Exurge in adiutorium mihi*: psal. 73. *Intende in adiutorium meum*. Idem replicat in psalm. 89. & in psalm. 123., & alibi sæpè.

Ex 8. Aug.

39. Prob. 3. ex S. Augustino de Gratia *Adiuuante* post excitationem pluries loquente. Nam in lib. 2. ad Bonif. cap. 10. ait. *Hominis autem propositum bonum adiuuat quidem subsequens gratia; sed nec ipsum esset, nisi præcederet gratia*, & postea inquit, *Studium quoque hominis, quod dicitur bonum, quamuis cum esse caperit adiunetur; non tamen incipit sine gratia, sed ab illo inspiratur*. In lib. de Grat. & lib. arb. cap. 10. ait. *Qua gratia voluntas humana non tollitur; sed de mala mutatur in bonam; & cum bona fuerit adiuuatur*: in lib. de Grat. Christi cap. 18. dicit, *facit homo arborem bonam, cum Dei accipit gratiam*: sed etiam, *ut faciat fructum bonum, eadem gratia necesse est adiunetur; ipse quippè (Deus) in bonis arboribus cooperatur fructum, qui per se dat intrinsecus incrementum*.

Plura S.  
August. lo-  
ca .

40. Idem Sanctus in Epistola ad Hilarium clariùs id confirmat. *Iubet igitur, ut facere iussa conati, & nostra infirmitate sub lege fatigati adiutorium gratiæ poscere nouerimus, & si quid facere potuerimus operis boni, ei, qui adiuuat, non simus ingrati. Neque enim volutatis arbitrium ideo tollitur,*  
quia

quia inuatur, sed idè inuatur, quia non tollitur. Deinde exemplificat de Dauid poscente à Deo adiuuari. Qui enim dicit adiutor meus esto, confitetur, se velle implere, quod iussit, sed ab eo qui iussit, adiutorium poscere, vt possit. Sic, & iste cum sciret, neminem esse posse continentem, nisi Deus det, addit Dominum, & deprecatus est, vt quæ volens addit, volens deprecatus est, nec petisset, nisi esset voluntas; sed nisi petisset quantum posset voluntas? Et de hac materia continentix iterum loquitur in fragmento sermonum de præcepto continentix, inquiens, Contine teipsum, iussio est, præceptio est, audiendum est, faciendum est, sed nisi Deus adiuuet, remanemus. Conamur quidem facere voluntate, & nititur quidem voluntas; non præsumat potestas, nisi adiuuetur infirmitas.

41. Tandem, quia Iulianus Pelagianus, & postea Semipelagiani asseriebant initium boni operis esse à voluntate humana, idest propositum benè operandi à nobis esse sine gratia, & eo posito, Deum per gratiam adiuuare, vt propositum illud bonum in executione ponatur, S. Doctor acriter in eos inuehitur, docens, etiam initium bonæ voluntatis, seu propositum benè operandi esse à Deo per gratiam excitantem; executionem autem illius propositi à voluntate quidem esse, Deo cooperante per gratiam adiuuantem; & quoties quis excitatur ad bonum, & proponit exequi, debet orare Deum, vt se adiuuet. Impugnatio autem præfatorum, legi potest in lib. 1. ad Bonif. cap. 19. in lib. 2. ad eundem cap. 5. & 10. in lib. 4. cap. 11. in lib. 4. cont. Iul. cap. 5. & alibi sæpè, vt parebit, cum de necessitate gratiæ loquemur.

42. Prob. tandem, quod gratia adiuuans præter excitantem pro operis executione, sit ad-

Ex argum.  
cont. Iul.

Adiuuans  
gratia præ-  
ter excitā-  
tem admit-  
tenda est.

Ex Trid.

Gratia a-  
diuans  
distincta  
est ab ex-  
citante.

Clarum, &  
facile ar-  
gum. de in-  
fidelibus  
nolentibus  
credere.

mittenda ex Concil. Trid. sess. 6. cap. 5. ubi de dispositione ad iustificationem sic loquitur. *Iustificationis exordium in adultis à Deo per Christum Iesum præueniente gratia sumendum esse, hoc est, ab eius vocatione, qua, nullis existentibus meritis, vocantur, ut qui per peccata à Deo auersi erant, per eius excitantem, atque adiuuantem gratiam ad conuertendum se ad suam ipsorum iustificationem liberè assentiendo, & cooperando disponantur, &c.* ubi gratiam *Adiuuantem*, ultra excitantem fatetur; & in cap. 6. inquit, *Dum excitati diuina gratia, & adiuti, fidem ex auditu concipientes, liberè mouentur in Deum, &c.*

43. Dico 2. Gratia adiuuans ad opus bonum exequendum distincta est à gratia excitante, seu præueniente; & quandoque sequitur ad eam (Deo dante) quandoque non.

44. Prob. & declaratur. Multi à Deo diuersimodè vocantur, & excitantur, siue ad fidem suscipiendam, si infideles sunt, siue ad legem obseruandam, vel aliud opus bonum consilij, aut supererogationis faciendum, si fideles sunt; & tamen aliqui consentiunt, & opus illud exequuntur; alij non (vndecumque hoc proueniat, non curo pro nunc.) Certè priores per adiuuantem gratiam id faciunt: posteriores verò, cum sola excitante remanserunt; ergo sunt distinctæ: Anteced. facilè prob. ex facto Christi Domini: eo enim prædicante, & illuminante, ac excitante, auditores ad suscipiendas à se prædicatas veritates; aliqui credebant, alij, & multò plures, non obstantibus etiam claris miraculis, non credebant. Prædicante Paulo, Petro, cæterisque Apostolis; aliqui crediderunt, alij in obstinatione perstiterunt, & sic de cæteris missionibus discurren-



endum . Eodem modo prob. anteced. de fide-  
 libus circa alia bona opera, vt quisque in seipso,  
 & in alijs Socijs potest experiri, vel in priuatis,  
 vel in publicis vocationibus ad opus bonum per-  
 agendum . Loquendo enim de publicis; plures,  
 siue viri, siue feminae audiunt concionatorem,  
 hortantem ad vitam cælibem, ad ieiunium, ad  
 alias sensuum mortificationes; omnes excitantur;  
 omnes illuminantur: & fortè nullus exequitur, vel  
 aliqui, & non alij . Ecce, quòd datur excitans  
 sine adiuuante; licet numquam detur ista, sine  
 illa . De priuata, seu occulta vocatione, quilibet,  
 si velit veritatem fateri, dicet, quòd interdum,  
 & sæpè cognoscit, se internè à Deo excitari, ac  
 illuminari ad aliquod bonum opus, siue præcepti,  
 siue consilij, siue supererogationis faciendum;  
 & tamen non consentit, nec exequitur . Tunc cer-  
 è remanet excitatus, ac illuminatus tantum, sed  
 non adiutus . His autem vocatis, & excitatis non  
 consentientibus comminatur Deus, se in iudicio  
 dicturum Prou. 1. 24. *Quia vocavi, & renuistis, ex-  
 tendi manum meam, & non fuit, qui aspiceret, ego  
 quoque in interitu vestro ridebo .* De his quoque  
 sæpè locutus est Christus, præsertim Lucæ 22. 47. *Seruus, qui cognouit voluntatem Domini sui, & non  
 præparauit se, & non fecit secundum voluntatem  
 eius vapulabit multis .* Cùm enim tanto tempore  
 Saluator prædicasset Iudæis, & operibus prædi-  
 cationem comprobasset, inquit, *Si mihi non vul-  
 tis credere, operibus credite .* Ioann. 5. 40. cum Scri-  
 pturis eos conuincere dignabatur, dicens; *scruta-  
 mini scripturas; quia vos putatis in ipsis vitam  
 æternam habere; & illæ sunt, quæ testimonium perhi-  
 bent de me, & non vultis venire ad me, vt vitam  
 habeatis .* Certum est autem ex Capite præceden-

Argum. de  
 fidelibus.

Ex diuina  
 sententia  
 concludi-  
 tur distin-  
 ctio harum  
 gratiarum .

Ex factis, &  
doctrina,  
Christi.

ti, & Notabili secundo, quòd Christus excitabat, & illuminabat auditores suos, non verbis extrinsecis tantum, sed vnctione intrinseca, gratia nempe excitante, illuminante, ac inspirante: & tamen conuersio multorum non sequebatur; ideò adiuuans in eis non fuit; quia hæc est cum suo effectu, ad quem ponendum iuuat: vnde autem oriatur defectus, seu carentia istius in excitato externè, & internè, vt non sequatur excitationem, in suo loco dicitur.

Ex facto S.  
Stephani.

45. Confirmatur ex ijs, quæ Indæis exprobrabat S. Stephanus Act. 8. *Dura ceruice, & incircumcisis auribus, & cordibus, vos semper Spiritui Sancto resistitis. Sicut Patres vestri, ita & vos:* Igitur Spiritus Sanctus excitabat, illuminabat, & inspirabat corda eorum, vt veritatem reciperent; at non omnes recipiebant: Igitur sola in eis mansit excitans.

Ex effecti-  
bus harum  
gratiarum  
probat  
distinctio  
earum.

46. Prob. tandem ex diuersitate effectuum, istarum gratiarum. Gratia excitans ad aliquod opus bonum, etiamsi hoc non sequatur, habet semper effectum suum in anima excitati, quia intellectus supernaturaliter remanet illuminatus de bonitate obiecti, seu operis faciendi, & voluntas inspirata, seu accensa ad illud volendum: & hic sistit in rigore excitatio. At effectus adiuuantis supponit prædictam excitationem, & est executio boni operis, ad quod facta est excitatio. V. G. Deus excitat hominem ad actum fidei, vel spei, vel Charitatis, vel ieiunij, contritionis, vel cuius actus pietatis: si excitatus non exequitur, excitationem passiuam iam habuit, sed non effectum principalem, ad quem ordinabatur: si verò exequitur, habet effectum principalem, qui demonstratiuè tantum excitanti tribuitur; effectiue

verò

verò , & immediatè , adiuuanti , ad quam immediatè sequitur : ergo hæc distincta est ab illa , eamque interdum sequitur , interdum non . Ideò S. Augustinus de peccat. mer. & remis. lib. 2. cap. 18. ait : *Quod verò ad Deum nos conuertimus , nisi ipso excitante , & adiuuante non possumus* : vtraque ergo ad effectum in actu ponendum est necessaria . An autem in adiuto , & exequente , eadem , sed cum duplici effectum , sit gratia excitans , & adiuuans , non contendo , nec de hac re disputo , quia nec reuelatum video , neque ab Ecclesia declaratum , nec à Sancto Augustino , alioue Sancto Ecclesiæ Doctore traditum ; sed dico solum , quòd non semper cum excitante coniuncta est adiuuans .

47. Quòd si quis contendat esse eandem cum excitante , fateri deberet , quòd omnis excitatus ad aliquod opus bonum , exequatur ; quod falsum esse , docet experientia . Si tandem quis teneat esse eandem , sed cum duplici effectum excitandi , & adiuuandi , & interdum , vel vt plurimum , separari , non contradicerem : At puto esse distinctas , ac separabiles , ex nuper dictis .

Authoris  
ingenuitas

#### S. I V.

*An detur , & quæ qualisue sit gratia cooperans , & an distincta ab adiuuante .*

48. **A**Du. 1. quòd tam in Sacra Scriptura , quam in Concilijs , & in Sanctis Patribus reperimus gratiam Dei appellari *Operantem* ; & aliquando *Cooperantem* , quia cum voluntate cooperatur ad faciendum actum bonum ; eo quia per gratiam Deus , vel operatur in nobis sine nobis ,

Cooperans  
quare sic  
dicta .

bis, vel cooperatur nobiscum: nonnulla enim habemus Sacri eloquij exempla: de operante sic dicitur, Ephes. 1. 19. *Qui credimus secundum operationem potentiae virtutis eius*: in cap. 3. 7. *Euangelij factus sum minister secundum donum gratiae Dei, quae data est mihi secundum operationem virtutis eius*. Coloss. 1. 29. vbi Paulus de praedicatione Euangelij ait. *In quo laboro certando secundum operationem eius, quam operatur in me in virtute*: & 1. Corint. 12. 11. de nouem gratijs gratis datis, inquit, *Diuisiones operationum sunt; alij datur operatio virtutum*. De cooperante pariter multa habemus exempla. Marci 16. 20. de Apostolis post Ascensionem Domini dicitur. *At illi perfecte praedicauerunt vbique, Domino cooperante, &c.* Rom. 8. 28. *omnia cooperantur in bonum ijs, qui secundum propositum vocati sunt Sancti*: & Iacobus in sua Canonica Epistola cap. 2. 22. loquens de Abraham immolaturum filium Isaac, ait, *fides cooperabatur operibus illius, & ex operibus fides consummata est*.

49. Adu. 2. quod ex hac nominum diuersitate, quibus Dei gratia nominatur, oriri potest controuersia, an sint species diuersae gratiarum; an verò sint nomina tantum diuersa ob effectuum diuersitatem, vel ob modos aliquos in effectibus existentes; vel ob aliquam aliam qualitatem, quam eadem gratia *Adiuuans* adducit in voluntate exequente actum, ad quem per praeueniens, ac excitans gratiam erat iam excitata, seu inspirata: idè

50. Dico. Gratia dicta *operans* non est species aliqua distincta ab excitante, vel adiuuante; sed est eadem cum aliqua earum, solo nomine differens.

51. Prob. nulla est necessitas ponendi hanc  
spe-

Exempla  
S Script. de  
operante  
Gratia.

Exempla  
de coope-  
rante.



Gratia ope-  
rans non  
est species  
diuersa ab  
excitante,  
vel adiu-  
uante.

speciem distinctam à prædictis; neque assignari potest effectus proprius ab illis diuersus, istique correspondens, vt proprius: ergo. Consequentia est euidens: Omnis enim res, præsertim supernaturalis ob aliquam necessitatem, aut finem, ponitur; non enim Deus operatur frustra. Anteced. in quo tota vis est, probatur. Gratia actualis, vt postea dicemus, est homini necessaria ad aliquem actum bonum faciendum, siue ordinatum ad iustificationem, siue ad augmentum gratiæ habitualis, ac meritorum, vt accidit in homine iusto, seu existente in gratia. Sed ad hæc peragenda sufficiunt gratia excitans ad cognoscendum, seu illuminandum, ac inspirans ad volendum, quod fit per præuenientem, dictam excitantem; & gratia adiuuans, vt ponatur in opere illud bonum, de quo facta est illuminatio, ac inspiratio: nec aliquid aliud est necessarium, vt opus bonum in executione ponatur; vel assignetur necessitas: ergo diuersum nomen tantum est, non res diuersa.

52. Confirmatur ex Apostolo ad Philipp. 3. vbi de Gratia operante loquitur, *Deus est, qui operatur in nobis velle, & perficere pro bona voluntate*. Gratia autem operans in hoc loco significat, tam præuenientem, ac excitantem, quam adiuuantem; quia habet *connexum velle, & perficere*: & ipsemet S. Augustinus in *lib. de Gratia Christi cap. 25.* eodem modo loquitur de gratia operante, dicens, *Vitium superbiæ nisi operante gratia sanetur, iustitiæ pace nemo perfruitur*. Operans ergo gratia per Augustinum, est illa, quæ habet secum coniunctum effectum sanandi vitia: Hæc autem est eadem, quæ præuenit, excitat, ac inspirat ad actus virtutum vitijis oppositos, & adiu-

Argum. à  
sufficienti

Ex Secra.  
Scriptura.

Ex S. Aug.  
est eadem,  
ac adiuuans.

Gratia coo-  
perans ea-  
dem est cū  
adiuante.

scilicet  
ad

Concil.  
Trid. de-  
cretum id  
oscendit.

344 DE GRATIIS ACTVALIBVS, &c.  
adiuuat ad eos exercendos, donec vitia superen-  
tur, & extinguantur.

53. Dico 2. Gratia dicta *Cooperans*, non est aliqua species distincta ab adiuuante; sed eadem prorsus, sic dicta, quia voluntati iam pręuentę, excitatę, ac inspiratę cooperatur; & nomine tantum ab ea differt.

54. Prob. & declaratur. Non enim multiplicanda sunt entia pręsertim supernaturalia creata, sine necessitate. Nulla autem adest necessitas asserendi hanc speciem gratię distinctam ab excitante, & adiuuante; nec assignari potest effectus, aut finis ei competens, distinctus ab excitatione, ac adiuuatione passiuis. Ergo. Min. prob. Cū homo à Deo excitatur per illuminationem ad cognoscendum actum bonum, & inspiratur ad eum volendum; & adiuuatur, vt velit, & in executione ponat; nil aliud est necessarium in homine, vt benè operetur: vel assignetur, quid sit amplius necessarium, & ad quid. Hinc est, quòd, vt vidimus in pręcedentibus Capitibus, David olim, & Ecclesia nunc, has tantum petit à Deo gratias, pręuenientem scilicet, atque adiuuantem: & Concilium Trid. in sess. 6. cap. 5. agens de homine ad iustificationē se disponente, inquit, excitari, & adiuuari; & in can. 3. de his tantum mentionem facit. *Si quis dixerit sine pręueniente Spiritus Sancti inspiratione, atque eius adiutorio, hominem credere, sperare, diligere, aut panitere, sicut oportet, vt ei iustificationis gratia conferatur, anath. sit.* Si ergo in negotio disponendi se ad iustificationem, quod est omnium maximum, alia gratia non requiritur, in nullo alio opere bono videtur alia necessaria.

55. Confirmatur. S. Augustinus eximius Gra-  
tię



cia Doctor, non videtur aliam gratiarum speciem adstruere, præter istas, nam vt ex eo docet *Trid. sess. 6. cap. 11.* inquit, *Deus non præcipit impossibilia, sed præcipiendo monet, & facere, quod possis, & petere, quod non possis, & adiuuat, vt possis:* & cum idem Sanctus de gratia homini ad benè, vt oportet, operandum, necessaria loquitur, ferè semper appellat adiuuantem. En aliqua exempla, in lib. 2. de peccat. mer. & remis. cap. 5. ait: *etiam, vt conuertamur Deus adiuuat:* & in cap. 18. *Quod verò ad Deum nos conuertimus, nisi ipso excitante, & adiuuante non possumus; & hæc est voluntas bona:* in epist. 105. quæ est ad Sixtum ait; *Spiritus aliter adiuuat nondum inhabitans; aliter inhabitans: nondum inhabitans, adiuuat, vt sint fideles: inhabitans adiuuat iam fideles:* in epist. 106. quæ est ad Paulinum, *in his qui salui fiunt, adiutor Deus operatur, & velle, & operari:* in epist. 143. quæ est ad Iulianum dicit. *Liberum arbitrium nisi Dei gratia iuuetur, nec ipsa bona voluntas esse in homine potest.*

56. Confirmatur ex formulis orandi Ecclesiarum, quibus orat Deum, vt nos adiuuet, quod idem est, ac petere, vt per suam gratiam coope- retur cum nostra voluntate, quæ infirma, & imbecilla est, egetque adiutorio diuino, sine quo nec potest operari actum bonum, sicut oportet, nec operabitur: ergo. Anteced. prob. In recitandis horis canonicis semper præmittitur, *Deus in adiutorium meum intende, Domine ad adiuuandum me festina:* scipè dicitur, *adiutorium nostrum in nomine Domini,* In Quadragesima, in omnibus feriis, 2. 4. & 6. cuiuslibet hebdomadæ, cum omni humilitate, ac genuflexione Ecclesia canit; *Adiuua nos Deus salutaris noster,* qui modus orandi ex

S. August.  
de adiuu.  
re scipè lo-  
quitur.

Ex formu-  
lis orandi  
Ecclesiam  
probat.

Pſalm. 78. ſumptus eſt: et ſi ad vetus Teſtamentum reſpiciamus, vt aliàs diximus, plurima huius formulæ inueniemus exempla. 2. Paralip. 14. 11. *Adiuna nos Deus*: ibidem in cap. 25. 8. *Dei eſt adiunare*. Pſal. 27. *Sperauit cor meum in Domino, & adiutus ſum*. Pſal. 41. *Exurge Domine, adiuna nos*. Pſal. 91. *Miſericordia tua Domine adiunabat me*. Pſal. 118. *Adiuna me, & ſaluus ero*. Et infra, *iudicia tua adiunabunt me*; & alia plurima ſuppetunt eiufmodi loca: petere autem à Deo, vt nos adiuuet, idem eſt, ac petere, vt Deus nobiſcum ad benè operandum cooperetur; ergo adiuuans gratia eadem eſt, ac cooperans.

## §. V.

*An detur; quæ, qualiſue ſit gratia Subſequens, & an diſtincta ab adiunante.*

57. **A**Du. quòd in Pſal. 22. 6. legitur: *Miſericordia tua ſubſequetur me omnibus diebus vitæ meæ*. Hinc Theologi anſam arripuerunt admittendi quamdam gratiæ ſpeciem ab alijs diſtinctam, quam appellarunt ſubſequentem, ſeu conſequentem; ſed non video qualem effectum ei tribuant ab effectu adiunantis diſtinctum. Hoc ergo in loco breuiter videndum eſt; an detur hæc conſequens, ſeu ſubſequens gratia, an diſtincta ab adiunante: & quis ſit effectus illius: at non damno admittentes.

58. Dico ergo Admittenda eſt gratia dicta *ſubſequens*, ſeu *conſequens*; non tamen diſtincta ab adiunante, niſi in modo, & duratione, vſque ad finem vitæ ad operis.

59. Prob. prima pars, ex præfato Pſalmo.  
Hanc

Senſus que  
ſiti.

Admittenda gratia  
ſubſequens,  
ſed non  
diſtincta ab  
adiunante.

Hanc gratiam agnouit Augustinus, & de ea sepe locutus est: in Enchir. ad Lauren. cap. 72. *Oramus pro inimicis nostris, ut misericordia Dei praeueniat eos, sicut praeuenit nos. Oramus autem pro nobis, ut misericordia eius subsequatur nos.* Ibidem idem, ait. *Nolentem praeuenit, ut velit. Volentem subsequitur, ne frustra velit: & ad Bonif. lib. 4. cap. 6. inquit, ut incipiamus dictum est, misericordia eius praeueniet me; ut perficiamus, dictum est, misericordia eius subsequetur me. Hoc bonum propositum adiuuat quidem subsequens gratia; sed nec ipsum esset, nisi praecederet gratia.*

Ex 3. Scriptura.

Ex Auguſt.

60. S. Fulgentius eodem prorsus modo loquitur, sicut S. Augustinus: at quia eius doctrina probat etiam secundam partem, pro hac eum adducam. Ideò

61. Prob. Secunda pars, quòd quoad me non sit distincta ab adiuuante nisi in modo, & duratione, realiter autem, & essentialiter sit gratia adiuuans ad exequendum bonum opus, de quo facta est excitatio, ac illuminatio, & inspiratio. Nam Interl. Cassiodori in cit. Psal. locum; *& misericordia eius subsequetur me omnibus diebus vitae meae, & ut inhabitem in domo Domini in longitudine dierum*, inquit, *subsequetur me quandiu sic vivo. Non autem hoc tantum, sed etiam, ut inhabitem, &c.* Lyr. Gloſa ait, *misericordia eius subsequetur me, per augmentum gratiae: eadem ergo gratia semper adiuuans usque ad finem perseverans, vel etiam aucta est.*

Non distincta ab adiuuante.

62. Theodoretus in hunc Psal. inquit. *Misericordia tua subsequetur me; &c.* Horum autem, bonorum tua inesplicabilis benignitas est conciliatrix, nostras preces minimè expectans; sed nos veluti fugientes persequens, & praeueniens, & salutem im-

Theodore.

*pertiens, & consuetudinem diuinis sedibus præbens, tùm in præsentì vita, tùm etiam in futura: eadem ergo gratia adiuuans semper est.*

S. Fulgent.

63. Prob. ex S. Fulgentio Augustini doctrinam optimè callente. Is ergo in lib. 1. ad Monimum sic habet. *Ipse Deus donat gratis in digno gratiam, qua iustificatur impius, illuminatur munere bonæ voluntatis, & facultate bonæ operationis, ut præueniente misericordia bonum velle incipiat, & subsequente misericordia, bonum, quod vult facere valeat: & infra. Ipsa præueniendo gratia misericorditer incipit, ipsa subsequendo custodit. Ipsa gratia in Scripturis misericordia nominatur, de qua dicit David, Deus meus misericordia eius præueniet me; & in alio loco, misericordia eius subsequetur me per omnes dies vitæ meæ. Præuenit igitur impium, ut fiat iustus; subsequitur iustum, ne fiat impius. Præuenit cæcum, ut lumen, quod non inuenit, donet; subsequitur videntem, ut lumen, quod contulit, seruet. Præuenit elisum, ut surgat, subsequitur eleuatnm, ne cadat. Præuenit donans homini bonam voluntatem; subsequitur benevolentem operando in illo boni operis facultatem. Hoc igitur ista misericordia Dei in homine subsequitur; quod præueniens ipsa largitur: & postea multis interpositis, iterum dicit. Prædestinavit ad gratiam quos ad se præsciuit misericordiæ præuenientis auxilio redituros; & in se misericordiæ subsequenti auxilio esse mansuros.*

Eadem est  
adiuuans,  
& subse-  
quens.

64. Idem S. Fulgentius in lib. de Incarn. & Grat. ait. *Cum ergo Paulus esset blasphemus, & persecutor, & contumeliosus, non idè est adiutus Dei gratia, quia credere voluit, sed ut credere vellet donum gratiæ præuenientis accepit: & post multa, iterum inquit. Quia reuera, & ut velimus miseri-*  
cordiæ

*cordiæ præuenientis illuminamur dono; & ut curramus, misericordiæ subsequenteris fulcimur auxilio.*

65. Idem Sanctus in lib. de Veritate Prædestinationis, & Gratiæ, ait. *Sicut ergo bonæ voluntatis initium nemo potest habere, nisi fuerit misericordia Dei præueniente illuminatus, quia preparatur voluntas à Domino: & rursus scriptum est, Deus meus misericordia eius præueniet me: ita tandem bonam voluntatem nemo usque in finem poterit obtinere, nisi fuerit iugiter eadem misericordia subsequente seruatus; dicit enim Deo beatus David, misericordia tua subsequetur me omnibus diebus vitæ meæ. Misericordia igitur, quæ gratis malum hominem præuenit, ut mutet in melius, & ipsa, quem bonum facit subsequendo regit, ne mutetur in peius. Omne igitur bonum voluntatis, & operis, tunc inesse potest homini, si præuenientis gratiæ largitate detur, eiusdemque gratiæ subsequenteris opitulatione seruetur: quæ malum præuenit, ut bonam Deo largiente voluntatem habere incipiat, quam ante, quia per se habere non poterat, non habebat. Subsequitur autem bonum, ut perseueret, ac perficiat in bona voluntate, quam ex se habere non potuit. Præuenit ergo dirigendo cor hominis primum: subsequitur autem custodiendo cor rectum.*

66. Idem Sanctus in toto illo libro multa interpolata profert dicta, quæ mirificè totam materiam de præueniente, ac subsequente (quam semper adiuvantem nominat) gratia explicat: ideo ea adducam. *Non autem præueniendo illuminaretur liberum arbitrium, si non esset, nec subsequendo adiuvaretur, si illuminatum, ad aliquid sibi bonæ cogitationis, aut operis esse posset idoneum: & post alia. Tunc salubriter discimus quid facere debeamus, quando nos misericordia præueniens illuminat, & sanamur,*

Pluries id  
docet S.  
Fulg.

Accuratè  
id confide-  
ranit S.  
Fulg.

namur, vt quod illa præueniente discimus, eadem subsequente, faciamus. Præuenit enim nos, dum propitius fit Dominus omnibus iniquitatibus nostris: subsequitur nos, cum sanat omnes languores nostros. Præuenit misericordia liberum hominis arbitrium, dum in nondum benè volente sola operatur exordium bonæ voluntatis: subsequitur dum benè volenti subministrat auxilium, vt benè operando perueniat ad bonæ voluntatis effectum: misericordia igitur præueniens cooperaturam sibi hominis voluntatem sola præparat; subsequens autem cooperantem sibi voluntatem iuuat: & post alia: nihil bonæ cogitationis oboriri, nisi quod beneficio gratiæ præuenientis infunditur; nihil in melius augeri, nisi quod subsequenter iuuamine roboratur: eadem ergo per S. Fulgentium est gratia adiuuans, & subsequens, idest, sequens præuenientem.

Conclusio  
generalis  
ex S. Fulg.

S. Gregor.  
Magnus.

S. Gregorius Magnus in lib. 22. moral. cap. 5 aliàs 10. de vtraque hac gratia iuxta Augustini, ac Fulgentij mentem sic loquitur. Sancti viri sciunt post primi parentis lapsum de corruptili stirpe se editos; & non virtute propria, sed præueniente superna gratia Dei ad meliora se vota, vel opera commutatos, &c. eique de accepto munere debitores fiunt; qui, & præueniendo dedit eis bonum velle quod noluerunt, & subsequendo dedit eis bonum posse, quod volunt.

Officia gra-  
tiz.

67. Ex toto ergo hoc discursu concluditur, non solum, quod gratia subsequens sit eadem, ac adiuuans, qua bonum opus iam inspiratum ponitur in esse: sed concluduntur officia vtriusque gratiæ, scilicet præuenientis, ac subsequenter, seu adiuuantis. Nam per primam Deus benignè, & absque hominis merito, hunc ad humana, vel etiam ad mala distractum illuminat ad cognitio-



nem boni, & inspirat ad volitionem eius tamquam primum quemdam motum, seu effectum volendi; deinde adiuuat ad exequendum. Vnde, verò proueniat, quòd non semper adiuuat post præuentionem, seu excitationem, illuminationem, & inspirationem, dicetur postea.

## CAPVT III.

*An detur, qualisue sit Gratia efficax.*

58. **A**Du. 1. quòd vocabulum hoc, *efficax*, apud omnes, tam sacros, quam prophanos authores significat rem aliquam, siue personam, siue formam, aut virtutem, potestatem, aut qualitatem producentem suum effectum in esse reali; & per hoc distinguitur efficacia affectiua ab effectiua, quia per primam quis vult quantum est in se, & toto conatu facere; at non potest in effectu ponere, quia impeditur ab aliquo interno, vel externo obstaculo: vt quilibet in se experitur; quia vellet dignitatem aliquam, fauorem, diuinas, sanitatem, &c. & adipisci non potest: Effectiua autem est, quæ & potest ponere, & de facto ponit effectum in esse: exempla habemus prophana. Plin. lib. 24. cap. 16. *aduersus serpentes ex acetato pota efficax*. Cælius ad Ciceronem, *Nosti Marcellum, quam tardus, & parum efficax sit*. Ecclesiastici 9. 4. *datur consilium hoc. Cum saltarice ne assiduus sis, nec audias illam, ne fortè peccas in efficacia illius*: Hebr. 3. 12. *Sermo Dei viuus, & efficax*. Illam ergo gratiam, quæ secum habet anne-

*Efficax  
quid signi-  
cat apud  
omnes.*

*Efficacia  
affectiua, &  
effectiua.*

Quæ gratia  
à Theolo-  
gis dicitur  
efficax .

annexum effectum principalem , qui præcipitur , vel consulitur , Theologi appellant *Gratiam efficacem* ; illam verò , quæ effectum coniunctum non habet , vocant *inefficacem* , & alio nomine ( nescio quare , vt patebit postea ) dicunt sufficientem .

Sensus quæ  
siti .

69. Adu. 2. quòd hìc quærimus ethimologiam , & proprietatem gratiæ istius , quæ dicitur efficax , an sit eadem cum præueniente , & adiuvante , seu subsequente , vel ab istis differat , & per quid . Vndè verò habeat , quòd sit , vel non sit efficax , an ex natura sua , seu decreto Dei , an verò ex se sit indifferens , & à voluntate humana volente ea vti , euadat efficax , idest , obtineat effectum , ad quem datur , videbimus postea . Hæc enim est celeberrima controuersia in tota hac materia : At , quæ hìc nunc discutimus facilia sunt .

Admitti de-  
bet gratia  
efficax .

70. Dico 1. Admitti debet gratia dicta *Efficax* ; estque illa , quæ opus bonum , siue præcepti , siue consilij à Deo inspiratum , connexum habet .

Experien-  
tia docet ,  
quòd datur  
gratia fa-  
ciens effe-  
ctum , & alia , quæ nō  
facit .

71. Prob. facilè : Experientia docet , quòd in vna concione multi sunt vocati , seu inspirati ; & tamen non omnes , sed aliqui tantum conuertuntur , siue ad credendum , siue ad aliud opus bonum faciendum ; & interdum nullus : experientia patet de prædicatione Christi . Is enim integro triennio , & alijs tribus mensibus continuò prædicauit verbis , & factis viam salutis , eamque miraculis patentibus comprobauit : At non omnes crediderunt , neque conuersi sunt , vt ex Euangelistis patet ; sed valdè pauci , respectiuè ad magnam hominum , qui eum audierunt , & inspirati fuerunt , multitudinem : Omnium primum vocauit Philippum , *Sequere me* , & secutus est eum :

voca-

vocavit Petrum, & Andream, *Venite post me faciam vos fieri piscatores hominum, & illi continuo relictis retibus secuti sunt eum.* Paulò post vocavit Iacobum, & Ioannem, *resicientes retia cum Patre Zebedeo, ac mercenarijs: & illi statim relicto Patre, mercenarijs, ac retibus secuti sunt eum:* ita de Mattheo, & alijs Apostolis, ac Discipulis. At non sic accidit de alijs: nam Ioan. 2. 23. prædicante Christo ingenti turbæ, dicitur, *multi crediderunt in eum;* non dicitur omnes: idem dicit Euangelista in cap. 6. & 8. & alibi, *multi crediderunt in eum.* Immò Ioann. 5. 40. inquit Saluator. *Non vultis venire ad me, ut vitam habeatis.* In aliquibus ergo fuit efficax gratia, idest suum habuit effectum; at non in omnibus.

72. Confirmatur ex Act. Apost. cap. 27. 34. Prædicante Paulo Athenis in conferta multitudine Arcopagi; *quidam adherentes ei, crediderunt, in quibus Dyonisius Arcopagita, & mulier nomine Damaris, & alij cum eis:* in his ergo solis, non in omnibus gratia habuit suum effectum principalem, nempe credendi. Item Act. 16. 14. Philip-  
 pis, prædicante Paulo, *vna tantum mulier Lydia purpuraria conuersa est ad fidem, & baptizata est cum domo sua,* dicit autem Textus, *cuius Dominus aperuit cor intendere his, quæ dicebantur à Paulo.* In cap. verò 13. 46. prædicantibus Paulo, & Barnaba Antiochiæ Pisidiæ coram innumera multitudine Iudæorum, & Gentilium, cum proluxa illa oratione, qua distinctè narrarunt omnia beneficia à Deo collata Iudæis, ex quo eos eduxit usque tunc, sic eis exprobarunt; *Vobis oportebat primum loqui verbum Dei; At quoniam repellitis illud, & indignos vos indicatis æternæ vitæ, ecce conuertimur ad gentes, &c.* & paulò post. *Audientes.*

Ex Christi  
facto.

Ex factis  
Pauli.

*autem gentes gauise sunt, & glorificabant Verbum Domini; & crediderunt quotquot erant preordinati ad vitam eternam. Ecce quomodo Gratia illa vocationis diuinæ effectum conuersionis habuit in quibusdam gentilibus, qui tunc conuersi sunt; non verò in alijs, nec in turba Iudæorum.*

73. Probari tandem potest ex communi sensu omnium Theologorum Scholasticorum, incipiendo à S. Augustino, qui licet hoc vocabulo gratiæ efficacis non utatur (& sit Phrasis modernorum incipiendo fortè à Sèntentiarum Magistro, vel alio anteriore) tamen S. Augustinus significatum eius, nempe quòd ponat effectum in esse, in omnibus suis tractatibus frequenter explicat, dum docet aliquem ita vocari, vt respondeat, & exequatur; alium verò non ita vocari, vt respondeat, ac exequatur. In lib. enim de bono Perseu. cap. 9. ait: *Ex duabus etate grandibus impijs, cur iste vocetur, vt vocantem sequatur; ille autem, aut non vocetur, aut non ita vocetur, inscrutabilia sunt iudicia Dei: ex duobus autem pijs, cur vni detur perseuerantia vsque in finem, illi autem non donetur, inscrutabilia sunt iudicia Dei.*

74. In lib. 1. Retract. cap. 18. inquit. *Sed parum de ipsa vocatione differui, quæ sit secundum propositum Dei. Non enim omnium, qui vocantur talis est, sed electorum tantum.*

75. In lib. de Corr. & Grat. cap. 7. de prædestinatis dicit. *Non est dubium, quòd, & procuratur eis audiendum Euangelium; & cum audiunt, credunt, & in fide, quæ per dilectionem operatur vsque in finem perseuerant; & si aliquando exorbitant, correpti emendantur; & quidam eorum, & si ab hominibus non corripiantur, in viam redeunt: & post aliqua ad idem, subdit. Aut si qui deficiunt, repa-*

*rantur, antequam vita ista finiatur, &c. & alia plurā in suo loco adducenda: ergo per S. Augustinum datur gratia efficax; immò, ut verum fatear, si eum capio, in omnibus suis scriptis ferè semper de hac loquitur.*

76. Dico 2. Gratia efficax non est diuersa ab adiuuante.

77. Prob. Ex communi sensu Doctorum dicitur *efficax* gratia, quæ habet secum coniunctum effectum à Deo inspiratum; sed hoc præstat gratia adiuuans, ut fiat, ex nuper dictis; ideò enim est, & dicitur *Adiuuans*, quia iuuat voluntatem ad faciendum opera, quæ ipsa sine illa, nec faceret, nec facere potest: igitur eadem dicitur adiuuans, & *efficiens*, seu *efficax*.

78. Prob. 2. in Sacra Scriptura bis tantum, ut patuit, *efficaciæ* vocabulum inuenimus, sed sæpius vocabulum adiutorij, ac auxilij, & hoc petebant Sancti à Deo, & præsertim Dauid, ut hucusque patuit: at petebat virtutem, seu formam illam, qua bona opera facere posset, ac faceret. Hæc autem est gratia efficax: ergo diuersa sunt nomina *efficax*, & *adiuans*, ut fiat; vna autem res.

79. Confirmatur. Concilium Araus. 2. de anno 529. celebratum pro materia de Gratia, & lib. arb. sub Felice 4. in omnibus illis 15. Canonibus gratiam ad opera exercenda, *ut oportet*, necessariam, numquam vocat nomine *efficacis*, sed in 6. 9. & 10. can. vocat *Adiutorium*: igitur hæc appellatio tunc erat in vsu, idemque significat, ac *efficax*, sic communiter nunc dicta. Nam istud Concilium definit in dictis locis, quòd ad resurgendum à peccato, & ad benè operandum necessarium est diuinum *Adiutorium*: eodem modo lo-

*Efficax gratia non est diuersa ab adiuuante.*

Ex Concil.  
Araus.

356 DE GRATIIS ACTUALIBVS, &c.  
quitur *Celestinus 1. epist. 1. cap. 4. & Innoc. 1. epist. 24. & 25.* igitur eadem est adiuuans, vt fiat, ac efficax.

Ex Concil.  
Trident.

80. Confirmatur 2. Concil. Trid. in *sess. 6. cap. 5. ac 6. & can. 3.* quibus in locis de dispositione ad iustificationem dogmaticè loquitur, de gratia preueniente, seu excitante, atque adiuuante, per quam dispositio perficitur, verba facit; numquam nominans *efficacem*: igitur signum est pro eadem sumi adiuuantem, atque *efficacem*.

S. August.  
raro dicitur  
vocabulo  
efficacis;  
sed diuer-  
sis vocibus  
equipollen-  
tibus, quæ  
eam signi-  
ficant: sed  
sepius adiuuante,  
quæ facit  
facere.

81. Sanctus Augustinus Doctor, ac Magister gratiæ in Ecclesia Dei, vtitur quidem æquipollentibus vocabulis, quibus significat gratiam, effectum in re ponentem, vocans eam victricem, liberatricem, cooperantem libero arbitrio, dantem vires efficacissimas, & se habentem ad liberum arbitrium tamquam sessior ad iumentum, facientem velle, ac perficere (vt de natura efficaciz vnde proueniat in suo loco dicemus) at non appellat, vt videre potui, hoc puro nomine *efficacem*, sed modò *Adiuuantem*, modò *Adiutorium*, modò *Auxilium*, faciens operari, modò *sine quo*, modò *quo*, modò gratiam *medicinalem*, modò gratiam *sanantem*, & alijs similibus epithetis iuxta pluralitatem effectuum, quos causat in anima, semper tamen vocabula illa significant efficientiam aliquam in suo ordine; immò interdum vocat eam *effectricem bonæ voluntatis*, præsertim in *lib. 1. ad Simplicianum quæst. 2.* post medium. Quapropter omnes Theologi vnanimiter agnoscunt gratiam efficacem, & eam talem dicunt, quæ habet annexum principalem effectum, v.g. si inspiratur actus fidei, penitentię, &c. si hic effectus sequitur, seu ponitur in esse, gratia illa dicitur, estque efficax: si non sequitur, dicitur, estque ineffi-



inefficax, & vulgariter dici solet *Sufficiens*: At unde habeat, quòd sit efficax, idest habeat annexum effectum, num ex sua intrinseca natura; num ex voluntate illius, cui datur, quasi de se sit indifferens, & homo, cui datur ex suo consensu illam reddat efficacem; vel potius ipsa gratia faciat consentire; altioris indaginis est, & in proprio loco discutietur. Sufficiat nunc scire vocabula, & aliquas proprietates diuinæ gratiæ ad opera bona exercenda necessariæ.

## CAPVT IV.

*An detur; & quæ, qualisue sit Gratia non efficax, communiter dicta sufficiens.*

82. **A**Du. 1. quòd antequam de proprietatibus alicuius rei differatur, prius firmandum est, quid sub nomine talis rei intelligitur. Cum ergo inter Theologos maxima fuerit, & penes quosdam adhuc adsit, controuersia, an detur gratia quædam dicta *sufficiens*, & quinam sit effectus, ac finis eius; firmandum est prius, quid nomine gratiæ *Sufficientis* intelligatur, quâuis plures Theologi de illa multa scripserint.

83. Adu. 2. quòd verbum *Sufficio*, tam apud Grammaticos, quàm apud Scriptores prophanos, immò & sacros, significat verbum impositum ad ostendendum aliquid idoneum, & aptum ad ponendum effectum aliquem in esse reali; & significat idem, ac *satis est ad faciendum*. Ideòque sæpè cum alijs viris doctis miratus sum, cur Theologi moderni gratiam illam diuinam, qua homo vocatur, excitatur, illuminatur, & inspiratur ad bonum faciendum, & effectum non obtinet

Vnde habet, quòd sit efficax postea dicetur.

Sensus quæ sit.

Sufficio, quid significat.

Cur ineffi-  
cax vocetur  
suffi-  
ciēs, diffi-  
cile assigna-  
tur.

Multa no-  
tanda.

Excitans  
semper ef-  
fectum ex-  
citandi ha-  
bet.

Res valde  
notanda.

358 DE GRATIIS ACTUALIBVS, &c.  
net vocare cæperunt *Sufficientem*, ad distinctionem  
efficacis, quæ semper habet annexum effectum,  
cùm satis non sit ad eum ponendum, sicut effi-  
cax, quæ in rigore dici deberet *sufficiens*: At no-  
lo nunc etymologiam vocabuli inuestigare,  
quod postea exequar: sed supponendo, quòd gra-  
tia quædam sic dicatur, quia effectum principa-  
lem annexum non habet, licet det posse ad illum;  
quæro an detur, & quid prosit.

84. Adu. 3. quòd, cùm Deus ex sua beni-  
gnitate præuenit aliquem, siue infidelem, exci-  
tando, illuminando, & inspirando, vt veniat ad  
fidem; siue fidelem lapsum, vt veniat ad pēniten-  
tiam; siue fidelem iustum, vt faciat opera præcep-  
ti, aut consilij, duò in his excitationibus sunt  
consideranda; vnum est ipsa passiuæ excitatio, il-  
luminatio, & inspiratio; quas Deus solus causat  
in nobis sine nobis, quæ recipiuntur in intellectu,  
& voluntate, & isti effectus semper à solo Deo  
efficiuntur; & sic semper gratia excitans, quoad  
hos effectus illuminandi, & inspirandi, est effi-  
cax: Alterum autem, quod considerandum ve-  
nit, est ipsum opus, de quo fit excitatio, seu illu-  
minatio, & inspiratio, vt in propositis exemplis,  
pro infideli, fides; pro baptizato peccatore, pē-  
nitentia; pro fideli iusto, obseruantia præcepti, vel  
consilij, vel operum supererogationis: Ista autem  
appello opera principalia, quia ad hæc ordinan-  
tur excitationes. Hæc autem opera non semper  
ponuntur in esse ab excitatis. Vnde autem hoc  
proveniat, postea dicetur.

85. Adu. 4. & recolo quod dixi in cap. 2. de  
Gratia excitante cum S. Augustino, estque fun-  
damentum, nedum huius, sed multarum huius  
materiæ conclusionum, quo spreto in varios er-

rores labi necesse est, nempe, quòd cùm Deus per seipsum externè homines hortatur ad bonum operandum, vel per Angelos, vel per Prophetas, Apostolos, aliosue Missionarios, vel Concionatores, semper internè etiam loquitur illuminans, & inspirans ad cognoscendum, & volendum id, quod externè auditur; aliàs frustranea esset externa doctrina, seu locutio, essetque gratia Pelagiana. Audiamus Augustinum *tract. 3. in epist. 1. Ioan.* super illud, *Vnctio spiritus docet vos:* ait. *Videte fratres magnum Sacramentum. Sonus verborum nostrorum aures percutit, Magister intus est. Si non sit intus, qui doceat, inanis est strepitus noster: & post aliqua: Magisteria forinsecus adiutoria quedam sunt, & admonitiones; Cathedram in Cælo habet, qui corda docet, propterea dicit in Evangelio, nolite vobis Magistrum dicere in terra. Vnus Magister est Christus. Ipse vobis ergo intus loquitur, quando nemo hominum illic est: & infra. Interius est Magister, qui docet. Christus docet; inspiratio illius docet. Vbi illius inspiratio, & vnctio non est: forinsecus inaniter perstreperunt verba: & assignat exemplum de Agricola, qui arborem irrigat, sed, nec dat ei incrementum, nec ipse poma producit; ideò dicit Apostolus, *Ego plantavi; Apollo rigavit, Deus autem incrementum dedit:* ideò cùm Deus, Prophetæ, Apostoli, Christus ipse forinsecus locutus est, cùm non inaniter verba protulerit, intrinsecus quoque locutus est; & tamen non omnes, quibus locutus est verbis, ac factis crediderunt, vel à malo recesserunt. His positis*

86. Dico. Datur gratia non efficax vulgò dicta *Sufficiens*, quæ non habet annexum effectum principalem pro quo datur, & ei gratiæ resistitur.

Aug. utilis  
sententia.

Cùm homo  
audit Dei  
verbum.  
Deus inter  
nè excitat.

Aptum exē  
plum Agri  
colæ.

Datur gra-  
tia ineffi-  
cax dicta  
sufficiens.

Ex Veteri  
Test. ex  
Prou.

87. Prob. facilè ex S. Scriprura Veteris Testamenti. Prou. 1. 24. vbi Deus sic loquitur. *Conuertimini ad correptionem meam: en proferam vobis spiritum meum, & ostendam vobis verba mea. Quia vocavi, & renuistis: extendi manum meam, & non fuit, qui aspiceret. Despexistis omne consilium meum, & increpationes meas neglexistis: ego quoque in interitu vestro ridebo, & subsannabo, cum vobis id, quod timebatis, aduenerit. Deus autem non inaniter foris tantum perstrepat, sed intus etiam loquitur; & tamen populi, ad quos loquebatur, non parebant: ergo.*

Ex Isaia.

88. Confirmatur Isaia 1. 2. Deus conquæritur de inobedientia populi Iudaici, *filios enutriui, & exaltaui; ipsi autem spreuerunt me. Cognouit bos possessorem suum, & asinus Praesepe Domini sui, Israel autem me non cognouit, & populus meus non intellexit: & infra idem Dominus hortatur ad recedendum à malo, & accedendum ad ipsum. Lauamini, mundi estote; auferte malum cogitationum vestrarum ab oculis meis; quiescite agere peruersè, &c. & venite, & arguite me. Deus autem non inaniter loquitur solum extra, sed illuminat, & inspirat intus; & tamen populus à malo Idolatriæ non auuertebatur; & Acaz tunc pessimus Rex fuit; & tandem Manasses impius, à quo Propheeta per medium sectus occisus est: isti ergo noluerunt ab Idolatria recedere.*

Alia plura  
exempla  
gratiz, cui  
resistitur.

89. Confirmatur 2. Conqueritur Deus per David Psal. 94. *Quadraginta annis proximus fui generationi huic; & dixi semper hi errant corde: ipsi verò non cognouerunt vias meas, &c. Deus autem non frustra foris tantum loquitur, ait Augustinus vbi supra, sed intus; & tantum Populus noluit intelligere, vt benè ageret.*

Con-

90. Confirmatur tandem ex toto Veteri Testamento; & præsertim ex Prophetis libris: Per Prophetas enim omnes, Deus locutus est ad populum; nec inaniter, & frustra exterius tantum per verborum strepitum, quia agebatur de abolenda Idolatria, ut patet de Ahia cum Ieroboam, de Elia cum Acab; & sic de alijs Prophetis cum Regibus Samariæ, seu Israel, & cum Regibus Iuda, seu Ierusalem. His enim Prophetis foris in-  
 tonantibus, Deus intus loquebatur illuminando, ac inspirando, ut ab Idolatria recederent; & tamen conuersiones ad quas excitabantur Reges, & Populi non sunt semper secutæ, nisi in paucis Regibus, Iuda, Ezechia, Iosia, &c. in nullo autem Samariæ, seu Israel; ergo in omnibus non fuit efficax gratia. Datur ergo ista gratia interior non efficax, cui resistitur.

91. Prob. 2. clariùs ex Nouo Testamento. Christus, qui venerat peccatores saluos facere, ut ipse testatus est; qui dixit se missum ad filios Israel, iam ferè menses 40. prædicauit filijs Israel, & quod prædicabat, factis, ac miraculis confirmabat; nec frustra, ac inaniter foris tantum, & per sensibiles voces loquebatur; sed intus illuminando, & inspirando; & tamen valde pauci tunc conuersi sunt. Ideò conquærebatur, Ierusalem, Ierusalem, quoties volui congregare filios tuos, quemadmodum gallina congregat pullos suos sub alis, & noluisti.

92. Confirmatur ex facto Apostolorum. Act. 2. post Christi Ascensionem in Cælum, cum in die Pentecostes accidit miraculum illud grande, ut linguæ igneæ apparerent in capitibus Apostolorum; & omnes duodecim (electo Matthia) loquerentur varijs linguis magnalia Dei, & Petro

Ex Nouo  
Testam.

Ex Christi  
facto.

Ex facto  
Apostolo-  
rum.

declarante mysterium , quòd nempe in Christi virtute hoc factum esset; quamuis maxima,ratione festi,ex tota Palestina adesset multitudo, tria millia hominum tantummodo conuersi sunt; & tamen in aliorum etiam cordium facta est Spiritus Sancti allocutio : ergo in his non conuersis, gratia fuit illuminans tantum, & inspirans, non autem adiuvans, & efficax: idem dicendum de omnibus alijs eorum prædicationibus, in quibus, vel pauci, vel nemo aliquando conuersus est.

Ex Act. A-  
post.

93. Confirmatur 2. ex Act. 7. Postquam S. Stephanus prolixam illam fecerat concionem in Sinagoga, referens omnia beneficia à Deo collata populo, incipiendo ab Abraham, & proseguendo vsque ad illud tempus, prædicans Christum esse Iesum, & improperando eis obstinationem continuam in credendo, ait. *Dura cervice, & incircumcisis cordibus, & auribus vos semper Spiritui Sancto resistitis, sicut Patres vestri, ita & vos, &c.* igitur admittenda est gratia, cui resistitur, & vtinam non resisteremus omnibus Dei vocationibus; omnes namque saluaremur.

Ex Apost.

94. Confirmatur 3. Ex 2. Cor. 6. 1. exhortamur, ne in vacuum gratiam Dei recipiatis. Glosa Lyr. ait, gratiam, quæ datur ad benè viuendum in presenti vita, & ad consequendam gloriam in futuro. Propter quod hunc effectum non consequitur, si in vacuum recipitur, sicut medicina, ad quam sanitas non sequitur. Hæc Lyr.

Ex Ansel.

95. S. Anselmus in eum locum, ait. In vacuum gratiam Dei recipit, qui cum ea non laborat, nec ei suum studium adiungit, quique per desidiam facit, vt gratia in ipso sit otiosa, dum eam bonis explere operibus non satagit. Sic Ansel.

96. Contrarium verò de se dicit Paulus 1. Cor. 15.



Cor. 15. 10. *Gratia Dei sum id, quod sum, & gratia eius in me vacua non fuit; sed abundantius ijs omnibus laboravi; non ego autem, sed gratia Dei mecum.* Glos. Lyr. *vacua non fuit, inquit, idest carens operibus: ergo in aliquibus datur gratia in vacuum recepta, ad quam scilicet, non sequitur opus bonum, propter quod datur.*

Ex Apost.  
de se opposi-  
tum dicen-  
te.

97. Confirmatur 4. ex Rom. 10. 16. *Sed non omnes obediunt Euangelio. Isaias enim dicit, Domine quis credidit auditui nostro? At promulgatio Evangelij facta est cum interna etiam Dei locutione, alioquin frustra, & superuacaneè, ut ex Augustino diximus, perstrepuissent verba Evangelizantium in externis auribus, nisi etiam internè Deus illuminasset, ac inspirasset, quod Evangelizantes docebant.*

Alia exem-  
pla gratiæ,  
cui resisti-  
tur.

98. Confirmatur 5. ex Apocal. 3. 20. *Ego sto ad ostium, & pulso, si quis audierit vocem meam, & aperuerit mihi ianuam, intrabo ad illum, & cenabo cum illo, & ille mecum.* At certum est, quòd non omnes aperiunt: ergo

99. Prob. 3. ex Concil. Trid. sess. 6. cap. 5. ubi loquens de Gratia ad dispositionem iustificationis requisita, præ ceteris hæc habet: *eidem gratiæ liberè assentiendo, & cooperando disponuntur; ita ut tangente Deo cor hominis per Spiritus Sancti illuminationem, neque homo ipse nihil omnino agat inspirationem illa recipiens, quippe qui illam abijcere potest: & in can. 4. habetur. Si quis dixerit, liberum hominis arbitrium à Deo motum, & excitatum nihil cooperari assentiendo Deo excitanti, & vocanti quo ad obtinendam iustificationis gratiam se disponat, ac præparet, neque posse dissentire, si velit; sed veluti inanime quodam nihil omnino agere, merèque passivè se habere, anathema sit. Ergo*

Ex Trid.  
gratia po-  
test abijci.

ex Concilio datur gratia , cui homo potest dissentire ; & sic non habere effectum principalem , ad quem datur .

Ex Constit.  
Apostolic.

100. Confirmatur ex duplici Constitutione, Innocentij scilicet Decimi, & Alexandri Septimi, qua damnantur quinque propositiones Iansenij, ut hereticę, quarum secunda est : *Interiori gratiæ numquam resistitur*: ergo datur gratia, cui resistitur , ne effectum suum principalem , ad quem datur, obtineat .

Ex praxi  
Ecclesię.

101. Confirmatur ex praxi totius Ecclesię in correctione, & repræhensione fidelium , quòd Dei mandata non obseruent, & quòd diuinis inspirationibus non respondeant . Isti non essent corripendi , nec repræhendendi , si gratiam aliquam non haberent , per quam possent ea facere . Sicut non potest repræhendi claudus , vel alio modo impotens , si non ambulat . Neque cæcus repræhendi potest , si recta via non gradiatur .

Ex alia Ec-  
cles. praxi.

102. Confirmatur 2. ex alia praxi Ecclesię circa prædicationem Euangelij inter infideles : frustra enim Missionarios ad infideles mitteret , nisi persuasum haberet , quòd , dum illi euangelizant foris ad aures infidelium , Deus per illuminationem intellectus , & inspirationem voluntatis euangelizat intus ; quia nisi crederet sic fieri, frustra mitteret Prædicatores; & infideles non essent arguendi , si verbum Dei non reciperent ; quia carerent supernaturali lumine , quo disponderentur ad illud recipiendum . Vnde ex hoc capite meritò Paulus Anthiochię Pisidię , cùm prolixam concionem habuisset ad Iudæos, videns quòd nullus eorum ibi conuerteretur, immò omnes ei contradicebant, zelo repletus dixit. *Vobis*

opor-

oportebat primum loqui verbum Dei; sed quoniam repellitis illud, & indignos vos indicatis eterna vitæ, ecce conuertimur ad gentes; sic enim præcepit nobis Dominus; posuite in lucem Gentium. Audientes autem Gentes gauisæ sunt, & glorificabant Verbum Domini; & crediderunt quotquot erant præordinati ad vitam æternam. Quomodo autem potuisset reprehendere Iudæos, quòd verbum Domini non reciperent, si principium nullum supernaturalis ad posse saltem recipere non habuissent; cum ipsemet Paulus I. Cor. 3.5. doceat, non sumus sufficientes cogitare aliquid à nobis, quasi ex nobis, sed omnis sufficientia nostra ex Deo est: adfuit ergo in Iudæis illis obiurgatis, illuminatio, & inspiratio, quibus non consenserunt. Vnde autem tam in ijs, quàm in alijs proueniat, quòd gratiam adiuantem, seu efficacem ad consentiendum, necessariam non habuerint, & non habeant, an ex decretis reprobationis, vel aliundè, in suo loco dicetur.

Ex factis  
quodam  
Pauli.

Vindica-  
tur Aug. à  
calumnia,  
quòd non  
admittat  
gratiam  
sufficientem,  
id est, cui  
resistitur.

103. At quoniam aliqui moderni, nescio quo fundamento, imponunt Sancto Augustino, quòd non admittat ullam gratiam, cui voluntas dissentiat, & resistat, ne effectus principalis sequatur; sed quòd per eum omnis gratia sit efficax, id est coniuncta sit cum suo principali effectù, ad quem datur, libet mihi eum vindicare ab hac iniuria; ideò aliqua eius loca in medium asseram, quæ clarè rem demonstrant, quòd hanc etiam agnouerit, & asseruerit.

104. Primum ergo Augustini dictum desumitur ex lib. de Bono Perseu. cap.9. vbi ait: Ex duobus etate grandibus impijs, cur iste vocetur, & vocantem sequatur; ille autem, aut non vocetur, aut non ita vocetur; inscrutabilia sunt iudicia Dei: ex  
duo-

Primum  
cur diſſi-  
cuius.

366 DE GRATIIS ACTUALIBVS, &c.

duobus autem p̄s, cur vni detur perseuerantia vsque in finem, illi autem non donetur, incomprehensibilia sunt iudicia Dei. Ex prima igitur propositione per Augustinum datur gratia vocationis, quam vocatus non sequitur.

2. Locus.

105. Secundum desumitur ex lib. de spiritu, & litera cap. 12. vbi habetur, quod *Gentilibus animo occurrebat; ut quærent, unde habere poterant cognitionem veritatis; sed cum cognouissent, non coluerunt, sed enauerunt in cogitationibus suis: igitur gratiam illuminationis, ac inspirationis secuti non sunt; nec modò sequuntur dum audiunt concionatores.*

3. Locus.  
Valde no-  
tandus.

106. Tertium desumitur ex libro 1. ad Simplicianum qu. 2. inter medium, vbi cum dixisset, quod gratia vocationis est effectrix bonæ voluntatis, mouet difficilem quæstionem, quomodo concilientur duo illa dicta, ambo de fide tenenda, *multi sunt vocati, pauci verò electi, Matth. 20.* cum illo, *non volentis, neque currentis, sed Dei est misericordis, Rom. 9.* & refert primò opinionem, quæ dicere posset (sicut hodie à quibusdam asseritur,) quod quamuis multi vno modo vocati sunt; tamen, quia non omnes eodem modo affecti sunt; illi soli sequuntur vocationem, qui ei capiendæ inueniuntur idonei, & adhuc verum est, quod non volentis, neque currentis, sed misericordis est Dei; quia hoc modo vocauit, quo aptum erat eis, qui secuti sunt vocationem. Ad alios autem vocatio quidem peruenit, sed quia talis fuit, quod moueri non possent, nec eam capere apti essent; vocati quidem dici potuerunt, sed non electi. Hunc dicendi modum impugnare videtur Augustinus, inquit. *Igitur non misericordis est Dei, sed volentis, atque currentis est hominis; quoniam non potest effectus misericordie Dei esse in homi-*

Impugna-  
tio cuius-  
dam diſſi-  
notanda.

hominis potestate, ut frustra ille misereatur, si homo nolit; quia si vellet etiam ipsorum misereri, posset ita vocare, quomodo illis aptum esset, ut & mouerentur, & intelligerent, & sequerentur: deinde ad rem nostram dicit, Verum est ergo, multi vocati, pauci verò electi. Illi enim electi, qui congruenter vocati; illi autem, qui non congruebant, neque contemperabant vocationi, non electi, quia non secuti, quamvis vocati. Item verum est non volentis, neque currentis, sed miserentis est Dei; quia etiam si multos vocet; eorum tamen miseretur, quos ita vocat, quomodo eos vocare aptum est, ut sequamur: Igitur per Augustinum omnes vocati, non electi gratiam vocationis inefficacem, & sine principali effectu habent.

107. Deinde adducit exempla de vtrisque vocatis, scilicet sequentibus vocantem, & non sequentibus, etiam visis post vocationem miraculis.

108. De Simeone Lucae 2. credente in Christum infantem ex simplici reuelatione. De Nathanaele Ioann. 1. qui ad simplex Christi dictum priusquam Philippus vocaret te vidi te sub ficu, credidit confitendo, tu es Christus filius Dei, tu es Rex Israel. Quod tantò post, quia confessus est Petrus Matth. 16. meruit audire, quod Beatus sit, & quod ei darentur clauae Regni Caelorum. Miraculo primo facto in Cana Galilee de aqua in vinum conuersa, crediderunt in eum Discipuli eius. Multos loquendo Christus inuitauit ad fidem: ut multi, nec suscitatis mortuis crediderunt. De Cruce, ac morte eius conterriti etiam Discipuli titubarunt, & tamen latro tunc credidit, quando eum non praestantiorum videret in operibus, sed consortio crucis aequalem. Vnus de numero Discipulorum post eius resurrectionem, non tam viuentibus

Subtilis  
Augustini  
speculatio.

Omnes vocati, non omnes electi.

Exempla  
vocatorum  
sequentium.  
& aliorum  
non sequen-  
tium.

Clarè ex  
Aug. con-  
cluditur  
gratia sus-  
ficiens.

Echimo-  
logia gratia  
sanantis.

368 DE GRATIIS ACTVALIBVS, &c.  
tibus membris, quàm recentibus cicatricibus credi-  
dit; multi ex eorum numero à quibus crucifixus est,  
qui videntes eum miracula facientem contempserunt,  
Discipulis enim predicantibus, & in nomine eius tan-  
ta facientibus crediderunt; & concludit. Cum er-  
go alius sic, alius autem sic moueatur ad fidem; ea-  
demque res sepe alio modo dicta moueat, alio verò  
modo dicta non moueat; aliumque moueat, aliumque  
non moueat; quis audeat dicere defuisse modum vo-  
candi, quo etiam Esau ad eam fidem mentem applica-  
ret; voluntatemque coniungeret, in qua Iacob iusti-  
ficatus est. Quod si tanta quoque potest esse obsti-  
natio voluntatis, vt contra omnes modos vocationis  
obdurescat mentis auersio, quæritur, vtrum de diui-  
na pena sit ipsa duritia? Et probat, quòd sic, per  
eundem Apostolum Rom. 9. exemplo Pharaonis:  
itaque apertè ex Augustino habemus, quòd da-  
tur gratia vocationis, cui voluntas humana resi-  
stit, & est sine effectu.

## C A P V T V.

*An detur, & quid sit Gratia Sanans, seu Me-  
dicinalis.*

109. **A**Du. quòd ex diuersis effectibus, quos  
in anima producit gratia actualis,  
tàm adiuuans, quàm præueniens sortitur diuersa  
nomina, quorum hæc duo *Sanans*, & *Medicinalis*,  
ratione infirmitatis humanæ in ordine ad sanctè  
operandum, siue respectu iustificationis acqui-  
rendæ, siue respectu aliorum bonorum operum,  
ipsiusmet iustificati sunt apprimè congrua; quia  
ad ea facienda infirmitatem liberi arbitrij sanat,  
ipsumque principaliter iuuat, vt ea efficiat.

Adu.



110. Adu. 2. quòd ex peccato Adq̃ liberum arbitrium quamuis extinctum non fuerit , sicut somniabat Calvinus , fuit tamen valdè attenuatum, ac debilitatum, tam in eodem Adamo, quàm in omnibus nobis posteris . Sic definiuit Concil. Trid. sess. 6. cap. 1. his verbis , *tametsi in eis liberum arbitrium minimè extinctum esset, viribus licet attenuatum, & inclinatum*, quod ante mille annos definierat Concil. Araus. 2. can. 13. & ante istud definierat Concil. Diospolitanum 14. Episcoporum anno Domini 415. Hanc autem infirmitatem ad benè operandum, vt dicemus in capite de necessitate gratiæ, medetur Deus ex merito Christi per actualem gratiam eleuantem liberum arbitrium ad ordinem operantium supernaturaliter , & adiuuantem illud vt possit facere , & faciat ineluctabiliter, vt in suo loco dicitur .

111. Dico ergo , datur gratia dicta *Medicinalis* , seu *sanans*, estque eadem, ac præueniens, & adiuuans; ab effectu tantùm medendi, seu sanandi liberum arbitrium sic appellata .

112. Prob. prima pars de nomine sanantis spiritualiter, siue habitualiter, siue actualiter: est enim valde vsitatum in Sacro Textu . Psal. 6. *Sana me Domine, quia conturbata sunt ossa mea.* psal. 29 *Clamavi ad te , & sanasti me.* psal. 40. *Sana animam meam, quia peccaui tibi.* psal. 105. *Misit verbum suum, & sanauit eos :* & psal. 146. *qui sanat contritos corde .* Prou. 28. 15. *Qui sperat in Deo sanabitur.* Sap. 16. 10. *Misericordia enim tua adueniens sanabat illos .* & v. 11. *Tuus sermo Domine , qui sanat omnia.* Isaïe 6. 10. *Ne fortè conuertatur , & sanem eum .* cap. 11. 5. de Christo prædicitur ; *Li uore eius sanati sumus .* Ieremias in cap. 17. 14. petit à Deo, *Sana me Domine, & sanabor:* cap. 51. 9.

Ex peccato  
Adq̃ liberu  
arbitrium  
debilitatū  
fuit.

Gratia ex  
se sanat .

Datur gra-  
tia sanans ,  
sed eadem  
est, ac præ-  
ueniens, &  
adiuuans .

Ex S. Scrip.

Cur sanans

*Cur animus Babilonē, & non est sanata, derelinquamus eam:* & alia plura suppetunt loca, in quibus actio illa, qua Deus aliquem à peccato liberat, & iustificat, vel ad iustificationem disponit, vel ad alia opera bona facienda idoneū facit, & adiuuat, vt faciat, dicitur *sanatio*; quia reuera ad ea facienda homo infirmus est; & sic forma illa, seu gratia, per quam idoneitatem illam facit, & sanat, dici debet *sanans*, sicut effectus eius dicitur spiritualis *sanitas*, paritate deducta à forma sanante, à sanatione, & sanitate corporis.

De nomine  
medicina-  
lis eadem  
est ratio.

113. De alio vocabulo *Medicinali*, est eadem ratio, quia remedium afferens sanitatem dicitur *medicina*, seu *medela*: & ita gratia illa, quæ animam infirmam sanat eleuando eam ad ordinem operandi supernaturaliter, siue disponendo ad iustificationem, siue adiuuando iustificatum ad opera bona, & meritoria exercenda, quæ de se nullo modo faceret, vel facere posset anima, *medicina spiritualis*, ac *supernaturalis* est, sanitatem illam producens: aliqua etiam de hoc vocabulo habemus exempla in Sacro Textu. Prou. 6. 15. de homine peruerso consuetudinario, multisque peccatis onusto, dicitur; *huic ex templo veniet perditio sua, & subito conteretur, nec habebit ultra medicinam.*

S. Aug. au-  
thoritates.

114. S. Augustinus de Gratia medicinali sanante liberum arbitrium infirmum, pluries loquitur: in lib. 2. de pecc. mer. &c. ait. *In libero arbitrio secutum est ex debita iusta pœna (idest peccati Adæ) tale vitium, vt iam molestum ei sit obedire iustitiæ. Quod vitium nisi adiuuante gratia superetur, ad iustitiam nemo conuertitur, nisi operante gratia sanetur.*

115. In lib. 1. ad Simplicianum qu. 1. multa dicit

dicit de lege, & gratia, ponens inter eas differentiam, inquit: *Legem ad hoc datam esse, non ut peccatum infereretur, aut extirparetur* (idest concupiscentia) *sed ut demonstraretur. Unde apparet, per legem, concupiscentiam non esse insitam, sed demonstratam, & postea: Data est ergo lex, ut agrum de morbo conuinceret, qui sibi sanus videbatur, ut peccata demonstrarentur, non ut auferentur: & plusquam centies hunc legis diuinæ effectum declarat. Sed in homil. 10. declarat effectum legis, & gratiæ: Optimè autem dicit, & benedictionem dabit, qui legem dedit; ad hoc enim lex data est, ut superbo infirmitatem suam notam faceret; infirmo penitentiam suaderet: ad hoc lex data est, ut vulnera ostenderet peccatorum, quæ gratia benedictione sanaret: ad hoc etiam lex data est, ut diceremus in conualle lacrimarum, video aliam legem in membris, repugnantem legi mentis meæ, & captiuantem me in lege peccati, quæ est in membris meis; & cum ipso (idest Paulo) plorante diceremus, infelix homo, quis me liberabit de corpore mortis huius? Gratia Dei per Iesum Christum.*

116. In lib. de Natura, & Gratia cap. 53. ait. *Ecce quod vitium naturæ humanæ inobedientia voluntatis inflixit, orare sinatur, ut sanetur. Quid tantum de naturæ possibilitate præsumitur? vulnerata, sauciata, vexata, perdita est; vera confessione, non falsa defensione opus habet. Gratia ergo Dei, non qua instituitur, sed qua restituitur queratur: & in cap. 54. ait. Sed contraria est spiritui caro; ut non ea, quæ volumus, faciamus, vitium est, non naturæ: gratia medicinalis queratur, & controuersia finiatur.*

117. In cap. 67. inquit. *Agitur de gratia Dei, qua sanatur natura per medicum Christum, quo non*

Ex differentia inter legem, & gratiam.

Quid facit lex, & quid gratia.

Lex ostendit morbum, gratia sanat.

Ex infirmitate caro est contraria spiritui.

372 DE GRATIIS ACTUALIBVS, &c.  
*indigeret, si sana esset, qua ab ipso tamquam sana,  
 vel tamquam sibi sufficiente voluntatis arbitrio posse  
 non peccare defenditur; & post aliqua. De gratia  
 Dei agitur, quæ nobis per mediatorem, medicinam  
 operatur: & infra loquens de Pelagio Gratia ad-  
 uersario, dicit: Ita & exhortatus sum quantum po-  
 tui ad benè viuendum, & gratiam Dei non euacua-  
 ui, sine qua natura humana iam contenebrata, & vi-  
 tiata dominari non potest, & sanari.*

Multa loca  
 August. de  
 gratia me-  
 dicante, &  
 sanante.

118. In lib. de Perfect. iuit. cap. 2. loquitur  
 de cæcitate intellectus, & de infirmitate volun-  
 tatis, & de necessitate gratia ad vtrumque mor-  
 bum sanandum, dicens. *Natura in tantum sana  
 non est, in quantum id, quod faciendum est, aut cæci-  
 tate non videt, aut infirmitate non implet; dum ca-  
 ro concupiscit aduersus spiritum, & spiritus aduer-  
 sus carnem, vt non ea, quæ vult, homo faciat.*

Cæcitas in-  
 tellectus, &  
 infirmitas  
 voluntatis  
 sanantur  
 per gratiã.

119. De ijsdem morbis humanæ naturæ, &  
 de necessitate sanationis per gratiam, vt possit be-  
 nè, vt oportet, operari, loquitur idem Sanctus in  
 lib. 2. de Peccat. mer. &c. cap. 17. *Nolunt homi-  
 nes facere, quod iustum est, siue quia latet, quod iu-  
 stum sit, siue quia non delectat. Tantum quidquam  
 vehementius volumus, quanto certius, quam bonum  
 sit nouimus, eoque delectamur ardentius. Ignoran-  
 tia igitur, & vitia sunt, quæ impediunt voluntatem,  
 ne moueatur ad faciendum opus bonum, vel ab ope-  
 re malo abstinendum. Vt autem innotescat, quod  
 latebat, & suauis fiat, quod non delectabat, gratia  
 Dei est, quæ hominum adiuuat voluntatem.*

Gratia san-  
 ans est ea-  
 dem, ac ad-  
 diuans, &  
 efficax.

120. Dico 2. Gratia sanans, seu medicinalis  
 eadem est, ac adiuuans, seu efficax, & ratione  
 diuersorum respectuum, diuersa hæc sortitur no-  
 mina.

121. Prob. ex nuper dictis. Nam & ex Sa-  
 cra

cra Scriptura, & ex S. Augustino gratia quatenus respicit subiectum infirmum, idest naturam debilitatam, ac languidam, impotentem opus bonum facere, & eam medetur, erigit, ac sanat, dicitur medicinalis, & sanans; quatenus auxilium præstat, vt simul cum natura possit facere, & facit, dicitur adiuuans; quatenus simul cum ea ponit opus bonum in re, dicitur efficax: & ex præfatis Augustini locis, patet, quòd eandem gratiam dicit sanare naturam, eamque adiuuare, & cum ea operari.

122. Prob. ex S. August. serm. 13. de Verb. Apost. cap. 11. vbi loquens de Gratia, qua liberum arbitrium agitur, vt benè operetur iuxta dictum Apostoli Rom. 8. *Qui spiritu Dei aguntur, ij sunt filij Dei*, quæ est gratia efficax, & sanans, ait: *& agis, & ageris; & tunc benè agis, si à bono ageris. Spiritus enim Dei, qui te agit, agentibus adiutor est. Ipsum nomen adiutoris præscribit tibi, quia & tu ipse aliquid agis*: & de hac ipsa gratia adiuuante loquens in lib. de Spir. & lit. cap. 3. dicit eam sanare liberum arbitrium, & alia bona facere. *Fit per gratiam sanatio animæ abolitione peccati; per animæ sanitatem libertas arbitrij; per liberum arbitrium iustitiæ dilectio; per iustitiæ dilectionem legis operatio, &c.* Ita liberum arbitrium per Dei gratiam non euacuatur, sed statuitur, quia gratia sanat voluntatem, qua iustitia liberè dilitur.

123. Idem Sanctus in lib. de Pecc. mer. cap. 19. de vtroque gratiæ efficacis effectu loquitur. *Quod vitium* (idest impotentia ad benè operandum) *nisi adiuuante gratia superetur, ad iustitiæ nemo conuertitur, nisi operante gratia sanetur, iustitiæ pace nemo perfruitur.* Eadem ergo gratia efficax,

Ex S. Aug.

Sanitas,  
quam facit  
gratia, quæ

374 DE GRATIIS ACTVALIBVS,&c.  
ficax, idest, quæ facit operari bonum, abstinere  
à malo, & disponere ad iustitiam, dicitur, *adiu-*  
*uans, medicinalis, sanans, efficax*, & in phrasi Au-  
gustini *qua*, & simul *sine qua*, vt infra.

C A P V T V I.

*An detur, & quæ sit Gratia sine qua non, seu au-*  
*xilium sine quo non, opus bonum fieri*  
*non potest, & an hæc satis sit*  
*ad faciendum.*

Notanda  
valdè, quæ  
hic dicun-  
tur.

124. **A**Du.1. Hoc esse vnum ex præcipuis hu-  
ius materiæ quæsitis à S. Augustino  
excitatum; ab huius enim, & sequentis declara-  
tione, pendet notitia naturæ gratiæ efficacis. Duo  
auxilia (quæ idem sunt, ac gratiæ actuales) agno-  
uit Augustinus, vnum dictum ab eo *sine quo* opus  
bonum non fit, nec potest fieri, aliud dictum,  
*quo* opus bonum fit infallibiliter. Primum asse-  
rit in Adamo innocente satis fuisse ad perseveran-  
dum in statu innocentiae, & iustitiæ, si voluisset:  
at post lapsum, non satis fuisse, nec vlli homini  
ad benè operandum de facto, vel abstinendum  
à peccato, vel permanendum in accepta iustitia,  
sed esse necessariam gratiam *qua*, seu auxilium,  
*quo*, vt actu faciat. De prima tantum nunc lo-  
quimur, distinctionis gratia; sed fugienda equi-  
uocatio, quia in vno sensu omnis gratia dicitur  
*sine qua*, nam sine illa, homo non potest san-  
ctè operari. Sed gratia, seu auxilium, *sine quo*,  
Augustini, intelligitur gratia illa, quæ concede-  
retur voluntati, itaut voluntas ea vteretur, si vel-  
let, & hanc dicit Augustinus soli Adamo inno-  
centi datam: ego autem dico, quòd gratia, *sine*  
*qua*

Omnis gra-  
tia dici  
potest sine  
qua.



qua, quæ dicitur sufficiens, in natura lapsa est diuersa ab illa Adami, vt dicam postea.

125. Adu. 2. sic declarari hæc vocabula, eorumque significata à S. Augustino in *lib. de Correp. & Gratia cap. 12.* at nota, quòd pro eodem sumimus *gratiam* actualem, & *auxilium*, siue *adiutoriū*. Dicit ergo S. Doctor, *Itemque ipsa duo adiutoria, distinguenda sunt. Aliud est adiutorium sine quo aliquid non fit, & aliud est adiutorium, quo aliquid fit, & exemplificat hoc modo. Nam sine alimento non possumus viuere; nec tamen cum affuerint alimenta, eis fit, vt viuatur, qui voluerit mori. Ergo adiutorium alimentorum est sine quo non fit, non quo fit, vt viuamus. At verò beatitudo, quam non habet homo, cum ei data fuerit, continuò fit beatus. Adiutorium est enim, non solùm sine quo non fit, verum etiam quo fit id propter quod datur. Qua propter hoc adiutorium, & quo fit est, & sine quo non fit; quia, & si data fuerit homini beatitudo continuò fit beatus; & si data numquam fuerit, numquam erit: Alimenta verò non consequenter faciunt, vt homo viuatur; sed tamen sine illis non potest viuere: & in eodem capite dat exemplum de his gratijs, seu adiutorijs in Adamo pro statu innocentie, in quo habuit auxilium sine quo non poterat in gratia innocentie perseuerare, & Dei præcepto obedire; at non habuit auxilium quo perseueraret, ac obediret, idest quo infallibiliter perseueraret, ac obediret antequam peccaret: Eius verba referam. Primo itaque homini datum est adiutorium perseuerantie, non quo fieret vt perseueraret; sed sine quo liberum arbitrium perseuerare non posset. Nunc verò Sanctis in Regnum Dei per gratiam prædestinatis, non tantùm tale adiutorium perseuerantiæ datur; sed tale, vt perseuerantia ipsa donetur; non solùm, vt sine illo per-*

Declaratio  
auxilij sine  
quo, & quo  
per Aug.

Aug. exem-  
pla de his  
auxilijs in  
Adamo.

Adamo in-  
nocenti da-  
tum fuit  
auxilium,  
sine quo.

Nunc san-  
ctis datur  
auxilium,  
quo.

*perseuerantes esse non possent; verum etiam, ut per hoc donum non nisi perseuerantes sint.* At addendum, quòd cùm Adam post primum inobedientiæ peccatum, quo totum genus humanum infecit, 930. annis vixerit, & saluatus fuerit, & antecedenter multa bona opera fecerit; iuxta Augustini doctrinam dicere oportet, quòd tam in his operibus faciendis, quàm in perseuerando vsq; ad mortem nò solùm sufficiens, *sine quo* sicut nos nunc habemus, sed auxilium *quo* faceret, habuerit; quod quidem tale fuit, ut, & sine eo illa opera non faceret, nec perseueraret, sed, & *quo* faceret, ac perseueraret, quod iuxta modernum loquendi modum idem significat, ac dicere, habuit in ijs faciendis auxilium sufficiens, per quod posset facere, ac efficax, *quo* faceret.

Quæstio sè.  
sus.

126. Adu. 3. quòd supposita hac Augustini doctrina insurgit nostri quæsti dubium, an admittenda sint in statu naturæ lapsæ hæc duo auxilia, seu gratiæ actuales, quarum vna dicatur *sine qua* non quis nec perseuerare potest in bono vsque ad exitum, nec sine ea potest bonum operari, ac à malo abstinere: insuper & alia gratia dicta, *qua*, seu auxilium *quo* faciens infallibiliter operari. An verò admittenda sit sola gratia *qua*, seu auxilium *quo* continens illud *sine quo*; vtrumque cum suis effectibus diuersis admittendum dicemus.

Differècia  
inter auxi-  
lium, sine  
quo, & quo.

127. Adu. tandem quòd cùm gratia, & auxilium *quo* idè sit, ac efficax, quod nempe habet annexum opus, ad quod datur; nullus negabit dari auxilium *quo*, & *sine quo*: at cum hac differètia; quia aliqui moderni docent omnem gratiam, seu omne auxilium datum à Deo ad operandum bonum, & ad abstinendum à malo secundum se  
esse

esse *sine quo* opus fieri non potest, & alio vocabulo dictum *sufficiens*, & à consensu voluntatis fieri *quo*, seu *efficax*. Alij autem Augustini Discipuli docent, dari quidem auxilium *sine quo* multoties separatim ab auxilio *quo*, quod dicitur *sufficiens*, vt in cap. 4. dictum est: & insuper dari auxilium *quo*, dictum *efficax*; verum non fieri tale per hominis voluntatem; sed ex natura sua sit tale à Deo factum, vt ipsum alliciat, delectet, atque suauiter trahat voluntatem, & faciat facere: & istud est *quo*. His positis

128. Dico primò. Admitti debet *gratia sine qua*, seu *auxilium sine quo*, opus bonum fieri non potest.

129. Prob. 1. Huc collimat tota disputatio Augustini cum Pelagio de necessitate gratiæ, sine qua nullum opus bonum fieri potest: & hoc dogma definiuit Ecclesia, vt in cap. 4. dictum est, & ampliùs in suo loco patebit: ideo post Pelagianos, nemo negauit necessitatem gratiæ ad opus bonum; nec vllus affirmauit sine gratia fieri posse opus bonum; sed inter aliquos cepit esse controuersia de virtute, ac potestate gratiæ, seu auxiliij *sine quo non*, an ipsum trahat voluntatem ad faciendum, & faciat facere: an è contra voluntas trahat ipsum, vt secum operetur, & sic euadat *efficax*, quasi à voluntate dependeat *efficacia*.

130. Prob. 2. ex Saluatoris oraculo Ioannis 15. 5. *Sine me nihil potestis facere*. S. August. tract. 81. in Ioan. ait. *Ne quisquam putaret saltem paruum aliquem fructum posse à semetipso palmitem ferre: cum dixisset. Hic fert fructum multum; non ait, Quia sine me parum potestis facere, sed nihil potestis facere: sine ergo parum, sine multum, sine illo fieri non potest, sine quo nihil fieri potest: & post*

Dux opinioniones, vt. de habeat auxilium, vt *sine quo*, seu *efficax*.

Admittenda est gratia *sine qua non*.

Ex S. Scriptura.

Ex August.

aliqua ait: *Verum quia ita sine ista gratia non potest viui, vt & mors in potestate sit liberi arbitrij*.

Igitur admittenda est gratia, sine qua homo nequit bonum operari, vel ad iustificationem se disponere, vel in bono perseverare, vel à malo recedere: & in hoc sensu omnis gratia ad bonè operandum necessaria, siue sit tantum præueniens, siue etiam adiuvans, seu subsequens, & efficax, dici potest *sine qua* homo non potest operari benè, & sanctè; & de hac non est quæstio.

Omnia gratia dici potest sine qua non.

Alia gratia sine qua non admitti debet.

131. Dico 2. Si sermo sit de gratia illa *sine qua non*, cui non semper est coniunctus effectus, debet etiam admitti tamquam necessaria saltem in actu primo ad bonè operandum.

132. Prob. & declaratur. Diximus in cap. 4. quòd admittenda sit gratia quædam non efficax, dicta vulgò *Sufficiens*, quia non habet coniunctum effectum principalem, v.g. gratia præueniens, seu excitans, illuminans, & inspirans, quam homo non sequitur, vt de innumeris, quibus prædicauerunt Prophetæ, Apostoli, & ipse Christus manifestum est ex Sac. Tex. Gratia illa, gratia est, quia vocatio diuina intus gratis loquitur, illuminat, ac inspirat, & sine ista nemo benè operatur; loquendo enim de vocatione ad fidem, dicit Apostolus Rom. 10. 14. *Quomodo credent ei, quem non audierunt, quomodo audient sine prædicante?* &c. Igitur, sine prædicatione externa, cum excitatione interna, quæ ex diuina misericordia ei coniuncta est (vt in eo capite diximus) non potest homo credere: & sic de alijs bonis operibus dicendum; quia sine præueniente, seu excitante gratia, qua paratur voluntas à Domino, non potest vllum opus bonum fieri.

133. At non sèper istis præuencionibus, ac excitationi-

tionibus sunt coniuncti effectus principales , ad quos eliciendos fiunt excitationes , vt de prædicationibus Prophetarum , Apostolorum , & ipsius Christi patuit : ergo ista gratia , sine qua non potest fieri effectus , licet non semper fiat , & in vim ipsius; admittenda est, vt in citato cap. 4. dictum est abundè .

134. Dico 3. Gratia *sine qua* similis collatæ Adamo, eiusque voluntati commissæ, per quam si voluisset perseverasset in iustitia, & alia bona opera fecisset in sententia S. Augustini pro statu naturæ lapsæ , non datur sicut illa , sed alterius qualitatis , quæ satis non est, vt homo per eam bona opera faciat , aut perseveret in bonis.

135. Declaratur primò , & postea probabitur. Dicit S. Augustinus, quòd Adam solus habuit talè gratiã, vt si voluisset nõ peccasset, sed in bono perseverasset , & hæc erat *sine qua* Adami : quia sine illa non poterat in bono perseverare , & in arbitrio eius erat ea vti , quia Deus, quasi dependenter ab eius arbitrio eam dare paratus erat; sed post lapsum , nec ille , nec alij aliam similem habuerunt , nec habent , sed aliam *sine qua* homo non potest operari , idest sufficientem : hoc posito ex mente Augustini

136. Prob. ex eodem, qui in *lib. de Correp. & Gratia*, cap. 11. & 12. totam hanc materiam declarare videtur, docens soli Adamo hoc genus gratiæ datum ; nunc autem non dari vlli homini . In cap. 11. sic habet . *Tale quippè erat adiutorium, quod defereret, cum vellet, & in quo permaneret si vellet; quo non fieret, vt vellet. Hac est prima gratia, quæ data est primo Adam. Sed hæc est potentior in secundo Adam. Prima est enim, qua fit, vt homo babeat iustitiam, si velit. Secunda ergo plus potest,*

Qualis gratia sine qua non admittitur a S. Aug.

Ex August. locis .

Clara Aug. mens .

qua etiam fit, ut velit, & tantum velit, tantoque ardore diligit, ut carnis voluntatem contraria concupiscentem, voluntas spiritus vincat. Tunc ergo dederat Deus homini bonam voluntatem; dederat adiutorium, sine quo non posset in ea permanere, si vellet; ut autem vellet, in eius libero reliquit arbitrio: & post aliqua. Ut in bono permaneret, egebat adiutorio gratiae, sine quo id omnino non posset, & accepit posse si vellet, sed non habuit velle, quod posset. Posset perseverare si vellet, quod ut vellet de libero descendit arbitrio, quod tunc ita liberum erat, ut bene velle posset, & male. At homini post lapsum tanto amplius datur per Christum, quibus Deus dare placuit; ut non solum adsit sine quo permanere non possumus etiam si velimus, verum etiam tale, & tantum, ut velimus: & in cap. 12. dicit. Ut ergo non acciperet hoc donum Dei, id est in bono perseverantiam primus homo; sed perseverare, vel non perseverare in eius relinqueretur arbitrio, tales vires habebat eius voluntas, quae sine ulla fuerat instituta peccato, & nihil ex seipsa concupiscentialiter resistebat, ut digne tantae bonitati, & bene vivendi facilitati perseverandi committeretur arbitrium. Nunc vero posteaquam est illa magna, peccati merito, ammissa libertas, etiam maioribus donis adiuuanda remansit infirmitas. Ac per hoc nec de ipsa perseverantia boni voluit Deus Sanctos suos in viribus suis, sed in ipso gloriari, qui ipsis non solum dat adiutorium, quale primo homini dedit sine quo non possint perseverare si velint; sed in eis etiam operatur & velle; ut quoniam non perseverabunt nisi & possint, & velint; perseverandi eis possibilitas, & voluntas divinae gratiae largitate donatur: & modum assignat. Tantum quippe Spiritu Sancto accenditur voluntas eorum, ut idcirco possint, quia sic volunt, idcirco sic volunt, quia Deus operatur, ut velint.

Con-

Cur Adam cum solo auxilio sine quo poterat, si vellet in bono perseveraret.

Quale adiutorium nunc est homini necessarium.



137. Confirmatur ex eodem ibidem, vbi rationem assignat, cur Deus non eodem modo, quo in Adamo innocente, cum gratia *sine qua non* concurrat cum homine ad benè operandum, & in bono perseuerandum, relinquens, seu commit- tens libero eius arbitrio, vt ea vtatur, si velit, in- quiens. *Nam si in tanta infirmitate vitæ huius, in qua tamen infirmitate propter elationem reprimendam perfici virtutem oportebat ipsis relinqueretur volun- tas sua, vt in adiutorio Dei sine quo perseuerare non possent, manerent, si vellent, nec Deus in eis opera- retur, vt vellent, inter tot, ac tantas tentationes in- firmitate sua voluntas ipsa succumberet, & idè per- seuerare non possent; quia deficientes infirmitate, nec vellent, aut non ita vellent infirmitate voluntatis, vt possent: & misericordiam Dei in naturam lapsam, ac infirmam commendans, ait. Subuentum est igitur infirmitati voluntatis humanæ, vt à diuinæ gratia indeclinabiliter, & insuperabiliter ageretur; & idè quamuis infirma, non tamen deficeret, neque aduersitate aliqua vinceretur. Ita factum est, vt vo- luntas hominis inualida, & imbecilla in bono adhuc paruo perseueraret per virtutem Dei, cum & volun- tas primi hominis fortis, & sana in bono ampliore non perseuerauerit: addens. Fortissimo quippè (A- damo) dimisit, atque permisit facere, quod vellent: in- firmis seruauit, vt ipso donante inuictissime, quod bo- num est vellent; & hoc deferere inuictissime nollent: igitur sola gratia *sine qua non*, idest illa Adami dimissa, seu ammissa voluntati humanæ, vt ea vtatur, si velit, sicut Adam, ex Augustino pro natu- ra lapsa non est admittenda, vt opus fiat, sed a- lia, sine qua non opus fieri non possit, nempe suf- ficiens.*

Modus ope-  
randi per  
gratiam.

Cur Deus  
non dat ho-  
mini eam-  
dem gra-  
tiam, quam  
dedit Ada-  
mo.

## CAPVT VII.

*An detur, & quæ sit gratia quæ, seu auxilium quo opus bonum fit de facto.*

Sensus quæ  
siti, vt col-  
latur equi-  
uocatio.

Gratia quæ  
Aug. quæ sit

Gratia quæ  
ex Aug. ad-  
mittenda.

138. **A**D hoc esse aliud ex præcipuis huius materiz quæsitis à S. Augustino, sicut præcedens excitatum. Ad tollendam autem equi- uocationem (eo quòd omnis gratia, seu omne auxilium cum quo opus bonum fit, dici potest auxilium *quo*) sciendum, quòd, vt in præcedenti capite dictum est, in sententia S. Augustini, gra- tia *quæ*, seu auxilium *quo* dicitur, estque illa gra- tia, quæ ita allicit, ac delectat, atque trahit vo- luntatem ad opus bonum faciendum, vt non so- lùm det ei posse facere, sed faciat infallibiliter fa- cere; & respectu voluntatis ex S. Augustino se- habet vt sessor ad equum. Hæc est gratia *quæ*, seu auxilium *quo*; quæ est etiam *sine qua* opus bonum non fit; quia ipsa facit, vt voluntas omni- nò ipsum opus bonum faciat, ad differentiam al- terius gratiæ *sine qua*, idest sufficientis, per quam homo potest, sed non facit: & hac gratia ait Au- gustinus indiget homo, vt opus bonum faciat, & ad iustificationem disponatur; & vt in iustitia ac- cepta perseueret, tentationes graues superet, at- que à malo abstineat. De hac ergo loquimur.

139. Dico ergo. Iuxta sententiam S. Augu- stini (Gratiæ Doctoris) admittenda est gratia *quæ*, siue auxilium *quo*, talis naturæ, & qualitatis, vt non solùm *sine illa* voluntas nec faciat, nec fa- cere possit in actu opus bonum; sed ipsamet gratia operatur, ac facit, vt voluntas illud faciat, & nisi ista adsit, non faciet.

140. Prob. I. ex dictis in præcedenti Capite, ubi nedum hoc docere Augustinum vidimus; sed & rationem valdè claram adducere, nempe, quia Adam, qui sanctus, & rectus sine concupiscentia, aliaue culpabili passione creatus est, & sola gratia, seu auxilio *sine quo* præditus, in iustitia non permansit; sed ad solam vxoris vocem Dei præceptum transgressus est, eoque auxilio *sine quo* usus non est, sed potiùs abusus; quomodo homo (ipseque Adam post lapsum) tot passionibus, ignorantia præsertim, & concupiscentia, onustus, posset passiones istas validissimas actu vincere, & gratia illa sine qua, seu auxilio sine quo solo uti, vel de illo cogitare, caligine ignorantia hallucinatus, & à calore concupiscentia illectus, ac distractus? Certè, fateor cum Augustino, non video quomodo fieri hoc possit. Audiamus Paulum ad Gal. 5. 17. *Caro concupiscit aduersus spiritum, spiritus autem aduersus carnem. Hæc enim sibi inuicem aduersantur, ut non quaecumque vultis, illa faciatis.* Audiamus iterum eundem loquentem ad Rom. 7. 18. *Velle adiacet mihi; perficere autem bonum non inuenio. Non enim, quod volo bonum, hoc facio; sed quod nolo malum, hoc ago. Inuenio igitur legem volenti mihi facere bonum, quoniam mihi malum adiacet. Condelector enim legi Dei secundum interiorem hominem. Video autem aliam legem in membris meis, repugnantem legi mentis meæ, & captiuantem me in lege peccati, quæ est in membris meis. Infelix homo, quis me liberabit de corpore mortis huius? & statim responderet sibi, assignans liberatricem, Gratia Dei per Iesum Christum, ad actu faciendum: hæc gratia meo videri alia dici nequit, quam gratia qua actu bonum fit. Sic enim discurre: dicit se intelligere bonum,*

Ratio Aug.  
valida.

Ex Pauli  
testimonio

Doler Paulus de infirmitate naturæ.

Authoris  
discursus  
ex Aposto-  
li princi-  
pijs .

num, quod agendum erat: ecce excitatio, & illuminatio intellectus: dicit, se velle bonum illud intellectum, ecce inspiratio, & inflammatio voluntatis: at dicit, se non posse bonum illud perficere, idest, actu facere, ob repugnantiam legis membrorum; igitur gratia excitans, seu præueniens, *sine qua* satis sibi non erat ad actu superandam concupiscentiam, ut bonum intellectum, ac volitum perficeretur; & dicit hoc se habiturum à Gratia per Christum; igitur agnoscebat gratiam illam, quæ facit facere, nempe gratiam *qua*, scilicet allicientem, & trahentem voluntatem; & ab hac miseria se liberandum prædicabat; non ab illa *sine qua*, quæ à voluntate sic occupata, & distracta à carnis, seu membrorum concupiscentia erat, ut ita dicam, trahenda. Si autem Paulus vas electionis à Deo singulariter electus, illuminatus, & edoctus, tantam experiebatur difficultatem ad faciendum bonum, iam cognitum, & volitum per gratiam illam *sine qua*, illuminantem, ac inspirantem, & alia gratia eum liberante, se indigere cognoscebat, ac fatebatur; quid dicam de me misero, aliove mei simili, aut peiore illuminato, ac inspirato ad faciendum bonum, tot tamen concupiscentiarum miserijs implicito; quomodo, inquam ego, aut illi ad bonum exequendum deueniemus, nisi gratia potentior faciens facere, nempe quæ nos per passionum concupiscentiæ victoriam liberet, bonum facere, vel à malo abstinere, aut in bono perseverare faciat?

Illatio eni-  
dens dari  
gratiam,  
quæ, ut fiat  
opus boni.

141. Prob. modò aliquibus S. Scripturæ locis. Saluator Ioann. 6. 44. audiens turbas murmurare de illo, quia dixerat, *de Cælo descendi*, & in eum non credebant; quasi rationem reddens

cur

cur non crederent, ait. *Nolite murmurare in inuicem. Nemo potest venire ad me, nisi Pater meus, qui misit me traxerit eum.* Igitur gratia qua, seu potentior illa sine qua, & quæ trahit, est necessaria, ut quis ad Christum per fidem accedat. Glos. ord. ibi ait. *Tractio hæc non est violentiæ, aut necessitatis, nec inuiti, sed voluptatis, & desiderij, vnde dicitur trahit vnumquemque sua voluptas: si ergo in his, in quibus non est vera dilectio trahitur homo amore, & desiderio, quanto magis trahitur aliquis vehementi delectatione, cui reuelat Pater: &c.* Lyr. ibi assignat rationem cur sit necessaria tractio, inquit, *nihil enim potest ascendere ad id, quod est supra naturam suam, nisi ab alio trabatur; sicut lapis non potest sursum ascendere, nisi per motum alterius; fides autem formata Charitate, est supra naturam; idè ad eam nemo potest venire, nisi à Deo trabatur.* Hæc Lyr. Non ergo voluntas trahit, ut sic dicam, gratiam; sed è contra gratia trahit voluntatem. Hanc dicimus, qua, & hanc esse necessariam ad bonum actu faciendum; sed cum libertate, & delectatione trahit.

142. S. August. tract. 26. in Ioann. prolixo discursu locum istum ad rem nostram explicat: aliqua tamen breuiter ex illo excipiam. *Nemo venit, &c. nisi Pater traxerit eum. Magna gratiæ commendatio. Nemo venit, nisi tractus; quem trahat, & quem non trahat: quare illum trahat, & illum non trahat; noli velle iudicare, si non vis errare. Semel accipe, & intellige. Non traheris; ora, ut traharis.* Deinde declarat, quòd tractio illa non necessitat, nec violentiam facit. *Quid hic dicimus fratres, si trahimur ad Christum, ergo inuiti trahimur, ergo inuiti credimus, ergo violentia adhibetur, non voluntas excitatur. Credere non potest,*

Ex lccis S.  
Script.

Trahitur  
homo per  
gratiam.

Quare tra-  
hi debet.

S. August.  
discursus  
de hac tra-  
ctione.

nisi volens, & post multa. Noli cogitare, te inuitum trahi: trahitur animus, & amore. Forsitan in hoc Evangelico verbo reprehendamus, & dicatur nobis, quomodo voluntate credo, si trahor? ego dico, parum est voluntate; etiam voluptate traheris. Quid est trahi voluptate? delectare in Domino, & dabit tibi petitiones cordis tui: est quaedam voluptas cordis, cui panis dulcis est ille celestis. Porro si poeta dicere licuit, trahit sua quemque voluptas; non necessitas, sed voluptas, non obligatio, sed delectatio: quanto fortius nos dicere debemus trahi hominem ad Christum, qui delectatur veritate, delectatur beatitudine, delectatur iustitia, delectatur sempiterna vita, quod totum est Christus: & post alia multa. Ramum viridem ostendis oui, & trahis illam. Nucces puero demonstrantur, & trahitur; & quod currit trahitur; amando trahitur, sine lésione corporis trahitur. Si ergo ista, quæ inter delicias, & voluptates terrenas reuelantur amantibus, trahunt, trahit reuelatus Christus à Patre; quid enim fortius desiderat anima, quàm veritatem. Ecce qualis est gratia, quæ facit credere, & accedere ad Christum; gratia trahens, non tracta: Gratia talis roboris, qua opus fit, & sine qua non fit, non illa tantùm sine qua fieri non potest, at per eam non fit. Sed talis est gratia qua trahens, vt non imponat voluntati violentiam, aut necessitatem, sed suauitatem, dulcedinem, ac delectationem, qua voluntas allicitur ad faciendum opus fidei, charitatis, pœnitentiæ, vel aliud simile præcepti, aut consilij opus. Consideremus Martires: quid nam potuit eos adducere ad suscipiendum martirium, nisi gratia potens, ac trahens? Consideremus infideles, siue Gentiles, siue Turcas, siue Indæos, siue etiam Hæreticos natos, educatos, & instructos

Gratia non  
necessitat  
non facit  
violentiam  
se à delecta  
tionem.

Exempla  
aliqua.

Ista gratia  
trahit mar  
tires.

Ista infide  
les ad fide.



in illis Sectis, quas eorum maiores mordicè ad  
 vsque vitę finem tenuerunt, & illorū multi pro ea-  
 rum defensione sanguinem effuderunt; quid, vel  
 quis potest eorum aliquem ab aliqua illarum Se-  
 ctā auellere, nisi potentissima, & efficacissima  
 Dei gratia *qua* eum trahens, & velut discerpens  
 à pestifera illa radice, cum delectatione tamen,  
 & plena libertate per gratiam roborata? Consi-  
 deremus meretrices tot annis in luto libidinis  
 immerfas; quid, vel quis poterit eas è luto illo e-  
 uellere, nisi trahens gratia? Et ita de quolibet vi-  
 tiorum genere, in quibus multi volutantur, & in  
 eis inueterati sunt; quis, aut quid à luto illo segre-  
 gabit, nisi potentissima gratia *qua* suauiter eos  
 trahens? Sic est, sic fateor: si enim voluntati ho-  
 minis committeretur dispositio gratię, puto, quòd  
 nisi quis esset in gratia confirmatus, & dominus  
 passionum suarum effectus, numquam ea vtere-  
 tur: Passiones etenim concupiscentię, cū po-  
 tentissimę sint, sensibusque dominantur, ita prę-  
 ualerent, vt numquam sinerent infelicem animam  
 de bono spirituali cum applicatione cogitare,  
 illudque amare, aut desiderare. Consideremus  
 sapientissimum Salomonem. Consideremus in-  
 nocentissimum, rectum, sine passionibus vllis, gra-  
 tia habituali, iustitia originali, auxilio *sine quo*  
*non*, munitum Adamum; & nihilominus lapsum,  
 quia suę voluntati erat commissa gratia, seu au-  
 xilij dispositio: & concludamus, quam fiduciam  
 posset de se habere homo lapsus, infirmus, arbi-  
 trario debilitatus, ignorantia, & concupiscentia  
 grauatus, si sibi gratię dispositio committe-  
 retur.

Ista trahit  
 meretrices  
 ad conti-  
 nentiam.

Quare non  
 potius vo-  
 luntas tra-  
 hit gratiā.

143. Prob. 2. ex alio famoso Pauli dicto  
 Rom. 8. 14. vbi exagerans miseriam hominis cir-

Argum. v. a.  
lidum tex  
Rom. 8.

Per gratiã  
homo agi-  
tur.

S. August.  
discursus  
in hunc lo-  
cum.

Multa Au-  
gust. loca.

ca carnis concupiscentiam, & monens per spiritum esse mortificandam, ait. *Si enim secundum carnem vixeritis, moriemini: si autem spiritu facta carnis mortificaueritis, uiuetis.* At quia sciebat, ut sæpè docuit, id fieri non posse, nisi per Dei gratiam; Deumque per eam, & cum ea operantem, innuit, non qualemcumque gratiam ab hominis arbitrio dependentem, & sine qua; sed gratiam trahentem, seu allicientem liberum arbitrium, seu qua hoc efficere, seu carnem mortificare, & eam ad id efficiendum, filijs Dei concedi, quasi diceret, aliter illam non mortificarent, inquit. *Quicumque enim spiritu Dei aguntur, ij sunt filij Dei.* Gilos. ord. aguntur, inquit; Plus est agi, quasi vix aliquid agentem, quàm regi, quasi iam aliquid agentem, qui ideò regitur, ut rectè agat. Sed aguntur: non quod nihil per se; sed quod vix, ut aliquid agant, impetu gratiæ impelluntur.

144. S. August. hunc locum expendens in ser. 13. de Verb. Apost. ait. *Dicet mihi aliquis, ergo agimur, non agimus. Respondeo. Imò agis, & ageris, & tunc bene agis, si à bono ageris: spiritus enim Dei, qui te agit, adiutor est agentibus. Nemo autem agitur, si ab illo nihil agatur. Spiritus enim adiuvat infirmitatem nostram: & in lib. de Corr. & Grat. cap. 2. dicit. Intelligent si filij sunt, se spiritu Dei agi, & quod agendum est, agant; & cum egerint, illi, à quo aguntur, gratias agant. Aguntur enim, ut agant, non quod ipsi nihil agant; & ad hoc eis ostenditur quid agero debeant, ut quando agunt, sicut agendum est, cum dilectione, & delectatione iustitiæ suauitatem, quam dedit Dominus, ut terra eorum daret fructum suum, accepisse se gaudeant. In tractatu de Pugna animæ, ait. Quotquot spiritu Dei aguntur, ij sunt filij Dei. Non sunt filij Dei, si non*  
agunt

aguntur spiritu Dei; si autem spiritu Dei aguntur; pugnent, quia magnum habent adiutorem. Non enim Deus sic nos expectat pugnantes, sicut populus venatores. Populus venatori favere potest; periclitantem adiuuare non potest. Sic ergo, & hic caro concupiscit aduersus spiritum, spiritus autem aduersus carnem: & quid est, ut non ea, quæ vultis faciat? hic enim periculum est, &c.

145. Prob. 3. alio eiusdem Pauli dicto ad Philipp. 2. 13. Deus est enim, qui operatur in vobis velle, & perficere pro bona voluntate. Interl. operatur, ait, bonum. Glos. ord. Deus operatur, inquit. Nos volumus: sed Deus operatur in nobis, & velle, & operari. Hoc enim nobis, & credere, & dicere expedit; quia pium est, & verum, ut sic sit humilis confessio, & totum Deo detur. Per proprium enim arbitrium, nisi gratia illud adiuvet, nec ipsa bona voluntas esse in homine potest.

146. S. August. in lib. de Grat. & lib. arbit. cap. 9. considerans hæc, & præcedentia verba Pauli, cum timore, ac tremore vestram salutem operamini, Deus enim, &c. docet optimè coniungi libertatem arbitrij cum Dei gratia qua, seu efficaci, sic. Quando iubetur, ut operentur; liberum eorum conuenitur arbitrium; sed idem cum timore, & tremore, ne sibi tribuendo, quod bene operantur, de bonis, tamquam suis extollantur. Tamquam ergo Apostolus interrogaretur, & diceretur ei, quare dixisti, cum timore, & tremore; horum verborum rationem reddit, dicens, Deus est enim, qui operatur in vobis; si enim timetis, tremitis, non extollimini, tamquam de vestris operibus bonis; quia Deus est, qui operatur in vobis.

147. Hunc eundem locum Pauli, Deus operatur in vobis velle, & operari, eodem modo declarat

Alius Apo.  
stoli locus  
notabilis.

S. August.  
considera-  
tio super  
eum locū.

Alia Aug.  
probatio.

clarat Augustinus in sequentibus locis; manifestè docens, quòd gratia est, quæ facit, ut liberum arbitrium faciat bonum, quia Deus per eam allicit, & trahit illud, faciens operari bonum: ita in *lib. de Spirit. & lit. ad Marcellinum cap. 2. initio*, & *cap. 33. initio: in lib. 22. de Cin. cap. 1. De Gratia Christi lib. 1. cap. 4. 5. 10. & 25. In questionibus super Exodum lib. 2. q. 167. Contra duas epistolas Pelagianorum lib. 1. cap. 10. & 19. lib. 2. cap. 8. In Enchir. cap. 32. lib. de Prædest. & Grat. cap. 11. lib. de bono Persen. cap. 13. In his ergo, & alijs locis, occasione declarandi præfatum Pauli locum, gratiam qua commendat, quæ ita afficit voluntatem, ut non solum sit *sine qua* opus bonum fieri non potest, sed *qua* fiat.*

Alia loca  
ex præce-  
denti ca-  
pite sumē-  
da.

Modus quo  
Deus per  
gratiam o-  
peratur cū  
voluntate.

148. Alia supersunt loca præter allata in præcedenti Capite, omninò legenda, in quibus, & gratiam qua facientem facere commendat, & eam dicit pro statu naturæ lapsæ esse necessariam, ut opus bonum fiat; sed etiam varijs phrasibus opus illius, & operandi modum simul cum libero arbitrio explicat, & quomodo Deus per eam id faciat. Omnium primò supponit in *lib. de Corr. & Grat. cap. 14. quod Deus magis habeat in sua potestate voluntates hominum, quàm ipsi suas.* 2. in *epist. 107. quæ est ad Vitalem*, ait. *Deus gratia præuenit hominis voluntatem; nec eam in cuiusquam inuenit, sed facit: & vocatione alta, atque secreta, sic agit hominis sensum; ut legi, atque doctrinæ accomodet assensum.* 3. in *lib. 4. ad Bonifac. cap. 6. Inquit. Ita ne nondum euigilatis? nondum auditis? faciam, ut ambuletis, faciam, ut obseruetis; postremò faciam, ut faciatis. Quid adhuc vos inflatis. Nos quidem ambulamus, verum est, nos obseruamus, nos facimus; sed ille facit, ut ambulemus.*

ut observemus, ut faciamus. 4. in lib. de Grat. & lib. arb. c. 16. dicit. Certum est, nos velle, cum volumus; sed ille facit, ut velimus bonum. Certum est, nos facere, cum facimus, sed ille facit, ut faciamus, præbendo vires efficacissimas voluntati, qui dicit faciam, ut in iustificationibus meis ambuletis, & iudicia mea observetis, & faciatis. Ibidem cap. 17. ait. Ipse, ut velimus, operatur incipiens; qui volentibus cooperatur perficiens. In lib. de Corr. & Gràtia cap. 12. inquit. Tantum quippe Spiritu sancto accenditur voluntas eorum, ut idèd possint, quia sic volunt; idèd sic velint, quia Deus operatur, ut velint.

149. Alia plura eiusdem Sancti Doctoris dicta contestantur; quòd gratia Dei qua, facit, ut liberum arbitrium liberè opus bonum faciat; & non è contra, idèst liberum arbitrium trahat, aut determinet gratiam, ut secum operetur. In epist. 107. à Domino gressus hominis dirigentur, & gressus eius volet, ut intelligeremus, ipsam voluntatem bonam, qua incipimus, velle credere (quoniam Dei via, quid est, nisi fides recta) illius esse donum, qui gressus nostros propterea dirigit primum, ut velimus. In lib. de Grat. & lib. arb. cap. 5. ait. Nisi donum Dei esset etiam ipsa nostra ad Deum conversio, non ei diceretur Deus virtutum converte nos: in cap. verò 4. dixerat ex Apostolo, Contine te ipsum; & tamen non omnes capiunt verbum hoc, sed quibus datum est; quibus enim non est datum, aut nolunt, aut non implent, quod volunt. Quibus autem datum, sic volunt, ut impleant, quod nolunt. In eodem cap. 4. inquit. Cum voluntas hominis convenitur, & ei dicitur, noli vinci à malo, quid ei prodest, nisi gratia succurrente, fiat & Quod ipse Apostolus secutus adiunxit: nam, & cum dixisset, virtus pec-

Alia plura  
Augustini  
dicta ad  
idem.

peccati lex : continuò subiecit, gratias autem Deo, qui dat nobis victoriam per Dominum nostrum Iesum Christum : Ergo, & victoria, qua peccatum vincitur, nihil aliud est, quàm Domini Dei in isto certamine adiuvantis liberum arbitrium. In epist. 105. inquit. Vita æterna etiam ipsa gratia nuncupatur; non ob aliud, nisi quia gratis datur; non idè quia meritis non datur: sed quia data sunt ipsa merita, quibus datur. Intelligendum est igitur etiam ipsa hominis bona merita esse Dei munera, quibus cum vita æterna redditur, quid nisi gratia pro gratia redditur: & idè in lib. 13. de Trinit. cap. 10. de hac gratiæ pro gratia remuneratione loquens, dicit quod in Psalmo habetur, dedit dona hominibus. Dona sunt merita nostra, quibus ad summum bonum immortalitatis, & beatitudinis pervenimus.

150. Nec umquam esset dicendi finis, si omnia Augustini referre vellem dicta, quibus gratiā qua, seu auxilium quo confitetur esse illam, qua Deus trahit liberum arbitrium, & facit bonum operari; omnia enim eius volumina, his plena sunt dictis. At pro coronide huius capituli, & omnium Augustini dictorum, vnum eiusdem addam, Augustini ingenio dignum in Hyponosticon contra Pelagianos, quamvis aliqui dicant non esse Augustini; tamen inter eius opera est: In lib. 3. post medium, ait, quòd gratia circa liberum arbitrium se habet, sicut sessor ad iumentum; & ex Sacra Scriptura id probat, & aptè declarat, & exemplis confirmat; quia ex psalm. 72. habetur: Velut iumentum factus sum apud te, & sic liberum arbitrium comparatur iumento; Gratia verò sessori. Quia, inquit, sicut iumentum animal viuacissimum, ut dometur ad opus homini necessarium, de armento vagum apprehenditur, & incipit per curam doman-

Opera, &  
clara Aug.  
mens de  
virtute ef-  
ficaci gra-  
tiæ qua.

Postrema  
Aug. consi-  
deratio de  
gratiæ qua  
efficacia.



is se ad eius perficere voluntatem; ita, & liberum arbitrium, quod vulneratum viuit in homine, gratia Dei apprehenditur de armento luxuriæ seculi, in quo sub pastore Diabolo vagabatur per incongruas voluntates: (pastorem diabolum dixi secundum Zacchariam 11.6 Pastor; & idolum) apprehenditur ergo gratia, ut dixi ad domandum liberum arbitrium; ut & male conuersationis deposita feritate, humilietur; & ut ad obediendum in opus Domino necessarium corrigatur; & ita per eius semper curam incipiat in Dei perficere voluntate. Sic enim iumentum illud, dum in viam dirigitur, fessoris manu regitur, ut iter rectum, siue leuiter, siue cursim secundum sedentis in se voluntatem possit incedere, quoad vsque ad locum perueniat destinatum: ita liberum arbitrium, dum in via, idest in Christo, qui est via, veritas, & vita, caperit esse; gratiæ regimine regitur, ut in seruitio Domini, siue patientia Charitatis, siue feruente spiritu possit ambulare quoad vsque ad promissum Regnum Cælorum perueniat; idè in Psal. 140. dicitur, spiritus tuus bonus deducet me in terram rectam: & ut illud, cum aliquoties sub fessore pastum largioribus cibarijs incumbens fræno cursu extollitur, fessoris flagello ceditur, ut secundum eius ambulet voluntatem: similiter, & liberum arbitrium, dum homo gratiæ Dei immemor in prosperis efficitur, & tamquam de sui possibilitate gloriatus extollitur; eius flagello corripitur, cum in varijs tribulationibus, & afflictionibus paululû subiungatur; ut humiliatus homo in sua humilitate ad gratiæ recurrat auxilium. Sicut homo sedens in iumento, dum peregerit iter, quod incessit, dicit, feci hodie, ut puta, triginta milliaria, cum, illo sedente, iumentum cucurrerit triginta milliaria; sed non ea cucurrisset, nisi à fessore, tam directum in via, quàm gubernatum fuisset. Rectè ergo ses-

Coopera-  
tio gratiæ  
ad uolunta-  
tem cū ses-  
sore ad ge-  
quum.

Applissima  
compara-  
tio, in qua  
gratiæ vir-  
tus elucet.

for, quem gratia figurat, dicit, feci triginta millaria: ipse enim fecit, quod iumentum facere fecit; & tamen utrisque labor itineris imputatur. Ita & gratia, & liberum arbitrium peragit sine dubio iter fidei liberum, dum Dei Christianus facit precepta; sed non ut supra dixi sine gratia dirigente, vel gubernante: Propter quod dicitur in psalm. 36. Dirige in conspectu tuo viam meam; & à Domino gressus hominis diriguntur, &c. Non poterat aliud exemplum melius exprimere concursum gratiæ, & liberi arbitrij ad opus bonum, & dominium suave gratiæ supra arbitrium facientis illud facere, quàm exemplum senioris supra equum, dominantis eum, & facientis illum ambulare.

151. Ideò cognoscens Augustinus dominium gratiæ supra liberum arbitrium, & quòd facit, ut arbitrium faciat, orabat sæpè Deum, ex lib. 10. Confessionum cap. 29. Domine inbe, quod vis, sed da quod iubes; quem orandi modum etiam Angelicus Doctor Sanctus Thomas secutus, eo frequenter utebatur. Re siquidem vera nisi Deus per gratiam traheret alliciendo humanam libertatem ad spiritualia opera peragenda; hæc ab ignorantia boni, & qualitatum, seu conditio- num, ac utilitatum eius obfuscata; & à concupiscentijs carnalibus, seu terrenis oppressa, puto quòd numquam ad spiritualia, ac supernaturalia aspiceret; immò quotidie, quolibet nouo concupiscentiæ stimulo, in deterius prolaberetur, nec bonum aliquod sicut oportet, operaretur. Hanc ergo gratiam qua facientem operari, quam S. Augustinus declarauit, & docuit, confiteri debemus; & hanc à Deo humiliter poscere satagamus.

Gratiæ ex-  
cellentia,  
& vigor sa-  
pra volun-  
tatem.

Et gratia  
cum volun-  
tate opera-  
tur.

## CAPVT VIII.

*Quinam secuti sunt Augustini sententiam de gratia  
qua, ac auxilio quo, seu efficaci.*

152. **A**Du. non fore inutile quæsitum hoc ijs,  
qui veritatem in hac materia inquirunt, & S. Augustinum verè Doctorem Gratiæ sequi volunt, quem vniuersa sequitur Ecclesia: licet aliqui profitentes, verbo tenus, eum sequi, sic tamen explicant, vt in sententiam contrariam illum trahant. Propterea, quamuis, vt patuit, clarissimè loquatur, vt eius doctrina sana sit, & ita per 12. sæcula habita; vt tamen omnibus nostris saltem tyronibus pateat, quòd & Sancti, & Doctores, & Romani Pontifices, & Concilia approbata, eam, vt ab Augustino traditam, approbarunt; & si in ea difficultatem aliquam inuenerunt, de ea non curarunt, sed cum ipso S. Doctore, immò cum Apostolo Paulo ad altitudinem sapientiæ, & scientiæ Dei, & incomprehensibilitatem iudiciorum eius recurrerunt; *nec plus sapere, quam oportet sapere* voluerunt: Sic, & nos, ac Tyrones nostri nobiscum sentire, tenere, ac dicere debent.

153. Adu. 2. quòd in hac materia de Gratia, in qua elucubranda tot lustra consumpsit S. August. hæc præcipuè docuit. Primò, contra Pelagium, & sequaces, quòd ad facienda opera bona, vt oportet, & ad salutem necessaria, vel vtilia, non sufficit homo cum suis viribus naturalibus, sed indiget auxilio; de quo puncto loquimur postea. 2. quod docuit contra Semipelagianos est, quòd Gratia sic necessaria non confertur

Authoris  
intentio in  
hoc quæsi-  
to.

Præcipua  
Augustini  
dogmata.

Necessitas  
gratiæ.

Quod de-  
tur sine me-  
ritis.

Et quod fa-  
ciat facere  
dicta qua.

Gratiæ,  
quam do-  
cuit Aug.  
approbata  
à Rom.  
Pontif.

Celest.  
Hormisda.

à Deo ex meritis hominis, sed gratis datur; de quo etiam puncto dicam postea. 3. quod docuit est, quod Gratia, quæ pro statu naturæ lapsæ est necessaria homini ad bona opera facienda, non est sicut illa, quæ data fuit Adamo in statu innocentie dicta *sine qua* subdita libero arbitrio illius, ut ea vteretur, si vellet, & quando vellet; sed est potentior illa, quæ facit facere opera bona, non trahenda à libero, sed trahens illud alliciendo, & dicitur gratia *qua*. Alioquin, inquit, non satis prouisum esset naturæ lapsæ, ut benè actu operaretur. Si enim Adam sanctus, innocens, sine passionibus, & tot diuinis muneribus vallatus, & gratia *sine qua* vsus non est, quid faceret homo lapsus, debilis, tot defectibus ignorantie, & concupiscentiarum circumdatus? Hanc ergo gratiam docuit Augustinus necessariam ad benè operandum actu.

154. Dico. Sententia Augustini de Gratia qua, meo videri, videtur approbata saltem implicite à quibusdam Romanis Pontificibus.

Prob. & declaratur *ly implicite*. Romani Pontifices, Innocentius, Zosimus, Celestinus, & alij, quos initio primi Opusculi retulimus approbarunt doctrinam S. Augustini de Gratia; immò Hormisda in *epist.* 70. in fine aperte, & clavis verbis dicit, quod *doctrina de Gratia, & libero arbitrio, quam sequitur Romana Ecclesia est illa, quam tradit Sanctus Augustinus in suis libris maxime ad Hilarium, & Prosperum*. Sed Augustinus in omnibus suis libris, & maxime ad Hilarium, & Prosperum, doctrinam tradit de Gratia qua, eiusque necessitate ad actu benè operandum, credendum, &c. eamque defendit scribens ad Hilarium, & Prosperum; qui ei scripserant, quod quidam, nem.

nempè Massilienses, de ea murmurabant, & impugnabant, tamquam nouam, doctrinam suam de prædestinatione ad gratiam, & gloriam sine meritis, vt in primo Opusculo vidimus: & mortuo Augustino, Cælestinus, vt ibidem diximus, in epistola ad Episcopos Galliæ, non solum commendat S. Augustini doctrinam; sed miratur, quòd ipsi non compescant ora quorundam contra S. Augustini doctrinam mussitantium. Reliquos Pontifices omitto: & sic arguo. Sancti Romani Pontifices, & collaudarunt, & acceptarunt pro tota Ecclesia Augustini doctrinam de Gratia explicitè; sed inter præcipua principia Augustini de Gratia, hoc est vnum, scilicet, de *Gratia qua*, seu de auxilio *gratiæ quo*, gratia nempè, quæ facit facere, & satis non est pro natura lapsa illa, quam habuit Adam innocens, idest, *sine qua*; quia cum hac tantum natura lapsa, non operaretur, bona opera: ergo hanc gratiam sub hoc nomine *qua*, seu auxilio *quo* implicitè approbarunt Romani Pontifices. Quòd verò hanc docuerit Augustinus necessariam ad actum operandum, in præcedentibus capitibus patuit.

155. Confirmatur ex sequenti conclusione, quæ licet dicatur Concilij, est tamen Sedis Apostolicæ.

Dico 2. Concilium Arausicanum secundum contra Massilienses celebratum ann. Domini 529. cum instructione Sedis Apostolicæ in materijs de Gratia, & libero arbitrio hanc sententiam Sancti Augustini de Gratia *qua*, seu auxilio *quo* liberum arbitrium trahente, & faciente facere, secutum est, eamque sententiam tenendam definiuit; quod Concilium à Bonifacio 4. successore Felicis 4. fuit quoad omnia confirmatum.

Prob.

Etiā post  
mortem à  
Cælestino  
descenditur  
August.

Clara Con-  
clusio de  
approba-  
tione Rom.  
Pont.

Approbat.  
à Concil.  
Araus.

Ex instru-  
ctione Ro.  
P. int. Con-  
cil. hoc ca-  
pitula de-  
creuit.

Concilium  
illud fate-  
tur illa de-  
creta esse  
Papę.

156. Prob. prima pars. In primo Capite habetur. Cū ad dedicationem Basilicę conuenissemus, & de rebus, quę ad Ecclesiasticā regulam pertinent, & inter nos fuisset spiritualis oborta collatio; peruenit ad nos esse aliquos, qui de gratia, & libero arbitrio minus cautē, & non secundum fidei Catholicę regulam sentire velint. Vnde, & nobis secundum auctoritatem, & admonitionem Sedis Apostolicę iustum, & rationabile visum est, vt pauca capitula ab Apostolica nobis Sede transmissa, quę ab antiquis Patribus ex certis Scripturarum voluminibus in hac præcipuē causa collata sunt, ad docendos eos, qui aliter, quā oportet sentiūt ab omnibus obseruātia proferre, & manibus nostris subscribere deberemus. Quibus lectis, qui hucusque non sicut oportebat de Gratia, & libero arbitrio credidit, ad ea, quę fidei Catholicę conueniunt, animum inclinare non differat. Hęc sunt proemialia Concilij illius Prouincialis verba: ex quibus apertē concluditur, quōd Concilium illud, nedū ex Sedis Apostol. auctoritate, sedente Felice 4. ea decreta ediderit, quę subsequūtur, sed quōd illamet decreta fuerint directā illis in Concilio congregatis Episcopis, vt ea subscriberent, ac promulgarent, & obseruari curarent. Puto fortassē, quōd hoc ab eis exigeret Pontifex, quia eorum aliqui aliter sentiebant. At quomodocumque sit: ea capitula, seu decreta, & canones erant Papę, vt ipsi fatentur. Videndum ergo, quid inter alia ad rem nostram contineant decreta illa, seu canones illi: ideō

156. Prob. secunda pars, quōd scilicet Concilium hoc secutum sit sententiam Augustini de Gratia qua, seu auxilio quo, (necessario ad actū bene operandum) sibi ab Apostolica Sede insinuatam. In can. enim 3. habetur. Si quis ad



inuocationem humanam gratia Dei dicit conferri, non autem gratiam facere, vt innocetur à nobis, contradicit Isaia Propheta cap. 63. vel Apostolo Rom. 10. idem dicenti. Inuentus sum à non quærentibus me: palam apparui ijs, qui non interrogabant. In cap. 4. habetur. Si quis, vt à peccato purgemur voluntatem nostram, Deum expectare contendit; non autem, vt etiam purgari velimus, per Spiritus Sancti infusionem, & operationem in nos fieri consitetur, resistit ipsi Spiritui Sancto per Salomonem Prov. 10. (iuxta 70.) dicenti; Preparatur voluntas à Domino, & Apostolo Philipp. 2. salubriter prædicanti. Deus est, qui operatur in nobis velle, & perficere pro bona voluntate. In cap. 6. apertius rem tangit ostendens non voluntati gratiam, sed voluntatem gratia obedire, sic. Si quis sine gratia Dei volentibus, credentibus, desiderantibus, conantibus, laborantibus, vigilantibus, studentibus, petentibus, quærentibus, pulsantibus nobis misericordiam dicit conferri; non autem diuinitus, vt credamus, velimus, vel hæc omnia, sicut oportet, agere valeamus per infusionem, & inspirationem Sancti Spiritus in nobis fieri consitetur; & aut humilitati, aut obedientia humana subiungit (potius subigit) gratia adiutorium, nec vt obediens, & humillimus ipsius gratia donum esse consentit, resistit Apostolo dicenti; Quid habes, quod non accepisti, & Gratia Dei sum id, quod sum. In cap. 9. habetur. Diuini est muneris, cum & rectè cogitamus, & pedes nostros à falsitate, & iniustitia retinemus. Quoties enim bona agimus, Deus in nobis, atque nobiscum, vt operemur, operatur. In cap. 18. Debetur merces bonis operibus, si fiant: sed gratia, quæ non debetur, præcedit, vt fiant. In cap. 23. habetur. Suam voluntatem homines faciunt, non Dei, quando id agunt, quod Deo displicet. Quando

Referuntur  
Conc. illi-  
us Cano-  
nes.

Canon se-  
xtus, & cla-  
rior.

Item cap. 9

Item c. 23.

do autem ita faciunt, quod volunt, vt diuine seruiant voluntati, quamuis volentes agant, quod agunt; illorum tamen voluntas est illius, à quo preparatur, & obitur, quod volunt: alia plura capita necessitatem gratiæ concernentia in suis locis adducenda ex præscriptione Sanctæ Sedis sunt in eo Concilio statuta; omnia autem sunt 25. quæ vt in S. Augustini operibus versato, patere potuit, omnia ex illis excerpta sunt: ea subscribere vnde-  
 decim Episcopi, quatuor Præfeti Prætorij Galliarum, & sex Consules. Eam ergo Augustini sententiam de gratia qua, seu auxilio quo, necessario ad actu faciendum opus bonum, & trahente, & alliciente voluntatem, & faciente, vt faciat opus bonum, ipsum Prouinciale Concilium Arausicanum, Papa præscribente, secutum est. Ipsum autem Concilium nullam aliam affert causam necessitatis huius gratiæ facientis facere, vt homo credat, diligat Deum, & alia bona opera faciat, vt oportet, nisi quia per Adæ peccatum humanum liberum arbitrium fuit debilitatum, & attenuatum, ideòque potentiori indigebat gratia, seu auxilio, quàm indiguerit liberum arbitrium Adæ forte, ac validum tantis donis, habituali, & originali præsertim gratijs præditum, & à nullo passionum, siue corporalium, siue spiritualium stimulo vexatum.

157. S. Augustinum secuti sunt omnes Patres Sancti, atque Scholastici, quos initio primi Opusculi retulimus; omnium autem primi, Hilarius Arelat. Prosper, Fulgentius, & post plura sæcula ceteri ibidem relati. Tandem Scholastici, Magister sententiarum, Alexander Alensis, S. Thomas, S. Bonau. Scotus, ceterique germani eorum discipuli vsque nunc. Scholæ famosæ, Parisien-  
 sis,

Omnia hæc  
 capita ex  
 S. August.  
 excerpta  
 sunt.

Quinam  
 subscripse-  
 runt ea ca-  
 pitula Con-  
 cilij.

Cæteri qui  
 S. August.  
 secuti sunt.

sis, Louaniensis, & aliæ.

An autem ista ab Augustino prædicata gratia qua, seu auxilium quo, sit illa, seu illud, quod, & quæ pro faciêdo opere bono, vt oportet, fuerit, & sit necessaria, seu necessarium, aliàs nullatenus fieret, dicam infra.

## CAPVT IX.

*An Gratia actualis sit semper necessaria ad bene operandum.*

158. **A**Du. 1. quòd homo in triplici statu considerari potest. Primò in statu infidelitatis. 2. in statu fidelitatis, & gratiæ habitualis, idest sine peccato. 3. in statu fidelitatis tantum, sed in peccato. Ideò queri potest, an homini in omni hoc triplici statu sit necessaria gratia actualis, seu supernaturale Dei auxilium ad bene operandum.

159. Adu. 2. quòd opera bona, quæ potest homo exercere, duplicis generis sunt; quædam sunt merè naturalia, idest à solo lumine naturæ dictata, & facta absque vllò fine supernaturaliter, seu per fidem cognito, quæ scilicet faciunt infideles, quibus finis vltimus reuelatus, ac per fidem notus non est, vt v. g. succurrere alicui in necessitate existenti; esse gratum beneficienti; iustitiam exercere vim patienti, & alia similia, quæ lex naturæ cuilibet homini insita dictat; hanc enim quilibet homo in se experitur, quia signatum est super nos lumen vultus Domini, ait Dau. psal. 4. & ideò Ethnici etiam principes omnis nationis, vel ex se immediatè, vel ex consilio iurisprudentum multas bonas, rectas, ac iustas leges con-

In triplici  
statu confi-  
deratur  
homo.

Genera  
operum.  
quæ potest  
homo exer-  
cere.

diderunt, quibus ignota erat vera fides, ac supernaturalis finis, ad quem legum earum observantia dirigere potuerit. Quædam verò sunt opera supernaturalia, quæ nota sunt per fidem; & propter finem ultimum per fidem notum fiunt, quæque ad finem illum consequendum, & perpetuò possidendum fiunt; & hæc sunt, quæ facienda sunt, *sicut oportet*; dicemus autem infra quid significet hoc, *sicut oportet*; & pro his agendis dicemus gratiam esse necessariam.

Sensus quæ  
siti.

160. Adu. 3. quòd hìc quærimus tantum necessitatem gratiæ ad benè operandum, idest opera ad salutem, seu æternam vitam conferentia: & abstinemus à proluxa, & post S. Augustinum, non ampliùs necessaria historia Pelagij negantis gratiæ internæ necessitatem ad opera salutis; sed eam supponimus: & de gratiæ necessitate cum Sacra Scriptura, cum Sancta Sede, cum Concilijs, & cum Sanctis Patribus loquimur. Postea erit sermo de qualitate, seu speciebus operum, ad quæ est necessaria; & de qualitate etiam, seu specie gratiæ ad ea facienda necessaria.

Ad bona  
opera gra-  
tia est ne-  
cessaria.

161. Dico ergo. Ad opera bona ad salutem conferentia, non sufficit sola voluntas humana cum suis naturalibus viribus, sed est ei necessaria actualis Dei gratia cum illa ea opera faciens: Est de fide.

Ex S. Scrip.

162. Prob. 1. ex Sacra Scriptura. Ioann. 15. Saluator ait, *sine me nihil potestis facere*; S. Augustin. *tract. 81. in Ioann.* ut sepe dixi inquit, *nec multum, nec parum, sed nihil*. Concil. Araus. 2. ex præscriptione Sedis Apostolicæ, ut initio se declarat in cap. 7. hunc Christi sermonem sic intelligendum decernit. *Qui dixerit nos posse bonum aliquod, quod ad salutem pertineat vitæ æternæ, per*

nati-

*naturæ vigorem cogitare, aut eligere, aut Euangelij prædicationi credere absque illuminatione, & inspiratione Spiritus Sancti, qui dat omnibus suauitatem in consentiendo, & credendo veritati; hæretico falsatur spiritu, non intelligens vocem Dei in Euangelio dicentis, sine me nihil potestis facere: & postea in cap. 9. iterum declarat illud dictum, & modum, quo per Christum, & cum Christo opera bona fiunt, inquit. Diuini est muneris cum & rectè cogitamus, & pedes nostros à falsitate, & iniustitia detinemus: quoties enim bona agimus, Deus in nobis, atque nobiscum, ut operemur, operatur.*

Ex Concil.  
Araus.

163. Prob. 2. ex Cor. 3. 5. *Fiduciam autem talem habemus per Christum; non quod sufficientes simus cogitare aliquid à nobis, quasi ex nobis; sed sufficientia nostra ex Deo est: Glos. ord. ait: Commendat gratiam, quæ non datur secundum merita: sed efficit omnia bona merita: & omnes Sacræ Scripturæ interpretes; omnes Patres, ac Doctores, & omnium maximè S. Augustinus infra referendus, & Concilium Araus. 2. cap. 7. hunc locum de necessitate gratiæ ad benè operandum interpretantur.*

Ex Apost.

164. Prob. 3. ex Romanorum Pontificum literis, ac decretis, quibus statuunt necessitatem gratiæ, seu diuini adiutorij ad opera bona ad salutem conducentia. Sic decernit Innocentius 1. in epistolis 24. 25. & 26. ita Celestinus 1. in epistol. 1. cap. 5. 6. & 8. Ita Gelasius in epistol. 1. cap. 6.

Ex Rom.  
Pont.

165. Prob. ex Concilio Africano cap. 80. (hoc autem Concilium, ut notorium est, ita dicitur, quia est collectio omnium Conciliorum Prouincialium, quæ per quinquennium sub Cælestino, ac Bonifacio in diuersis Africæ Prouincijs celebrata sunt:) in præfato autem cap. 80. sic statui-

Concil. Afric.  
quale sit.

Id definit.

tur. Item placuit, ut quicumq; dixerit, idè nobis gratiam iustificationis dari, ut quod facere per liberū iubemur arbitrium facilius possimus implere per gratiā, tamquam etiamsi gratia non daretur, non quidem facile, sed tamen possimus etiam sine implere diuina mandata, anath. sit. De fructibus enim mandatorum loquebatur Dominus, ubi non ait sine me difficilius potestis facere: sed ait, sine me nihil potestis facere.

Icē Concil.  
Diospolit.  
& Milenit.

. 166. Idem docuit Concilium Diospolitanum cap. 7. idem pariter Concilium Mileuitanum, cap. 4.

Concil. A-  
raus.

167. At Concilium Arausicanum secundum, ut in præced. capite dictum est, pluribus capitibus necessitatem, & modum operandi gratiæ cum libero arbitrio statuit, ac decernit ex præscriptione *Felici* 4. ut initio testatur. At quoniam contra Faustum, & Massilienses, qui necessitatem gratiæ contra Pelagium admittebant (excepto initio fidei, ut postea dicam) supponentes Patres illi gratiæ necessitatem, de modo tantum, quo cum libero arbitrio concurrat loquuntur. Idè in *can. 3.* statuit; gratiam facere, ut inuocetur à nobis Spiritus Sanctus: in *c. 4.* statuit gratiam quoque facere, ut nos velimus à peccato purgari: in *cap. 5.* statuit, quòd etiam ad initium fidei est necessaria gratia: in *cap. 6.* statuit gratiam facere, ut velimus credere, credamus, & alia bona opera, ut oportet, faciamus: in *cap. 7.* statuit, sine gratia nullum opus pertinens ad salutem fieri posse: & sic prosequitur vsque ad caput vltimum, in quo statuit, quòd etiam Patres tam legis naturæ, quàm scriptæ incipiendo ab Abel, & prosequendo per omnes Patriarcas, omnesque alios, quos enumerat Apostolus *Hebr. 11.* omnemque multitudinem, quæ in ijs legibus in

Omnia  
Concil. de-  
creta pro  
necessitate  
gratiæ.

Deum



Deum credidit, eumque dilexit, non potuisse, nec credere, nec diligere, nec alia bona opera, *ut oportet*, facere sine auxilio gratiæ.

158. Tandem, ut alia omittam Concilia Prouincialia, Valentinum Secundum, Santonen-  
se, Moguntinum quartum, & alia similia, quæ de necessitate gratiæ suæ ediderunt decreta, Con-  
cilium generale Tridentinum hanc necessitatem  
tam in ordine ad iustificationem, quam in ordine  
ad alia opera ad salutem pertinentia definiuit. Si-  
quidem in sess. 6. cap. 5. statuit *exordium iustifica-  
tionis à gratia præueniente sumendum esse*: & quòd  
tali gratiæ liberè assentiendo ad eam homo dis-  
ponitur: & quòd illuminationem, & inspiratio-  
nem illam potest homo abijcere, si velit. *In cap.*  
*7. docet, quòd homines disponuntur ad iustifica-  
tionem, dum excitati diuina gratia, & adiuti, libe-  
rè incipiunt credere, quæ reuelata, & promissa  
sunt, & Deum tamquam omnis misericordiæ fon-  
tem diligere incipiunt, &c. In cap. 10. agens de  
iustificationis incremento, docet, per bona ope-  
ra cum gratiæ adiutorio facta augeri; & ideo S.  
Mater Ecclesia petit à Deo, da nobis Domine fidei,  
spei, & charitatis augmentum*: addenda sunt alia  
iusdem collectæ verba, *& ut mereamur assequi,  
quod promittis, fac nos amare, quod præcipis*, quæ  
necessitatem gratiæ indicant. *In cap. 11. quod  
est de obseruatione mandatorum Dei ab ipsis inet  
iustificatis, statuit Deum non præcipere impossi-  
bilia. Nam impossibilia non iubet, sed iubendo mo-  
et, & facere, quod possis, & petere, quod non pos-  
sis, & adiuvat, ut possis*: & infra docet, quòd  
Dei mandata cum diuino auxilio obseruari pos-  
sunt. *In can. postea primo anathema dicit ei, qui  
ixerit hominem suis naturalibus viribus sine diuina  
gra-*

Alia Conc.  
decreuerunt  
necessitatē  
gratiæ ad  
benè ope-  
randum.

Tandem  
etiam Con-  
cil. Trid.

Docet Con-  
cil. ad om-  
nia bona  
opera ne-  
cessitatem  
gratiæ.

gratia per Christum iustificari posse. In can. 2. dicit anathema ei, qui dixerit diuinam gratiam per Christum non esse necessariam, & dari, ut homo facilius iuste viuere, ac vitam aeternam promereri possit, quasi per liberum arbitrium sine gratia vtrunque, aegrè tamen, & difficulter possit: in 3. dicit anath. ei, qui dixerit, quòd sine Spiritus Sancti inspiratione, atque adiutorio homo possit credere, diligere, sperare, aut pœnitere, sicut oportet, ut ei iustificationis gratia conferatur: in can. 4. dicit anath. ei, qui dixerit, quòd gratiæ excitanti, ut quis ad iustificationem disponatur, non possit dissentire, si velit: ergo de fide est Conclusio.

169. Quamuis autem, quæ hucusque dicta sunt ad gratiæ necessitatem pro benè operando aditruendam, & de fide tenendam, satis superque sint; quia tamen pro ea vnus pro omnibus singulariter, strenuèque laborauit, & contra aduersarios gratiæ, ac necessitatis eius pugnavit S. Augustinus; libet hic referre aliquos peculiares libros, in quibus de hac materia peculiariter tractauit, licet in omnibus suis libris eam attigerit. Loca autem eorum librorum adducam in sequentibus capitibus, cum de operibus, ad quæ necessaria est gratia agam; & de effectibus illius, de subiectis capacibus, de concordia gratiæ cum libero arbitrio, & alijs eiusmodi punctis loquar. Libri ergo, in quibus ex professo probat necessitatem gratiæ ad benè operandum, & modum operandi gratiæ, & eius effectus tam in infidelibus, quàm in fidelibus in ordine ad iustificationem; & in iustis in ordine ad opera iustitiæ, respectiuè, sunt sequentes. *Liber de Gratia Christi*, constans ex capitulis 50. quem scripsit contra Pelagium, & Celestium, inimicos gratiæ. *Liber de Perfectione iustitiæ bo-*

Per multas  
rationes id  
definit.

Libri in  
quibus pe-  
culiariter  
S. August.  
de gratia  
ex profes-  
so tracta-  
uit.

*minis* , constans ex capitulis 21. quem scripsit contra Celestij ratiocinia contra necessitatem gratiæ . *Liber de Gratia, & libero arbitrio* , constans ex capitulis 24. quem scripsit ad Valentinum, & Monacos Aduinctinos, quia vt ipsemet Sanctus dicit in *lib. 2. Retract. cap. 66.* Monaci illi, sicut ad ipsum scripserant, timebant, quòd gratia illa *qua*, seu efficax, faciens facere, læderet liberum arbitrium; ideò in eo ostendit non sic esse, vt postea videbimus . *Liber de Correctione, & Gratia*, constans ex capitulis 16. quem, vt ipse dicit in *lib. 2. Retract. cap. 67.* scripsit ad eosdem Monacos Aduinctinos, eo quia dicebant, quòd si gratia talis naturæ esset, non essent corripiendi, qui Dei præcepta non obseruant, sed solum pro illis orandum esset, vt Deus gratiam illis tribuat *qua* faciat eos illa obseruare; demonstrans esse corripiendos, & quare . *Liber 1. de Prædestinatione Sanctorum*, constans ex capitulis 21. directus ad Prosperum, & Hilarium, in quo agit de Sanctorum electione æterna ad gloriam, & gratiam, sine meritorum præuisione; qui liber in Massiliensibus fuit causa, cur obloquerentur de S. Augustino, quòd noua, & inaudita doceret; qua de re scripsit ad eosdem Hilarium, & Prosperum librum secundum, qui inscribitur *De bono, seu dono persæuerantiæ*, constantem ex capitulis 23. in quo de materia gratiæ, & dono persæuerandi in ea ad salutem necessarijs tractat. *Liber de Natura, & Gratia* directus ad Timasium, & Iacobum continens capita 70. *Libri sex prolixi* contra Iulianum Pelagianum continentes capita 55. & alij plures tractatus.

170. Item plures epistolæ ad diuersos scriptæ super materia gratiæ; nempe vna ad *Valentinum*, estque

Licet in  
omnibus  
serè Operi-  
bus de illa  
egerit.

Rationes.  
& motua-  
scribendi  
eos libros.

Epist. plu-  
res de ea-  
dem mate-  
ria.

Motiva  
scribendi  
e pistolas.

Alibi sæpè  
de illa a-  
git.

estque 46. quam præponit libro de *Gratia*, & li-  
bero arbitrio: altera ad eundem, estque 47. quam  
præponit *Libro de Corr. & Gratia*: epist. 105. ad  
Sixtum *Præbiterum*, qui fuit postea Rom. Pon-  
tifex, eaque prolixa, in qua diffusè de Gratia,  
eiusque necessitate agit: epist. 107. quæ est ad Vita-  
lem Cartaginensem, eaque etiam prolixa. Vir  
iste docebat, orandum non esse pro incredulis;  
sed ijs solùm legis doctrinam proponendam. Au-  
gustinus eum corripit, docens propositionem le-  
gis non sufficere ad eorum conuersionem, sed  
necessariam etiam esse Dei gratiam, plures in ea  
assignans regulas huius materiæ.

171. Præter hos libros, in quibus ex profes-  
so agit de necessitate Gratiæ ad operandum san-  
ctè, seu *sicut oportet*; in alijs ferè omnibus suis o-  
peribus sparsim de ea loquitur, aliquando de ne-  
cessitate ad omnia opera bona conducentia ad sa-  
lutem in genere, aliquando de necessitate eius ad  
specifica quædam: aliquando de modo operandi  
gratiæ cum libero arbitrio; aliquando, & ferè  
semper, de collatione eius sine meritis, & de cæte-  
ris eiusmodi gratiam consequentibus; pro qui-  
bus in suis locis propria Augustini loca addu-  
cemus,

172. Sanctum Augustinum ante definitionem  
Conciliorum secuti sunt, in primis, eius coætanei  
Sancti Prosper, Hilarius, & Fulgentius, postea  
ceteri, quos retuli initio primi Opusculi; postea  
omnium Scholasticorum turba, totaque tandem  
Ecclesia. Quæ de necessitate diuinæ gratiæ di-  
xisse sufficiat. Sancta enim Mater Ecclesia hanc  
gratiæ necessitatem pro omni bono opere efficien-  
do Deum pro suæ diuinæ gratiæ adiutorio in om-  
ni collecta Officij diuini, ac Missæ exorat, præ-  
ser-

tertium autem in Dominica octava post Penthecostem, clamans, *Largire nobis quesumus Domine semper spiritum cogitandi, quæ recta sunt propitius, & agendi: ut qui sine te esse non possumus, secundum te vivere valeamus.* Per Christum, &c.

Ecclesia  
semper o-  
rat Deum,  
ut nobis  
gratiam,  
benè ope-  
randi lar-  
giatur.

## CAPVT X.

*Pro quibus operibus, & quibus conditionibus præditis sit necessaria gratia.*

173. **A**Du. 1. & recolo, quòd hîc semper loquimur de gratia actuali, seu auxilio diuino requisito ad faciendâ opera bona. Querimus modò, quæ sunt ista opera bona, pro quibus faciendis est necessaria gratia, seu auxilium diuinum. 2. quales conditiones requirantur in ijs operibus bonis, ut Deus ad ea concurrat cum sua gratia.

Sensus quæ  
siti.

174. Adu. 2. quòd opera bona, seu iustitiæ, quæ idem sunt ex Sacro Textu, generaliter sumpta, sunt omnia opera legis diuinæ, siue naturalis, & in corde scriptæ, siue diuinæ positivæ, siue ecclesiasticæ; siue opera consiliorum, siue opera supererogationis. In specie autem opera bona sunt omnia virtutum, siue Cardinalium, siue Theologicarum, & omnium specierum potestatiarum sub illis contentarum: de quibus ego egi in tomis duobus de virtutibus Cardinalibus, & Theologalibus: omnia ergo præfatarum virtutum, legum, & consiliorum opera ex genere suo, seu ex obiecto sunt bona.

Quæ sint  
opera bo-  
na.

175. Adu. 3. quòd ut opera ista legum, ac virtutum sint adæquatè bona, & ad salutem conferentia, debent esse facta *sicut oportet*, & ad ea in-

Quid signi-  
ficet, sicut  
oportet.

Paulus pri-  
mò vsus est  
ijs verbis.

Diuersimo  
dè locus  
Pauli ex-  
plicatur ;  
sed in sub-  
stantia eo-  
dem modo.

410 DE GRATIIS ACTUALIBVS, &c.

fuit gratia diuina ; quę doctrina fundamentum  
habet in cap. octauo versu 16. epistolę ad Rom. &  
hac phrasi vsus est postea S. Augustinus, Concil.  
Araus. 2. & tandem Concil. Trid. sess. 6. can. 3. vt  
de omnibus patebit. Paulus enim loco citato  
dicit. *Spiritus adiunat infirmitatem nostrę opera-  
tionis. Nam quid oremus sicut oportet, nescimus ;  
sed ipse spiritus postulat pro nobis gemitibus inenar-  
rabilibus. Qui autem scrutatur corda scit, quod de-  
sideret spiritus ; quia secundum Deum postulat pro  
sanctis : &c.* Interl. *postulat, ait, facit postulare, &  
impetrare.* Cùm autem Concilia, vt dixi, &  
probabo, vtantur hac phrasi, statuendo necessa-  
riam esse gratiam ad facienda opera bona, seu  
virtutum, ac legum, *sicut oportet*, videndum est,  
quid importet, *sicut oportet*.

176. Adñ. igitur 4. quòd interpretes loci præ-  
fati Apostoli diuersis loquendi formulis locum  
illum explicant ; sed in substantia idem dicunt.  
Nam Interl. *vt oportet* dicit, vt congruit. Glosa  
Lyr. dicit, *vt ad salutem expediens est.* S. August.  
in lib. de videndo Deo ad Probam cap. 14. mul-  
tis, & dignis sententijs docet, quid sit orare *si-  
cut oportet*, & ex hoc opere faciendo, vt oportet,  
concluditur, quę sint alia facta, vel facienda  
*sicut oportet*. Tunc dicit orari Deum sicut opor-  
tet, quando oratur, vt faciat, quę suę placent  
voluntati. Sæpè enim, inquit, aliquis in tribula-  
tionibus carnis, aut spiritus positus, orat Deum  
ab eis liberari : quia tamen, inquit Augustinus,  
sæpè Deus ad probationem, & meritum alicuius  
eas immittit, qui petit ab eis liberari, non orat  
sicut oportet ; ideò ipsemet Paulus 2. Corint. 12.  
vexatus à stimulo carnis dicit, *ter Dominum roga-  
ni, vt auferretur à me : & exauditus non fuit ; sed*  
dixit



dixit ei Dominus, *sufficit tibi Paule gratia mea, quia virtus in infirmitate perficitur*. Orasset autem sicut oportet, si petens liberari dixisset, Domine aufer à me, sed fiat voluntas tua; vel si hoc cedit in gloriam tuam, sicut, ait Augustinus, fecit Christus *Matth. 26. Pater transeat à me calix iste; verumtamen non mea, sed tua voluntas fiat: & exauditus est pro sua reuerentia*. Orare ergo, *sicut oportet*, est orare cum conformitate ad Dei voluntatem. Hinc concluditur, quòd facere alia opera, siue præcepti, siue consilij, siue supererogationis in quacumque virtute, *sicut oportet*, aliud non significat nisi facere illa cum omnibus circumstantijs honestis, & propter Deum, seu vt placeant Deo, præcipienti, aut consulenti, fiatque eius voluntas, sicut quotidie in oratione Dominica recitamus.

177. De his autem alijs operibus faciendis *sicut oportet*, loquitur Augustinus in Enchir. cap. 121. inquit: *omnis itaque præcepti finis est charitas, idest ad charitatem refertur omne præceptum*. Quid verò ita sit, vel timore pænæ, vel aliqua intentione carnali, vt non referatur ad illam charitatem, quã diffundit Spiritus Sanctus in cordibus nostris, nondum sit, quemadmodum fieri oportet, quamuis fieri videatur. Quæcumque ergo mandat Deus, ex quibus vnum est, non machaberis; & quæcumque non iubentur, sed spirituali consilio monentur, ex quibus vnum est, bonum est homini mulierem non tangere, tunc rectè fiunt, cum referuntur ad diligendum Deum. & proximum propter Deum: sic Augustinus.

178. Ada. tandem, quòd vt supra dixi, & iterum infra dicam, bona opera, *sicut oportet*, ad quæ peragenda est necessaria gratia, reperiri possunt in homine in triplici statu constituto. Primò

Orandum  
est, vt oportet.

Quid sit  
hoc.

Tres status  
hominum

in homine infideli illuminato, & excitato, vt ad fidem veniat, & per baptismum iustificetur, & in Hæretico illuminato, & excitato, vt ad Catholicam fidem conuertatur, & per pœnitentiam iustificetur. 2. in homine iam iustificato, sed lapso per peccatum, & illuminato, & excitato, vt ad Deum redeat per Sacramentum pœnitentiæ. 3. in homine iustificato, ac permanente in iustitia, sed se exercente in obseruantia præceptorum, vel etiam consiliorum, vel in supererogatorijs: de his omnibus videndum est, an ad hæc opera exercenda *sicut oportet*, sit eis semper necessaria gratia.

179. Dico 1. In homine adulto infideli, vt conuertatur, & se disponat ad iustificationem, est necessaria gratia præueniens, & adiuuans ad facienda *sicut oportet*, illa opera, quæ ad iustificationem disponunt, vt sunt credere, diligere, sperare, ac pœnitere: est de fide.

180. Prob. ex Concilio Tridentino expressis verbis totum hoc definiente. Nam in sess. 6. cap. 5. sic statuitur. *Declarat præterea ipsius iustificationis exordium in adultis à Dei per Iesum Christum præueniente gratia sumendum esse, hoc est, ab eius vocatione, qua nullis eorum existentibus meritis vocantur, &c.* In cap. 6. habetur. *Disponuntur ad ipsam iustificationem, dum excitati diuina gratia, & adiuti fidem ex auditu concipientes, liberè mouentur in Deum credentes vera esse, quæ diuinitus reuelata, & promissa sunt, atque illud in primis à Deo iustificari impium per gratiam eius, &c. illumque tamquam omnis misericordiæ fontem diligere incipiunt, & propterea mouentur aduersus peccata; hoc est, per odium aliquod, & detestationem, &c.* Et postea in Can. 3. sic definit. *Si quis dixerit sine præueniente Spiritus*

*Sancti*

In infideli  
adulto est  
necessaria  
gratia ad  
opera  
disponenda  
ad iustifi-  
cationem;  
sed sicut  
oportet.

Ex Trid. ex  
pressè id  
definiente.

*Sancti inspiratione, atque eius adiutorio hominem credere, sperare, diligere, aut penitere posse, sicut oportet, ut ei iustificationis gratia conferatur, anathema sit.*

181. Aliæ probationes, quæ de omni actu ad salutem necessario concludunt, infra adducentur; & sunt ad idem.

182. Dico 2. In homine adulto baptizato lapsus in peccatum, siue hæresis, siue quodcumque aliud, ut resurgat, & se disponat ad iustificationem, est necessaria gratia præueniens, & adiuuans: est de fide.

183. Prob. 1. argumento illo vniuersali, quod ad omnem actum conducentem ad salutem, est necessaria gratia, ut infra patebit; hæc autem dispositio conducing ad iustificationem, conducit ad salutem, quæ sine illa haberi nequit: ergo.

184. Prob. 2. speciali argumento de se disponente ad Sacramentum penitentiae, ex nuper citato *canone 3. sessionis sextæ* Concilij Tridentini; is enim de omni iustificatione loquitur, & de omni se ad eam disponente: in quo gratia est necessaria; & anathema dicitur asserenti oppositum.

185. Confirmatur. Lapsus post baptismum, est necessarium Sacramentum penitentiae, ut resurgant à peccatis, iustificentur, & Deo reconcilientur ex Concil. Trid. *sess. 6. cap. 1. & 2.* & Penitentiae Sacramentum dicitur laboriosus quidam baptismus, & ex *can. 2.* dicitur *secunda tabula post naufragium*, idest peccatum; ideòque dispositiones multò plures ad hoc Sacramentum, & ad iustificationem in eo recipiendam requiruntur; nam requiritur contritio, siue perfecta, siue attritio;

In infideli peccatore, ut resurgat est necessaria gratia.

Ex præced. Concluf. ratio.

Sacram. penit. difficile, & naturæ viribus impossibile.

tritio; confessio, & satisfactio, præter actum aliquem diligendi Deum, credendi, ac sperandi in eum: quæ quidem omnia difficilia sunt, & viribus naturæ improporcionata; ideòque ad actus istos eliciendos gratia Dei præueniens, ac subsequens, seu adiuvans necessaria est. Immo, quod valdè notandum est, attritionem illam, quæ est dolor peccati ob turpitudinem eius, vel ob metum gehennæ in præfata *sess. 14. cap. 4.* Concilium dicit, *esse Dei donum, & Spiritus Sancti impulsus, non adhuc quidem inhabitantis, sed tantùm mouentis, quo penitens adiutus viam sibi ad iustitiam parat*: ergo ad hos omnes actus peragendos, *sicut oportet*, vt per Sacramentum penitentiae aliquis iustificetur, est necessaria gratia.

Iusto ad  
obseruan-  
da præce-  
pta, vt o-  
portet, est  
necessaria  
gratia.

186. Dico 3. Homini Christiano iusto ad obseruanda Dei mandata, *sicut oportet*, & vt condu-  
cunt ad salutem, ac augmentum iustificationis,  
est necessaria gratia pro quolibet actu obseruan-  
tiæ: est de fide, sed declaratione indiget.

Omnis ho-  
mo licet  
perfectus  
tenetur ad  
obseruan-  
da Dei præ-  
cepta.

187. Declaratur ergo, & supponitur primò,  
quòd omnis homo, quantumuis sanctus, quamdiu  
est in via tenetur ad obseruandum diuina præ-  
cepta; & prob. ex Concilio Trid. *sess. 6. cap. 11.*  
dicente. *Quo fit, vt iusti ipsi eò magis se obligato,  
ad ambulandum in via iustitiæ sentire debent, quòd li-  
berati à peccato, serui autem facti Deo, sobriè, iustè,  
& piè viuentes proficere possunt per Christum Iesum:*  
& in fine adducit authoritatem Sancti Petri in  
epist. 3. cap. 1. *Satagite, vt per bona opera certam  
vestram vocationem, & electionem faciatis*: & in  
cap. 11. habetur. *Nemo autem quantumuis iustifi-  
catus, liberum se esse ab obseruatione mandatorum  
putare debet: Nemo temeraria illa, & à Patribus  
sub anathema prohibita voce uti, Dei præcepta homi-*

ni iustificato esse impossibilia, &c. sed in can. 20. definit hoc de fide. *Si quis hominem iustificatū, et quantumlibet perfectum dixerit non teneri ad observantiam mandatorum Dei, & Ecclesiæ; sed tantum ad credendum, quasi verò Euangelium sit nuda, & absoluta promissio vitæ æternæ sine conditione observationis mandatorum, anath. sit.*

188. Declaratur secunda particula, sicut oportet; si enim quis mandata Dei observat ex fine, vanæ gloriæ, vel alterius terreni, & mundani commodi, ut habeatur pro sancto, seu iusto, vel alio simili motivo, non observat, ut oportet: tunc autem observare dicitur, sicut oportet, quando propter Deum, vel actualiter, ac explicite cogitatum; aut saltem virtualiter, vel implicite cogitatum, vel propter vitam æternam à Deo promissam mandata servantibus, ea servat; nam etiam propter eam potest homo operari, ut definit Concil. Trid. sess. 6. can. 31. Christus enim iis eam, promissit Matth. 19. *si vis ad vitam ingredi, serva mandata.* His ergo explicatis

189. Prob. Conclusio de necessitate gratiæ pro observandis divinis mandatis, ex Concilio Trid. sess. 6. cap. 10. ubi de acceptæ iustificationis incremento dicitur. *Sic ergo iustificati, & amici Dei, ac domestici facti cunctes de virtute in virtutem renouantur, ut Apostolus dicit de die in diem, hoc est mortificando membra carnis suæ, exhibendo arma iustitiæ in sanctificationem per observationem mandatorum Dei, et Ecclesiæ in ipsa iustitia per Christi gratiam accepta, cooperante fide bonis operibus, crescunt, atque magis iustificantur, &c. idèd Sancta Ecclesia orat, Domine da nobis fidei, spei, & charitatis augmentum: & sic in illa prosequitur collecta, & ut mereamur assequi quod promittis, fac*

nos

Concil.  
Trid.

Quid signi-  
ficet, sicut  
oportet.

Necessitas  
gratiæ pro  
observan-  
dis Dei mā-  
datis.

Ex Concil.  
Trid.

*nos amare, quod præcipis : igitur pro obseruantia mandatorum ad incrementum iustificationis, iusti indigent diuina gratia: quod confirmatur ex capite sequenti eiusdem sessionis in quo definiens, ut supra vidimus, iustos non esse liberos ab obseruantia mandatorum Dei; nec asserendum, quod iustis impossibilia sunt, subiungit, quod ad nosram rem facit, Qui enim sunt filij Dei, Christum diligunt, qui autem diligunt eum, ut ipsemet testatur, seruant sermones eius, quod utique cum diuino auxilio præstare possunt. Et infra. Qui liberati à peccato, & serui facti Deo, sobriè, iustè, & piè viuentes proficere possunt per Christum Iesum, per quem accessum habuerunt in gratiam istam: Deus namque sua gratia semel iustificatos non deserit, nisi ab eis deseratur.*

190. Confirmatur ex Christi oraculo Ioann. 14. *Sine me nihil potestis facere. Tunc autem, cum Apostolis iustificatis, eumque sequentibus, & sermones illius seruantibus loquebatur.*

191 Prob. 2. Si quid obstarèt, quin iusti in obseruandis diuinis præceptis non indigerent diuina gratia, seu auxilio actuali, esset, quia iusti habent gratiam habitualement, seu charitatem, quæ influit in actus illos obseruantia præceptorum Dei, & Ecclesiæ. Sed hoc non obstat: primò, quia, ut patuit, Concilium loquitur de iustificatis; & tamen dicit, eos per diuinæ gratiæ auxilium, & per Iesum Christum ea opera bona facere, 2. quia nullus purus homo iustior Adamo formatus est, qui nedum gratia, & charitate habituali, sed etiam iustitia originali præditus erat, sine vlla prorsus passione concupiscibilis, aut irascibilis, cum omni subiectione membrorum ad rationem, & rationis ad Deum; & tamen gratia  
ege-

Plura Con-  
cil. loc.

Aliud arg.  
contra in-  
stantiam,  
quæ fieri  
potest.



gebat ad obseruandum Dei præceptum non con-  
 edendi de ligno scientiæ boni, & mali; & quam-  
 uis gratiam *sine qua*, seu auxilium *sine quo*, etiam  
 habuerit, quia tamen gratiam *qua*, seu auxilium  
*quo*, idest faciens facere non habuit, præceptum  
 non seruauit. 3. quia gratia, seu charitas habitua-  
 lis, quæ est forma iustificans, concurret quidem  
 cum voluntate ad actus bonos in ratione merito-  
 rij; at non sufficit ad faciendum, vt voluntas fa-  
 ciat; quia ipse habitus se habet modo quodam  
 mortuo; neque ipse præuenit, illuminat, aut inspi-  
 rat; alioquin id faceret in iusto sine intermissione,  
 quod tamen iustus non experitur: immò redde-  
 ret iustum perseuerantem, & inpeccabilem; quia  
 continuò operaretur bonum: quæ tamen non fa-  
 cit habitualis gratia. 3. si gratia habitualis suffi-  
 ceret iusto ad operandum benè, & abstinendum  
 à malo, iustus semper benè operaretur; immò se-  
 mel iustificatus haberet donum perseuerantiæ;  
 quia habitus gratiæ semper esset efficax, & per-  
 manens in anima, seu voluntate; nec opus habe-  
 ret iustus orare Deum, & *ne nos inducas in tenta-  
 tionem, sed libera nos à malo*, quia haberet habi-  
 tum efficaciter vtrumque effectum producentem:  
 cuius contrarium docet Apostolus 1. Corinth. 10.  
 12. *Qui stat videat, ne cadat*: & de seipso ait. *Ve-  
 reor, ne cùm alijs prædicauero ipse reprobus efficiar*.  
 Idem docet Concilium Trid. sess. 6. cap. 14. & 15.  
 & ideò Christus Dominus instituit Sacramentum  
 Pænitiæ pro reparatione lapsorum post baptis-  
 malem iustificationem; & dicitur secunda tabula  
 post naufragium: & ex Cælestino 1. epist. 1. cap. 6.  
*Gratia Dei, quæ datur in Baptismo, & hominem  
 renouat, non sufficit ad superandas tentationes, &  
 concupiscentias, sed requiritur quotidianum adiuto-  
 rium Dei.*

Habitua-  
 lis gratia  
 non suffici-  
 ad benè o-  
 perandi.

Multa ab-  
 surda seque-  
 rentur.

Ex Cælesti-  
 no 1.

Ex 8. Scri-  
ptura.

Concil.  
Arauf. 2.

Ad omnia  
opera bo-  
na facien-  
da, ut opor-  
tet, est ne-  
cessaria  
gratia.

Ex diuersis  
Concilijs.

Multa Aug.  
loca pro  
necessitate  
gratię ad  
omnia spe-  
cifica ope-  
ra.

192. Prob. igitur ulterius ex pluribus Scrip-  
turę locis. *Non sumus sufficientes cogitare aliquid  
à nobis, quasi ex nobis; sed omnis sufficien-  
tia nostra ex Deo est.* Item *quid habes, quod non  
accepisti: &c.* Confirmatur ex Concil. Arauf. 2.  
cap. 20. *Multa in homine bona sunt, quę non facit  
homo: nulla verò facit homo bona, quę non potest  
Deus, ut faciat homo.*

193. Tandem prob. rationibus sequentis cō-  
clusionis, quę ad idem sunt: Ideò

194. Dico 4. Ad faciendum, *sicut oportet*, quę-  
libet bona opera cuiuscumque virtutis, siue sint  
opera consilij, siue supererogationis, est necessa-  
ria diuina gratia.

195. Prob. ex Innocent. 1. episc. 25. *Ad san-  
ctę operandum etiam iustis est necessaria gratia. Sine  
gratia nullum opus pertinens ad salutem fieri potest:*  
ex Concil. Arauf. 2. cap. 7. & cap. ult. & ex Trid.  
cap. 10. *Sine gratia nec cognoscere, nec appetere po-  
test homo quę sunt Dei:* Ex Concil. Mogunt. 4.  
cap. 5. *sine gratia, quam nobis meruit Christus supe-  
rare non possumus tentationes:* ex Innoc. 1. episc. 24.  
25. & 26. & ex Celest. 1. episc. 1. & 2. *Gratia Dei  
inuat, ne peccata committantur, & ad eorum remo-  
tionem:* ex Concil. Mileuit. cap. 3. ex Celestino  
episc. 1. cap. 10. *A gratia Dei omnia opera bona  
habent originem:* ex eodem Celest. episc. 1. cap. 18.  
*Gratia Dei est causa, cur homo credat, velit, petat,  
& cetera bona faciat:* Ex Concil. Arauf. 2. cap. 6.  
*Gratia Dei est causa, cur homo voneat:* & iterum  
ex eodem Concil. Arauf. 2. cap. 11.

196. Ad has authoritates, quę sufficerent ad  
intentum probandum, libet etiam ex Doctore  
Gratię Augustino aliquas adducere, cū ferē  
omnes pręfate ab eo desumptę sint. Is igitur de  
necessi-

necessitate gratiæ ad omnia opera bona, *sicut oportet*, idest propter Deum ex regula fidei facienda, hæc præ ceteris ferè innumeris dicit, quæ in sequenti Capite referuntur.

## CAPUT XI.

*De quibusdam specialibus Gratia diuinæ effectibus iuxta S. Augustinum.*

167. **A**Du. quòd licet in toto hoc Opusculo, & præsertim in Capite præcedenti ostensum sit, quòd ad omnia opera bona conductia ad salutem, siue in impio ad fidem, & iustificationem se disponente, siue in peccatore ad Sacramentum Pénitentia accedente, siue in iusto in legum, vel consiliorum observantia se exercente, nihilominus, ut tyrones nostri alios plures in specie gratiæ effectus agnoscant, Deumque earundem gratiarum largitorem, qua decet pietate, venerentur, ac ab eodem in omnibus suis operibus eas humillimè implorent, operæ pretium duxi, diuinæ gratiæ concursum, eiusque mirabiles effectus, duce Doctore Gratia S. Augustino, magna ex parte patefacere.

298. Dico igitur. Diuina gratia, seu verius Deus, per suam actualem gratiam in cordibus hominum diffusam ad sequentes effectus producidos concurrit.

199. Gratia Dei præuenit omnia nostra opera bona: S. August. *trakt. 7. 81. 82. & 88. in Euang. Ioann. lib. de vera Innoc. c. 27.*

200. Gratia est necessaria pro iustificatione à peccato; & pro salute assequenda, *de Ciuit. lib. 14. cap. 2.*

Mens Auctoris declaratur.

Effectus à gratia actuali provenientes.

Præuenit  
bona opera

Ad iusti-  
ficationem  
concurrit.

Dat merita

Multi effe-  
ctus.

Varij effe-  
ctus.

420 DE GRATIIS ACTVALIBVS,&c.

Gratia dat merita: *lib. de Patientia c. 20.*

201. Gratia Dei electi sunt, quotquot de mundo electi sunt: *lib. de Patientia c. 20.*

202. Sine gratia Dei agere bonum non possumus, nec malum vitare: *lib. de Prædest. & Gratia cap. 11. 12. & 13.* Licet aliqui putent librum esse Sancti Fulgentij Augustini Discipuli.

203. Gratia facit nos custodire diuina præcepta: *De fide ad Petrum Diui. cap. 32.* licet hic etiam liber putetur esse S. Fulgentij.

204. Gratia facit, vt peccatum alicui non dominetur: *lib. de Continentia c. 3.*

205. Gratia Dei facit, ne peccata committantur: *lib. de Eccles. dogmatibus c. 28.*

206. Gratia ad Deum nos venire facit: *lib. de Prædest. SS. cap. 8.*

207. Gratia diuina datur, vt duritia cordis primitus auferatur: *lib. 1. de Prædest. SS. c. 8.*

208. Sine gratia nemo renascitur, sicut sine concupiscentia nemo nascitur: *lib. de Præsentia Dei cap. 15. & 17.*

209. Per gratiam iuuatur nedum posse hominis, sed volitio, & operatio: *lib. 2. contra Pelag. & Cælest. cap. 5. & 14.*

210. Gratia facit concordiam inter carnem, & spiritum: *lib. 2. contra Iulianum Pelagianum cap. 1.*

211. Gratia facit mentem hominis fortem contra cupiditatem: *lib. 1. ad Simplicianum, quæst. 1.*

212. Per gratiam merita nostra bona redduntur: *lib. de Gratia, & lib. arb. c. 6.*

213. Gratia mentem iuuat ad implendam legem, sicut oculos sanitas ad videndum solem: *lib. 15. cont. Faustum c. 8. in fine.*

Gra-

214. Gratia donum est, vt obedientes, & humiles simus : *lib. de Eccles. dogmatibus cap. 43. & 49.* quamuis quidam putent esse Gennadij, sed multas Augustini propositiones continere.

215. Gratia liberante omnes indigent, vt saluentur : *lib. de Nat. & Grat. cap. 4. lib. de gratia Noui Testam. c. 31.*

216. Gratia omnes indigent, vt iustificentur : *lib. de Nat. & Grat. cap. 11.*

217. Gratia Noui Testamenti, quam nobis meruit Christus non est ordinata ad terrena, ac temporalia bona, sed ad spiritualia, & eterna : *lib. de gratia Noui Testam. c. 5. & 7.*

218. Sine gratia non potest homo aliquod opus iustitiæ facere : *lib. de spir. & lit. cap. 2. 10. ac 12.*

219. Gratia instaurat imaginem Dei, in qua naturaliter creati sumus : *lib. de spir. & lit. c. 27.*

220. Gratia facit hominem spiritualement, & per eam implet legem, & sine ea implere non potest : *lib. 1. ad Simplic. q. 1.*

221. Gratia facit, vt homo vincat concupiscentias, & non cadat : *ibidem.*

222. Gratia est necessaria, vt oremus, petamus, & velimus bonum : *lib. 1. ad Simplic. qu. 2. & præcedit opera bona : ibid.*

223. Gratia liberat de iusta pœna ignorantie ad sciendum quod debet facere homo, & adiuvat ad faciendum quod vult : *lib. 22. contra Faustum cap. 58.*

224. Gratia est homini necessaria, vt possit se à potestate diaboli liberare : *lib. 1. quæst. Evangelicarum cap. 5. & lib. de cathechiz. rudibus cap. 18.*

225. Gratia ad rectè viuendum est etiam iustifica-

Sublimes  
gratiæ ef-  
fectus.

422 DE GRATIIS ACTVALIBVS, &c.  
stificatis necessaria, sicut lumen oculo sano ad  
videndum: *lib. de Nat. & grat. c. 26.*

226. Gratia non solum ostendit quod faciendum est, sed adiuuat, vt fiat: *lib. 2. de pecc. mer. & c. cap. 6.*

227. Gratia necessaria est ei, qui disputaturus est, vt veritatem discernere possit, ne fallatur; *lib. 1. con. Crescon. cap. 13.*

228. Gratia adiuuat voluntatem, vt innotescat, quod iustum est, & fiat suaue quod non delectabat; *lib. 2. de pecc. mer. & c. c. 17.*

229. Gratia praeuenit nos, vt sanctè, & piè viuamus; subsequitur, vt glorificemur, & cum Deo semper viuamus: *lib. de Natura, & Gratia, cap. 23.*

Alij plures  
gratig esse.  
dus.

230. Cum gratia Dei resisti potest diabolo; & ea poscenda est, cum vrget tentatio; *lib. de Nat. grat. cap. 58.*

231. Quod oremus, & conemur ex dono gratiae habemus: *lib. 2. de pecc. mer. & c. cap. 19.*

232. Gratia non aufert liberum arbitrium, sed statuit, ac sanat, vt per gratiam liberè diligat; quia vbi spiritus Domini, ibi libertas: *lib. de spir. & lit. cap. 30.*

233. Gratia facit, vt malum non accidat, & si accidat, sanetur: *lib. de Natura, & Gratia, cap. 67.*

234. Ad gratiam adiuuantem debet homo confugere, vt peniteat: *lib. 21. de Ciuil. c. 16.*

235. Gratia Dei iuuat ad toleranda mala, quae homines patiuntur in hac vita: *lib. 22. de Ciuil. cap. 21.*

236. Gratia facit, vt faciamus cognita, & credita diligamus: *lib. 1. contra Pelag. & Caesl. cap. 12.*

Ex S. Aug.  
colle&ij.



237. Gratia signum est, dum quis facit quod audiuit à Deo: *ibidem cap. 14.*

238. Gratia non solum adiuuat possibilitatem; sed voluntatem, & actionem, quia ad eam concurrit: *lib. 1. cont. Pelag. & Celest. cap. 14. 15.*

& 16. quod ex Sacra Scriptura probat in c. 16.

239. Gratia conuertit cor efficacissime, & non lædit liberum arbitrium: *lib. cont. duas epist. Pelagianorum cap. 20.*

240. Gratia facit, ut homo non sit inuitus, neque repugnans ad faciendum opus bonum: *ib. 2. contra duas epist. Pelag. cap. 8.*

241. Sine Gratia non potest homo nec facere, nec concipere opus bonum, nec habere propositum de illo faciendo: *ibidem cap. 9.*

242. Per gratiam Deus de uolentibus bonum facit volentes bonum; *contra duas epist. Pelagianorum cap. 9.*

243. Sine gratia Dei diu viuere non potest sine peccato: *ibidem cap. 10.*

244. Gratia Dei ad omnem actum veræ virtutis est necessaria: *cont. Iul. lib. 4. c. 3.*

245. Gratia Dei facit, ut faciamus: *ibid.*

246. Gratia præuenit, ut quis oret, pulset, & bonum faciat: *contra Iul. lib. 4. c. 8.*

247. Gratia Dei non est solum necessaria ad remissionem peccatorum, ut Iulianus Pelagianus docebat; sed etiam ad omnia bona opera: *contr. Iul. lib. 6. cap. 11.*

248. Gratia Dei facit implere præcepta: at non est volentis, neque currentis, sed misereantis est Dei, & Deus præparat voluntatem per dona gratiæ: *in Enchir. cap. 32.*

249. Gratia Dei est necessaria ad penitendum, ac tollendum pudorem in penitente: *in Ench. c. 82*

Per-

Reliqui no-  
tabiles gra-  
tiæ effectus

Gratia o-  
peratur, vt  
velimus; &  
quomodo.

424 DE GRATIIS ACTVALIBVS, &c.

250. Per gratiam, vt velimus, Deus sine nobis operatur. Cùm autem volumus, & sic volumus, vt faciamus, nobiscum Deus cooperatur: tamen sine illo operante, vt velimus, aut cooperante cùm volumus ad bona iustitiæ opera non valeamus: *lib. de Grat. & lib. arb. c. 17.*

251. Per gratiam Deus adiuvat liberum nostrum arbitrium, vt liberetur à malo, & faciat bonum; nam in *psalm. 36.* dicitur, à Domino gressus hominis dirigentur, & viam eius volet: *lib. de Corr. & Gratia cap. 12.*

252. Et sine gratia homo nullum facit iustitiæ bonum, nec cogitando, nec volendo, nec amando, nec agendo: *ibidem, & cap. 2.*

253. Gratiam faciendi bonum Deus aliquando concedit mediante correptione alicuius; aliquando immediatè; quia sic ei placet, neque potest aliquis ei dicere, cur ita facis, quia neque lutum potest sic dicere figulo: *lib. de Corrept. & gratia cap. 5.*

254. Gratiam perseuerantiæ non omnes habent; sed aliqui ex misericordia habent; alij non habent ex iustitia; sicut, nec omnes electi, nec prædestinati: *de Corr. & Gratia, cap. 7. & 8.* & cur sic, ad incompræhensibilia iudicia Dei recurrendum est: *ibidem c. 8.*

255. Gratia Adæ, & Angelorum ante peccatū non fuit sicut gratia, quæ est necessaria homini post peccatum, vt benè operetur: *lib. de Corrept. & Grat. cap. 11.* quia prima dabat posse non peccare; secunda verò dat non peccare, sed benè operari: *ibidem, cap. 11.*

256. Alia penè innumera loca, quæ in meo manuscripto Augustini compendio colligi, breuitatis causa relinquo; & ad alia propero.

## CAPVT XII.

*An in Veteribus legibus necessaria fuerit gratia  
ad bene operandum.*

257. **A**Du. quæsitum esse conceptum de legibus in plurali, ut comprehendamus triplicem legem, ac statum hominum, nempe Innocentiæ, quæ parum cum suo statu duravit; legem Naturæ à tempore lapsus Adæ, hoc est ab initio mundi usque ad Moysen in Monte Sinai existentem, ubi legem digito Dei in duabus tabulis lapideis scriptam, continentem Decalogum accepit: & successiue aliàs leges à Deo eidem Moysi dictatas, quæ in libris Exodi, Leuitici, Numeri, ac Deuteronomij continentur: omnes autem leges istæ vno vocabulo enunciatur dicuntur lex Scripta, lex Vetus, & lex Mosaica, quia à Deo quidem lata, sed per Moysen publicata, quæ duravit in obligatione Hæbreorum usque ad solemnem publicationem Euangelij in Ierusalem à die Pentecostes; in alijs locis usque ad publicationem Euangelij in eis locis. Gentes autem (quibus lex Moysis non fuit intimata) ab initio mundi post Adæ peccatum obligari cæperunt ad obseruandam legem naturæ: sic duravit in eis eadem obligatio vique ad solemnem Euangelij publicationem per Euangelicos prædicatores, & adhuc durat: & si adhuc dentur regiones, in quibus non fuerit publicatum Euangelium, adhuc tenentur legem naturæ seruare sicut nos; ideò Apostolus Rom. 2. 14. ait: *Gentes, quæ legem non habent, naturaliter ea, quæ legis sunt, faciunt. Eiusmodi legem non habentes, ipsi sibi sunt lex: quia ostendunt opus legis*

Tres antiquæ leges,  
ac status.  
Innocentiæ  
Naturæ, &  
Scriptæ.

Quantum  
durarunt  
istæ leges.

Gentes quæ  
legem te-  
nebantur  
obseruare.

*legis scriptum in cordibus suis, testimonium reddente illis conscientia eorum, & inter se inuicem cogitationibus accusantibus, ac etiam defendentibus: Hæc autem lex naturalis, diuina est, à Deo animabus omnibus inserta; ait enim Dauid in psal. 4. Signatum est super nos lumen vultus tui Domine, dedisti latitiam in corde meo. Cum ergo ante legem, seu præcepta Euangelica, tot leges, & tot diuina præcepta data fuerint hominibus, quærimus, an ad ea obseruanda necessaria fuerit diuina gratia, sicut post Euangelium est necessaria.*

Rationes  
dubitandi,  
quæ sint.

258. Adu. 2. Rationem dubitandi esse, quia sola lex Euangelica dicitur lex gratiæ; & quia gratia, quæ necessaria est ad fugiendum malum, & faciendum bonum dicitur gratia Christi, acquisita nobis à Christo, & nobis quoque tradita per Christum, vnde Apostolus Rom. 7. postquam enumerant difficultates ad operandum bonum, & legem membrorum impellentem ad omne malum, & captiuantem eundem ad peccatum, inquit: *infelix ergo homo, quis me liberabit de corpore mortis huius? & sibi quasi respondens, dicit: Gratia Dei per Iesum Christum Dominum nostrum: & propterea Ecclesia omnes collectas, in quibus dona spiritalia, ac supernaturalia; & alia quælibet petit à Deo, ea petit per Christum Dominum nostrum, id est per eius merita: hoc itante nascitur dubium, quomodo homines Veterum legum gratia eguerunt; cum pro eis eam adhuc non meruerat Christus, neque vlla dari potuerit, nisi per Mediatorem Christum, vt mox patebit.*

In statu in-  
nocentiæ  
necessaria  
erat gratia

259. Dico 1. In statu innocentie erat Adamo necessaria gratia ad obseruanda Dei præcepta, nedum positiua sibi à Deo facta, sed etiam naturalia quoque diuina in corde eius infusa.

Decla-

260. Declaratur, & probatur. In Genesi legimus, Deum aliqua positiuè præcepisse Adamo, & quædam in corde; seu in anima solùm infudisse. Primi generis sunt illa, *relinquet homo Patrem suum, & matrem, & adhærebit vxori suæ, & erunt duo in carne vna.* Gen. 2. 24. hæc enim verba præceptiua ab Adamo leguntur prolata, sed Dei fuerunt, & per os Adæ publicata, continentia vinculum perpetuum, ac indissolubile matrimonij: ita testatur Christus Matth. 19. 5. cùm enim Pharisei ab eo peterent, an dimitti posset vxor quacunque ex causa, eo quod Moyses permiserat libellum repudij, Saluator respondit, nequaquam, nisi ex causa fornicationis; & prius assignauit rationem ad rem nostram; *Quia, qui fecit hominem ab initio, masculum, & fœminam fecit eos, & dixit propter quod dimittet homo Patrem, & matrem, & adhærebit vxori suæ, & erunt duo in carne vna. Quod ergo Deus coniunxit homo non separet:* Itaque vinculum perpetuum matrimonij est iuris diuini; & ideo ex cap. Vnico de voto in 6. statutum est vinculum indissolubile matrimonij fuisse à Deo institutum in terrestri Paradiso in statu innocentiz.

Vinculum  
perpetuum  
matrimo-  
nii est iuris  
diuini.

261. Aliud positium præceptum vtrique coniungi Adamo, & Euz impositum legitur Gen. 1. 28. *Crescite, multiplicamini, & replete terram,* in quo præcepto includitur præceptum etiam mutui debiti coniugalis, quia alteruter coniux habet potestatem supra corpus alterius in ordine ad copulam coniugalem; quod præceptum, quæque obligationem latè explicat Apostolus 1. Corinth. 7. 5. *Vxori vir debitum reddat; similiter vxor viro. Mulier sui corporis potestatem non habet; sed vir. Similiter autem & vir sui corporis potestatem*

Plura præ-  
cepta posi-  
tiua data  
fuerunt Ada-  
mo.

428 DE GRATIIS ACTUALIBVS, &c.  
*tem non habet, sed mulier: fuit ergo eis impositum hoc præceptum.*

Præcepta  
etiam na-  
turalia.

262. Tertium positivum præceptum, ex cuius transgressione Adam seipsum, & totum genus humanum perdidit, legitur Gen. 2. 16. *Præcepitque (Deus ei) Adamo, dicens: ex omni ligno Paradisi comede: de ligno autem scientia boni, & mali, ne comedas: in quacumque enim die ex eo comederis, morte morieris.* Hæc ergo sunt positiva præcepta, quæ legimus Adamo data. Naturalia autem supponuntur; v. g. de fide, spe, & charitate in Deum, & de iustitia, & charitate erga proximum, cum multiplicari deberet genus humanum: his ergo suppositis præceptis, dicimus Adamum, gratia Dei indiguisse ad ea servanda: ideò

Ad talia  
præcepta  
servanda.  
Adam indi-  
gebat gra-  
tia.

263. Prob. Conclusio ex D. Augustino lib. de Corr. & Gratia cap. 11. ubi de Adamo ait; *Sanè habuit gratiam, in qua si permanere vellet, numquam malus esset, & sine qua, etiam cum libero arbitrio bonus esse non posset: & infra. Nec ipsum ergo Deus voluit esse sine gratia: & post. Hæc prima est gratia, quæ data est primo Adam; sed potentior est in secundo Adam, &c. Nec illa quidem parva erat, quæ demonstrata est etiam potentia liberi arbitrii, &c. Dederat ei adiutorium sine quo in eo (bona voluntate) permanere non posset, si vellet.*

264. In Enchiridio cap. 106. dicit. *Si homo in Paradiso ad se occidendum relinquendo iustitiam, idoneus erat per voluntatem: ut autem ab eo teneretur vita iustitie, parum erat velle, nisi ille, qui cum fecerat, adiunxerit; In cap. 107. idem clarius confirmat sic. Sic ergo factus est homo rectus, ut & manere in ea rectitudine posset, non sine adiutorio divino; & suo fieri peruersus arbitrio: præsumlibet horum elegisset, Dei voluntas fieret, aut etiam ab illo, au-*  
cer-



certè de illo : & de Civit. lib. 14. cap. 25. *Si homo erat institutus , vt si de adiutorio Dei fideret , bonus homo malum Angelum vinceret : si autem creatorem , atque adiutorem Deum superbè sibi placendo desereret , vinceretur ; meritum bonum habens in adiuta voluntate recta .* In lib. 11. de Gen. ad literam cap. 4. ait . *Primus homo benè viuere poterat , cùm haberet in natura posse , & in potestate velle , & non consentire suadenti ; adiuvante tamen illo , qui superbis resistit , & humilibus dat gratiam : & alibi sæpiùs : & de natura adiutorij collati Adamo dicti sine quo , eiusque voluntati commissi , vt si vellet coaceretur , abundè locuti sumus in cap. 7. Igitur etiam in statu innocentia: fuit Adamo necessaria diuina gratia actualis , vt à malo abstineret , Deum diligeret , in eum crederet , & speraret , ac præcepta illius , tam naturalia , quàm positiva , tunc ei imposita , seruaret .*

265. Dico 2. Post ammissam innocentiam , tam Adamo , quàm filijs , & posteris omnibus , qui sub lege naturæ , & Mosaica vixerunt , fuit necessaria gratia , vt opera bona ad salutem conducant , sicut oportet , operarentur .

266. Probari potest primò ( supponendo pro nunc , quòd Deus in nullo statu reliquit humanum genus sine salutis remedijs , quod infra patebit . ) Sic ergo probari potest primò à fortiori . Adam à Deo creatus , rectus , sanctus , habitibus Gratiæ , & charitatis , & iustitiæ originalis ornatus , ac vallatus ; passionibus irascibilis , & concupiscibilis omninò carens ; & tamen ad benè operandum , & diuina præcepta seruandum indiguit diuina actuali gratia ; ergo multò magis Adam ipse , ceterique homines posteriores , donis illis spoliati , & à crudelibus inimicis internis , ac exter-

nis

Ex August.  
clarè Pro-  
batur.

Post Adg  
Peccatum ,  
tàm ei ,  
quàm po-  
steris fuit  
necessaria  
gratia .

Argum. A  
fortiori.

Ex Concil.  
Arauf. 4.

430 DE GRATIIS ACTVALIBVS, &c.  
nis continuo pronocati, ad se defendendum, ne  
in malum inciderent, & bonum ad salutem ne-  
cessarium facerent, diuino adiutorio, seu diuina  
gratia indiguerunt; quod argumentum maximi facit  
Sanctus Augustinus, ut in Capite septimo vidimus;  
estque irrefragabile.

267. Prob. 2. ex Concil. Arauf. 2. cap. ult. ubi  
de necessitate gratiæ pro omni statu post Adæ pec-  
catum sic definit. *Secundum superscriptas Sacra-  
rum Scripturarum sententias, vel antiquorum Pa-  
trum definitiones, hoc Deo propitiante, & prædica-  
re debemus, & credere, quod per peccatum primi ho-  
minis ita inclinatum, & attenuatum fuerit liberum  
arbitrium, ut nullus posset, aut diligere Deum sicut  
oportuit, aut credere in Deum, aut operari propter  
Deum, quod bonum est, possit, nisi gratia eum, &  
misericordia diuina præuenerit. Unde Abel iustum,  
& Noe, & Abraham, & Isaac, & Iacob, & om-  
nem antiquorum Sanctorum multitudinem, illam præ-  
claram fidem, quam prædicat Apostolus Paulus, non  
per bonum naturæ, quod prius in Adam datum fue-  
rat, sed per gratiam Dei credimus fuisse collatam,*  
&c.

268. De hominibus legis naturæ, idest post  
lapsum Adæ usque ad legem scriptam, à Deo la-  
tam per Moysen, quod eguerint gratia Christi,  
idest ab eo merendam pro toto humano genere,  
ad bona opera exercenda, probat S. August. in  
lib. 2. contra Pelagium, & Celestium cap. 26. Illi  
enim dicebant homines legis naturæ vixisse secun-  
dum id, quod dictabat natura, idest lex scripta  
in cordibus, nullaque indigebant gratia: contra  
hos inuehitur S. Augustinus: *Hæc disputantes, à  
gratia mediatoris iustos excludere conantur antiquos,  
tamquam Dei, & illorum hominum non fuisset me-  
dia-*

diator homo Christus Iesus, quia nondum ex utero Virginis carne suscepta homo nondum fuit, quando illi iusti fuerunt. Quod si ita esset, nequaquam Apostolus diceret per hominem mors, & per hominem resurrectio mortuorum; sicut enim in Adam omnes moriuntur, sic & in Christo omnes vivificabuntur: quandoquidem illi antiqui iusti, secundum istorum vaniloquia sibi sufficiente natura, nec mediatore homine Christo indignerunt, per quem reconciliarentur Deo; nec in eo vivificabuntur, ad cuius corpus, & membra, secundum id, quod propter homines homo factus est non pertinere monstrantur.

De omnibus probat S. August. primo de legis naturæ hominibus.

Non sufficiebat natura.

Deinde de hominibus legis scriptæ.

Gratia quomodo per August. erat velata in lege Veteri.

269. De hominibus legis Scriptæ, seu Veteris Testamenti, quod eguerint gratia Christi ad rectè vivendum, & bene, sicut oportet, operandum, probat S. August. in eodem lib. 2. cap. 25. Erant autem; & legis tempore homines Dei, non sub lege terrente, convincente, puniente: sed sub gratia delectante, sanante, liberante. Erant, qui dicerent: ego in iniquitatibus conceptus sum; & in peccatis me mater mea in utero aluit: & non est pax ossibus meis à facie peccatorum meorum: & cor mundum crea in me Deus, & spiritum rectum innova in visceribus meis: & spiritu principali confirma me: & Spiritum Sanctum tuum ne auferas à me; erat qui diceret, credidi propter quod locutus sum; eadem quippè & ipsi iustificabuntur fide, qua & nos: & alia plura adducit ad rem hanc Sacre Scripturæ loca: & infra dicit, gratiam istam in Veteri lege fuisse velatam, & hoc significabat velum templi appensum ante Sancta Sanctorum; at in nova lege manifestata est: idè velum templi moriente Christo fuisse conscissum, concludens. Et tunc ergo ista gratia vnus mediatoris Dei, & hominum hominis Christi Iesu erat in Populo Dei, sed tamquàm  
in

*in vellere pluuiam; quam non debitam, sed voluntariam segregat Deus hereditati suae: inerat latens; nunc autem velut siccato illo vellere, hoc est, Iudaico populo reprobo, in omnibus gentibus, tamquam in area cernitur patens.*

270. Idem docet S. Doctor in eodem *lib. cap. 25. 27. 31. & 32.* Idem replicat in alijs multis sue doctrinae locis, nempe in *lib. 1. contra duas epistolas Pelagianorum cap. 7. & 21. in lib. 3. cap. 4. in lib. de Patientia cap. 21. In lib. de spir. & lit. cap. 15. in lib. 3.* Hippognosticon, ubi de multis Patribus loquitur, qui iusti fuerunt, & ideo gratia Dei ad obtinendam, & conseruandam iustitiam, & ad bona opera facienda indiguerunt: & fere semper rationem adducit; quia omnes homines ab initio mundi vsque ad finem, vnum, & eundem Christum agnoscunt mediatorem, à quo omnis gratia, & bonum spirituale omnium dependet.

271. Probari tandem potest de multis Veteris Testamenti Patribus, qui & iusti, ac sancti fuerunt, & opera meritoria fecerunt, & Deo placuerunt, quorum meminit Paulus Apostolus ad *Hebr. 11.* incipiens ab Abel. Hic enim, & iustus fuit, vt testatur Christus Matth. 23. 31. & munera eius Deo placuerunt, *respexit enim Dominus ad Abel, & ad munera eius, ad Cain autem, & ad munera eius non respexit Dominus* Gen. 4. & S. Augustin. in *lib. 1. de mirabilibus Sacrae Scripturae* licet quidam dicant non esse Augustini, cap. 3. inquit. *Tota iustitia haec est, Virginitas, Sacerdotium, & martirium. Quae triplex iustitia in Abel fuit. Profapiam generis in saeculo non reliquit: & martirij coronam sanguinis effusione propteruit: haec autem sine diuina gratia obtinere non poterat.*

sepe id cō  
firmat S.  
Doctor.

Abel opera  
bona, quae.

Abel vir-  
go, sacer-  
dos, &  
martir.

272. De Enos legitur Genesis 4. in fine, *ste capit inuocare nomen Domini Interl. inuocare*, dicit, *colere*, & *deprecari*. Postilla in additione tertia, dicit. *Enos instructus à suo Patre Seth iusto, tantum profecit in cultu diuino, quòd adinuenit quædam verba deuota ad deprecandum Deum, &c.* Thomas Vualdensis, & cum eo Bellarminus in *lib. 2. de Monachis* dicunt, Enos instituisse peculiarem aliquem cultum, & sublimiorem, quàm esset Religio vulgi: nam Enos Pater suus Seth, & Abel, & Adam inuocauerunt Deum: unde existimant, Enos instituisse quasi præludium, & initiũ vitę Monasticę, & Religiosę: hic ergo nouus Dei cultus, inuocatio, ac deprecatio ex speciali Dei gratia, non ex humano consilio institui oportuit.

273. De Enoch, qui ab Adam fuit septimus, legitur. *Enoch ambulauit cum Deo*, & post 360. annos non apparuit, quia tulit eum Deus: Gen. 5. Glos. ord. ait. *Doctores Catholici dicunt*, quòd propter excellentiam suę virtutis assumptus fuit à Deo, & positus in Paradiso terrestris, ubi & Elias postea rap-  
tus est, ex lib. 4. Reg. 2. & inde exituri sunt ad prædicandum contra perfidiam Antichristi: hæc Glos. S. August. pluries de Enoch, & Elia, eorumque virtutibus, ac sanctitate loquitur in *lib. de mirab. S. Script. cap. 3. lib. 1. contra Aduers. legis*, & *Prophet. cap. 15. in fine de Cinit. lib. 15. cap. 19.* & quòd Enoch fuit Propheta ibid. cap. 38. lib. 1. de pecc. mer. & remiss. cap. 3. & quòd fuit Propheta legitur in *epist. Iudæ*. Ambulare autem cum Deo non poterat sine gratia Dei, quia ambulare cum Deo, est iustificationes, atque præcepta Dei speciali, ac præcellenti modo obseruare.

274. De Noe legitur Gen. 6. 9. *Noe vir iustus, atque perfectus fuit in generationibus suis, cum Deo*

Enos opera  
bona quę.

Enoch ope-  
ra bona  
quę.

Noe bona  
opera.

*ambulavit* : & paulò ante : *Noè verò inuenit gratiam coram Deo* . S. August. lib. de quatuor virtutibus charitatis , Noe Sanctum , & charitate perfectum prædicat. De bonitate , ac perfectione Noe loquitur *Ecclesiasticus cap. 44. 17.* & Paulus ad Hebr. 11. 7. hæc autem dona sine gratia Dei obrineri non possunt .

275. Et licet in Sacro Textu à Noe vsque ad Abrahamum non legamus laudari aliquos de perfecta , ac insigni probitate ; tamen verisimile non est, non fuisse plures Dei cultores ; at quia Moysi scribenti librum Genesis , Deus fortè non reuelauit alios probos, ac perfectos viros : ideò ad nos non deuenit eorum notitia .

276. At incipiendo ab Abraham , & proseguendo per Isaac , & Iacob , vsque ad Christi aduentum , fuit in Hebraica natione vera Dei Religio , & Messie fides , vt futuri , nam Iacob Gen. 49. 10. iam iam moriturus benedicens filiis singulatim , de Iuda dixit . *Non auferetur sceptrum de Iuda, & Dux de femore eius, donec veniat , qui mittendus est, & ipse erit expectatio gentium* . Supponendum autem est, quòd ipse à patre suo Isaac , & hic à Patre Abraham ; & sic de cæteris vsque ad Adam , per traditionem successiuam habuerint Messie notitiam, licet fortè non ita semper distinctam de eius natura , conditionibus , ac muneribus , sicut postea habuerunt aliqui Prophetæ , vt præcipuè Micheas , qui prædixit ortum Messie à diebus eternitatis , & Isaias , qui omnes ferè Messie conditiones, passionem quoque , & mortem , prædixit . Neque aliter dici potest ; quia cum ipse fuerit ab æterno destinatus mediator totius humani generis , omnes , qui saluandi erant , per fidem eius erant saluandi , & opera salutis dependen-

In populo  
Hæbreo  
fuit Dei fi-  
des, & cha-  
ritas; Mes-  
sie quoque  
notitia .

Per tradi-  
tionem ab  
ipsomet A-  
brahama :  
immo &  
ab Adamo  
aderat no-  
titia .

Clariss de  
Abrahamo



denter à meritis ipsius, vel exhibitis, vt post eius mortem in lege Euangelica, vel ex à Deo præiis pro præcedentibus legibus erant operaturi: in fide enim, seu per fidem Christi cum operibus saluabantur, & saluantur, qui saluantur; quia ipse solus Redemptor, ac Mediator.

277. Placet autem quedam S. Augustini loca ad rem hanc confirmandam adducere: In lib. 3. contra duas epistolas Pelagianorum cap. 4. ait, *ex fide, qua nos viuimus vna eademque vixerunt antiqui iusti, & ipse Moyses Testamenti minister Veteris, hæres Noui. Incarnationem, passionem, & resurrectionem Christi credentes futuram, quam nos credimus factam, vsque ad ipsum Ioannem Baptistam, tamquam præteritæ dispensationis limitem quemdam: idem ferè repetit in lib. 1. contra Iulianum c. 2.*

In eodem lib. 3. contra duas epistolas Pelag. cap. 24. 25. 26. ait: *fide eadem Patres Veteris Testamenti mundabantur, qua & nos.*

278. In lib. de sex quæstionibus contra Paganos quæst. 2. inquit: *Fide vna salui erimus cum Patribus nostris: idem habet in tract. 45. in Euangelium Ioannis.*

279. In lib. 3. de Ciuit. cap. 1. & in lib. 18. cap. 38. ait. *Fide colebatur Deus ante incarnationem, non solum à populo Hebreo, sed etiam à quibusdam alijs diuina gratia dignis.*

289. In Enchiridio cap. 118. dicit. *Gratia sub lege non defuit, quibus impartiri eam oportuit; quamuis tamen pro temporis dispensatione velata, & occultata.*

281. In libro de Natura, & Gratia, qui totus cum suis 70. capitibus est de necessitate gratiæ, docet semper, & in omni tempore gratiam fuisse necessariam ad benè operandum opera salutis; at

Aliqua S.  
Augustini  
loca.

Eadem non  
sua fides in  
antiquis  
pp.

Etiam Iob  
23:28.

in cap. 62. specialiter de Iob ( qui tamen Gentilis erat ) inquit, gratiam Christi Iob etiam fuisse necessariam ad facienda bona illa opera, quæ fecit; & ante legem scriptam Moïsi; ortus est enim iuxta Saliani Epocham anno mundi 1338. Lex autem data est Moïsi anno mundi ex eodem 2544. qui fuit ultimus Iob: ex quibus clarè colligitur in omni lege, ac natione gratiam Dei ad benè operandum necessariam, & à Deo, quibus voluit, datam fuisse.

Argum. à  
maiori ad  
minus de  
Angelis.

282. Prob. tandem à fortiori: Angelis fuit necessaria gratia, ut perseverarent in sanctitate, à Deo in sui creatione accepta, Deum diligenter, & malo superbiæ, ac elationis, in quod Lucifer cum sequacibus cecidit, resisterent; immò si ea caruissent, superbia, & elatio illa non fuisset ei imputata in peccatum: ergo multò magis gratia, & potentiore, eguerunt homines omnes in peccato geniti, & educati, quorum liberum arbitrium iam erat attenuatum, & multis passionum malis oppressum. Anteced. est S. Augustini lib. de Corrept. & Grat. cap. 11. *Si autem hoc adiutorium, vel Angelis, vel primo homini, cum primum facti sunt, defuisset, quoniã non talis natura facta erat, ut sine divino adiutorio posset manere si vellet; non utique sua culpa cecidissent; adiutorium quippè defuisset, sine quo manere non possent: ergo gratia eguerunt.*

Angeli e-  
gauerunt  
gratia ex  
S. August.

S. Fulgent.  
idè docet.

283. S. Fulgentius S. Augustinum secutus, in lib. 2. ad Thrasim. de Angelis, ait. *Non aliam stantem Angelum à ruina potuit custodire, nisi illa, quæ lapsum hominem à ruina potuit reparare. Una est in utroque gratia operata, in hoc ut surgeret, in illo ne caderet: in illo, ut non vulneraretur, in isto, ut sanaretur; ab hoc infirmitatem repulit; illum infirmari non sinuit: illius esca; istius medicina.* Si cr-

go Sanctis, & donorum, supernaturalium diuina largitate præditis, vt stare possent, ac starent, benè operarentur, & malum fugerent, necessaria fuit diuina gratia; multò magis fuit, estque modò omnibus hominibus necessaria dicenda, ne in benè operando, diligendo Deum, credendo, sperando, ac penitendo, & diuina, aut Ecclesiæ præcepta, *sicut oportet*, exequendo, nobis à Paulo dicatur, *Quid habes, quod non accepisti? si autem accepisti, quid gloriaris, quasi non acceperis? non enim, ex eodem, sufficientes sumus cogitare aliquid ex nobis, quasi ex nobis, sed omnis cogitatio nostra ex Deo est*: & ne cum Pelagio, Celestio, ac cæteris eiusmodi, de hæresi eorum damnemur.

## CAPVT XIII.

*Qualis fuerit, & modò sit gratia ista necessaria ad operandum cum effectu salutis opera.*

284. **A**Du. I. sensum quæsitum hunc esse. An gratia necessaria homini ad benè operandum pro omni statu naturæ lapsæ, sit eiusdem conditionis, seu qualitatis cum illa, quæ erat necessaria Adamo pro statu innocentie, & *sine qua* non poterat benè operari, ac resistere Diabolo; an debeat esse aliqua potentior, quæ non solum det posse facere actum bonum, *sicut oportet*, ac posse vitare malum; sed faciat actu, & realiter facere, & actu, & malum vitare: & sub alijs verbis modo loquendi modernorum, sensus est, an ad benè, & *sicut oportet*, operandum opera salutis, & vitandum malum, gratia pro his faciendis necessaria, satis sit illa, quæ dicitur à modernis *sufficientis*; & à S. Augustino *sine qua non*: an sit illa, quæ

Improprio  
ratio Pauli  
contra ne-  
gantes gra-  
tiæ neces-  
sitatem.

Sensus quæ-  
siti.

An satis sit  
illa, quæ di-  
citur suffi-  
ciens: an  
requiratur  
efficax.

quę dicitur *efficax*, & à S. Augustino *gratia quę, seu auxilium quo*, idest faciens facere infallibiliter opus bonum, & faciens resistere tentationi, & cauere malum; & semper habet coniunctum effectum.

Omnes dicunt requiri efficacē, sed quę sit ista, disputatur.

285. Adu.2. (ad vitandas equiuocationes,) quod nemo est, qui neget, ad faciendū opus bonū, & vitandum malū in actu, seu realiter, ac in effectu non satis esse gratiam illam, quę communiter dicitur sufficiens; sed requiri eam, quę dicitur *efficax*; & optimè omnes dicunt, quia si opus ponitur in re effectualiter, per gratiam efficacem fit; id enim purè sufficienti non comperit; quia multi, immo omnes, vt in proprio loco dicam, si excæcati in pœnam non sint, eam habent, & tamen non operantur bonum, nec malum cauent, vt latè de ea dixi in Capitibus 4. & 6. Sed controuersia præsens est, an gratia ista *efficax*, seu faciens facere, sit illa, quam docet S. Augustinus, idest, quę ex natura sua, nempe ex qualitate sibi à Deo insita, sic allicit liberum arbitrium, seu voluntatem; talem illi suauitatem, ac delectationem communicat, vt eam sine vllō prorsus libertatis præiudicio, sed potiùs eam subleuante, ac in supernaturali ordine eleuante adiutorio, illam ad operandum bonum, & ad dissentendum malo dulciter trahat: an verò illa gratia, *efficax* dicta, necessaria, satisque sit ad operandum bonum, malumque cauendum, quæ alioquin sufficiens est, & indifferens, vt ea utatur, vel non utatur voluntas, & in tali congruo tempore detur, in quo præuisa ab æterno fuerat, quod ea esset vsura; & sic ea utendo fit *efficax*. Hic ergo est germanus quęsiti sensus; cūm quæritur, qualis sit ista gratia necessaria ad benè operandum, malumque cau-

Quomodo gratia allicit, vt trahat voluntatem.

uendum, num gratia efficax primi generis ex sui natura talis; an gratia efficax secundi generis, nempe talis facta ex voluntatis humane consensu.

286. Dico 1. Gratia necessaria ad bene cum effectu operandum, & malum cum effectu cauendum secundum S. Augustinum, non est sicut illa, quam habuit Adam ante lapsum, dicta à S. Augustino *sine qua non*, & à modernis *sufficiens*, seu quouis nomine nuncupata.

287. Prob. explicitis S. Augustini verbis, quæ retuli in cap. 6. & 7. nam in lib. de Corr. & Gratia cap. 11. de hac gratia Adæ ante peccatum data; & de alia post peccatum eidem, & posteris collata, & conferenda, ut opera faciant salutis, plura dicit necessariò referenda. Primò ait, *istam gratiam non habuit homo primus, qua numquam vellet esse malus; sed sanè habuit, in qua si permanere vellet, numquam malus esset, & sine qua etiam cum libero arbitrio bonus esse non posset: sed eam tamen per liberum arbitrium deferere posset. Nec ipsum ergo Deus esse voluit sine sua gratia, quam reliquit in eius libero arbitrio; quoniam liberum arbitrium ad malum sufficit, ad bonum autem nihil est, nisi adiungetur ab omnipotenti bono. Quod adiutorium si homo ille per liberum non deseruisset arbitrium, semper esset bonus; sed deseruit, & desertus est. Tale quippè erat adiutorium, quod desereret cum nollet, & in quo permaneret, si vellet, non quo fieret, ut vellet. Hac est prima gratia, qua data est primo Adam. Sed hæc potentior est in secundo Adam. Prima est enim, qua fit, ut homo habeat iustitiam, si velit. Secunda ergo plus potest, qua etiam fit, ut velit, & tantum velit, tantoque ardore diligat, ut carnis voluntatem contraria concupiscentem, volunta-*

Gratia ad operandi necessaria non est, sicut illa Adami inno. centis.

Ex August.

Qualis fuit  
gratia Adg.

*luntate spiritus vincat . Nec illa quidem parua erat, qua demonstrata est etiam potentia liberi arbitrij, quoniam sic adiunabatur, vt sine hoc adiutorio in bono non maneret, sed hoc adiutorium, si vellet, desereret . Hac autem tanto maior est, vt parum sit homini per illam reparare perditam libertatem, parum sit denique non posse sine illa, vel apprehendere bonum, vel permanere in bono, si velit, nisi etiam efficiatur, vt velit : & post multa cum dixisset simile adiutorium sine quo non, datum fuisse omnibus Angelis cum creati fuere, & aliqui per liberum arbitrium eo vfi sunt, & in bono permanserunt; alij autem illo vfi non sunt, sed per suum liberum arbitrium illud deseruerunt, & lapsi sunt; iterum docet non esse tale id, quod post Adæ peccatum homini datur, sed potentius, subdens . Tantò amplius datur per Christum Dominum nostrum, quibus id dare Deo placuit, vt non solùm adsit sine quo permanere non possumus, etiam si velimus; verùm etiam tantum, ac tale sit, vt velimus : est quippè in nobis per hanc Dei gratiam in bono recipiendo, & perseveranter tenendo, non solùm posse quod volumus, verùm etiam velle quod possumus . Quod non fuit in homine primo; vnum enim horum in illo fuit, alterum non fuit . Namque, vt reciperet bonum, gratia non egebat, quia nondum perdiderat; vt autem in eo permaneret, egebat adiutorio gratiæ, sine quo id omninò non posset, & accepit posse, si vellet, sed non habuit velle, quod posset, nam si habuisset perseverasset; & cetera plura S. Augustini .*

Qualis gratia post innocentis statum necessaria .

288. In cap. 12. idem prorsus confirmat. Postquam enim declarauit differentiam inter auxilium gratiæ *sine quo*, & *quo*, vt notauimus in cap. 6. docere vnum incipit: primum tantùm fuisse collatum Adamo innocenti; secundum verò homi-



hominibus, quibus Deo dare placuit, ac placet, inquiens. *Primo itaque homini, qui in eo bono, quo factus fuerat rectus, acceperat posse non peccare, posse non mori, posse illud bonum non deferere; datum est adiutorium perseverantiae, non quo sciret, ut perseveraret, sed sine quo per liberum arbitrium perseverare non posset. Nunc verò sanctis in Regnum Dei prædestinatis, non tale adiutorium perseverantiae datur; sed tale, ut eis perseverantia ipsa donetur: non solum, ut sine ipso dono perseverantes esse non possint; verum etiam, ut per hoc donum non nisi perseverantes sint. Non solum enim dixit Saluator, sine me nihil potestis facere; verum etiam dixit, non vos me elegistis, sed ego elegi vos, & posui vos, ut eatis, & fructum afferatis, & fructus vester maneat. Quibus verbis, eis non solum iustitiam, verum etiam in illa perseverantiam se dedisse monstravit.*

Clara ergo, & evidens est S. Augustini mens, ac sententia, quòd adiutorium, seu gratia, quæ homo indiget ad faciendum bonum, ac permanendum in iustitia, non est similis gratiæ, quæ data fuit Adæ innocenti, sed alterius naturæ, & potentior illa; quæ scilicet, non solum dat posse facere iustitiam, & posse in ea permanere; sed quæ dat posse, & etiam facere, ac permanere.

289. Cur autem illa similis Adæ satis non sit, dans scilicet posse tantum pro statu naturæ lapsæ, sed sit necessaria alia potentior, quæ det posse, & facere; assignat rationem S. Doctor desumptam ex difficultatibus operandi bonum in natura lapsa ob peccatum incursum, quæ non aderant in natura innocente. Sic enim ait in eodem cap. 12. *de Corr. & Gratia. Maior enim libertas est necessaria adversus tot, & tantas tentationes, quæ in Paradiso non fuerunt, dono perseverantiæ munita, atq; firma-*

Iterum, ac  
tertio Aug.

Cur nunc  
satis non  
sit gratia  
data Adæ.

ta, vt cum omnibus amoribus, terroribus, erroribus suis vincatur hic mundus: hoc Sanctorum martiria docuerunt; & alia plura: Infra tamen ad rem nostram iterum rediens, ait: *Vt ergo non acciperet hoc donum Dei, hoc est, in bono perseverantiam, primus homo; sed perseverare, vel non perseverare in eius relinqueretur arbitrio, tales vires habebat eius voluntas, quæ sine ullo fuerat instituta peccato, & nihil illi ex seipsa concupiscentialiter resistebat, vt dignè tantæ bonitati, & benè viuendi facilitati perseverandi committeretur arbitrium, &c.* Nunc verò posteaquam est illa magna peccati meritò amissa libertas, etiam maioribus donis adiunanda remansit infirmitas: & infra post alia multa, sequitur. *Ac per hoc, nec de ipsa perseverantia boni voluit Deus Sanctos suos in viribus suis, sed in ipso gloriari, qui eis non solum dat adiutorium quale primo homini dedit, sine quo non possint perseverare si velint, sed in eis etiam operatur, & velle: at quoniam non perseverabunt, nisi vt & possint, & velint; perseverandi eis possibilitas, & voluntas diuinæ gratiæ largitate donetur. Tantum quippè Spiritu Sancto accenditur voluntas eorum, vt idèd possint, quia sic volunt: idèd sic velint, quia Deus operatur, vt velint: & rursus rationem huius diuinæ dispositionis circa hominem post peccatum, assignans, cur scilicet pro bono operando, & in eo perseverando, illum de auxilio, seu gratia simili ei, quam Adamo innocenti dederat, non prouiderit, sed de alia potentiore, quæ nedum daret voluntati posse facere, seu operari bonum; verum etiam faceret actu operari, subdit. Nam si in tanta infirmitate vite huius, in qua tamen infirmitate propter elationem reprimendam perfici virtutem oportebat, ipsis relinqueretur voluntas sua, vt in adiutorio Dei sine quo per-*

Quia debilitatæ sunt arbitrij vires.

A fortiori si Adæ non fuit satis, neque nunc.

*seuerare non possent, manerent si vellent, nec Deus in eis operaretur, vt vellent, inter tot, & tantas tentationes, infirmitate sua voluntas ipsa succumberet, & idèd perseuerare non possent, quia deficientes infirmitate, nec vellent, aut non ita vellent infirmitate voluntatis, vt possent. Ad hanc infirmitatem sanandam hoc à Deo inuentum, ait, remedium S. Doctor; Subuentum est igitur infirmitati voluntatis humane, vt diuina gratia indeclinabiliter, & insuperabiliter operetur: & idèd quamuis infirma, non tamen deficeret, neque aduersitate aliqua vinceretur. Ita factum est, vt voluntas hominis inualida, & imbecilla in bono adhuc paruo perseueraret per virtutem Dei; cum voluntas primi hominis, fortis, & sana in bono ampliore non perseuerauerit habens virtutem liberi arbitrij, quamuis non de futuro adiutorio Dei, sine quo non posset perseuerare, si vellet, non tamen tali, quo in illo Deus operaretur, vt vellet. Fortissimo quippe dimisit, atque permisit facere quod vellet; infirmis seruauit, vt ipso donante inuictissime, quod bonum est, vellent, & hoc deserere inuictissime nollent: Hec ibi S. Doctor, & alibi pluries: ergo gratia necessaria homini in statu naturæ lapsæ ad benè operandum, ac perseuerandum in iustitia non est similis gratiæ collatæ Adamo ad operandū bonū; & permanendum in iustitia, sed valdè dissimilis, & illa potentior, alioquin homo cum ea non operaretur bonum, nec in bono obtento perseueraret.*

290. Dico 2. Gratia actualis necessaria homini in statu naturæ lapsæ ad actū operandū bonum, sicut oportet, & ad perseuerandum in bono, seu iustitia iam obtenta, est illa, quam docet S. Augustinus, quæ scilicet dat simul posse, ac velle, & operari; & sine qua homo, nec operaretur, nec in bono perseueraret.

Eui. deus S.  
Augustini  
discursus.

Gratia necessaria ad operandū cum effectu, est illa, quam docet Sanctus Augustinus. quæ facit operari,

Ex S. Aug.

291. Prob. ex eodem S. Augustino locis præcedenti conclusione citatis: quòd verò admittenda sit, & qualis naturæ sit gratia hæc, latè diximus cum S. Augustino in cap. 7.

Excusatio  
Authoris  
de prolixitate.

292. Prob. 2. Illa gratia confitenda est necessaria ad bonum actu faciendum, & in ea perseverandum, quam Ecclesia petit à Deo. Sed petit à Deo in multis collectis gratiam, quæ faciat facere, seu operari: ergo hæc est necessaria. Probatur maior. Ecclesia non potest errare docendo quæ sunt ad salutem necessaria, & ea in praxi ponenda. Min. prob. inductione. Parcat lector, si prolixus sum in referendo multas formulas orationum, quibus utitur Ecclesia petens à Deo gratiam, opem, seu auxilium ad benè, ac sanctè operandum, ad seruandum diuina præcepta, atque consilia, cæteraque supererogationis opera: petit enim, vt faciat illa in nobis, vel vt faciat facere: quæ quidem Ecclesiæ praxis maximum est Augustinianæ, hoc est, veræ sententiæ fundamentum. Referam ergo potiores Ecclesiæ in orando formulas.

Nunc à  
Deo petit  
Ecclesiæ.

In prima Dom. Adu. sic orat: *vt ab imminetibus peccatorum nostrorum periculis mereamur te protegente eripi, te liberante saluari.* In 2. Dom. Adu. orat. post Comm. *Supplices te rogamus, vt doceas nos terrena despicere, & amare Cælestia:* In Dom. 3. orat. secr. *& sacri peragat instituta mysterij, & salutare tuum in nobis mirabiliter operetur:* & in orat. post comm. *vt hæc diuina subsidia à vitijs expiatis, ad festa ventura nos præparent.* Feria 6. 4. Temp. Adu. orat. post Commun. *Sacramenti libatio sancta reslauret, & à vetustate purgatos in mysterij salutaris faciat transire consortium.* In Natiuitate Domini orat. secr. *vt tua gratia largien-*

te per hæc Sacrosancta commercia in illius inueniamur  
 forma, in quo tecum est nostra substantia : In 2. Mis-  
 sa Natiuit. orat. prima : Da, &c. vt hoc in nostro  
 resplendeat opere, quod per fidem fulget in mente :  
 In Missa S. Stephani : Da nobis quesumus Domine  
 imitari quod colimus, vt & discamus inimicos di-  
 ligere : &c. In Dom. infra oct. Natiu. Omnipotens  
 Deus dirige actus nostros in beneplacito tuo : in orat.  
 secr. vt munus oblatum, & gratiam nobis pia deu-  
 tionis obtineat : &c. Dom. infra oct. Epiph. orat.  
 1. Cælesti pietate prosequere, vt, & quæ agenda sunt  
 videant, & adimplenda, quæ viderint conualescant :  
 orat. secr. Viuificet nos semper, & muniat. In  
 Dom. 3. post Epiph. orat. post Comm. Augeatur  
 in nobis, quesumus Domine, tuæ virtutis operatio,  
 vt, &c. In Dom. 3. post Epiph. orat. post Comm.  
 Quos tantis, Domine, largiris vt mysterijs : quesu-  
 mus, vt effectibus nos eorum veraciter aptare digne-  
 ris. In Dom. 4. prima orat. Deus qui, &c. pro  
 humana scis fragilitate non posse subsistere : da nobis  
 salutem mentis, & corporis : vt ea, quæ pro peccatis  
 nostris patimur, te adiuuante vincamus : post Com-  
 mun. Munera tua nos Deus à delectationibus terrenis  
 expediant : & celestibus semper instaurant alimentis.  
 In Dom. 5. post Epiph. orat. secr. vt, & delicta  
 nostra miseratus absolvas, & nutantia corda tu diri-  
 gas. In Dom. 6. Præsta &c. vt semper rationabilia  
 meditantes, quæ tibi sunt placita, & dictis exequa-  
 mur, & factis : orat. secr. mundet quesumus, reno-  
 uet, gubernet, & protegat. Post Comm. quesumus,  
 vt semper eadē, per quæ veraciter viuimus, appetamus.  
 In Dom. Septuag. orat. post Comm. Fideles tui,  
 Domine, per tua dona firmentur, vt eadem, & perci-  
 piendo requirant, & quærendo sine fine percipiant. In  
 Dom. Sexag. orat. post Comm. Tibi placitis mo-  
 ribus

Plurimę  
 orationes,  
 quibus vti-  
 tur Eccle-  
 sia in petē-  
 do à Deo  
 gratiam.

Semper pe-  
 tit, vt faci-  
 at nos fa-  
 cere.

Phrases  
multæ pe-  
tendi, sed  
substantia  
eadem.

446 DE GRATIIS ACTVALIBVS, &c.  
*ribus dignanter deservire concedas : In benedictio-  
ne cinerum , orat. penultima : capitibus servorum  
tuorum , &c. effunde propitius gratiam tuæ benedictio-  
nis ; vt eos & spiritu compunctionis repleas , & quæ  
iustè postulauerint efficaciter tribuas ; & concessa per-  
petuò stabilias , & intacta manere decernas . Fer. 6.  
post cin. orat. secr. Sacrificium , &c. mentes nostras  
tibi reddat acceptas , & continentie promptioris no-  
bis tribuat facultatem . Feria 5. Dom. 1. Quadrag.  
orat. postrema . Da , quæsumus Domine , &c. &  
quæ profitentur agnoscere ; & caeleste munus diligere,  
quod frequentant . Feria 6. orat. prima . Eslo Do-  
mine propitius plebi tuæ , & quam tibi facis esse de-  
notam, benigno resoue miseratus auxilio . In Sabba-  
to 4. Temp. orat. penultima . Actiones nostras ,  
quæsumus Domine , aspirando præueni , & adiuuan-  
do proseguere : vt cuncta nostra oratio , & operatio à  
te semper incipiat , & per te capta finiat ur . In orat.  
vlt. Fideles , &c. Benedictio desiderata confirmet ; quæ  
eos , & à tua voluntate numquam discrepare , & tuis  
semper indulgeat beneficijs gratulari . Dom. 2. Qua-  
drages. orat. 1. Deus , &c. interiùs , exteriùsque cu-  
stodi : vt ab omnibus aduersitatibus muniamur in  
corpore , & à prauis cogitationibus mundemur in  
mente . Fer. 4. orat. vlt. vt spiritus tui seruire con-  
cepto , & in fide inueniantur stabiles , & in opere ef-  
ficaces . Fer. 5. post Comm. Gratia nos , quæsumus  
Domine, non derelinquat : quæ & sacræ nos deditos fa-  
ciat seruituti , & tuam nobis opem semper acquirat .  
Fer. 6. post Comm. Fac nos , &c. sic tendere con-  
gruenter : vt ad eam ( salutem æternam ) peruenire  
possimus . In Sabbato orat. post Comm. Diuina  
libatio penetralia nostri cordis infundat : & sui nos  
participes potenter efficiat . Feria 3. Dom. 3. Qua-  
drages. prima orat. continentie salutaris propitius*



nobis dona concede . Secr. *Qui nos , & ab humanis retrahat semper excessibus ; & ad salutaria dona perducatur .* Orat. ult. *Tu nos , Domine , &c. protectio- ne defende : & ab omni semper iniquitate custodi :* Feria 5. Dom. 3. orat. ult. *subiectum , &c. & tuis semper faciat seruire mandatis .* Sabbato Dom. 3. orat. ult. *Præstende , &c. dexteram celestis auxiliij : vt te toto corde perquirant , &c. In Dom. 4. Quadra- ges. orat. post Comm. Da , &c. vt sancta tua sin- ceris tractemus obsequijs , & fideli semper mente su- mamus .* Feria 2. illius Dom. orat. ult. *Depraca- mus , &c. Et quibus supplicandi præstas affectum , tri- bue defensionis auxilium .* Fer. 4. eiusdem , orat. ult. *Pateant , &c. & vt petentibus desiderata conce- das , fac eos quæ tibi sunt placita postulare .* Sabbato eiusdem Dom. orat. prima . *Fiat per gratiam tuam fructuosus nostræ deuotionis affectus , &c. orat. Secr. & ad te nostras etiam rebelles compelle propi- tius volantes .* In orat. ult. *Deus , &c. da nobis di- gnè flere mala , quæ fecimus : vt , &c. Fer. 3. Dom. Pass. orat. post Comm. Da , vt quæ diuina sunt , in- giter exequentes , &c. & in orat. ult. Da nobis per- seuerantem in tua voluntate famulatum , &c. Feria 6. eiusdem Dom. orat. prima . Cordibus nostris gratiam tuam benignus infunde : vt peccata nostra castigatione voluntaria cohibentes , &c. Fer. 6. maioris hebdom. in orat. pro ordine Ecclesiastico : exan- di nos , &c. vt gratia tuæ munere , ab omnibus tibi gradibus fideliter seruiatur . In Sabbato Sancto orat. post primam prophe. *Da nobis contra oble- tamenta peccati , mentis ratione persistere , &c. In orat. post 3. prophe. Da populis tuis dignè ad gra- tiam tuæ vocationis introire .* In orat. post prophet. 10. *Da nobis , & velle , & posse quæ præcipis , vt , &c. vna sit fides mentium , & pietas actionum .* In orat.*

Semper i-  
dem petit  
Ecclesia .

Vt Deus fa-  
ciat nos bo-  
nū facere .

orat. post 12. *Vt quod nostræ humilitatis gerendum est ministerio, virtutis tuæ impleatur effectû: & hæc in præfatis orationibus ab Aduentu vsque ad Pascha petit à Deo Mater Ecclesia, vt nempè per suam gratiam bona opera nostra faciat, idest, nos facere per gratiam faciat.*

293. Vt autem euidenter appareat, quòd gratia necessaria homini ad benè, *sicut oportet*, operandum, à malo cauendum, & in bono perseuerandum, est illa, quam docet Augustinus, nempè, non quæ subiacet voluntati, sicut illa, quæ data fuit Adæ innocenti, vt ea vteretur si vellet, & sine qua bonum velle non poterat; sed illa, quæ facit, vt voluntas faciat bonum, trahens illam, alliciendo, & suauitatem, ac delectationem impertiendo; & postea de concordia earum dicam, prosequor libenter ostendere praxim Ecclesiæ in petendo à Deo, quod ipse faciat nobiscum opus bonum, seu faciat per gratiam nos facere, in bono perseuerare, & malum cauere. In die Paschæ orat. prima dicit, *Vota nostra, quæ præueniendo aspiras, etiam adinuando prosequere.* In orat. secr. *vt te operante proficiant.* In orat. ult. *tua facias pietate concordēs.* In fer. 3. post Pascha orat. 1. *concede famulis tuis: vt Sacramentum vinendo teneant, quod fide perceperunt.* In orat. ult. *Concede, vt continua in nostris mentibus perseueret.* Fer. 5. orat. 1. *Da vt renatis vna sit fides mentium, & pietas actionum.* Fer. 6. orat. 1. *Da mentibus nostris, vt quod professione celebramus, imitemur effectû.* Dom. in Albis. *Hæc te largiente, moribus, & vita teneamus.* Dom. 3. post Pascha orat. 1. *Da cunctis, qui Christiana professione censentur, & illa respuere, quæ huic inimica sunt homini, & ea, quæ sunt apta sectari.* Secr. *His nobis mysterijs confertur,*

Quod gratia, quam S. Aug. docet sit necessaria ad benè operandum.

Ex Eccles. orat.

tur , quò terrena desideria mitigantes , discamus amare celestia . Dom. 4. orat. 1. Deus qui fidelium mentes vnius efficis voluntatis ; da populis tuis id amare , quod præcipis , id desiderare , quod promittis . Domin. 5. orat. 1. Largire supplicibus tuis , vt cogitemus , te inspirante , quæ recta sunt , & te gubernante , eadem faciamus . Orat. ult. Tribue , &c. & desiderare , quæ recta sunt , & desiderata percipere . Dom. infra oct. Ascens. orat. 1. Fac nos tibi semper , & deuotam gerere voluntatem , & maiestati tuæ sincero corde seruire . Orat. secr. & mentibus nostris supernæ gratiæ dent vigorem . Orat. ult. Da quasumus , vt in gratiarum semper actione maneamus . In vigilia Pentec. orat. 1. Concede nobis , & nostræ voluntatis prauitatem frangere ; & tuorum præceptorum rectitudinem in omnibus adimplere . In orat. 5. Da famulis tuis , vt quæ à te iussa cognouimus , implere celesti inspiratione valeamus . In orat. vltim. Concede , &c. vt celestibus desideriis accensi , fontem vitæ sitiamus . In Dom. Pentec. Da nobis in eodem spiritu recta sapere , &c. in Sabbato 4. Temp. Pentec. orat. 3. Concede nobis propitius , & mente , & corpore tibi semper esse deuotos . Dom. 1. post Pentec. orat. post Comm. Præsta quasumus ; vt à tua numquam laude cessemus . Dom. infra octauam Corporis Christi orat. secr. Oblatio , &c. purificet ; & de die in diem ad celestis vitæ transferat actionem . Dom. 5. post Pentec. orat. 1. Infunde cordibus nostris tui amoris affectum : vt te in omnibus , & super omnia diligentes , &c. Dom. 6. post Pentec. orat. 1. Insepe pectoribus nostris amorem tui nominis , & præsta in nobis Religionis augmentum : vt quæ sunt bona nutrias , ac pietatis studio , quæ sunt nutrita , custodias . Dom. 3. post Pentec. orat. 1. Largire nobis quasumus Domine , semper spiritum cogitandi , quæ

Petit, vt faciamus .

Multæ petitiones Ecclésiæ hoc probant.

Clarissime  
probant  
nos indige  
re gratia,  
quæ facit  
nos facere.

Aliæ plu-  
rimæ peti-  
tiones eius-  
dem gratiæ

450 DE GRATIIS ACTUALIBVS, &c.  
recta sunt, propitius, & agendi: ut qui sine te esse  
non possumus, secundum te vivere valeamus. Orat.  
secreta. ut gratia tuæ operante virtute, & præsentis vi-  
tæ nos conuersatione sanctificent; &c. Dom. 9. orat.  
1. Fac eos, quæ tibi sunt placita postulare. Dom.  
12. orat. 1. Deus de cuius munere venit, ut tibi à fi-  
delibus tuis dignè, & laudabiliter seruiatur: tribue  
quæsumus, ut ad promissiones tuas sine offensione cur-  
ramus. Dom. 13. orat. 1. Da nobis, fidei, spei, &  
charitatis augmentum; & ut mereamur assequi, quod  
promittis, fac nos amare, quod præcipis: Dom. 15  
orat. ult. Mentis nostras, & corpora possideat, quæ-  
sumus Domine, domini celestis operatio: ut non noster  
sensus in nobis, sed iugiter eius præueniat effectus.  
Dom. 16. orat. 1. Tua nos, quæsumus Domine, gra-  
tia semper, & præueniat, & sequatur: ac bonis ope-  
ribus iugiter præstet esse intentos. Dom. 17. orat. 1.  
Da populo tuo diabolica vitare contagia; & te solum  
Deum pura mente sectari. Fer. 4. quatuor Temp.  
Septembr. orat. 1. Misericordiæ tuæ remedijs, quæsu-  
mus Domine, fragilitas nostra subsistat: & quæ suæ  
conditione atteritur, tua clementia reparetur. Orat.  
ult. Deprecamur: ut quæ sedula seruitute donante te  
gerimus, dignis sensibus tuo munere capiamus. In  
Sabbato 4. Temp. orat. post 2. proph. Ut salutis  
æternæ remedia, quæ te inspirante requirimus, te lar-  
gente consequamur. Dom. 18. orat. 1. Dirigat cor-  
da nostra, tuæ miserationis operatio, quia tibi sine te  
placere non possumus. Orat. ult. tuam misericordiam  
deprecantes; ut dignos nos eius participatione perfici-  
as. Dom. 19. orat. ult. Tua medicinalis operatio  
&c. & tuis semper faciat inhaerere mandatis. Dom.  
20. orat. ult. Fac nos quæsumus tuis semper obedire  
mandatis. Dom. 23. orat. secreta. Ut quod inmeritis  
contulisti, propitius exequaris. Dom. 24. orat. secreta.

Om-

*Omniū nostrum ad te corda conuerte, vt à terrenis cupiditatibus liberati, ad celestia desideria transeamus. In festo SS. Trinit. orat. secr. & per eam oblationem, nosmetipsos tibi perfice munus acceptum. In missa de Spiritu Sancto orat. 1. Da nobis in eodem spiritu recta sapere, &c. In Missa Sanctiss. Corp. Christi orat. 1. tribue quæsumus ita nos corporis, & sanguinis tui sacra mysteria venerari, vt, &c.*

v94. Igitur cum Ecclesia precetur Deum, vt tale auxilium, talem opem, talem gratiam nobis concedat, qua faciamus, seu quæ operetur, vt faciamus, seu faciat nos facere ea, quæ Deus præcipit, & quæ sunt nobis necessaria, seu remedia ad salutem, vel quæ sunt ei placita, iuxta varias formulas supra relatas, concludendum est, hanc gratiam esse nobis necessariam, vt ea opera faciamus; quæ conclusio mihi videtur euidens: & ingenuè fateor, quòd egomet, dum licet indignè pro me, & pro alijs, tam amicis, quam inimicis (si qui sunt) & pro infidelibus ad conuertendum precor, ab Ecclesiæ praxi, & Augustini documento instructus, sic explicitè precor. *Domine, concede mihi, aut illis gratiam, quæ faciat me, & eos facere, quæ præcipisti, & quæ tibi placita sunt.* Sic pariter orabat S. Augustinus, vt ipsemet testatur in lib. 10. Confess. cap. 29. *da Domine quod iubes, & iube, quod vis: & in Denteron. cap. 53. ait: Deus facit, quod iubet, vt fiat: ergo ista gratia est necessaria, quæ facit exequi, seu facere opus. Quomodo autem moueat liberum arbitrium, vt simul cum ea faciat, dicam postea.*

295. Prob. 3. rationibus adductis in cap. 6. & 7. quæ iterum recolere non erit inutile; agitur enim de toto asse, nempe de medijs ad salutem, necessarijs, vt puta de obseruantia præceptorum,

Conclusio  
euidens est

Authoris  
modus orandi.

S. Aug. modus orandi

Rationes  
alias ab  
Auctore  
allatæ :  
sed neces-  
sarię .

Ex S. Scrip.

S. August.

Quomodo  
voluntas  
trahitur a  
Deo .

& consiliorum, ac de exercitio virtutum, sicut oportet ; Ioann. 6. Saluator ait : *Nemo potest venire ad me, nisi Pater meus, qui misit me traxerit eum.* Accessio ergo ad Christum per fidem, spem, & charitatem, est opus Dei trahentis, idest, facientis, ut homo accedat per eos actus ad Christum. Glos. ord. ait. *Tractio hæc non est violenta, aut necessitatis, nec inuiti; sed voluptatis, & desiderij, unde dicitur, trahit sua quemque voluptas, &c.* Lyr. inquit. *Nihil potest ascendere ad id, quod est supra naturam suam, nisi ab alio trahatur. Sicut lapis non potest sursum ascendere, nisi per motum alterius: fides autem formata charitate est supranaturam; ideo ad eam nemo potest venire, nisi à Deo trahatur.*

296. S. August. ut retuli in cap. 7. tract. 26. in Ioan. de hac tractione, seu gratia trahente, mirabilia multa dicit: Aliqua referam. *Nemo venit, nisi Pater traxerit eum. Magna gratia commendatio; nemo venit, nisi tractus; &c.* ut ibi. *Quid hic dicimus fratres, si trahimur ad Christum; ergo inuiti trahimur? Ergo inuiti credimus? ergo violentia adhibetur? non voluntas excitatur? Credere non potest nisi volens. Noli cogitare te inuitum trahi; trahitur animus, & amore. Forsitan in hoc euangelico verbo reprehendamus, & dicatur nobis, quomodo voluntate credo, si trahor? Ego dico, parum est voluntate, etiam voluptate traheris. Quid est trahi voluptate? delectare in Domino, & dabit tibi petitiones cordis tui: & post alia multa, ut in cap. 7. prosequitur. *Ramum viridem ostendis oui, & trahis illam. Noces puero demonstrantur, & trahitur: & quod currit, trahitur, amando trahitur, sine lesione corporis trahitur. Si ergo hæc, quæ inter delicias, & voluptates terrenas reuelantur amantibus, trahunt, trahit reuelatus Christus à Patre. Quid enim fortius desi-**



*desiderat anima, quàm veritatem? ergo ista gratia, quæ suauiter animam trahit ad credendum, est homini necessaria, vt & possit operari bona opera, & actu operetur; alioquin à passionibus internis, & externis, curisque mundi, atque concupiscentijs distractus, & illectus, etiam illuminatus, ac inspiratus, numquam operaretur.*

297. Prob. 4. ex Rom. 8. 14. *Quicumque spiritu Dei aguntur, ij sunt filij Dei;* ergo gratia ista est necessaria, vt simus filij Dei, nempe, quæ agat nos, faciatque nos bona opera, sicut oportet, facere. *Glos. ord. aguntur, dicit, Plus est agi, quasi vix aliquid agentem, quàm regi, quasi aliquid agentem, qui ideò regitur, vt rectè agat. Sed aguntur, non quod per se nihil, sed quod vix, vt aliquid agant, impetu gratiæ impelluntur.* Hac ergo gratia indigemus ad actu operandum, vt simus filij Dei. S. August. expendens hunc locum in ser. 13. de Verb. Apost. inquit. *Dicet mihi aliquis, ergo agimur, non agimus. Respondeo, immò agis, & ageris: & tunc benè agis, si à bono ageris; spiritus enim adiunat infirmitatem nostram: & in lib. de Corrept. & Gratia cap. 2. ait. Intelligent filij sunt, se spiritu Dei agi, vt quod agendum est, agant; & cum egerint illi, à quo aguntur gratias agant: aguntur enim, vt agant; non quod ipsi nihil agant; & ad hoc eis ostenditur, quid agere debeant, vt quando agunt, sicut agendum est, cum dilectione, & delectatione iustitiæ suauitatem, quam dedit Dominus, vt terra eorum daret fructum suum, accepisse gaudeant, & in tract. de Pugna animæ dicit. Quotquot spiritu Dei aguntur, hi sunt filij Dei; non sunt filij Dei, si non aguntur spiritu Dei. Pugnent, quia magnum adiutorem habent, & cetera multa, vt in cap. 7.*

Ex epist. ad  
Rom.

S. August.

298. Prob. 5. alio Pauli loco, & fortiori pro  
gra-

Ex Philip.  
epist.

gratiæ potentia , & efficacia erga voluntatem ad opus bonum , sicut oportet , Philipp. 3. *Deus est enim qui operatur in vobis velle , & perficere pro bona voluntate . Magni ponderis locus iste est . Interl. operatur , ait, bonum, Glos. ord. Deus operatur , inquit , nos volumus ; sed Deus operatur in nobis, velle , & operari . Hoc enim nobis , & credere , & dicere expedit , quia pium est , & verum ; vt sic sit humilis confessio , & totum Deo detur . Per proprium enim arbitrium, nisi gratia illud adiuuet, nec ipsa bona in homine voluntas esse potest .*

S. August.

299. S. August. in lib. de Gratia , & lib. arb. cap. 9. considerans hæc , & antecedentia Apostoli verba , *Cam timore , & tremore vestram salutem operamini ; Deus enim est, qui operatur in vobis velle, & operari, dicit . Quando iubetur, operentur, liberum eorum conuenitur arbitrium ; sed idèd cum timore , & tremore , ne sibi tribuendo , quod bonum operantur, de bonis, tamquam suis extollantur. Tamquam ergo Apostolus interrogaretur, & diceretur ei, quare dixisti cum timore , & tremore de horum verborum rationem reddit, dicens, Deus est enim, qui operatur in vobis : si enim timetis , tremitis , non extollimini, tamquam de vestris operibus bonis, quia Deus est, qui operatur in vobis . Idem confirmat, lib. de spir. & lit. cap. 2. initio & cap. 33. initio : de Ciuit. lib. 22. cap. 1. de Gratia Christi cap. 4. 5. 10. & 25. In quæstionibus super Exodum lib. 2. quæst. 167. Item in lib. cont. duas epist. Pelagianorum lib. 1. cap. 10. & 19. lib. 2. cap. 8. In Enchir. cap. 32. in lib. de Prædest. & Grat. cap. 11. in lib. de Bono Perseu. cap. 13. In his ergo , & in alijs pluribus locis S. Doctor eodem modo declarat dictum Pauli locum , in quibus omnibus exaltat gratiæ efficaciam ; per quam Deus dicitur operari bonum, idest, facit,*

Pluries  
August.

cit, vt per eam humana voluntas operetur; hæc ergo gratia, quæ facit nos facere bonum, est desideranda, & semper à Deo petenda: hæc dicenda est necessaria ad exequendum bonum, non alia, quæ non perducit ad executionem.

Et quia quo ad me de summa rei huius nunc agitur, non grauabor iterum referre, quæ in sæpè cit. cap. 7. ex S. August. retuli de gratiæ efficacia circa opus bonum, circa perseverantiam in eo, fugam peccati, & resistantiam ad tentationes; Deus enim, ait S. Doctor, facit, vt faciamus, perseveremus, fugiamus, & resistamus, quæ meo videri clarissima sunt in epist. 107. quæ est ad Vitalem, dicit, *Deus gratia præuenit hominis voluntatem, nec eam in cuiusquam voluntate inuenit, sed facit, & vocatione alta, atque secreta, sic agit hominis sensum, vt legi, ac doctrinæ accomodet assensum.* In lib. 4. ad Bonif. cap. 6. ait. *Ita ne nondum euigilatis, nondum auditis, faciam, vt ambuletis, faciam, vt obseruetis; postremò faciam, vt faciatis. Quid adhuc vos inflatis & nos quidem ambulamus verum est; nos obseruamus, nos facimus; sed ille facit, vt ambulemus, vt faciamus.* In lib. de Gratia, & lib. arb. cap. 16. inquit. *Certum est nos velle, cum volumus, sed ille facit, vt velimus bonum. Certum est nos facere, cum facimus; sed ille facit, vt faciamus, præbendo vires efficacissimas voluntati, qui dicit, faciam, vt in iustificationibus meis ambuletis, & iudicia mea obseruetis, & faciatis.* In cap. 17. dicit, *ipse, vt velimus operatur incipiens, qui volentibus cooperatur perficiens.* In lib. de Corr. & Gratia, cap. 12. dicit, *Tantum quippè Spiritu Sancto accenditur voluntas eorum, vt ideò possunt, quia sic volunt; ideò sic volunt, quia Deus operatur, vt velint.* In epist. citata 107. expendens locum illum psal. 36

Alia multa  
S. August.  
loca de gra-  
tiæ effica-  
cia.

Ex locis S.  
Script.

Apud Dominum gressus hominis diriguntur, & viam eius vult, dicit, à Domino gressus hominis diriguntur, vt intelligeremus ipsam voluntatem bonam, qua incipimus velle credere (quoniam Dei via quid est, nisi fides recta) illius esse donum, qui gressus nostros propterea dirigit primum, vt velimus: In lib. de Gratia & lib. arb. cap. 5. ait. Nisi donum Dei esset, etiam ipsa nostra ad Deum conuersio, non ei diceretur, Deus virtutum conuerte nos; & in Capite antecedenti dixerat. Contine te ipsum; & tamen non omnes capiunt verbum hoc, sed quibus datum est; quibus enim non est datum, aut nolunt, aut non implent, quod nolunt. Quibus autem datum, sic volunt, vt impleant, quod nolunt. Item in eodem Capite ait: Cum voluntas hominis conuertitur, & ei dicitur, noli vinci à malo, quid ei prodest, nisi gratia succurrente fiat? Quod ipse Apostolus secutus adiunxit. Nam cum dixisset, virtus peccati lex, continuò subiecit; Gratiâ autem Deo, qui dat nobis victoriam per Dominum nostrum Iesum Christum: Ergo, & victoria, qua peccatum vincitur, nihil aliud est, quàm Domini Dei iusto certamine adiuvantis liberum arbitrium: In epist. 105. dicit, Vita æterna, etiam ipsa gratia nuncupatur, non ob aliud, nisi quia gratia datur, non idèò, quia meritis non datur; sed quia data sunt ipsa merita, quibus datur: intelligendum est igitur etiam ipsa hominis bona merita esse Dei munera, quibus, cum vita æterna redditur, quid nisi gratia pro gratia redditur? & proindè in lib. 14. de Trin. cap. 10. de hac gratia pro gratia explicans illud Psalmi, Dedit dona hominibus, ait, dona sunt merita nostra, quibus ad summum bonum immortalitatis, & beatitudinis pervenimus: id ergo præstat nobis gratia, seu Deus per gratiam, facit, inquam, vt per eam nos, quibus conceditur, in executione ponamus,

seu

S. August.  
doctrina  
clara super  
ijs scrip-  
turis.

Cur vita  
æterna di-  
citur gra-  
tia.

seu faciamus opera bona conducētia ad salutem; quæ quidem, sine gratia numquam, nec faceremus, nec facere possemus. Hac ergo gratia indigemus, ut ea faciamus, alioquin, ait Augustinus, numquam faceremus.

300. Postremum argumentum, quod in *cap. 7.* adduxi ex S. Augustino de virtute, potentia, & efficacia gratiæ liberi arbitrij in ordine ad bona opera, deductum ex similitudine sessoris ad iumentum, quo ipse S. Doctor utitur in *Hippognosticon. lib. 3.* inquit, quod sicut sessor equi v.g. dirigit, ac regulat equum, quò, quando, & quomodo vult, & equus paret sessori, magni momenti est pro præsentī negotio. Legi potest in dicto Capite septimo; & iterum fortè referam in sequenti Capite: ista ergo gratia, quæ agat, regat, ac dirigat voluntatem, ex se ratione sensuum, inclinatham ad malum, ut ab eo declinet, ac faciat bonum, necessaria nobis est.

301. Totum, quod hucusque dictum est, confirmari potest hoc argumento, meo videri, valido. Ad benè operandum, *sicut oportet*, est necessaria gratia: hæc propositio est de fide, ut in suo loco probatum est. Tunc sic: vel gratia hæc necessaria, est similis illi, quam habuit Adam innocens, & velut indifferens, & subdita voluntati, ut si velit ea utatur, & bonum faciat, ac malum fugiat; & si nolit ea uti, bonum non faciat, nec malum fugiat: vel est illa, quæ sic delectat, afficitque voluntatem tali suavitare, ut faciat eam facere bonum per fidem cognitum, & inspiratum. Non videtur dici posse primum: igitur dicendum est secundum. Maior est à sufficienti diuisione; non enim datur medium, nec video medium aliquod à Catholicis Theologis defendi. Min. prob.

Similitudo  
sessoris ad  
equum.

Argum. à  
sufficienti  
diuisione  
concludēs.

primò, manifesta S. Augustini Doctrina, vt in prima conclusione . 2. *Ex Concil. Araus.* 2. subscribente illa 25. decreta de gratia sibi præmissa à Romano Pontifice, vt idem Concilium testatur in cap. 1. Patet autem in cap. 6. hanc sententiam, seu hunc dicendi modum rejicere: sic enim habet. *Si quis sine gratia Dei credentibus, volentibus, desiderantibus, conantibus, laborantibus, vigilantibus, studentibus, petentibus, quærentibus, pulsantibus nobis, misericordiam dicit conferri; non autem diuinitus, vt credamus, velimus, vel hæc omnia, sicut oportet, agere valeamus, per infusionem, & inspirationem Sancti Spiritus in nobis fieri confitetur, aut humilitati, aut obedientiæ humanæ subiungit (aliàs subigit) gratiæ adiutorium; nec vt obediens, & humillimus ipsius gratiæ donum esse consentit; resistit Apostolo dicenti 1. Cor. 4. Quid habes, quod non accepisti? & gratia Dei sum id, quod sum: & sic voluntas subiicitur gratiæ, non gratia voluntati. 3. ex doctrina, ac factis ipsius Apostoli à Deo electi ad docendum vniuersum Mundum; quem quidem a Deo protectum, & diuinæ gratiæ auxilijs sussultum, fuisse, nemo inficiabitur: & tamen confitetur, se imparem, ac impotentem ad resistendum legi membrorum, idest, concupiscentijs, à quibusangebatur, ita quòd non faceret bonum, quod vellet, sed malum, quod nollet: verùm à gratia obtineret liberationem ab eiusmodi miseria, & sic bonum faceret. Verba illius hæc sunt ad Rom. 7. 18. Scio enim, quia non habitat in me, hoc est in carne mea, bonum. Nam velle adiacet mihi, perficere autem bonum non inuenio. Non enim, quod volo bonum, hoc facio, sed quod nolo malum, hoc ago. Si autem quod nolo illud facio; iam non ego operor illud, sed quod habitat in me peccatum. Inuenio igitur legem,*

Ex Concil.  
Araus. 2.

Ex dictis;  
& factis  
Pauli arg.



gem, volenti mihi facere bonum, quoniam mihi malum adiacet. Condelector enim legi Dei secundum interiorem hominem. Video autem aliam legem in membris meis repugnantem legi mentis meae, & captivantem me in lege peccati, quae est in membris meis. Infelix ego homo, quis me liberabit de corpore mortis huius? Gratia Dei per Iesum Christum Dominum nostrum. Igitur ego ipse mente servo legi Dei; carne autem legi peccati. Conficitur ergo, quod bonum legis cognoscebat, & volebat facere. Hec est gratia praeueniens, quae illuminat ad cognoscendum bonum, & inspirat ad volendum. At dicit, quod perficere non habebat propter repugnantiam legis membrorum, id est, concupiscentiae. At non dicit se liberare ab hac difficultate per suam voluntatem utentem illis auxilijs illuminationis, & inspirationis; sed à gratia Dei per Christum, id est, à gratia efficaci superante difficultatem, & operante in voluntate, & cooperante cum illa, ut bonum faceret.

302. Confirmatur ex alijs factis, & confessionibus ipsiusmet Pauli, nam 1. Cor. 15. 9. de se ait. Persecutus sum Ecclesiam Dei. Gratia autem Dei sum id, quod sum. 2. ad Gal. 1. 13. Supra modum persequabar Ecclesiam Dei, & expugnabam illam, &c. Cum autem placuit ei, qui me segregavit ex utero matris meae, & vocavit me per gratiam, ut reuelaret filium suum in me, &c. Interl. vocavit, inquit, de mala via ad bonam: qualis autem fuerit vocatio Pauli, quantaeque efficaciae, iam notum est. De gratia resistendi temptationibus sibi occurrentibus, loquitur in secunda ad Cor. 12. 7. Ne magnitudo revelationum extollat me, datus est mihi stimulus carnis meae, Angelus Sathanae, qui me colaphizet. Propter quod ter Dominum rogaui, ut

Confessio  
Pauli super  
haec re.

Repugnā-  
tia facien-  
di opus ho-  
minis.

Arg. ex fa-  
ctis, & con-  
fessionibus  
eiusdem  
Apostoli.

De gratia  
vocationis.

Et de gra-  
tia resiten-  
di concu-  
piscen-  
tiæ.

Conclusio  
evidens.

Liberrimum  
arbitrium,  
unde dictum.

460 DE GRATIIS ACTUALIBVS, &c.  
*discederet à me; & dixit mihi, sufficit tibi gratia mea; nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi.* Sciebat Paulus, Deum dare homini vires ad resistendum tentationibus: cur ergo illis non utebatur, sed petebat maiores vires? Dicendum, quod petebat gratiam potentiorē, quę daret resistentiam; de qua fuit à Deo redditus certus, & securus, per ea verba, *sufficit tibi gratia mea*, illa scilicet, quę facit te superiorem tentationi: de qua certificatus, amplius non timet, sed ait: *libenter igitur gloriabor in infirmitatibus meis, ut inhabitet in me virtus Christi*, idest gratia illa, quę facit me superare tentationes.

Cum igitur gratia illa, quę asseritur indifferens, & dimissa voluntati, ut ea utatur, si velit, non facit facere opus bonum; quia nec in Adamo sano, & sancto id fecit; non ista, sed alia potentior, & efficax, illa scilicet S. Augustini, dicenda est ad faciendum opus bonum, *sicut oportet*, necessaria.

## C A P V T XIV.

*An Gratia ista faciens facere, præiudicet libero arbitrio.*

303. **A**Du. 1. & suppono idem esse liberum arbitrium humanum, ac humanam voluntatem liberam: notat autem S. Augustinus in lib. 3. Hippognosticon, dici *arbitrium*, ab *arbitrando* rationali consideratione; vel discernendo quid eligat, quidue recuset; & liberum, quia in sua positum est potestate, ut faciat, quod vult. Quod verò in homine in statu naturæ lapsę ad sit volun-

voluntas cum hac libertate, seu liberum arbitrium licet debilitatum, seu attenuatum, mox probabitur.

304. Adu. 2. & suppono cum eodem S. Doctore in *lib. de Corrupt. & Gratia cap. 13.* & alibi sæpè, quòd libertas hominis, quædam est à seruitute peccati; quædam est naturalis: de prima dicit Saluator Ioan. 8. 14. *Qui facit peccatum seruus est peccati*; & ideò, qui sine peccato reperitur, liber est iustitiæ: naturalis verò libertas est illa, qua potest homo facere, quod vult, siue bonum, siue malum, siue hoc, vel illud bonum, vel malum: de qua libertate dixit Deus ad Cain Gen. 4. 7. *Nonne si bene egeris recipies; sin autem malè, statim in foribus peccatum aderit. Sed sub te erit appetitus eius, & tu dominaberis illius*; & de qua Ecclesiastici 15. 14. dicitur. *Deus ab initio constituit hominem, & reliquit eum in manu consilij sui. Adiecit mandata, & præcepta sua. Si volueris mandata seruare, seruabunt te, & in perpetuum fidem placitam facere. Apposuit tibi aquam, & ignem, ad quod volueris porrige manum tuam; ante hominem vita, & mors, bonum, & malum, quod placuerit dabitur illi.* De hac libertate querimus, an lèdatur per gratiam inducentem liberam voluntatem ad faciendum bonum, ac ad vitandum malum, & facientem eam facere, seu exequi, sicut hucusque cum S. Augustino dictum est.

305. Adu. 3. & suppono cum Fide Catholica contra Lutherum, & Caluinum, liberum hominis arbitrium non esse titulum sine re, nec, quod ipsi phanaticè dicebant, fuisse extinctum in Adamo: sed esse veram, ac realem rem in homine existentem, potestatem scilicet faciendi hoc, vel illud bonum, vel malum: quæ quidem veritas non

Libertas  
duplex,  
quædam à  
seruitute,  
quædam na-  
turalis.

De secun-  
da est nunc  
questio.

Liberrimum  
arbitrium  
reperitur  
in homine.

In Concil.  
Trid. & an-  
te decem  
secula fuit  
definitum,  
iamdò in  
principio  
Ecclesiæ.

Per Adæ  
peccatum  
fuit debi-  
litarum.

462 DE GRATIIS ACTUALIBVS, &c.  
non est nouiter tradita, aut in solo Concilio Tri-  
dentino (quod sufficeret) declarata, nempe in  
*sess. 6. can. 5. & 6.* in quorum primo damnatur,  
vt hæresis, dicere, quòd per Adæ peccatum fuerit  
extinctum; & in 2. damnatur pariter, vt hæresis,  
dicere, quòd non sit in potestate hominis facere  
vias suas bonas; vel malas: sed veritas existen-  
tiæ liberi arbitrij in homine est antiqua, & perpe-  
tua in Ecclesia, nec vmquam interrupta eius no-  
titia. Nam ante Concilium Tridentinum defi-  
niuerat Leo X. *Constit. 40. Exurge, &c.* & Con-  
cil. Senonense; in sexto Ecclesiæ sæculo fuerat  
definitum à *Concil. Araus. 2. cap. 13.* iuxta præfi-  
nitionem *Falicii 4.* qui ad Concilium illud (vt hoc  
initio fatetur) Capitula illa vigintiquinque trans-  
miserat subscribenda. In sæculo præcedenti anno  
scilicet 415. fuerat decisum in Concilio Diospo-  
litano. Ante omnia hæc tempora id definierat  
Clemens I. *in epist. 3.* & S. August. liberi arbitrij  
existentiam in homine neruose probat; primò in  
tribus libris de libero arbitrio continentibus ca-  
pita 61. Secundò in *libro de Gratia, & libero ar-  
bitrio* continente capita 24. Tertiò in *libro de Na-  
tura, & Gratia* continente capita 70. & in multis  
alijs libris, vt de *Prædestinatione Sanctorum, de  
Corrupt. & Gratia, & alibi sparsim.*

306. Verùm est, quòd tam S. Augustinus,  
quàm præfata Concilia docuerunt, quòd per A-  
dæ peccatum liberum arbitrium humanum circa  
malum remanserit quidem vigorosum, sicut  
priùs: at circa bonum remanserit debilitatum:  
& Concil. Araus. 2. dicit *Attenuatum*, quo voca-  
bulo Concilium Tridentinum vsum est in *sess. 6.  
cap. 1.* dicens remansisse *attenuatum, & inclinatum.*  
Proindèque docent indigere gratia, seu diuino  
auxi-

auxilio, vt subleuetur, & fortificetur ad superandas passiones concupiscentiæ, & irascibilis, & bonum opus efficiat; quod de fide esse docuimus in c. 9. Ex hac ergo necessitate gratiæ ad operandum bonum, cum dixerimus, authore S. Augustino, quod gratia ista debet esse talis naturæ, vt trahat liberum arbitrium ad faciendum bonum, & faciat facere bonum; oritur præsens quæstio, an per hanc tractionem, liberum arbitrium ledatur, idest necessitetur, vel aliquid de sua libertate, deperdat.

307. Adu. 4. ex Doctore Gratiæ S. August. in libro de Gratia, & libero arbitrio cap. 1. quod non ita defendendum est liberum arbitrium in ordine ad bonum, vt negetur gratia, vt fecit Pelagius, quasi ad Deum sine ea vocemur, vel à malis meritis sine ea liberemur, vel sine eadem bona merita comparemus, quibus ad vitam æternam perueniamus. Neque ita defendenda est gratia, vt negetur liberum arbitrium, sicut Calvinus, & sicut Monachi Adrumetini olim putabant, quasi defendentes alterutrum negarent alterum; sed vtrumque conciliari debet. Quæ de re illum librum composuit, vt ostenderet, ad opus bonum gratiam, & liberum arbitrium, nedum non læsæ, sed instaurata libertate, concurrere.

308. Dico 1. Gratia efficax, seu faciens facere opus bonum (quam docet S. Augustinus, vt hucusque dictum est) non infert libero arbitrio violentiam, seu coactionem: est de fide.

309. Prob. 1. pars generali principio S. Augustini de Ciuit. lib. 7. cap. 30. dicentis, *Res, quas Deus condidit sic gubernat, ac regit, vt motus suos agere sinat*. Ergo finit liberum arbitrium in quocumque statu, præfertim eleuationis ad superna-

Non ita de  
fendenda  
gratia, vt  
negetur li-  
berum ar-  
bitrium,  
nec è con-  
tra.

Gratia effi-  
cax S. Aug.  
non lædit  
liberum  
arbitrium.

464 DE GRATIIS ACTVALIBVS, &c.  
turalia, agere liberè, ac spontaneè sine vlla violentia, aut coactione. 2. ex alio principio eiusdem S. Doctoris, *aut voluntas non est, aut libera dicenda est*. Dum autem in operatione boni cum auxilio gratiæ efficacis elicit actum, voluntas est; ergo libera est.

Quod non  
inferat vio-  
lentiam.

310. Prob. 2. Si coactionem, aut violentiam inferret libero arbitrio gratia hæc efficax, opus bonum ex coacta, ac violentata voluntate emanans esset violentum. Sed hoc est falsum; primò quia ex Philosopho, *Violentum est illud, cuius principium est extra non conferente vim passo*, idest, non conferente inclinationem. Sed opus bonum elicitum à voluntate prædita, & adiuta gratiæ, non est à principio extra, sed à principio interno; & passum, idest, voluntas, in qua reciperetur opus bonum, quod est immanens, inclinata est ad illud recipiendum, & multum in eo delectatur, & gustat eius dulcedinem; *Gustate*, inquit David, *& videte, quoniam suavis est Dominus*. 2. quia Deus exigit tunc actum voluntatis, nam Prou. 23. 26. dicit, *Fili prabe mihi cor tuum*, & in utroque Testamento præcipit, *Diliges Dominum Deum tuum ex toto corde tuo, ita & proximum tuum, sicut teipsum*; & alia mandata, quæ opera per gratiam fiunt: igitur non violentat per gratiam. 3. Quia sequitur, quòd perseverans in bono, seu iustitia ex Dei dono esset in statu violento; idemque sequeretur de confirmatis in gratia: hi enim omnes ex gratiæ dono id haberent; quæ maxima absurda sunt, immò veriùs fatuitates dementium.

Ex S. Scrip.

Ex Glos.  
probatur.

311. Confirmari potest ex Glos. ord. in cap. 6. Ioann. in locum illum, *Nemo venit ad me, nisi Pater meus, qui misit me traxerit eum: verbo tra-*  
*xerit*



xerit, ait. *Traſtio hæc non eſt violentiæ, nec neceſſitatis, nec inuiti: ſed eſt voluntatis, & deſiderij, unde dicitur trahit ſua quemque voluptas: & ſequitur. Si ergo in his, in quibus non eſt vera dilectio trahitur homo amore, & deſiderio, quânto magis trahitur aliquis vehementi delectatione, cui Pater reuelat panem, qui eſt vita, & beatitudo, & omne bonum: in quo commendatur magna gratia: Hæc Gloſ. Commentarium S. Auguſtini ſuper hunc locum, aliàs à me adductum, iterum infra adducam loquens de modo, quo gratia facit, vt voluntas faciat bonum: neque de hoc eſt difficultas, ſi Caluinum excipias, qui blaſphemauit, Deum vim inferre homini, vt peccet; at hoc non dicit de opere bono, ſed ſolùm, quòd gratia neceſſitatem infert voluntati, vt operetur bonum. Contra quem*

312. Dico 2. Gratia efficax, quæ ſcilicet ſecundùm Auguſtinum facit infallibiliter facere opus bonum, non infert neceſſitatem phificam, ſeu naturalem voluntati, nec lædit eius libertatem: eſt de fide.

313. Prob. 1. argumento, quo vtitur S. Auguſt. in lib. de Gratia, & libero arbitrio cap. 2. in quo demonſtrat in homine adimpleturo præcepta (quod ex ipſo, & ex fide fit per gratiam) ad eſſe liberum arbitrium, & per illud impleri; hoc enim ab homine exigit Deus, vt velit implere: & loca plura ex S. Scriptura adducit. Eccleſiaſtici 15. dicitur. *Deus ab initio fecit hominem, & reliquit eum in manu conſilij ſui. Si volueris conſeruabis mandata, & fidem placitam ſeruare. Apponet tibi ignem, & aquam; ad quodcumque volueris extendere manum tuam. In conſpectu hominis vita, & mors, & quodcumque placuerit, dabitur ei: Ecce* ait Auguſtinus, *apertiſſimè videmus expreſſum libe-*

Calvinus  
impiè lo-  
quens.

Gratia ef-  
ficax non  
infert ne-  
ceſſitatem.

Libere ho-  
mo implet  
præcepta.

Ex Sacra-  
Scriptura.

Ex Augusti-  
multa Scri-  
pturę loca  
indicantia  
libertatem

Conclusio  
clara de li-  
bertate vo-  
luntatis.

466 DE GRATIIS ACTUALIBVS, &c.  
rum humane voluntatis arbitrium. Quid beatus il-  
le de quo psalmus dicit, quod in lege Domini fuit vo-  
luntas eius? Nonne satis indicat voluntate sua ho-  
minem in lege Dei consistere? Deinde tam multa man-  
data, quę ipsam quodammodò nominatim conueniunt  
voluntatem, sicut est. Noli vinci à malo. Noli  
te fieri sicut equus, & mulus, in quibus non est in-  
tellectus. Noli repellere consilia matris tuę. No-  
li esse sapiens apud te ipsum. Noli deficere à di-  
sciplina Domini. Noli negligere legem. Noli ab-  
stinere benefacere egenti. Noli fabricare in amicum  
tuum mala. Noluit intelligere, vt bene ageret: &  
innumerabilia alia in veteribus libris diuinorum elo-  
quiorum, quid ostendunt nisi liberum arbitrium vo-  
luntatis humanę? In libris etiam nouis Euangelicis,  
& Apostolicis, quid aliud ostenditur, vbi dicitur,  
Nolite vobis condere Thesavros in terra; nolite time-  
re eos, qui occidunt corpus; Qui vult venire post me  
abneget semetipsum: & pax in terra hominibus bonę  
voluntatis. Et refert alia plura ex Epistolis Pau-  
li, Iacobi, & Ioannis: & concludit. Vbi dicitur  
noli hoc, & noli illud; & vbi aliquid faciendum,  
vel non faciendum in diuinis monitis, opus volunta-  
tis exigitur, satis liberum demonstratur arbitriū. Nemo  
ergo Deum iudicet in corde suo, sed sibi imputet quis-  
que, cum peccat. Neque cum aliquid secundum  
Deum operatur, alienet hoc à propria voluntate,  
Quando enim volens facit; tunc dicendum est opus  
bonum; tunc speranda est merces boni operis ab eo, à  
quo dictum est, reddet vnicuique secundum opera sua.  
Cum ergo ista opera fieri nequeant sine diuina  
gratia, quę facit ea facere; & tamen voluntas li-  
berè ea facit; manifestè sequitur, quod à gratia  
non necessitatur, sed liberè, ac voluntariè fa-  
ciat.

Con-

314. Confirmatur ex eodem S. August. *lib. 3. de libero arbitrio cap. 4.* ubi in Dialogo cum Euodio de libertate humana absque necessitate operante, non obstante, quòd Deus, & præsciat actus liberos ab ea fiendos, & actnali cum ea concursu adsit quando eos elicit; concludit S. Doctor, quòd semper libera est; & si necessariò operaretur, nec libera, nec voluntas esset; ergo per gratiam non necessitatur.

315. Prob. 2. ex multis S. August. dictis super hoc puncto, quòd scilicet voluntas per gratiam, quam ipse docet ex se efficacem, non patiatur necessitatem: ex libro de spiritu, & litera cap. 30. *liberum arbitrium per gratiam non euacuatur, sed statuitur, & sanatur; ut per eam liberè diligit bonum; quia ubi spiritus, ibi libertas:* in lib. 2. contra epist. Petil. cap. 84. *liberum arbitrium non læditur per hoc, quod Deus per gratiam trahit homines ad filium:* In lib. 2. de pecc. mer. & remis. cap. 5. *liberum arbitrium cum gratia spontè concurrat ad opus bonum.* In lib. de Gratia, & lib. arb. cap. 20. *Per gratiam liberum arbitrium non tollitur; sed de malo mutatur in bonum.* In lib. 1. contra duas Epist. Pelagianorum cap. 19. *Gratia trahit ad Christum, & in cap. 20. Gratia convertit cor efficacissimè, & non læditur liberum arbitrium.* In lib. 2. cap. 8. *Gratia facit, ut homo non sit inuitus, nec repugnans legi, & tamen arbitrium non læditur.* De Nuptijs, & concupiscentia lib. 1. cap. 30. *Gratia facit, ut homo condelectetur legi Dei secundum interiorem hominem:* lib. de Spirit. & lit. cap. 34. *Deus operatur in nobis ipsum velle bonum, sed consentire, voluntatis est.* At in cap. 3. dixerat, quod hoc modo Deus per gratiam iuuat liberum arbitrium, & cum eo concurrat. Accipit homo Spiritum Sanctum, quo fit in

Præscien-  
tia Dei non  
officit libe-  
arb.

Ex August.  
locis.

Multa S.  
Augustini  
loca.

eo delectatio, dilectioque summi, & incommutabilis boni; & sic inardeat inherere Creatori, & inflammetur accedere ad participationem veri luminis: & nisi delectet non agitur, non suscipitur, non bene vivitur. Lib. 2. de pecc. mer. & remis. cap. 18. ait. Gratie non ita sunt omnia tribuenda, ut auferatur liberum arbitrium, nec libero arbitrio sine gratia sunt omnia tribuenda, ne ingrati videamur: & in cap. 5. dixerat, Deum per gratiam concurrere cum voluntate ad bonum, sponte concurrente efficacia voluntatis. In lib. de spir. & lit. cap. 35. Gratia sanat liberum arbitrium, itaut cognoscat bonum, & delectet. Lib. 2. cont. duas epist. Pelag. cap. 18. Deus per gratiam facit, ut homo faciat; & preparatur voluntas à Domino. Lib. de Grat. & lib. arb. cap. 14. liberum arbitrium pulsatur à gratia, ut velit consentire, & Deus aufert cor lapideum, & dat cor carneum. In cap. 15. ait. Deus precipit, ut serventur mandata, & fiant bona opera, & ipse dat gratiam, ut fieri possint, & tunc habet homo tantam voluntatem, quanta ei sufficit, ut impleat: & in cap. 16. dicit. Dat vires efficacissimas, ut impleat, quod multis Scripturę locis probat: in cap. 17. ait. Ut velimus, Deus sine nobis operatur. Cum autem volumus, & sic volumus, ut faciamus, nobiscum cooperatur.

315. Prob. ulterius. Tota ratio, cui innititur Calvinus, cur gratia ista faciens facere bonum, seu efficax S. Augustini videtur imponere necessitatem voluntati, est, quia sistit eam, ut non possit actum oppositum malum facere, & sic remanet determinata ad unum, quod est proprium agentis necessario. Sed hæc ratio ex pluribus capitibus ruit, & nulla est; ergo. Min. prob. primò ex S. August. lib. 22. de Ciuit. cap. 30. in Beat. erit liberum arbitrium, licet peccare non possint:

im-

Aperta loca, quod per gratiam non ledatur liberum arbitrium.

Argum. à sufficienti.

*immò erit magis liberum per hoc, quod peccare non possunt. Immò, in Deo etiam est, ait, liberum arbitrium, licet peccare non possit. Numquid perfectionem aliquam importat posse peccare? absit; immò maximam imperfectionem. Ideò, quamvis Saluator omnes humanas inculpatas miseras, naturalesq; assumpserit imperfectiones; non tamen assumpsit peccabilitatē. Licet igitur gratia faciens facere bonum impediatur tunc voluntatem, ne peccet, faciatque actum contrarium ei ad quem faciendum data est; non propterea liberum arbitrium læditur, vel imperfectionem aliquam incurrit; quoniam hæc gratia relinquit in homine libertatem ad posse peccare, vt docet Concilium Tridentinum.*

316. Secundò prob. eadem minor sic. Voluntas prædita gratia illa faciente facere, seu efficaci, quantum est in se potest eam non sequi, sed maxima delectatione, ac suauitate (vt infra dicam) afficitur à gratia, ab eaque suauiter trahitur, sed cum sua libertate: & hæc est illa communis Scholasticorum Augustini sequacium distinctio de sensu diuino, & composito, nempe considerata voluntate secundum se, & vt informata gratia actuali, & actualiter cum illa cooperante, at semper in utroque sensu libera confitenda est.

317. Addenda existimo quædam Augustini loca de libertate non læsa, immò instaurata à gratia faciente facere, seu efficaci. In epist. 89. ait. *Voluntas tantò erit liberior, quantò sanior; tantò autem sanior, quantò diuinæ gratiæ, misericordiæque subiectior.* In lib. I. operis imperfecti, dignam Augustini inuenimus sententiam de necessitate voluntatis in bonè agendo. *Intelligere debemus esse quamdam beatam necessitatem, qua Deus in-*  
*stus*

Cur determinatio ad vnum non tollit libertatem.

I. ratio.

Loca S. Au-  
gust. pro  
libertate  
voluntatis  
cum gratia

470 DE GRATIIS ACTVALIBVS,&c.

*Stus esse non potest. Immo verò si necessitas dicenda est, qua necesse est aliquid, vel esse, vel fieri, beatissima ista omnino necessitas, quæ necesse est non mori, necesse est in deterius non mutari. Hac necessitate, si necessitas etiam ipsa dicenda est, non premuntur Sancti Angeli, sed fruuntur. Nec enim dicere audeamus, Deum non voluntatem liberam habere, sed necessitatem iustitiæ, quia non potest velle peccare: optimè quidem. Quanta autem perfectio viatorum hominum esset, si essent in gratia confirmati, ita ut nec peccarent, nec possent peccare! Quis nam non cuperet hanc necessitatem semper benè operandi in via, ut posset in æternum fæliciter vivere, & frui in Patria! ò vtinam. Ideò meritò ait S. Anselmus, ut refert S. Bonau. in 2. sent. dist. 7. q. de lib. arb. Potestas peccandi non est libertas, nec pars libertatis. Nullum ergo esset inconueniens, nulla-que humanæ libertatis imperfectio, si gratia ita determinaret voluntatem; ut neque proximè, neque remotè, neque in sensu diuiso posset facere malū, bono ad quod se determinaret oppositum; & tamen, ut dixi secundum se, & in sensu diuiso potest, quia Concil. Trid. dicit voluntatem posse eam abijcere, si velit.*

318. Tertiò prob. min. Tunc principium effectuum determinatum ad vnum, necessariò agit in Scoti, & ut puto, vera sententia, quando determinatiuum est illi principio intrinsecum essentialiter, ut v. g. intellectus respectu sui obiecti, & omnes sensus respectu suorum obiectorum, omnes enim propositis sibi obiectis in debita distantia, & non impediti, non possunt non tendere in sua obiecta. Voluntas autem intrinsecè libera est; gratia autem, quæ illi infunditur, licet ipsi inhebeat tamquam forma subiecto; est tamen acci-

Quale de-  
terminati-  
uum facit  
necessitatē



accidens adiuuans eam ad bonum actum faciendum.

319. Quòd verò illa determinatio ad vnum propeniens à gratia non imponat naturalem, seu phisicam necessitatem operandi, prob. à fortiori. Potestas peccandi, & inclinatio ad peccatum est ita intrinseca homini, vt nisi à gratia iuuetur, peccaret; & tamen nemo nisi Calvinus dicet hominem à Deo necessitari ad peccandum; vel Manicheus aliquis dicet hominem fato compelli ad agendum malè, vel benè: Catholicus autem cum Sacra Scriptura, & Concilijs confitebitur *esse in hominis potestate facere vias suas bonas, vel malas*: bonas quidem cum adiutorio diuinæ gratiæ, malas verò propria voluntate: ergo si principium intrinsecum impellens voluntatem ad malum, eam non necessitat; multò minus principium extrinsecum alliciens, & delectans voluntatem, vt est, & facit gratia, dici potest necessitare voluntatem, eo quòd eam determinet ad solum bonum. Anteced. de principio intrinseco impellente ad solum malum, nisi à gratia iuuetur, prob. Per peccatum Adæ in vniuersum genus humanum transfusa est concupiscentia, quæ intrinseca est homini, & ab Apostolo appellatur peccatum; & tamen à Concilio Trid. dicitur sic, quia à peccato est, & ad peccatum inclinat, de qua dicit Apostolus Rom. 7. *Video aliam legem in membris meis repugnantem legi mentis meæ, & captiuantem me in lege peccati, quæ est in membris meis*: & paulò ante dixerat. *Non enim quod volo bonum hoc ago; sed quod nolo malum illud facio*: & S. August. in *lib. de spir. & lit. cap. 9.* & in *lib. 3. contra duas epist. Pelag. cap. 8.* & alibi sæpè, docet, quòd liberum arbitriū captiuatum est, quia attenuatum, & debi-

Argum. ab opposito  
excludens  
necessitatē  
operandi.

Concupiscentia non  
necessitat  
ad malum.

debilitatum, & non nisi ad peccandum valet; & nisi Dei gratia adiuuetur ad bonum meritorium non valet; vnde dolet de humana miseria, quòd per lapsum Adæ, *successit in homine peccandi dura necessitas, non quia necessitetur voluntas, sed quia debilitata est*: sic in lib. de *Perfect. Iustitiæ* cap. 4. & in illo, & in tribus libris de libero arbitrio, & in libro de Gratia, & libero arbitrio, & in libro de Corr. & Gratia, & alibi, totus est in probando, quòd homo liberè peccat; alioquin non posset ei imputari peccatum; quia, inquit, *peccatum adeò est voluntarium, vt nullo modo esset peccatum, nisi esset voluntarium*.

320. Si ergo inquam, hoc intrinsecum hominis principium retrahens à bono, inclinans, & captiuans voluntatem ad malum, & faciens etiam exequi, nisi voluntas adiuuetur à gratia, non infert necessitatem peccandi; quomodo gratia, quæ retrahit voluntatem à peccato, estque accidens, & extrinsecum comprincipium retrahens à malo, & inclinans, & captiuans ad bonum relinquens in voluntate posse peccare, dici poterit inferre necessitatem? Minimè verò. At dato, & non concesso, quòd inferret necessitatem aliquam moralem faciendi bonum, & perseverandi in bono vsque ad mortem, prosequendi postea in Patria in bono perfectissimo, charitate nempe consumata, quid mali tandem esset tali facienti bonum? sed necessitatem non infert.

321. Adde. Confirmati in gratia, vt S. Ioann. Baptista, & B. Virgo, vt tales sub Dei protectione peccare non poterant; concursus enim Dei naturalem permittentem faciendi malum non habebant, & tamen merebant, quia bona, & sancta opera continuò exercebant; ac proindè liberè o-

pera-

Ergo nec  
gratia ad  
bonum.

Dato, at nō  
concesso,  
quòd ad ho-  
num sem-  
per neces-  
saret, nul-  
lum esset  
malum fa-  
cienti  
bonum.

perabantur; meritum enim liberum opus esse debet. Sic ergo dicendum est de viris iustis operantibus bonum ex adiutorio gratiæ determinantis voluntatem ad bonum. Definitum enim nuper est per duas Apostolicas Constitutiones, quòd ad merendum, & demerendum non sufficit libertas à coactione, sed requiritur etiam libertas à necessitate.

322. Prob. tandem ex dicendis in Capite sequenti, quæ demonstrant, quòd gratia, quæ facit facere opus bonum, seu efficax, ex sui natura sub Dei decreto non solum excludit omnem umbram violentiæ, ac necessitatis, & exigit arbitrij libertatem, eamque instaurat, ac confortat, sed etiam adducit voluntati delectationem operis faciendi, & suavitatem in faciendo; quod quidem verè, ac ingenuè libertatis, voluntarietatis, ac spontaneitatis evidens signum est.

Alię rationes ad probandam libertatem, in sequenti capite adducuntur.

## CAPVT XV.

*Quomodo Gratia ista, seu Deus per eam, concurrat cum voluntate ad opus bonum.*

323. **A**Du. 1. hanc quoque quæstionem vrgeret Theologorum quorumcumq; intellectus, quomodo nempe gratia afficiat voluntatem, cum sit (vt postea dicam) qualitas quædam supernaturalis, ei phisicè, ac realiter inhærens; & cum ea concurrens ad actum: & honoris gratia non curabo discutere opiniones circa hoc, nec aliquam illarum iudicare audebo, quia dummodo saluem quouis modo libertatem, & efficaciam gratiæ, in suo statu eas relinquam: sed quia profiteor sequi in tota hac materia S. Gratię Doctorem

Difficilis quæstio.

Protestatio Authoris.

rem Augustinum , conabor ex eius libris , ac tractatibus ( si Deus dederit , vt eius mentem benè capiam ) resolutionem quæsi pro viribus insinuare .

Actus ad  
quos con-  
currit gra-  
tia .

324. Adu. 2. quòd, vt aliàs dixi in c. 10. actus ad quos concurrat gratia adiuuans , seu efficax , ac faciens facere , sunt actus vocationis ad fidem , dispositionum ad eam vsque ad iustificationem , loquendo de infidelibus , de fidelibus verò quomodocumque lapsis ijdem actus quibus disponuntur ad pænitentiam vsque ad iustificationem : in iustis tandem omnes actus virtutum , obseruatiæ præceptorum , consiliorum , & supererogationis facti , sicut oportet , vt ibi diximus : & querimus , quomodò gratia , seu Deus per eam faciat , vt voluntas eos actus efficiat : ideo

Cum dul-  
cedine , de-  
lectatione ,  
ac suauita-  
te volunta-  
tis concu-  
rit .

325. Dico . Gratia efficax priùs natura , seu tempore , quàm cum voluntate libera concurrat , delectat illam , & nedum bonum , sed suauem , ac Deo placens , & vtile illud ostendit , & inflamat ad volendum facere , & sic persuadendo dulciter , suauiter , ac delectabiliter , cum voluntate simultaneè facit opus bonum , propter quod datur .

Gratia vo-  
luntas tra-  
hitur , &  
quomodò .

326. Prob. 1. ex S. Scripturæ locis . Ioann. 6. 44. *Nemo potest venire ad me , nisi Pater meus , qui misit me traxerit eum* : Hec est gratia veniendi ad fidem , de qua Apostolus dicebat de se , *Misericordiam consecutus à Domino , vt sim fidelis* , & alibi , *me vocauit per gratiam suam* . Glos. ord. *traxerit* dicit . *Tractio hæc non est violentiæ , nec necessitatis , nec inuiti , sed est voluntatis , & desiderij ; vnde dicitur trahit sua quemque voluptas* . Si ergo in his , in quibus non est vera dilectio trahitur homo amore , & desiderio , quantò magis trahitur aliquis vehementi delectatione , cui Pater reuelat panem , qui est vita , & beati-

beatitudo, & omne bonum, in quo commendatur magna gratia: & quia Saluator addit rationem à Propheta Isaia prædictam, cur omnes tracti veniunt ad fidem, inquit, & scriptum est in Prophetis, & erunt omnes docibiles Dei, Glos. prosequitur: omnes Christiana fidei erunt docibiles Dei, quia & si homines foris loquuntur; tamen Deus solus intus sensum aperit, intus instruit veritatis cognitione, & amore: Ecce quomodo Deus trahit ad faciendum bona opera; facit hominem docibilem, idest, persuasibilem cognitione veri boni, & illius amore.

327. S. August. in hunc Ioannis locum pluries dicit, delectatione, amore, & voluptate hominem trahi à Deo ad bonum: tract. 26. in Ioan. ait. Non traheris, ora ut traharis: & post multa. Noli cogitare, te inuitum trahi; trahitur animus, & amore. Neque dicas quomodo voluntate credo si trahor? ego dico parum est voluntate, etiam voluptate. Quid est trahi voluntate? delectare in Domino, & dabit tibi petitiones cordis tui: est quedam voluptas cordis, cui panis dulcis est ille celestis. Porro, si Poeta dicere licuit, trahit sua quemque voluptas; non necessitas, sed voluptas; non obligatio, sed delectatio; quanto fortius dicere debemus trahi hominem ad Christum; qui delectatur veritate, delectatur beatitudine, delectatur iustitia, delectatur sempiterna vita, quod totum est Christus: & post alia multa, ostendens, quod sicut sensus habent voluptates suas, & per eas trahuntur ad sua delectabilia, sic & animus, seu voluntas, inquit. Ramum viridem ostendis oui, & trahis illam. Noces puero demonstrantur, & trahitur; & quod currit trahitur, amando trahitur, sine lésione corporis trahitur, cordis vinculo trahitur. Si ergo ista, quæ inter delitias, & voluptates terrenas reuelantur amantibus, trahunt; quoniam verum est,

S. August.  
explicatio  
illius loci.

Similitudo  
trahendi  
cum volup-  
tate.

trahit sua quemque voluptas, quare non trahet reuelatus Christus à Patre? Quid enim fortius desiderat anima, quam veritatem? quo audias fauces habere debet: unde optare, vt sanum sit intus palatum vera iudicandi, nisi, vt manducet, & bibat sapientiam, iustitiam, veritatem, aternitatem? &c. Idem confirmat in lib. 1. contra duas epist. Pelagianorum cap. 19. in fine, inquit. *Homo trahitur miris modis, vt velit, ab illo, qui nouit intus in ipsis hominum cordibus operari; non vt homines, quod fieri non potest, nolentes credant; sed vt volentes ex nolentibus fiant*: Deinde in cap. sequenti auctoritatibus Sacrae Scripturae probat, quòd homines à Deo ad bonum faciendum, à malo recedentes trahuntur. His ergo suauibus, & dulcibus modis inflammando voluntates hominum, qui sibi placent, trahit ad benè operandum.

Deus per  
gratiã dul.  
citer tra-  
hit.

328. Prob. 2. ex Rom. 7. vbi Apostolus, vt sepe retuli narrans certamen hominis inter spiritum, & legem membrorum, seu concupiscentiam, à quo certamine continuò infelix homo angustiat, concludens per gratiam Dei superari, præ ceteris inquit. *Condelector enim legi Dei secundum interiorem hominem*: Interl. *legi, ait: volens, quod illa, & gaudens iunari ab ea*. S. August. expendens locum istum, tract. 47. in Ioannem, præ alijs dicit, *condelector, &c. Delectat me lex, delectat, quod iubet lex, delectat me ipsa iustitia*: Deus ergo per gratiam facit, vt opus legis, vel consilij delectet, & hoc modo trahit ad executionem.

Ex alio S.  
Scripturae  
loco.

329. Prob. ex Matth. 11. 30. *Tollite iugum meum super vos, &c. iugum enim meum suauis est, & onus meum leue*. Glos. ord. miratur de hoc dicto, quomodo suauis, si supra dicitur ardua est via, quæ ducit ad vitam: & respondet. *Ardua est initio, sed*

Alius Scri-  
pturae lo-  
cus.

tem-



temporis processu dilatatur dilectionis dulcedine. S. August. ser. 10. de Verb. Dom. inquit. *Quæ dura sunt laborantibus, eisdem mitescent amantibus. Omnia sua, & immania prope nulla facit amor: alibi autem ait, Hunc amorem Deus inspirat, & super ijs Psal. verbis. Propter verba labiorum tuorum ego custodiui vias duras, August. ait. Dura sunt timori, non amor: ita in lib. de Natura, & Gratia cap. 69. & in lib. de Perf. iustitiæ, inquit. Laborant in Dei præceptis, qui ea, timendo, conantur implere; sed perfecta charitas foras mittit timorem, & facit præcepti sarcinam leuem, non solum non præmentem onere ponderum; verum etiam subleuantem vice pennarum. Hi autem sunt effectus gratiæ: ideo super illud psalm. 108. Quia suavis est misericordia tua, ait, hic gratiam commendat. Gratia si quidem Dei omnia opera, & si dura, & difficilia appareant, facit lenia, & suauia. Sic ergo voluntatem allicit, ac suadet, & persuadet, atque cum ea facit.*

330. Quia verò de hoc modo agendi gratiæ, nempe cum suauitate, ac delectatione voluntatis cui confertur, sæpissimè loquitur S. Augustinus explicans illud psal. *Dominus dabit suauitatem* (vt ipse legit) & *terra nostra dabit fructum suum*; placeat aliqua saltem eius loca afferre, vt appareat, illius mentem esse, quòd gratia faciens facere, idest efficax, quamuis voluntatem ad vnum, nempe bonum faciendum, infallibiliter alliciat, & inclinet; id tamen non facit, nec vim inferendo, neque necessitando, vt in cap. præcedenti dictum est; sed delectationem, ac suauitatem inferendo; alliciendo, & quasi persuadendo, & moraliter inducendo: parcat lector, si multa, & si non omnia, congero loca. In lib. 2. de pecc. mer.

Dura per  
gratiam fi-  
unt dulcia.

Aliqua  
August. lo-  
ca, quòd  
gratia fa-  
cit dulcia  
opera fa-  
cienda. li-  
cet dura  
videantur.

& remiss. cap. 17. dicit. *Ideo unusquisque nostrum bonum opus suscipere, agere, implere nunc scit, nunc nescit, nunc delectatur, nunc non delectatur; ut nouerit, non suae facultatis, sed diuini muneris esse, vel quod scit, vel quod delectatur: At sic ab elationis vanitate sanetur; & sciat quàm verè, non de terra illa, sed spiritualiter dictum est, Dominus dabit suauitatem, & terra nostra dabit fructum suum: & post multa dicit. Deum, bonum, ideo etiam Sanctis suis, alicuius operis iusti aliquando non tribuere, vel certam scientiam, vel victricem delectationem, ut cognoscant, non à seipsis, sed ab illo sibi esse lumen, ut illuminentur tenebrae eorum, & suauitatem, qua det fructum suum terra eorum: & quòd hanc suauitatem, ac scientiam Deus per gratiam conferat, subiungit. Cum autem ab illo illius adiutorium deprecamur ad faciendam, perficiendamque iustitiam, quid aliud deprecamur, quàm, ut aperiat quod latebat, & suauem faciat, quod non delectabat: quia, & hæc ab illo esse deprecandum, eius gratia didicimus, cum antea lateret, eius gratia diligimus, cum antea delectaret.*

331. Idem S. Doctor in psalm. 118. multa dicit de hac suauitate, quam Deus per gratiam concedit homini, ut operaretur bonum. At nota, quòd dum nos in vulgata legimus, *bonitatem*, ipse Sanctus legit *suauitatem*, & *delectationem*. Super illud. *Bonitatem fecisti cum seruo tuo Domine*, ait, *Sic debemus intelligere suauitatem, ut Græci dicunt, ut in bonis spiritualibus deputetur. Propter hoc enim, eam, & bonitatem nostri appellare maluerunt. Nihil hic ergo aliud dictum existimo, suauitatem fecisti cum seruo tuo, nisi fecisti, ut me delectaret bonum. Quando enim delectat bonum; magnum Dei donum est. Quando autem bonum opus, quod lex impe-*

Cur Deus  
aliquando  
iustis non  
dat istam  
delectatio-  
nem.

Multa de  
suauitate  
gratiæ loca

imperat sit timore pœnæ, non delectatione iustitiæ, cum Deus metuitur, non amatur, sit seruiliter, non liberaliter: & super alium versum, Bonitatem, & scientiam, dicit, suauitatem, & eruditionem, & scientiam doce me, inquit, augere sibi ista poscit, & perfici. Nam utique, qui iam dixerat, suauitatem fecisti cum seruo tuo, quomodò dicit, suauitatem doce me, nisi gratia magis, magisque abundet, vel innotescat dulcedine bonitatis: habebant enim fidem, qui dixerunt, adauge nobis fidem. Et super illum versum. Quam dulcia faucibus meis eloquia tuæ, super mel ori meo, dicit; Hæc est illa suauitas, quam Deus dat, ut terra nostra det fructum suum, ut bonum verè benè, idest non mali carnalis formidin, sed boni spiritualis delectatione faciamus.

Super di-  
versos ps.  
versus.

332. In lib. 2. ad Bonifac. cap. 9. inquit. Misericordia eius præueniet me, & ipse est, cui fideliter, veraciterque cantatur, quoniam præuenisti eum in benedictionibus dulcedinis: & quid hic aptius intelligitur, quàm ipsa de qua loquimur cupiditas boni? Tunc enim bonum concupisci incipit, cum delectare incipit: & post aliqua. Idè benedictio dulcedinis est gratia Dei, quasit in nobis, ut nos delectet, & cupiamus, hoc est, amemus, quod præcipit nobis, in qua si nos non præuenit Deus, non solùm non perficitur, sed nec inchoatur ex nobis.

Alia plura  
S. Aug. loca

333. In lib. de spir. & lit. cap. 3. inquit. Nos autem dicimus humanam voluntatem sic diuinitus adiuuari ad faciendam iustitiam, ut præterquod creatus est homo cum libero arbitrio voluntatis, præterque doctrinam, qua ei præcipitur quemadmodum viuere debeat, accipiat spiritum (idest gratiam) quo sibi in animo eius delectatio, dilectioque iustitiæ summi illius, atque incommutabilis boni, quod Deus est, etiam nunc, cum per fidem ambulans, non per speciem,

Gratia dat  
delectationem.

*ciem, vt hoc sibi veluti arrha data gratuiti muneris in-  
ardescat inherere Creatori, atque inflammetur acce-  
dere ad participationem illius veri luminis, vt ex il-  
lo ei bene sit, à quo habet, vt sit.*

334. In eodem libro cap. 19. ait. *Per fidem  
confugiat (homo) ad misericordiam Dei, vt det, quod  
iubet, atque inspirata gratiæ suauitate per Spiritum  
Sanctum faciat plus delectare, quod præcipit, quam  
delectat, quod impedit.*

335. In lib. de Corr. & Gratia cap. 2. expli-  
cat vigorem gratiæ circa voluntatem, & modum  
suauem, quo agit, dicens. *Aguntur enim, vt a-  
gant, non vt ipsi nihil agant: & ad hoc eis ostendi-  
tur, quid agere debeant; vt quando id agunt, sicut a-  
gendum est, idest, cum dilectione, & delectatione, ius-  
titiae suauitatem, quam dedit Dominus, vt terra  
eorum daret fructum suum, accepisse se gaudeant.*

336. Idem S. Doctor in Psalm. 84. in fine di-  
scurrens per multos virtutis actus, ostendit, quo-  
modo Deus per gratiam auertit homines à dele-  
stationibus sensualibus mortiferis per delectatio-  
nes spirituales salubres, faciens nempe per eam  
delectare opera virtutum vitijs oppositarum; & in-  
quit. *Confitens illi peccata tua, mereberis ab illo  
delectationem, & suauitatem iustitiæ faciendæ. Da-  
bit tibi, vt incipiat sic delectare iustitia, quem pri-  
mò delectabat iniquitas; vt qui primò gaudebas in  
ebrietate, gaudeas in sobrietate; & qui primò gaude-  
bas de furto, vt tolleres homini, quod non habebas,  
quæras donare non habenti, quod habebas; & quem  
delectabat rapere, delectet donare, quem delectabat  
spectare, delectet orare, quem delectabant cantica  
nugatoria, & adulteria, delectet hymnum dicere Deo,  
currere ad Ecclesiam, qui primò currebat ad theatrum.  
Vnde nata est ista suauitas, nisi quia Dominus dabit*

*sua-*

Homo à  
gratia agi-  
tur, vt agat,  
cū delecta-  
tione.

Sic Deus  
auertit ho-  
mines à de-  
lectationi-  
bus morti-  
feris.

*suauitatem, & terram nostra dabit fructum suum. Ecce quomodo gratia, seu Deus per eam, facit, ut voluntas, quæ de se, vel indifferens manebat, vel inclinata ad malum aliquod, inspirata à Deo per gratiam, ostenso sibi per intellectum bono contrario eam delectante, auersa à mali delectatione, vult infallibiter obiectum illud bonum.*

337. Idem S. Augustinus in psalm. 33. ait. *Intra cor tuum, & gaudebis tibi. Cum ibi caperis gaudere, ipsa munditia cordis tui delectabit te, & faciet orare:* in homil. 29. cap. ult. docet quomodo Deus per gratiam suam faciat nos operari bonum, dicens, *inspirando virtutem, dando menti tuæ celestem delectationem, qua omnis terrena delectatio superetur.*

338. Prob. vltcriùs eadem conclusio, quòd gratia, seu veriùs Deus per gratiam, inducat hominem ad operandum bonum, & faciat illud actu facere, inducens in eo, iam illuminato intellectu, notitiam veritatis, bonitatis, ac vtilitatis illius boni operis, & delectationem, ac suauitatem ipsius: ad quod concludendum S. Augustinus vtitur medio desumpto ex admirabili diuinæ sapientiæ modo operandi connaturali humanæ naturæ. Supponit enim primò; quòd omnis peccans idèò peccat, quia delectationem, gaudium, & suauitatem percipit, & gustat in quouis peccato: & licet res hæc notoria sit, & quilibet purus viator, concupiscentiæ tyrannidi subditus, hanc miseriam experiatur: tamen eam S. Doctor pluribus in locis probat, incipiens à primis parentibus, qui etiamsi concupiscentiæ miseriam adhuc non contraxissent; nihilominus ex delectatione pomi, & desiderio scientiæ boni, & mali peccarunt: ita in lib. 2. de Gen. cont. Manich. cap. 14. & de om-

Plura S. August. locis, quòd gratia facit delectari de obiecto bono.

Mirabilis modus Dei in hac operatione similis operationi naturali hominis.

nibus alijs peccantibus omni peccatorum genere prosequitur probare , quòd ideò peccant , quia delectationem ex peccatis percipiunt; ita in *lib. 22. cont. Faustum cap. 18. in lib. 2. de Bapt. cap. 10. lib. 83. quæst. qu. 86.* & alibi sæpè. Vnum locum adducam per extensum , estque sermonis 6. d. 3. *Verb. Apost. cap. 1. Quidquid est peccatorum in dictis, in factis, in cogitationibus, non exoriuntur nisi ex mala cupiditate , nisi ex illicita delectatione , &c.* Supposita inquam hac inclinatione , & facilitate hominis ad peccandum ex mera cupiditate, ac delectatione, (ait S. Augustinus) Sapientissimus, Potentissimus, ac benignissimus Deus , vt hominem ad delectationes malas, ac terrenas deditum, ab illis auerteret, & ad bona opera virtutum vitijs illis còtraria per gratiam induceret, delectationes , ac suauitates spirituales , longè maiores, ac dulciores per gratiam voluntati hominis infundit, & sic illecta , & inflammata voluntas ad ea opera bona, siue præcepti , siue consilij , siue supererogationis prorumpit. Aliqua Augustini pro hac sententia afferam loca : in *lib. de continentia cap. 3.* ait . *Si lex factum præuicatore, tamquam ad hoc grauius vulneratum , tamquam pedagogus perducit ad gratiam contra suauitatem noxiam , qua vincebat concupiscentia ; Dominus dat suauitatem beneficam, qua delectetur amplius continentia, & terra nostra det fructum suum, quo pascitur miles, qui debellat, Deo iuuant, peccatum .* In *ser. 6. de verb. Apost. cap. 9.* inquit . *Delectat vxor aliena , & non annuis, mentem auertis , in secretarium mentis intras . Vides foris strepentem concupiscentiam ; profers aduersus eam sententiam mundans conscientiam ; nolo inquis, non facio: puta quia delectat, non facio; habeo , cui condelecter . Condelector enim legi Dei ,*  
*secun-*

Omne peccatum ob delectationem fit.

Ab opposito Deus facit, vt opera bona delectent.



*secundum interiorem hominem . Quid tu de carne tua tumultuaris ? quid delectationes stultas, temporales, fluxas, vanas, noxias, tumultuose suggeris, & eas quasi garula mihi narras . Narrauerunt mihi iniuste delectationes : inde est ista concupiscentia . Narrat mihi delectationes, sed non ut lex tua Domine . Condelector enim legi Dei , non de me , sed de gratia Dei .*

Aliqua August. loca .

339. Idem habet in ser. 17. cap. 1. de verb. Apost. *Præ omnibus voluptatibus , hoc est delectationibus , etiam licitis, amanda iustitia . Si enim habes sensus interiores, omnes illi delectantur delectatione iustitiæ : & post aliqua , interroget utrum sic delectet iustitia, ut cæteris ad hos sensus corporis pertinentibus delectationibus anteponatur? ecce delectat te aurum tuum : oculos tuos delectat ; metallum pulchrum, fulgentissimum delectat, &c. Decertant inter duæ delectationes : modò interrogo te, quid propones, quid plus delectat, aurum, an veritas ; aurum, an verum testimonium ? & post plura , longum est per singulos corporis sensus excurrere: sed quod de oculis dixi; hoc de cæteris intelligite , & proponite delectationi carnis delectationem mentis . Carnem quippè vestram delectant illicitæ voluptates; mentem vestram delectet inuisibilis , pulchra, sancta , canora , dulcis iustitia . Vult per hoc S. Doctor insinuare Dei sapientiam, & misericordiam; qui ut miseros homines ad mala obiecta, malasque circa ea operationes ex delectatione concupiscentiæ propensos, ab eis auerteret, ac ad obiecta, & opera eis contraria conuerteret, atque traheret, ut Saluator dicit, per gratiam, maiorem , & nobiliorem delectationem voluntati inducentem, id facit: & sic nullus coactionis , aut necessitatis remanet scrupulus, cum voluntas ad bonum operandum à gra-*

Delectationes spirituales maiores sunt corporalibus.

Ihs vult  
Dens circa  
nos .

484 DE GRATIIS ACTVALIBVS, &c.  
tia determinatur, sed vera voluntarietas, & vera voluptas, ac delectatio in ea reperitur.

340. Confirmatur ex eodem S. Doctore pluribus alijs in locis hic sapientissimus Dei nobiscum agendi modus, cum gratiam nobis concedit, qua auertimur à malo, & facimus bonum; faciens per eam verè cognosci verum bonum, & ingerens delectationem, ac suauitatem, qua delectabiliter faciat: in lib. 2. de pecc. mer. & remis. cap. 17. ait: *Tanto enim quidque vehementius volumus, quanto certius, quam bonum sit, nouimus, eoque delectamur ardentius. Ignorantia igitur, & infirmitas vitia sunt, quæ impediunt voluntatem, ne moueamur ad faciendum opus bonum, vel ab opere malo abstineamus. Vt autem innotescat quod latebat, & suauis fiat quod non delectabat, Gratia Dei est, quæ hominum adiuuat voluntates: & in cap. 19. apertius id exprimit dicens: Deum aliquando non tribuere, vel certam scientiam, vel victtricem delectationem, ut cognoscant, non à seipsis, sed ab illo sibi esse lumen, et suauitatem, qui dat fructum suum in terra eorum: & ibid. ait: Cum à Deo illius adiutorium deprecamur ad faciendam, perficiendamque iustitiam quid aliud deprecamur, quam ut aperiat, quod latebat, & suauis faciat, quod non delectabat. Hoc ergo suauimodo benignissimus Pater per suam gratiam trahit hominum voluntates ad bene operandum.*

341. Immò cum tali suauitate, ac delectatione boni spiritualis, ac supernaturalis Deus homines, quos vult per gratiam, facit persenerare in bono, nedum vsque ad exitum ex hac vita, quia in psal. 15. habetur, *Delectationes in dextera tua vsque in finem*, sed etiam in Patria per charitatem consumatam replet animam suauitate, ac delectatione omnes alias delectationes temporales  
supe-

Modus Dei  
cooperan-  
di nobiscum.

S. August.  
loca.

superante . De perseverantibus loquitur S. August. in lib. de Corr. & Gratia cap. 8. inquit .  
*Voluntas humana non libertate consequitur gratiam, sed potius gratia consequitur libertatem (ideſt à ſeruitute peccati) & vt perſeueret, delectabilem perpetuitatem, & inſuperabilem fortitudinem.* Perſeuerantia enim in bono, eſt continua Dei prote-  
 ctio per gratiam, quod filij Dei, ac electi continuò experiuntur. De ſuauitate, ac delectatione in Patria, qua per gratiam, atque conſumatam charitatem Beati afficiuntur, S. Gregorius Magnus homil. 17. in Euang. ait. *Quæ autem lingua dicere, vel quis intellectus capere ſufficit illa ſupernæ ciuitatis quanta ſint gaudia. Angelorum Choris intereſſe, cum beatiffimis ſpiritibus gloriæ conditori aſſiſtere; præſentem Dei vultum cernere, incircumſcriptum lumen videre, nullo mortis metu affici; incorruptionis perpetuæ munere letari: omnes ergo actus beatifici, in gaudio, dulcedine, ſuauitate, ac delectatione perficiuntur: & S. Auguſtinus in lib. 22. de Ciuit. cap. 30. docet ſingulare beneficium, atque gratiam, ſeu donum beatorum, eſſe delectationem, quòd peccare ampliùs non poſſint, inquit. Nec ideo liberum arbitrium non habebunt, quia peccata eos delectare non poterunt, magis quippe erit liberum à delectatione peccandi uſque ad delectationem non peccandi indeclinabilem liberatum: & in lib. 4. cont. Iul. cap. 3. de illa ſuaui delectatione Patriæ, inquit. *Tanta ſatiabitur viſione, & tanta inflammabitur charitate ſuperioris boni, ac ad ſeipſum ſibi placendò deficere ab illius dilectione non poſſit.* In lib. 9. de Ciu. cap. 22. de Beatis Angelis dicit. *Illis Dei qua ſantificantur charitas cara eſt, præ cuius non tantum incorporali, verum etiam inefſabili, & incommutabili pulchritudine, cuius ſancto**

In Patria  
 Beati cum  
 delectatio.  
 ne amant  
 Deum.

Delectatio  
maxima in  
Beatis,  
quod pec-  
care non  
possint, &c.

Omnia cre-  
ata delecta-  
bilia despi-  
ciunt.

486 DE GRATIIS ACTUALIBVS, &c.

*amore inardescant, omnia quæ infra sunt, quod illud est, non sunt, seque ipsos inter illa contemnunt, ut ex toto, quod boni sunt, eo bono, ex quo boni sunt, perfruantur. Quod confirmat in lib. 14. cap. 9. dicens. Vbi boni adepti amor immutabilis est; profectò si dici potest, mali cauendi timor securus est. Timoris quippe casti nomine, ea voluntas significata est, qua non necesse erit nolle peccare, & non sollicitudine infirmitatis, ne fortè peccemus, sed tranquillitate charitatis cauere peccatum: ex hoc autem modo agendi Dei, quem Deus exercet in Beatis, ut per gratiam, & charitatem faciat eis placere, ac delectare summum bonum, despiciant, & abhorreant alia omnia creata, licet delectabilia bona, existimo, quod cum aliqua similitudine, vult inferre S. Augustinus, & ego cum eo, nisi fallor, quod per suam gratiam sic operatur cum voluntate humana, ut omnia, quæ præcipit, vel consulit alicui, à quo vult, ut impleantur, ea reddit clara, ut cognoscatur eorum bonitas, ac veritas; & delectabilia, ac suauia, ut præferantur obiectis oppositis perniciosè delectabilibus, & hisce spre- tis, illa amentur, & amplectantur.*

342. Quod totum comprobari potest ex factis plurium Sanctorum omnis conditionis: & primò ex factis Martirum: de quibus omnibus S. August. in lib. 18. de Ciuit. cap. 7. ait. *Sed quando in abundantia gratiæ spiritus illius, qui ubi vult spirat, tantum Christum amare possent, ut cum tanto vitæ discrimine sub tanta spe veniæ negare non possent? Mors igitur pretiosa Sanctorum, quibus cum tanta gratia est præmissa, & prærogata mors Christi, ut ad eum acquirendum non cunctarentur suam impendere animam: & post. Mors ergo, non idèò bonum videri debet, quia in tantam utilitatem, non vi*

*sua*

*sua , sed diuina opitulatione conuersa est , vt que tunc ( in statu innocentia ) metuenda proposita est , ne peccatum committeretur : nunc suscipienda proponitur , vt peccatum non committatur , commissumque deleatur ; magnæque victoriae debita iustitiæ palma reddatur : & ad particularia descendendo ; de S. Stephano pleno gratia , & fortitudine , ex Act. 7. canit Ecclesia lapides torrentis illi dulces fuerunt . Mors ergo , quam pro Christo per lapidationem patiebatur , dulcior illi erat , quàm vita cum negatione Christi .*

343. De Sancto Laurentio dicitur . *Cum in craticula superpositus vreretur , ad impiissimum Tyrannum dixit , Assatum est , iam versa , & manduca . Dolores despicit , temporalem vitam non curat , Tyrannum deridet præ dulcedine moriendi pro Christo . S. Andreas Apostolus , dum ad Crucem duceretur , dicebat ! O bona crux diu desiderata , sollicitè amata , sine intermissione quasita , & aliquando concupienti animo preparata ; accipe me ab hominibus , & redde me Magistro meo : & populus Andream faciliè liberasset , nisi ipse sedasset multitudinem , vehementius rogans , ne se ad optatissimam martirij coronam properantem impediret . Marcus , & Marcellianus fratres Romani ad stipitem alligati , pedibus clauis confixi , dicente iudice Fabiano , respicite miseri , & ab his cruciatibus vos eripite , responderunt . Numquam tam incundè epulati sumus , quàm hæc libenter Iesu Christi causa perferimus , in cuius amore nunc fixi esse capimus ; utinam tamdiu nos hæc pati sinat , quamdiu hoc corruptibili corpore vestiti erimus : &c. Alia plura ex Chronicis huius generis exempla adduci possunt , ex quibus luculenter patet , quòd in obseruantia præceptorum Deus concurrit cum gratia reddent-*

Martirum  
exempla.

Martires  
cum spiri-  
tuali delectatione  
terrena  
spemnes  
supplicia  
sustinu-  
erunt.

te illam dulcem, suanem, delectabilem, & iucundam, etiam in cruciatibus.

Ex proprio  
facto quis-  
que potest  
hoc expe-  
riri.

Abrahæ e-  
xemplum  
in circum-  
cisione sua,  
& vernacu-  
lorum.

Isaac im-  
molando.

Exempla  
Anachori-  
tarum id  
confirmant

344. Tandem quisque hominum, si verum dicere vult, in se experitur, quod dum contra concupiscentiam, sine carnalem, siue aliam quamcumque operatur, cum difficultate quidem superat, sed in ea superanda delectatur, & gaudet: & ut aliqua pauca adducamus exempla vtriusque Testamenti: quomodo Abraham ætatis 99. annorum, Ismael filius 14. annorum, & Vernaculi (idest serui in domo sua nati) ferè 400. consensissent in ea ætate se circumcidi, & grauem illum dolorem sentire (ut notatur de Sichimiris à filijs Iacob occisis Gen. 34. 24.) nisi Deus cum sua gratia eis apparere, prius illuminando, & experiiri cooperando, fecisset suum præceptum, bonum, utile, suane, ac delectabile? Quomodo idem Abraham in ætate 115. annorum consensisset præcepto Dei de immolando filio, & ipse Isaac filius annorum quindecim (cui ex Iosepho Hebreo Abraham manifestauit) consensisset, nisi Deus eodem modo facile, utile, ac suane per suam gratiam eis apparere fecisset, & sic cum eis cooperando consensum de faciendo in vno, & patiando in alio produxisset? licet Deus postea non perimiserit.

345. Et quod de istis dictum est, dici potest de alijs sanctissimis viris, qui nedum in obseruantia præceptorum, sed & consiliorum, & asperrimis supererogationis operibus Deo seruiuerunt, *carnem suam crucifigentes cum vitijs, & concupiscentijs*, ut ait Paulus ad Gal. 5. 24. & ut dicit in cap. 11. 37. ad Hæbreos. *Alij ludibria, & verbera experti, insuper vincula, & carceres; lapidati sunt, secti sunt, tentati sunt, in occisione gladij mortui sunt, circue-*



*in melotis, in pellibus caprinis; egentes, angustiiati, afflicti; in solitudinibus errantes, in montibus, in speluncis, & in cavernis terræ; & tamen Paulus hæc scribens, adhuc Martirum sævas non viderat persecutiones, tormenta, & mortes: quomodo autem potuissent fragiles, & infirmi homines, pueri, ac fœminæ libenter, & imperterritè hæc sufferre, nisi Deus per suam gratiam apprehendere fecisset hæc incommoda ipsis vtilia esse, & quod in ijs perferendis delectationem, ac suauitatē fuissent experti? certè non potuit aliter esse. Ideò in eo loco promisit Paulus, hæc mala ipsos libenter tolerare, *vt meliorem inuenirent resurrectionem.**

346. Idem de alijs spontè ex semetipsis affligentibus se est dicendum; vt de S. Ioan. Baptista, de Paulo primo Eremita, de Antonio, de tot alijs Thebaidis, ac Nitriæ Anachoretis; de Simeone, ac Daniele Stilitis; de Marana, & Ciria inclusis, & Anachoretis fœminis; de Basilio, Benedicto, Dominico, Francisco, &c. eorumque asseclis, qui modum viuendi adeò arctum, & asperum, spontè, Deo illuminante, ac inspirante elegerunt; & per eandem Dei gratiam asperrima illa exercitia cum iucunditate, ac hilaritate imperturbabiliter perfecerunt: *Gustarunt enim, & viderunt, vt inquit Dauid, quàm suavis sit Dominus.* Sic ergo benignissimus Dominus, & amantissimus parens nobiscum operatur, cùm præcepta, vel consilia, vel supererogatoria sunt adimplenda; facit enim veritatem boni apparere, inspirat, & inflammat, vt amplectatur, & delectationem, ac suauitatem in exequendo largitur: ipsi gloria in sæcula. Amen.

Exemplum  
Martirum.

Exemplum  
S. Io. Bapti-  
stæ.  
Pauli pri-  
mi Eremitæ.  
Antonij Ab-  
batis.  
Danielis,  
& Simeonis Stil-  
itarum.  
Maranæ, &  
Ciriæ.  
Basilij.  
Benedicti.  
Dominici.  
Francisci,  
&c.

## CAPVT XVI.

*An Gratia ista faciens facere, seu efficax, detur  
singulis hominibus, & semper.*

Non est ser-  
mo de suffi-  
cienti.

Multa du-  
bia hic cō-  
prehensa.

347. **A**Du. 1. nos hīc non loqui de gratia, quę à Theologis dicitur *sufficiens*: nam de ea ( licet in cap. 4. multa dixerimus ) loquimur infra: sed loquimur de ea, quę facit facere opus, habetque semper secum coniunctum opus principale, ad quod exequendum datur.

348. Adu. 2. in hoc quęsito duo proponi explicite; sed hec duo alia plura secum trahunt, & omnia difficilima. Primum ergo quęritur, an omnes homines cuiuscumque Nationis, & Religionis, obtineant, obtinuerint, ac obtinebunt gratiam facientem facere, idest efficacem, pro obseruantia legis diuinę, naturalis, vel positivę, Mosaycę pro tempore suo, ac Euangelicę; & pro executione diuinorum consiliorum. 2. Cur non omnes eam obtinuerint, vel non obtineant, aut non obtinebunt. 3. Cur omnes saltem fideles non semper obtineant. 4. Cur saltem electi, seu predestinati pro omni temporis momento, & pro omni actu bono, siue præcepti, siue consilij, siue supererogationis eam non obtineant; immo enormiter aliquando labantur, licet postea obtineant efficacem gratiam resipiscendi. De Gratia verò Perseuerantię, quę singulari, ac speciali nomine appellatur donum Dei, loquar postea.

349. Adu. 3. Quod fortè non ita difficiles eaderent harum quęstionum solutiones, si teneretur, seu haberetur fundamentum clarum in Sacra  
Scri-

Scriptura, vel saltem in Sancto Augustino Doctore Gratiae, tenendi illud sistema, quod Deus ab æterno decreuit dare omnibus, & singulis adultis, & pro omni vitæ tempore, & pro singulis actibus bonis faciendis in suis circumstantijs hic, & nunc gratiam sufficientem ad benè operandum voluntati dimissam, sicut in Adamo; & quod præviderit aliquos cum ea esse consensuros aliquando, & pro aliquibus actibus; alios pluries, & pro pluribus; alios numquam, & pro nullis: & propterea decreuisse, illis toties dare, alijs verò non; & ita posset concludi, cur illis, & non istis talis gratia datur; & quod illi, quibus datur, reddunt eam efficacem, sicut præuisi fuerant reddituri ex consensu præstando. Hoc autem supposito sistematè, puto, authores illud sequentes existimare, se posse faciliùs solvere omnes occurrentes difficultates, quæ nec paucæ, nec parvæ sunt. Hoc autem sistema, si detur, licet ego non impugnem, quia Ecclesia hucusque illud, cum omnibus suis sequelis permisit, & ego cum nemine disputo; tamen quia profiteor sequi S. Augustinum (quem video hoc sistema non sequi) item S. Thomam, & Scotum, qui in Augustino, & ut pro meo capto existimo, in Sacra Scriptura, & præcipuè in Apostoli Pauli dictis fundati sunt, alia incedo viam, quamvis arctiori, & difficiliori. Si enim res ista præfati sistematris modo se habet, inquit Petrus Damiani, nullo negotio totum mysterium Prædestinationis ad gloriam, & gratiam, & Reprobationis, à singulis, etiam simplicibus perciperetur; neque Augustinus, neque Apostolus in ijs explicandis recurrissent ad mysteria abdita Dei, *O altitudo divinarum sapientiæ, & scientiæ Dei, quàm incompræhensibilia sunt indicia eius, & inue-*

Facilis esset solutio, si quoddam sistema præscientiæ teneri posset.

Tale autem sistema author non sequitur, licet non impugnet.

*Stigabiles viæ eius* ! Neque S. Petrus de Apostoli Pauli dictis loquens in epist. 2. cap. 3. 16. dixisset, *Frater noster Paulus scripsit vobis*, &c. in omnibus epistolis eius sunt quædam difficilia intellectu, quæ indocti, & instabiles deprauant. Vnum autem meo videri, ex arcanis, quæ docet Paulus in epist. ad Rom. 9. est hoc; *Cuius vult miseretur, & quem vult, indurat*: deinde obijcit sibi. *Dicis itaque mihi. Quid adhuc quæritur, nam voluntati eius quis resistit?* & non respondet per supradictum sistema, quia præuidit homines non consensuros, &c. sed dicit. *O homo tu quis es, qui respondeas Deo?* numquid dici sigmentum ei, qui se finxit, quid me fecisti sic? &c. vt ibi: & in cap. 11. iterum loquens de eiusmodi vocatis, & non vocatis; electis, & non electis, consecutis, & non consecutis misericordiam, non recurrit ad Dei præscientiam de consensibus præstandis, vel non præstandis suæ gratiæ: sed exclamat. *O altitudo diuitiarum sapientiæ, & scientiæ Dei, quam incompræhensibilia sunt iudicia eius, & inuestigabiles viæ eius!* Quis enim cognouit sensum Domini, aut quis consiliarius eius fuit? Ego igitur, quamuis difficultates utrobique agnoscam, malo tamen sequi vestigia Scoti, S. Thomæ, & ceterorum, qui S. Augustinum, per 13. ferè sæcula, duce Apostolo Paulo, sunt secuti, & ab Ecclesia explicitè laudati, quam aliorum, quicumque sint. At quoniam gratia ista faciens facere, seu efficax necessaria est, primò pro vocatione efficaci ad fidem, & iustificationem primam; deinde etiam ad exequenda opera legis, & ad alias iustificationes post lapsus, & ad alia omnia opera bona, sicut oportet; singillatim, & breuiter dicam, an omnes, & singuli homines, ad singula præfata opera exequenda eam habuerint, vel

Ob August.  
& Pauli di-  
cta, Author  
non sequi-  
tur illud  
sistema.

In quibus  
actibus est  
necessaria  
gratia effi-  
cax.

vel habeant. Postea in sequenti Capite discutimus, quomodo poterimus, motiua, ob quæ eam non obtineant: ideo

350. Dico 1. Nec omnes, nec singuli homines, cuiuscumque Nationis fuerint, ante Christi aduentum obtinuerunt gratiam efficacem vocationis ad veram fidem.

351. Probari facile potest à posteriori, discurrendo per libros Sacræ Scripturæ, & per annales, quos multi confecerunt; & præ cæteris eruditissimus Iacobus Salius Iesuita incipiens ab origine mundi, & prosequens vsque ad Christi ascensionem in Cælum. Patet autem ex Sacra Scriptura, quod post diluuium (quidquid fuerit antea) post Nembrot, opera Nini filij cæpit Idolatria, & persecuta est in Oriente, & Occidente, & in omnibus mundi partibus. Omnes ergo Idolatræ illi caruerunt gratia efficaci vocationis ad veram Dei fidem (an verò habuerint sufficientem, dicam postea.) Omnes ergo qui in Gentilitate, ac Idolatriæ Religione nati, ac mortui sunt, ea efficacis vocationis gratia caruerunt. Qui autem, & quot fuerunt, in scientia Dei sunt, & in Patria, si Deo placebit, sciemus.

352. Dico 2. Neque omnes, aut singuli homines, qui post Christi aduentum hucusque fuerunt, ac decesserunt, gratiam efficacem vocationis ad veram fidem obtinuerunt.

353. Probari potest eodem modo ex Chronicis Ecclesiasticis, & à posteriori. Non omnes Nationes, nec singuli alicuius Nationis homines Christi fidem receperunt, & ad Baptismum venerunt; sed in sua perfidia, & falsa Religione decesserunt: ergo efficaci gratia, seu faciente venire caruerunt: hæc enim est efficax faciens facere.

Non omnes, ac singuli ante Christum, gratiam efficacem vocationis ad fidem habuerunt.

Neque omnes, qui post Christi aduentum fuerunt, gratiam efficacem vocationis ad fidem obtinuerunt.

Anteced. notorium est, primò de omnibus Gentilibus, qui in Gentilitate decesserunt; de Hæbreis, de Manichæis, de Mahometanis; & alijs eiusmodi Nationibus infidelibus, qui in infidelitate decesserunt: quæ clara sunt.

Neque omnes vocati  
efficacem  
vocationē  
habuerunt

354. Dico 3. Neque omnes, qui gratiam vocationis ad fidem habuerunt, efficacem gratiam, seu facientem venire ad eam obtinuerunt.

355. Prob. à posteriori, & ex facto. Prædicante Christo, & Apostolis, tam in Iudæa, ac tota Palestina, quàm in alijs Prouincijs, & Regnis Gentilium, non omnes auditores susceperunt Fidem, ac Baptismum, & si sine his mortui sunt, gratiam illam efficacem facientem suscipere (vnde cumque id acciderit, vt postea dicetur) non habuerunt. Anteced. prob. ex facto, & ex dictis, primùm Christi, postea Pauli. Christus enim Matth. 13. 14. inquit. *Ideò in parabolis loquar eis, quia videntes non vident; audientes non audiunt, neque intelligunt: & adimpletur in eis prophetia Isaie dicens. Auditu audietis, & non intelligetis, & videntes videbitis, & non videbitis. Incrassatum est enim cor Populi huius, & auribus grauiter audierunt, & oculos suos clauferunt; ne quando videant oculis, & auribus audiant, & corde intelligant, & conuertantur, & sanem eos: & pluries exprobrauit Iudæis omnibus, & Betsaida, atque Corozaim, & Capharnaum, quòd audientes eum de Regno Deiloquentem, & viam salutis insinuantem, ac miraculis confirmantem, non crediderint, nec conuersi, ac sanati fuerint; cùm tamen alij multi crediderint. S. Paulus Act. 13. cùm Antiochiæ Pisidiæ prolixam habuisset concionem coram, tota Sinagoga de Euangelio, ac factis, & dictis Christi, Iudæi repleti sunt zelo (malo) & contradicebant*

Ex facto  
prædicatio-  
nis Christi  
& Aposto-  
lorum.



cebant his, quæ à Paulo dicebantur, blasphemantes. Tunc constanter Paulus, & Barnabas dixerunt, Vobis oportebat primum loqui verbum Dei: sed quoniam repellitis illud, & indignos vos iudicatis æternæ vitæ, ecce conuertimur ad Gentes, &c. Gentes autem gauisæ sunt, & glorificabant verbum Domini, & crediderunt quotquot erant præordinati ad vitam æternam. Ecce quòd in eadem multitudine auditorum, & si tota gratiam vocationis habuerit, aliqui tamen gratiam conuersionis ad fidem sortiti sunt, alij multò plures eam non obtinuerunt: & Act. 16. 14. cum Paulus Philippis coram multitudine prædicaret, vna tantum mulier Lydia purpuraria, cuius Dominus aperuit cor, intendens his, quæ dicebantur à Paulo, baptizata est cū domo: & in c. 15. 9. S. Petrus loquens de conuersione gentiũ, & quòd non oportebat eas obseruare legem Mosaicam, & quomodò Deus per efficacem gratiam vocaret, & faceret ad fidem, & baptismum venire, præ alijs ait. Deus in vobis elegit per os meum Gentes audire verbum Euangelij, & credere: & qui nouit corda Deus, testimonium perhibuit, & dans illis Spiritum Sanctum, sicut & nobis, & nihil discreuit inter nos, & illos. fide purificans corda eorum: & ita discurrendo de omnibus prædicationibus Christi, & Apostolorum, & cæterorum omnium prædicantium Euangelium in toto mundo. Multi, & innumeri gratiam vocationis obtinuerunt, quia audierunt, excitati, & inflammati fuerunt; at gratiam conuersionis, vt clarum est, sortiti non sunt. Palam ergo est, quòd neque omnes ad fidem vocati, gratiam facientem venire habuerunt: vnde cumque hoc aduenerit, nunc parum refert inquirere.

Quin3 cre-  
diderunt.

Pauli pro-  
testatio  
contra Iu-  
dæos.

Multa S.  
Aug. loca.

S. Pauli for-  
tè argum.

August. di-  
scursus.

licet non omnes vocati ad fidem consentiant, quia gratiam facientem consentire non habent ) audiendus est . Primò in lib. 22. cont. Faustum cap. 78. de pœna peccati originalis discurrens, ait: *de hac iusta pœna, quod non liberat, nisi misericors gratia, certum est: & hinc Apostolus gemitundus exclamat . Infelix ego homo, quis me liberabit de corpore mortis huius? Gratia Dei per Iesum Christum Dominum nostrum . Sed quæ sit distributio iudicantis, & miserantis Dei, cur alius sic, alius autem sic, occultis sit causis, iustis tamen .* In lib. 1. ad Simplicianum qu. 1. circa medium, de vocatis consentientibus diffusè discurre, ostendens primò, quòd à Deo fit, ut vocati consentiant, & sequantur vocantem; alioquin non esset verum, quod dicit Paulus Rom. 9. *Non est volentis, neque currentis, sed Dei miserantis, & nisi à Deo fieret, ut consentiat, homo diceret, est mei volentis: deinde concludit ad rem nostram; Igitur, si non miserantis est Dei, sed volentis, atque currentis est hominis; quoniam non potest effectus misericordiae Dei esse in hominis potestate, ut frustra ille misereatur, si homo velit, posset ita vocare, quomoddò illis aptum esset, ut mouerentur, & intelligerent, & sequerentur. Verum est ergo, multi sunt vocati, pauci verò electi. Illi enim electi, qui congruenter vocati; illi autem, qui non congruebant, neque contemperabant vocatiōni, non electi, quia non secuti, quamvis vocati. Hec est nostra conclusio . At prosequitur ulterius . Item verum est, non volentis, neque currentis, sed miserantis est Dei, quia etiamsi multos vocet; eorum tamen miseretur, quos ita vocat, quomoddò eis vocari aptum est, ut sequantur . Falsum est autem si quis dicit: igitur non miserantis Dei, sed volentis, atque currentis est hominis, quia nullius Deus frustra mise-*

*miseretur . Cuius autem miseretur , sic eum vocat , quomodò scit ei congruere , vt vocantem non respuat .* & adducit exempla de multis , quorum aliqui , vel miraculum aliquod Christi viderunt , vel nullū viderunt , sed cūm prædicantē audierunt crediderunt , & conuersi sunt ; alij verò quā plurimi , & prædicantem audierunt , & miracula facientē viderunt ; & tamen non crediderunt , immò Discipuli ipsi titubarunt , fugerunt , &c. ergo ij , qui vocati non crediderunt , gratiam facientem facere non habuerunt : illi verò , qui crediderunt , obtinuerunt . Cur autem hoc , infra cum S. Augustino , & S. Paulo dicemus .

357. Probari etiam potest ex facto Missionariorum , qui in partibus infidelium Dei verbum prædicant : infideles audiunt , illuminantur interne , ac inflammantur ; & tamen non omnes conuertuntur : ergo . Consequ. prob. hæc enim , vt sæpè dixi est gratia faciens facere , seu efficax , quæ habet secum annexum effectum principalem , quem respicit , & qui est eius obiectum .

358. Tandem probari potest ex dicendis in sequenti Capite , in quo inquiretur ratio cur non detur omnibus : omnia enim argumenta , quæ pro eo Capite sunt , pro isto etiam probant .

359. Dico 4. Fideles iam vocati , & conuersi etiam electi ex iusto Dei iudicio non semper , ac pro omni actu obtinent gratiam facientem facere opus bonum .

360. Prob. 1. ex facto . Fideles , quicumque sint , siue prædestinati , siue reprobi , non sunt confirmati in gratia , & sæpè labuntur in peccata mortalia . Ergo . Consequ. est euident ; quia gratia faciens facere actum bonum , si semper , & pro omni actu eliciendo adesset , non sineret fieri

Ex facto  
argum.

Ex seq. capi  
te sumendū  
argum.

Neque fide  
les conuer  
si , nec ele  
cti pro om  
ni actu ob  
tinent gra  
tiam effica  
cem .

actum malum ; sed semper faceret facere bonum. Anteced. prob. ex factis : Multi enim, vt ex Chronicis patet, Catholici in hæreses lapsi sunt, & in eis mortui sunt. Multi pariter in eas lapsi resipuerunt, immò postea penitentes in opinione, Sanctitatis decesserunt & quod fortius est plures coram Tyrannis fidem negarunt, & postea resipiscences pro fide per eosdem Tyrannos martirium subierunt : igitur fideles iusti, & etiam predestinati, Deo permittente, ex iusto suo iudicio labuntur in mortalia peccata. Si autem gratiam facientem facere bonum, & impediens malum semper, & in omni actu haberent, numquam peccarent, quia hic est effectus tali gratiæ semper connexus, vt supponimus ex pluries dictis.

361. S. Augustinus pluries de hoc modo agendi Dei in conferenda gratia benè operandi, aut negandi, etiam iustis, loquitur, ad eos humiliandos : *In lib. 2. de pecc. mer. & remis. cap. 19.* dicit. *Nos autem quantum concessum est sapiamus, & intelligamus, Deum bonum, idè etiam Sanctis suis alicuius operis iustitiam aliquando non tribuere, vel certam scientiam, vel victricem alevationem; vt cognoscant, non à seipsis, sed ab illo sibi esse lucem, qua illuminentur tenebræ eorum, & suauitatem, qua det fructum suum terra eorum : & post multa dicit. Idcirco Sanctos, & fideles suos in aliquibus vitijs tardius sanat, vt in his minus, quam implendæ ex omni parte iustitiæ sufficit deleat bonum, sine cum latet, sine etiam, cum manifestum est, vt quantum pertinet ad integerrimam regulam veritatis eius, non iustificetur in conspectu eius omnis viuens. Nec in eo ipso vult nos damnabiles esse, sed humiles, commendans nobis eandem gratiam suam, ne facilitatem in omnibus affecuti, nostrum*

Ex factis  
argum.

S. August.  
locus.

Ad humiliandū hoc  
facit Deus.

pute-

putemus esse, quod eius est: qui error multum est Religioni, pietatique contrarius. Immo in lib. 14. de Ciuit. cap. 13. in fine, dicit, Deum permittere, ut Sancti viri cadant in peccatum, ob maius bonum humilitatis eorum. Audeo dicere superbis esse utile cadere in aliquod apertum, manifestumque peccatum, vnde sibi displiceat, qui iam sibi placendo ceciderant. Salubrius enim Petrus sibi displicuit, quando fleuit, quam sibi placuit, quando presumpsit: & in lib. 2. de pecc. mer. & remis. cap. 10. docet, ac numerat omnes Sanctos Veteris Testamenti, de quibus fit mentio in Sacra Scriptura, ostendens, quod peccauerint, Deo sic permitte; & de ipsomet S. Petro iterum loquitur: in lib. 2. de Symbolo ad Cathecumenos cap. 6. ubi de gratia huius concessione, ac suspensione in latrone, ac Petro à Christo in Cruce patrat, sic loquitur. Videte Dominum virtutum in ipsa morte miracula facientem. Tunc latro confitetur, quando Petrus turbabatur. Tunc ille agnouit, quando iste negauit. Sed numquid, quia Dominus acquisiuit Latronem, perdidit negatorem? Absit, absit. Agebat mysterium, qui fundebat pretium: in Petro demonstrans, non in se quemquam iustum debere presumere: in Latrone, nullum impium conuersum posse perire. Timeat bonus, ne pereat per superbiam: non desperet malus de multa malitia: & in lib. de Gratia, & lib. arb. cap. 17. de eodem Petro ait. Ipsam charitatem Apostolus Petrus nondum habuit, quando timore, Dominum ter negauit; Timor enim non est in charitate, sicut ait Ioannes Euangelista, perfecta charitas foras mittit timorem: & tamen quamuis parua, & imperfecta non desinit, quando dicebat, Domino, animam meam pro te pono. Putabat enim se posse, quod se velle sentiebat: & quis istam, etsi par-

Multa exempla iustorum qui peccauerunt.

De Petro, & de Latrone

Iterum de Petro Aug.

nam charitatem dare ceperat, nisi ille, qui pręparat voluntatem, & operando perficit, quod operando incipit? quoniam ipse, ut velimus operatur incipiens, quod volentibus cooperatur perficiens. Rursus autem in atrio Caiphę post trinam negationem cum Galli cętu correptus, respexit in Petrum Dominus, pęnituit, & foras exiens flevit amarę, in se diuinam gratiam, seu charitatem, quę ad pęnitudinem, & fletum illum induxit, expertus est: illa enim respectio corporalis non fuit, quia in locis diuersis erant Christus, & Petrus; ille in loco Concilij, vbi iudicabatur, Petrus in loco atrij, vbi cum ministris se calefiebat: sed hęc respectio fuit spiritualis, ac mentalis illuminatio, & inspiratio faciens cognoscere malum, illudque deplorare, & detestari: ita S. Augustinus de consensu Euangelistarum lib. 3. cap. 6. dicens. *Petrum Christus respexit diuinitus, ut ei veniret in mentem quoties iam negasset, & quid ei Dominus prędixisset, atque ita misericorditer Domino respiciente, pęniteret eum, & salubriter fleret; sicut quotidie dicimus, respice in me: & in lib. de 4. feria cap. 5. dicit ad Petrum. Respexit te intus in corde, ut amarę fleres: &c.*

Quomodo  
Christus  
respexit  
Petrum.

362. Probari tandem potest conclusio ex postea dicendis de dono Perseuerantię: Nam cum de fide sit Perseuerantiam in bono, seu iustitia, esse donum Dei; euident est, quod qui decedunt in peccato, quia non pęnituerunt, non habent hoc donum, seu hanc gratiam facientem perseuerare vsque ad vitę finem. Igitur eodem modo dicendum est de temporali etiam perseuerantiā in bono, quod nempe iustificatus, siue per baptismum, siue postea per pęnitentiam, si in bono nō durat, ac perseuerat, sed vel paulō, vel multō post cadit in peccatum; id accidit, quia caret gratia

Argum. de  
perseuerantię  
carentia.

facien-



faciente perseverare ulterius, si enim eam haberet non caderet, sicut è contra, qui eam habent, non cadunt: & hoc est, quod quærebat à Deo Dauid sæpè dicens. *Adiutor meus esto, ne derelinquas me*: ita in psal. 26.9. in psal. 70. 9. & 18. in psal. 118. 8. & in psal. 19. 9. Vndè S. Augustinus in lib. de Gratia, & lib. arb. cap. 6. ait: *Dicendo Adiutor meus esto, ne derelinquas me; ostendit, quia si derelictus fuerit, nihil boni valet ipse per se. Vndè, & ille ait: ego dixi in abundantia mea non movebor in æternum. Putauerat enim suum fuisse bonum, quod ei sic abundabat, ut non moueretur. Sed, ut ostenderetur illi, cuius esset illud bonum, de quo tamquam suo cæperat gloriari; paululum gratia Dei deferente admonitus dicit (in psal. 29.) Domine in voluntate tua præstitisti decori meo virtutem. Auertisti faciem tuam à me, & factus sum conturbatus. Ideò necessarium est homini, ut gratia Dei non solum iustificetur impius, &c. Sed etiam cum iam iustificatus fuerit ex fide, ambulet cum illo gratia, & incumbat super ipsam, ne cadat. Sic August.*

Aug<sup>us</sup> in  
sententia.

363. In lib. de pecc. mer. & remis. cap. 21. diffusè de concessione, & de negatione gratiæ liberantis loquitur. *Ab hac quippè ira, qua omnes sub peccato sunt, de qua dicit Apostolus (Ephes. 2.) Fuimus & nos aliquando naturaliter filij iræ, sicut & ceteri, nulla res liberat, nisi gratia Dei per Iesum Christum Dominum Nostrum. Hæc gratia, cur ad illū veniat ad illum non veniat, occulta esse causa potest, iniusta esse non potest: & infra dicit, quòd existentibus multis æquè indignis, aliquibus datur, & aliquibus non datur: & de duobus pueris, quorū vnus baptizatur, alius sine baptismo moritur: & quòd duo homines si viuerent possent, & essent malè victuri, tamen vnus à Deo rapitur, nè malitia muta-*

Occulta est  
causa cur  
datur, &  
non datur  
semper, sed  
iusta.

Exempla  
multa.

Ex Dei o-  
raculo.

502 DE GRATIIS ACTUALIBVS,&c.  
ret intellectum eius; alius verò non rapitur, sed  
malus fit, & sic moritur. Aliqui paruuli à spiritu  
immundo vexantur, & alij non, &c. & in his ca-  
sibus dicit recurrendum ad Pauli responsionem:  
*O altitudo diuitiarum, &c. quam incomprehensibilia  
sunt iudicia eius, & inuestigabiles vię eius!* ex hoc  
oritur inquit S. August. in fine capitis, tanta di-  
uersitas: idem habetur in lib. 2. de pecc. mer. &  
remiss. cap. 18. in fine.

364. Concludamus hoc Caput (quòd non  
omnes, & singuli, neque in omni agibili habent  
gratiam istam facientem facere bonum, seu effi-  
cacem) cum oraculo ipsiusmet Dei, in cap. 33.  
Exodi, qui post longum, & notabilem sermo-  
nem, quem cum fidelissimo seruo suo Moysi ha-  
buit, dixit; *Miserebor cui voluero; & clemens  
ero, in quem mihi placuerit.* Interl. quę putatur  
S. Hieronymi, dicit. *Cum miseretur, gratia est;  
cum indurari permittit, iustum iudicium est, quam-  
uis occultum.* S. Augustinus in quæstionibus in  
Exodum, q. 54. inquit: *miserebor, &c. ostendit vo-  
cationem, qua nos vocauit in Regnum suum, & glo-  
riam, non pro meritis nostris, sed pro misericordia  
sua.* Atqui, nec omnes Iudæi, aut Barbari vo-  
cati sunt, aut vocantur vocatione faciente sequi,  
seu venire, & conuerti; neque sic vocati perseue-  
rant in iustitia, seu charitate vsque in finem; ne-  
que illi perseueraturi, aut illi non perseueraturi  
semper abstinere se à peccato, seu semper legem  
obseruant, vt experientia docet: ergo, nec omni-  
bus, nec semper ista gratia conceditur, sed quibus,  
& quando ex sua misericordia Deus vult; & dene-  
gat, quando ex occulto, sed iusto iudicio, non  
vult. Rationes sequentis Capitis idem confirmât.

## CAPVT XVII.

*Cur ista Gratia faciens facere, seu efficax, non detur omnibus, & semper.*

355. **A** Du.1. quòd hìc loquimur non de gratia sufficiente (quæcumque illa sit) nam de ea loquimur postea, sed loquimur de gratia efficaci, seu faciente facere bonum, & abstinere à malo, habente semper secum coniunctum effectum principalẽ, vt in præcedentibus Capitibus sæpè dictum fuit; & quærimus causam, (si quæ inueniri potest) cur Deus eam non concedat omnibus omninò, & singulis hominibus, sed aliquibus tantum; & cur non pro omni tempore, omnique occasione, in qua operandum est bonum ex præcepto, aut consilio, vel abstinendum est à malo.

356. Adu.2. quòd sicut potest considerari homo in diuersis statibus, nempe infidelitatis, & fidelitatis; ita pro diuersis actibus indigere potest gratia ista, quæ faciat facere bonum, & cauere malum; & propterea diuersæ assignari possunt causæ denegationis illius. Declaratur: homo in statu infidelitatis indiget gratia vocationis ad fidẽ, tantæ efficacix, quæ faciat, vt vocatus sequatur vocantem, & veniat ad fidem: homo autem fidelis, siue talis sit ex baptismo in infantia, siue, quia in adulta ætate vocatus, conuersus est, ac baptizatus, pro obseruantia præceptorum Dei, & Ecclesiæ, atque consiliorum, aliorumque operum virtutum ex supererogatione eliciendorum, indiget gratia faciente ea facere, & cauere à malo; alioquin ea non faceret. De omnibus itaque istis

Sensus quæ  
siti.

Homo in  
diuersis sta-  
tibus.

istis hominis statibus inquirimus (si inuenire possumus) quare Deus non omnibus concedat gratiam facientem facere opera bona necessaria, vel utilia ad salutem proportionata omni statui. De gratia autem perseverantiae usque ad mortem, loquar postea. Ideoque quæri potest, cur non omnes omnis Nationis homines efficaciter vocentur ad fidem. 2. cur vocati, & conuersi non habeant eam pro omni actu, ita ut semper facerent bonum, semperque cauerent malum, sed eis permittatur peccare?

367. Dico 1. Vniuersaliter loquendo, pro omni statu hominum nequit assignari alia conuincens, & adæquata ratio cur Deus, nec omnibus, nec in omni temporis circumstantia concedat gratiam facientem facere, seu efficacem, sicut in casu vocationis ad fidem, aut ad penitentiam, siue in casibus exercendi alia bona opera, & cauendi mala, nisi voluntas Dei iusta, & ab acceptione personarum, ac iniquitate alienissima.

368. Prob. prima pars ex Rom. 11. 34. *O altitudo diuitiarum sapientiæ, & scientiæ Dei, quàm incompræhensibilia sunt iudicia eius, & inuestigabiles viæ eius! Quis cognouit sensum Domini, aut quis consiliarius eius fuit? aut quis prior dedit ei, & retribuetur illi?* Igitur sciri non potest causa euidens, aut conuincens, cur det, vel non det omnibus, & singulis in omnibus casibus operandi bonum, & cauendi malum, gratiam facientem ista facere.

369. Idem habetur Sap. 9. 13. *Quis enim hominum poterit scire consilium Dei? aut quis poterit cogitare, quid velit Deus? cogitationes enim mortaliū timidæ, & incertæ prouidentiae nostræ.* Idem dixit Isaias cap. 40. 13. *Quis audiuit spiritum Domini*

Sciri nequit causa, seu vniuersalis ratio cur non detur omnibus, & semper est iusta Dei voluntas.

1. pars ex S. Scriptione.

Ex alio S. Scripturæ loco.

mini, aut quis consiliarius eius fuit, & ostendit illi? Cum quo inijt consilium, & instruxit eum, & docuit eum semitam iustitiæ, & erudiuit eum scientiam, &c.

370. S. Ioan. Chris. hom. 20. in epist. ad Roman. in illum locum, O altitudo, &c. ait: O profunditatem, &c. Non enim incomprehensibilia tantum sunt iudicia Dei; sed inscrutabilia, & imperuestigabiles viæ eius, hoc est, dispensationes; nam & ipse, non solum cognosci nequeunt, sed nec quæri. Neque enim inquit, ego omnia inueni (Philipp. 3.) Sed modicam tantummodò partem, non totum. Ipse quippè solus instituta sua clarè cognouit. Vnde, & subiungit, quis enim nouit mentem Domini, aut quis fuit ei à consilijs?

S. Io. Chris.  
folt.

371. S. Augustinus utramque huius Conclusionis partem probat pluribus in locis, sed præfertim in lib. de bono Perseu. cap. 11. inquit. Proinde sicut Apostolus ait, non volentis, neque currentis, sed misereantis est Dei, &c. quibus non vult subuenire non subuenit; de quibus in sua prædestinatione occultè quidem, sed iustè aliud iudicauit; non enim est iniquitas apud Deum, sed inscrutabilia sunt iudicia eius, & inuestigabiles viæ eius. Vniuersæ autem viæ Domini, misericordia, & veritas. Inuestigabilis ergo est misericordia, quia cuius vult miseretur, nullis eius præcedentibus meritis; & inuestigabilis veritas, quia quem vult obdurat, eius quidem præcedentibus meritis, sed cum eo cuius misereatur plerumque communibus. Sic duorum geminorum, quorum vnus assumitur, alius relinquitur, dispar est exitus, merita communia. In quibus tamen sic alter magna Dei bonitate liberatur; vt alter sine vlla eius iniquitate damnetur. Numquid enim iniquitas est apud Deum? Absit: sed inuestigabiles sunt viæ

S. Aug. utrâ  
que partem  
conclusio-  
nis probat.

Clara S.  
August. do-  
ctrina.

506 DE GRATIIS ACTVALIBVS, &c.  
ipſius. Itaque miſericordiam eius in his, qui liberantur, & veritatem in his, qui puniuntur, ſine dubitatione credamus.

372. Idem S. Doct̃or in lib. de Gratia, & lib. arb. cap. 22. inquit: aliquando filijs infidelium præſtatur hæc gratia, cum multa Dei providentia in manu piorum quomodocumque perveniunt: aliquando fidelium filij non eam conſequuntur, aliquo impedimento exiſtente, ne poſſit periclitantibus ſubueniri. Fiunt verò iſta per occultam Dei providentiam, cuius inſcrutabilia indicia, & inueſtigabiles viæ: & in cap. 23. ait. Ad occulta Dei indicia reuocate, quando videritis in vna cauſa, quam certè habent omnes paruuli hæreditarium malum trahentes ex Adam, huic ſubueniri, vt baptizetur, illi non ſubueniri, vt in ipſa obligatione moriatur: illum baptizatum in hac vita relinqui, quem præſciuit Deus impium futurum; iſtum verò baptizatum rapi ex hac vita, ne malitia mutaret intellectum eius: & nolite in iſtis dare iniuſtitiam, vel inſipientiam Deo, apud quem iuſtitia fons eſt, & ſapientia. Sed ſicut vos exhortatus ſum initio ſermonis huius, in quod perueniſtis, in eo ambulate: & hoc quoque vobis Deus reuelabit, & ſi non in hac vita, certè in altera.

373. In lib. de ſpir. & lit. cap. 34. in fine mouens præſentem quæſtionem, cur vni detur gratia faciens facere, alteri non, ait: Iam ſi ad illam profunditatem ſcrutandam quiſquam nos coarctet, cur illi ita ſuadeatur, vt perſuadeatur, illi autem non ita: duo ſola occurrunt interim, quæ reſpondere mihi placeat: ò altitudo diuitiarum; & numquid iniquitas apud Deum. Cui reſponſio iſta diſplicet; quærat doctiores, ſed caueat, ne inueniat præſumptiores.

374. In lib. de Corr. & Grat. cap. 8. ait. Si d

me

Alia plura  
S. Aug. loca

Voluntas  
Dei iuſta  
in his caſi-  
bus com-  
mendatur.

cum Paulo  
reſpondet  
Auguſt.



me quærat cur Deus eis perseverantiam non dederit, quæ eam, quæ Christianè viuerent, dilectionem dedit, me ignorare respondeo. Non enim arroganter, sed agnoscens modum meum, audio Apostolum dicentem: ò homo tu quis es, qui respondeas Deo: ò altitudo diuitiarum sapientiæ, & scientiæ Dei, quam incompræhensibilia sunt iudicia eius, & inuestigabiles viæ eius? Quantum itaque nobis iudicia sua manifestare dignatur, gratias agamus. Quantum verò abscondere, non aduersus eius cõsiliũ murmuremus; sed hoc quoque nobis saluberrimum esse credamus: & prolixo, dignoque discursu prosequitur hoc argumentum docens ex iustissima, licet imper scrutabili Dei voluntate id prouenire, & concludit caput illud, & cur alijs detur, alijs non detur, sine murmure aduersus Deum dignentur ignorare nobiscum.

375. Ex quibus satis constat nos ignorare causam, cur Deus aliquibus denegat gratiam facientem facere, seu efficacem, tam in ordine vocationis ad fidem, quàm in ordine perseverantiæ, siue finalis, siue etiam temporalis, & ideo clamare debemus cum Sancto Augustino, & cum ipsomet S. Paulo, O altitudo diuitiarum sapientiæ, & scientiæ Dei, quam incompræhensibilia sunt iudicia eius, & inuestigabiles viæ eius! & cum Dauide psal. 35. 7. Iudicia tua Domine abyssus multa. Neque de hac noticia curare debemus, iuxta Pauli Rom. 12. 3. documentum; Non plus sapere, quam oportet sapere, sed sapere ad sobrietatem: & Ecclesiastici 3. 22. Altiora te ne quæseris; & fortiora te ne scrutatus fueris. Sed quæ præcepit tibi Deus, illa cogita semper, & in pluribus operibus eius ne fueris curiosus. Non est enim tibi necessarium ea, quæ abscondita sunt videre oculis tuis: eo vel ma-

Dicit se  
ignorare  
causam cur  
Deus non  
det.

Ignota est  
causa.

Omnes idcirco cum  
Apostolo  
clamare  
debemus, ò  
altitudo.

Documen-  
ta, quòd nò  
debemus  
hæc inqui-  
rere.

Secundæ  
pars con-  
clusionis  
probat,ur,  
cur non om-  
nes habent.

Ex iussa-  
Dei volun-  
tate oritur

Deus id di-  
xit de Pha-  
raone.

508 DE GRATIIS ACTVALIBVS, &c.  
ximè, quia fide credimus, Deum iustum esse, abs-  
que iniquitate, ac personarum acceptione, & nos  
opera manuum suarum non despiciere; & miseri-  
cordem quidem esse; verum tamen etiam iustum;  
vnde David in psalm. 100. *miserecordiam, & iudi-  
cium cantabo tibi Domine*: ideo

Secunda pars conclusionis, quòd denega-  
tio talis gratiæ facientis facere, seu efficacis pro-  
ueniat immèdiatè à Dei voluntate, facilimè pro-  
batur: ex psal. 17. *Saluum me fecit, quoniam voluit  
me*: psal. 21. *Saluum faciet eum, quoniam vult eum*:  
& psal. 134. *Omnia quæcumque voluit fecit*. Cùm  
ergo gratia hæc, vt fides docet, sit donum Dei, si  
aliquibus non datur, ex Dei voluntate dare no-  
lentis prouenit: & Apostolus apertè id docet,  
Rom. 9. *Cuius vult miseretur, & quem vult indurat*:  
& obijciens sibi ipsi, *dicis itaque mihi*. *Quid ad-  
huc quæritur: nam voluntati eius, quis resistit*. Re-  
spondet: *ò homo tu quis es, qui respondeas Deo?*  
*Numquid dicit figmentum ei, qui se finxit, quid se-  
cisti sic? An non habet potestatem figulus luti ex ea-  
dem massa facere aliud quidem vas in honorem, aliud  
verò in contumeliam?* Deindè statim subnectit ex-  
cècationem, & indurationem Pharaonis, sicut  
Deus pluries dixerat Moysi. Exodi 4. 21. *Ego in-  
durabo cor Pharaonis*: & in toto illo libro decies  
replicatur hæc Dei voluntas; & Paulus loco cita-  
to dicit hoc Deum fecisse in ostensionem iustitiæ  
suar: igitur denegatio gratiæ facientis facere bo-  
num, & cauere malum, in quocumque hominis  
statu, & in quocumque operandi ordine, proue-  
nit à Deo ex iusto, & inscrutabili suæ sapientiæ  
motiuo dare nolente.

376. Quòd verò iustè Deus eam deneget, ne-  
mo dubitabit, nisi insanus, vel Manichæus ali-  
quis

quis stultè asserens Deos duos, vnum bonarum rerum, alterum malarum; vel demens Caluinus, qui vt in Opusc. de Præd. pluries dixi, blasphemauit dicens, Deum velle efficaciter, vt homo peccet, vt eum puniat, & propterea ei gratiam efficacem denegare.

377. Iustè autem Deus denegat, sicut iustè operatur omnia. Vniuersæ canonicæ Scripturæ Deum iustum, ac rectum prædicant: incipiendo à Deuter. cap. 32. 4. in cantico illo. *Audite cæli quæ loquor*, in quo Moises Dei perfectiones, ac magnalia confitetur, versu 4. ait, *Dei perfectæ sunt opera, & omnes viæ eius iudicia. Deus fidelis, absque vlla iniquitate iustus, & rectus*: psal. 10. *Iustus Dominus, & iustitias dilexit, æquitatem vidit vultus eius*: psal. 111. *Misericors, miserator, & iustus Dominus*: idem habetur in psalmo 114. & psalm. 118. ac psal. 128. & in omnibus libris Veteris Testamenti sæpè legitur hæc magna Dei perfectio: in Nouo pariter innumeris ferè vicibus prædicatur Dei iustitia in omnibus suis operibus circa creaturas rationales, præsertim in epistola ad Romanos. Si ergo alicui aliquod denegat donum, iustè eum negare credendum est.

378. Quòd pariter sine personarum acceptione denegat, luce meridiana, supposita fide, clarius est. Primò, quia Deus nulli debet, idèò in donando non potest esse acceptor. 2. ex Ro. 2. 11. *Non est acceptio personarum apud Deum*, idem dicit ad Ephes. 6. 9. & ad Colos. 3. 25. & Act. 10. 35. Cùm Deus misisset Petrum ad Cornelium Centurionem Gentilem, vt eum baptizaret, admiratus de hoc, *aperiens os suum dixit. In veritate comperi, quod non est personarum acceptor Deus*.

Iustè dene-  
gat.

Iustitia  
Dei sgpè in  
S. Script.  
laudata.

Deus non  
est accep-  
tor perso-  
narum.

Absque ini-  
quitate.  
Deus de-  
negat gra-  
tiam.

Ex S. Scrip.

S. Aug. plu-  
ries de hac  
re loquitur

379. Quòd tandem sine omni iniquitatis scrupulo Deus eam gratiam denegat aliquibus; nulli dubiū est; quia nulli tenetur dare, immò ritale iniustitiæ omnibus hominibus lapsis in Adam constantibus massam damnatam, ut in Opusculo de Prædestinatione dictum est, iuste potuit negare; quia omnes in Adam eam demeruerunt. Quòd ergo alijs dat, alijs negat, cum illis operatur misericorditer, cum his autem iuste. 2. prob. ex Sacra Scriptura, quòd Deus non est capax iniquitatis. Deut. 32. ut supra. *Deus absque ulla iniquitate.* Psal. 5. *Non Deus volens iniquitatem tu es.* Rom. 9. 14. *Numquid iniquitas apud Deum? absit: & sicut patet, ibi loquitur Paulus de prædestinatione aliquorum, & reprobatione aliorum, & in cap. 3. ait. Numquid iniquus est Deus, qui infert iram? secundum hominem dico, absit. Alioquin, quomodo indicabit Deus hunc mundum? Alia plura suppetunt Sacra Scripturæ loca, quæ Dei summam, ac infinitam sanctitatem, ac benignitatem ab omni iniquitatis nequo alienissimam patefaciunt.*

380. S. Augustinus pluries de hac gratiæ denegatione, vel concessione loquens, ad Dei voluntatem refert, vel iuste denegando, vel misericorditer concedendo. Primò in lib. 4. cont. Iul. cap. 8. videns, quòd Pelagianus iste, ut saluaret, quòd opera bona hominis, non ex necessitate, aut fato eueniunt, docebat gratiam ob merita dari, præ cæteris hæc dicit. *Nos autem, cum vitiatæ originis mala merita esse dicamus; & gratia dicimus intrare paruulum in Regnum Dei, quoniam bonus est Deus; & alium merito non intrare, quoniam iustus est Deus: & in neutro esse fatum, quoniam, quod vult facit Deus. Sed cum sciamus ab*

eo, cui misericordiam, & iudicium fidei voce cantamus, istum, secundum iudicium damnari; illum, secundum misericordiam liberari; nos quid sumus, qui respondeamus Deo? Numquid dicit figmentum ei, qui se finxit, quare mesic fecisti? An non habet potestatem figulus luti ex eadem massa originis vitiatæ, atque damnatæ facere aliud vas in honorem secundum misericordiam, & aliud in contumeliam secundum iudicium?

Ad Dei iudicium iustum, referre

381. In lib. 2. cap. 7. contra duas epistolas Pelagianorum prolixè hoc idem argumentum discutit, ostendens, quòd gratiæ consecutio non est ex fato; neque in eius distributione adest personarum acceptio; sed ex Dei inscrutabili sapientia, & iustitia aliquibus non datur; multa ibi dicit; sed pauca, & paucis referam. 1. Nonne attenditis, nonne perspicitis, non à nobis diuinæ gratiæ nomine fatum asseri: sed à vobis potiùs diuinam gratiam sati nomine nuncupari. Item quod acceptio personarum ibi rectè dicitur, ubi ille qui iudicat, relinquens causæ meritum de qua iudicat, alteri contra alterum suffragatur, quia inuenit aliquid in persona, quod honore, vel miseratione sit dignum. Si autem quispiam duos habeat debitores, & alteri vellet dimittere debitum, & alterum exigere; cui vult donat, sed neminem fraudat, nec acceptio personarum dicenda est, quando iniquitas nulla est: Deindè adducit exemplum Euangelij de Patre familias cum operarijs vineæ, qui in sero voluit dare æqualem mercedem illis, qui vna hora laborauerant in vinea, ac illis, qui tota die, cum quibus conventionem fecerat de denario pro tota die: his enim murmurantibus, quòd æqualem cum illis acciperent mercedem, Pater familias dicit, Nonne ex denario conuenisti mecum? accipe, quod tuum est, & vade.

Quid est personarum acceptio.

Operatio-  
rum vineæ  
exemplum.

Remoue-  
tur perso-  
narum ac-  
ceptio ex-  
plo.

vade. Volo autem, & huic nouissimo dare, sicut, ti-  
bi. An non licet mihi, quod volo facere? an ocu-  
lus tuus nequam est, quia ego bonus sum? Sicut ergo  
hic nulla est acceptio personarum, quia sicut alius  
gratis honoratur, & alius debito non fraudatur; sic  
etiam secundum propositum Dei alius vocatur, alius  
non vocatur; vocato datur gratuitum bonum, cuius  
boni est vocatio ipsa principium: non vocato red-  
ditur malum; quia omnes rei sunt, ex eo  
quod per vnum hominem peccatum intrauit in  
mundum: & post aliqua. Vbi autem dicitur, cuius  
vult miseretur, & quem vult obdurat, quod facit a-  
liud vas in honorem, aliud in contumeliam, bonum  
quidem immerito, & gratis datur, quia ex eadem  
massa est, cui datur; malum verò merito, & debitum  
redditur, quia in massa perditionis malum malo non  
malè redditur; & ei cui redditur, malum est quia  
supplicium est; ei verò a quo redditur bonum est, quia  
rectè factum eius est. Nec acceptio personarum est in  
duobus debitoribus æqualiter reis, si alteri dimittitur,  
alter exigitur, quod pariter ab utroque debetur: po-  
stea adducit aliud exemplum de duobus geminis  
vnus meretricis filijs, quorum vnus ante bap-  
tismum expirauit, alius verò baptizatus fuit: in  
hoc facto, inquit, non adest personarum acce-  
ptio; vterque enim erat debitor, at vni remissum  
fuit, alteri non. Neque, inquit, fatum adest,  
quia nulla stellæ ista decernunt; nec fortuna; quia  
nulli fortuiti casus hæc agunt; nec personarum, nec  
meritorum diuersitas hoc fecerunt, quid restat? quan-  
tum ad baptizatum attinet, nisi gratia Dei, quæ va-  
sis factis in honorem gratis datur; quantum attinet ad  
non baptizatum, ira Dei, quæ vasis factis in con-  
tumeliam pro ipsius massæ meritis redditur.



de gratia liberante loquens multa ad rem notissimam, dicit, sic. *Hæc gratia, cur ad illum veniat, ad illum non veniat, occulta esse causa potest; iniusta non potest.* Neque frustra dictum est, in psalm. 35. *Iudicia tua, sicut abyssus multa.* Cuius abyssi altitudinem veluti expanscens exclamat Paulus: *ò altitudo diuitiarum,* &c. Referens totum Pauli dictum Rom. 11. subdit. *Valdè ergo paruum sensum habemus ad discutiendam iustitiam iudiciorum Dei: ad discutiendam gratiam gratuitam nullis meritis præcedentibus: non iniquum, quod non mouet cum præstatur indignis, quàm cum æquè indignis alijs denegatur.* Adducit postea exemplum duorum paruulorum, quorum vnus accipit baptismum, alius non accipit: deinde aliud de duobus, qui præuiderentur malè operaturi, si viuunt; & tamen vnus rapitur, ne malitia mutet intellectum eius, Sap. 4. alius relinquitur, et malè viuit, & damnatur: in quibus casibus, inquit, clamandum est, *ò altitudo diuitiarum,* &c. & concludit Caput illud. *Vndè ista tanta diuersitas, nisi quia inscrutabilia sunt iudicia eius, & inuestigabiles viæ eius.*

383. In lib. 2. de pecc. mer. & remis. cap. 18. in fine, postquam dixit, gratiam sumi pro misericordia, & è contra, quia in psalm. 100. dicitur. *Misericordiam, & iudicium cantabo tibi Domine:* inquit, *Quarè autem illos velit conuertere, illos pro auersione punire; quâquam, & in beneficio tribuendo, nemo iustè reprehendat misericordem, & in vindicta exercenda nemo iustè reprehendat veracem, sicut in illis euangelicis operarijs, alijs placitam mercedem reddentem, alijs etiam non placitam largientem, nullus iniuste culpauerit: consilium tamen occultioris iustitiæ, penes ipsum est.*

384. In lib. 1. ad Simplicianum qu. 2. proli-

S. August.  
semper idè  
docet de  
gratiæ con-  
cessione, ac  
denegatio-  
ne.

Quia Deus  
miseretur,  
homo vult  
bonum, nō  
ē contra.

Ex Dei mi-  
sericordia  
prouenit  
dare gra-  
tiam; & ex  
eius iusti-  
tia nō dare

514 DE GRATIIS ACTUALIBVS, &c.  
xē discurrit super Pauli verbis Rom. 9. *Itaque non  
volentis, neque currentis, sed miserentis est Dei; vbi  
probat, quod volentis quidem hominis etiam est  
opus bonum; sed non ideò Dei miserentis, quia  
homo vult; sed quòd ideò homo vult, quia Deus  
miseretur, & facit, vt velit; ideòque Paulus Phi-  
lipp. 3. dicit. Deus dat velle, & operari, quia mi-  
serus hominis, dat ei gratiam, qua facit, vt velit.  
& cum homine efficit velle. At inibi etiam dicit,  
etiāsi multos vocet, eorum tamen miseretur, quos  
ita vocat, quomoddò eos vocari aptum est, vt sequan-  
tur. Affert multa exempla eorum, qui ad primam  
vocationem secuti sunt; & aliorum, qui non ita,  
& multi Iudæorum, qui visis tot miraculis Chri-  
sti, non crediderunt, immò eum crucifixerunt, &  
tamen postea Apostolis prædicantibus, credide-  
runt, & subdit. Cum ergo alius sic, alius autem sic  
moueat ad fidem, eademque res sæpè alio modo di-  
cta moueat, alio verò modo dicta non moueat, alium-  
que moueat, alium non moueat, quis audeat dicere  
desuisse modum vocandi, quo etiam Esau ad eam fi-  
dem ræntem applicaret, voluntatemque coniungeret,  
in qua Iacob iustificatus est. Quod si tanta quoque  
potest esse obstinatio voluntatis, vt contra omnes mo-  
dos vocationis obdurescat mentis aduersio; quaritur  
etiam vtrum de diuina pœna sit ipsa duritia? Cum  
enim Deus deserit non sic vocando, quomodo ad fidem  
moueri potest? Quis etiam dicat modum, quo ei per-  
suaderetur, vt crederet, etiam omnipotentie desuisse?  
Et subdit quod dicit Apostolus Rom. 9. de factio  
Pharaonis, quòd obdurationem Deus permisit  
in Pharaone, vt suam in eo potentiam ostende-  
ret, sic. Dicit enim Scriptura Pharaoni; quia ad hoc  
te excitauī, vt ostendam in te potentiam meam; &  
vt annuncietur nomen meum in vniuersa terra: hoc  
autem*

autem subiecit Apostolus documentum, quo probaret quod supra dixerat. Igitur non volentis, neque currentis, sed miserentis est Dei, & hoc argumentum usque in prolixi capitis finem prosequitur, addens, quòd carnalis non capit quæ sunt Dei, & denegationem gratiæ in reprobis, siue vocatis, siue non vocatis reducit ad suum proprium sistema massæ damnatæ, ex qua in ostensionem misericordiæ alios elegit ad gloriam, & gratiam; alios in ostensionem iustitiæ in ea massa reliquit, & vocare noluit, vel non eo modo, quo sequendo obedirent, & hoc ex suo inscrutabili, iusto tamen, iudicio.

385. In lib. 4. de Trin. cap. 1. declarans illud psal. 67. *Pluviam voluntariam segregabis Deus hereditati tuæ, & infirmata est; tu vero perfecisti eam*, ait. *Pluviam quippè voluntariam, non nisi gratiam vult intelligi non meritis debitam, sed gratis datam; unde & gratia nominatur. Dedit enim eam, non quia digni eramus, sed quia voluit. Hoc cognoscentes, non fidentes in nobis erimus; & hoc est infirmari. Ipse vero perficit nos, qui etiam Paulo Apostolo dixit, sufficit tibi gratia mea, quia virtus in infirmitate perficitur.*

386. In lib. 2. contra Fælicem Manichæum, cap. 7. expendens illud 1. ad Timot. 6. *Deus habitat lucem inaccessibilem*, dicit primò Sanctos ad eam accedere, quia in psal. 35. dicitur; *Accedite ad eum, & illuminamini*; & Matt. 5. *Beati mundo corde, quoniam ipsi Deum videbunt*. At dicit 2. sed quia non ad eam potest accedere, nisi cui Deus ipse donaverit, ut accedat; idè per se ipsam inaccessibilis est. Nemo ad eam potest accedere, quem Deus noluerit, ut accedat; cui autem donaverit ipse accedit. dicitur enim in psal. 38. *Gratiam, & gloriam dabit*

Ad Dei iustitiam voluntatem Aug. hoc totum refert.

Multa S. Aug. loca.

*Dominus* : igitur , quòd aliqui neutram , vel alterutram non habeant, ex Dei voluntate iusta provenit , sed ex secreto , & inscrutabili iudicio .

387. In lib. de cognitione veræ vitæ cap. 26. discutiens admirabilem Dei providentiam , cur non singulis creaturis cuncta suæ gratiæ dona tribuat , cum in cunctis inexistat , sed singula singulis , discurrendo per omnes creaturas vegetabiles , & sensitiuas , sicut anima existens in toto corpore , non omnibus membris eundem actum tribuit , postquam multa dixit , concludit sic . *Cur autem Deus uni creaturæ dulcedinem suæ præsentiae perfruendam exhibeat , alteri subtrahat , ratio nullo acumine penetrare valet ; sed terribilem Deum in indicijis suis stupet .*

388. Ex his ergo dictis infertur primò. Quòd pueri omnes , qui ab initio mundi. usque nunc mortui sunt cum peccato originali , quia scilicet non fuit eis applicatum remedium à Deo ab initio institutum pro lege naturæ , ac pro scripta , pro Hebreis, incipiendo tamen ab Abraham, idest annis 400. ante Moysen , & pro lege Evangelica pro omnibus, isti, inquam , pueri caruerunt gratia efficaci liberante eos à massa damnata .

389. Infertur 2. quòd omnes homines adulti, qui ab initio mundi usque nunc extiterunt , & veri Dei fidem non habuerunt, sed Solem, vel Lunam , vel militiam Cœli ( idest alios planetas ) aut elementa, vel post diluvium, Idola adoraverunt, aut nunc adorant ; gratia efficaci vocationis, & conuersionis caruerunt .

390. Infertur 3. quòd post Christi aduentum, omnes homines , cuiuscunque Nationis , ac Regionis , qui Christi fidem per baptismum fluminis, aut flaminis , aut sanguinis non receperunt, vel

Corollaria  
deducta ex  
prædictis.

Pueri cum  
originali  
defuncti caruerunt  
gratia .

Sic adulti  
infideles  
mortui.

Mortui sine  
baptismo post  
Christum  
gratia efficaci caruerunt.

vel non recipiunt, gratia hac efficaci, seu faciente facere, caruerunt, & carent, quousque à Deo efficaciter vocentur.

391. Infertur 4. quòd omnes, qui fidem Christi per baptismum receperunt, & tamen extra Ecclesiam Catholicam reperiuntur, vel quia prius Catholici fuerunt, & ab ea recesserunt; vel quia à genitoribus Sectarijs orti, in Sectis educati, ad Catholicam fidem non veniunt, gratia ista efficaci, seu faciente facere carent, & alij defuncti caruerunt.

392. Infertur 5. quòd Schismatici, quorum Schisma heresi coniunctum est, sicut hodie est, vel etiam si heresi non sit coniunctum, gratia ista efficaci faciente venire ad unitatem carent; & qui in eo decesserunt caruerunt.

393. Infertur 6. quòd Catholici veri, ac puri decedentes in peccato mortali, gratia hac efficaci faciente resipiscere, & penitentia ad Deum redire, caruerunt.

394. Infertur 7. quòd Catholici prædestinati, ac sancti, qui in bono perseverantes sunt morituri, si in gratia confirmati non sunt, & interdum in peccata mortalia, & graua labuntur, dum eos labi Deus permittit in eorum humiliationem, tunc gratia efficaci, faciente cauere malum, & superare tentationem, carent; eaque postea potiuntur, cum ex Dei misericordia resurgunt.

395. Cur autem hoc diuerso modo procedat Deus cum vniuersitate hominum omnium à se creatorum, & per Vnigeniti Filij sui Domini nostri Iesu Christi passionem, ac mortem redemptorum, qui hoc scire vult interroget Sanctum Paulum, qui respondebit se quoque nescire, & dicet: *O homo tu quis es, qui respondeas Deo? Quis*  
consi-

Sic morientes in heresi.

Ita Schismatici in Schismate decedentes

Sic Catholici morientes in peccato.

Prædestinati dum peccant carent gratia efficaci.

518 DE GRATIIS ACTUALIBVS, &c.  
*confiliarius eius fuit? O altitudo, &c. quàm in comprehensibilia sunt iudicia eius, & inuestigabiles viæ eius! consolatur nos tamen, dicens. Apud Deum non est personarum acceptio, nec iniquitas: Hæc scire nobis sufficiat: & non scrutemur in profundo, ne labamur in profundum, inquit Augustinus.*

## C A P V T X V I I I.

*An saltem gratia dicta sufficiens, concedatur omnibus hominibus, & in omni tempore.*

396. **A**Du. 1. quæsitum hoc plura æquè difficilia complecti, æquè pariter scitu digna. Primum est, an detur ista species gratiæ dicta *sufficiens*, & qualis sit, seu in quo consistat; & cur ita dicta, cùm effectum principalem non producat: & quamvis in *cap. 4.* huius Opusculi de illa nonnulla dixerimus, non tamen completè, & pro dignitate de ipsa disseruimus, reservantes eius discussionem vsque ad locum istum. Secundum dubium hic resoluendum est: hoc supposito, quòd admittenda sit species ista gratiæ sufficientis, sicut de facto admittimus, quæritur, an detur omnibus, & singulis hominibus, cùm omnes, & singuli sint capaces gloriæ, & mediorum, quæ disponunt, atque conducunt ad gloriam; & omnes, & singuli redempti fuerint à Christo Domino. Tertium quæsitum in hoc loco resoluendum est: supposito, quòd gratia sufficiens admitatur, & concedatur, siue omnibus, siue aliquibus, quærendum est, an continuò, & pro quolibet temporis momento, ac pro qualibet actione faciendâ, Deus concedat hanc gratiam. Quæ omnia quæsitâ cum alijs annexis, Deo fauente, soluere conabimur.

Quæsitum  
 difficile  
 plura com-  
 plectens.

1. An detur  
 gratia suf-  
 ficiens.

2. An omni-  
 bus detur.

3. an sæpè,  
 & continuò.



nabimur ; & distinctionis , atque claritatis gratia per plura Capita ea distribuemus : primò tamen de eius existentia loquemur in sequenti §. vnico.

397. Adu. 2. quòd iuxta diuersum hominum statum , gratia , tam efficax , quàm sufficiens ad hæc quatuor operationum genera potest esse necessaria , scilicet ad credendum ( pro infidelibus ) sperandum , ac diligendum , &c. dum creditur . 2. ad penitendum . 3. ad seruandum præcepta , vel consilia , & virtutum opera facienda , sicut oportet ; 4. ad superandum tentationes , & ad cauendum mala ; & hæc omnia pro fidelibus , qui in his operibus mereri possunt : & ideò inquirendum , an tam infidelibus , vt veniant ad fidem , quàm fidelibus , vt præfata bona opera faciant , Deus , si efficacem gratiam non concedit ; saltem concedat sufficientem , & continuè illam eis præstet , illuminando , & inspirando .

### §. Vnicus .

*An admittenda sit gratia sufficiens , contradistincta ab efficaci , & in quo consistat .*

398. **A**Du. 1. quòd vocabulum hoc *sufficiens* , deriuatum à verbo *sufficio* , sumi potest dupliciter , grammaticaliter , ac theologicè : primo modo sumptum significat rem aliquam , non indigentem aliquo alio in suo genere ad effectum aliquem producendum . Theologicè verò sumptum , & applicatum gratiæ , sumptum est à Theologis ad significandam speciem quamdam gratiæ contradistinctam à gratia efficaci : vnde autem putauerint Theologi sumi æthimologiam , *sufficientis* , cum reuera ad effectum principalem pro-

Ad quæ opera gratia est necessaria .

\*Sufficiens dupliciter sumi potest

producendum in actu non sufficiat, vt mox dicam, sed tantum ad posse producere

399. Adu. 2. quòd inter Theologos ipsos adhuc æquiuocum est vocabulum hoc *sufficiens gratia*. Quidam enim appellant gratiam *sufficientem* omnem illam, per quam nullo alio requisito effectus habetur; & sic in sensu grammaticali accipientes *sufficientem*, solam efficacem appellant *sufficientem*; quia ipsa sola in suo genere, ac ordine principij nullo alio requisito sufficit ad ponendum effectum in esse. Sic eam sumit Riccardus de S. Victore in *serm. de missione Spiritus Sancti*, post medium, vbi plura dicit de gratia sufficiente, sed eam dicit *sufficientem*, quæ effectum producit, & de Apostolis ait, ante Pentecostem habuisse gratiam (dictam *presentem*) sed in Pentecoste per infusionem Spiritus Sancti habere ceperunt *gratiam sufficientem*, & subdit. *Qualis fuerit prima gratia testatur Petri casus: qualis fuerit secunda testatur constantia Stephani. Certè, nec Petrus caderet, si gratiæ plenitudinem haberet; nec Stephanus in tanto virtutum fastigio staret, si gratiæ plenitudine careret: dicit deinde, quòd Apostoli gratiam sufficientem habuerunt, sed non omnem plenitudinem gratiæ. Tertiò dicit, quòd de Christi plenitudine omnes accepimus, secundum præsentis vitæ statum, & capacitatem omnes habere ad gratiã sufficientē: dicit 4. Siquidem gratiam sufficientem habuit Adamus ad malum cauendum. & omne debitum soluendum: alioquin non potuit vitare peccatum: & alia plura. Itaque sumit sufficientem diuerso modo, quàm moderni Theologi sumant; & vt patet grammaticaliter potius, & in vltima propositione de Adami gratia, & in alia de gratia Petri cadentis, videtur accedere ad sensum*

Inter Theologos etiã dupliciter sumitur sufficiens.

Primo pro efficaci.

Alijs modis sumpta sufficiens gratia,

sum modernorum: & ipsemet S. Augustinus loquens de gratia necessaria post lapsum Adæ, ait, quòd illa dat vires *sufficientissimas*, ad faciendum opus bonum: at de gratia hoc modo *sufficiente* in hoc loco non loquimur. Alij autem Theologi docuerunt, nullam dari gratiam sufficientem; sed omnem gratiam esse efficacem: at hi diuisi sunt. Quidam sic suam declarant sententiam: omnis gratia facit suum effectum, verbi gratia, dum Deus illuminat intellectum alicuius, & inspirat voluntati actum credendi, penitendi, præceptum adimplendi, &c. Gratia illa facit suum effectum, quia illuminat, ac inspirat, etiam si illuminatus, ac inspiratus non faciat actum credendi, penitendi, etc. & in hoc sensu potest admitti, quòd omnis gratia sit efficax: sed cum bona eorum, venia existimo, non posse sic absolute pronunciarì, *omnis gratia est efficax*, sed cum aliqua limitatione, scilicet, in aliquo sensu, seu ordine, non verò absolute; quia talis illuminatio, & inspiratio non habent semper coniunctum effectum principalem, quem respiciunt, nempe actum credendi, penitendi, &c. Alij verò dicunt, non dari aliam gratiam diuinam, quam nobis meruit Christus, nisi efficacem, quæ scilicet, semper habet coniunctum effectum, & cui voluntas numquam resistit, quæ sententia damnata est; & etiamsi damnata non foret, ex Sacræ Scripturæ, & SS. Patrum principijs conuinceretur falsa, & iniqua: de ista ergo *sufficienti* gratia, vt contradistincta, ab efficaci, hìc loquimur.

400. Adu. 3. quòd quamuis Authores omnes, qui gratiam sufficientem admittunt, contradistinctam ab efficaci eam asserunt; non tamen omnes eodem modo contradistinguunt.

Etiam August. inter-  
dum effica-  
cem dicit  
sufficientem.

Quomodo  
dici potest  
quòd om-  
nis gratia  
sit efficax.

Quidā dicunt gratiā esse sufficientem solum ex carentia consensu liberi: & per eum fieri, efficacem.

Quidam enim Authores dicunt contradistingui per carentiam consensus liberi; licet etiam ipsi inter se in declarando rem istam dissentiant. Declaratur. Conueniunt in hoc, quod omnis gratia necessaria ad benè operandum est indifferens ad ponendum, & non ponendum effectum principalem ad quem à Deo confertur; ita quod, si voluntas consentit, fiat efficax; si non consentit, remanet *sufficiens*, eo quod quantum in se est ex parte principij gratiosi, sufficit ad producendum effectum, quia nullo alio indiget in genere gratiæ, ac effectum non facit, quia aliud cōprincipium, quod vitale est, non vult ea vti. Quando autem vult ea vti, & concurrat ad opus, tunc gratia est sufficiens, & efficax. Hanc sententiam non sumus secuti, ut patuit in cap. 7. etc. quia si alio modo explicetur, putamus non esse S. Augustini: & Cardinalis Belar. in *lib. 1. de Gratia, & lib. arbit. cap. 12.* ingenuè fatetur non esse sententiam S. Augustini: & nos in superioribus notauimus à S. Austino potius impugnari pro statu naturæ lapsæ, admittente talem gratiam à voluntate determinandam in solis Angelis, & Adamo, asserens pro ratione, quia ut Deus exerceat misericordiam suam cum creaturis, non indiget consensu earum, neque illum expectat; sed ipse facit, ut consentiant, alioquin (à posteriori) frustra diceret Paulus, *Quis te discernit? quid habes, quod non accepisti?* etenim homo consentiens, dicere posset, *Ego me discerno*; quia ego feci, ut gratia esset efficax, & volui facere, ac feci bonum opus: hunc ergo modum declarandi gratiam sufficientem, qui ab Augustino, ut videt̃ reiicitur, sequi non possum, & qualiscumque valoris sit, non curo ampliùs discutere, sed non impugno.

Alij aliter distinguunt sufficientē ab efficaci.

Alij alio modo gratiã ex sufficienti fieri efficacẽ declarant, vt cum S. August. teneãt, & à prefata sententia recedant, quem modum idem Belarminus refert in dicto Capite, & iterum in Capite 13. respondens ad 3. obiectionem: quem modum non curo referre, quia illum non impugno, sed relinquo in suo statu; tũ quia fortẽ non benẽ capio; tũ etiam, quia omnem modum dicendi admitterem, dummodò saluet gratiam sufficientem, distinctam ab efficaci, & libertatem voluntatis, & quòd homo non se discernit, sed Deus.

Alij verò, qui se Sancti Augustini magis sequaces profitentur, (quibus subscribo) docent gratiam efficacem, & sufficientem esse duas species diuersas ex sui natura, nec posse hanc euadere illam: sed vt in toto hoc serẽ tractatu diximus, dicunt, efficacem esse illam, quæ ex sua natura, vel ex diuino decreto talis est, quæ infallibiliter semper habet annexum effectum principalem, ad quem faciendum à Deo datur; sufficientem verò esse eam, quæ effectum principalem annexum non habet, vndecumque hoc proueniat; sed dat posse tantum potentiæ, vt exemplis patebit. Vnde verò sortiatur nomen *sufficientis*, cùm reuera, scilicet sola, & sine alia, nempe adiuuante, ad faciendum de facto opus non sufficiat, & ad quid detur, quoad me fateor ingenuè, hoc opus, hic labor est; ideo

401. Adu. 4. Quòd licet ex tempore Augustini, immò ab initio Ecclesię, etiam in Veteri Testamento, vt in cap. 4. patuit, & mox patebit agnita fuerit gratia ista inefficax, quæ effectum principalem secum annexum non habet (vndecumque hoc proueniat) non potui tamen inuenire quisnam ex maioribus, & antiquis nomen hoc *sufficientis*, & qua ratione, ei imposuerit. Autho-

Authoris  
ingenuitas  
ac modestia.

res enim, qui docent omnem gratiam secundum se, & in suo ordine esse actiuam, si voluntas velit ea uti; at non agere, quia voluntas ea non utitur, facile assignant, cur dicatur, & sit *sufficiens*, quia, inquiunt, in genere gratiæ, & comprincipij supernaturalis nullo alio indiget, ut exeat in actum, sed expectat, ut voluntas ea utatur ad faciendum actum supernaturaliter bonum, ac liberum, & meritorium, siue de congruo, ut in se disponentibus ad iustitiam, siue de condigno, ut in iustis bene operantibus. Isti, inquam, suppositæ eorum sententia de submissione, ac dependentia gratiæ ad voluntatem, nullo negotio, immò euidenter ab hac difficultate se liberant. At qui dicunt certius se Sancti Augustini, S. Fulgentij, S. Prosperi, S. Thomæ, & Scoti sententiam sequi, nempe, quod gratia efficax ex sui intrinseca natura sibi à Deo indita habet, ut delectabiliter trahat (ut supra diximus) voluntatem ad faciendum opus bonum, se habens ad voluntatem, sicut sessor ad iumentum, ut ait S. Augustinus, non quidem cum omnimoda paritate, ut phanaticè putauit Lutherus negans liberum arbitrium hominis, quia docuit, quod sicut iumentum caret libertate, quæ tota in sessore est, ita homo sub gratia efficaci, demens enim est, qui putat in hoc sensu loqui Sanctum Augustinum; sed cum aliqua paritate, ut ostenderet præcellentiam gratiæ, quæ liberum arbitrium ex diuina virtute alliciendo illud trahit ad bonum operandum, & ideo facit, ut voluntas faciat; ac propterea sit, & dicatur efficax; alia autem species gratiæ hanc naturam, seu qualitatem à Deo non habet, ideoque inefficax, difficilius assignant rationem, cur dicatur *sufficiens*, cum ipsa in genere gratiæ sola

Author ne  
scit, quis sit  
inuentor  
vocabuli  
sufficientis  
pro gratia  
inefficaci.

Aliqui fa-  
cile assi-  
gnant ratio-  
nem: alij  
non sic fa-  
cile.



sola non satis, & valens sit, ad trahendam voluntatem, vt cum ea faciat opus bonum, sed sit necessaria gratia adiuvans, quę facit facere; cur autem sic vocetur, dicam.

402. Dico 1. Omnino admitti debet Gratia dicta *sufficiens*, contradistincta ab efficaci; talis quidem ex sua natura sibi à Deo indita; & absque ordine ad voluntatis determinationem, sed dans ei posse bona facere. Prima pars nunc de fide est. Secunda verò disputatur donec ab Ecclesia expressè definiatur; at existimatur S. Augustini, & eius Discipulorum esse, inter quos minimus ego censi cupio; quamvis opposita ab alijs, qui S. Augustinum quoque profitentur sequi, defendatur, quos non impugno.

403. Prima pars ex cap. 4. manet probata; nihilominus eas rationes recolere, & alias adiungere, inutile non erit. In Veteri Testamento legimus, quod sępè Deus populum suum vocavit, repræhendit, admonuit, ac afflixit; & tamen non obediuit, restitit vocationibus, spreuit monitiones, & peius aliquandò peccavit: ergo. Anteced. prob. ex pluribus locis: psal. 94. *Quadraginta annis* (idest in deserto) *proximus fui generationi huic, & dixi semper hi errant corde; ipsi verò non cognouerunt vias meas, quibus iuravi in ira mea, si introibunt in requiem meam*: Et ita accidit in patriam, quia ex innumerabili ferè illo promiscuo populo, qui, duce Moise, egressus fuit de Ægypto, & vagatus annis 40. per desertum, duo soli, Iosue, & Caleb in terram promissionis intrarunt: 2. ex Prou. r. 24. Deus dicit. *Conuertimini ad correptionem meam. En proferam vobis spiritum meum, & ostendam vobis verba mea. Quia vocavi, & renuistis; extendi manum meam, & non fuit, qui aspiceret;*

Admitti  
debet gra-  
tia sufficiens  
ex sua na-  
tura.

Ex Veteri  
Test. pro-  
batur.

Ex psal.

Ex Prouer.

*ret; despexistis omne consilium meum, & correptionem meam: ego quoque in interitu vestro ridebo, & subsannabo, cum id, quod timebatis, aduenerit.*

Ex Isai.

404. Confirmatur ex Isaiæ 1. vbi Deus conueritur de Populo Hæbraico, quòd ei non obedierit, sed eius admonitiones spreuerit, & inuitat, vt ad ipsum redeat per pœnitentiam; qui tamen, pertinax in Idolatria persenerauit. *Filios enutriui, ipsi autem spreuerunt me. Cognouit bos possessorem suum, & asinus præsepe Domini sui; Israel autem me non cognouit, & populus meus non intellexit: & infra. Lauamini, mundi esote, auferte malum cogitationum vestrarum ab oculis meis, quiescite peruersè agere, etc. venite, & arguite me, etc.* & tamen conuersio populi secuta non est, immò hic Propheta ob has monitiones ab impio Manasse Rege Iudæ per medium sectus, & occisus est.

Ex toto Veteri Test. probari potest.

405. Confirmatur 2. ex omnibus libris Veteris Testamenti, & præsertim omnium Prophetarum, per quos Deus populos Hæbraicos post diuisionem Regni sub Roboam, et Ieroboam, hortatus est ad pœnitentiam, & miraculis veritatem ab eis prædicatam confirmauit; & nihilominus conuersi non sunt. Has autem gratias vocamus *sufficientes*, contradistinctas ab efficacibus, quibus annexi sunt effectus, nempe conuersiones ad fidem, vel pœnitentiam, vel ad alia bona peragenda.

Ad obiectionē, quòd fuerint externæ vocations responsio.

406. Neque potest dici, quòd prædicationes illæ, & exhortationes Prophetarum, vel aliorum Sanctorum Dei iussu factæ populis, aut priuatis personis fuerint externæ tantum gratiæ, puta locutiones, ac verba, sicut est ipsa lex à Deo data, non autem interna qualitas in anima à Deo infusa; & ideò sicut lex non in omnibus, qui eam legunt

legunt producit effectum, quem dicat, ita neque prædicationes illæ.

407. Respondetur enim, hanc fuisse vnā, ex propositionibus Pelagij Hæretici iam damnati; ideò non posse ab vlllo Catholico ampliùs adduci. Quòd verò prædicationes illæ, & aliorum à Deo missòrum non fuerint, nec sint simplicia, seu externā tantum verba; sed ijs prædicantibus externè, Deus tunc internè loquatur illuminando, vt veritatem audientes agnoscant; & inspirando, vt eam cognitā diligant, alioquin frustra fieret prædicatio; luculenter hoc docuit Sanctus Augustinus Doctor Gratix tract. 3. in epist. 1. Ioannis, vbi explicans illud, *Vnctio spiritus docet nos*, inquit, *Videte fratres magnum Sacramentum: sonus verborum nostrorum aures percutit, Magister intus est: admonere possumus per strepitum vocis nostræ; si non sit intus, qui doceat, inanis est strepitus noster.* Et post aliqua subdit. *Magisteria forinseca, adinstructoria quedam sunt, & admonitiones: Cathedram in Cælo habet, qui corda docet; propterea dicit in Euangelio, nolite vobis Magistrum dicere in terra. Vnus ergo Magister est Christus; ipse ergo nobis intus loquitur, quando nemo hominum illic est: & infra. Interius ergo est Magister, qui docet; Christus docet; inspiratio illius docet. Vbi illius inspiratio, & vnctio non est: forinsecus inaniter perstreperunt verba: & assignat exemplum de Agricola, qui arborem irrigat, sed nec dat ei incrementum, nec ipse poma producit. Ideò dicit Apostolus. Ego plantaui, Apollo rigauit; Deus autem incrementum dedit. Ergo cum Deus per Prophetas, aliosque ministros manifestare facit hominibus veritatem doctrinæ, ac morum, & facit eos hortari, et admonere, vt conuertantur ad fidem, vel peni-*

Ex S. Aug.  
clara res-  
ponso.

Cum quis  
externè præ-  
dicat; Deus  
internè lo-  
quitur.

Dens per  
prædicato-  
res loqui-  
tur externè  
sed ipse in-  
ternè.

tentiā; vel ad exercitiū virtutū, ipse benignissimus Dominus tunc intus loquitur illuminando; et inspirando; quamuis audientes sæpè numero non conuertantur ad ea, ad quæ admonentur.

Alia ratio  
ad idem.

Ex Christi  
dictis.

408. Prob. iterum eadem pars prima ex Nouo Testamento. Saluator post prædicationem, 40. ferè mensium, cū pauci conuersi essent respectu tantæ multitudinis Iudæorum, Matth. 23. 37. dixit. *Ierusalem, Ierusalem, quoties volui cōgregare filios tuos quemadmodum gallina congregat pullos suos sub alis, & noluisti.* Ioann. 5. ait. *Quem misit ille (Pater) huic non creditis, scrutamini Scripturas, quia vos putatis in ipsis vitam æternam habere, & illæ sunt, quæ testimonium perhibent de me, & non vultis venire ad me, ut vitam æternam habeatis:* & alia plura eiusmodi dicta Christi in Euangelio legimus. Christus autem, ut nuper patuit, non externè tantum loquebatur, sed etiam internè, illuminando, & inspirando; & tamen auditores non crediderunt; ergo confitenda est gratia interna contradistincta ab efficaci, cui voluntas resistit, et effectum principalem connexum non habet.

Ex dicto S.  
Stephani.

409. Primus omnium, qui post Christum de hac sufficienti gratia testimonium perhibuit, est Protomartir Stephanus. Is Act. 7. post longam illam concionem, qua omnia beneficia populo à Deo collata, & ingratitude, ac duritiem cordium ipsorum ad Deo obediendum exprobastet, mox ob ipsorum perfidiam lapidandus, dixit. *Dura cervice, & incircumcisis cordibus, & auribus vos semper Spiritui Sancto resistitis; sicut Patres vestri, ita & vos.* Ergo datur gratia, cui voluntas resistit, & quæ effectum principalem annexum non habet.

Con-

410. Confirmatur ulterius ex aliquibus Pauli locis . Rom. 10. 16. *Sed non omnes credunt Euangelio : Isaias enim dicit , Domine quis credidit auditui nostro ?* Cum autem Apostoli Euangelium externè prædicabant, Deus , vt ex Augustino patuit, internè loquebatur auscultantibus; & tamen non omnes credebant: & in die Pentecostes prædicatio eorum confirmata fuit cum miraculo linguarum; & tamen cum tot millia hominum audissent, & illuminati, ac inspirati essent; tria millia tantum conuersi fidem susceperunt. Sic etiam quando *Act. 3.* Petrus, & Ioannes, sanato claudo, protestati sunt se in nomine Iesu miraculum patrassè; & ideò eius sanctitatem, ac diuinitatem annunciarunt, asserentes, nullum sine eius fide saluari posse, quinque millia hominum tantummodò conuersi sunt; cæteri verò, etsi illuminati, ac inspirati, in sua infidelitate perstiterunt. Similes autem plures casus acciderunt Petro, & Paulo, & cæteris Apostolis, vt ex toto libro *Act.* Apostolorum constat; pauci enim ad eorum prædicationem conuertebantur, vt Paulo prædicante Athenis; & interdum vnus, vt de Lydia purpuraria ad prædicationem Pauli *Act. 16.* sola cū domo cōuersa Philippis. Hinc est, quòd Antiochiæ Pisidiæ *Act. 13.* cum toties Hæbreis prædicasset, & rarissimas ipsorum conuersiones expertus esset, sancto zelo repletus, dixit. *Vobis oportebat primùm loqui verbum Dei; sed quoniam repellitis illud, & indignos vos iudicatis æternæ vitæ eccē conuertimur ad gentes: sic enim præcepit nobis Dominus. Posui te in lucem Gentium. Audientes autem gentes gauisæ sunt, & glorificabant verbum Domini, & crediderunt quotquot erant præordinati ad vitam æternam.* Ecce in hoc facto duplex gratiæ

Ex Aposto-  
li dictis, &  
factis.

Multi au-  
diebant eòs,  
ciones; sed  
pauci con-  
uertebantur

genus ; in prioribus illuminatis , & inspiratis sufficiens , nam sine conuersione ; in posterioribus efficax , quia cum conuersione .

Alia arg.  
vnde sumē.  
da .

411. Alia argumenta , quibus probatur hæc gratia dicta *sufficiens*, desumpta ex Concil. & ex definitione Sedis Apostolicæ , & ex S. Augustino , in Capite 4. huius Opusculi relata sunt ; & alia infra adducentur , cum ostendemus gratiam sufficientem ad credendum omnibus , etiam infidelibus , dari ; & gratiam ad pœnitendum , & ad opera legis , atque consilij omnibus quoque fidelibus : at non omnes , nec illos , nec istos conuer- ti ad faciendum : ideòque suppositis fidei princi- pijs , euident est , dari gratiam contradistinctam ab efficaci , quæ communiter nostris temporibus appellatur *sufficiens* .

S. Aug. non  
sic nominat  
hanc gra-  
tiam, sed in  
re admittit

S. Augustini clara loca adduxi in præfato Capite 4. ibi videnda . Quamuis, nec in illis, nec in alijs locis vñquam hoc nomine sufficientis in modernorum sensu appellat aliquam gratiam : in re tamen conuenit , admittendo gratiam vo- cationis , quam homo non sequitur . Hoc autem de eius mente nobis sufficit , quòd scilicet detur quodam gratiæ genus , quæ homo illuminatur, ac inspiratur ad conuersionem , vel ad pœnitentiam , vel ad aliud virtutis opus , quod tamen homo nō facit , & non curamus de nomine , an adæquatè eam exprimat , nec ne ; & cum communi moder- norum nomine vocamus *sufficientem* , mox cum alijs dicturi sub qua proprietate talis dicatur .

Gratia ista  
ex se habet  
quòd non  
sit efficax.

412. Secunda pars conclusionis , quòd scili- cet ex se habeat gratia ista , ex Dei dispositione , vt non sit efficax , seu faciens facere ; non verò re- spectu voluntatis non consentientis , ita quòd si consentiret , illa eadem sufficiens , euaderet effi-

cax,



eam, probatur. S. Augustinus, cuius intentio in omnibus suis libris gratiam tangentibus principaliter fuit in probando, & firmando necessitatem gratiæ facientis facere, seu efficacis, & per accidens aliquando de gratia non faciente facere, seu inefficaci locutus est, in duplici tantum casu admittit gratiam istam quorundam modernorum modo sufficientem, nempe cum ordine ad voluntatem, à qua fieri posset efficax, in casu scilicet Angelorum, & Adami innocentis: pro alijs autem casibus, aut personis post lapsum Adæ, nequaquam, ut sæpe superius ex eo ostendimus. Immo, cum in libro *de Bono Persuer. cap. 9.* quærens, cur ex duobus vocatis, vnus sequatur vocantem, alius non sequatur, non assignat voluntatem non sequentis, sed recurrit ad inscrutabile Dei iudicium, sic autem ait: *Ex duobus ætate grandibus impijs, cur iste vocetur, ut vocantem sequatur; ille autem, aut non vocetur, aut non ita vocetur; inscrutabilia sunt iudicia Dei: ex duobus autem pijs, cur vni detur perseverantia vsque in finem, illi non detur, incompræhensibilia sunt iudicia Dei.* Si autem à voluntate dependeret, ut effectum haberet vtraque vocatio, Augustinus ad voluntatem non sequentem recurrisset, non verò ad inscrutabile Dei iudicium, quod diuersæ rationis vocationem illis impartiatur.

413. Præterea in *lib. 1. ad Simplicianum qu. 2.* ut diffusè retulimus in *cap. 4.* differens de duobus illis fidei principijs, vno *Rom. 9. non volentis, neque currentis, sed Dei est misereantis,* & alio, *Matt. 20. multi sunt vocati, pauci verò electi,* multa dicit ad rem nostram. Primò si dicatur, quòd ex voluntate hominis penderet vocationis effectus; igitur, inquit, *non misereantis est Dei, sed currentis*

Pro Adamo tantum S. Aug. admittit sufficientem modernorum, & pro Angelis.

S. August. loca.

Absurdum  
 ex contra-  
 ria senten-  
 tia.

Cur ex duo-  
 bus vocatis  
 vnus sequi-  
 tur, alius  
 non; ex An-  
 gust. ad di-  
 uersitatem  
 gratiæ re-  
 fertur.

332 DE GRATIIS ACTUALIBVS, &c.  
 est hominis; quoniam non potest effectus misericordie  
 Dei esse in hominis potestate, vt frustra ille misereat-  
 tur, si homo nolit: qui si, vellet etiam ipsorum (id est  
 vocatorum non sequentium) miseri, posset ita  
 vocare quomodo illis aptum esset, vt & mouerentur,  
 & intelligerent, & sequerentur: postquam autem  
 impugnauit modum illum dicendi, his temporibus,  
 vel paulò ante renouatum, quòd gratia se-  
 cundum se sufficiens est, vt effectum producat, si  
 voluntas velit, declarat, quomodo veræ sunt due  
 illæ propositiones, *multi sunt vocati, pauci verò  
 electi*, & alia, *non volentis, neque currentis, sed  
 misereantis est Dei*, totum hoc tribuens, non vo-  
 luntati humanæ diuersimodè volenti, sed gratiæ  
 diuersitati diuersimodè ex Dei dispositione, et in-  
 scrutabili iudicio inclinanti; dicit enim. *Verum  
 est ergo, multi vocati, pauci verò electi: illi enim e-  
 lecti, qui congruenter vocati: qui autem non con-  
 gruebant, neque contemperabant vocationi non electi,  
 quia non secuti, quamuis vocati. Item verum est,  
 non volentis, neque currentis, sed misereantis est Dei;  
 quia etiam si multos vocet; eorum tamen miseretur,  
 quos ita vocat, quomodo eos vocari aptum est, vt se-  
 quantur.* Deindè adducit multa exempla Disci-  
 pulorum Christi, et aliorum, quorum aliqui ex  
 diuersis vocationum rationibus statim secuti sunt  
 Dominum, etiam nullo viso miraculo, alij, vel  
 non secuti, vel post plures vocationes, visisque  
 miraculis; vt videre est in cap. 4. ergo ex sua con-  
 ditione istæ gratiæ vocationum habent, vel non  
 habent virtutem, vt faciant sequi, vel non sequi  
 vocantem, non verò dependenter à voluntate  
 consentiente, vel non consentiente.

414. Dico 2. Gratia ista, quæ nunc commu-  
 niter, et aptè dicitur, *sufficiens*, non est similis  
 illi,

lli, quam habuerunt Angeli, vel Adam in statu innocentiae: est eadem cum secunda parte preecedentis conclusionis; de necessitate tamen ulterius explicanda.

415. Prob. ipsismet S. Augustini verbis, in *lib. de Corr. & Gratia cap. 11.* ubi docens primo necessitatem gratiae in omni homine, etiam in Adamo innocente, & Angelis, antequam beatificarentur, assignat differentiam inter gratiam collatam Angelis, & Adamo necessariam ad permanendum in bono sibi collato, & gratiam necessariam omni homini, ipsique Adamo post peccatum; dicens praeter ceteris de Adamo. *Sed sanè habuit, in quo si permanere vellet, numquam malus esset, & sine quo etiam cum libero arbitrio bonus esse non posset; sed eam per liberum arbitrium deserere posset. Nec ipsum ergo Deus esse voluit sine gratia, quem reliquit in eius libero arbitrio: quoniam liberum arbitrium ad malum sufficit; ad bonum autem parum est, nisi adiungetur ab omnipotenti bono: quod adiutorium si homo ille non deseruisset per liberum arbitrium, semper esset bonus; sed deseruit, & desertus est. Tale quippè erat adiutorium, quod desereret cum vellet, & in quo permaneret, si vellet, non quo fieret, ut vellet. Hæc est prima gratia, quæ data est primo Adamo: sed hæc potentior est in secundo Adamo. Prima est enim qua fit, ut homo habeat iustitiam, si velit. Secunda ergo plus potest, qua etiam fit, ut vellet; & tantum vellet, tantoque ardore diligit, ut carnis voluptatem contrarium concupiscen- tem, voluntate spiritus vincat. Nec illa quidem parua erat, qua demonstrata est etiam potentia liberi arbitrii; quoniam sic adiunabatur, ut sine hoc adiutorio in bono non maneret, sed hoc adiutorium, si vellet, desereret. Hæc autem tanto maior est, ut parum sit homi-*

Sufficiens  
gratia non  
est sicut il-  
la Adam.

Gratia A-  
dami quæ.

Gratia ali-  
orum post  
peccatum,  
quæ.

Gratia suf-  
ficiens nūc  
non est, si-  
cut sufficiens  
Adami.

homini per illam reparare perditam libertatem . Pa-  
rum sit denique sine illa non posse , vel apprehendere  
bonum , vel permanere in bono , si velit , nisi etiam  
efficiatur , ut velit . Tunc ergo dederat homini Deus  
bonam voluntatem : in illa quippè illum fecerat , qua  
fecerat rectum . Dederat adiutorium , sine quo in ea  
non posset permanere , si vellet : ut autem vellet , in  
eius libero reliquit arbitrio . Posset ergo permanere ,  
si vellet , quia dederat adiutorium , per quod posset ,  
& sine quo non posset perseveranter bonum tenere ,  
quod vellet : sed quia noluit permanere , profectò eius  
culpa est , cuius meritum fuisset , si permanere voluis-  
set . Sic fecerunt Angeli Sancti , qui cadentibus a-  
lijs per liberum arbitrium , per idem liberum arbitriū  
steterunt ipsi . Si autem hoc adiutorium , vel Ange-  
lo , vel homini , quando primum facti sunt , defuisset ,  
quoniam non talis natura facta erat , ut sine diuino a-  
diutorio posset manere si vellet ; non utique sua culpa  
cecidissent . Adiutorium quippè defuisset , sine quo  
manere non possent . Nunc autem quibus deest tale  
adiutorium , iam pœna peccati est . Quibus autem  
datur , secundum gratiam datur , non secundum debi-  
tum , & tantò ampliùs datur per Iesum Christum Do-  
minum nostrum , quibus id dare Deo placuit , ut non  
solum adsit , sine quo permanere non possumus , etiam  
si velimus ; verum etiam tantum , ac tale sit , ut veli-  
mus ; est quippè in nobis per hanc Dei gratiam in bo-  
no recipiendo , & perseveranter tenendo non solum  
posse , quod volumus : verum etiam velle quod possu-  
mus . Quod non fuit in homine primo . Unum enim  
in illo fuit , alterum non fuit . Itaque gratia  
sufficiens , quam nos omnes Catholici confiteri te-  
nemur contradistinctam ab efficaci ( quia non  
habet annexum effectum , sicut efficax ) non est  
similis gratiæ sufficienti Adami , nisi in vno tan-  
tūm ,

Illam volū-  
tate Adami  
pendebat ,  
ut effectum  
eliceret.

tum, quia ista Adami habuit posse tantum, & caruit effectu; at non est similis in alia parte, quod nempe ex dependentia voluntatis illa Adami, sine aliquo alio adiutorio habere potuit effectum, si voluntas voluisset; non sic est gratia nobis necessaria in statu naturæ lapsæ, ut effectus habeatur, quia præter posse effectum producere, ex se ipsa Deo sic disponente habet, ut voluntatem trahat, & cum ea effectum producat: igitur non ex eo, quod si voluntas velit, facit effectum, & si nolit non faciat, dicenda est sufficiens, sed ex aliquo alio capite.

416. Confirmatur eo eodem Augustino in eodem libro de *Corr. & Gratia cap. 12.* ubi iterum longo, sed fructuoso discursu probat gratiam datam hominibus post peccatum Adæ, non esse similem illi, quam dedit Adæ, quæ scilicet possit facere actus bonos, & faciat si velit, subdens rationem, ne homo in se gloriatur, sed gloriatur in Deo, qui dat gratiā, qua possit facere, & quæ faciat facere, inquit. *Ac per hoc, nec de ipsa perseuerantia boni voluit Deus Sanctos suos in viribus suis, sed in ipso gloriari, qui eis non solum dat adiutorium, quale primo homini dedit, sine quo non possint perseuerare, si velint: sed in eis etiam operatur & vellet, &c.* Tanto quippe accenditur voluntas eorum Spiritu Sancto, ut ideò possint, quia sic velint, & ideò sic velint, quia Deus operatur, ut velint: & validam rationem adducit, cur Deus voluntati humanæ in natura lapsa non remittat, ut gratiam reddat efficacem, si velit, ut fecit cum Adamo, inquit. *Nam si in tanta infirmitate vitæ huius (in qua tamen infirmitate propter elationem reprimendam perfici virtutem oportebat) ipsis relinqueretur voluntas sua, ut in adiutorio Dei, sine quo perseuerare non pos-*

Alius S.  
Aug. locus  
evidens.

Neque San-  
ctis dat, si-  
cut dedit  
Adæ, ne in  
eo gloriem-  
tur.

Si daret  
nunc gra-  
tiam, sicut  
Adamo, ea  
nemo vte-  
retur, ob  
naturæ in-  
firmi-  
tatem

sent, manerent, si vellet, nec Deus in eis operaretur, ut vellet; inter tot, & tantas tentationes, infirmitate sua voluntas ipsa succumberet, & ided perseverare non possent, quia deficientes infirmitate, nec vellet infirmitate voluntatis, ut possent. Subventum est ergo infirmitati humane, ut divina gratia indeclinabiliter; & inseparabiliter ageretur: & ided quamvis infirma, non tamen deficeret, neque aduersitate aliqua vinceretur. Ita factum est, ut voluntas hominis inualida, & imbecilla in bono adhuc paruo perseveraret per virtutem Dei: cum voluntas primi hominis fortis, & sana in bono ampliore non perseverauerit habens virtutem liberi arbitrij, quamvis non de futuro auxilio Dei, sine quo non posset perseverare, si vellet; non tamen tale, quo in illo Deus operatur, ut vellet. Fortissimo quippè dimisit, atque permisit facere quod vellet: infirmis servauit, ut ipso donante, inuictissimè, quod bonum est vellet, nec hoc deserere inuictissimè nollent. Igitur gratia, quæ asseritur nunc sufficiens, in Augustini sententia non est similis illi, quam habuit Adam, dependens à voluntate, ut sit efficax; immò, videtur non conuenire naturæ infirmæ, quia tot concupiscentijs obruta, nullatenus posset actu ad spiritualia conuerti.

Gratia vn-  
de dicitur  
sufficiens.

417. Dico 3. Gratia ista, qua homo illuminatur, ac inspiratur, siue ad credendum, siue ad pœnitendum, siue ad alia virtutum opera faciendum, carens his effectibus, dici potest, & debet cōmuni vocabulo *sufficiens*, tum quia in eo genere eleuandi animam ad supernaturalia sufficit, sine qua non eleuaretur; tum etiam, quia dat posse ad talia opera; quòd si adiuvante gratia fulciatur, in eos actus homo exhibit.

418. Prob. & declaratur. Anima nostra,  
sine



sine gratia præueniente, & excitante, ac inspirante iacet, ac moratur in naturalium, & caducarum rerum agnitione, & affectione: hinc David psal. 124. *Anima mea, sicut terra sine aqua tibi; terreni enim sumus, & aridi, nisi diuinæ gratiæ rore irrigemur: vnde subdit, velociter exaudi me Domine, defecit spiritus meus.* A gratia autem præueniente, seu excitante incipit Deus eleuare animam, eamque disponere ad perfectionem, primam, quam cæteras post lapsum, & ad alia opera iustitiæ, ac supernaturalia; sic enim docet Concil. Trid. sess. 6. cap. 5. *Declarat præterea ipsius iustificationis exordium in adultis à Dei per Iesum Christum præueniente gratia sumendum esse, hoc est ab eius vocatione, qua nullis eorum existentibus meritis vocantur; & qui per peccata à Deo auersi erant per eius excitantem, atque adiuuantem gratiam ad conuertendum se ad suam ipsorum iustificationem eidem gratia liberè assentiendo, & cooperando disponuntur: itant tangente Deo cor hominis per Spiritus Sancti illuminationem, neque homo ipse nihil agat inspirationem illam recipiens, quippè qui illam abijcere potest; neque tamen sine gratia Dei mouere se ad iustitiam coram illo libera sua voluntate possit: in quo Capite plura pro nostra sententia habemus: primum, quòd per excitationem, seu illuminationem, aut vocationem (quæ idem sunt) cum præueniente Dei gratia homo incipit eleuari ad spirituales, ac supernaturalem iustificationem. Secundum est, quòd adiuuans gratia necessaria est, vt opus consentiendi sequatur. Tertium, quòd voluntas tunc cooperatur. Quartum, quòd voluntas abijcere potest illuminationem: notandum hoc, dicit illuminationem, non dicit adiuuantem gratiam, quam prædixerat necessariam ad hanc*

Primum,  
principium  
boni ope-  
ris est gra-  
tia excitans,  
ac inspirans.

Ex Concil.  
Trid.

dispositionem; & subiungit, *& sine gratia Dei mouere se ad iustitiam non possit*: & in cap. sequenti, dicit. *Disponuntur autem ad ipsam iustitiam, dum excitati diuina gratia, & adiuti fidem, &c. credere, sperare, ac diligere incipiunt*. Gratia ergo excitans, ac preueniens, seu illuminans, est exordium eleuationis ad opera supernaturalia, & sine qua, nec eleuatio illa fieret, nec opus vllum supernaturale sequeretur: igitur ad hoc est sufficiens.

419. Prob. 2. paritate habituum supernaturalium fidei, spei, & charitatis: isti enim constituunt hominem in ordine supernaturali, & tribuunt posse facere actus credendi, sperandi, ac diligendi; & in tali ordine, & ad tales effectus sunt sufficientia principia; & tamen in actus illos non exeunt sine actuali Dei auxilio, quo concurrat cum homine ad actus illos producendos: & deficientia huius auxilij non aufert illis habitibus ratione sufficientie in ratione principij in ordine suo, & in actu primo. Ita pariter dici potest, ac debet de gratia, seu auxilio dicto *sufficiente*, contradistincto ab efficaci; quod scilicet, cum ipsum sit ita necessariū ad faciendum opus bonū supernaturale, ut sine ipso fieri nō possit; licet ad illud actu faciendum sit necessarium aliud auxilium dictum, adiunans, seu efficax; non proinde illud non potest, & debet dici sufficiens in ordine suo.

420. Prob. 3. paritate causarum naturalium, quę quidem in suo ordine habent actiuitatem, ac virtutem respectu suorum effectuum, & sine illis haberi non possunt ipsarum effectus: & tamen, nisi ab aliquo agente extrinseco applicentur materijs proportionatis, suos effectus non producant: neque propterea ex carentia talis applicationis cessant esse, aut dici sufficientes; ita de auxilio,

Paritas de  
habitibus;  
qui suffi-  
cientes sūt  
& in actus  
non exeunt  
sine alio  
iuvante.

Paritas  
causarum  
naturalium.

lio, seu gratia contradistincta ab efficaci dicendum est; quòd scilicet sufficiens dicenda sit: quāvis, ut effectus illius ponatur in esse, alia gratia adiuuans, seu efficax necessaria sit, quia sine illa sufficienti effectus poni nequit in esse: & per illam tantū numquam ponatur, sed potest poni cū alio adiuuante; & cum hoc de facto ponitur: hæc est sufficientis (quam tenemus) gratiæ natura.

421. Confirmatur. Gratia dicta *sufficiens*, est sine qua homo non potest operari opus supernaturale, credendi, diligendi, penitendi, &c. & cum qua potest, ut de gratia Adami docet S. Augustinus, ex supra dictis: igitur dat possibilitatem ad faciendum; & sic in ordine possibilitatis, seu potestatis ad faciendum, est sufficiens, licet non det actualitatem, seu actum faciendi, quia hoc est munus adiuuantis, seu efficaci: sicut à pari, lumen est necessarium oculo ad videndum, & in suo genere ita dat ei posse videre, ut sine eo nō possit oculus videre, & cum eo possit videre: non tamen dat actu videre; immò potest oculus habens illud præsens eo non uti, & actum videndi, voluntate imperante, non elicere: neque propterea sequitur, quòd lumen non sit in suo genere sufficiens ad causandam visionem, & sine quo non possit causari visio: ita gratia ista, sine qua produci non potest actus bonus, & cum qua produci potest, dici potest, & debet sufficiens ad illum producendum, licet aliud sit necessarium, ut actu producat.

422. Probari solet ab alijs, quòd quāvis gratia ista præueniēs se sola in ratione principij supernaturalis non possit effectum in actu ponere; & ideò nequeat dici principium cōpletum sufficiens, poterit tamen dici sufficiens incōpletè: sed licet hic loquē

Paritas luminis ad videndum.

Aliorum ratio non multum placet Authori.

di modus admitti possit, ego tamen abstinere; quia gratia præueniens, quæ in illuminatione, & inspiratione operis boni consistit, non completur à gratia adiuuante, seu efficaci, nec istam complet; sed ad istam necessariò præmittitur, eo quòd auxiliatur potentijs vitalibus intellectui, cū illuminando, vt cognoscat veritatem boni operis, & inspirando, seu inflammando voluntatem, vt ad illud volendum, seu diligendum disponatur; & hæc duo peragens, suum explet munus: & tunc, si voluntas exequitur volendo, seu diligendo, aut imperando, per adiuuantem, seu efficacem gratiam id exequitur; & si ista non adsit, non exequitur; & tamen præueniens opus, seu munus suum iam impleuit; & proindè nec ista, nec illa complentur ad inuicem: sed præueniens prærequiritur ad adiuuantem, & hæc necessariò illam supponit. Sed quidquid sit de modo isto loquendi, dummodò admittatur gratia ista contradistincta ab efficaci, & dicatur *sufficiens*, de quaestione nominis curandum non est, quia antiqui Scholastici, & Doctor ipse Gratia S. Augustinus hoc nomine vsi non sunt, sed gratias istas, nominibus *sine qua*, & *cum qua*, appellarunt; in re tamen eadem significant, ac *sufficiens*, atque *efficax*.

## CAPVT XIX.

*An infidelibus omnibus Deus gratiam sufficientem ad credendum largiatur.*

Qui dicuntur infideles.

423. **A**Du. 1. quòd infidelium nomine veniunt multi: primò omnes Gentiles, tam ante, quam post aduentum Christi, qui nempe idola

idola colebant, & colunt, Solem, Lunam, &c. 2. Atheistæ, qui Deum dari negant. 3. Mahometani, qui colunt quidem vnum Deum, non verò Trinitatem, neque Christum, quem Prophetam asserunt, non Deum; & Mahometem, vt Prophetam, & Legislatorem venerantur. 4. Iudæi, qui Deum credunt, non verò Trinitatem, neque Christum, & Legem diuinam profitentur, sed Mosaicam tantum: & hi omnes anthonomasticè appellantur nunc infideles; quia non baptizati. 5. Infideles dicuntur Hæretici, qui baptizati in vnum Deum, & in Christum credunt, sed in aliquo, vel aliquibus fidei articulis errant. Hic ergo de omnibus his loquimur, sed principaliter de primis quatuor generibus infidelium; & quærimus, an Deus eis largiatur gratiam sufficientem, & ad quæ opera peragenda.

424. Adu. 2. quòd quamuis præfati infideles multa bona opera à lege naturæ dictata (vt mox dicam) facere possint, & faciant, vt dicit Apostolus Rom. 2. quia tamē ex eodem Hebr. 11. *sine fide impossibile est placere Deo*, opera illa, quæ faciunt, licet Deo non displiceant, quia lumine naturæ ab ipsomet Deo collato faciunt, et si absque defectu fiant, iuuent eos, sicut dicit S. Augustinus, ad minus in Inferno arandum; tamen non placent Deo in ordine ad salutem, seu æternam vitam consequendam; quia non fiunt, nec diriguntur ex magisterio fidei, à qua sumit initium iustificatio, vt docet *Concil. Trid. sess. 6. cap. 6.* & propterea immorari non debemus in quærendo, an infideles habeant gratiam saltem sufficientem ad faciendum opera legis naturalis, quæ ex rationis dictamine, vel parentum, aut præceptorum doctrina faciunt, quia ad hæc peragenda non

De omnibus est  
questio.

Infidelium  
bona opera  
legis  
naturæ,  
quomodo  
placeant,  
& non placeant Deo

Quare de  
sola gra-  
tia ad cre-  
dendum  
fit questio

non videtur necessaria supernaturalis gratia : sed  
insistendum est in quærendo , an infideles isti, cu-  
iuscumque Nationis sint, in quocumque tempore,  
& in quacumque mundi parte constituti , habue-  
rint , & modò habeant gratiam sufficientem ad  
credendum, seu ad posse credere veritatem fidei ,  
*sicut oportet* , idest modo ad salutem conferente.

Accuratè  
notandum

I. ex natu-  
ræ indicia  
cordibus .

Dictæ da-  
ri Deum  
authorem  
naturæ .

425. Adu.3. & accuratè obseruandum ducò ,  
quòd cuilibet homini , vt fides docet, inditum est  
lumen naturale , quo, sine alio docente , ex se co-  
gnoscit bona moralia facienda , & mala pariter  
inoralia fugienda . Nam *ex psal.4.* habetur, *Mul-  
ti dicunt, quis ostendit nobis bona ?* & quasi respon-  
dens , dicit . *Signatum est super nos lumen vultus  
tui Domine , dedisti letitiam in corde meo .* Hæc est  
lex naturalis cuilibet homini à Deo in creatione  
animæ indita , quam quilibet in se experitur. In-  
ter hæc autem bona , quæ lex naturæ dicat , hoc  
est vnum, quòd Deus detur, licet non dicat, quid,  
qualisue sit ; sed quòd sit Numen aliquod supre-  
mum, quod dat nobis esse , nosque regit . *Tanta  
enim est dicit S. Augustinus diuinitatis vis, vt nullum  
hominum latere possit .* Hoc ergo modo naturali ,  
ac simplici omnes homines cognoscunt , & cre-  
dunt dari Deum , si Atheistas dementes excipias .  
Docti verò, vt Philosophi, clariùs, & maiori cum  
fundamento , à posteriori , seu ab effectibus, co-  
gnouerunt , & modò cognoscunt , atque credunt  
dari Deum , seu supremum quoddam numen au-  
thorem naturæ, seu omnium creaturarum, at non  
cognoscunt , neque credunt Deum esse authorem  
gloriæ , atque æternæ vitæ , quia hoc sine reuela-  
tione , qua carent , haberi , seu sciri non po-  
test . Tàm ergo Philosophi , quàm simplices ho-  
mines fidem , seu credulitatem Dei habent natu-  
ralem,



ralem, & acquisitam, non conducentem ad salutem, & iustificationem, & ideo actus credendi illorum, non sunt, *sicut oportet*; Quoniam ergo homines elenati, & ordinati sunt à Deo ad finem supernaturalem, ut ad eius consecutionem disponantur, necessaria est iustificatio; & hæc fieri non possit in habentibus usum rationis, sine actibus credendi, sperandi, ac diligendi Deum, ut definit *Concil. Trid. sess. 6. cap. 6.* & actus isti credendi, sperandi, ac diligendi fieri non possint sine Spiritus Sancti inspiratione, atque adiutorio ex eodem *Concil. can. 3.* iure querimus, an infideles habeant gratiam sufficientem, qua possint hoc modo, qui dicitur, *sicut oportet*, credere. Quid autem in eis efficiat hæc gratia, cum ea non utantur, dicam postea.

425. Adn. 4. Ad Dei sapientiam, bonitatem, iustitiam, ac providentiam pertinere, quod si præcipit homini aliqua opera supra vires proprias agenda, provideat illis de requisitis ad ea peragenda, non enim, ut ex S. Augustino docet *Concil. Trident. sess. 6. cap. 11. Deus præcipit impossibilia, sed iubendo monet facere, quod possis, petere quod non possis, & addiuuat, ut possis*: & ex Ioan. in epist. 1. cap. 5. *mandata eius graviora non sunt, & Salvator ipse, ait Iugum enim meum suave est, & onus meum leve.* Ideò si (quod absit) Deus præciperet aliquid humanis viribus impossibile, & homo non exequeretur, non appareret, quomodo ob culpam eum puniret: dixi *ob culpam*, quia ex alio capite nempe supremi Dominij, posset eum, nedum mortificare, sed annihilare. Si autem sine auxilio aliquo supernaturali præciperet homini, ut supernaturale aliquod faceret, sic prorsus se haberet, ac si cæco præciperet, ut videret, vel pedibus destitu-

Non verò,  
ut authorē  
gloriæ, &  
vitæ æter-  
næ.

Dei beni-  
gnitati, ac  
iustitiæ  
competit  
præcipere  
homini  
possibilia.

stituto, ut ambularet; quæ indigna sunt, ut Deo adscribantur. Cum ergo ab omnibus, etiam infidelibus, si saluari volunt, Deus exigat fidem, sui dilectionem, atque spem conducentes ad salutem; negari posse non videtur, quod auxilium ad posse hæc facere eis exhibeat. Non nego tamen, cum S. Augustino, quod aliquibus in pœnam peccatorum aliquando denegat excæcando, & obdu-rando, antea tamen eis dedit, ipsique respuerunt, ut postea dicam; & in huius respicientiæ pœnam iuste denegat, excæcet, & obduret.

427. Adu. 5. quod quidam Doctores, nescio quo spiritu ducti, non curantes derogare Dei benig-nitari, ac iustitiæ commutatiuæ, atque vindica-tiuæ in punitione malorum, negarunt, dari infide-libus gratiam sufficientem ad posse credere su-pernaturaliter; immò, quod peius est, neque fi-delibus eam dari concedunt; illamque tamquam frustraneam, nulliusque utilitatis negant; cuius contrarium in præcedenti Capite ostendimus. Quidam verò docent aliquibus, & multis infide-libus gratiam sufficientem ad posse credere à Deo concedi, & ex illis etiam quampluribus efficacem, quia ad fidem veniunt; at non omnibus conce-di sufficientem. Sic autem se declarant. Infide-les illi, ad quos non peruenit prædicatio veri Dei, ut authoris, nedum naturæ, sed gloriæ, siue per prædicatorem, siue per immediatam Dei reuelationem, nullam habent gratiam sufficientem ad posse credere; quia, dicunt, esse non potest in il-lis interna illuminatio, ac inspiratio, in quibus consistit gratia sufficiens, per quam homo habet posse credere, & sine qua non potest credere: illi verò, ad quos peruenit prædicatio veri Dei autho-ris, nedum naturæ, sed gloriæ, habent gratiam  
suffi-

Plures sen-tentiæ: una negat dari: & qua-re.

2. Senten-tia conce-dit dari u-liquibus, non omni-bus, & qua-re.

sufficientem ad posse credere , quia vt sæpè diximus cum S. Augustino, dum aliquis prædicat externè veritatem fidei; Deus internè in auditorum mentibus prædicat illuminando , ac inspirando . Quòd si respuunt , seu resistunt, ac reiiciunt utrâque prædicationem , Deus tunc non prosequitur adiuuando , vt consentiant, credant , diligant , &c. Si autem non respuunt , Deus sine eorum meritis, dignatur eos adiuuare , vt consentiant , credant, diligant, pœniteant, &c. & sic respuere illuminationem , ac inspirationem à Deo immixtas , est actus purè liberi arbitrij ; consentire verò est actus liberì quidem arbitrij , sed adiuti à Deo per gratiam efficacem facientem facere. Alij tandem docent totum id, quod isti secundi , excepta prima parte , dicentes , quòd Deus omnibus omninò infidelibus dat gratiam sufficientem ad posse credere , siue ad eos loquatur prædicator, siue non, quia in istis Deus mouet mentem ad dubitandum de sua Religione, & illuminat , ac inspirat ad inquirendam veram, & si respuunt , ac reiiciunt , eos non adiuuat; si non respuunt , Deo non deest modus, quo faciat inuenire locum , & personam in quo , & à qua instruantur .

428. Adu.6. quòd eadem difficultas est de infidelibus omnibus post Christi aduentum, an habeant gratiam sufficientem ad credendum; seu ad posse credere in Christum : et tandem de Hæreticis , qui credunt in Christum, an ipsi etiam habeant gratiam sufficientem ad credendum, seu posse credere eos articulos, seu eas doctrinas, ac propositiones definitas ab Ecclesia, in quibus ipsi errant, per quos errores sunt ab Ecclesia præcisi: his suppositis

*Eadem  
questio est  
de infide-  
libus post  
Christum.*

*Eadem de  
Hæreticis.*

429. Dico primò . Pro omni lege omnibus infidelibus omnis generis Deus largitus est , ac largitur gratiam sufficientem ad posse in eum credere , *sicut oportet* , & ad posse legem Dei saluantem, seu conducentem ad salutem obseruare; licet non fecerint .

430. Prob. & declaratur per singulas partes . In Psal. 4. dicitur . *Multi dicunt, quis ostendit nobis bona ?* Et quasi respondens ait . *Signatum est super nos lumen vultus tui Domine ; dedisti letitiam in corde meo .* Omnes Sacre Scripturæ interpretes locum istum intelligunt de lege naturæ, quam Deus animæ cuiuscumque hominis infundit, quatenus est Dei imago; per quam legem quilibet ex se cognoscit, quæ opera sint facienda, & quæ non. S. August. in hunc Psalmum dicit, *Signatum est in nobis , &c. Hoc lumen est totum hominis, & verum bonum , quod non oculis , sed mente conspicitur: signatum autem in nobis dixit, tamquam denarius signatur Regis imagine : Et post aliqua. Sic anima lumine vultus Dei est illustrata , atque signata .* Theodoretus in eundem psalmum dicit, quòd homines graui corde , ac diffidentes de diuina prouidentia dicunt : *Quis ostendet nobis bona ?* Nos verò , *qui tuæ diuinæ scientiæ lumen accepimus , radijsque à te illustrati sumus , etiam in his calamitatibus , quæ contra nos insurgunt , ex animo magnam spem in te collocamus .* Gentiles autem habent, sicut alij homines in anima imaginem, Dei, & consequenter lumen cognoscendi dari Deum, & cognoscendi, quæ sint bona opera facienda, & quæ mala, ac fugienda ; immò , vt postea dicemus, multa bona faciunt : ergo habent gratiam sufficientem ad cognoscendum, & faciendum bona ; quia quamuis cognitio ista Dei , &

bono-

Omnibus infidelibus datur gratia sufficiens .

Lex naturæ omnibus data.

an. S. Scrip-  
tura.

bonorum operum faciendorum esset naturalis : tamen , vt mox dicam , ex S. Augustino , animis eorum occurrebat , vt veritatem Dei , & perfectionem eius inquirerent ; quod respuerunt facere , & multi non fecerunt , sicut in hominibus fidelibus etiam accidit multoties .

431. Confirmatur ex Ro. I. 19. vbi Apostolus de Græcis, idest , Philosophis, ac Barbaris dicit, eos habere aliquam cognitionem Dei , & legis diuinæ, inquit . *Quia quod notum est Dei , manifestum est in illis ; Deus enim illis manifestauit . Inuisibilia enim ipsius à creatura mundi per ea , quæ facta sunt , intellecta conspiciuntur ; sempiterna quoque eius virtus , & diuinitas : ita vt sint inexcusabiles , quia , cum cognouissent Deum , non sicut Deum glorificauerunt , aut gratias egerunt , sed euauerunt in cogitationibus suis , & obscuratum est insipiens cor eorum , & commutauerunt gloriam incorruptibilis Dei in similitudinem imaginis corruptibilis hominis , & volucrum , & quadrupedum , &c. narrans idolorum species , quas Gentiles adorabant , & mala enormia , quæ patrabant .*

432. S. Augustinus expendens locum istum Pauli in lib. de spir. & lit. ad Marcellinum c. 12. ait . *Vide , quemadmodum non eos dixerit veritatis ignoras , sed quod veritatem in iniquitate detinerent : quia occurrebat animo , vt quærent , vnde illis esse potuerit cognitio veritatis , quibus Deus legem non dederat ; neque hoc tacuit vnde habere potuerunt . Per inuisibilia namque creatura peruenisse eos dixit ad intelligentiam inuisibilium creatoris : quoniam reuera , sicut magna ingenia quærere præstiterunt , sic inuenire potuerunt . Vbi ergo impietas ? quia videlicet , cum cognouissent Deum , non sicut Deum glorificauerunt , aut gratias egerunt ; sed euauerunt in cogita-*

Ex Apo-  
stolo .

Infideles  
quomodo  
habent Dei  
notitiam .

Quomodo  
gentiles  
possunt ha-  
bere Dei  
notitiam .

548 DE GRATIIS ACTUALIBVS, &c.  
tionibus suis, &c. & infra. In lumine tuo videbi-  
mus lumen, ab ipso lumine incommutabilis veritatis  
aversi sunt, & obscuratum est insipiens cor eorum.  
Non enim sapiens cor, quamvis cognouissent Deum;  
sed insipiens potius, quia non sicut Deum glorificaue-  
runt, aut gratias egerunt.

433. Idem dicit S. Doctor de omnibus Philo-  
sophis in lib. 8. de Civit. c. 9. quod Deum ex visibili-  
bus hisce cognouerint, & subdit, Quicumque igitur  
Philosophi de Deo summo, & vero ista senserunt,  
quod & rerum creatarum sit effector, & lumen co-  
gnoscentiarum, & bonum agendarum, quod ab illo  
nobis sit principium naturę, veritas doctrinę, & sæ-  
licitas vitę, siue Platonici accomodatiùs nuncupen-  
tur, siue quodlibet aliud sectę nomen imponat, &c.  
ista senserunt, sicut idem Plato, & qui eum benè in-  
tellexerunt: & numerat omnes Philosophorum se-  
ctas, quę Deum ita cognouerunt, & concludit,  
eos omnes exteris anteponimus, eosque nobis pro-  
pinquiores fatemur: ergo fuit in Gentibus gratia  
sufficiens ad cognoscendū Deum, & bona opera.

434. Confirmatur ex Ioan. 1. Qui illuminat  
omnem hominem venientem in hunc mundum. Ac  
infideles veniunt in hunc mundum: ergo. Scio  
quod S. August. in Enchir. c. 103. in lib. 1. de pecc.  
mer. & remiss. c. 25. & in soliloqu. animę ad Deum  
c. 1. 17. & 34. locum istum declarat, sicut illum  
Pauli ad Timot. Deus vult omnes homines saluos  
feri, dicens intelligi non de singulis generum,  
sed tantum de singulis generibus, quia scilicet  
de omni natione, & conditione hominum ali-  
quos vult saluare, & saluat quos vult, sicut  
alibi diximus: ita in præfatis locis intelligit,  
quod Deus illuminat omnem hominem, addens,  
intelligi, nullum esse illuminatum, nisi à Deo  
illu-



illuminetur; & hoc etiam modo explicat Glosa interlinearis locum illum Ioannis . Sed salua pace eorum, qui S. August. pro hac re in hoc loco adducunt, existimo, quòd S. Augustinus semper vniformiter loquens intelligi debeat, nimirum de efficaciter illuminatis, scilicet illuminatis, & per illuminationem conuersis; non verò de illuminatis resistentibus illuminationi, eamq; nolentibus, ac reiicientibus; sicut obiecit Iudæis Christus, & Stephanus; *quòties volui congregare filios tuos quemadmodum gallina congregat pullos suos sub alas, & noluiisti?* dicit ad Ierusalem Christus. *Vos semper Spiritui Sancto resistitis,* dicit ad Sinagogam Stephanus. De his illuminationibus excitatiuis tantum, non verò de conuersiuis, vt ita dicam, nos loquimur, & dicimus omnes, & singulos homines infideles aliquo modo à Deo illuminari ad conuersionem; non verò omnes illuminatos conuerti. De illis autem non loquitur S. Augustinus, qui in ijs locis de efficaci gratia conuertente, & faciente facere opus loquitur; & rarò, aliquando tamen, vt supra patuit, de illuminatione, seu vocatione non conuertente, pro qua dicit recurrendum ad inscrutabile Dei iudicium. Non ergo hæc sententia, quòd Deus illuminet omnes infideles, licet non omnes conuertantur, est contraria S. Augustini doctrinæ, cum facilè præfato modo isti concilietur, & saluetur Dei benignitas, quam ab ipso met S. Augustino saluari mox dicam.

S. Ioann. Chrysostomus *homil. 7. in Ioan.* inquit, quòd Christus, quantum in se est, illuminat omnem hominem: quòd si aliqui non illuminantur, est quia oculos auertunt. Idem dicit S. Cyrill. Alex. *lib. 1. in Ioan. cap. 11.* idem quoque Cle-

S. August.  
non bene  
ab aliqui-  
bus expli-  
catur.

Quomodo  
explicandus  
ad rem.

Ex Chri-  
stostomo.

Clemens Alexand. *in oratione exhortatoria ad omnes gentes*; & S. Ambr. *ser. 8. in psal. 118.* super illud, *misericaordia Domini plena est terra.*

Qualis est  
gratia suf-  
ficiens, quā  
admittit  
author.

435. Hæc autem Scripturæ, & Patrum loca, & sequentia, non sunt ita intelligenda, quasi gratia illa illuminans, ac inspirans sit eo modo sufficiens, ut, si illi quibus datur velint, euadat efficax, quia sic incideremus in sententiam S. Augustino quo ad me contrariam, quod scilicet homo in se possit gloriari; quia ipsemet, non Deus, facit eum iustum, & bonum; sed postea dicemus, quod illis, qui per sufficientem illuminantur, Deus non dat adiuantem, quia, ut dicit Christus, nolunt illam illuminationem, ac inspirationem, non sibi complacent in ea, sed eis displicet; & Stephanus dicit, *resistunt*, & sic certè faciebant Iudæi, cum lapidaturi; cum enim eos grauiter reprehenderet, & Christum prædicaret, *exclamantes voce magna, continuerunt aures suas, & impetum fecerunt in eum, &c.* neque audire volebant, Stephanum quidem foris, Deum verò intus loquentem.

Alia Sacra-  
Scripturæ  
loca ad  
idem.

436. Prob. vltteriùs alijs Scripturæ locis. Isaïæ 65. Dominus dicit, *expandi manus meas tota die ad populum non credentem, & contradicentem mihi.* Quo testimonio vtitur Paulus Rom. 10. & cap. 67. idem Propheta ait, *inuentus sum à non querentibus me.* Prouerb. 1. dicitur *Sapientia foris prædicat, in plateis dat vocem suam, in capite turbarum clamat, in foribus portarum vrbis profert verba sua, conuertimini ad correctionem meam; en proferam vobis spiritum meum. Vocauit, & renuistis &c.* Alia plura similia Scripturæ suppetunt loca, in quibus habetur, quod Deus hortatur omnes ad credendum, pœnitendum, diligendum, malum fugien-

fugiendum, &c. & tamen homines reiiciunt hortationes.

437. S. Augustinus pluribus in locis, tam ante ortam Pelagij sententiam, quam post eam, etiam damnatam, videtur docere, quòd omnibus omninò hominibus Deus gratiam istam sufficientem concedat: primò in psal. 13. super illud, *Deus in medio eius non commovebitur*, ait. *Quid ergo est Deus in medio eius? hoc significat, quod Deus æquus est omnibus, & personas non accipit: quomodo enim illud, quod in medio est, paria habet spatia ad omnes fines, ita Deus medius esse dicitur, & qualiter omnibus consulens: & in psal. 24. super illud, Vniversæ viæ Domini misericordia, & veritas*, inquit. *Videtur hoc significare Spiritus Sanctus; omnibus hominibus primum à Deo exhiberi misericordiam; deinde si ea non vrantur exhiberi iudicium: omnes ergo participât de misericordia Dei.*

438. In lib. 3. de lib. arbi. c. 18. hoc idem docere videtur. Si enim homo nullum haberet adiutorium, per quod peccare non posset, non peccaret: sic autè dicit. *Quaecumq; causa ista est voluntatis, si non ei potest resisti, sine peccato ei ceditur: si autè potest, non ei cedatur, & non peccabitur. An fortè fallit incautum? ergo caueat, ne fallatur. In tanta fallacia est, ut cauere omninò non possit: si ita est, nulla peccata sunt. Quis enim peccat in eo, quod nullo modo cauere potest? peccatur autem, ergo cauere potest. Igitur, si infideles nullum haberent lumen veritatis fidei, & eorum, quæ à fide dictantur, non peccarent contra fidem. Admittenda ergo est in eis gratia hæc sufficiens ad posse credere: quomodo autem possit eis contingere, dicam postea. Idem, iisdemque verbis confirmat in lib. de nat. & grat. c. 67. vbi tamen addit, quòd cum ignorantia pœna peccati, potest ali-*

S. August.  
istam gra-  
tiam ad-  
mittit.

Plura Au-  
gustini lo-  
ca.

aliquando peccari: sed de hoc aliàs, quia de culpabili loquitur, vt mox dicam.

Misericordia Dei in omnes ex Augustino.

Ignorantia inuincibilis excusat.

439. In eodem tamen cap. 6. de nat. & grat. ad omnium consolationem, Dei in omnes benignitatem commendat contra eos, qui de Deo conqueruntur, quod ignorantes puniat, &c. inquiens. *Quiescant, & aduersus Deum murmurare desistant. Cum verò ubique sit præsens, qui multis modis per creaturam sibi Domino seruientem aduersum vocet, doceat credentē, consoletur sperantem, diligenter adhortetur, conantem adiuvet, exaudiat deprecantē, non tibi deputatur ad culpam, quod inuitis ignoras, sed quod volentem sanare contemnis.* Igitur ex S. August. si infideles omnimodè ignorarent modum, seu viam habendi noticiam fidei, non imputarentur eis in culpam infidelitas, aliaque peccata per solam fidem nota. Et hoc certè voluit Apostolus dicere Rom. 10. *Non est distinctio Iudæi, & Græci: omnis, qui inuocauerit nomen Domini saluus erit: quomodo ergo inuocabunt, in quem non crediderunt? quomodo credent ei, quem non audierunt? quomodo audient sine prædicante? &c.* Aliqua ergo notitia fidei est necessaria infidelibus, vt habeant posse credere, eisque imputetur, si reiiciunt vocationem, vel ei resistunt: Saluator enim dicit. *Si non venissem, & locutus eis fuisset, peccatum non haberent; nunc autem excusationem non habent de peccato suo.* S. Augustinus tract. 6. in epist. Ioan. dicit, quod Iudæi non haberent peccatum incredulitatis in Christum, si ipse Christus eis non manifestaret se esse Christum, seu Messiam, quem non crediderunt, sed contempserunt. Est ergo infidelibus aliqua notitia, verè fidei necessaria, siue certa, siue probabilis saltem, vt culpabiles sint, si reiiciunt, vel resistunt

sistunt illam vocamus *sufficientem gratiam*.

440. S. Prosper, fidelissimus S. Augustini Discipulus, multis in locis, hanc gratiam sufficientem ad posse credere in infidelibus etiam concedit. Nam in lib. 1. de *vocat. Gentium* cap. 21. dicit. *Quamvis credamus, nullis hominibus opem gratiæ in totum fuisse subtractam; de quo plenius insequentibus differemus: in lib. 2. cap. 1. de Gentibus sic ait. Quibus tamen mensura generalis auxilij, quæ desuper omnibus hominibus est præbita, non negatur: ibidem c. 23. loquens de paruulis, & maioribus, priores sine baptismo morientibus à gratia excludit; sed posteriores omnes sub ea concludit, dicens: Non enim religiosè arbitror credi, nec inconuenienter intelligi, quod isti (paruuli) paucorum dierum homines ad illam pertineant gratiæ partem, quæ semper vniuersis est impensa hominibus, quæ neque si benè eorum vterentur parentes, etiam ipsi per eosdem inuarentur. Et infra subdit. Sicut autem circa maiores, præter illam generalem gratiam parcius, atque occultius omnium hominum corda pulsantem, excellentiore opere, largiore munere, potentiore virtute vocationis specialis excitetur, &c. Ecce quòd in prioribus locis de generali gratia, quæ alia nequit esse, nisi *sufficiens*, in hoc posteriori loco, de generali, quam omnibus hominibus adultis, & de speciali, idest de efficaci, quæ aliquibus datur, mentionem facit. Tandem in cap. 25. eiusdem secundi libri, clariùs, ac manifestiùs docet, quòd omnibus cuiuscumque status hominibus ab initio mundi Deus suam contulit gratiam, inquit. *Siue igitur nouissima contemplantur secula, siue prima, siue media, rationabiliter, & piè creditur, omnes homines saluos fieri Deum velle, semperque voluisse: & hoc non aliundè mon-**

S. Prosperi  
sententia  
eadem.

Gratia suf-  
iciens om-  
nibus com-  
munis ex  
S. Prosp.

Ab initio  
mundi om-  
nibus col-  
lata, & nūc  
conferetur.

stratur, quam de illis beneficijs, eaque Providentia Dei, quam vniuersis generationibus communiter, atque indifferenter impendit. Fuerunt enim, ac sunt huiusmodi dona ita generalia, vt per ipsorum testimonia ad Deum querendum possint homines adiuuari, quibus donis authorem suum per omnia secula proteſtantibus, specialis gratia largitas superfusa est. In cap. postea 26. loquens de opitulatione gratiæ, quomodo à Deo concedatur, ait: quæ opitulatio per innumeros modos, siue occultos, siue manifestos omnibus adhibetur, & quod à multis refutatur, ipſorum est nequitia, quod autem à multis susinetur, & gratia est diuinæ, & voluntatis humanæ. Ergo infideles etiam obtinent à Deo gratiam querendi illum: quòd verò aliqui, & multi non querant modum inueniendi, accidit, quia implicati, & addicti suis falsarum Religionum ritibus, respuunt monitiones, seu illuminationes sibi inditas ad querendum.

Iterum cū  
Augustin.  
probat,ur,  
quòd om-  
nes habēt  
gratiam,  
sufficientē.

441. Ad Augustinum redeo, qui de gratia infidelibus etiam collata loquitur in lib. de spirit. & lit. ad Marcell. cap. 33. vbi habet. Vult autem Deus omnes homines saluos fieri, & in agnitionem veritatis venire, non sic tamen, vt eis adimat liberum arbitrium, quo vel benè, vel malè vtentes iustissime indidentur. Quod cum sit, infideles quidem contra voluntatem Dei faciunt, cum eius Euangelio non credunt; nec idèò tamen eum vincunt; verum se ipsos fruant magno, summoque bono, malisque penali- bus implicant, experturi in supplicijs potestatem eius, cuius in donis misericordiam contempserant. Duo hìc docet Augustinus; & quòd Deus etiam infideles vult aliquo modo saluos fieri; & quòd eis misericordiam in donis elargitur; quæ tamen ipsi contemnunt. Cùm ergo misericordia, & do-



na ista ( quæ aliud non sunt , quàm dona gratiæ ) non sint efficacia, sunt *sufficientia*.

442. Idem S. Doctor ibidem *cap. 34.* postquam docuit , quòd diuersis modis vocat homines, vt credant, & intrinsecè , ac extrinsecè suasionibus aliorum , vel intrinsecè tantùm faciens venire in mentem id , quod homo non habet in potestate sua, inquit . *Neque enim credere quis potest quolibet arbitrio, si nulla sit suasio, vel vocatio, cui credat; profectò, & ipsum velle credere Deus operatur in homine; consentire autem, vel dissentire à vocatione Dei, vt dixi, propriæ voluntatis est: Et post aliqua subdit. Iam si ad illam profunditatem scrutandam quisquam nos coarctet, cur illi suadeatur, vt persuadeatur; illi autem non ita: duo sola occurrunt interim, quæ respondere mihi placeat. O altitudo diuitiarum, & numquid iniquitas apud Deum? cui responsio ista displicet, quærat doctiores, sed caueat, ne inueniat presumptiores. Habemus ergo per Augustinum, & quòd Deus omnes infideles, varijs modis vocet, ac suadeat: & quòd sine vocatione, ac suasionem credere nemo potest. 2. quòd actus credendi est à Deo cum voluntate. 3. quòd consentire, aut dissentire vocationi, est voluntatis. 4. ad rem nostram, quòd aliqua vocatio, & suasio persuadeat; alia non. Tandem vnde hoc oriatur, Augustinus dicit, se nescire; scire autem, quòd in Deo non sit iniquitas: igitur firma manet cum Augustino conclusio, quòd infideles varijs modis vocantur; aliqui tamen sequuntur vocantem; ecce gratia efficax: alij non; ecce sufficientis, vocatio nempè, cui resistitur.*

443. Prob. tandem. Si aliquid obstar, quin concederetur, gratiam sufficientem dari omnibus infidelibus, esset quia non ad omnes peruenit

Aperit docet August. gratiam, cui homo dissentit.

Vtrum omnibus detur gratia faciens consentire, Aug. dicit se nescire.

nit. predicatio fidei; nam vt docet Apostolus  
*Rom. 10. quomodo credent sine predicante?* Sed hoc  
 non obstat; ergo. Min. prob. sic: Vel loquimur de  
 infidelibus, ac Gentilibus ante aduentum Christi;  
 vel de illis post Christum. Si de primis, esto In-  
 Sacra Scriptura non habeamus omnia, quæ acci-  
 derunt in toto mundo pro toto illo tempore ante  
 Saluatoris aduentum; habemus tamen primo,  
 quod pro tempore legis naturæ antequam ince-  
 perit Idolatria, (quæ vt aliàs dixi) incipit tem-  
 pore Nini circa annum mundi ex Saliano his mil-  
 lefimum; illo inquam tempore fuerunt traditio-  
 nes Patrum, quia Adam, qui vixit annis 930. tra-  
 didit filiis mandata diuina circa fidem, charita-  
 tem, & spem in Deum, necnon remedium con-  
 tra originale peccatum pro parvulis, & reme-  
 dium contra actuale proprium, contritionem  
 scilicet, etc. quia sine his saluari non poterant, &  
 tamen legimus aliquos saluatos, vt Adamum,  
 Abelaum, Enoch, Noë, &c. Item tradidit ritum  
 sacrificiorum, quæ Deo placebant, vt legimus de  
 Abele, & Enos, *qui cepit inuocare nomen Domini*,  
 idest publicè laudare, ac sacrificare, vt dicunt Sa-  
 crite Scripturæ interpretes; de Noë, qui vt dici-  
 tur Gen. 6. *fuit vir iustus, atque perfectus*, hic au-  
 tem non solum statim post diluuium sacrificia,  
 multa fecit in gratiarum actionem, & odoratus  
 est Dominus odorem suauitatis, sacrificiorum, Gen.  
 8. sed dum fabricaret arcam, per tempus centum  
 annorum predicauit populis penitentiam, dicens,  
 Deum contra eos esse iratum, *quia cuncta cogita-  
 tio hominis prona erat ad malum omni tempore*, &  
 deleturus erat omnem hominem, nisi penitèrent;  
 & saluandi erant illi tantum, qui forent in arca  
 illa, quam componebat. Post diluuium vero  
 quia

etiam non  
 Difficultas  
 vrgens eli-  
 ditur.

Quomodo  
 in lege na-  
 turæ adfuit  
 noticia Dei  
 & bonorū  
 operum.

etiam non  
 dicitur

etiam non  
 dicitur

etiam non  
 dicitur

Patrestra,  
 diderunt  
 filijs.

Adam filijs

quæ vixit annis 350. & post eum filij, probabilis-  
 simum, immo certum teneri debet, quod docue-  
 rint filios suos, & per illas nouem generationes  
 vsque ad Thare Patrem Abraham, successores eo-  
 rum docuerint filios suos ea, quæ ad Deum co-  
 tendum pro illo tempore spectabant. Post Thare  
 vero tempora; quamuis Deus speciali vocatione  
 in Abrahamo, & successione sua populum sibi ele-  
 gerit, eosque specialibus donis, ac priuilegijs vs-  
 que ad Moysen, idest per annos supra quingen-  
 tos, & postea per Legem Moysi in monte Sinai da-  
 tam vsque ad Christum, protexerit, atque docue-  
 rit, *his enim eloquia Dei fuerunt credita, ex Aposto-  
 lo Rom. 3. 2.* tamen in Oriente, & in toto mundo  
 grassabatur Idolatria; immo ex libro Iosue cap.  
 24. 3. ipsemet Nachor, frater Abraham, Bathuel  
 Filius, Nachor, & Laban nepos, in Mesopotamia  
 seruierunt Dijs alienis, nec propterea credendum  
 est, quod defuerint viri pietatis, & fideles, qui  
 traditiones veræ Religionis habuerint, eosque  
 & alios docuerint. legimus enim Gen. 14. 18. quod  
 eo Abraham tempore in Salem, quæ postea dicta  
 est Ierusalem aderat Melchisedech, qui erat loci  
 illius Rex, & Sacerdos Dei Altissimi, qui sacrifi-  
 cium obtulit in gratiarum actionem pro victoria  
 Abraham; ideoque oportuit, quod in ea Regione  
 adessent homines Deum timentes non Habret.  
 Gen. 20. in Ciuitate Geraris, quæ erat Gentiliua  
 Philistij, aderant timentes Deum, nam Abra-  
 ham dixit ad Regem Abimelech (qui suam ab-  
 stulerat uxorem, quam dixerat esse sororem,  
 eamque restituit a Deo monitus) *cogitauit mecum  
 dicens. Forsitan non est timor Dei in loco isto;* ade-  
 rat igitur. Immo Deus in somno locutus est cum  
 Abimelech monens, vt redderet Saram viro suo  
 Abra-

Noe filijs,  
 & deinceps  
 illi

Abraham  
 Hebreis  
 - 24. 24. 1.  
 iudat pnt  
 in Gensum  
 pntod h  
 i. 24. 1. 2.

Moyses est  
 Lege Iosue

Gentiles  
 etiam ali-  
 quam Dei  
 cognitionem  
 habuerunt

Ex facto  
 Melchise-  
 dech.

Ex facto A.  
 brahe cum  
 Abimelech

Abrahæ, subdens, *scio, quod in simplici corde feceris, & ideo custodiui te, ne peccares in me, & non dimisi, vt tangeres eam. Nunc ergo redde viro suo, quia Propheta est, & orabit pro te.* Si in ijs Regionibus Gentilium in lege naturæ aderant timentes Deum, & Sacerdotes; signum est, quod aderant Doctores, qui Dei mandata docerent. Legimus, quod in Idumæa Gentilium, in terra Hus tempore Moysi fuit Sanctus Iob: adfuerunt tres illi consolatores, qui licet illum exasperarint, tamen de Religione, ac pietate erga Deum præstanda, de iustitia, patientia, ac misericordia Dei loquebantur, & afflictum hominem de impatientia, & blasphemia (licet indiscretè) illum arguebant. Aderat ergo inter Gentiles cognitio Dei, & Religionis, ac pietatis in eum exercendæ; & sic tenendum, quod in alijs etiam Gentilium Regionibus diffusa fuerit Dei misericordia, prouidens de viris probis ad illuminandum omnes ad fidem, & pœnitentiam, licet non omnes crediderint, nec omnes pœnituerint.

444. De Ægyptijs autem loquendo; existimandum est sufficienter fuisse monitos de veritate fidei, primò per Abraham, quando sublata in Pharaonis domum eius vxore, quia dixerat esse suam sororem, *Gen. 12. 17. Deus flagellauit Pharaonem plagis maximis, & domum eius propter Sarai vxorem Abraham.* Quidam Interpretes, vt Lyranus, etc. dicunt plagas istas fuisse, quia tam Pharaoni, quàm alijs domesticis impediuit potentiam coeundi, præter alia mala. Cum autem restituit Abrahæ vxorem intactam, & conquestus est cum Abraham, quod eum deceperat, dicens esse sororem, cessarunt plagæ: ex hoc miraculo scire potuit Ægyptus, quod Deus Abrahæ, qui duplex

De Iob, &  
alijs.

Per Abrahæ  
ham Ægi-  
ptum do-  
cuit.

plex illud miraculum patrauit, erat verus Deus :  
 at nihil de hoc curauit, sed dimisit Abraham, vt  
 regrederetur. Sibi imputet, si veri Dei facientis  
 miracula notitiam ab Abrahamo non quæsiuit .  
 2. per Iosephum quadrigentis circiter annis an-  
 te Moïsem; ait enim de eo Dauid Psal. 104. quòd  
 cum Ioseph per calumniam esset in vinculis, *Elo-  
 quium Domini inflammavit eum* ( idest Iosephum,  
 in Ægipto) *misit Rex, & soluit eum; constituit eum*  
*Dominum domus suæ, & Principem omnis possessio-  
 nis suæ . Vt erudiret Principes eius, sicut semetip-  
 sum, & senes eius prudentiam doceret.* Quam aliam  
 prudentiam docere poterat, nisi religiosam,  
 quam ipse callebat ? item per prædictiones pen-  
 urie, & vbertatis 7. annorum: post nouem annos  
 principatus Ioseph in Ægipto accessit Iacob cum  
 70. suis filijs, nurijs, ac nepotibus, & post an-  
 nos 17. mortuus est: vixit Ioseph ad annum 110  
 multiplicati sunt Hēbrei cum vera Religione, &  
 licet aliqui in Idolatriam lapsi sint ex *Iosue 24.*  
 multitudo tamen in vera fide mansit. Potuerunt  
 ergo Ægiptij ab Hēbreis in ea erudiri; & sic non  
 defuit monitio, & illuminatio. 3. per Moïsem,  
 & Aaron moniti sunt. Hi enim Dei nomine in-  
 imarunt Pharaoni dicto *Cenres*, quòd Pòpulum  
 suum dimitteret, vt sacrificaret ei in deserto, *Ex-  
 od. 5. 2. Hæc dicit Dominus, dimitte populum meum,*  
*vt sacrificet mihi in deserto . At ille respondit; Quis*  
*est Dominus, vt audiam vocem eius, & dimittam*  
*Israel ? Nescio Dominum, & Israel non dimittam .*  
 Et videns tot miracula, nequē credidit, putans  
 esse apparentia maleficia: ideò curabat per male-  
 ficos suos *Iamnem, & Mambrem* ex 2. *Timos. 3. 14*  
 arte Magica fieri similia, & vidit virgam Moïsi  
 deuorasse virgam maleficorum; idest, fecit eam  
 euane-

Deinde  
per Ioseph

Ex vita, &  
factis Ioseph.

Ex Religio-  
ne Hēbreo-  
rum.

Deus po-  
tētia per mi-  
racula Moi-  
si docuit  
Ægyptum.

Per alia  
portenta  
Deus do-  
cuit Genti-  
les.

Per ea si-  
gna Deus  
monuit om-  
nes Gentes  
vt eum in-  
quirent.

euanesce; neque credidit. Vidit Nilum verſum in ſanguinem, ſicque per ſeptem dies manſiſſe; neque credidit. Vidit totam Ægyptum ranis ob-  
rutam: præcatur Moïſem, & Aaron, *orate Dominum, vt auferat ranas à me, & populo meo.* Orauerunt & ablatae ſunt ranæ; neque tamen credidit. Venerunt Cinifeſ, quæ vexabant Pharaonem, & omnes populos: imperauit Pharao maleficis Iamni, & Mambre, vt per conſuetas Magicas incantationes facerēt comparere Cinifeſ. Tentarunt iſti, & facere nō potuerunt, immō dixerunt, *digitus Dei eſt hic*; neque propterea credidit ipſe, aut populus. Quid ultra! decem peſſimas plagas per annum integrum Pharao, & ſerui eius cum omnibus populis experti ſunt, & non crediderunt: hæc miracula, cum ſubmerſione Pharaonis, & totius exercitus in mari rubro, tranſitus populi per ſiccum maris rubri, & poſtea per Iordanem, aliaque miracula, quæ per annos 40. acciderunt populo in deſerto, Victoriæ eiſdem populi contra Amalecitas, Moabitas, Ammonitas, & Cananeos, oppreſſio 31. Regum Amorrhæorum, ſeu Cananeorum facta per Ioſue, & glorioſa eorum Ciuitatum poſſeſſio, & cætera, quæ acciderunt ſtupenda in Hæbreorum fauorem portenta, diuulgata fuere, & adhuc durat eorum memoria, nedum per totam Ægyptum, ſed per totam Aſiam, Africam, & Europam: his ergo ſignis Deus monuit Gentes omnes, vt eum inquirerent, & ab Hæbreis quærerent, quis ipſe eſſet, & quo ritu colendus. Hæc vtique ſufficiens gratia fuit. At omnes gentes, & neglexerunt inquirere, & non curarunt, & reſtiterunt Deo illos illuminanti, ac inſpiranti: hac enim phraſi vtitur Paulus 1. *Timoth. 3. 9.* loquens de maleficis Pharaonis, & alijs infidelibus,  
qui



qui Dei illuminationes respuunt. *Quemadmodum Iannes, & Mambres resisterunt Moysi, ita & hi resisterunt veritati; homines corrupti mente, reprobi circa fidem, &c.* Omnibus ijs Nationibus data est gratia sufficiens ad inquirendam veritatem Religionis: at insipientia, & obstinata eorum corda illam despexerunt, eique resisterunt.

445. In sequentibus postea temporibus magis distinctam habemus notitiam de eiusmodi Dei in infideles etiam misericordia, ac sufficienti gratia Gentibus, ac infidelibus, ipsisque Hæbreis Apostatis impertita, cum scilicet per Prophetas expressius eis Deus est allocutus. Nam in Ninivem Regiam Imperij Assiriorum Civitatem tempore Imperatoris Sardanapali ex Saliano anno mundi 3216. misit Ionam ad prædicandum; & hæc prædicatio per totum Imperium divulgata fuit. Ad Ieroboam, ac decem Tribus Hæbreorum Apostatas, ex eodem tempore usque ad desolationem Samariæ per Taglaphalasar, & transmigrationem earundem in Ninivem, totumque Orientem per Salmanasar Deus misit multos Prophetas, Eliam, Eliseum, Micheam, &c. Ad Reges Iuda, & Ierusalem, cum Idolis servirent, misit alios, Isaiam, Ieremiam, &c. Ad Reges Babiloniæ, & Caldeorum, Medorum, & Persarum, Nabucdonosorem, Balthasarem, Darium, & Cirum sibi succedentes, misit Danielem, qui miracula plura coram eis patrauit: & tamen gratiam Dei neglexerunt, eique resisterunt. De Occidentalibus verò Regionibus notitiam non habemus, quibus modis, scilicet Deus eas monuerit, vocaverit, ac eis suaserit: existimandum tamen est, eas quoque Deum vocasse, ac monuisse; *cum acceptor personarum non sit; omnesque homi-*

Sed resisterunt.

Post tempora Moysis, quomodo Deus monuit Gentes.

Ad Reges misit Prophetas.

nes, opera manuum suarum sint; & ex vniuersali Pauli regula inferiùs adducenda habemus, omnibus gentibus Deum sui notitiam dedisse; sed non omnes eum glorificasse; & hæc de hominibus, etiam infidelibus ante Christi aduentum.

448. De infidelibus autem post Christi aduentum, clarè patet, quòd omnibus gratia sufficiens fuerit concessa, quamuis maxima illorum pars eam neglexerit, atque reiecerit, vt de Iudæis asserit Paulus Act. 13. *Vobis oportebat primum loqui verbum Domini; sed quoniam repellitis illud, & indignos vos iudicatis æternæ vitæ, ecce conuertimur ad Gentes.* Omnibus autem Gentilibus, siue per Apostolos in principalibus mundi partibus; siue per eorum discipulos, ac successores; siue per alios Missionarios progressu temporis, (vt nos in *tomò de fide parte secunda* historicè ostendimus) in omnibus Prouincijs totius orbis cogniti, prædicata fuit vera fides, vt cum veritate dici possit, *in omnem terram exiuit sonus eorum, & in fines orbis terra verba eorum.* Ac propterea cùm iuxta Augustini doctrinam, externè prædicante aliquo veram doctrinam, Deus internè loquatur illuminando, ac inspirando; sequitur, quòd omnes infideles gratiam sufficientem habuerint, hodièque habeant ad credendum, diligendumque Deum, ac penitendum. In posteris siquidem earum Nationum, quibus fuit prædicata fides, adhuc remanet memoria, quòd fuerit in eis prædicata, & quotidie in eis reuiuiscit; quia finitimæ sunt Ciuitatibus, in quibus viget vera fides; & in eorum confusionem, puto Deum prouidisse, vt in omnibus mundi partibus propè Ciuitates, vel Prouincias infidelium, adsint Ciuitates fidelium, & propè Ciuitates Hæreticorum, aut Schismaticorum,

Infideles  
post Christi  
aduentum non  
sunt omnes

Quomodo  
vocati.

corum, adsint Ciuitates Catholicorum; vt illi, ac isti Synderesim continuò patiantur, quòd detur alia Religio melior propria, vt inquirant, si ita est; ipsi autem negligant facere, & reijciant, atque opprimant cogitationes, ac impulsus ad hoc stimulant: habent ergo sufficientem gratiam, quam reijciunt; & myriades martirum id testantur.

447. Vna tantùm, vel altera posset obijci difficultas. Prima, quòd non statim in omnem Prouinciã, aut Ciuitatem fuit prædicatum Euangelium, & adhuc adest aliqua mundi pars, puta Terra dicta *incognita* à Cosmographis, in qua non fuit prædicatum Euangelium: & habitatores aliarum, in quibus fuit prædicatum, obliuisci sunt: vel rustici saltem, ac idiotæ illud non audierunt; & sic non omnes habent sufficientem gratiam ad credendum, ac pœnitendum, & Dei legem obseruandam.

Sed ad eiusmodi difficultatem per duas Apostoli fundamentales regulas respondetur. Prima habetur Rom. 1. 18. *Reuelatur ira de Cælo super omnem impietatem, & iniustitiam hominum eorum, qui veritatem Dei in iniustitia detinent, quia quod notum est Dei, manifestum est in illis; Deus enim illis manifestauit. Inuisibilia enim illius à creatura mundi per ea, quæ facta sunt intellecta conspiciuntur; sempiterna quoque eius virtus, & diuinitas, ita ut sint inexcusabiles; quia cum cognouissent Deum, non sicut Deum glorificauerunt, aut gratias egerunt, &c. sed ad vana, & corruptibilia se conuerterunt, ad Idola, & alia indigna, quæ narrat ibi Paulus.*

448. Altera Pauli regula habetur Rom. 2. 12. *Gentes, quæ legem non habent, ipsi sibi sunt lex;*

Difficultas  
contra præ  
dicta insur  
gens.

At refelli-  
tur per du-  
as regulas  
Pauli Apo-  
stoli.

quia ostendunt opus legis scriptum in cordibus suis testimonium reddente illis conscientia ipsarum, & transe inuicem cogitationibus accusantibus, aut etiam defendentibus in die, cum iudicabit Dominus vtrulra hominum.

449. Ex duabus his regulis habetur, quod nulli hominum occultum est dari Deum: nullique occultam esse naturalem legem, ob cuius inobseruantiam homines damnari possant, etiam si eis non predicaretur Deus. Prima enim regula sic declaratur à Glos. ord. nam verbo reuelatur, dicit; vel Evangelio de Cælo, quod accusat eos, quia indicauit eis Creatorem, vel Saluatorem, ex ipsa enim est fabrica iratus illis Deus ostenditur, quia ideo tam pulchra astra condidit, ut ex eis quantus, & admirabilis eorum creator sit, possit agnosci, & adorari. V. eorum qui veritatem, Glos. dicit. Cur eis ira de impietate, cum non cognouerint Deum? Respondet. Poterant quidem cognoscere, sed sibi tollunt, malentes morari in iustitiæ suæ voluptate. V. iustitia multa dicit; sed præ alijs ex Augustino ait: Totum considerasti Dei ordinem, & non vis attendere, quod mundus est opus Dei, Idolum opus fabri. Si Faber Idolo, sicut dedit figuram, daret cor, ab ipso Idolo Faber adoraretur: quis erga Deum tuus, nonne qui te fecit? V. notum est Dei. Ex Gregorio dicit. En, quod ex mundi huius dispositione, & naturali ordine assequi possumus: ignotum verò Dei, quod omnem latet creaturam, ut ratio substantiæ eius, vel naturæ, & mysterium humane liberationis. V. manifestum est in illis: Ex Augustino dicit. Qui non solum ratio naturalis ad hoc profuit, sed & Deus quotidie adiunat, ne sola natura sufficere videretur. V. innisibilia, ex Haimone, dicit, ostendit, quid de Deo scire potuerit. Pluraliter dicit, quia pluribus modis

Ex his inferitur omnibus notum esse dari Deum; & omnibus iustitiam legem naturalem.

¶ mnd  
de aucto  
93

Glosæ interpretatio

modis cognoscitur; scilicet, quod æternus, omnipotens, & huiusmodi; & alia plura dicit Glosa.

450. De altera Pauli regula. *Gentes, quæ legem non habent, &c.* Interl. quæ est Origenis, dicit. Naturali ratione illuminati discernunt faciendum, & vitanda, quod faceret lex. Glos. ord. dicit. Cum enim dixisset, Gentilem damnari, si malè operaretur; saluari si benè. Sed cum legem non habeat, quasi nesciat, quid sit bonum, quidue malum, videretur sibi neutrum debere imputari. Contra Apostolus, etsi non habeat legem scriptam, habet tamen naturalem; quia intelligit, & sibi conscius est, quid sit bonum, & quid sit malum. Benè operari dico, & saluari, quod non fit, nisi per gratiam, & fidem, quæ renouat naturalem imaginem Dei in homine ex vitio, & vetustate sopitam, sine qua renouatione malè operaretur, et damnatur accusante eum cōscientia. Non enim vsq; aded in humana anima imago Dei terrenorū affectuū labe detrita est, vt nulla in ea lineamenta remanserint. Non omninò deletum est, quod ibi per imaginem Dei cū crearetur deletū est. Proinde vitio sanato per gratiam, naturaliter fiunt, quæ legis sunt. Non quòd per naturæ nomē negata sit gratia, sed potiùs per gratiam renouata natura, qua gratia interiori homine renouato, lex iustitiæ rescribitur, quam deleuerat culpa: & V. opus legis, dicit, est fides, quam vtrò habent in cordibus, idest intimo affectu, vbi fides per dilectionem operatur. Totum hoc Glosa concedit Gentibus non habentibus Legem scriptam in carta, sed legē naturalem in cordibus eorum scriptam: ergo habet sufficientē gratiam ad cognoscenda bona agenda, & mala vitanda, & ad Deum colendum, atque orandum, vt ipsis veritatem Religionis insinuet.

S. August. circa primam Pauli regulam in lib. 8. de Ciuit. cap. 9. de Gentilibus dicit. *Vbi dictum*

Lumen naturale discernit bona, & mala.

Cum eo gratia adest.

Ex August.

dictum est, quod per ea, quæ facta sunt Deus illis manifestauit intellectum conspicienda inuisibilia sua; ibi etiam dictum est, non illos ipsum Deum recte coluisse; quia & alijs rebus, quibus non oportebat diuinos honores illi uni tantum debitos detulerunt. Quoniam cognoscentes Deum, non sicut Deum glorificauerunt, aut gratias egerunt; sed euauerunt in cogitationibus suis, & obscuratum est insipiens cor eorum. Circa secundam Pauli regulam Rom. 2. *Gentes, quæ legem non habent*, &c. S. August. dicit, cognouisse veritatem à suis Prophetis, *Dubitandum non est, & Gentes suos habere Prophetas*: & in lib. de spir. & lit. ad Marcell, cap. 27. vt postea dicam, docet, Gentes bona quædam opera facere, quæ laudamus, licet non sint veræ iustitiæ; quia sine fide Christi fiunt, ea tamen faciunt, quia habent legem Dei scriptam in cordibus suis: igitur donum hoc Dei habent, & possent inquirere veritatem, & orare Deum, vt faceret inuenire: hæc autem est gratia, quia à Deo in ordine ad bona opera facienda gratis donata: at non efficax, vt patet; ergo est illa, quæ dicitur sufficiens.

451. De eiusmodi duabus Pauli regulis, Doctores aliqui, ac Sacræ Scripturæ interpretes aliter sentiunt, nempe, quod Gentiles, qui veram Dei, Trinitatis, & Christi fidem non habent, nullum lumen auxilij supernaturalis habent; neque ad cognoscendum Deum, neque ad facienda opera placencia Deo; nam ex Hebr. 11. *sine fide impossibile est placere Deo*: & illa Dei cognitio, quam habuerunt, vel habent, est cognitio naturalis ab effectibus in vniuerso existentibus deducta; & sic opera bona, si quæ faciunt, sunt naturalia, non à spiritu gratiæ directæ, sed à lumine naturali: & cum Apostolus dixit. *Inuisibilia*, &c. ac *Gentes*,

Plures D.  
D. dicunt  
alia Gen-  
cium auxi-  
lia esse or-  
dinis natu-  
ralis.

quæ



quæ legem non habent; &c. voluit reprehendere Iudeorum superbiam, qui gloriabantur de observantia legis Moſaice in tabulis, ſibi tantum conceditis, ſcriptæ; quaſi diceret Apoſtolus; quid gloriâmini de lege ſcripta vobis concedita? Nam etiam Gentes faciunt opera legis, quæ vos faciis, & habent legem ſcriptam, non quidem in tabulis, ſed in cordibus, & ſic naturaliter, quæ legis ſunt, faciunt, & ideo ex ijs regulis non inferatur gratia ſufficiens; immo inferretur etiam efficaci, quia dicit, *quæ legis ſunt faciunt*. Soli autem efficaci gratiæ competit, quod faciat facere: & tamē nequit hoc dici de infidelibus; quia ſine fide, ut dictum eſt, *impoſſibile eſt placere Deo* Hebr. 11. ſed contra hæc dicta, notandum, quod

452. Andreas Vega Ordinis Min., qui fuit præſens Concilio cum Card. Petro Paciæo, ut ipſemet fatetur in præſatione ſui voluminis Deſenſionis Concilij Tridentini, in lib. 6. cap. 21. dicit, tam pro certo habitam fuiſſe in Concilio; quod nullum hominum unquam latuit divina Maieſtatis notitia, ac fides, ut in Concilio nullum verbum de re iſta factum fuerit: eius referam verba. *Fuitque ſemper adeo ſuper merita noſtra provida divina Maieſtas circa iſta, ut verifiſimile non ſit abſque culpa ignorare potuiſſe, Deum eſſe. Atque ideo providentia, & inſpiratione divina ſaltim arbitror, ut omnes Patres, qui interſuerunt Concilio, nulla habita, vel cerè modica hac de re diſcuſſione, tamquam rei indubitatae, conſenſerint, ac diſſinierint, nulli prorsus abſque fide iuſtificationem contigiſſe. Deinde ſibi objicit. Diceret aliquis, verba Patrum de fide infuſa poſſe intelliſſi, aut legem tantum, & illam communem ab eis eſſe expoſitam, & verba illa, ſine fide impoſſibile eſt placere Deo: & reſpondet.*

Sed

Reſellitur hæc ſententia ex Vega.

Omnes ho-  
mines ac-  
tualem Dei  
fidem habe-  
re potue-  
runt.

Si non ha-  
bent culpa-  
biles sunt.

Generalis  
conclusio.

*Sed nobis nulla illarum explanationum, immò tergi-  
nerfactionum placet. Si propositum Patrum, & cir-  
cumstantia omnia benè expendamus, apertissimè vi-  
debimus, fidem actualem propriè ab eis diffinitam  
semper necessariam fuisse ad iustificacionem, & id qui-  
dem, ut nostra fert opinio, propterea secuti Paulum,  
ac Doctores, quos citauimus, verissimè offeruerunt,  
quod ante omnia ad veram iustitiam nobis necessarium  
est, ut captinemus intellectus nostros in obsequium  
vnius Dei, & Legislatoris nostri: & ita in omni tem-  
pore, & omni loco suæ diuinitatis opinionem propa-  
gauit Deus in orbe, ut nullus ea fide absque sua cul-  
pa caruerit.*

453. Si ergo Patres Concilij existimantes  
cum Apostolo Paulo, *sine fide impossibile esse place-  
re Deo, & quemlibet hominem habere posse fi-  
dem Dei, & neminem absque propria culpa ca-  
ruisse, aut carere illa; per necessariam consequen-  
tiam infertur, quòd omnes homines habuerint,  
& de facto habeant principium aliquod superna-  
turale, per quod possint saltem eam habere; alio-  
quin sine propria culpa ea carerent: hoc autem  
supernaturale principium est gratia sufficiens; pu-  
ta illuminatio, ac inspiratio ad credendum in  
Deum, illum diligendum, in illumque sperandum,  
& ad dolendum de peccatis: quæ quidem illu-  
minatio, ac inspiratio tripliciter accidere potuit,  
ac potest, vel aliquo prædicante, ut regulariter fit  
ex Rom. 10. *Quomodo credent, quem non audierunt?  
& quomodo audient sine prædicante?* Tunc enim  
prædicante aliquo extra, Deus (ut cum Augusti-  
no tract. 6. in primam Ioann. epist. diximus) lo-  
quitur intra, illuminans, ac inspirans: alio, sed  
speciali modo Deus, sine prædicante extra, illu-  
minat immittendo in alicuius infidelis intelle-  
ctum*

Cum cogitationem, ac dubitationem de veritate sua Religionis, & inspirando ad inquirendum, de verâ, & ad orandum ipsum, ut faciat cognoscere veritatem. Tertio tandem modo, qui frequentius accidit in rusticis, & idiotis, & alijs, qui predicantem immediate non audierunt, sed à suis maioribus, vel alijs civilioribus, aut in agendis rebus magis instructis, licet non credentibus, audierunt, quod detur alia Religio, quæ ab eius sectatoribus predicatur, ut verior: in his casibus Deus illuminat, ac inspirat, ut ea inquiretur. Quod si præfati omnes, quomodocumque illuminati, ac inspirati, non despiciant, seu non respuant, resistent, ac derideant illuminationes illas, ac inspirationes, ut factum legimus, & modo fieri scimus à Gentilibus, Mahometanis, Iudæis, & Hæreticis ipsis, Deus concederet gratiam adiuuantem, & efficacem ad inquirendam veram Religionem, & successivè ad eam amplectendam: at quia reiiciunt, despiciunt, & irrident, reiiciuntur à Deo, despiciuntur, & irridentur: *ex Prov. 1. Aet. Apostol. cap. 7. & cap. 13.* Sibi ergo imputent, non Deo.

454. Quod autem quidam dicunt de Gentilibus, quod bona, quæ faciunt, nempe actus credendi Deum, & in Deum, actus diligendi Deum, actusque aliarum virtutum, fiant ab illis, cum Dei quidem auxilijs, sed ordinis naturalis, mihi valde displicet: sed quia digni sunt, libet eorum dicta declarare. Existimo ergo sic intelligendos; quod nempe infideles, dum operantur opera legis naturæ secundum dictamen rationis naturalis, nullo præcedente supernaturali actu, ac lumine fidei, sed sola fide acquisita, illa scilicet notitia, seu credulitate Dei, eiusque legis, quæ lumine

Multipli-  
citer acci-  
dere potest  
illuminatio.

Non placet  
authori, quod illa  
auxilia  
sint ordinis  
naturalis.

Declarat  
quomodo  
tolerari  
possit hoc  
dictum.

Quando  
auxilium  
est ordinis  
naturalis,  
& quando  
non.

570 DE GRATIIS AC IVALIBVS, &c.  
naturæ habetur; tunc auxilia illa sunt ordinis natu-  
ræ, sicut sunt ipsamet opera, quæ faciunt, non  
enim sunt conducentia ad salutem: & hoc est,  
quod dicit Apostolus *Rom. 2. Gentes, quæ legem  
non habent, naturaliter quæ legis sunt faciunt.* At  
si infidelis, audito prædicante veritatem fidei, à  
Deo illuminetur, & inspiretur ad credendum, di-  
ligendumque Deum; vel absque prædicante, à  
Deo immediatè illuminetur, & inspiretur ad in-  
quirendam veritatem fidei, & in utroque, vel al-  
terutro eam infidelis non solum non rejicit illu-  
minationem, ac inspirationem, sed consentiat,  
eamque velit, & credat, ac diligat, ut in primo  
casu; vel consentiat, ac velit inquirere veritatem  
fidei, seu Religionis, ut in secundo casu; tunc au-  
xilia illa, nedum illuminationis, ac inspirationis,  
sed actiones, nempe credendi, diligendi, &c. ut in  
primo casu, & volendi inquirere veritatem, ut in  
secundo casu, sunt auxilia supernaturalia disponē-  
tia ad iustificationem, ut ex *Concil. Trid. sess. 6.  
cap. 5. & 6.* & non sufficientia tantum, sed effica-  
cia: si verò illuminati, & inspirati, non solum,  
non consentiunt, sed etiam rejiciunt illumina-  
tionem, ac inspirationem, tunc, etsi malè faciant;  
auxilium tamen sufficiens iam habuerunt, quod  
in illa excitatione, seu illuminatione, ac in-  
spiratione consistit; quod Deus, ut diximus, om-  
ni homini concedit.

455. Et hæc dicta sufficiant pro infidelibus  
omnibus, antè, & post aduentum Christi, de gra-  
tia sufficienti eis impertita circa fidem Dei vnius,  
per quam gratiam possent credere in Deum, eum-  
que diligere, sicut oportet, idest, ut disponit ad  
iustificationem, quæ ab actu credendi, & diligen-  
di Deum, ut oportet, initium habet; ex *Trid. sess.  
6. cap. 5.* Dicen-

456. Dicendum ergo, & veraciter confitendum, quòd benignissimus Dominus, & amantissimus Pater noster Deus, qui creauit hominem, vt summum bonum intelligeret, intelligendo amaret, amando possideret, ac possidendo frueretur, idest illum eleuauit ad supernaturalium fruendorum ordinem; quamuis illum liberum formauerit, & in manu consilij sui reliquerit, vt faceret quod vellet, siue bonum, siue malum: sciens eum suis proprijs viribus non posse bonum supernaturale, hoc est, ad summi boni cognitionem, & possessionem conducere; verisimile, ac probabile non est, quòd homini talia bona opera ad id bonum conducentia præceperit, nisi ei virtutem, seu auxilium, per quod id posset facere, concesserit; alioquin, & impossibilia præcepisset; & postea sine culpa hominem damnet: hic est ipsissimus S. Augustini discursus, vt in suo loco diximus, de auxilio sine quo non collato Angelis, & Adamo; inquit, quòd si illud non dedisset, transgrediendo Dei præceptum, non peccassent: huc enim collimant omnia Sacre Scripturæ loca, quæ Dei in hominem amorem, ac misericordiam commendant. Placet aliqua solum adducere.

457. Ezzechielis 18. 23. habetur. Numquid voluntatis meæ est mors impij, dicit Dominus Deus, & non vt conuertatur à vjs suis, & viuat? Sapientia 11. 24. Misereris omnium Domine, quia omnia potes; diligis enim omnia quæ sunt, & nihil odisti eorum, quæ fecisti. Nec enim odiens aliquid constituisti, aut fecisti. Sapientia 12. 1. 2. &c. ò quam bonus, & suauis est Domine spiritus tuus in omnibus; idèdque eos, qui exerrant, corripis, & de quibus peccant, admones, & alloqueris, vt relicta malitia,

Ex Dei benignitate inferretur firma conclusio huius sententiæ.

Scripturæ loca, quæ Dei amorē in hominē commendant.

Ex Veter.  
Test.

credant in te Domine. Exodi 34. 6. Dominator Domine Deus, misericors, & clemens, patiens, & multę miserationis, & verax. Psal. 32. Misericordia Domini plena est terra: & psalm. 144. Suavis Dominus vniuersis, & miserationes eius super omnia opera eius. Psal. 76. Numquid in æternum proijciat Deus, aut non apponet, vt complacitior sit adhuc. Aut in finem misericordiam suam abscindet à generatione in generationem, aut obliuiscetur misereri Deus, aut continebit in ira sua misericordias suas? Psalm. 88. Misericordias Domini in æternum cantabo. Psal. 100. Misericordiam, & iudicium cantabo tibi Domine: et in toto psalterio sæpissimè.

Ex Nouo  
Testam.

458. Ioann. 3. 16. sic Deus dilexit mundum, vt filium suum vnigenitum daret, vt omnis, qui credit in ipsum non pereat, &c. in epist. 1. Ioan. 4. &c. In hoc apparet charitas Dei in nobis, quoniam filium suum vnigenitum misit Deus in mundum, vt viuamus per eum. In hoc est charitas, non quia nos dilexerimus Deum; sed quoniam ipse prior dilexit nos, & misit filium suum propitiationem pro peccatis nostris, &c. & Saluator ipse Lucæ 5. 12. Veni vocare peccatores ad pœnitentiam. Prima Timot. 2. 4. Deus vult omnes homines saluos fieri, & ad agnitionem veritatis venire, &c.

Ex imposs.  
bilitate o-  
perandi.

459. Hęc, inquam, & alia plura Sacrę Scripturę loca suppetunt eam legenti, in quibus amor, & misericordia cum iustitia Dei in vniuersum genus humanum indifferēter commendatur. At ex epist. Iacobi cap. 2. 13. Misericordia superexaltat iudicium: & ex Psal. 143. Miserationes eius super omnia opera eius: quomodo ergo cogitari, aut concipi potest, quòd non dederit, aut non det omnibus aliquando, & aliquibus saltem vicibus, sufficiētem ad minus gratiam, qua possent ad  
cum



eum conuerti, in eum credere, eumque diligere, *vt oportet*, idest modo supernaturali, & ob supernaturalem finem? Quomodo diceret Deus Osee 13.9. *Perditio tua ex te Israel; tantummodò in me auxilium tuum?* Quomodò Saluator, Matth. ult. misisset in mundum vniuersum Apostolos, dicens, *docete omnes gentes, baptizantes, &c. docentes eos seruare omnia quaecumque mandauimus vobis?* & Marc. ult. *Qui crediderit, & baptizatus fuerit, saluus erit; qui verò non crediderit, condemnabitur*, nisi auditores eorum haberent requisitum supernaturale, per quod possent credere, & possent facere, quæ ipsi docebant? Quomodò Christus in die iudicij diceret reprobis, *Ite maledicti in ignem æternum, &c. esurini, & non dedistis mihi bibere, &c.* nisi illi habuissent requisita ad ea facienda, *sicut oportet*, quæ quidem à semetipsis habere non potuerunt? Multi siquidem inter Gentiles, & Turcas, vt ex Alcorano præcipiente, & ex praxi Mahometanorum, obseruata, vacant operibus istis misericordiæ corporalis, & tamen respondere non poterunt, cibaui esurientes, potaui sitientes, operui nudos, &c. quia opera ista non sunt *sicut oportet*, scilicet ex directione fidei; & fides illa, quam ipsi habent de Deo est naturalis, seu acquisita, non ex Spiritus Sancti inspiratione, & adiutorio, vt requirit *Concil. Trid. sess. 6. can. 3.* sed est, sicut fides, quam habent de alijs rebus mundi, quas audierunt, & de ipsomet Mahometo. Si ergo condemnandi sunt omnes ex eo quòd non fecerunt ea opera à Deo præcepta, & *vt oportet*: perneceesse fateri debemus, quòd Deus eis omnibus dederit principium illud requisitum ad posse facere opera illa, *vt oportet*: at quoniam illud reiecerunt, hodièque reiiciunt, immò persecuti sunt, hodieque perse-

Multa Scri-  
pturæ di-  
ctæ non sal-  
uantur.

Ex absur-  
dis ratio.

Opera mi-  
sericordiæ  
Gentilium  
non sunt,  
sicut ope-  
ret, & qua-  
re.

Concluditur, quòd omnes habent, vel possunt habere, sed respuunt gratiam sufficientem.

374 DE GRATIIS ACTVALIBVS, &c.

persequuntur, atque occidunt eos, per quos principium illud potest in eorum mentibus à Deo produci, si audirent eos, quos persequuntur, & occidunt; ideò deest etiam illis aliud principium, seu adiutorium, per quod facerent, *ut oportet*; habent ergo illuminationes, vel habere possunt, quia Deus eis vult dare; sed reijciunt, Deoque hoc modo resistunt, ut dicitur Act. 7. His autem Saluator in iudicio dicere poterit quod habetur Prou. 1. *Quia vocavi, & renuistis, extendi manum meam, & non fuit, qui aspiceret, &c. ego quoque in interitu vestro ridebo.*

460. Sic ergo Deo laus, virtus, & gloria in æternum, qui neminem vult perire, & omnibus gratiam sufficientem concedit, per quam habent posse non perire: sed eam maior hominum pars respuunt, ac reijcit, ideòque vltteriùs non adiuuantur; quod ab æterno prænsum, ut in secundo Opusculo diximus, reprobationis causa fuit.

Quoties autem, & quando Deus sufficientem gratiam concedat, tam infidelibus, quam fidelibus, dicam, Deo dante, infra.

C A P V T XX.

*An omnia infidelium opera sint peccata: vel saltem aliqua, & quæ.*

461. **A**Du. 1. difficultatem hanc in hoc loco discuti, eo quòd infideles cum careant fide habituali, & actuali supernaturali videntur non posse operari alia opera nisi mala, quia inquit Saluator, *non potest arbor mala bonos fructus facere.* Anima autem hominis infidelis est pessima moraliter; ac propterea videtur non posse pro-

Mens Authoris, cur de hoc agat.

producere bonos fructus . Accedit præterea Pauli dictum Rom. 14. *quod non est ex fide peccatum est, & sine fide impossibile est placere Deo*, Hebr. 11.

462. Adu. 2. quòd hic nomine *infidelium* intelligimus omnes carentes habitu fidei, etiam Hereticos; hi enim per infidelitatem habitum fidei, quem in Baptismo receperant adulti iam facti non credentes perdiderunt: at principaliter intelligimus non baptizatos, vt Gentiles, Mahometanos, & Hæbreos.

463. Adu. 3. quòd licet sententia assertiua, quòd omnia infidelium opera sint peccata, iam damnata sit à Pio V. & Gregor. XIII. inter Michaelis Bay propositiones; quia tamen Scioli quidam, qui S. Augustini opera, vel non omnia, vel non accuratè legerunt, Sancto Doctori propositionem istam absolutam, & sine limitatione ipsius Sancti, affinxerunt, nec desint hodiè, qui adhuc affingant, operæ pretium duxi de hoc puncto in hoc Opusculo, in quo de infidelium gratia agitur, contingenter loqui.

464. Dico ergo 1. Non omnia infidelium opera sunt peccata: sed ea tantum, quæ in sequenti Capite dicentur.

465. Prima pars, vt nuper dixi, iam remanet probata ex Ecclesiæ damnatione, vt ex Constitutionibus præfatorum Pontificum, quibus opposita damnatur, quæ asserbat, *quòd omnia opera infidelium sunt peccata*.

466. Prob. 2. quòd non omnia sunt peccata. Aliqua infidelium opera commendantur in Sacra Scriptura. Ergo. Antec. prob. primò ex Ionæ 3. 4. Niniuitæ populi Gentiles erant; & tamen de eis hæc leguntur, prædicante Iona. *Adhuc quadraginta dies, & Ninive subuertetur; credide-*

Qui sint infideles.

Affirmatiua damnata est.

Non omnia infidelium opera sunt peccata.

Aliqua co-  
rum opera  
commen-  
dantur.

Ex factis  
Niniuitarum

runt viri Niniuitæ in Deum, & prædicauerunt ieiunium, & vestiti sunt sacco à maiore vsque ad minorem. Et peruenit verbum ad Regem Ninive; & surrexit de solio suo, & abiicit vestimentum suum à se, & indutus est sacco, & sedis in cinere. Præcepit ieiunium pro hominibus, & iumentis; & clamauerunt omnes ad Dominum: & ait Textus: & vidit Deus opera eorum, quia conuersi sunt de via sua mala, & misertus est Deus super malitiâ, quam locutus fuerat ut faceret eis, & non fecit. At quoniâ non factum est sicut dixit Ionas, & Ninive subuersa non est, & inquit textus in cap. 4. quod afflictus est Ionas afflictione magna, & optabat mori, quia videbatur mendax esse, & conquerebatur cum Deo; Deus autem ei dixit: Et ego non parcam Ninive Civitati magnæ, in qua sunt plusquam centum viginti millia hominum, qui nesciunt, quid sit inter dexteram, & sinistram suam, & iumenta multa? Niniuitæ, ut dixi, Gentiles erant, Idola colebant; Imperator erat Sardanapalus ex Saliano; in luxu, & ambitione vivebant, ait Lyranus, & penitentiam hanc egerunt; neque legitur, quod desierint esse Gentiles: igitur non semper, nec omnia infidelium opera sunt mala.

Ex factis  
Regis Babiloniz.

467. Secundò ex Daniel. 4. 24. Propheta hic prædicit mala, quæ postea acciderunt Nabuchodonosori Regi Babiloniæ; & ad ea euertenda dixit. Quam ob rem Rex consilium meum placeat tibi, & peccata tua eleemosinis redime, & iniquitates tuas misericordiis pauperum, forsitan ignoscet (Deus) delictis tuis. Daniel autem non consulebat Regi opera mala: idèoque, si eleemosinas erogasset, mala opera non fecisset, sed bona, quibus, ut dixit Propheta, Deus forsitan ad ignoscendum conuersus esset.

468. Tertium exemplum habemus de Cornelio Gentile *Act. 10.* Ad hunc misit Dominus Angelum, qui dixit ei : *Orationes tuæ, & eleemosinæ tuæ ascendunt in memoriam in conspectu Dei :* & iussit, ut mitteret in Ioppen ad vocandum Petrum, à quo fuit baptizatus : ergo non omnia infidelium opera sunt peccata. Omitto casum Iob, qui licet esset Gentilis, idest, non de stirpe Hēbrea; tamen erat fidelis, sicut alij, qui obseruabant legem naturę, sicut & Abraham, & Isaac, & Iacob, cæterique qui fuerunt ante legem traditam Moisi in Monte Sina quadrigentis post annis ab Abraham, iuxta tempus, quo prædixerat Deus Abrahę exitum de Ægipto, *Gen. 15.* Patet ergo, quòd non omnia opera Gentilium sunt mala.

Ex factō  
Cornelij  
Centurio-  
nis.

469. Prob. 2. Ideò Bayus, & alij asseruerunt hoc de infidelibus, quia Paulus *Rom. 14.* dicit, *quod non est ex fide, peccatum est;* quasi velit dicere, quòd actus omnes, non solùm contra fidem, sed etiam actus virtutum moralium, qui fiunt ab hominibus sine fidei Magisterio, seu dictamine, sint peccata. Sed hęc explicatio falsa est: ergo. Min. prob. primò. Glosa Interl. *quod non est ex fide,* ait, *quod sit contra fidem, idest contra conscientiam, ut credatur malum esse:* sic locum istum intelligunt D. Hieronymus, & Theodoretus; quia Apostolus loquitur de ieiunantibus; de uescentibus carnes, & non uescentibus; de bibentibus, & non bibentibus vinum: inquit, quòd si alterutri alios iudicant; cùm neutrum sit à fide determinatum, ipsimet contra rectam rationem faciunt, & peccant, si neutrum fides statuit, & hoc modo omnes Scholastici locum illum intelligunt.

Deceptus  
est Bayus.

Auguſt. ſen-  
tencia quæ.

470. Quo verò ad ſententiam Auguſtini; dico, quòd S. Auguſtinus de actionibus infidelium dupliciter locutus eſt; aliquando dixit eſſe bonas, ſed non ita bonas, vt debitam iuſtitie laudem mereantur; ideſt non ſunt apud Deum meritorie vite eterne: aliquando verò dicit eſſe peccata, quia non ex debito ſine, aut ordine, ſed cum aliqua mala circumſtantia contra legem naturæ factæ. Exemplum primi dicti habemus in lib. de Spir. & lit. ad Marcellinum cap. 37. in calce. *Qui naturaliter quæ legis ſunt faciunt, nondum ſunt habendi in numero eorum, quos Chriſti iuſtificat gratia; ſed eorum potiùs, quorum etiam impiorum, nec Deum verum veraciter, iuſtèque colentium, quædam tamen facta, vel legimus, vel nouimus, vel audiuiſmus, quæ ſecundum iuſtitie regulam, non ſolum vituperare non poſſumus, verum etiam meritò, rectèque laudamus: quamquam ſi diſcutiatur, quo ſine fiant, vix inueniuntur, quæ iuſtitie debitam laudem, deſenſionemue mereantur.* Tria hic dicit: primò, quòd faciunt quædam opera, quæ nò poſſunt vituperari: ſecundò, quòd debent laudari: peccata autem vituperari debent, & non laudari: tertio; dubitat, quòd recto ſine non ſunt; hæc eſt ſuſpicio, non aſſertio, alioquin eſſent vituperanda. At ſi fierent cum ſine bono, naturali lumine, ac ratione cognito, licet non eſſent bona ſupernaturaliter, eſſent bona moraliter; lumen namque naturæ dicat, *quod tibi vis, alteri feceris; quod tibi non vis, alteri ne feceris*: honorandos parentes, ſuccurrendum egenis, &c. Immo ex Can. *ius naturale diſt. 1. naturales leges ſunt, quæ omnibus Nationibus ſunt communes ex inſtinctu naturæ, vt viri, & femina coniunctio, liberorum ſucceſſio, & educatio, communis omnium poſſeſſio, & om-*

Aliquando  
laudat eo-  
rum virtu-  
tes.

Lumen na-  
turæ quid  
dicat.



um una libertas, acquisitio eorum, quæ cælo, magnique capiuntur; item depositæ, vel commodatæ pecuniæ restitutio; violentiæ per vim repulsio. Nam hoc, aut si quid huic simile est, numquam iniustum, sed naturale, æquumque habetur. Si ergo ista, & similia inter Infideles, Gentiles, Turcas, Hebræos, &c. fiant ex fine simplici virtutis, ac honestatis, ex rationis naturalis dictamine, bona moralia sunt, non verò peccata.

471. Aliud exemplum laudis virtutum infidelium, licet Idolatrantium, ac Gentilium magno cum encomio habemus ex Sancto Augustino in libro quinto de Civitate Dei cap. 18. in quo loquens de Romano Imperio, laudat virtutes Romanorum, inter quas pro adipiscenda terrena Civitate excreuerunt, inuitans Christianos ad similes pro acquirenda Civitate cælesti, dicens. Proinde per illud imperium tam magnum, tamque diuturnum, virorumque tantorum virtutibus præclarum, atque gloriosum, & illorum intentioni merces, quam quærebant, est reddita, & nobis proposita necessaria commonitionis exempla, ut si virtutes, quarum istæ, utcumque sunt similes, quas isti pro Civitatis terrene gloria tenuerunt, pro Dei gloriosissima Civitate non tenuerimus perdere pungamur. Ecce quantum laudat virtutes Gentilium Romanorum. In alijs autem locis damnat virtutes Infidelium, vel quia non referuntur ad Deum; vel quia sunt inflatæ, ac superbæ, scilicet, ex fine vanæ gloriæ exercitæ, & ideo potius ait dici vitia, quam virtutes: nam in lib. 19. de Civit. cap. 25. dicit. Proinde virtutes, quas sibi habere videntur, per quas imperant corpori, & vitijs ad quodlibet adipiscendum, vel tenendum, nisi ad Deum retulerint, etiam ipsæ vitia potius sunt, quam virtutes. Nam licet à quibusdam

Multa legis naturæ opera, & laude digna.

Rom virtutes laudat S. Augst.

Alibi damnat virtutes Gentilium.

Quia ob va-  
nam gloriā  
exercitē.

tunc verae, & honestae putentur esse virtutes, cum ad seipsas referuntur, nec propter aliud expetuntur, etiam tunc inflatae, ac superbiae sunt: & ideo non virtutes, sed vitia iudicanda sunt: igitur ratione finis mali, non quidem negativè tantum, sed positivè, eas damnat. Declaratur. Non referre actus virtutum ad Deum, stat dupliciter: positivè, scilicet, referendo ad aliud numen, vel Idolum; & negativè tantum, non referendo ad Deum, sed nullo cogitato fine, virtuosè operando. His ergo duobus modis, dicit Augustinus, virtutes infidelium non esse veras virtutes, sed potius vitia, quando non referuntur ad verum Deum, sed ad falsum infidelium numen: vel quando nec etiam ad hoc referuntur, sed propter vanam gloriam exercentur. Si autem haec duo absint, & ex ipsius virtutis, ac rectae rationis naturalis dictamine exerceantur; non video, quomodo Augustinus eas damnaret. Non enim credo, quòd damnaret sui procreationem, & educationem à Patre infideli, neque coniugium eius cum matre sua, si non ob libidinem, sed propter prolem factum fuerit. Neque damnaret, quòd infidelis honoret Parentes, sicut ipsemet Manicheus faciebat, neque si fur restitueret furata Domino, & cetera similia.

Ex duplici  
capite pe-  
tuerunt es-  
se vitia.

Alia Aug.  
loca de ijs  
operibus  
infidelium

473. Secundum Augustini dictum de operibus infidelium, quando sunt peccata, habetur in lib. 15. de Civit. cap. 20. ubi loquens de ijs, qui ob finem virtutis ab opere generandi se abstinere dicunt. Secundum hominem quippè vivunt, non secundum Deum; & Indorum Gimnosophistae, qui nudi perbibentur philosophari, in solitudinibus Indiae Cives eius (idest Diaboli) sunt, & à generando se cohibent. Non enim est hoc bonum, nisi sit secundum fidem summi boni, qui est Deus. Existimo, quòd

quòd S. Augustinus ibi noluit damnare cælibatum, dicens non esse bonum; sed quòd ille non esset verè bonus, idest meritorius, conducens ad salutem, & quia sine vanæ gloriæ, vel cum relatione ad falsum eorum Numen, fiebat.

473. Tertium Augustini dictum contra virtutes infidelium habemus in *lib. 4. contra Iulianum Pelag. cap. 5.* Quoniam Augustinus dixerat, pudicitiam conjugalem esse donum Dei; & Iulianus obiecerat, etiam inter infideles reperiri, respondet S. Augustinus: dixi, *pudicum non veraciter dici, qui non propter Deum veram fidem connubij servat uxori*: & rationem assignat; quia, inquit, *omnes virtutes, quæ per corpus operantur, in animo etiam habitant*; quomodo vera ratione pudicum corpus asseritur, quando à vero Deo ipse animus fornicatur, &c. ait enim Scriptura psal. 70. *perdidisti omnes, qui fornicantur abs te*: infra autem rursus dicit. *Absit, ut sit in aliquo vera virtus, nisi fuerit iustus. Absit autem, ut sit iustus verè, nisi vivat ex fide, iustus enim ex fide vivit.* Quis porro, etiam fortè, tu solus (dicit ad Iulianum) *iustum dixeris infidelem, iustum impium, iustum diabolo mancipatum*: sit licet ille Fabritius; sit licet Fabius, sit licet Scipio; sit licet Regulus, quorum me nominibus, tamquam in antiqua Romana Curia loqueremur, putasti esse tenendum: Deindè ait, quòd etiam Pitagorici putabant, illas esse veras virtutes, quæ menti quodammodò imprimuntur à forma illius æternæ, immutabilisque substantiæ, quod est Deus. Quæ Augustini dicta existimo intelligenda de bonitate supernaturali, & meritoria apud Deum, & conducente ad salutem, saltem dispositivè de congruo, quia certè talis non est in infidelibus, nisi à Deo vocentur.

474. Et hæc intelligentia confirmatur ex alijs eius

Cur pudicitiam infidelium nō laudat, dicens non esse veram.

Bonitatem  
meritoria  
negat Au-  
gust. in infi-  
delibus.

Quando  
misericor-  
dia est ma-  
la.

582 DE GRATIIS ACTUALIBVS, &c.  
eius dictis in eodem Capite 3. contra Iulianum  
docentem cum Magistro suo Pelagio, non esse  
necessariam gratiam ad operandum opera virtu-  
tum ad salutem conducentia. At infra post me-  
dium impugnans Iulianum sic ait. *Si Gentilis, qui  
non vivit ex fide, nudum operuerit, periclitantem libe-  
rauerit, agri vulnera fouerit, diuitias honeste amici-  
tia impenderit, ad testimonium falsum, nec tormentis  
potuerit impelli; quæro abs te, utrum hæc opera bona  
benè fecerit, an malè? Si enim quamuis bona, malè  
tamen facit; negare non potes, eum peccare, qui ma-  
lè quodlibet facit. Sed quia eum non vis, cum facit  
istà, peccare, profectò dicturus es, & bona facit, &  
benè. Fructus ergo bonos facit arbor mala? Quod  
fieri non posse veritas dicit, Matth. 7. & quia Iulianus  
dicit bona illa placere Deo, August. ait: sine fide  
impossibile est placere Deo, Hebr. 11. Iulianus dicit.  
Infidelis bona facit, quatenus est arbor bona, à  
Deo enim creatus est. August. respondet: volun-  
tatem infidelem esse malam, licet homo quatenus opus  
Dei sit bonus; & idèd mala voluntas non potest face-  
re fructus bonos. Iulianus dicit, misericors volun-  
tas, bona est. August. respondet. Est bona si se-  
cundum Christi fidem sit, quæ per dilectionem opera-  
tur. At reperitur misericordia mala, quæ persona  
pauperis accipitur in iudicio; & adducit exemplum  
malæ misericordiæ Saul 1. Regum 15. qui contra  
præceptum Dei misertus est Regis Agag Amale-  
citæ, propter quod Deus abiecit Saul; & quod si  
vitium est malè misereri; vitium etiam est infideliter  
misereri. Quod si & ipsa per seipsam naturali com-  
passione opus est bonum, etiam isto bono malè vitur,  
qui infideliter vitur, & hoc bonum malè facit, qui  
infideliter facit, &c. ex quo colligitur etiam ipsa bo-  
na opera, quæ faciunt infideles, non ipsorum esse, sed  
illius,*

*illius, qui benè utitur malis. Ipsorum autem esse peccata, quibus, & bona malè faciunt, quia ea non fidei, sed infidei, hoc est, stulta, & noxia voluntate faciunt: hæc, & alia plura ibi dicit Augustinus. Eodem modo intelligendus est, cum in lib. de Nup. & Concup. cap. 4. dicit, infideles non habere veram virtutem pudicitie virginalis, vel conjugalis: & in cap. 5. cum dicit, infideles habentes pudicitiam conjugalem propter motuum aliquod humanum, non habent donum Dei: at non dicit hæc facta, esse peccata; sed quòd non sunt veræ virtutes conducentes ad salutem, eo quòd à fide non dependent; illa enim est salutis initium, & sine ea impossibile est placere Deo in ordine, ad salutem: ex quibus omnibus collige, quòd dum docet opera infidelium non esse bona, debet intelligi de bonitate, quam asserbat Iulianus, idest conducente ad salutem, sine gratia Dei; de hoc siquidem puncto erat disputatio, non de bonitate naturali, seu morali. Dū verò dicit esse mala, loquitur de operibus moralibus ex se bonis, sed factis cum circūstantia mala, vel contra præceptū Dei: exempla clara sunt; quia exemplificat de Iudice accipiente personam pauperis, & de Saule contra Dei præceptum non occidente Agag Regem Amalecitarum: Et existimo non posse aliter explicari, neque hic, neque alibi S. Augustinum; alioquin ipse peccasset, cum vsque ad annum ætatis 29. honoravit parentes, laudavit Deum, quomodo in Manicheismo apprehensum; si legē naturæ servauit secundum rectam rationem operans.*

475. Neque est dicendū malum, atque peccatum opus misericordie factum à Samaritano in eum, qui in Latrones inciderat, & spoliatus, ac vulnera-

Quæ opera  
non bona.  
& qua boni-  
tate.

Et quæ ma-  
la.

Aliter non  
potest in-  
telligi S.  
August.

Samarita-  
ni miseri-  
cordia lau-  
data.

neratus iacebat in via seminiuus; quod tamen opus à Christo fuit commendatum, Lucæ 10. & legis perito, qui interrogauerat eum, *quis est meus proximus*, post narrationem præfatæ historiæ, seu parabolæ, dixit, *vade, & tu fac similiter*. Ideò supradicto modo intelligendus est Augustinus. Quando dicit opera infidelium, etiam rectæ rationi conformia, non esse bona, loquitur de bonitate supernaturali, seu conducente ad salutem sine gratia. Quando dicit esse mala, loquitur de operibus secundum se, seu ex obiecto bonis; sed ex fine, vel alia circumstantia mala, sunt mala.

Aliquando  
dicit, quod  
virtutes in  
fidelibus à  
Deo conce-  
duntur.

476. Immo obseruo in quibusdam Augustini locis, quod non solum negat omnia infidelium opera esse peccata; sed aliquando esse bona, & ex Dei auxilio facta. Adducam aliqua. In lib. de Prædest. SS. cap. 7. habet, *Solet dici, ideò credere meruit, quia vir bonus erat, & antequam crederet, quod de Cornelio dici potest, cuius acceptæ sunt eleemosinæ, & exaudita sunt orationes antequam credidisset in Christum. Nec tamen sine aliqua fide donabat, & orabat. Nam quomodo innocabat, in quem non crediderat? &c.* ergo Cornelius licet Gentilis, Dei saltem fidem habens, licet adhuc non Christi, Deo iuuante, eleemosinas, & orationes faciebat; ideòque eius opera non omnia erant peccata per Augustinum.

477. In lib. 4. contra Iulianum cap. 3. loquens de virtutibus, quas Iulianus admittebat in infidelibus, dicit. *Quanto satius, hæc ipsa in eis dona Dei esse fatereris, sub cuius occulto iudicio, nec iniusto; alij natura leues, alij spadones, &c.* Et paulò post, *quanto ergo tolerabilius illas, quas dicis in impijs esse virtutes, diuino muneri potius, quàm eo-*



*rum tribueres tantummodo voluntati. Si ergo virtutes infidelium aliquando diuino muneri possunt adscribi, non sunt peccata semper.*

478. In epist. 136. concedit continentia coniugalis, & castitatis virtutes etiam in infidelibus à Deo prouenire; utens argumento bonorum corporis, quæ in eis à Deo sunt, sic. *Ipsius namque corporis, quod est infirmum nostrum, si qua bona sunt, sicut forma, & vires, & salus, & si quid eiusmodi est, non sunt nisi à Deo creatore, ac perfectore naturæ; quanto magis animi bona donare nullus alius potest? Quid enim superbius, vel ingratus cogitare potest humana recordia, si putauerit, cum carne pulchrum facere Deum hominem, animo castum ab homine fieri? Scio quemlibet dicturum, quod sicut pulchritudo, vires, &c. pertinent ad ordinem naturæ, sic & continentia, atque castitas, quas S. Augustinus dicit infidelibus à Deo concedi. Hoc mihi sufficit; non enim contendo, quod virtutes infidelium pertineant ad ordinem gratiæ, & quod sint conducentes ad salutem; sed quod non sint peccata: si enim à Deo dantur, peccata non sunt.*

479. In serm. 12. de temp. cap. 2. maxime commendat charitatem humanam in parentes, in coniuges, & in filios, sic. *Charitas alia est diuina, alia humana. Humana autem alia licita, alia illicita. Humana charitas non solum licita est, ut concedatur; sed ita licita, ut si defuerit reprehendatur. Liceat nobis humana charitate diligere coniuges, filios, amicos, &c. sed videtis istam charitatem esse posse & impiorum, idest, Paganorum, Iudeorum, Hæreticorum. Quis enim eorum non amat uxorem, filios, &c. Si ergo tali quisque crudelitate fertur, ut perdat etiam humanum dilectionis affectum, & non*

Plura August. ex. m. pla.

A paritate bonorum corporum, quæ à Deo conceduntur.

Aug. commendat charitatem infidelium in cognatos, & alios

amet filios suos, & non amet coniugem suam, nec inter homines nominandus est: non enim laudandus est, qui non amat filios suos, sed damnandus est: & ferè amant filios aspides. Ergo qui non amat filios suos, etiam Leone peior est.

480. In lib. 1. de Gratia Christi cap. 24. considerans factum Assueri erga Ester dicente Scriptura, Deus transfudit indignationem eius in lenitatem, ait. Inuocantur, atque fateantur, non lege, atque doctrina insonante forinsecus; sed interna, atque occulta mirabili, atque ineffabili potestate operari Deum in cordibus hominum, non solum veras reuelationes; sed etiam bonas voluntates. Notum enim est Ester 14. quod Assuerus ad petitionem Ester mutauit voluntatem suam lædendi populum Hebraicum, qui erat trucidandus, in voluntatem ei fauendi, ut fecit.

481. In epist. 130. loquens de continentia Polemonis, quem intemperantem habituatum, ingressum tamen in Scholam Xenocratis discurrentis de virtutis temperantię, huius sermo repente conuertit in temperatissimum; Augustinus inquit, fuisse donum Dei, sic: & ne ipsum quidem, quod melius in eo factum est, humano operi tribuerim, sed diuino: & in lib. 4. contra Iulianum cap. 3. videns negari, dari posse quædam bona, ac virtuosa opera inter infideles, inquit ea à Deo esse, sic: Ex quo colligitur, etiam ipsa bona opera, quæ faciant infideles, non ipsorum esse, sed illius, qui benè utitur malis. In homil. 23. quę est de muliere peccatrice, introducit Deam sic loquentem homini infideli. Adalter non fuisti in tua vita præterita plena ignorantia, nondum illuminatus, nondum bonum, malumque discernens, nondum credens in illum, qui nescientem regebat. Hoc dicit tibi

Deus

Factum Assueri laudat ex Deo

Factum Polemonis laudat ex Deo.

Deus tuus. Regebam te mihi, seruabam te mihi, vt alterutrum non committeres. Suasor defuit: vt suasor deesset ego feci. Adfuit suasor, non defuit locus, non defuit tempus, vt non consentiret, ego terrui. Agnosce ergo gratiam eius, cui debes, & quod non admisisti. Nullum est enim peccatum, quod fecit homo, quod non potest facere alter homo, si desit rector, à quo factus est homo. Alia plura extant S. August. dicta, quibus non solum non asserit omnia opera infidelium esse peccata; sed multa asserit nedum bona, sed à Deo facta: Asserit quidem non esse vera bona, idest ad salutem, eternamque vitam conducentia: at ea laudat, vt bona.

482. Postremum huius Augustini sensus exemplum, vt huic quæstioni finem imponam, adducam, ex ijs, quæ scribit ad Macedonium Christianum, & fortè malè operantem.

483. In epist. 52. Abijcimus, inquit, falforum Philosophorum vanitates: quia nec virtus vera nobis erit, nisi adsit ipse quo inuenimur: nec beatitudo, nisi adsit ipse, quo fruamur. Deinde de virtutibus Cardinalibus discurrens, dicit. Itaque, si omnis prudentia tua, qua consulere conaris rebus humanis: si omnis fortitudo tua, qua nullius iniquitate aduersante terreris; si omnis temperantia, qua in tanta labe nequissima consuetudinis hominum, te à turpitudinibus abstinere: si omnis iustitia, qua certè iudicando, sua cuique distribuis, adlaborat, idnititur, vt hi quibus vis, vt benè sit, salui sint corpore, & ab omni cuiusquam improbitate tuti, atque pacati, &c. ita non erunt vere virtutes tue, sicut nec istorum beatitudo: & postea. Si qualibet inquam administratio tua illis quam commemoravi instructa virtutibus hoc intentionis fine determinatur, vt homines secundum carnem nullas iniquas molestias patiantur; nec

Deus facit  
vt infide-  
les faciant  
quedam o-  
pera bona.

Cur dam-  
nas Philo-  
sophorum  
virtutes.

Damnat,  
quia dicit  
ducere ad  
felicitatē.

Laudat eas  
quæ ad ve-  
ram felici-  
tatem per-  
ducunt.

ad te existimas pertinere, qui istam quietem, quam præstare niteris, referant, id est, ut verbis non ambiant, quomodo Deum verum, ubi est quiete, & ubi omnis fructus, colant, nihil tibi prodest ad vitam verè beatam tantus labor. Si enim virtutes, quas accepisti à quo acceperis sentiens, eique gratias agens, eas ad ipsius cultum, etiam in tuis secularibus honoribus conferas, tuæque potestati subditos homines ad eum colendum exemplo tuæ religioſæ vitæ, & ipſo studio consulendo, seu ſouendo, ſeu terrendo erigas, & adducas, nihilque aliud, quod per te ſeucrius viuunt velis, niſi, ut hinc illum promereantur, apud quem beatè viuunt; & veræ virtutes erunt, & illius opitulatione, cuius largitate donata ſunt, ita creſcent, ac perficientur, ut te ad vitam verè beatam, quæ non niſi æterna eſt, ſine vlla dubitatione perducant. Ex quibus habemus, quod omnes illas morales, ſeu Cardinales virtutes, quas Macedonius exercebat, non damnat, tamquam peccata, ſed dicit, quod non perducunt ad beatitudinem, nec illos homines, quos regebat Macedonius, nec ipſum Macedonium, niſi eas referret in Deum, à quo virtutes illæ obtinentur. Immo ex hoc Auguſtini dicto, aliud validius deſumitur argumentum, quod non ſint peccata: Si enim per eum à Deo dantur, nec peccata, nec alia mala ſunt, ſed bonæ qualitates; quæ enim facit Deus in omni rerum genere in ſuo genere bona ſunt.

484. Et inſuper confirmari poteſt, quod de hac veritate virtutum ſemper locutus eſt Auguſtinus, quando dixit infideles non habere veras virtutes; ſiquidem ſemper eas ſic vocauit, quæ ad veram, perfectam, & æternam beatitudinem perducunt: confirmatur inquam ex ijs, quæ dicit contra Iulianum Pelagianum lib. 4. cap. 3. Ideo

veras

veras virtutes habemus, quibus verè est propter quod facimus, idest, hoc naturæ nostræ consentaneum est ad salutem, & veram felicitatem. Non enim absurde virtus definita est ab eis, qui dixerunt; est animi habitus naturæ modo, atque rationi consentaneus. Verum dixerunt: sed quid sit, consentaneum liberanda, ac beatificanda naturæ mortalium nescierint: & post. Si ergo ad consequendam veram beatitudinem, quam nobis immortalis fides, quæ in Christum est vera, promittit, nihil prosunt homini virtutes, nullo modo verè possunt esse virtutes.

485. Patet ergo, quod eas qualitates veritatis virtutibus moralibus infidelium negat, quæ ad felicitatem æternam conducunt; at non dicit esse peccata, nisi ex fine malo, humanæ gloriæ verbi gratia, vel ut falsis Dijs placeant, exerceantur. Prudentia enim, Iustitia, Fortitudo, ac Temperantia, cum suis speciebus, seu partibus potestatiuis, vel considerantur, ut habitus tantum; vel ut actus tantum, vel ut actus procedentes ab habitibus: quocumque modo considerantur; secundum se sunt recte rationi conformes; recta autem ratio specificat bonitatem in actibus, quos dirigit. Si autem infidelis habituatus in his virtutibus, vel in earum aliqua veniret ad fidem; in eis, vel in aliqua, quam haberet, operaretur tunc eadem facilitate, ac propensione, sicut prius operabatur. At post receptam fidem, sunt eadem qualitates, quæ erant ante fidem: tunc post fidem malæ non sunt; ergo neque ante: in hoc differunt; quia si post fidem exercentur in gratia sunt meritorie, non autem ante. At dato, quod post fidem non exercentur in gratia, vel neque explicitè propter Deum, sed propter finem virtutis; numquid malæ sunt? Absit. Ergo neque ante. Quæ de hoc puncto dixisse sufficiat.

Eas semper vocavit veras, quæ ad æternam conducunt vitam, quales sunt illæ infidelium.

At non dicit semper esse peccata, nisi dum malo fine fiunt.

*An in omnibus infidelibus infidelitas sit peccatum;  
& an alia in eis adsint peccata; & quæ*

486. **A**Du. quòd licet prima facie quæsitum hoc non videatur ad disputationem istam de gratia sufficiente pertinere, quia ad peccandum non requiritur gratia; cùm peccatum sit opus solius voluntatis permixtæ à Deo operari pro libito: adhuc tamen hæc quæstio disputationi de gratia accessoria est, quatenus infidelis, & quilibet homo non peccaret, si gratiam haberet, per quam impediretur peccare: & quamvis ad nos non spectet statum infidelium, eorumque indagare opera, quia dum in peruersitate permanent, sufficit eis prædicare errorem infidelitatis; & dum conuertuntur, per baptismum omnia ipsorum delentur peccata: utile tamen est scire quæ peccata committunt; tum quia possunt eis improperari etiam tamquam indigna, sed proveniente ex carentia fidei, vt fecit Augustinus in volumine *de Ciuit. Dei*; tum etiam, quia dum veniunt ad fidem, in Cathéchismo peccata illa possunt eis cum sua grauitate insinuari, vt de eis doleant; tum tandem in vtilitatem fidelium, vt sciant qualis ignorantia excusat à peccato: quod enim dicitur de infidelibus circa fidem, & consequentia ad eam, dicendum videtur de fidelibus circa alia principia positiua, & eorum consequentias, circa quas peccare possunt.

487. Adu. 2. vt clarè procedamus, sensum huius quæsti esse; an infideles, idest non baptizati habeant peccatum infidelitatis, si habent, vel habe-

Cur de hac  
re hic lo-  
quitur au-  
thor.

Sensus quæ-  
sti.



habere possunt notitiam fidei Christianæ; de his enim infidelibus, nempe post Christi aduentum, loquimur. 2. an si inuincibiliter ignorent fidem Christianam, habeant peccatum infidelitatis. 3. an præter peccatum infidelitatis, habere possint alia peccata, vel contra legem naturę patrata, vel etiam contra alias leges positivas à fide dependentes; vel, an quo ad istas excuset ignorantia.

488. Adu. 3. & recolo, quę in præcedenti dicta sunt Capite; quod vt de nostrorum temporū, idest post Christi aduentum, infidelibus loquamur, nulla ferè Natio in quauis mundi parte constituta excusari potest de Christi fidei, & consequenter de Trinitatis, ac vitę eternę ignorantia. Si quidem, vt ibi diximus cum S. Augustino, & cum eodem mox confirmabimus, in omnibus præcipuis mundi partibus prædicatum est Euangelium, vel per Apostolos, vel per eorum Discipulos, aliosue Missionarios, sicut egomet clarè in tomo *de Fide parte secunda*, ex Chronistis historicè demonstrauit. Nec vlla mundi pars est, in qua nota non sint martiria, quę pro prædicatione, ac defensione fidei Christianę tot hominum omnis status, & sexus passi sunt, hodięque eorum extant apud omnes memoria; & proinde omnes infideles, ex eo motiuo excitati potuissent, hodięque possent inquirere de veritate istius fidei. At non modò non inquirunt, sed resistunt prædicantibus, qui volunt eam prædicare, & eos reijciunt, & occidunt: non ergo laborant inuincibili ignorantia.

Dico I. Infideles omnes post sufficientem notitiam Euangelij, seu fidei Christianę laborare cęperunt, hodięque laborant grauissimo infideli-

Non videtur dari nunc inuincibilis ignorantia de fide Christi.

Infideles peccatum infidelitatis habent, si probabi-

licet tantū  
fidem Chri  
sti ignorēt

Christi o-  
raculo.

S. Aug. plu-  
ries id do-  
cet,

592 DE GRATIIS ACTUALIBVS, &c.  
delicatis peccato; quo non laborarent, si nullam  
omninò illius notitiam haberent, vel habere  
possent.

489. Prob. ex ipsius Saluatoris oraculo, Io-  
ann. 15. 22. ubi de Iudeis dicit. *Si non venissem,*  
*& locutus eis fuisssem, peccatum non haberent. Nunc*  
*autem excusationem non habent de peccato suo: & in*  
*cap. 9. eiusdem Ioannis dixerat. Si cæci essetis,*  
*non haberetis peccatum. Nunc dicitis, quia videtis,*  
*peccatum vestrum manet.* At loquebatur de pec-  
cato infidelitatis, seu incredulitatis in eum, eius-  
que doctrinam, non enim alijs carebant pecca-  
tis, vt notauit S. Augustinus in lib. de Corrept.  
Donatist. cap. 29. *Non omne peccatum intelligi vo-*  
*luit, quandoquidem pleni erant multis, magnisque*  
*peccatis; sed aliquod proprium peccatum, idest, quod*  
*in eum venientem non crediderunt: idemque con-*  
*firmat in lib. 3. contra duas epist. Pelagianorum*  
*cap. 3. explicans illud Ioann. 16. Spiritus Sanctus*  
*arguit mundum de peccato, inquit, infidelitatem in-*  
*telligi voluit, hoc enim cum exponeret, ait, de pecca-*  
*to quidem, quia non crediderunt in me; & ubi ait si*  
*non venissem, & locutus eis fuisssem, peccatum non*  
*haberent, subdens, quod infidelitas facit homines fi-*  
*lios Diaboli: idem confirmat in tract. 6. in primam*  
*Ioannis epistolam.*

490. At plenius, ac diffusius S. Augustinus  
mouet, ac soluit hanc quæstionem de peccato in-  
fidelitatis in tract. 89. in Euang. Ioannis: ubi quæ-  
rit, *an solis Iudeis, quibus locutus est Christus, &*  
*multa coram eis, magnaque, illis stupentibus, patra-*  
*uit miracula, eo quia in eum non crediderunt, impu-*  
*tanda sit infidelitas; an etiam Gentibus, quibus locu-*  
*tus non est, nec eius viderunt miracula: & pro solu-*  
*tione huius dubij plura ad rem dicit. Primò,*  
*quod*

quod post Christi aduentum, Gentiles non sunt excusabiles; quia licet eis non loquatur Christus immediate, locutus est per Discipulos, & nunc eis loquitur per Ecclesiam: eius verba sunt hæc. *Per Discipulos venit, & per eos est locutus, sicut nunc facit. Nam per Ecclesiam suam venit ad Gentes, & per Ecclesiam suam loquitur Gentibus. Ad hoc enim pertinet quod ait, qui vos recipit, me recipit, & qui vos spernit, me spernit; An vultis, inquit Apostolus, experimentum accipere eius, qui loquitur in me Christus?*

491. Secundò mouet difficiliorem quæstionem. *Vtrum hi, qui priusquam Christus veniret in Ecclesia ad Gentes, & priusquam Euangelium eius audirent, sine vitæ huius præuenti sunt, seu præueniantur, possint habere hanc excusationem? & respondet S. Doctor. Possunt planè: sed non idèd possunt effugere damnationem. Quicumque enim sine lege peccauerunt, sine lege peribunt, Rom. 2. & quicumque in lege peccauerunt, per legem iudicabuntur: & post multa inquit. Perire Deo dicitur quisquis ab illa beatitudine, quam dat Sanctis suis, per supplicium separatur, tanta autem est suppliciorum, quantum est diuersitas peccatorum. Quæ quomodò se habeant; aliud indicat sapientia diuinæ, quam coniectura scrutatur; aut effatur humana: & concludit. Isti certè, ad quos venit, et quibus locutus est Christus, non habent de magno infidelitatis peccato illam excusationem, qua possint dicere, non vidimus, non audiui-mus. Siue non acceptaretur ista excusatio ab illo, cuius inscrutabilia sunt iudicia; siue acceptaretur; & si non ut ab omni damnatione liberarentur, certè, ut aliquanto leuius damnarentur. Sic S. Doctor.*

492. At quoniam difficilè videtur quomodò possent infideles peccare peccato infidelitatis in-

Gentiles  
non sunt  
excusabi-  
les, & qua-  
rè.

Ignoran-  
tes inuin-  
cibiliter,  
quomodo  
excusantur

Si inuincibiliter igno-  
rarent;  
adhuc dā-  
narentur  
ex August.  
sed mitius  
punirentur.

Christum, in eum non credendo, si eum non viderunt immediatè, vel mediatè per alios loquentem, cùm ad eos illius prædicatores non accesserint? S. Augustinus ingeniosè conatur hoc declarare in tractatu sequenti, scilicet 90. in *Euangel. Ioannis*, quòd scilicet sicut potest quis cognosci per famam, & cum hac cognitione potest laudari, vel vituperari, ita, cùm fama de Christo, eiusque doctrina per mundum vniuersum sit diffusa, si ab aliquibus non creditur, sed potius irridetur, aut blasphematur, iniqui isti, non credentes, sed blasphemantes, excusationem non habent de infidelitate; quia poterant inquirere de veritate Christi, illis per famam noti. Itaque aliqua noticia de Christi fide est necessaria, saltem per famam, vt incurratur peccatum infidelitatis, & non adsit excusationi locus.

Saltem per famam est necessaria Christi cognitio ad incurrendum peccatum infidelitatis.

493. Quòd autem infideles excusationem non habeant de peccato infidelitatis allegando ignorantiam, præter ea quæ adducta sunt in Capite præcedenti contra eiusmodi allegationem ignorantix, ex alijs authoribus sic probatur. S. Ioann. Chrysost. *homil. 7. in Ioannem*, inquit. *Illuminat omnem hominẽ venientem in hunc mundum: quonam pacto tot homines sine lumine permanent? neque enim omnes homines Christum cognoscunt; quomodo ergo illuminat omnem hominem?* Et respondet: *Illuminat profectò quantum in ipso est. Si qui autem spontè sua mentis oculis conuenientibus ad huius lucis radios dirigere noluerint; non ex luminis natura in tenebris perstituerunt; sed malitia sua sponte tanto se dono indignos reddiderunt.*

S. Io. Chri.  
st.

494. Plura S. Augustini, ac S. Prosperi in præcedenti Capite adduximus loca ad probandum, quòd omnes infideles adulti habent gratiã suffi-

sufficientem, qua possint in Deum credere: ergo hæc eadem probant, quòd excusationem non habent, si non credunt, remanentes in infidelitate: explicitè autem id dicit consequenter ad hæc S. Augustinus in lib. de Nat. & Grat. cap. 67. ubi postquam multa dixit de modis, quibus Deus omnes vocat ad fidem, concludit. *Tibi non deputatur ad culpam, quod inuitus ignoras; sed quòd negligis querere, quod ignoras: neque illud, quòd vulnerata membra non colligis, sed quod volentem sanare contemnis*: Ergo duo dicit, ut in præcedenti Capite; & quòd omnes possunt Dei cognitionem habere, quia omnes aliquo modo illuminantur ad minus ad inquirendum locum, in quo haberi possit talis notitia, quod illi non faciunt, & propterea culpabiles sunt; & nullatenus excusabiles: alterum, quod dicit, est, quòd si quis inuitus ignoraret, idest inuincibiliter (si daretur iste casus) hic homo non haberet hoc infidelitatis peccatum. An autem dari possit casus iste, non disputo.

495. Sed magna, & iure merito hic oritur difficultas. Supposito namque, quòd, ut hic innuitur, & in præcedenti Capite probatum est, quòd omnes infideles habeant gratiam sufficientem ad posse credere, aliquam nempe illuminationem, ac inspirationem, vel medio prædicante, aliove loquente de fide Christi, vel sine prædicante, immediate à Deo excitante illam dubitationem in mente, saltem ad inquirendum veritatem istam, fidei, cum isti sic illuminati non habeant adiutorium quo credant prædicanti, vel quo moueantur, vel ad inquirendum, vel ad orandum Deum, ut eis veritatem ostendat, vel faciat inuenire; quod auxilium secundum Sanctum Augustinum,

Varijs modis Deus vocat ad fidem,

Ignorans inuincibiliter non peccaret.

Difficultas magna solvenda.

neceſſarium eſt, vt homo operetur, quia eſt effi-  
cax, ſed à Deo dependens; quod quidem infide-  
les non habent, quia ſi haberent, facerent; quo-  
modo inquam poteſt eis imputari, ſi non faciunt,  
ſi deest illis quod eſt neceſſarium, vt faciant; &  
à ſe non poſſunt habere hoc *quo* faciant.

496. Reſponderetur, hanc difficultatem non  
vrgerè ſolùm pro infidelibus, ſed pro omnibus,  
etiam fidelibus, tam iuſtis, quàm peccatoribus,  
qui vrgente aliquo præcepto habent gratiam  
ſufficientem, qua poſſint implere, & aliquando  
non implent, eo quòd careant adiutorio effica-  
ci, quod ſi haberent, certè implerent. Nihilomi-  
nus ad utramque reſpondendum eſt cum Sacra  
Scriptura, S. Auguſtino, & alijs Patribus ſic.  
Vrgente præcepto credendi, v. g. reſpectu infide-  
lium, ideſt poſito, quòd mediante prædicatore,  
vel Deo immediatè excitante, ac inſpirante, vt  
infidelis credat, vel inquirat locum, aut perſonam,  
per quam poſſit edoceri de veritate Religionis  
(his enim modis illuminat, & inſpirat) tunc ac-  
cidere poteſt, vt infidelis ille, vel credat, ſi au-  
diens prædicantem illuminatur; aut ſe accingat  
ad inueniendam perſonam, à qua edoceatur, vel  
oret Deum, vt faciat inuenire, ſi ad hoc illumi-  
natur; & in his caſibus habet, nedum gratiam  
ſufficientem, qua poſſit facere, ſed etiam effica-  
cem, quæ facit facere. Si verò infidelis ad alte-  
rutrum faciendum illuminatus, ac inſpiratus re-  
ijcit, ſeu reſpuit illuminationem, per actum iſtum  
reiectionis talis illuminationis peccat in cauſa,  
& ex infideli negatiuo, ſicut erat ante illumina-  
tionem ob ignorantiam, ſit infidelis poſitiuus,  
quia reijcit fidem, dum *non vult eam intelligere,*  
*vt bene agat.* Sic pariter accidit in homine fide-  
li,

Hæc diffi-  
cultas vr-  
get etiam  
pro fide-  
libus, & iu-  
ſtis.

Delinquit  
omnes re-  
ijciendo  
gratiam  
ſufficientem.



li, siue peccatore in ordine ad pœnitentiam, ac præceptorum obseruantiam; siue in homine iusto in ordine ad obseruanda præcepta: vtræque enim habet sufficientem gratiam, qua potest implere præcepta, ad quæ habet illuminationē, ac inspirationem: si adimplent, ac exequentur; præter sufficientem, habent istam efficacem, quæ facit facere: si verò reiiciunt, ac respuunt, non curantes de illuminatione, ac inspiratione, à proprijs concupiscentijs abstracti, & illecti, carent efficaci adiutorio, non implent præceptum, & peccant: hoc ergo, tam his, quàm illis imputatur, quod propria voluntate gratiam sufficientem abiecerunt, ac respuerunt. Ita prorsus docet S. Prosper in *lib. 1. de vocatione Gentium cap. 28. Manifestum est* (inquit) *quod diuersis, atque innumeris modis omnes homines vult Deus saluos fieri: sed qui veniunt, Dei auxilio diriguntur; qui non veniunt sua pertinacia reuoluantur: & in cap. 26. dixerat. Quæ opitulatio, idest gratiæ, per innumeros modos, siue occultos, siue manifestos omnibus adhibetur; & quod à multis refutatur, ipsorum est nequitia; quod autem à multis suslinetur; & gratiæ est diuina, & voluntatis humane. Resistentia igitur, respuentia, seu reiicientia illuminationis, quæ peruicacia, seu pertinacia etiam dicitur, à sola voluntate hominis infidelis prouenit, eiq; imputatur; & vt aliàs vidimus in Sacra Scriptura sæpè hæc resistentia impropèratur infidelibus, vt Prou. 1. *Quia vocaui, & renuistis, &c.* Christus ipse Matth. 23. ait. *Quoties volui vos congregare, quemadmodum Gallina congregat pullos suos sub alas, & nolulistis. Act. 7.* Stephanus prædicans Christum, persecutionem patiens, & lapidationem, sic Iudæis impropèrat. *Dura cernice, vos semper Spiritui San-**

Rele&io  
gratiæ suf-  
ficientis est  
causa cur  
peccent.

S. Prosper.

Hæc resis-  
tentia im-  
propèratur  
infidelibus  
in S. Scri-  
ptura.

*Et resistitis: sicut Patres vestri, ita & vos. Act. 13. Paulus ait, quia non recipitis verbum Dei, conuertimur ad Gentes: & hoc est peccatum graue, quod Paulus 2. Timot. 3.8. imputat ijs, qui resistunt veritati fidei; & hoc imputat Maleficis Pharaonis videntibus miracula euidentia, quæ ab eo patrabantur, inquiring; Quemadmodum Iamnes, & Mambres resistenterunt Moysi; ita & hi resistunt veritati; homines corrupti mente, reprobi circa fidem, &c.*

497. Sibi ergo imputent infideles, immò & alij omnes, si reiicientes illuminationes, seu excitationes ad fidem, seu ad aliud opus præcepti, aliud adiutorium diuinum, quo credant, aut præceptum impleant, non obtinent: reiicientia, seu resistentia namque illa ab ipsis provenit.

498. Si verò quæras, cur Deus non impedit reiicientiam, seu resistentiam illam, vel suspendendo concursum suum ad actum illum resistendi, vel dando efficax adiutorium ad consentiendum, responderem, & cum Augustino, & ipsomet Apostolo Paulo Rom.9. *O homo tu quis es, qui respondeas Deo?* & cap. 11. *Quis cognouit sensum Domini, aut quis consiliarius eius fuit?* & ibidem. *O altitudo diuitiarum, &c. quam incomprehensibilia sunt iudicia eius, & inuestigabiles viæ eius!* Qui autem responderet, *Quia permittit Deus, ut illi utantur libero suo arbitrio, cum quo creati sunt, adhuc benè diceret, quia sic est. Nam Ecclesiastici 15. 14. habetur. Deus ab initio constituit hominem, & reliquit eum in manu consilij sui: adiecit mandata, & præcepta sua. Si volueris mandata seruare, conseruabunt te. Apposuit tibi aquam, & ignem: ad quod volueris porrigere manum tuam: inseruit ergo, nedum ad aliquid, sed ad multum.*

Quæsitum  
inscrutabi-  
le.

Deus per-  
mittit ho-  
mines uti  
libero ar-  
bitrio, quò  
do respu-  
nt illumi-  
nationes.

499. Si tandem instares , cur Deus aliquos impedit , ne resistent , vel suspendendo concursum circa actum resistentię , vel conferendo auxilium efficax, quod facit consentire ; alios verò non sic tractat, sed finit eos resistere, non suspendens concursum ad resistentiam , aut non dans auxilium efficax, quod facit consentire ? Responderem, sicut supra . *Nemo cognoscit sensum Domini ; nemo consiliarius eius fuit : incompræhensibilia sunt iudicia eius : & vlteriùs adderem cum eisdem Augustino, & Paulo , Deus non est personarum acceptor . In Deo nulla est iniquitas: & tandem, Deus nemini debet . Nam ex Rom. II. in fine . Quis prior dedit illi, & retribuetur ei . Quoniam ex ipso, & per ipsum, & in ipso sunt omnia .* Captiuemus ergo intellectum nostrum in obsequium diuinę prouidentię , iustitię , ac misericordię : & non scrutemur in profundo, nè labamur in profundum, ait S. Augustinus .

500. Dico 2. Infideles non baptizati præter peccatum infidelitatis subiacent alijs peccatis , quę contra legem naturę committi possunt .

501. Prob. ex Rom. 2. *Gentes , quę legem non habent , naturaliter ea , quę legis sunt faciunt : eiusmodi legem non habentes , ipsi sibi sunt lex , qui ostendunt opus legis scriptum in cordibus suis , testimonium reddente illis conscientia ipsorum , & inter se cogitationum inuicem accusantium , aut etiam defendentium in die , cum iudicabit Deus occulta hominum, &c. Interl. naturaliter , quę est Origenis, dicit, ratione naturali illuminati discernunt faciendā , & vitandā , quod faceret lex . Interl. testimonium reddente illis conscientia, dicit, non solummodò conscientia operatur , sed etiam cogitationum malarum, & bonarum, &c. Ista ergo omnia Gentilium op-*

Ad interrogationē  
molestam,  
humilis  
responsio .

Infideles  
alijs subi-  
acent pec-  
catis .

Ex Sacra  
Scriptura.

ra in die iudicij à Christo iudicabuntur; nam  
prosequitur Apostolus, *cum indicabit Deus occul-  
ta hominum secundum Euangelium meum per Iesum  
Christum*; Interl. dicit, *quia Pater omne iudicium  
dedit filio*.

Ratio ge-  
neralis.

502. Confirmatur: Omnia opera, quæ sunt  
contra legem naturæ sunt peccata: Ergo. Antec.  
prob. nam *peccatum est dictum, factum, aut concu-  
pitum contra legem Dei eternam*. Lex autem natu-  
ræ est lex æterna Dei indita cordibus omnium  
hominum; ait enim David Propheta psal. 4. *Si-  
gnatum est super nos lumen vultus tui Domine*: ideo-  
que ad differentiam legis positivæ, ignorantia  
legis naturæ non excusat à peccato: alioquin  
melioris conditionis essent Gentiles, quàm fide-  
les, qui de peccatis contra legem naturæ patris  
iudicabuntur. Immò sequeretur, quòd homines  
omnes, qui ab initio mundi extiterunt vsque ad

Argum. ex  
absurdo.

Moysen, per quem Deus pro Hebræis dedit Le-  
gem scriptam non peccassent: Adde, quòd neque  
post legem illam Gentiles peccassent; quia lex il-  
la non fuit eis intimata; & alia positiva non ex-  
tabat, & sic, si neque lege naturæ obligabantur,  
non peccabant; cuius oppositum in Sacro Tex-  
tulegimus, à Caino incipientes; & prosequen-  
tes de alijs ferè omnibus hominibus tempore  
Noe; nam Genesis 6.5. habetur. *Videns autem  
Deus, quod multa malitia hominum esset in terra,  
& cuncta cogitatio cordis intenta esset ad malum om-  
ni tempore; penituit eum, quod hominem fecisset  
in terra; & tactus dolore cordis intrinsecus; delebo  
inquit hominem, quem creavi à facie terræ*. Glosa  
Lyrani, quæ literalis est, declarans hominum il-  
lorum peccata, in versu præcedente, *Viri famo-  
si*, dicit, *scilicet malæ famæ, quilaraptores, & luxu-  
riosi*:

Ab initio  
mundi, &  
semper o-  
bligavit  
lex naturæ.

*riofa*. in V. videns quod multa malitia, dicit, *quantum ad multitudinem vitiorum*. V. *cuncta cogitatio*, dicit, *ex quo patet, quod peccabant, non ex passione tantum, sed ex certa malitia*. V. *omni tempore*, dicit, *quoad continuationem peccatorum suorum*. Sceleratissimi ergo homines illi erant, & licet ante diluvium non essent Idola, quæ, ut alibi diximus, cæperunt multò post, scilicet tēpore Nini; alia tamen peccata vigeant; propter quæ, exceptis octo animabus, omnes deleti sunt. Immo Pererius existimat omnes homines, exceptis paruulis, fuisse tunc in Inferno demersos; at S. Hieronymus existimat, aliquos iustos adfuisse, & salvatos esse, quod *ex epistola prima Petri cap. 3. 19.* comprobatur. Quidquid autem sit de hoc; certum de fide habetur, quòd homines cuiuscumque temporis, aut Nationis non habentes legem scriptam, seu positivam, potuerunt peccare, & de facto peccant contra legem naturæ operantes. An verò Gentiles præter peccata contra legem naturæ, Idolatriæ, ac Infidelitatis positivæ committant alia peccata contra fidem inter se distincta, v. g. negantes Trinitatem Personarum, æternitatem Dei, infinitatem, immensitatem, vel aliud simile prædicatum, vel attributum Dei, ut opera redemptionis in Christo, aliudue, quod Catholici credunt ex reuelatis in utroque Testamento, curiosum quidem esset inquirere, sed nullius utilitatis, neque pro Gentilibus; ipsi enim, dum ad fidem veniunt, per baptismum omnium peccatorum obtinent remissionem; ideòque nihil refert scire, quot peccatorum species in Gentilitate commiserint. Si verò in Gentilitate decesserint, *Deus iussus In dex, qui renes omnium scrutatur, & corda*, pro quantitate, & qualitate delictorum, iusta illis

Et homines contra eam peccabant.

Dubium curiosum, sed non utile.

Authoris  
sententia,  
circa alia  
infidelium  
peccata .

inferet supplicia . Existimo tamen , quòd plura contra fidei obiecta possunt infidelitatis peccata patrare : contra ea namque obiecta, quorum notitiam aliquam habuerunt, vel habere potuerunt, sed neglexerunt ; non verò contra ea, quæ inuincibiliter ignorauerunt : Apostolus enim Rom. 1. clarè dicit, *quod notum est Dei, manifestum est in illis; Deus enim illis manifestauit, inuisibilia enim illius à creatura mundi per ea quæ facta sunt intellecta cõspiciuntur, sempiterna quoque eius virtus, & diuinitas, ita ut sint inexcusabiles* . Circa ista ergo, quæ cognoscere possunt, atque credere, & nolunt, existimo, quòd diuersa possunt peccata infidelitatis committere . Sed de his hætenus .

Hæretici  
multis pec-  
catis subia-  
cent .

503. Dico 3. Infideles baptizati, seu Hæretici, præter peccatum principale suæ infidelitatis, cauere tenentur, non solum omnia peccata contra legem naturæ ; sed etiam alia omnia, quæ possent Catholici committere contra legem politiuam diuinam, & Ecclesiasticam, & si contra eas faciunt, de facto committunt, supposita tamen aliqua earum legum notitia ; & remota ignorantia inuincibili, cum qua numquam stat peccatum .

Tenentur  
seruare eo-  
tam legem  
Christianã

504. Prob. primò . Hæretici subduntur toti legi Christianæ, quæ includit legem naturæ, diuinam politiuam, & Ecclesiasticam : ergo omnia peccata contra eam cauere tenentur : ideòque eam, vel totam, vel secundum aliquam partem transgredientes, peccant. Anteced. prob. 1. Christianus tenetur obseruare legem Euangelicam, & traditiones Ecclesiæ : ex Concil. Trid. sess. 6. can. 19. & sess. 7. de Baptismo can. 7. & 8. Hæreticus autem est Christianus : ergo . 2. Baptizati tenentur relinquere ritus omnium aliarum Sectarum, & sequi ritus



ritus Ecclesiæ Catholicæ, ex *Concil. Later. 4. cap. 70. & ex cap. Quidam, De Apostatis*: Hæretici autem sunt baptizati. Ergo.

505. Prob. 2. Hæretici ob negationes cuiuscunque articuli fidei, aut propositionis reuelatæ, vel ab Ecclesia definitæ, vel traditionis, vel Catholicæ Ecclesiæ ritus, ab Ecclesia puniri possunt spiritali, & corporali pœna: ergo in illa negatione peccant; alioquin puniri non possent; pœna enim consequitur culpam.

506. Confirmatur. Hæretici abutentes Sacramentis, vel Sacramentalibus Catholicæ Ecclesiæ, puniri possunt utraque pœna, corporali scilicet, ac spiritali: ergo in ijs actibus peccant.

507. Prob. 3. Hæretici, quamvis præcisi sint ab Ecclesia per excommunicationem; tamen subditi sunt Ecclesiæ. Contumaces enim cuiuslibet Principis, non cessant esse sui Principis subditi, alioquin fierent melioris conditionis per crimen læsæ maiestatis, & reportarent commodum de iniquitate. Ex quo autem homines Christum induerunt per baptismum, sunt Ecclesiæ, & Capiti eius subiecti: ideòque Ecclesia, & eius Caput potest de omnibus baptizatis iudicare, cuiuscunque conditionis sint, siue Imperatores, siue Reges, siue alij, ex *cap. Nonit ille; de iudicijs*, & ex *can. certum, & can. suscipitis ne? dist. 20. & Extra Vnam sanctam de maiorat. & obed.* in fine definitur, esse de necessitate salutis omni humana creaturæ subesse Romano Pontifici, Ecclesiæ Capiti. Igitur Hæretici subiecti sunt omnibus Ecclesiasticis, seu canonicis, ac decretalibus legibus: unde eas non obseruantes, toties quoties peccant: ideò si ad fidem veniunt, tenentur omnes, & singulas transgressiones legum naturalis, diuinæ

Argum. ex  
pœnis eorū

Argum. ex  
eo quod su-  
biecti Ec-  
clesiæ.

Licet sint  
præcisi.

positiua, & Ecclesiastica, tamquam gratia peccata in Sacramento poenitentiae confiteri. Hoc enim in re, vel in voto cum contritione, (si in re sit impossibile) est secunda tabula post naufragium.

Ignorantia  
inuincibili  
à pecca-  
to excusat.

508. Dixi in Conclusionem, *supposita tamen aliqua earum legum noticia*, nam semper tenui, ignorantiam inuincibilem in qualibet materia excusare à peccato, nam peccatum ex Augustino est quid voluntarium, ita ut nullo modo sit peccatum, nisi sit voluntarium: sed ex 2.<sup>a</sup> Ethic. 5. *Inuoluntarium est, quod vi, vel ignorance accidit*: ergo.

## CAPVT XXII.

*An Gratia sufficiens concedatur omnibus pro quolibet temporis momento.*

Qui reiici-  
untur ab  
hac dispu-  
tatione.

509. **A**Du. 1. quod in hac disputatione omnium primò explodendi sunt authores, qui negant dari auxilium, seu gratiam sufficientem, docentes, nullam aliam dari gratiam contradistinctam ab efficaci; cuius oppositum firmauimus in cap. 18. §. unico. 2. sunt pariter explodendi, qui docent vniuersaliter, quod nulli infideli concedatur gratia sufficiens, per quam credere possint; cuius oppositum firmauimus in cap. 19. 3. explodendi sunt illi, qui dicunt, quod Deus dat gratiam sufficientem ijs tantum, qui eam desiderant, & ab eo expectant; cum falsum generaliter sit, quia saepissimè Deus illuminat, & vocat homines, nedum non desiderantes, nec petentes à Deo illuminari, sed neque de Deo cogitantes, immò habituales peccatores, & interdum

Quinque  
puncta di-  
scutienda  
sunt, & quæ.

actua-

actualiter peccantes. Quæstio ergo adhæc 5. puncta restringitur. 1. An aliquibus, siue infidelibus, siue fidelibus, grauibz tamen peccatoribus, Deus in pœnam peccatorum, vel perpetuò, vel ad tempus denegat gratiam sufficientem; ita quòd remaneant obcæcati, carentes nempe illuminatione, & inspiratione. 2. An infidelibus continuò Deus concedat gratiam sufficientem, qua possint credere, vel saltim, qua illuminentur ad dubitandum de sua Religione, & quærendum viam, qua possent de veritate institui. 3. An fidelibus peccatoribus continuò Deus det gratiam sufficientem, qua illos excitet ad resipiscendum: insuper, an gratiam hanc eis concedat, quando vrget obseruantia alicuius diuini, vel naturalis præcepti, vt possint illud implere. 4. An hominibus iustis Deus continuò concedat gratiam sufficientem, vt omnia sua opera sint sancta, ac meritoria; an saltim quando vrget obseruantia præceptorum diuinorum, ac naturalium. 5. An iustis Deus concedat gratiam sufficientem ad perseuerandum, seu ad posse perseuerare in gratia, siue ad tempus, siue vsque ad vitæ exitum.

510. Dico 1. Interdum ob plura, & graua peccata Deus pro aliquo tempore priuat gratia sufficiente, illuminatione, scilicet, ac inspiratione homines aliquos scelestos, siue infideles; siue etiam fideles in pœnam talium peccatorum, quæ priuatio dicitur obcæcatio, & induratio.

511. Prob. primò. Hæc priuatio sub vocabulo *excacationis*, Isaïæ 6. 11. dicitur imprecaturè contra populum peruersum, ac idolatrantem, *excaca cor populi huius, & aures eius aggraua, & oculos eius clauda, ne videant oculis suis, & auribus suis audiant, & corde suo intelligant, & conuertantur,*

Notabilia  
sunt, quæ  
discutiun-  
tur.

Aliquibus  
excacatis  
deest gra-  
tia sufficiens

Ex Isaia.

Ex Glosis.

tur, & sanem eos. Interl. Populi, dicit, tam nequam. V. oculos eius claudet, dicit, ostium peccatorum: &c. Glos. ord. V. excæca, ait, Præuidens Propheta cecitatem superuenturam in Israel, ut plenitudo Gentium intraret ad fidem, dicit, Domine excæca cor populi huius. Si enim populus hic excæcatus fuerit Gentes illuminabuntur. Nec est Dei crudelitas, sed misericordia, infidelibus excæcatis, humiles illuminare. Vnde quoties volui congregare filios tuos, & nolisti?

Ex S. Aug.  
pluries de-  
claratur  
hec excæ-  
catio.

312. S. Augustinus contra Pelagianos in Hippogn. lib. 6. impugnans eos dicentes, quod Deus vult omnes homines omnino saluos fieri, vitur hoc Isaia loco, inquiens. *Quæro à vobis, ut dicatis mihi, quare Deus, qui vult omnes homines saluos fieri, quorundam, ut dicit Isaïas Propheta, excæcat oculos, ne videant, & obdurat corda, ne intelligant, ne conuertantur, & sanentur; quod verum esse Ioannes Euangelista confirmat, dicens de Iudeis; propterea non poterant credere, quia dixit Isaïas excæcavit oculos eorum, & induravit cor eorum, ut non videant oculis, & intelligant corde, & conuertantur, & sanem eos: & in Euangelio secundum Marcum, vobis datum est nosse mysterium Regni Dei: illis autem, qui foris sunt, in parabolis omnia sunt; ut videntes videant, & non videant; & audientes audiant, & non intelligant, ne quando conuertantur, & dimittantur eis peccata.*

Cecitas est  
illumina-  
tionis pri-  
uatio.

313. In lib. 5. cont. Iul. cap. 3. ait. *Cecitas, quam solus remouet illuminator Deus, & peccatum est, qua in Deum non creditur, & pœna peccati, qua cor superbum digna animaduersione punitur, & causa peccati, cum aliquid mali cæci cordis errore committitur: igitur dantur homines, qui ob peccatorum enormitatem, in pœnam eorum à Deo ex-*

cæcan-

cæcantur, idest, priuantur illuminationibus, & inspirationibus ad bona cognoscēda, & volenda: & hoc est quod dicitur Pro. 18. 3. *Impius cū in profundum venerit contemnit: sed sequitur eum ignominia, & opprobrium.*

514. In lib. de Prædest. & Gratia cap. 4. in fine loquens de duritia cordis, & obcæcatione, dicit. *Indurare enim Deus dicitur, quem mollire noluerit. Sic etiam excæcare dicitur eum, quem illuminare noluerit. Sic etiam repellere eum, quem vocare noluerit.*

515. Prob. 2. sub eodem vocabulo excæcationis, ex 2. Cor. 4. 4. *Deus huius sæculi excæcavit mentes infidelium, ut non fulgeat illis illuminatio Evangelij gloriæ Christi, qui est imago Dei.*

516. S. Augustinus in lib. 21. contra Faustum cap. 9. discutiens hunc Pauli locum, dicit. *Cum diabolus suggerit, homo consentit, Deus deserit. Quo circa in opere malo, idest excæcatione infidelium, si intelligatur, & diabolus propter suadendi malignitatem, ut sic distinguatur Deus huius sæculi, non mihi videtur absurdum; neque enim sine additamento dicitur Deus, cum adiungitur huius sæculi, idest hominum impiorum, non nisi in hoc sæculo florere volentium.* Siue ergo Diabolus positivè excæcet infideles, siue alios impios homines suggerendo prava obiecta, & alliciendo pro suo posse ad eorum concupiscentiam, siue ex se ipsis homines à suis naturalibus concupiscentijs alliciantur, & distrahantur, ut dicit Sanctus Iacobus, & semetipsos excæcent; à Deo per negationem illuminationum excæcati remanent. Neque propterea sequitur, quòd ante talem obcæcationem positivam per concupiscentias vndecumque exortam, non fuerint aliquando illuminati, sicut in præcedentibus

Ex Paulo  
excæcatio.

Diabolus  
dicitur  
Deus huius  
sæculi ex  
August.

Excæcati  
antea fue-  
runt illu-  
minati.

Capitibus abundè probauimus.

517. Prob. secundò eadem priuatio gratiæ sufficientis à Deo proueniens sub vocabulo *indurationis* de qua sæpè loquitur Sacra Scriptura: Exodi 4. 11. & in cap. 7. 3. Deus dicit Moysi, *Ego indurabo cor Pharaonis*, & cap. 9. 12. *indurauitque Dominus cor Pharaonis*; quæ formulæ loquendi vsque ad cap. 14. pluries replicantur: deindè Deuter. 3. 30. & Iosue 10. 20. & alibi sæpè in Veteri Testamento. In Nouo verò habemus tria loca, Ioann. 12. 40. Act. 19. 8. & Rom. 9. 10. *Cuius vult miseretur, & quem vult indurat*: omnes autem Sacræ Scripturæ interpretes hanc indurationem docent esse gratiæ, seu auxiliij diuini subtractionem. S. August. in lib. de Prædest. & Gratia cap. 6. pluribus declarat hanc indurationem: declaransque primò locum Pauli, *cuius vult miseretur, & quem vult indurat*, ait, *quasi diceret, cui vult miseretur, & cui non vult non miseretur. Itemque hoc ipsum rursus intelligat, quasi diceretur, cui vult donat, & à quo vult debitum poscit*: & infra explicans illud Exodi, *Ego indurabo cor Pharaonis, ne dimittat populum*, ait, *Quid est enim indurabo cor, nisi non molliam? Apparet enim in alios manente iustitia, in alios gratia profluente, Scripturæ sententiam fuisse completam*.

Idem S. Doctor in libro de essentia Diuinitatis declarans quædam opera, quæ de Deo in Sacra Scriptura dicuntur, vt obliuisci, dormire, &c. de *indurare*, dicit, *indurare dicitur Deus quorundam corda; sicut de Pharaone Rege Ægypti scriptum est; non quod omnipotens Deus per potentiam suam corda eorum induret; sed exigentibus eorum culpis, cum duritiam cordis, quam ipsi sibi mala perpetrando nutriunt, non aufert; quasi ipse eos induret, quia*

Induratio  
gratiæ signi-  
ficat priua-  
tionem il-  
luminatio-  
nis.

In vtroque  
Testamen-  
to legitur  
induratio.

Ex S. Ang.

Pluries sic  
declarat in-  
durationē.



*quia iusto iudicio indurati sunt.*

Et in lib. de Prædest. & Gratia cap. 14. de induratione Pharaonis loquens, duo dicit; primo, quòd iustè eam sit passus: secundò, quòd *si piè de Deo, vt expedit, sentiamus, etiam Pharaoni datam misericordiam reperimus. Patientia enim Dei ei valere debuit ad salutem, qua differens iustum, meritumque supplicium, miraculorum verbera crebra densabat.*

518. Dico 2. Ex reuelatione explicita non habetur, quòd Deus quolibet temporis momento aliquo vocationis internæ modo vocet, seu illuminet infideles ad credendum, vel saltem ad dubitandum de sua Religione, & quærendum veram.

519. Prob. 1. Nullibi in Scriptura legitur; omnia enim loca, quæ adduci possent, probant solum ad summum, quòd omnibus datur auxilium sufficiens, non verò, quòd singulis momentis Deus illud præstet: & ad summum concluderent hoc esse probabile non solum pro infidelibus, sed etiam pro fidelibus; at non concluderent esse reuelatum explicitè.

520. Primus Scripturæ locus, qui adduci posset pro continua gratia sufficienti vocationis ad fidem, desumitur ex cap. 1. Prou. 4. *Sapientia foris prædicat, in plateis dat vocem suam, &c vocaui, & veniistis, extendi manum meam, & non fuit, qui aspiceret.* Sed locus hic probat ad summum, quòd Deus vocat omnes, sicut in suo loco probauimus; at non probat, quòd continuò, & in quolibet momento id faciat, & cum omnibus infidelibus: maximè cum maior eorum pars sit obsecrata, & indurata in pœnam peccatorum.

521. Secundus locus desumitur ex Isaia 65.

H h h h

expan-

Etiam Pharaonis prius fuit illuminatus.

Non est reuelatum, quòd Deus continuò vocet infideles.

Script. loca, quæ pro affirmatina adducuntur non concludunt.

1. locus ex Prou.

2. locus ex  
Isaia.

Diversi  
sensus Isa-  
ia loci.

3. ex Ezec.

4. ex Euan-  
gel. Ioan.

5. ex Apoc.

expandi manus meas tota die ad populum incredulum,  
& contradicentem mihi: sed locus iste probaret tã-  
tùm de populo Iudaico, ad quem Deus per Pro-  
phetas loquebatur; & tamen non quotidie, neque  
singulis momentis Prophetę populo prædicabant,  
quòd de Iudæis loquuntur, dicunt Glosse Interl.  
& Lyran. & Textus ipse, dicens, *populus, qui ad  
iracundiam prouocat me ante faciem meam semper, &  
qui immolant in hortis, & sacrificant super latres,  
&c. qui comedunt carnem suillam, & ius prophanum  
in vasis eorum: hæc erant Iudæorum delicta.* V. to-  
ta die, in quo fit vis, non vrget, nam Interl. di-  
cit allegoricè *tota die passionis*. Lyran. literaliter,  
*tota die*, dicit, *ab antiquo vsque ad præsens per  
Prophetas; postea per me ipsum incarnatum.*

522. Tercium argumentum sumitur ex Ez-  
zech. 18. *Numquid voluntatis meæ est mors impij di-  
cit Dominus Deus, & non ut magis conuertatur, & vi-  
uat?* Sed hoc argum. probat contra eos, qui infi-  
delibus omnibus omnem negant sufficientem  
gratiam: nos autem concedimus eis dari; ac dici-  
mus, non esse explicitè reuelatum, quòd pro quo-  
libet temporis momento eis detur, sed aliquan-  
do; & hoc sufficit ad saluandam Textus intelli-  
gentiam.

523. Quartum argum. desumitur ex r. Ioan-  
nis, *illuminat omnem hominem venientem in hunc  
mundum*: sed hoc non probat, quòd singulis ho-  
ris, ac momentis illuminet; sed quòd pro aliquo  
tempore illuminet; & idèd hoc argumento nos  
quoque vsi sumus in cap. 18. & 19. ad proban-  
dum, quòd Deus omnibus hominibus largiatur  
gratiam sufficientem.

524. Quintum argum. desumitur ex Apocal.  
3. *Ecce sto ad ostium, & pulso: si quis aperuerit mi-*  
hi

bi ianuam, introibo, & cenabo cum eo, &c. sed hoc probat quidem pulsationem, seu vocationem, at non continuam; immò neque vniuersalem omnium.

Sextum argum. desumitur ex aliquibus Pauli dictis. 1. Timot. 4. *Qui est Saluator omnium maxime fidelium*, &c. Timot. 2. *Deus vult omnes homines saluos fieri*; & ad Rom. 10. *Ne dixeris in corde tuo quis ascendet in Calum? prope est verbum in ore tuo, & in corde tuo*. Sed, vt manifestum est, hæc, & alia similia dicta probant ad summum vocationem omnium; at non continuam, atque perpetuam, de qua est quæstio.

6. ex pluri-  
bus Pauli  
locis.

Septimum argum. quod videtur aliquid probare, desumitur ex Concilio Senonensi cap. 15. dicente: *auxilium Dei circa hominem, semper est in promptu, & ne momentum quidem est, in quo Deus non stet ad ostium, & pulset*. Sed in primis, hoc argum. non infringit nostram conclusionem, quæ dicit, non haberi explicitè reuelatum, quòd Deus quolibet temporis momento aliquo vocationis modo omnes homines vocet ad opus salutis: at Concil. istud non docet oppositum. 2. nostra conclusio loquitur de infidelibus. 3. Concilium hoc non videtur approbatum; & licet mereatur aliquem honorem, non tamen obligat ad sic tenendum; eo vel magis, quia comprehendit omnes homines, & omne tempus vitæ; cum tamen magna infidelium pars obæcata, & indurata sit; & inter fideles, non pauci impij, pessimique peccatores execrari reperiantur: Alij autem, fideles, siue iusti, siue iniusti in se ipsis non experiantur continuas huiusmodi allertas vocationes, seu illuminationes. Immò, si infideles, cum ad fidem veniunt, siue Gentiles sint, siue Turcæ,

7. ex Conc.  
Senonensi.

Experien-  
tia docet  
non consti-  
tutus homi-  
nes vocari.

sine etiam Heretici, interrogentur, an, cum in sua Religione viuerent, experti fuerint aliquas interius vocationes, vel dubitationes de sua Religione, vel incitationes ad inuestigandam aliam Religionem? Respondent, vel quòd aliquando habuerint, vel quòd rarò, vel aliqui, quòd nunquam, nisi pro ea vice, qua efficaciter vocati, venerunt ad fidem. Quod euidentius signum est, non solum non esse explicitè reuelatum, quòd omnes infideles continuo, & pro quolibet temporis momento vocentur: sed quòd neq; hanc continuam, immò neque frequentem vocationem experiuntur.

Neq; reue-  
latum est  
explicitè,  
quòd fide-  
les pecca-  
tores pro  
omni mo-  
mento vo-  
centur.

§ 27. Dico 3. neque est explicitè reuelatum, quòd fidelibus peccatoribus pro quolibet temporis momento Deus largiatur gratiam sufficientem, seu illuminationem, ac inspirationem ad penitendum, aliaue bona opera, *sicut oportet*, exercendum.

§ 28.

Prob. 1. eisdem argumentis nuper allatis: nusquam enim hæc reuelatio explicitè habetur. Quamuis enim in tota Sacra Scriptura vtriusque Testamenti maxima Dei misericordia commendetur, & misericordia superexaltare dicatur iudicium: tamen iudicium, seu iustitia quoque sæpissimè prædicatur, idèd in psal. 100. ait Dauid, *Misericordiam, & iudicium cantabo tibi Domine*. Alioquin nullus reperiretur peccator, nullus damnaretur; omnes essent iusti; omnes salui, cuius contrarium experimur, & credimus. Adhuc autem Dei exaltatur misericordia, dum peccatores sibi ingratos sæpissimè ad penitendum excitat.

Exaltatur  
Dei mise-  
ricordia, si  
aliquoties  
peccatores  
vocantur.

§ 29. Prob. 2. experientia, quam quilibet Christianus Catholicus in semetipso potest habere, cum in peccatum incidit, & maximè si est recidivus,

eisdem, aut consuetudinarius, vel raro confite-  
tur; aut semel in anno: hic enim suis negotijs  
domesticis, vel publicis incumbit, vel in suæ pro-  
fessionis exercitio sedulus est, & totus in eo po-  
situs, si Lector, si Iudex, si Aduocatus, si Nota-  
rius, si Arefex, si Agricola, &c. quilibet enim  
horum, dum suo muneri incumbit, nullam expe-  
ctat cogitationem ad pœnitendum. Si autem  
sordidis occupatur negotijs, vt vsuræ, concubi-  
natus, meretricij, &c. dum ijs incumbit experi-  
tur se totum tunc in eo esse, & de opposito nihil  
cogitare. Sic de vindicatio, & de alijs hisce  
peccatoribus discurrendum. De studentibus pa-  
riter enidens est, quod dum per plures horas in-  
discutiendis legum difficultatibus sunt immersi,  
nihil de pœnitentia, alijsue præceptorum operi-  
bus cogitant; igitur non singulis momentis à  
Deo vocantur, sed, vt dicemus, statutis à diuina  
sapientia, atque providentia temporibus.

530. Dico 4. neque est explicitè reuelatum,  
quod hominibus iustis Deus continuò, & singulis  
momentis concedat gratiam sufficientem ad om-  
nia, & singula opera perficienda, sed statutis tem-  
poribus.

531. Prob. eisdem argumentis. Nuspiam  
enim in Sacra Scriptura legitur hoc pactum, seu  
hæc promissio; vel assignetur ubi

532. Prob. 2. experientia. Quis enim Ca-  
tholicus potest in semetipso experiiri; quod dum  
omni qua potuit diligentia suorum peccatorum  
confessionem fecit, absolutionemque obtinuit; in-  
super, & sacratissima Eucharistia refectus est; non  
continuò, & singulis momentis obtinet illumina-  
tiones, ac inspirationes ad faciendâ aliqua opera  
sancta; sed aliquando, ac interpolatis temporibus,

nostrum  
2000. 613  
Constitutio  
pœnitentia  
experientia

2001. 614  
De iustitia  
Sicutque  
2002. 615  
2003. 616  
2004. 617  
2005. 618  
2006. 619

Neque est  
explicitè  
reuelatum,  
quod iusti  
continuò  
vocantur.

Experien-  
tia id do-  
cet.

2007. 620  
2008. 621  
2009. 622  
2010. 623  
2011. 624

bus, & dum urgent præcepta: ergo. *1250* bonp  
 533. Probari potest generaliter de omnibus,  
 siue infidelibus, siue fidelibus, & de his siue pec-  
 catoribus, siue iustis, sic. Omnis homo alicui  
 professioni præfertim intellectuallī additus; ut  
 Philosophiæ, Metaphysicæ, Mathematicæ, Astro-  
 logiæ, Algebræ, Iurisprudentiæ, aut Theologiæ,  
 dum in contemplando aliquo suæ professionis  
 puncto applicatus est, ita absorbetur, ut extra se  
 positus, & suimet oblitus videatur, & per multum  
 tempus sic remaneat: exemplum de Archimede  
 præstantissimo Mathematico adducere sufficiat,  
 cuius etiam S. Augustinus meminit *de Ciuit. lib. 7. cap. 6.*  
 Is enim cum Siracusæ Ciuitas ipsius Patriæ  
 oppugnaretur, & catapultis, cæterisque bellico-  
 rum tunc temporis instrumentorum fragoribus,  
 & oppressorum clamoribus quateretur, Mathesis,  
 ac Geometriæ circulis pangendis sic erat inten-  
 tus, ut tot rumores, clamores, ac ruinas non ad-  
 uerterit, & capta Patria in eisdem operibus suæ  
 scientiæ perseuerans inuentus, occisus sit. Simi-  
 les ferè distractiones præfati omnes professores  
 patiuntur, dum suis vacant studijs; & plures ho-  
 ras, noctesque integras, ut de multis audiui (quos  
 numquam imitari curauī) in suis speculationibus  
 sunt intenti, ut nullam aliam cogitationem, nec  
 diuinam, nec humanam in seipsis experiantur.  
 Isti ergo, cuiuscumque conditionis sint, siue infi-  
 deles, siue fideles; siue peccatores, siue iusti, pro  
 ijs temporibus, immò nec pro alijs functionibus,  
 quas exercent, edendo, ludendo, dormiendo, &c.  
 illuminationes, ac inspirationes diuinas ex-  
 periuntur: ergo Deus eas non largitur singulis  
 momentis, sed dum adest necessitas.

Quilibet  
 professioni  
 alicui ad-  
 dictus huc  
 experitur.

534. Dico 5. Neque est explicitè reuelatum,  
 quòd



quòd Deus largiatur iustis pro singulis momentis gratiam sufficientem ad perseverandum in iustitia, seu gratia, siue ad tempus, siue usque ad finem vite.

§ 35. Prob. eisdem prorsus argumentis; negatione nempe reuelationis, & experientia contraria. Complures siquidem iusti speculationis scientijs præditi sunt, in eisque immorantur; & quamvis aliquando, & pluries incipientes sua studia, illa ad Deum referant, & pro eo, & proximorum beneficio velint ea facere; cum tamen in eis progrediuntur, & speculationibus insistant; alias cogitationes non experiuntur. Gratia autem sufficiens ad perseverandum in accepta iustitia, aliud non est, nisi diuina illuminatio, ac inspiratio, ut quis progrediatur in operando bonum præcepti, vel consilij, & cauendo malum: has autem cogitationes, iustus cum speculationis scientijs, vel artibus, alijsque similibus functionibus incumbit, experitur se non habere: ergo non habet continuò, & singulis momentis; quilibet enim de suis actibus internis, ut sunt excitatio intellectus, & inspiratio voluntatis ad bonum opus supernaturale, potest testari.

§ 36. Dico 6. Piè tenendum est, quòd Deus gratiam sufficientem largiatur infidelibus, siue mediante Missionario, aliove externo modo; siue immediatè per seipsum tantum, absque externo medio, in diuersis temporibus, pluribusque vicibus iuxta æternam suæ sapientiæ, & providentiæ nobis occultam dispositionem.

§ 37. Prob. Id piè tenendum est de Deo, quoad rationalium creaturarum gubernium, quod eius iustitiam cum misericordia commendat, & Sacræ Scripturæ non est contrarium; sed potius

con-

Neque explicitè reuelatum est quòd iusti singulis momentis gratiam sufficientem habeant ad perseverandum,

Piè tenendum, quòd Deus pluries vocet infideles.

consonum : sic se habet hec sententia : ergo. Ma-  
ior secundum omnes suas partes pio intellectu est  
evidens. Nam *Misericordia Domini plena est ter-  
ra* : & *miserationes eius super omnia opera eius* : &  
Ecclesia in suis collectis dicit : *Deus, qui omni-  
potentiam tuam parcendo, & miserando maxime mani-  
festas* : & David in psalm. 100. *Misericordiam, &  
iudicium cantabo tibi Domine*. Si autem pluries  
voce infidelem, quamvis respuentem, magis  
commendatur illius benignitas, & misericordia:  
ergo sic existimandum est facere.

Min. prob. quod hec sententia non sit con-  
traria Sacre Scripturæ, sed consona, ex Christi  
clariſſimo oraculo Matth. 23. *Ierusalem, &c. Quo-  
ties volui congregare filios tuos, quemadmodum gal-  
lina congregat pullos suos sub alas, & renuisti*. Igi-  
tur non vna, sed pluribus vicibus Deus vocat,  
ac illuminat infideles, quamvis isti vocationem  
reijciant.

338. Prob. 2. Omnia loca, quæ adduceban-  
tur ab ijs, qui docebant continuò homines à Deo  
vocari (quod reieccimus) saltem verificari possunt  
de multiplici vocatione. V.g. illud dictum Apo-  
cal. *Ego sto ad ostium, & pulso*, nequit intelligi  
de vocatione simplici per modum transeuntis, sed  
per modum stantis, & assidue pulsantis.

339. Confirmatur ex facto pro infidelibus.  
Non enim pro vna vice Deus in Veteri Testa-  
mento misit Prophetas ad predicandum Regi-  
bus, ac Populis Samarię, qui erant Apostate à  
fide; sed pluries, vt ex libris Regum, ipsorum-  
que Prophetarum patet. Neque vna tantum  
vice misit Prophetas ad ipsosinet Reges Iuda Ido-  
latras; vt ex eisdem libris Regum, & Prophetarum  
constat. Immo, vt à lege naturę incipia-  
mus,

Fundame-  
ntalis huius  
prie credu-  
litate 22-  
tis, 23-  
tis, 24-  
tis, 25-  
tis, 26-  
tis, 27-  
tis, 28-  
tis, 29-  
tis, 30-  
tis, 31-  
tis, 32-  
tis, 33-  
tis, 34-  
tis, 35-  
tis, 36-  
tis, 37-  
tis, 38-  
tis, 39-  
tis, 40-  
tis, 41-  
tis, 42-  
tis, 43-  
tis, 44-  
tis, 45-  
tis, 46-  
tis, 47-  
tis, 48-  
tis, 49-  
tis, 50-  
tis, 51-  
tis, 52-  
tis, 53-  
tis, 54-  
tis, 55-  
tis, 56-  
tis, 57-  
tis, 58-  
tis, 59-  
tis, 60-  
tis, 61-  
tis, 62-  
tis, 63-  
tis, 64-  
tis, 65-  
tis, 66-  
tis, 67-  
tis, 68-  
tis, 69-  
tis, 70-  
tis, 71-  
tis, 72-  
tis, 73-  
tis, 74-  
tis, 75-  
tis, 76-  
tis, 77-  
tis, 78-  
tis, 79-  
tis, 80-  
tis, 81-  
tis, 82-  
tis, 83-  
tis, 84-  
tis, 85-  
tis, 86-  
tis, 87-  
tis, 88-  
tis, 89-  
tis, 90-  
tis, 91-  
tis, 92-  
tis, 93-  
tis, 94-  
tis, 95-  
tis, 96-  
tis, 97-  
tis, 98-  
tis, 99-  
tis, 100-  
tis, 101-  
tis, 102-  
tis, 103-  
tis, 104-  
tis, 105-  
tis, 106-  
tis, 107-  
tis, 108-  
tis, 109-  
tis, 110-  
tis, 111-  
tis, 112-  
tis, 113-  
tis, 114-  
tis, 115-  
tis, 116-  
tis, 117-  
tis, 118-  
tis, 119-  
tis, 120-  
tis, 121-  
tis, 122-  
tis, 123-  
tis, 124-  
tis, 125-  
tis, 126-  
tis, 127-  
tis, 128-  
tis, 129-  
tis, 130-  
tis, 131-  
tis, 132-  
tis, 133-  
tis, 134-  
tis, 135-  
tis, 136-  
tis, 137-  
tis, 138-  
tis, 139-  
tis, 140-  
tis, 141-  
tis, 142-  
tis, 143-  
tis, 144-  
tis, 145-  
tis, 146-  
tis, 147-  
tis, 148-  
tis, 149-  
tis, 150-  
tis, 151-  
tis, 152-  
tis, 153-  
tis, 154-  
tis, 155-  
tis, 156-  
tis, 157-  
tis, 158-  
tis, 159-  
tis, 160-  
tis, 161-  
tis, 162-  
tis, 163-  
tis, 164-  
tis, 165-  
tis, 166-  
tis, 167-  
tis, 168-  
tis, 169-  
tis, 170-  
tis, 171-  
tis, 172-  
tis, 173-  
tis, 174-  
tis, 175-  
tis, 176-  
tis, 177-  
tis, 178-  
tis, 179-  
tis, 180-  
tis, 181-  
tis, 182-  
tis, 183-  
tis, 184-  
tis, 185-  
tis, 186-  
tis, 187-  
tis, 188-  
tis, 189-  
tis, 190-  
tis, 191-  
tis, 192-  
tis, 193-  
tis, 194-  
tis, 195-  
tis, 196-  
tis, 197-  
tis, 198-  
tis, 199-  
tis, 200-  
tis, 201-  
tis, 202-  
tis, 203-  
tis, 204-  
tis, 205-  
tis, 206-  
tis, 207-  
tis, 208-  
tis, 209-  
tis, 210-  
tis, 211-  
tis, 212-  
tis, 213-  
tis, 214-  
tis, 215-  
tis, 216-  
tis, 217-  
tis, 218-  
tis, 219-  
tis, 220-  
tis, 221-  
tis, 222-  
tis, 223-  
tis, 224-  
tis, 225-  
tis, 226-  
tis, 227-  
tis, 228-  
tis, 229-  
tis, 230-  
tis, 231-  
tis, 232-  
tis, 233-  
tis, 234-  
tis, 235-  
tis, 236-  
tis, 237-  
tis, 238-  
tis, 239-  
tis, 240-  
tis, 241-  
tis, 242-  
tis, 243-  
tis, 244-  
tis, 245-  
tis, 246-  
tis, 247-  
tis, 248-  
tis, 249-  
tis, 250-  
tis, 251-  
tis, 252-  
tis, 253-  
tis, 254-  
tis, 255-  
tis, 256-  
tis, 257-  
tis, 258-  
tis, 259-  
tis, 260-  
tis, 261-  
tis, 262-  
tis, 263-  
tis, 264-  
tis, 265-  
tis, 266-  
tis, 267-  
tis, 268-  
tis, 269-  
tis, 270-  
tis, 271-  
tis, 272-  
tis, 273-  
tis, 274-  
tis, 275-  
tis, 276-  
tis, 277-  
tis, 278-  
tis, 279-  
tis, 280-  
tis, 281-  
tis, 282-  
tis, 283-  
tis, 284-  
tis, 285-  
tis, 286-  
tis, 287-  
tis, 288-  
tis, 289-  
tis, 290-  
tis, 291-  
tis, 292-  
tis, 293-  
tis, 294-  
tis, 295-  
tis, 296-  
tis, 297-  
tis, 298-  
tis, 299-  
tis, 300-  
tis, 301-  
tis, 302-  
tis, 303-  
tis, 304-  
tis, 305-  
tis, 306-  
tis, 307-  
tis, 308-  
tis, 309-  
tis, 310-  
tis, 311-  
tis, 312-  
tis, 313-  
tis, 314-  
tis, 315-  
tis, 316-  
tis, 317-  
tis, 318-  
tis, 319-  
tis, 320-  
tis, 321-  
tis, 322-  
tis, 323-  
tis, 324-  
tis, 325-  
tis, 326-  
tis, 327-  
tis, 328-  
tis, 329-  
tis, 330-  
tis, 331-  
tis, 332-  
tis, 333-  
tis, 334-  
tis, 335-  
tis, 336-  
tis, 337-  
tis, 338-  
tis, 339-  
tis, 340-  
tis, 341-  
tis, 342-  
tis, 343-  
tis, 344-  
tis, 345-  
tis, 346-  
tis, 347-  
tis, 348-  
tis, 349-  
tis, 350-  
tis, 351-  
tis, 352-  
tis, 353-  
tis, 354-  
tis, 355-  
tis, 356-  
tis, 357-  
tis, 358-  
tis, 359-  
tis, 360-  
tis, 361-  
tis, 362-  
tis, 363-  
tis, 364-  
tis, 365-  
tis, 366-  
tis, 367-  
tis, 368-  
tis, 369-  
tis, 370-  
tis, 371-  
tis, 372-  
tis, 373-  
tis, 374-  
tis, 375-  
tis, 376-  
tis, 377-  
tis, 378-  
tis, 379-  
tis, 380-  
tis, 381-  
tis, 382-  
tis, 383-  
tis, 384-  
tis, 385-  
tis, 386-  
tis, 387-  
tis, 388-  
tis, 389-  
tis, 390-  
tis, 391-  
tis, 392-  
tis, 393-  
tis, 394-  
tis, 395-  
tis, 396-  
tis, 397-  
tis, 398-  
tis, 399-  
tis, 400-  
tis, 401-  
tis, 402-  
tis, 403-  
tis, 404-  
tis, 405-  
tis, 406-  
tis, 407-  
tis, 408-  
tis, 409-  
tis, 410-  
tis, 411-  
tis, 412-  
tis, 413-  
tis, 414-  
tis, 415-  
tis, 416-  
tis, 417-  
tis, 418-  
tis, 419-  
tis, 420-  
tis, 421-  
tis, 422-  
tis, 423-  
tis, 424-  
tis, 425-  
tis, 426-  
tis, 427-  
tis, 428-  
tis, 429-  
tis, 430-  
tis, 431-  
tis, 432-  
tis, 433-  
tis, 434-  
tis, 435-  
tis, 436-  
tis, 437-  
tis, 438-  
tis, 439-  
tis, 440-  
tis, 441-  
tis, 442-  
tis, 443-  
tis, 444-  
tis, 445-  
tis, 446-  
tis, 447-  
tis, 448-  
tis, 449-  
tis, 450-  
tis, 451-  
tis, 452-  
tis, 453-  
tis, 454-  
tis, 455-  
tis, 456-  
tis, 457-  
tis, 458-  
tis, 459-  
tis, 460-  
tis, 461-  
tis, 462-  
tis, 463-  
tis, 464-  
tis, 465-  
tis, 466-  
tis, 467-  
tis, 468-  
tis, 469-  
tis, 470-  
tis, 471-  
tis, 472-  
tis, 473-  
tis, 474-  
tis, 475-  
tis, 476-  
tis, 477-  
tis, 478-  
tis, 479-  
tis, 480-  
tis, 481-  
tis, 482-  
tis, 483-  
tis, 484-  
tis, 485-  
tis, 486-  
tis, 487-  
tis, 488-  
tis, 489-  
tis, 490-  
tis, 491-  
tis, 492-  
tis, 493-  
tis, 494-  
tis, 495-  
tis, 496-  
tis, 497-  
tis, 498-  
tis, 499-  
tis, 500-  
tis, 501-  
tis, 502-  
tis, 503-  
tis, 504-  
tis, 505-  
tis, 506-  
tis, 507-  
tis, 508-  
tis, 509-  
tis, 510-  
tis, 511-  
tis, 512-  
tis, 513-  
tis, 514-  
tis, 515-  
tis, 516-  
tis, 517-  
tis, 518-  
tis, 519-  
tis, 520-  
tis, 521-  
tis, 522-  
tis, 523-  
tis, 524-  
tis, 525-  
tis, 526-  
tis, 527-  
tis, 528-  
tis, 529-  
tis, 530-  
tis, 531-  
tis, 532-  
tis, 533-  
tis, 534-  
tis, 535-  
tis, 536-  
tis, 537-  
tis, 538-  
tis, 539-  
tis, 540-  
tis, 541-  
tis, 542-  
tis, 543-  
tis, 544-  
tis, 545-  
tis, 546-  
tis, 547-  
tis, 548-  
tis, 549-  
tis, 550-  
tis, 551-  
tis, 552-  
tis, 553-  
tis, 554-  
tis, 555-  
tis, 556-  
tis, 557-  
tis, 558-  
tis, 559-  
tis, 560-  
tis, 561-  
tis, 562-  
tis, 563-  
tis, 564-  
tis, 565-  
tis, 566-  
tis, 567-  
tis, 568-  
tis, 569-  
tis, 570-  
tis, 571-  
tis, 572-  
tis, 573-  
tis, 574-  
tis, 575-  
tis, 576-  
tis, 577-  
tis, 578-  
tis, 579-  
tis, 580-  
tis, 581-  
tis, 582-  
tis, 583-  
tis, 584-  
tis, 585-  
tis, 586-  
tis, 587-  
tis, 588-  
tis, 589-  
tis, 590-  
tis, 591-  
tis, 592-  
tis, 593-  
tis, 594-  
tis, 595-  
tis, 596-  
tis, 597-  
tis, 598-  
tis, 599-  
tis, 600-  
tis, 601-  
tis, 602-  
tis, 603-  
tis, 604-  
tis, 605-  
tis, 606-  
tis, 607-  
tis, 608-  
tis, 609-  
tis, 610-  
tis, 611-  
tis, 612-  
tis, 613-  
tis, 614-  
tis, 615-  
tis, 616-  
tis, 617-  
tis, 618-  
tis, 619-  
tis, 620-  
tis, 621-  
tis, 622-  
tis, 623-  
tis, 624-  
tis, 625-  
tis, 626-  
tis, 627-  
tis, 628-  
tis, 629-  
tis, 630-  
tis, 631-  
tis, 632-  
tis, 633-  
tis, 634-  
tis, 635-  
tis, 636-  
tis, 637-  
tis, 638-  
tis, 639-  
tis, 640-  
tis, 641-  
tis, 642-  
tis, 643-  
tis, 644-  
tis, 645-  
tis, 646-  
tis, 647-  
tis, 648-  
tis, 649-  
tis, 650-  
tis, 651-  
tis, 652-  
tis, 653-  
tis, 654-  
tis, 655-  
tis, 656-  
tis, 657-  
tis, 658-  
tis, 659-  
tis, 660-  
tis, 661-  
tis, 662-  
tis, 663-  
tis, 664-  
tis, 665-  
tis, 666-  
tis, 667-  
tis, 668-  
tis, 669-  
tis, 670-  
tis, 671-  
tis, 672-  
tis, 673-  
tis, 674-  
tis, 675-  
tis, 676-  
tis, 677-  
tis, 678-  
tis, 679-  
tis, 680-  
tis, 681-  
tis, 682-  
tis, 683-  
tis, 684-  
tis, 685-  
tis, 686-  
tis, 687-  
tis, 688-  
tis, 689-  
tis, 690-  
tis, 691-  
tis, 692-  
tis, 693-  
tis, 694-  
tis, 695-  
tis, 696-  
tis, 697-  
tis, 698-  
tis, 699-  
tis, 700-  
tis, 701-  
tis, 702-  
tis, 703-  
tis, 704-  
tis, 705-  
tis, 706-  
tis, 707-  
tis, 708-  
tis, 709-  
tis, 710-  
tis, 711-  
tis, 712-  
tis, 713-  
tis, 714-  
tis, 715-  
tis, 716-  
tis, 717-  
tis, 718-  
tis, 719-  
tis, 720-  
tis, 721-  
tis, 722-  
tis, 723-  
tis, 724-  
tis, 725-  
tis, 726-  
tis, 727-  
tis, 728-  
tis, 729-  
tis, 730-  
tis, 731-  
tis, 732-  
tis, 733-  
tis, 734-  
tis, 735-  
tis, 736-  
tis, 737-  
tis, 738-  
tis, 739-  
tis, 740-  
tis, 741-  
tis, 742-  
tis, 743-  
tis, 744-  
tis, 745-  
tis, 746-  
tis, 747-  
tis, 748-  
tis, 749-  
tis, 750-  
tis, 751-  
tis, 752-  
tis, 753-  
tis, 754-  
tis, 755-  
tis, 756-  
tis, 757-  
tis, 758-  
tis, 759-  
tis, 760-  
tis, 761-  
tis, 762-  
tis, 763-  
tis, 764-  
tis, 765-  
tis, 766-  
tis, 767-  
tis, 768-  
tis, 769-  
tis, 770-  
tis, 771-  
tis, 772-  
tis, 773-  
tis, 774-  
tis, 775-  
tis, 776-  
tis, 777-  
tis, 778-  
tis, 779-  
tis, 780-  
tis, 781-  
tis, 782-  
tis, 783-  
tis, 784-  
tis, 785-  
tis, 786-  
tis, 787-  
tis, 788-  
tis, 789-  
tis, 790-  
tis, 791-  
tis, 792-  
tis, 793-  
tis, 794-  
tis, 795-  
tis, 796-  
tis, 797-  
tis, 798-  
tis, 799-  
tis, 800-  
tis, 801-  
tis, 802-  
tis, 803-  
tis, 804-  
tis, 805-  
tis, 806-  
tis, 807-  
tis, 808-  
tis, 809-  
tis, 810-  
tis, 811-  
tis, 812-  
tis, 813-  
tis, 814-  
tis, 815-  
tis, 816-  
tis, 817-  
tis, 818-  
tis, 819-  
tis, 820-  
tis, 821-  
tis, 822-  
tis, 823-  
tis, 824-  
tis, 825-  
tis, 826-  
tis, 827-  
tis, 828-  
tis, 829-  
tis, 830-  
tis, 831-  
tis, 832-  
tis, 833-  
tis, 834-  
tis, 835-  
tis, 836-  
tis, 837-  
tis, 838-  
tis, 839-  
tis, 840-  
tis, 841-  
tis, 842-  
tis, 843-  
tis, 844-  
tis, 845-  
tis, 846-  
tis, 847-  
tis, 848-  
tis, 849-  
tis, 850-  
tis, 851-  
tis, 852-  
tis, 853-  
tis, 854-  
tis, 855-  
tis, 856-  
tis, 857-  
tis, 858-  
tis, 859-  
tis, 860-  
tis, 861-  
tis, 862-  
tis, 863-  
tis, 864-  
tis, 865-  
tis, 866-  
tis, 867-  
tis, 868-  
tis, 869-  
tis, 870-  
tis, 871-  
tis, 872-  
tis, 873-  
tis, 874-  
tis, 875-  
tis, 876-  
tis, 877-  
tis, 878-  
tis, 879-  
tis, 880-  
tis, 881-  
tis, 882-  
tis, 883-  
tis, 884-  
tis, 885-  
tis, 886-  
tis, 887-  
tis, 888-  
tis, 889-  
tis, 890-  
tis, 891-  
tis, 892-  
tis, 893-  
tis, 894-  
tis, 895-  
tis, 896-  
tis, 897-  
tis, 898-  
tis, 899-  
tis, 900-  
tis, 901-  
tis, 902-  
tis, 903-  
tis, 904-  
tis, 905-  
tis, 906-  
tis, 907-  
tis, 908-  
tis, 909-  
tis, 910-  
tis, 911-  
tis, 912-  
tis, 913-  
tis, 914-  
tis, 915-  
tis, 916-  
tis, 917-  
tis, 918-  
tis, 919-  
tis, 920-  
tis, 921-  
tis, 922-  
tis, 923-  
tis, 924-  
tis, 925-  
tis, 926-  
tis, 927-  
tis, 928-  
tis, 929-  
tis, 930-  
tis, 931-  
tis, 932-  
tis, 933-  
tis, 934-  
tis, 935-  
tis, 936-  
tis, 937-  
tis, 938-  
tis, 939-  
tis, 940-  
tis, 941-  
tis, 942-  
tis, 943-  
tis, 944-  
tis, 945-  
tis, 946-  
tis, 947-  
tis, 948-  
tis, 949-  
tis, 950-  
tis, 951-  
tis, 952-  
tis, 953-  
tis, 954-  
tis, 955-  
tis, 956-  
tis, 957-  
tis, 958-  
tis, 959-  
tis, 960-  
tis, 961-  
tis, 962-  
tis, 963-  
tis, 964-  
tis, 965-  
tis, 966-  
tis, 967-  
tis, 968-  
tis, 969-  
tis, 970-  
tis, 971-  
tis, 972-  
tis, 973-  
tis, 974-  
tis, 975-  
tis, 976-  
tis, 977-  
tis, 978-  
tis, 979-  
tis, 980-  
tis, 981-  
tis, 982-  
tis, 983-  
tis, 984-  
tis, 985-  
tis, 986-  
tis, 987-  
tis, 988-  
tis, 989-  
tis, 990-  
tis, 991-  
tis, 992-  
tis, 993-  
tis, 994-  
tis, 995-  
tis, 996-  
tis, 997-  
tis, 998-  
tis, 999-  
tis, 1000-  
tis, 1001-  
tis, 1002-  
tis, 1003-  
tis, 1004-  
tis, 1005-  
tis, 1006-  
tis, 1007-  
tis, 1008-  
tis, 1009-  
tis, 1010-  
tis, 1011-  
tis, 1012-  
tis, 1013-  
tis, 1014-  
tis, 1015-  
tis, 1016-  
tis, 1017-  
tis, 1018-  
tis, 1019-  
tis, 1020-  
tis, 1021-  
tis, 1022-  
tis, 1023-  
tis, 1024-  
tis, 1025-  
tis, 1026-  
tis, 1027-  
tis, 1028-  
tis, 1029-  
tis, 1030-  
tis, 1031-  
tis, 1032-  
tis, 1033-  
tis, 1034-  
tis, 1035-  
tis, 1036-  
tis, 1037-  
tis, 1038-  
tis, 1039-  
tis, 1040-  
tis, 1041-  
tis, 1042-  
tis, 1043-  
tis, 1044-  
tis, 1045-  
tis, 1046-  
tis, 1047-  
tis, 1048-  
tis, 1049-  
tis, 1050-  
tis, 1051-  
tis, 1052-  
tis, 1053-  
tis, 1054-  
tis, 1055-  
tis, 1056-  
tis, 1057-  
tis, 1058-  
tis, 1059-  
tis, 1060-  
tis, 1061-  
tis, 1062-  
tis, 1063-  
tis, 1064-  
tis, 1065-  
tis, 1066-  
tis, 1067-  
tis, 1068-  
tis, 1069-  
tis, 1070-  
tis, 1071-  
tis, 1072-  
tis, 1073-  
tis, 1074-  
tis, 1075-  
tis, 1076-  
tis, 1077-  
tis, 1078-  
tis, 1079-  
tis, 1080-  
tis, 1081-  
tis, 1082-  
tis, 1083-  
tis, 1084-  
tis, 1085-  
tis, 1086-  
tis, 1087-  
tis, 1088-  
tis, 1089-  
tis, 1090-  
tis, 1091-  
tis, 1092-  
tis, 1093-  
tis, 1094-  
tis, 1095-  
tis, 1096-  
tis, 1097-  
tis, 1098-  
tis, 1099-  
tis, 1100-  
tis, 1101-  
tis, 1102-  
tis, 1103-  
tis, 1104-  
tis, 1105-  
tis, 1106-  
tis, 1107-  
tis, 1108-  
tis, 1109-  
tis, 1110-  
tis, 1111-  
tis, 1112-  
tis, 1113-  
tis, 1114-  
tis, 1115-  
tis, 1116-  
tis, 1117-  
tis, 1118-  
tis, 1119-  
tis, 1120-  
tis, 1121-  
tis, 1122-  
tis, 1123-  
tis, 1124-  
tis, 1125-  
tis, 1126-  
tis, 1127-  
tis, 1128-  
tis, 1129-  
tis, 1130-  
tis, 1131-  
tis, 1132-  
tis, 1133-  
tis, 1134-  
tis, 1135-  
tis, 1136-  
tis, 1137-  
tis, 1138-  
tis, 1139-  
tis, 1140-  
tis, 1141-  
tis, 1142-  
tis, 1143-  
tis, 1144-  
tis, 1145-  
tis, 1146-  
tis, 1147-  
tis, 1148-  
tis, 1149-  
tis, 1150-  
tis, 1151-  
tis, 1152-  
tis, 1153-  
tis, 1154-  
tis, 1155-  
tis, 1156-  
tis, 1157-  
tis, 1158-  
tis, 1159-  
tis, 1160-  
tis, 1161-  
tis,

mus. Deus deleturus mundum per diluvium, visus est Noe, ut Propheta, ex Augustino de *Civitate lib. 18. cap. 38.* predicante poenitentiam, & mundi destructionem secuturam per diluvium, nisi poeniterent, & salvandos esse eos tantum, qui in Arca, quam formabat, reperiendi erant: ac formatio Arce duravit per annos centum, nam ut ex Sacra Scriptura docet S. Augustinus de *Civit. lib. 15. cap. 27.* cepit eam fabricare etatis sue anno 501. & diluvium accidit anno etatis sue 601. ut etiam Salianus notavit in Noemo. Igitur non semel, aut bis, aut centies, sed plusquam millies, & ultra, per Noe Deus vocavit ad poenitentiam, totam gentem illam peccatricem in peccatis sensus habituata.

540. Idem dicendum de Aegyptijs, ipsorumque Rege *Cencres Pharaone*: totum enim populum illum, ac Regem per Moysen, & Aaron ad sui obedientiam, & cultum vocavit, & vocationem tot miraculis, decem scilicet plagarum, confirmavit. Hæc autem miracula per annum integrum patrata sunt: & ut supra dixi de Samaritis, ipsisque Iudæis, cum Deus illos corrigendo per Prophetas ad poenitentiam vocavit, non semel, aut bis, sed sæpissimè Prophetæ illis locuti sunt.

541. Idem dicendum de Regibus Caldeorum, Persarum, ac Medorum in Babilonia regnantibus, nempe Nabuchdonosore, Balthasare, Dario, & Ciro. Cum enim sub illis Iudæi transmigrati per annos 70. manserint, multis miraculis Deus vocare visus est Reges illos, ac eorum populos. Etenim quatuor pueri Iudæi, Ephebi Nabuch, ne cibis immolatis contaminarentur, rogarunt nutrirī leguminibus, atque

Exemplum  
de lege natura.

Centum annis duravit  
formatio  
Arce.

Exemplum  
de Aegyptijs

Exemplum  
de Caldeis

Miracula  
corā Cal-  
deis facta .

דניאל  
והחמשה  
עשר  
הנערים

תלמוד  
בבלי

Multa pro  
Caldeorū  
vocatione  
exempla .

aqua; & tamen post decem dies, *vultus eorum ap-  
paruerunt pulchriores, & corpulentiores ijs, qui ve-  
scebantur cibo regio*: tres ex ijsdem nolentes iuxta  
fidem Mosaicam adorare statuam Nabuch, inie-  
ci in ardentem fornacem, illæsi seruari sunt, &  
flamina combussit Ministros eam incendentes:  
qua de causa Nabuch sub pœna capitis prohibuit  
blasphemari Deum Iudæorum: & tamen infidelis,  
ac Idolatra cum suis permansit. Daniel pluribus  
signis, ac miraculis quatuor illos præfatos Reges  
docuisse videtur fidem veri Dei; primò dum cum  
alijs tribus leguminibus, & aqua tantum nutri-  
tus pulchrior, & corpulentior apparuit ijs, qui  
cibo regio vescebantur. 2. cum ex Dei reuelatio-  
ne manifestauit Nabuch visionem statuę ex diuer-  
sis metallis composita, quam Rex in somno ha-  
buerat, eamque illi declarauit, quòd significabat  
Imperium; seu Dominium, quod successit di-  
uersis Nationibus post Nabuch contingere debe-  
bat; & quòd lapis ille, qui sine alicuius opera  
ex altissimo monte euulsus, cadensque super pe-  
des statuę eam comminuerat, ipseque lapis cre-  
uerat in montem immensum, significabat Mes-  
siam de Cælo sine humano opere conceptum ven-  
turum, & dominium Romanorum subiugati-  
rum, eiusque fidem, ac potestatem totum mun-  
dum peruagaturam. 3. cum eidem Nabuch ex-  
plicauit aliam visionem arboris ramos expanden-  
tis per totam Asiam, fructus pulcherimos af-  
ferentis; & vidit bestias terræ sub ea pastentes, &  
anes cœli super ea commorantes; deinde San-  
ctum de cœlo descendere, ac dicere *succidite ar-  
borem, & dissipate illam; attamen germen radicum  
eius in terra dimittite*: Et Daniel explicauit, arbo-  
rem illam esse dominium Nabuch, quod ex Dei  
iudi-

iudicio erat ei ad tempus auferendum, & post annos octo eidem restituendum. Et sic accidit; quia mente captus, ab hominibus segregatus in desertis cum feris habitauit, fœnum, vt Bos comedit; deindè ex Dei misericordia ad se rediens, regimen reassumpsit. Propterea consilium ei dedit, vt *peccata sua eleemosinis redimeret*; quod non legitur fecisse. Ecce quoties Deus excitauit Regem illum, suumque populum: hæc omnia iam viderat, & audierat Balthasar filius Nabuch; & tamen cum suo populo in Idolatria prosequabatur: & Deus iterum per Daniele[m] eum, Optimatesque Regni excitauit, dum in solemn[i] conuiuio cum Regni Principibus profanans vasa Templi, quæ pater suus ab Ierusalem attulerat; in muro aulæ conuiuij apparuerunt digiti scribes, *Mane, Thecel, Phares*, quæ iuxta Danielis explicationem significabant finem sui Regni, sueque vitæ, & tamen nihil ex illa excitatione profecit, sed conuiuium prosecutus, vino tandem temulentus eadem nocte per Dariu[m], vita, ac Regno priuatus fuit. Hæc omnia, quæ diximus, sciuit Darius successor; & alia duo vidit ex Daniele stupenda miracula; ex persecutione, siquidem aulicorum, Daniel ob veri Dei fidem bis in lacum Leonum missus, illæsus inde euasit: primò cum Sacerdotum Idolorum fraudem prodidit, qui dicebant suum Idolum comedere; at ipsimet noctu in cauea sub altari cibos immolatos comedebant, deindè draconem à populis adoratum incendit. Secunda autem vice, cum contra edictum Regis, ne per certum tempus aliquod Numen oraretur, præter Regem, accusatus fuit Daniel, quod oraret conuersus ad Ierusalem, & tunc in lacum Leonum missus, à Deo protectus fuit, ne à Leonibus

Nabuch  
pluries vo-  
catus cum  
suo populo

Balthasar  
pluries vo-  
catus.

Darius plu-  
ries voca-  
tus.

lēderetur, & visitatus à Propheta Abacuch, quem  
Deus per Angelum capillo capitis sui asportari  
fecit è Iudæa in Babilonem cum prandio, quod  
mellioribus ferebat: & viso miraculo illæſionis à  
Leonibus, Rex educto Daniele de lacu, statim  
in illum immitti iussit Danielis accusatores, quos  
antequam ad lacu pavimentum pervenirent, Leo-  
nes lacerarunt, ac deuorarunt: alia Danielis fa-  
cta omitto. Ecce quot vicibus Deus Reges illos,  
populosque Caldeos, Medos, ac Persas excitauit  
ad cognoscendam, atque credendam Iudæorum  
fidem.

542. Sed à factis Veteris Testamenti tran-  
seunt ad facta post euulgationem Noui, tot vi-  
cibus noscimus, Deum excitasse Regulos, Impe-  
ratores, & omnes Gentiles Populos; quot mar-  
tiria, & miracula in Dei seruis illi conspexerunt  
ex quibus miriades hominum, ipsiue iudices, at-  
que carnifices conuersi sunt ad fidem; cæteris au-  
tem excitatis, ac inspiratis respuentibus, & in  
sua perfidia remanentibus. Omnes autem præ-  
dicti Reges, Principes, ac Populi, vel proprio, vel  
alieno auditu, Christi, ac Sanctissima Trinitatis  
fidem à martiribus illis prædicari audierunt, eam-  
que reiecerunt. Alias autem immediatas Dei ex-  
citationes, seu excitationes, ac inspirationes in-  
fidelium eis immisas, siue per recordationem ra-  
tium prædicationum; siue per sufficientiam mar-  
tiriorum, ac miraculorum ab eis patratorum; si-  
ue alio modo à Deo immediate in eorum animas  
immisas, ego nequeo referre; quia nescio; ipsi  
sciunt: hoc vnum scio, & firmiter credo, quod  
Deus diues est in misericordia; & miserationes eius  
super omnia opera eius; adeoque existimo, quod  
sepe infideles omnes, aliquibus modis mediæ

Duo mira-  
cula vidit.

quod dicitur  
in libro  
Iudæorum  
Iudæorum

Exempla  
plurium vo-  
cationum  
earumdem  
personarum  
ex Novo  
Test.

quod dicitur  
in libro  
Iudæorum  
Iudæorum



ac immediate ad fidem veram excitet, ac inspirat; ipsi autem excitationes, ac inspirationes respiciant, ac reijciant: Sibi imputent, & in se recipiant. **543.** Tandem (quamvis de vno populo incredulo sepiissime à Deo vocato ad fidem, ac penitentiam) insignem locum habemus Isaiæ 53. 21. quo postea vsus est Paulus Rom. 10. 12. Isaias ex parte Dei contra populum ab initio, & semper Deo rebellē idolatrantem, & contumacem, ait. *Ecce ego ad Gentes, quæ non inuocabant nomen meum, expandi manus meas tota die ad populum incredulum,* (Paulus loco citato addit, & contradicentem) *qui graditur in via non bona post cogitationes suas.* Populus, qui ad iracundiam prouocat me, ait, & faciem meam semper; qui immolant in hæræis, & sacrificant super lateres, qui habitant in sepulchris, & detubris idolorum, &c. Glos. ord. tota die, inquit, ei benefaciendo ex quo illum eduxi de Ægypto. Incarnatus quoque infirmitates eorum curauit, & mortuos suscitauit, paucis paucis eos paui: ipsi tamen semper fuerunt increduli. Glos. Tyr. tota die, ait, ab antiquo usque ad præsens per Prophetas, postea per meipsum. & V. expandi manus meas, dicit, volens ad me trahere: & ideo per Isaiam cap. 5. 5. de eo populo sub vineæ nomine conqueritur, iudicat, iudicatur, & vineam meam: quid debui ultra facere vineam meam, & non feci ei? multoties ergo, multisque visibilibus, ac inuisibilibus modis incredulam, & contradicentem Nationem ad veram fidem, & penitentiam excitauit, & vocauit. Idem autem de alijs populis incredulis, vt supra aliquaticus patuit, circa pertinentia ad salutem, puta fidem, & penitentiam dicendum est. Non enim Deus fuit, aut est vnus populi, aut Nationis tantum Deus, & Creator, & ac Pater, sed omnium

Dei misericordia  
in se recipiant

Ex S. Scrip.  
Deus pluries vocat  
incredulos

Exemplum  
plurium  
vocationum  
eiusdem  
populi  
ex Noe  
Test.

Ex probat  
Deus incre-  
dulis mul-  
tas vocatio-  
nes.

De alijs  
Nationibus  
idem dic-  
tum.

nium Populorum, ac Nationum; nullamque Nationem sine remedio ad salutem necessario reliquit: ac proinde si populo Indaeico multiplicem vocationem existimauit necessariam ad salutem; ita pro alijs necessariam existimasse dicendum est, eamque pro sua benignitate omnibus imper-  
tuisse.

Tenendum  
quod fide-  
lius vrget  
tibus præ-  
ceptis Deus  
largiatur  
gratiam  
sufficientem.

544. Dico 7. De fidelibus loquendo, siue iu-  
tis, siue peccatoribus, tenendum censeo, quod  
dum vrget obseruantia diuini, vel Ecclesiastici  
præcepti, vt hoc possit obseruari, *sicut oportet*,  
Deus semper gratiam sufficientem impartitur.

Vt obser-  
uentur fi-  
cut oportet

545. Declaratur hæc conclusio, antequam  
probetur: & declaratio notanda est, quia ab ea  
dependent plurimum dubiorum solutiones: scien-  
dum ergo, quod contingere potest, vt præcepta  
diuina, vel Ecclesiastica duplici modo obseruen-  
tur; nempe *sicut oportet*, & *aliter quam oportet ad  
salutem*. Tunc obseruantur, *sicut oportet*, ad sa-  
lutem, quando obseruantur propter Deum, vt sci-  
licet obseruatio placeat Deo, sicut in suo loco  
declaraui; quia, ait Apostolus, *finis legis est cari-  
tas*, & hoc modo Christus Dominus semper o-  
perabatur inquiens Ioann. 8. 10. *Quaecumque sunt  
placita Patri, hæc facio semper*. Tunc verò obser-  
uantur *aliter quam oportet*, quando non ex fine  
placendi Deo, sed ex vana gloria, vel politico,  
alioue mundano fine positio obseruantur. V.g.  
loquendo de diuinis negatiuis præceptis; aliquis  
non occidit, non furatur, non mæchatur, &c.  
non vt obsequium obedientiæ præstet Deo ea  
præcipienti, sed solum, vt apud Principem, vel  
populum nomen bonum acquirat, & inde ad ho-  
nores, ac dignitates promoueat: vel ea obser-  
uat, vt effugiat penas contra ea delicta statutas; nã

*Oderunt peccare boni virtutis amore ;  
Oderunt peccare mali formidine pœnæ :*

Sic etiam dicendū est de præceptis diuinis positiuis, de cultu Dei, de honore parentū, &c. Quò verò ad Ecclesiastica eadem distinctio est: quidā sanctificant Festa; Sacramentum Pœnitentiæ, & Eucharistiæ suscipiunt propter Deū, vt Deo placeant: quidā verò propter mundū ad cāptandā vanam gloriam, vel ad effugiendas pœnas contra omittentes statutas. Illi qui præfata præcepta obseruant propter Deum, obseruant, *sicut oportet*, qui verò propter mundum, seu prauum finem, dico, quòd obseruant quidem, sed aliter, quā oportet: & ad obseruandum primo modo, id est, vt possint sic obseruari, Deus semper concedit gratiam sufficientem; & si ista non reijcitur, concedit efficacem ( iuxta sua inscrutabilia decreta ) per quam impletur obseruatio præceptorum, *sicut oportet*: ad alium verò obseruandi modum, non concedit gratiam sufficientem, per quam possit quis eo modo obseruare: sed concedit ad non sic obseruandum; illuminat, excitat, ac inspirat, vt abstineat, & alio modo obseruet. Hoc posito

546. Probatur nunc conclusio. Nisi adesset gratia sufficientis, quando obseruanda sunt Dei præcepta, *sicut oportet*, præcepta essent impossibilia. Sed non sunt impossibilia; immò non grania, ex Epistol. 1. Ioannis dicentis in cap. 5. *Mandata eius grania non sunt*; sed vt ait Saluator, Matth. 11. *leuia. Iugum meum suauē est, & onus meum leue*. Et Concil. Trident. sess. 6. cap. 11. sententiam asserentem, quòd Deus præcipit impossibilia, vt anathema damnatam dicit à Patribus, & subdit Augustini dictum, *Deus non iubet*

Quid sit ob  
seruata, a-  
liter quam  
oportet.

Ad obser-  
uandum vt  
oportet  
dat Deus  
gratiam.

De precepta ex Dei gratia non sunt impossibilia.

Absurdum, quod sequitur.

Arguatur 2.  
unde

ber impossibilia; sed iubendo monet, & facere quod possit, & petere quod non possis, & adiuvat, ut possis. Anteced. prob. Sine gratia Dei excitante, ac inspirante, mandata Dei impossibilia sunt observari, sicut oportet; & cum illa sunt possibilia, ut ipsummet Concilium loco citato asserit, inquit: qui diligunt Deum sermones eius servant, quod utique cum divino auxilio prestare possunt. Hoc docuerant duo Concilia, Milenitanum canon. 5. Africanum canon. 8. in quibus decernitur, quod indigemus gratia, ut possimus operari: ista autem sufficiens est, qua possumus bene operari; efficax verò est, quæ facit operari, ut in suo loco diximus: igitur si urgente præcepto non daretur homini gratia sufficiens, scilicet excitans, ac inspirans ad operandum, præceptum esset impossibile.

§47. Prob. 2. paritate actuum disponentium ad iustificationem, qui sine gratia ista excitante, ac inspirante fieri non possunt, ut oportet. Ait enim Concil. Tridentin. sess. 6. canon. 3. Si quis dixerit sine præueniente Spiritus Sancti inspiratione, atque eius adiutorio, hominem credere, sperare, diligere, ac panitere posse, sicut oportet, ut ei iustificationis gratia conferatur; anathema sit. Ergo idem dicendum de observantia præceptorum, sicut oportet, nam ea in iustis disponit ad augmentum gratiæ, & gloriæ: in peccatoribus verò disponit ad poenitentiam, & iustificationem. Si enim peccator observat præcepta propter Deum, ut scilicet ei obediat, ac placeat, signum est, quod diligit eum, vel diligere illum incipit; ait enim Saluator Ioann. 14. 15. si diligitis me mandata mea servate: ergo à posteriori, qui servat mandata propter Deum, illum diligit: & sic in utroque

que hæc obseruantia præceptorum, *sicut oportet*, præquirat gratiam sufficientem, ut possit fieri; efficacem verò, ut fiat, ut in suo loco diximus.

548. Prob. 3. experientia, tam iustorum, quam peccatorum; & quisque, qui aliquando fuit in alterutro statu, expertus est, quòd urgente præcepto, siue aliquo externè hortante, siue solo Deo internè loquente, excitationem, & inspirationem habuit ad implendum præceptum, quod Deus iubet; & si non reiecit inspirationem, sed implevit, nedum sufficientem habuit gratiam, sed efficacem quoque: si autem non implevit, vel ob vanam gloriam, aliumve mundanum finem implevit, reiecit inspirationem, ut propter Deum, & sicut oportet, impleveret.

549. S. Augustinus in psalm. 56. inquit. *Non imperaret hoc Deus, ut faceremus, si impossibile iudicaret, ut hoc ab homine fieret. Si consideras infirmitatem tuam, deficis sub præcepto; confortare in exemplo, sed etiam exemplum multum est ad te: adest ille, qui præbuit exemplum, ut præbeat & auxilium.* Neque aliter cogitare possumus de bonitate, ac misericordia Dei, ut nempe imperaverit nobis ea, quæ viribus nostris facere non possumus; nam ita prorsus accideret, ac si cæco, & pedibus orbatò præciperes; ut ambularet, & recto tramite ambularet. De fide autem est, quòd sine Dei gratia nemo potest opus bonum ad salutem conducens operari; quod quidem ante omnes Sanctos Patres, & ante omnia Concilia docuit ipsemet omnium Conciliorum author Christus Dominus, Ioann. 15. *sine me nihil potestis facere.* Cum ergo implenda sunt præcepta, *sicut oportet*, id est, non materiali modo, sed ut ad sa-

Arg. ab ex.  
periquia.

non potest  
quæ sit  
aliter

substantia  
epi boup  
vultu

S. August.  
ratio.

litem conducentia, vt possit homo facere, ne sibi reudatur impossibile quod præceptum est, adest Deus præbens sufficientem gratiam illuminationis, ac inspirationis, per quam constituitur potens exequi; & si non respuit, habet à Deo adiutorium, quo etiam faciat, seu exequatur: Deus enim, qui incipit, nisi homo deficiat, dat velle, & perficere; ex Tridentin. sess. 6. cap. 13.

350. Dico 8. Cùm adest vehemens tentatio contra aliquod Dei præceptum, tenendum censeo, quòd Deus præbeat tentato sufficientem gratiam, per quam possit tentationi resistere, eamque vincere.

351. Prob. eisdem argumentis, quibus probata est præcedens conclusio. quia urgente tentatione contra præceptum, vrget obseruantia præcepti, idque est necessaria gratia illa, per quam quis possit implere præceptum, & sine qua non potest: nihilominus probatur etiam alijs argumentis. In 1. Corinth. 10. 13. asserit Apostolus, quòd Deus dat auxilium in tentationibus, vt possim resistere, & non succumbere. *Fidelis autem Deus est, qui non patietur vos tentari ultra id, quod potestis, sed faciet etiam cum tentatione prouentum, vt possitis resistere.* 2. Tentationes vinci non possunt sine gratia Dei, ex Concilio Diospolitano canone 12. & ex Cælestin. 1. Epistol. 1. cap. 6. Quilibet enim in semetipso experiri potest, quòd dum grani aliqua tentatione premittitur, excitatur, & inspiratur à Deo, vt ei resistat, & petat à Deo immediatè, vel Sancti alicuius Aduocati inuocatione, vt eam superet. Quòd si tunc à passione aliqua concupiscentiæ, vel iracundiæ agitur, excitationem, ac inspirationem resistendi, & auxilium

Tenendum  
quòd vrget  
tentatio.  
ne Deus  
dat gratiā  
sufficientē.

Ex Aposto-  
lo.

Sine gratia  
tentatio  
vinci non  
potest.



inuocandi non curat, reijcit, ac respuit, succumbit: ideo quotidie, & sæpe petimus à Deo, *ne nos inducas in tentationem*, id est, non permittas nos à tentatione superari; sed fac, vt nos eam superemus, ac vincamus. Prestò ergo est benignissimus Deus, cum à Demone, vel à nostris concupiscentijs tentamur, illuminans, ac inspirans, vt resistamus, & ab eo adiutorium petamus, vt vincamus; & cum ex corde petimus, ex eius adiutorio vincimus; si autem petere omittimus, vincimur. Cauendum tamen est, ne solo ore petamus, sicut monet Augustinus, & de se ipso fatetur aliquando sic petiisse; *Petebam Domine, vt auferres à me concupiscentiam, sed solo ore; verebar enim, ne me exaudires, & auferres à me concupiscentiam, quam expleri malebam potius, quam extingui.*

552. Dico 9. Tenendum censeo, quòd ad vitandum nouum peccatum, *sicut oportet*, Deus cuiuslibet prestat auxilium sufficiens.

553. Prob. eisdem argumentis de impossibilitate: Nam abstinencia à peccatis à Deo precepta est, & peccatorum commissio incessanter in Sacra Scriptura prohibita est. Cum ergo cadat sub præcepto, vt in actu poni possit, est necessaria gratia sufficiens, per quam homo potest, & sine qua non potest; quia ait Saluator, vt sæpe dictum est, *sine me nihil potestis facere*; frustra autem præciperetur abstinencia à quouis peccato, nisi homo haberet à Deo vires ad posse resistere: quia sic præciperetur aliquod impossibile; quod à Deo alienum esse de fide tenendum est.

554. Dixi, & semper replicabo, *sicut oportet*; quia si aliquis abstineret à nouo peccato furti, adulterij, calumnie, &c. propter vanam, ac

Toto corde  
orantis est  
Deus, vt au  
diat. . . . .  
A . . . . .

Ad vitan  
dū nouum  
peccatum.  
Deus dat  
auxilium  
sufficiens.

mundanam gloriam, vel ob finem alium temporalem ad sic faciendum gratia sufficienti non indigeret; quamvis etiam istam, ut mox dicam, experiretur; ut scilicet ob finem bonum abstinere, quamquam eam rejiceret: ob finem siquidem supernaturalem Deus largitur supernaturale donum gratia, non ob naturales, & praesertim prauos fines.

555. Confirmatur experientia. Quilibet peccator, & maxime Christianus, & Catholicus, dum est in propinqua occasione patrandi nonnum peccatum, si verum fateri velit (ut plerique fatentur) experitur in se Synderesim, seu conscientiae remorsum, & monitionem quamdam ne offendantur Deus, seu ne praecipuum violetur, dum agitur de peccatis occultis: & quando agitur de publicis, interdum Deus praeter internum, quem immitit conscientiae remorsum, ac illuminationem, & inspirationem, ne patretur peccatum, quo offenditur Deus, permittit externè etiam per aliquem moneri, ne peccet. Quotidiana autem experientia docet, benignissimum Dominum, nullam praetermittere occasionem, in qua homo tenetur bonum facere, & à malo abstinere, quin prestò sit cum sua gratia illuminando, & inspirando ad faciendum bonum, & ad abstinendum à malo: & hoc certè modo existimo intelligendum illum Apocalipsis locum, *ego sto ad ostium, & pulso*, & alia Sacrae Scripturae loca, in quibus commendari legimus Dei assistentiam ad illuminandum, & inspirandum homines ad faciendum bonum, & cauendum à malo; intelligenda inquam sunt in sensu accommodato, quando scilicet adest necessitas, regulariter loquendo; nam de bonis supererogatorijs loquar postea. Nunc aut

Ad vitandum sicut oportet est necessitas.

Deus praestae auxilium sufficiens, dum adest necessitas.

ob id

rem de bonis præceptis, & de malis prohibitis loquuntur; pro quibus sequendis, ac vitandis gratia est necessaria, ut exequi, & vitari possint; ne talium executio sit impossibilis; & ita intelligendum *Concil. Senonense cap. 15.*

556. Dico 10. Tenendum etiam est, quod ut possit homo exercere opera quaecumque consilij, ac supererogationis, sicut oportet, Deus elargitur gratiam sufficientem.

557. Prob. eisdem argumentis; quia cum ad ea sic facienda natura potestatem non habeat, nisi Deus concedat posse, opera illa essent impossibilia; igitur neque sub consilio cadere possent; frustraneum enim esset Dei consilium de re impossibili.

558. Prob. 2. Specialiter de consilij, ac supererogationis (id est non præcepti) opere, ex *Concil. Atrans. 2. canon. 11. Gratia Dei est causa, cur quis voteat*. Votum autem est opus consilij; ergo. Consequentia est evidens: nam actu votum est effectus gratiæ efficaci; hæc autem sufficientem semper supponit, ut sibi connexam, non è contra. Dum enim quis opus bonum, siue præcepti, siue consilij facit, gratiam habet, quæ illuminat, ac inspirat, estque sufficiens, & habet gratiam facientem facere, quæ, ut sæpè dictum fuit, est efficax.

559. Prob. 3. Experientia. Omnes, qui se disponunt ad consilia exequenda, siue postea exequantur, siue non, experiuntur se, vel ex lectione alicuius libri spiritualis, aut canonici; vel ex auditione alicuius Concionatoris, aut alterius de operibus consilij loquentis, internè vocari, seu invitari ad illud exequendum; & si exequitur ex gratia efficaci id habent: si verò non exequi-

Ad exercenda opera consilij est necessaria gratia sufficiens.

Concil. Atrans.

Experientia id docet.

exequitur ex motiua aliquo retrahente; & faciente reijcere vocationem, iam eam expere sunt se habuisse.

§ 60. Dixi, & sæpe replico, vt possit exequi, sicut oportet, quia plures mundani ad opera consilij, & supererogationis se accingunt, & faciunt, non sicut oportet, id est, propter finem pietatis, & alteriusue virtutis, sed propter mundanum finem: v. g. quis ingreditur Religionem, vt ei subueniatur de victu, ac vestitu, quibus in saeculo carebat; vel quia ex capite sedandæ inimicitie inter duas familias fuit obligatus ingredi Religionem; vel vt per ingressum Religionis fiat capax alicuius dignitatis, quam habere non poterat in saeculo. Sic & puellæ, quæ Moniales fiunt ex vi, aut metu, saltem reuerentiali, vel alio fine seculari: sic qui sunt Clerici, vel vt se retrahant à iurisdictione Principis secularis, & licentiosius viuant, vel vt Gabellas, & impositiones secularium effugiant: sic qui itinera peregrinationum longinquarum assumunt, solum vt vxoribus, vel parentibus rem ingrätam faciant; &c. hi, inquam, & similes, qui consilij, & supererogationis opera decernunt facere, vt sic, seu istis modis faciant, non egent gratia sufficiente, nee Deus ad his modis faciendū inspirat: sed existimo quidem, quod inspiret eos omnes ad ea opera assumenda ex motiuis virtutum Religionis, ac pietatis, vt ea opera profint eis ad salutem; licet ad hæc motiua virtutum illi non reflectant, sed proprium sensum, propriamque passionem sequantur. Nihilominus pariter existimo, quod cum benignissimus Dominus stet ad ostium, & pulset eosdem, qui modum illum viuendi ex fine illo naturali, aut indifferente, aut non bono, seu non

Ad exequendum sicut oportet, Deus dat gratiam sufficientem, vt possit.

Nō dat ob alia motiua mundana.

Etiamsi quis malo fine incipit illuminatur ne prosequatur.

ex fine placendi Deo aggressi sunt, progressu temporis illuminet, ac inspiret, ut quod sine Dei motu aggressi sunt, ex eius motu saltim progrediantur. Et sic accidere expectantur, & contententur eiusmodi homines, ut ab aliquibus audiui, qui Religionem ingressi nihil de Deo, aut pietate cogitantes, at propter Deum excitantem, & adiuvantem postea persecuti, verum ac magni Dei servi evaserunt.

561. Dico II. Tenendum etiam est, quod omnibus iustis Deus concedit gratiam sufficientem, ut possint in iustitia, ac sanctitate perseverare, tam ad tempus, quam finaliter.

562. Prob. facile ex hucusque dictis: primo, quia posse perseverare in iustitia, seu gratia idem est ac posse abstinere à malo, posse adimplere precepta, posse superare tentationes ad malum inducentes: sed ex supradictis ad posse hæc omnia facere datur gratia sufficiens; ergo ad posse perseverare in iustitia, seu sanctitate (gratia nempe sanctificante) datur gratia sufficiens.

563. Prob. 2. De perseverantia in iustitia, seu sanctitate datur preceptum. Si autem Deus non largiretur posse, cum natura ex se non habeat tale posse supernaturale, preceptum illud esset impossibile. Anteced. prob. ex Matth. 10. 22. & ex eodem 22. 13. *Qui perseveraverit usque in finem hic salvus erit.* Omnia autem, quæ ad salutem sunt necessaria, precepta sunt: igitur si perseverantia est ad salutem necessaria, sub precepto cadit. Si autem non adsit in nobis posse, erit impossibilis.

564. 2. Prob. 3. Ad hoc facit damnatio primæ propositionis Iansenij, in qua dicebatur, *Quod aliqua Dei precepta iustis volentibus, & conanti-*

supra hoc  
non mut  
e. 2010  
106 p. 101

Deus dat  
gratiam  
sufficientem,  
ut iustus  
possit per-  
severare.

Perseverā-  
tia præcep-  
ta est.

non  
aliam  
non  
impossibile  
non  
supra

Ex damna-  
tione pri-  
mæ propo-  
sitionis 12.  
sentij arg.

*bus sunt impossibilia, deest eis quoque gratia, quæ  
possibilia sunt, quæ damnata fuit tamquam Hæ-  
retica. Si autem non daretur iustis gratia ad pos-  
se perseverare in gratia per fugam peccatorum,  
& per adimpletionem præceptorum, fierent im-  
possibilia eis hæc mandata. Ergo dicendum est,  
quod iusti pro omni tempore, quo possent à in-  
iustitia, ac sanctitate cadere, habent posse non ca-  
dere, alioquin, si non haberent posse, idest gra-  
tiam, per quam possent, obligarentur ad impos-  
sibilia.*

Ex Concil.  
Trident.  
multa de  
hac re con-  
sideranda.

363. Prob. 4. ex Concilio Tridentino, mul-  
ta de perseverantia docente, quæ magna conside-  
ratione digna sunt, & ad rem nostram faciunt.  
*In sess. 6. cap. 13. dicitur. De munere perseveran-  
tia, de quo scriptum est, qui perseveraverit usque  
in finem, hic saluus erit, quod quidem aliunde ha-  
beri non potest, nisi ab eo, qui potest eum, qui stat,  
statuere, ut perseveranter stet, & eum qui cadit re-  
stituere; nemo sibi certi aliquid absoluta certitudine  
polliceatur: tametsi in Dei auxilio firmissimam spem  
collocare, & reponere omnes debent, Deus enim,  
nisi ipsi eius gratiæ defuerint, sicut capit opus ho-  
num, ita perficiet, operans velle, & perficere: &  
postea in canone 22. sic habetur. Si quis dixerit  
iustificatum, vel sine speciali auxilio Dei in accep-  
ta iustitia perseverare posse, vel cum eo non posse,  
anathema sit. Plura hic notanda: primo, quod  
actualis perseverantia sit Dei donum, & à gra-  
tia faciente facere proveniens, quia actu poni-  
tur. 2. quod Deus incipit hoc opus, & quod si  
iustus non defuerit gratiæ eius, perficiet: at Deus  
incipit excitando, & inspirando, ista ergo gra-  
tia præcedit, quam si iustus non rejicit, Deus  
cum eo perficit. 3. quod iustus non potest per-  
seue-*

Actualis  
perseveran-  
tia est Dei  
donum.



seuerare, sine speciali Deo auxilio: igitur cum  
perseuerantia, tamquam necessaria ad salutem,  
præbipiatur; & sine Dei auxilio, quod potest ho-  
mo iustus reijcere, hic non possit eam ex se ha-  
bere, ne fiat ei impossibilis, Deus gratiam suffi-  
cientem concedit.

## §. Vnicus.

*Corollaria quedam ex precedentibus Capitibus*

*illata.*

566. **I**nfertur primò: Quòd datur quodam  
genus gratiæ dicte *sufficientis*, contradi-  
stinctæ ab efficaci: & licet hoc nomen in hoc sen-  
su fuerit gratiæ isti impositum paulò post initium  
præteriti sæculi; tamen quoad rem ab initio  
mundi, in Angelis scilicet, ac in Adamo exiit:  
deinceps verò in toto humano genere, quamuis  
non cum eodem ordine dimissionis, seu remis-  
sionis ad humanam voluntatem, ut ipsa det ei  
efficaciam, sicut Angelis, & Adamo fuerat con-  
cessum, ut in suo loco diximus; sed cum hoc  
ordine ad voluntatem, ut illam reijcere, seu re-  
spuere possit, si velit. Nomen ergo retinemus  
omnes, & conuenimus in significato, licet quo-  
ad effectum, seu efficiendi modum, sit contro-  
uersia. Dicimus ergo, quòd illa gratia dicitur  
*sufficiens*, per quam Deus excitat, seu illuminat,  
ac inspirat homines ad faciendum actum ali-  
quem conducentem ad salutem, siue per modum  
præcepti; siue per modum consilij, puta ad cre-  
dendum,

non est ex  
- in q. 100  
- 100 q. 100  
il. 100  
2. 100

100 1. 1  
- 100 1. 1  
- 100 1. 1  
- 100 1. 1  
- 100 1. 1

Nomē gra-  
tiæ sufficiē-  
tis nouum;  
sed res an-  
tiqua,

Quænam  
sit in x.

dendum, sperandum, diligendum Deum, ac proximum: ad poenitendum, & in iustis ad opera etiam supererogationis facienda: siue sequantur hæc opera, siue non sequantur, illa dicitur sufficiens; vt sequantur autem, requiritur alia gratia dicta efficax: illa ergo dicitur sufficiens, quasi in actu primo; quia dat posse facere; sine ea enim non potest quis illa opera facere, & cum ea potest, sed non facit sine efficaci gratia: hæc ergo quoad nomenclaturam, & officium gratie sufficientis ex dictis in proprijs locis.

§ 67. Inferitur 2. Verum, certumque est, quod Deus ex sua infinita benignitate, iuxta suam æterna decreta omnibus pro loco, & tempore concedit gratiam sufficientem ad posse operari salutis opera, tam infidelibus, vt ad fidem Catholicam veniant, quam fidelibus, vt opera præceptorum, & consiliorum faciant; & ex hominum defectu, qui reijciunt, ac respuunt gratiam illam, prouenire, quod efficacem non concedat, vt scilicet faciant quæ fuerant inspirata: & sæpè notandum admonui, quod Deus conqueritur de hominibus, non tantum, quia non consenserint vocationibus; nam iuxta Pauli doctrinam ad Philipp. 3. *Deus dat velle, & perficere*; & Saluator Ioann. 14. *Nemo venit ad me, nisi Pater meus, qui misit me traxerit eum*; sed sæpè conqueritur, quod homines respuunt, & reijciunt vocationem, seu gratiam sufficientem, propter quod ipse eos reijcit. Claræ sunt Scripturæ vtriusque Testamenti. Prouerb. 1. 4. *Quia vocani, & renuistis, extendi manum meam, & non fuit, qui aspiceret; ego quoque in interitu vestro ridebo*; & Christus Dominus Matt. 23. de hac reicientia vocationis cum Iudæis conqueritur. *Ierusalem,*

Omnibus  
Deus eam  
concedit.

Mulci eam  
respuunt:  
de his con-  
queritur  
Deus.

*Ierusalem quoties volui congregare filios tuos, quem-  
admodum gallina congregat pullos suos sub alas, &  
noluisti? Deinde comminatur eis mala ob eius-  
modi respuentiam: & Sanctus Stephanus, plenus  
Spiritu Sancto, ac fide, Act. 7. quasi de maximo  
peccato arguit Iudeos tunc presentes, & Patres  
eorum, quod Spiritui Sancto resistebant, inquires.  
Dura cernice, & incircumcisis cordibus, & auribus,  
vos semper Spiritui Sancto resistitis: sicut Patres  
vestri, ita & vos: de seipsis ergo doceant, non  
de Deo.*

568. Infertur 3. consequenter ad modò di-  
cta, quòd nisi admittatur, quòd omnibus fuerit  
concessa gratia sufficiens, non possunt cum sua  
proprietas explicari multa Sacra Scriptura loca,  
presertim duo illa mox relata, & alia in quibus  
exprobratur impijs, quòd ipsi sunt causa sue per-  
ditionis: nam Osee 1.39. dicitur. *Perditio tua  
ex te Israel: tantummodò in me auxilium tuum: &  
alibi, numquid voluntas mea est mors impij. 2. Pe-  
tri 3.9. de Deo ait. Nolens aliquos perire, sed  
omnes ad penitentiam reuerti.* Hoc etiam modò  
in aliquo sensu saluatur Pauli dictum, 1. Timot.  
2. 5. *Deus vult omnes saluos facere, & ad cognitio-  
nem veritatis venire: & quomodò Ecclesia in vna  
collecta Veneris Sancti pro Hereticis, &c. canit,  
Deus, qui omnes saluas, et neminem vis perire, & cetera  
similia dicta.* Cum enim neminem adultum sal-  
uet, aut iustificet, aut perseuerare faciat in iusti-  
tia, ac sanctitate, nisi per dona actualia gratia,  
vt in suis locis abundè cum Sacra Scriptura, &  
S. Augustino contra Pelagium probatum est: &  
experientia (supposita fide) notum sit, nec om-  
nes homines saluari, nec omnes iustificari, quia  
omnis infidelium turba non iustificata perit;

Christus  
de hac res-  
puentia  
conqueri-  
tur.

Omnino  
admitti de-  
bet gratia  
sufficiens;  
alias absur-  
da multa  
sequeren-  
tur.

Ratio cla-  
ra.

nec omnes iustificatos perseuerare usque ad exitum in sanctitate, euidenter concluditur, quod isti omnes gratiam efficacem pro predictis effectibus consequendis non obtinuerunt; & quamuis Deus (vt postea dicam) nulli teneatur ullam gratiam præbere; quia tamen ex suppositione, quod voluerit, vt dixi, homines mediante gratia saluare per preceptorum obseruantiam, quæ sine gratia obseruari nequeunt, *sicut oportet*, per necessariam consequentiam inferitur, quod omnibus conferat gratiam sufficientem ad posse prædictos effectus præstare: ob cuius sufficientis gratiæ reiectionem, repulsam, ac resistantiam aliã gratiã quæ efficax esset, non cõcedit: & sic iure merito Deus exprobrat, *vocauit, & renuisti, ex te perditione tua*: quasi dicat, nolui te perire; volui saluare, &c. tu restitisti quin facerem.

569. Inferitur 4. Supposita gratiæ sufficientis collatione pro omni hominum statu, & conditione, optimè intelliguntur duo præclara Concilij Tridentini loca, cur, & quomodo Deus deserat homines; vnum apertè pro iustificatis, aliud promiscuè pro omnibus. De primis in sess. 6. cap. 11. dicitur, *Deus namque sua gratia semel iustificatos non deserit, nisi prius deseratur*. Iustificatus autem Deum deserit, quando per alicuius præcepti positivi, vel negatiui inobseruantiam, peccat, quia debuit obseruare; at existens in gratia habituali, non potuit per eam solam obseruare præcepta, sed indiguit gratia, seu auxilio actuali, vt posset obseruare, & per hoc auxilium habet id, per quod fiat ei possibile ex *Constitutione Innocent. X. & Alexandr. VII.* Sed iustificati interdum peccant: igitur deseruerunt Deum, idcõque deserti fuere. At hæc ad iustitiam deser-

Duo præclara Concil. Trid. loca ad rē declarantur.

desertio iustificati provocans Deum ad illam  
deserendum, meo videri, non est ipsum peccatum;  
sed reiectio; ac respicientia auxilij sufficientis, ob  
quam Deus non prosequitur opus, quod incipit  
excitando, & inspirando, conferens efficax per-  
ficiendo quod incipit, vt mox dicam. De se-  
cundis promiscuis hominum conditionibus, in-  
iustificatis nempe, & non iustificatis, loqui videtur  
Concilium in eadem *sess. 6. cap. 13.* vbi, licet de  
Perseuerantiæ munere loquatur, vnum tamen  
ad rem nostram dicit omni vocato accommoda-  
tum, correspondens alteri dicto in *cap. 5.* de om-  
nibus etiam primò vocatis, ad iustificationem  
se disponentibus: in capite ergo 13. dicit: *Deus*  
*enim, nisi ipsi* (homines iusti) *illius gratia desue-*  
*rint, sicut capit opus bonum, ita perficiet, operans*  
*velle, & perficere.* Iusti autem, & quicumq; alij, non  
deficiunt gratiæ efficaci, quia hæc facit facere  
effectum, & coniungitur semper cum facto. Ergo  
deficiunt gratiæ sufficienti, eam vt diximus rei-  
cientes: & confirmatur ex verbis sequentibus,  
quia *Deus, qui incipit opus, nisi desuerint illius*  
*gratiæ, perficiet, operans velle, & perficere.* Sed  
Deus incipit opus bonum per excitationem, ac  
inspirationem ex *cap. 5. & 6.* mox adducendis;  
hec autem est sufficiens gratia: igitur, si hanc  
deserunt excitati, & inspirati, à Deo deseruntur,  
& opus bonum non perficitur. Sic puto discurren-  
dum, ni fallor.

570. In *cap. 5.* vbi de dispositionibus, ac præ-  
ludijs ad primam iustificationem per Baptismum  
obtinendam fit sermo, hæc habentur. *Ipsius in-*  
*iustificationis exordium in adultis, &c. à præueniente*  
*gratia sumendum esse, hoc est ab eius vocatione,*  
*&c. per eius excitationem, atque adiuuantem gra-*  
*tiam*

Quando  
iustificatus  
deserit  
Deum.

Quomodo  
reijci po-  
test gratia,  
& que ex  
Concil.

Quando  
homines  
desunt gra-  
tiæ, & cui.

Quomodo  
reijci po-  
test gratia,  
& que ex  
Concil.

tiam ad conuertendum se ad suam ipsorum iustificacionem, eidem gratiæ liberè assentiendo, & coopeperando adiuuantur, ita vt tangente Deo cor hominis per Spiritus Sancti illuminationem, neque homo ipse nihil omninò agat inspirationem illam recipiens, quippe qui illam & abijcere potest. Ecce quomodo vocati abijcere possunt; & innumeri, præcipuè infideles, de facto abijciunt inspirationem.

571. Inferitur 5. Quòd omni carent fundamento Doctores quidam, qui paucis abhinc annis negarunt dari gratiam sufficientem, cui voluntas resistere potest, & sæpè resistit, vt in toto hoc Opusculo probatum est, asserentes omnem gratiam efficacem; & hanc tantùm, non illam, nobis meruisse Christum. Elapsis annis, antequam eorum opera exactè perlegissem, excusabam eos, putans eorum sensum esse (sicut aliàs cum doctis Thomistis notauì) quòd omnis gratia in hoc sensu est efficax, quia aliquem, & proprium effectum habet; verbi gratia, Deus, vel mediante Concionatore, vel lectione alicuius libri, vel aspectu alicuius Martiris patientis pro fide, vel alio modo internè tantùm vocat, seu excitat, ac inspirat infidelem aliquem ad fidem; iste reiicit vocationem; tunc vocatio, seu inspiratio habuit effectum in vocato, ac inspirato, inspirauit enim, licet iste non consenserit: similiter peccator vocatur, & inspiratur ad pœnitentiam, reiicit vocationem, ac inspirationem, à sua concupiscentia distractus, ac illectus: item omnes, siue iusti, siue peccatores, vocantur, ac inspirantur ad exequenda diuina præcepta: si distracti ab alijs passionibus abijciunt inspirationes, istę iam suum effectum formalem inspirandi hauerunt: & sic loquendo de operibus consilij, vel supererogatio-

Decipiuntur qui negant gratiam sufficientem.

Quomodo sufficiens habet suū effectum.



gationis ; in hoc sensu bene diceretur, quod omnis gratia est efficax in genere suo. At prædici Doctores non sistant in hoc sensu, sed dicunt nullam gratiam internam dari, cui resistatur, aut resisti possit : & ideo dico eos carere omni fundamento ; tum quia in hoc sensu accepta sententia ista, iam damnata est in secunda propositione Iansenij ; tum etiam ; quia ex Sacris Scripturis iam patuit, dari gratias istas, quibus resistitur ; & tandem si possem colloqui cum aliquo istorum, qui negant gratias istas sufficientes vocationum, ac inspirationum, quas homines non sequuntur, sed rejiciunt, interrogarem illum, an aliquando expertus sit aliquas eiusmodi vocationes, siue circa observantiam præceptorum, siue circa observantiam consiliorum, aut supererogationum. Si diceret numquam habuisse, dicerem primò ei : Vel es excecatus, vel omnium infelicitissimus ; quia nemo hominum caret aliquibus hisce vocationibus. 2. dicerem ; si ex Dei beneficio non es excecatus, & Dei præcepta, & consilium aliquod, aut supererogatorium opus observas, quero an omnes diuinas vocationes, & inspirationes exequutus es, an non ; si sic ; igitur perfectus es ; quod dicere non potes, & quia *septies in die cadit iustus* ; & quia Ioannes inquit, *si dixerimus, quia peccatum non habemus, ipsi nos seducimus, & veritas in nobis non est* ; & nemo asserere potest se esse impeccabilem. Si verò diceret, vel quòd aliquando Dei præceptum violavit, vel inspirationes ad consilia, & supererogatoria opera non est secutus, iam confitetur, se gratiam illam habuisse, quam, *sufficientem*, dicimus ; eamque non fuisse secutum, sed respuisse : hanc ergo, quam expertus est, confiteretur ; & hoc mihi sufficeret.

Discursus  
moralis  
authoris  
conuincts.

Sine funda-  
mento im-  
pugnatur  
gratia sus-  
ficiens.

Sine gratia  
sufficiente  
nequit quis  
operari.

371. Inferitur 6. Nedum sine fundamento, sed in eo videri infulsè ab his sufficientis gratiæ hostibus probari negatiuam, eo quòd dicant hanc gratiam, *sufficientem*, dictam, ad nihil inferuire; & pro hac non esse mortuum Christum. Contra primum ergo dictum sic insurgo: Deum illud Dei, sine quo opus bonum, siue præcepti, siue consilij fieri non potest, dici non potest ad nihil inferuire, sed multum inferuit, & de potentia Dei ordinaria, ac secundum præsentem Dei prouidentiam est absolute necessarium: Talis est gratia, quam dicimus, *sufficientem*. Ergo. Minor plusquam centies probata hucusque fuit: quia sine diuina excitatione, seu illuminatione, aut vocatione (quæ idem sunt) ac sine diuina inspiratione nemo potest credere in Deum, diligere illum, aut sperare in eo, aut pœnitere, *sicut oportet*: hæc sunt verba Concilij Trident. sess. 6. canon. 3. dicentis. *Si quis dixerit sine præueniente Spiritus Sancti inspiratione, atque eius adiutorio, hominem credere, diligere, aut pœnitere posse, sicut oportet, vt ei iustificationis gratia conferatur, anathema sit*: igitur sine illa inspiratione non potest homo actus illos facere; & cum illa potest: & ita dici non potest, quòd ad nihil inferuiat, sed absolute necessaria est. Adde; quòd idem Concilium docuit in eadem sess. 6. cap. 5. *Ita vt tangente Deo cor hominis per Spiritus Sancti illuminationem, neque homo ipse nihil omnino agat, inspirationem illam recipiens; quippe qui illam & abijcere potest: neque tamen sine gratia Dei mouere se ad iustitiam coram illo libera sua voluntate possit. Vnde in sacris litteris cum dicitur: Conuertimini ad me, & ego conuertar ad vos; libertatis nostræ admonemur: Cum respondemus: Conuerte nos Domine ad te, &*

conuertemur. Dei nos gratia præueniri consistemur. Ecce quod est illa inspiratio præueniens Spiritus Sancti, per quam Concilium statuit posse hominem credere, diligere, sperare, ac pænitere: & sic homo eam recipiens potest abijcere, si velit: hæc autem est illa gratia præueniens, quam voco sufficientem. Præterea maxima Deo, & Christo Domino irrogat iniuriam, & blasphemiam, qui dicit talem gratiam, seu vocationem, ac inspirationem, cui non est coniunctus effectus, sed reijcitur, ad nihil inferuire, cum Deus etiam tales, qui eam abiecturi sunt, vocet, ac inspiret: Prou. siquidem 1. 4. de Deo dicitur. *Quia vocaui, & renuistis.* Item, *quadraginta annis proximus fui generationi huic, & dixi semper hi errant corde, ipsi verò non cognouerunt vias meas,* &c. Psalm. 49. & Christus ait, *Multi sunt vocati, pauci verò electi.* Item, *Ierusalem, Ierusalem, quoties volui congregare filios tuos, quemadmodum gallina congregat pullos suos sub alis, & noluisti?* & per totum triennium, & amplius prædicationis, & patrætionis miraculorum, quid aliud fecit, quàm continuè externè, & internè vocare? Quid fecit Deus per 18. Prophetas in Veteri Testam. reprehendens populos, & ad bonum hortans? nonnè semper vocauit? Quid facit nunc in toto mundo per Missionarios in partibus infidelium, & per ordinarios prædicatores inter fideles? & tamen non omnes eas vocationes sequuntur. Deus hoc præuidit ab æterno, & Christus quoque præuidit sic futurum; & tamen Deus vocauit, vocat, & vsque in finem mundi vocabit. Audebit proinde blasphemus quis dicere, Vocationes ad nihil inferuiunt, & Deus frustra gratias vocationis largitur? Adde quod in eodem Concilio Tridentino insuper habetur in

Ex S. Scriptura colligitur gratia sufficiens

Euidens discursus

Aug. A. 2.  
201193  
178-107  
Compro-  
batur ex  
Conc. Trid

642 DE GRATIIS ACTUALIBVS, &c.

eadem sess. 6. cap. 13. vbi de Perseuerantiæ munere est sermo, inter cetera dicitur; *Tametsi in Dei auxilio firmissimam spem collocare, & reponere omnes debent; Deus enim nisi ipsius gratiæ defuerint, sicut capit opus bonum, ita perficiet operans velle, & perficere*, &c. igitur Deus incipit cum auxilio præueniente opus bonum, cui auxilio sic præuentus potest deficere, illud nempe reiiciendo; quod si non deficeret, Deus cooperaretur perficiendo opus: quod clarè innuisse videtur S. August. in lib. 2. de pecc. mer. & remis. cap. 17. iniquiens. *Vt autem innotescat, & suaue fiat quod non deletabatur, gratiæ Dei est, quæ hominum adiuvat voluntates; qua ut non adiuvantur, in ipsis itidem causa est*: & paulò infra referens dictum Hieremix cap. 10. *Scio Domine, quia non est in homine via eius*, ait S. August. *tamquam diceret, scio ad correctionem meam pertinere, quod minus abs te adiuvetur*.

573. Et huc ex eodem S. August. lib. de Fide, & oper. cap. 17. & in lib. 2. contra Gaudentium cap. 17. collimat insignis parabola Saluatoris Luca 14. de homine illo, qui fecit cœnam magnam, & inuitavit multos, & mittens seruum suum ad vocandum eos; isti diuersis excusationibus noluerunt ire: iterum mittens seruum ad vocandum alios pauperes, debiles, claudos, & cœcos introduxit in cœnaculum: & quia adhuc locus erat, misit terciò seruum in vias, & sepes, ut compelleret alios intrare: & tandem dixit, *nemo viro- rum illorum, qui vocati sunt, gustabit cenam meam*: S. Doctor de fide, & oper. cap. 17. ait: *qui aduersantur Euangelio, non sunt inter eos deputandi, qui ad conuiuium nuptiarum venerunt; sed inter eos, qui venire noluerunt*: & in alio loco contra Gauden-

den -

dentium vbi supra, dicit: *Exi in vias, & sepes, & compelle intrare: intelligimus vias hereses, Schismata sepes. Via quippè hoc loco significant diuersas opiniones; sepes autem per diuersas opiniones. Quid autem miramini, si non corporalis cibi, sed spiritualis fame moritur quisquis ad istam cenam, nec libenter introductus, nec violenter impulsus ingreditur: hæc Augustinus. Si ergo recusant intrare in Ecclesiæ cenam vocati, sibi imputent, si Dominus eos indignos reputat, inquit, Nemo illorum, qui vocati fuerunt, gustabit cenam meam. Non ergo inanis est gratia sufficiens vocationis; alioquin Deus, nec vocaret, nec puniret eos, qui respuunt vocationem.*

Contra secundum negantium auxilium, sufficiens dictum, quòd scilicet Christus illud nobis per suam passionem non meruerit, sic inuehor. Omnia dona supernaturalia, quæ nobis Deus largitur, etiam præuenientia auxilia, illuminationes, ac inspirationes, quas homo potest abijcere, per Christum Deus concedit: Ergo ea omnia nobis meruit Christus: Euidens est consequentia. Anteced. est ipsiusmet Concilij Tridentini in sess. 6. cap. 5. vbi de exordio, ac dispositione ad iustificationem adultorum, dicit. *Iustificationis exordium in adultis à Deo per Christum Iesum, præueniente gratia, sumendum esse, hoc est ab eius vocatione, qua nullis eorum existentibus meritis vocantur, &c.* igitur Deus concedit gratiam præuenientem vocationis, ac inspirationis per Christum, idest per merita Christi: in cap. 7. docet Christum fuisse causam meritoriam nostræ iustificationis: iustificatio autem prærequirit gratiam excitantem, seu præuenientem, ac inspirationem ad faciendum actus fidei, spei, dilectio-

S. August.  
sensus de  
vocationis re.  
spicientibus  
ad totum  
hunc locum

Christus  
gratiam e-  
tiam suffi-  
cientem  
nobis in-  
ruit.

Ex Concil.  
Trid.

nis, ac pœnitentiæ ex eodem in cap. 6. & can. 3. & in eodem cap. 7. dicitur: *quamquam nemo possit esse iustus, nisi cui merita passionis Domini Nostri Iesu Christi communicantur*: in cap. 11. de iustificatis dicitur; *piè viuentes proficere possunt per Christum Iesum, per quem accessum habuerunt in gratiam istam*. Accessus autem ad gratiam iustificantem habetur, vt ex nuper dictis, per gratiam præuenientem, & inspirationem habitam per Christum, & sine ea haberi non potest talis accessus in adultis: illa autem est gratia, quæ dicitur *sufficiens*, quæ, quando ei coniungitur efficax faciens facere actus illos credendi, sperandi, diligendi, ac pœnitendi, habet etiam annexam iustificationem, quæ fit per remissionem peccatorum, & gratiam habitualement sanctificantem, quæ est causa formalis iustificationis. Si autem præuentus per excitantem gratiam, ac inspirationem, eam reijcit, sicut potest facere, ex eodem Concilio, & ei non coniungitur efficax, nec iustificatio, non propterea dici debet, quod non fuit præueniens gratia, & inspiratio, ex Christi merito impertita: sicut ex hoc, quod quis non vtitur, vel abutitur Sacramento Baptismi, vel alio, non propterea sequitur, quod Christus non meruit etiam pro illo Sacramenta. Omnem ergo gratiam, omneque supernaturale donum Christus Dominus nobis meruit, quamuis nos ingrati eis abutamur, vel ea reijciamus.

Præterea Saluator Ioann. 15. 5. inquit, *sine me nihil potestis facere*: igitur per eum, id est per merita eius, seu per dona, quæ ipse nobis acquisiuit suis meritis, possumus bona opera facere, præcepta seruare, & à peccatis abstinere. Sed sine gratia sufficiente, excitatione, inquam, &

Plaza C6.  
cil. loca.

Argum. ad  
hominem.

Locus Io:  
ad rem.

in spi-



inspiratione diuina ad bonum opus faciendum;  
 non possumus opus illud facere; & cum illa pos-  
 sumus: Ergo illam nobis Christus meruit. Om-  
 nia siquidem supernaturalia dona, quæ habemus,  
 per Christi merita habemus; & propterea Sancta  
 Mater Ecclesia quæcumque bona à Deo petit, per  
 passionem, eiusque merita petit, concludens  
 omnes collectas per *Christum Dominum Nostrum*.  
 574. Neque aliquid vrget instantia negan-  
 tium sufficientem gratiam hominibus per Chri-  
 stum acquisitam, quia effectum principalem non  
 sæper obtinet: innumeri enim tam infideles, quam  
 fideles excitati, ac inspirati ad opus bonum,  
 illud non efficiunt; & sic inaniter Christus gra-  
 tiam illam meruisset. Respondetur enim, vt se-  
 pè diximus habere suum effectum, excitationem,  
 & inspirationem passiuam, vt omnes experiun-  
 tur, quamuis non omnes exequantur id ad quod  
 excitantur, quia excitationem, & inspirationem  
 rejiciunt, quia vocati, & renuissis, &c. Si ergo  
 de facto dantur istæ excitationes, & inspiratio-  
 nes, sicut dici nequit, quod eas Deus inaniter  
 concedit; & ita neque Christus inaniter nobis  
 meruit: omnia enim, quæ in mente Patris, à se  
 facienda nouit, fecit, inquit, *qua placita sunt*  
*Deo hæc facio semper, & sicut Pater dedit mihi man-*  
*datum sic facio*. Si Deus Pater, idest, Sanctissima  
 Trinitas ab æterno istam gratiam aliquibus dare  
 decreuit, non vltiorem, hanc eis Christus me-  
 ruit. Quia verò idem Deus ab æterno decreuit  
 alijs dare vltiorem gratiam, nempe efficacem,  
 Christus pro eis illam meruit. Si autem quæra-  
 tur, cum Deus prioribus decreuit dare illam  
 tantum, & non aliam? posset fortasse quis dicere  
 (sicut de decreto reprobationis dictum est)  
 quia

Ad obiecta  
 negantium  
 gratiam  
 sufficientem  
 respond.

Interroga-  
tio imper-  
tinens.

646 DE GRATIIS ACTUALIBVS, &c.

quia Deus presciuit tales reiecturos illam gra-  
tiam. At esto sic. Si ulterius quis interrogaret,  
cur presciens illos reiecturos illam gratiam, non  
decreuit dare eis gratiam efficacem, ne reijce-  
rent, sed consentirent, sicut decreuit pro alijs.  
Ad hoc, sicut aliàs feci, respondeo cum Apосто-  
lo Rom. 9. *O homo tu quis es, qui respondeas Deo?*  
*Numquid dicit figmentum ei, qui se finxit, quid me  
fecisti sic? An non habet potestatem figulus luti ex  
eadem massa facere, aliud quidem vas in honorem,  
aliud verò in contumeliam? Vel respondeo cū eo-  
dem in cap. 11. O altitudo diuitiarum sapientiæ, &  
scientiæ Dei, quàm incomprehensibilia sunt iudicia  
eius, & inuestigabiles viæ eius! Quis enim cogno-  
uit sensum Domini, aut quis consiliarius eius fuit?  
Quoniam ex ipso, & per ipsum, & in ipso sunt om-  
nia: qua responsione S. Augustinus Doctor gra-  
tiæ ad hoc propositum pro curiosis hæc Dei oc-  
cultæ iudiciæ perscrutantibus, plusquam sexcen-  
ties in suis operibus vtitur. Vel tandem cum alijs  
eiusdem S. Augustini responsionibus, prima in  
lib. 1. de Predest. SS. cap. 8. in fine. *Cur autem  
potius hunc, vel illum liberet, inscrutabilia sunt iu-  
dicia eius, & inuestigabiles viæ eius. Melius enim  
& hic audimus, aut dicimus: o homo tu quis es, qui  
respondeas Deo, quam dicere audeamus, quasi no-  
uerimus, quod occultum esse voluit, qui tamen ali-  
quid iniustum velle non potuit.* Alia responsio S.  
Augustini ad hanc interrogationem habetur in  
lib. de spir. & lit. cap. 34. in fine, vbi de hoc pun-  
cto discurrens, cur Deus alicui gratiam concedat,  
ad quam sequitur, alteri aliam ad quam non  
sequitur effectus; sic responder. *Iam si ad illam  
profunditatem scrutandam quisquam nos coarctet,  
cur illi ita suadeatur, vt persuadeatur illi autem non  
ita:**

Responsio  
Apostol. &  
August.

Alia Aug.  
responsio.

*ita: duo sola occurrunt interim, quæ respondere mihi placeat: ò altitudo diuitiarum; & numquid iniquitas apud Deum? cui responsio ista displicet, querat doctiores, sed caueat, ne inueniat præsumptiores: itaque admittit S. Augustinus gratiam, qua suadetur quis, & persuadetur; & gratiam qua alter suadetur, at non persuadetur: (hanc vocamus sufficientem:) causam verò huius differentiæ se nescire ait, sed ad altitudinem diuitiarum sapientiæ Dei remittit, consolans omnes, quòd apud eum non est iniquitas, aut personarum acceptio, sed misericordia, & iustitia: Cui sit gloria in sæcula.*

Ex Aug da  
tur gratia,  
cui resili-  
tur.

## CAPVT XXIII.

*An aliqua gratia interdum cadat sub merito.*

575. **A**Du. 1. Quòd nomine gratiæ veniunt omnia dona Dei, quæ hominibus à Deo ex sua liberalitate conferuntur, siue naturalia, siue supernaturalia, siue corporalia, siue spiritualia, ipsumque totum esse hominis; omnia enim Deus nobis *gratis* largitur, nulli enim debet Deus; nam ex Rom. 11. 35. *Quis prior dedit illi, & retribuetur ei? Quoniam ex ipso, & per ipsum, & in ipso sunt omnia:* sed hic non loquimur de gratia in tanta latitudine. 2. Nominè gratiæ veniunt dona spiritualia, & supernaturalia, quæ in via conferuntur hominibus, vt sunt Virtutes Theologicæ, Fides, Spes, & Charitas, Gra-

Omnia do-  
na data à  
Deo homi-  
nibus di-  
cuntur gra-  
tiæ,

Gratia item habitualis, si ponatur distincta à Charitate; Virtutes Cardinales, si teneatur infundì cum Theologicis; septem dona Spiritus Sancti, nouem gratiæ gratis datæ; octo beatitudines, & vita æterna; & tandem Gratia actualis, de qua in toto hoc Opusculo locuti sumus, quæ actuale etiam auxilium appellatur.

576. Adu. 2. Quòd quamuis de gratia actuali fuerit tota, ac perpetua disputatio S. Augustini cum Pelagio, ac Celestio, eorumque asseclis, quando (licet fictè, & equiuocè) admiserunt necessitatem gratiæ, & sub merito cadere posse dicebant auxilium gratiæ; & de hac præcipuè hic nobis esset loquendum, nihilominus existimans alicuius fore vtilitatis nostris tyronibus, si de omni supernaturali gratia aliquid dicam, an aliqua earum cadere possit sub merito, & quomodò, pro mea tenuitate libenter exequar, exclusis priùs ijs, quæ non cadunt sub merito.

577. Adu. 3. & suppono ex communi Theologorum sententia, vt dixi in tomo de *Incanatione*, quòd meritum est actio aliqua, cui ex pacto aliquo, seu lege debetur merces, seu premium; & distinguitur in bonum, & malum, quod propriè vocatur demeritum. Bono ex pacto, seu lege debetur premium; malo, verò debetur supplicium: de bono est nobis sermo, & apud Deum. Supponendum pariter cum eadem communi sententia, quòd ad constitutionem meriti apud Deum hæc 5. requiruntur: primum, vt sit opus moraliter bonum, quod Deus ipse indicauit Caino Gen. 4. *Nonne si bene egeris recipies; sin autem male statim in foribus peccatum aderit*. 2. vt sit opus bonum liberum, ex 1. Cor. 9. *Si volens hoc ago mercedem accipio*. Licet Deus ex sua liberalitate ac-

Non fit sermo de gratia sic accepta.

Quid sit meritum.

depreare posset passionem alicuius sine liberatione  
perpeffam, & ei conferte præmium, ut cum in-  
nocentibus fecit occisis in odium Christi. 3. re-  
quiritur, ut sit opus factum ab homine viatore,  
nam post mortem nemo potest mereri Ecclesia-  
ste 11. 3. Si exciderit lignum ad Austrum, aut ad  
Aquilonem, in quocumque loco ceciderit, ibi erit:  
Ideò Paulus ad Galat. 6. ait, dum tempus habemus  
operemur bonum. 4. requiritur, ut sit opus bonum  
factum ab homine existente in statu gratiæ, sicut  
docuit Saluator, Manete in me, & ego in vobis:  
sicut palmes non potest facere fructum à semetipso,  
nisi in vite manserit, sic nec vos, nisi in me manseri-  
tis: ego sum vitis, vos palmites; qui manet in me,  
& ego in eo, hic fert fructum multum, quia sine me  
nihil potestis facere: Ioann. 15. 5. & Concilium  
Trident. sess. 6. cap. 16. docet, quòd sine gratia  
per Christum antecedente, comitante, & subse-  
quente, opera bona, nullo pacto Deo grata, & me-  
ritoria esse possent. 5. tandem ad meritum apud  
Deum requiritur aliquod pactum, seu promif-  
sio diuina de compensatione, seu retributione  
alicuius boni, seu mercedis pro opere bono ab  
ipsomet Deo præcepto, seu pro passione pro no-  
mine eius, seu pro fide perpeffa. De hac promif-  
sione vitæ æternæ, & aliorum conducentium ad  
eam, abundat Sacra Scriptura: ideò notandum  
valde est ex S. Augustino ser. 16. de Verb. Apost.  
quòd, cum Deus ex gratia concedat homini vi-  
tam æternam, hæc concessio dicitur quidem ac-  
tio iustitiæ, sicut ait Apostolus, *reposita est mihi  
corona iustitiæ, quam reddet mihi Dominus iustus  
Index, & omnibus, qui, &c.* tamen non est iusti-  
tia in rigore, quia gratia est semen gloriæ; & ideò,  
ut postea dicam, vita æterna dicitur gratia pro gra-

Requiritur  
ad meritum  
salutem  
quinque.

ut sit opus  
moraliter  
bonum.

Libertum.

A viatore  
factum  
existente  
in gratia.

Et factum,  
seu promif-  
sio Dei de  
præmio.

Deus fa-  
ctus est de-  
bitor ho-  
minis ex  
sua libera-  
litate.

tia; sed dicitur iustitiæ actio largè, ex promissione Dei, qui fidelis est: ait enim S. Doctor *De-  
bitor nobis factus est Deus non aliquid à nobis acci-  
piendo, sed quod ei placuit promittendo nobis, ut di-  
camus ei: redde, quod promissisti, quia fecimus quod  
iussisti, & hoc ipsum quod fecimus, tu fecisti, quia  
nos laborantes tu iunxisti.*

Sensus que-  
ræ duplex

578. Adu. 4. quod sensus huius quæstioni du-  
plex esse potest. Primus, an sub merito ex natu-  
ræ viribus procedente cadere possit aliqua gratia,  
sicut aliqui Semipelagiani olim docebant, contra  
quos toto vitæ suæ tempore pugnavit, & Eccle-  
sia iudicante, vicit S. Augustinus. Alter sensus  
quem à paucis video discursum, (& tamen pijs  
viris scitu dignus est) an gratia aliqua cuiuscum-  
que generis cadere possit sub merito procedente,  
ab homine existente in statu gratiæ, benè, ac san-  
ctè operante, Deumque precante, ut novæ gra-  
tias, vel earum augmentum ei concedat, ex pa-  
cto aliquo, vel promissione, sicut dicitur de alijs  
donis spiritualibus, quæ ex promissione  
seu pacto per Christum expresso, obtineri  
possunt: Ioann. 14. 13. *Quodcumque petieritis Pa-  
trem in nomine meo, hoc faciam, ut glorificetur Pa-  
ter in filio. Si quid petieritis Patrem in nomine meo,  
hoc faciam:* his autem suppositis

Vnus rei-  
citur.

579. Dico 1. Prima gratia vocationis ad fi-  
dem, vel ad pœnitentiam cadere non potest sub  
merito ex naturæ viribus procedente: est de  
fide.

Prima gra-  
tia voca-  
tionis non  
potest ca-  
dere sub  
merito.

580. Prob. 1. Ex Rom. 11. 8. *Si autem gra-  
tia, iam non ex operibus, alioquin gratia non est  
gratia. Interl. dicit, non est gratia, sed debi-  
tum.*

Theodoreti

Theodoreti in eum locum dicit. *Salus*

etiam



etiam gratia appellatur, quia ex diuina liberalitate, ac munificentia profecta est. Hoc etiam dixit, ubi egit de Patriarcha Abraham: Operanti autem merces non imputatur secundum gratiam, sed secundum debitum.

581. Prob. 2. ex Concil. Diospolit. cap. 7. Gratia Dei adiutorium ad singulos actus bonos necessarium non datur secundum nostra merita: idem confirmat Gelasius Papa in epist. 6.

Ex Concil.  
Diospolit.  
Ex Gelasio.

582. Prob. 3. ex Concil. Araus. 2. plura de hac re dicente, quod nempe gratia semper precedere debeat opus bonum, non verò sequi illud: in can. 4. ait. Gratia Dei preparat voluntatem hominis, ut purgetur, &c. non expectat voluntatem: in can. 6. inquit. Gratia Dei est causa cur homo credat, velit, petat, & alia bona faciat: in can. 8. dicit, Gratia precedit bona opera, ut fiant: Ergo non cadit sub merito.

Ex Concil.  
Araus. 2.

583. Prob. 4. ex pluribus Cœlestini primi dictis: in epist. 1. cap. 8. A gratia Dei omnia bona opera habent originem: in cap. 12. ait. A gratia Dei procedunt bona opera. Item, Gratia Dei cooperatur homo, & hoc donum Dei est.

Ex Cœlest.

S. Augustini auctoritates in sequenti conclusione referam.

584. Prob. 5. experientia, quod scilicet prima gratia vocationis non possit cadere sub merito. Si sermo sit de Infideli, Gentili, vel Hæretico, experientia docet, quod sic conuertuntur, ut ipsummet Concilium Tridentinum docet, sess. 6. cap. 5. Per gratiam præuenientem vocantur, nullis eorum existentibus meritis; quia siue mediante concionatore, siue immediate à Deo illuminantur, cum ipsi antea nihil cogitarint de re, de qua illuminantur; quia veritas fidei, de qua il-

Arg. ab ex-  
perientia.

luminantur, ac inspirantur, ab eis non cogitabatur; ideo nulla apparet via, quomodo illuminationem illam, ac inspirationem mereri possent; nihil enim volitum, quin praecognitum; sed à Deo immediate ex sua misericordia illuminantur, ac inspirantur ad veritatem agnoscendam, & amplectendam: & ideo ex Apostolo vocatur *gratia*, quia *gratis* data. Eandem experientiam agnoscit peccator, qui vel audiens Concionatorem, vel à Deo immediate excitatur, & inspiratur ad detestandum peccatum, illudque confitendum; cum ipse in alijs negotijs esset imbutus, nullumque opus fecisset, vt illuminationem, ac inspirationem illam obtineret.

385. Prob. 6. Meritum apud Deum, ex notabili 3. est actio libera procedens ab existente in gratia. Sed ante primam vocationem, ac inspirationem, nec infidelis, nec fidelis lapsus in mortale, est in gratia. Ergo neuter eorum habere potest meritum respectu primae gratiae.

386. Dico 2. Gratia adiuuans, seu efficax, per quam infidelis, ac fidelis peccator consentiunt gratiae excitanti, non cadit sub proprio excitati merito: est de fide, sicut praecedens; immò de hac gratia, quo ad me, principalius videntur locuti Apostolus, Concilia, Pontifices, & S. Augustinus.

387. Prob. omnibus praefatis argumentis, 2. sic: Excitatus, ac inspiratus per illuminationem, ac inspirationem, aut eam rejicit, aut ei consentit: si rejicit, de eo non loquimur: si vero consentit, hoc oritur ex gratia efficaci faciente consentire, & postea exequi, vt in suis locis dictum est: in eo autem casu post excitationem, & immediate ante consensum, talis excitatus nullum exer-

— 8973 4A  
qta aigiat

Exempla  
vocationū  
sine vlla  
peccata ac-  
tione

Cont. D. 10  
Propter

A  
Gratia ef-  
ficax non  
potest ca-  
dere sub  
merito.

Cont. D. 10  
Ex 85

exercet opus, per quod mereri possit gratiam illam facientem consentire; sed post excitationem experitur se statim consentire: igitur non potest eam mereri, sed à Deo ex sua misericordia, iuxta æterna sue sapientie iudicia, gratis eam obtinet: & ideo gratia, & verè gratia est, non merces, aut præmium. Si ergo quis non meruit gratiam excitantem, neque meret efficacem.

588. Prob. 2. dogmaticè: ex Philipp. 3. Deus est, qui dat velle, & perficere pro bona voluntate. 2. Cor. 3. 5. non sumus sufficientes cogitare aliquid ex nobis, tamquam ex nobis, sed omnis sufficientia nostra ex Deo est: & 1. Cor. 4. 3. Quid habes, quod non accepisti? si autem accepisti, quid gloriaris, quasi non acceperis?

589. Prob. 3. ex Concilijs. Diospolitano cap. 7. definit hoc modo. Gratia Dei adiutorium ad singulos actus bonos necessarium non dari secundum hominis merita: Ergo multò minus ob meritum infidelium, aut fidelium peccatorum. Concil. Araul. 2. c. 3. sic definit. Gratia Dei facit, ut ipsa innocetur: in can. 4. Gratia Dei preparat voluntatem hominis, ut ipsa purgetur, velit, ac proficiat; & non ipsa expectat voluntatem: in can. 6. Gratia Dei est causa cur homo credat, velit, petat, & cetera bona faciat: in can. 18. Gratia Dei precedit bona opera, ut fiant, &c. igitur nullo modo potest homo mereri gratiam illam adiutantem, seu efficientem, per quam præuentus, seu excitatus ad opus bonum faciendum, consentit facere, & postea facit.

590. Prob. ex Concil. Trident. sess. 6. cap. 5. in quo exactè decernitur modus iustificationis, & præparatio ad eam per actus credendi, diligendi,

aut

Ab experientia arg.

Exemplum  
voluntatis  
aut  
Dogma-  
tici probat

Conc. Dio-  
spolit.

Concil. A-  
raul.  
cap. 3.  
can. 4.  
can. 6.  
can. 18.

Conc. Trid.  
exactè.

aut penitendi factos absque meritis iustificando-  
rum. *Declarat ipsius iustificationis exordium in-  
adulstis à Dei per Christum Iesum praueniens gratia  
sumendum esse, hoc est ab eius vocatione, qua nullis  
eorum existentibus meritis vocantur, vt qui per pec-  
cata à Deo auersi erant, per eius excitantem, atque  
adiunantem gratiam ad conuertendum se ad suam ip-  
sorum iustificationem eidem gratia liberè assentiendo,  
& cooperando disponantur, &c. nullum ergo me-  
ritum adest in homine, cuius intuitu Deus confe-  
rat gratiam efficacem, per quam infideles, seu  
fideles peccatores, vel excitentur, vel excitati  
consentiant, & exequantur.*

391. Confirmatur argumento à fortiori de-  
sumpto ex eodem Concilio eadem sess. 6. cap. 8.  
vbi exponens illud Rom. 5. *iustificari gratis per fi-  
dem*, duo dicit, primum, quod licet causa for-  
malis iustificationis sit gratia sanctificans ex cap.  
præced. dicitur tamen fides iustificare tamquam  
radix, à qua incipit iustificatio, ab actu scilicet  
credendi ex cap. 6. Secundum ad rem nostram est,  
quod quamuis actus credendi, sperandi, diligen-  
di, ac penitendi præcedant iustificationem, hæc  
tamen, dicit, sit *gratis*, id est sine meritis: igitur  
multò minus gratia illa, quæ facit credere, spe-  
rare, diligere, ac penitere datur ex meritis, sed  
est omnino gratuita. Verba Concilij sunt hæc: *gra-  
tis autem iustificari idè dicimur, quia nihil eorum,  
quæ iustificationem præcedunt, siue fides, siue opera,  
ipsam iustificationis gratiam promeretur: si enim gra-  
tia, iam non ex operibus: alioquin, vt idem Apo-  
stolus inquit, gratia iam non est gratia.*

392. Confirmatur ex alio loco eiusdem Con-  
cilij in eadem sess. 6. c. 13. vbi de Perseuerantiæ do-  
no loquens dicit. *Deus enim, nisi illius gratiæ desue-  
rint,*

Aliud arg.  
Ex Concil.  
Trid.

*runt, sicut capit opus bonum, ita perficiet, operans velle, & perficere.* Cum ergo Deus illuminat, ac inspirat, tunc incipit opus bonum independenter à merito illuminati, ac inspirati: & si hic non defuit gratia Dei, idest, si eam non respuit (vt multi faciunt) Deus ipse, sine vllò istius merito, perficit illud opus bonum, idest concedit gratiam efficacem, per quam voluntas vult illud facere, & facit.

593. S. Augustinus sepissimè hanc conclusionem probat, quòd scilicet gratia ista dicta, *qua*, seu auxilium quo, necessarium homini post Adami lapsum, necessarium, inquam, ad sanctè operandum, sine merito illorum, qui recipiunt, Deus ex sua mera misericordia concedit, vt per illud, seu illam operentur: ita docet in Euangel. Ioan. tract. 3. tract. 82. tract. 86. & tract. 87. in lib. 6. cont. Iulian. Pelagianum cap. 8. in lib. cont. Pelagianum, & Celestium. De gratia Christi lib. 1. cap. 22. & 23. in lib. de Bono Persenerantie cap. 8. 12. & 13. in lib. de Vera Innocentia cap. 374. lib. 1. ad Simplicianum qu. 2. in lib. de Gratia, & lib. arbit. cap. 1. 5. 14. & 21. in lib. de Patientia cap. 20. in lib. 3. Hippognosticon. in lib. de Nat. & Grat. cap. 4. in lib. 1. de pecc. mer. cap. 21. in lib. 1. cont. Pelagianum cap. 22. & 23. in lib. 1. cont. duas epistolas Pelagianorum cap. 19. & 20. & deficeret tempus, si alia omnia eius loca narrare vellem. Constans autem eius voluntas est, quòd tam gratia vocationis dicta *sine qua non*, & cui voluntas resistit aliquando, quam gratia *qua*, qua nempe est efficacax faciens facere opus bonum, sine meritis hominis *gratis*, à Deo ex sua misericordia conceduntur.

3. arg. ex  
Concil.

S. Aug. lo-  
ca plura,  
in quibus  
docet gra-  
tiam sine  
misericor-  
dia.

594. Dico 3. Gratia habitualis sanctificans,

Gratia ha-  
bitualis sà

feu



iustificans  
non cadit  
sub merito

395 DE GRATIIS ACTUALIBVS, &c.

seu iustificans, non cadit sub merito, *om. iust. 2. n.*  
395. Prob. ex modò dictis per Trid. Concil.  
si enim sermo sit de paruulis, certum est, quòd  
absq̃ue vllò proprio actu, in vni meritorum,  
Christi iustificantur per infusionem Gratiæ, &  
donorum, fidei, spei, & charitatis: & de his non  
est sermo; sed de adultis, quos dicimus, quòd sine  
proprijs meritis, licet precedentibus ex Dei gra-  
tia quibùsdam dispositionibus, scilicet actibus  
proprijs fidei, spei, charitatis, ac pœnitentię, ob-  
tineant iustificantem, seu sanctificantem gratiã;  
illi tamen actus non sunt merita gratiæ illius san-  
ctificantis, quia licet proueniant ab homine ex-  
citato, inspirato, & adiuto à Dei actuali gratia,  
seu auxilio supernaturali, non adhuc tamen filio  
Dei, quia talis euadit per gratiam habituatẽ  
sanctificantem. Vt autem clariùs pateat nostra,  
sed communis conclusio, placet ordinem iustifi-  
cationis à Concilio sancitum breuiter adduce-  
re; ex eo enim colligitur totam iustificationem  
ex gratia obtineri: in sess. 6. cap. 3. dicitur. Doc-  
et præterea ipsum iustificationis ex ordium in adul-  
tis à Dei per Christum Iesum proueniente gratia sa-  
mendum esse, hoc est ab eius vocatione, quã nullis  
eorum existentibus meritis vocantur, & qui per pec-  
cata auersi erant, per eius excitantem, & que adha-  
nantem gratiam ad conuertendum se ad suam ipsorum  
iustificationem, eidem gratiã libere assentiendo, &  
cooperando disponantur: in cap. 6. Declaratur quo-  
modò fiat hæc dispositio ad iustificationem. Di-  
sponuntur autem ad iustitiam, dum vocati diuina gra-  
tia, & adiuti fidem ex auditu concipientes libere  
mouentur in Deum, credentes per ea esse, quæ diuini-  
us reuelata, & promissa sunt, &c. ut dum cognos-  
centes se esse peccatores, sperant per Christi merita,  
in

Conc. Tri-  
dent. clarũ  
argum.

Ordo ius-  
tificatio-  
nis per  
Conc.



in Baptismo sibi condonanda fore peccata. Et Deum  
 inquam omnis iustitie fontem diligere incipiunt,  
 & mouentur aduersus peccata per eorum adium ali-  
 quod, & detestationem, proponunt suscipere baptis-  
 mum, inchoare nouam vitam, & seruare diuina man-  
 data: hæc est dispositio per Dei gratiam praeue-  
 nientem; & adiuuantem, seu efficacem secuta:  
 in cap. 7. dicitur. Hanc dispositionem, seu prae-  
 parationem iustitia ipsa consequitur, quæ non est sola  
 peccatorum remissio; sed & sanctificatio, & reno-  
 uatio interioris hominis per voluntariam susceptio-  
 nem gratiæ, & donorum: & post multa dicitur.  
 Quamquam enim nemo possit esse iustus, nisi cui me-  
 rita passionis D. N. Iesu Christi communicantur: id  
 tamen in hac impij iustificatione fit dum eiusdem san-  
 ctissime passionis merito per Spiritum Sanctum cha-  
 ritas Dei diffunditur in cordibus eorum, qui iusti-  
 ficantur, atque ipsis inhaeret. Vnde in ipsa iustifica-  
 tione cum remissione peccatorum, hæc omnia simul  
 infusa, accipit homo per Iesum Christum, cui inse-  
 ritur, fidem, spem, & charitatem, &c. Ecce ordo  
 iustificationis: At quoniam remanebat vnum  
 dubium soluendum, quia Apostolus Rom. 5. di-  
 cit. Iustificari gratis per fidem, Concilium in cap.  
 8. ad rem nostram sic declarat, Per fidem iusti-  
 ficari dicimur; quia fides est humane salutis fundamen-  
 tum, & radix omnis iustificationis, sine qua impos-  
 sibile est placere Deo, & ad filiorum eius consortium  
 peruenire. Gratis autem iustificari idem dicimur; quia  
 nihil eorum, quæ iustificationem præcedunt, siue fi-  
 des, siue opera, ipsam iustificationis gratiam prome-  
 retur. Si enim gratia est, non iam ex operibus; alio-  
 quin, ut idem Apostolus inquit, gratia iam non est  
 gratia. Concludendum ergo, quod non solum  
 gratia præueniens, ac adiuuans, & ipsamet gra-

omnem  
 difficultatē  
 tollit Con-  
 cilium.

Omne  
 difficultatē  
 tollit Con-  
 cilium.

omnem  
 difficultatē  
 tollit Con-  
 cilium.

omnem  
 difficultatē  
 tollit Con-  
 cilium.

tia sanctificans, quæ est causa formalis iustificationis; sed totum opus iustificationis, & quoad singulas partes, sine merito obtinetur, sed gratis ex Dei misericordia.

596. Videndum modò, quænam cadere possunt sub merito, si non ex debito iustitiæ, scilicet rem ex promissione diuina, Deique fidelitate; ut ex Augustino notauimus, quòd Deus voluntariè debitor noster fieri voluit, promittendo nobis quæ voluit.

597. Dico igitur 4. In iustis existentibus in gratia sanctificante ex Dei promissione, non ex debito iustitiæ, augmentum fidei, spei, & charitatis, seu gratiæ cadere possunt sub merito per opera bona facta ab eis cum auxilio gratiæ.

598. Prob. 1. quòd isti habitus possunt augeri. Apostoli Lucæ 17. 1. petunt à Christo, *Domine adauge nobis fidem*: & Ecclesia in Oratione Dominicæ 13. post Penthecosten sic orat. *Deus da nobis fidei, spei, & charitatis augmentum.*

599. Prob. 2. ex Concil. Trident. sess. 6. cap. 10. ubi de augmento iustificationis, idest donorum, quæ iustificationem constituunt, sic loquitur. *Sic ergo iustificati, & amici Dei euntes de virtute in virtutem renouantur, ut Apostolus inquit de die in diem, hoc est mortificando membra carnis suæ, & exhibendo ea arma iustitiæ, in sanctificationem per obseruationem mandatorum Dei, & Ecclesiæ, in ipsa iustitia per Christi gratiam accepta, cooperante fide bonis operibus crescunt, atque magis iustificantur, sicut scriptum est. Qui iustus est iustificetur adhuc: & iterum, Ne verearis vsque in finem iustificari: & rursus. Videtis quoniam ex operibus iustificatur homo, & non ex fide tantum: Iac. 2. Hoc verò iustitiæ incrementum petit Sancta Ecclesia, eam*

orat,

Alqua cadere possit sub merito ex Dei promissione.

Habitus Theologici possunt augeri.

Ex Concil. Trid.

Ex Orat. Ecclesiæ.

orat, da nobis fidei, spei, & charitatis augmentum:  
*Rein can. 24.* Si quis dixerit iustitiam acceptam non  
 conferri, atque etiam non augeri coram Deo per  
 bona opera, sed opera ipsa fructus solummodò, &  
 signa esse iustificationis adeptæ, non autem ipsius au-  
 gendæ causam, anathema sit.

*600.* Confirmatur. Omnia Sacramenta in non  
 ponente obicem causant gratiam ex Tridentino  
*sess. 7. canon. 6. & 8.* cum hac tamen differentia,  
 quòd duo Sacramenta Baptismi, & Pœnitentiæ  
 dicta sunt mortuorum, quia suscitant mortuos,  
 per peccatum conferendo primam gratiam san-  
 ctificantem; cetera quinque dicuntur viuorum,  
 quia iustis tantum conferunt augmentum gratiæ  
 sanctificantis. Ergo tam gratia, seu charitas,  
 quæ per Scorum idem sunt, quàm aliæ Virtutes  
 Theologicæ per bona opera augentur.

*601.* Prob. modò, quòd augmentum con-  
 cessum à Deo intuitu bonorum operum cadat sub  
 merito promissionis diuinæ, non verò debiti ius-  
 titiæ. De merito iustitiæ patet, quòd non adsit,  
 quia sicut docet S. Augustinus, & ante eum  
 S. Paulus, ut patuit, Deus ex debito iustitiæ nul-  
 li debet: de merito verò promissionis sic proba-  
 tur. *Apocal. 22. 11.* præcipitur, *qui iustus est,*  
*iustificetur adhuc.* & *qui sanctus est, sanctificetur*  
*adhuc;* idest iustus incumbat, ut fiat iustior, &  
 sanctus, ut fiat sanctior: at hoc fit per novos gra-  
 dus Sanctitatis, quos Deus concedit iustis, &  
 sanctis, quos nequit à semetipso homo produ-  
 cere. Sed, ut ex Concilio nuper vidimus, per fi-  
 dem, & bona opera habetur hoc iustitiæ, & san-  
 ctitatis augmentum. Ergo per ea opera à Deo  
 requisita, tanquam merita, sine quibus maio-  
 rem sanctitatem non concederet, regulariter. Con-

Ex effecti-  
 bus Sacra-  
 mentorum.

Sub merito  
 promissio-  
 nis cadit  
 augmen-  
 tum virtu-  
 tum.

sequi. prob. Opera illa bona facta à iusto habent omnes conditiones meriti ex promissione: sunt enim bona: ut suppono: sunt libera: sunt facta à iustis: sunt facta à iusto existente in gratia: tandem supponunt pactum diuini de augendo gratiano contentum implicite in præfato dicto qui iustus est, iustificetur adhuc: & qui sanctus est, sanctificetur adhuc, quia homo per Dei gratiam dispositiue tantum concurrat ad illam per bona opera: Deus vero effectiue per productionem argumenti sanctificantis gratia. Ergo implicite eam promittit sancto, & iusto bene operanti. Si enim de hac promissione Dei, fidelitate, & benignitate, non esset certus, ea opera non faceret.

602. Confirmatur à pari de vita æterna, quæ promittitur homini bene operanti, & ideo bona opera dignatur in iusto merita respectu vite æternæ, ut dicam postea.

603. Confirmatur à ex alia promissione Christi Matth. 13. 12. & cap. 25. 29. *habenti dabitur, & abundabit* igitur homo iustus habens gratiam sanctificantem, credens quod possit ei conferri alius gradus illius per sua bona opera facta cum Dei auxilio, & in ea abundare, dum ea facit, cum promissione Dei facit, igitur sunt merita promissionis.

604. Dico 5. Iusti orantes, & postulantes à Deo alia spiritualia bona conducunt ad salutem propriam, vel proximi, ut dona Spiritus Sancti, &c. per multiplicationem bonorum operum possunt mereri à Deo eorum satisfactionem, non quidem per modum debiti iustitiae, sed promissionis.

605. Prob. sicut procedens per Christum Domino

Bona opera  
iusti ha-  
bent om-  
nia requi-  
sita talis  
meriti.

Promissio  
patet ex  
Scriptis.

Alia dona  
cadere pos-  
sunt sub  
merito pro  
missionis.

mino facta est hæc promissio de omni spiritu bp-  
no concedendo postulantibus: Lucæ enim 11.  
13. ait: Si vos cum sitis mali nostis bona dare  
filij vestris; quanto magis Pater vester de Cælo da-  
bit spiritum bonum petentibus se. Si ergo iusti po-  
stulant à Deo spiritualia bona, & ad ea obtinen-  
da multa bona opera faciunt, nihil deest istis ope-  
ribus quin dicantur merita promissionis: & ideo  
S. Iacobus in sua epist. cap. 1. 3. iustos sic hor-  
tatur: Patientia autem opus perfectum habet, ut si-  
tis perfecti, & integri in nullo deficientes. Si quis  
autem indiget sapientia, postulet à Deo, qui dat  
omnibus affluenter, & non impropere, & dabitur  
ei. Postulet autem in fide nihil hæsitans: ecce pro-  
missio assequendi: si autem iustus præter postu-  
lationem, opera bona multiplicet, & præsertim  
supererogatoria, meritum promissionis habe-  
bit: & hæc dona pro Colossensibus impetranda  
per suas orationes, aliaque sua opera orabat  
Paulus Coloss. 1. 9. Non cessantes pro vobis oran-  
tes, & postulantes, ut impleamini agnitione volun-  
tatis eius in omni sapientia, & intellectu spirituali,  
ut ambuletis dignè, Deo per omnia placentes, in  
omni opere bono fructificantes, & crescentes in scien-  
tia Dei in omni virtute confortati secundum poten-  
tiam claritatis eius; sua meritoria opera applica-  
bat Paulus; ut Deus illa dona Colossensibus con-  
cederet.

608. Dixi, per meritum, non debiti iustitiæ,  
quia, ut sæpè dixi, Deus nemini debet, sed pro-  
missionis, ut cum August. diximus in notabili 3.  
quia debitor factus est nobis Deus, quod ei placuit  
promittendo nobis; ut dicamus ei, redde, quod pro-  
misisti, quia fecimus, quod iussisti; & hoc ipsum  
quod fecimus tu fecisti, quia nos laborantes tu iuvisti.

Quo-

Ex Christi  
promissio-  
ne  
nisi  
vultis  
virescere  
in vobis

non  
possunt  
virescere

Deus volu-  
ntate factus  
est nobis  
debitor.

Quoties ergo legimus in Sacra Scriptura Dei promissionem alicuius boni spiritualis pro aliquo opere facto ab existente in gratia, legimus, Deum sua benignitate debitorem talis boni, si opus fiat: & consequenter tale opus dici potest meritum promissionis, non debiti iustitiae.

607. Dico 6. Iusti, idest, existentes in gratia sanctificante petentes à Deo continuationem, & multiplicationem auxiliorum divinae gratiae per bonorum operum multiplicationem possunt ea obtinere per modum meriti promissionis, non debiti iustitiae.

608. Prob. eisdem argumentis. Deus promittit adiuuare petentes auxilium suum, & sic iuxta Augustini doctrinam, ex sua benignitate, ac fidelitate factus est debitor: igitur iustus recurrens pro auxilijs, si per bona opera facta ex eiusdem Dei auxilio curet reddere sibi Deum propitium, meretur ex promissione illa obtinere: in hoc enim, ut sepe dixi, consistit meritum promissionis: Anteced. prob. ex psal. 90. ubi de iusto fit sermo; *Qui habitat in adiutorio Altissimi, in protectione Dei Caeli commorabitur: &c.* in quo prae ceteris, quae promittuntur homini iusto, adduntur haec. *Quoniam in me speravit, liberabo eum, protegam eum, quoniam cognovit nomen meum; Clamabit ad me, & ego exaudiam eum; cum ipso sum in tribulatione, eripiam eum, & glorificabo eum; longitudine dierum replebo eum, & ostendam illi salutare meum.*

609. Theodoretus in psal. 90. postquam discussit omnia beneficia, quae in eo Deus promittit prestare homini iusto, explicans illam promissionem, *Quoniam in me speravi liberabo eum*, &c. cetera sequentia, ait. *Deus edocet, qui nam sit spes iusti.*

Alia anxilia potest iustus mereri promissionis merito.

Ex S. Scriptura.

Ex Theodoretto promissio divina probatur.



Et: liberabo eum, inquit, ex supradictis visibilibus, invisibilibusq; insidiatoribus ipsum mea ope munitu: Idcirco eum custodiam, & protegam, audiam, & preces admittam; & si in aliquam tentationem incidere, una ero, & idoneam consolationem afferam; non modò à graviorebus rebus ipsum liberabo, verum etiam illuilem faciam.

Et S. Augustinus in eundem psalmi locum inquit: Nos, qui laboramus in terra, adhuc in tentationibus vivimus: quorum gressus timentur, ne in laqueos incidant. Audiamus vocem Domini Dei nostri consolantis nos, & dicentis nobis, quoniam in me speravit, eripiam eum; protegam eum, quoniam cognovit nomen meum: noli timere, quando tribularis; ne quasi non sit tecum Deus in tribulatione. Fluctus sunt maris: turbaris in navigio, quia dormit Christus: dormiebat in mari Christus, peribant homines: si fides tua dormit in corde tuo, amquam in navi tua dormit Christus, quia Christus per fidem in te habitat: cum turbari ceperis, excita Christum dormientem: exige fidem tuam, & novabis, quia te non deserit: sed idcirco putas te deserit, quia non quando vis eripit: eripuit tres pueros de igne. Qui eripuit tres pueros, deseruit Machabeos: absit: & illos eripuit, & istos illos corporaliter, ut infideles confunderentur; istos spiritualiter, ut fideles imitarentur. Cum ipso sum in tribulatione, eripiam eum, & glorificabo eum: ergo clara est auxilium dicentium promissio.

Et Christus Dominus, pluries promittit nos ore exaudiendos quoties petierimus Patrem spiritualia bona. Matth. 7. 7. Petite, & dabitur vobis: & infra, quando magis Pater vester, qui in celis est, dabit bona petentibus se. Lucæ 11. Dabit vobis quicquid petentibus; & ex Matt. omnia que-

-ixna eila  
stetq; sil  
-em mltui  
-orq; irat  
ino:lim  
ostitua

Ex S. Au-  
gust. declaratur promissio.

2 x 5  
stetq;

-et T. x  
or mlt  
quidam  
orq; anu  
stetq;

Christi promissio generalis.

*enimque petieritis Patrem in nomine meo, dabit vobis: ecce quales, & quot promissiones; pactum ergo Dei adest: dum autem iustus orat Deum, ut sibi sua augeat, ac multiplicet auxilia, petit spiritum bonum, & si opera bona ex Dei gratia multiplicet, ut exaudiatur, nihil remanet faciendum, ut dicatur, eum promissionis merito exaudiri, eaque obtinere, Vnde hac phrasi, utitur Ecclesia in Dominica prima Adventus, petendo divina auxilia, *Excita Domine potentiam tuam, & veni; ut ab imminetibus peccatorum nostrorum periculis mereamur te protegente eripi, te liberante saluari*: notandum, quod dicit, *mereamur eripi, & saluari*, quod meritum promissionis tantum esse potest, non verò debiti iustitiae, quia Deus nemini (ut saepe dixi) absolute debet, sed ex promissione tantum, ac fidelitate.*

611. Concludendum ergo, quod sicut iustus per bona opera potest dona alia, vel eorum augmentum, supposita Dei promissione, mereri, sic & auxilia, si cum fide, ac spe petat: ut dicere possit cum Augustino, *Domine, redde quod nobis promissisti, quia fecimus quod iussisti &c.*

Dico tandem: Iustus per bona opera, nempe per mandatorum observantiam potest mereri merito promissionis maximam omnium gratiam, vitam aeternam: est de fide.

612. Prob. facile: quod ex promissione divina, non ex debito aliquo praecedente potest iustus eam mereri, & de facto meretur: ex Matt. 19. 17. *Si vis ad vitam ingredi, serva mandata*, ait Salvator: & interrogatus, *quae?* respondet narrans praeccepta Decalogi: & David in psal. 14. quaerit, *Domine quis habitabit in tabernaculo tuo, aut quis requiescet in monte sancto tuo?*

Ecclesia sic  
petit,

Vita aeterna  
cadit  
sub merito  
promissionis,

Se responder. Qui ingreditur sine macula, & aper-  
nat in iustitiam, qui loquitur veritatem in corde suo,  
& qui non egit dolum in lingua sua, nec fecit pro-  
ximo suo malum: &c. & tota Scriptura utriusque  
Testamenti plena est eiusmodi promissionibus  
vitæ æternæ, iustis, pro operibus bonis, & man-  
datorum observatione, reddendæ.

613. Quod verò vitæ æternæ collatio sit gra-  
tia, probatur ex Rom. 6. 23. stipendia enim pec-  
cati mors. Gratia autem Dei, vita æterna in Chri-  
sto Iesu Domino nostro. S. August. in Enchir. c. 107.  
explicans locum istum, dicit: Stipendium peccati  
mors; ut mortem peccato non immerito illatam, sed  
debitam demonstraret: Gratia verò, nisi gratis sit,  
gratia non est: Intelligendum est igitur etiam ipsa  
hominis bona merita esse Dei munera, quibus cum  
vita æterna redditur, quid nisi gratia pro gratia red-  
ditur: & in lib. de Correp. & Gratia cap. 13. in-  
quit: verumtamen, quia, & ipsa vita æterna,  
quam certum est, bonis operibus debitam reddi à  
tanto Apostolo Dei gratia dicitur, cum gratia non  
bonis operibus redditur; sed gratis detur: sine vlla  
dubitatione consistendum est, idem gratiam vitam æter-  
nam vocari, quia meritis redditur, quæ gratia contulit  
homini. Rectè quippè ipsa intelligitur, quæ gratia  
in Evangelio legitur, Ioann. 1. gratia pro gratia, id est  
pro his meritis, quæ contulit gratia: & tract. 3. in  
Euang. Ioan. circa finem explicans illud, Gra-  
tia, & veritas per Iesum Christum facta est, inter  
alia dicit: Nobis promittitur vita æterna. Hac est  
autem vita æterna, ut cognoscant te unum verum  
Deum, & quem misisti Iesum Christum; cognitio  
Dei promittitur, & ipsa est gratia pro gratia. Alia  
eius Doctoris loca mox referam: ergo vita æter-  
na est verè gratia.

Ex S. Scri-  
ptura.

Ex S. Au-  
gustino.

Propter  
merita  
vitæ  
æternæ.

Ex S. Scri-  
ptura.

Propter  
merita  
vitæ  
æternæ.

Vita æter-  
na est Bra-  
uium, &  
Coronæ.

Propter  
merita

614. Quod vero per merita acquiritur ma-  
xima hæc gratia, probatur. Vita æterna iustis  
concedenda in sacro textu appellatur merces,  
Matt. 5. 12. *Gaudete, quoniam merces vestra copio-  
sa est in Cælis*: idem habetur in cap. 10. num. 41.  
& num. 42. idem habetur Lucæ 6. 23. & num. 25.  
idem reperit sæpè Apostolus in suis Epistolis.  
merces autem est præmium meriti: unde idem  
Apostolus Rom. 4. 4. ait, *ei autem, qui opera-  
tur, merces non imputatur secundum gratiam, sed  
secundum debitum*; & propterea in utroque Testa-  
mento legimus, quod *Deus reddet unicuique se-  
cundum opera sua*, & quod *Opera eorum sequuntur  
illos*: si ergo bonis operibus iusti redditur mer-  
ces vitæ æternæ, quia ex Symbolo Athanasij,  
*qui bona egerunt ibunt in vitam æternam*: & ex ora-  
culo Saluatoris Matt. 25. *esurienti enim, & dedi-  
stis mihi manducare, &c. venite benedicti Patris  
mei, possidete paratum vobis regnum a constitutio-  
ne mundi*, sequitur euidenter, quod bona illa ope-  
ra iusti sunt merita mercedis, æternæ scilicet vi-  
tæ, quæ in vno sensu est merces, in alio gratia,  
& ideo merces, seu promissionis gratuitæ præmi-  
um.

615. Confirmatur. Apostolus vitam æternam  
appellat *Brauium*, & inuitat fideles ad currendum,  
vt illud obrineant: ergo eadē sub merito: bra-  
uium enim ob meritum datur: Anteced. prob.  
ex 1. Cor. 9. 24. *Nescitis, quod qui in sta-  
dio currunt, omnes quidem currunt, sed unus acci-  
pit brauium? sic currite vt comprehendatis: omnes  
autem, qui in agone contendit, ab omnibus se absti-  
net, & illi quidem, vt corruptibilem coronam ac-  
cipiant, nos autem incorruptam*: & ad Philipp. 3.  
14. ait, *quæ quidem retro sunt obliuiscens, ad præ-  
teritum, quæ sunt priora extendens me ipsum, ad bra-*

*num. supernæ vocationis Dei in Christo Iesu.*

616. Interdum vitam æternam vocat coronam, ut in loco prius citato, & 2. Tim. 25. non coronabitur nisi qui legitime certauerit: interdum, quod quidem consideratione dignum est, vocat vitam æternam, coronam iustitiæ correspondentem laboribus iustorum: 2. Tim. 4. 8. de se, & alijs ait. Bonum certamen certavi, cursum consummavi, fidem seruavi; in reliquo reposita est mihi corona iustitiæ, quam reddet mihi Dominus in illa die iustus iudex: non solum autem mihi, sed ijs, qui diligunt aduentum eius: ergo vita æterna cum sit merces, brauium, & corona iustitiæ, datur ob merita.

617. S. Augustinus considerans hunc duplicem modum loquendi Apostoli de vita æterna, quam modo appellat gratiam, tamquam gratis datam; modo mercedem, brauium, & coronam, quæ ob merita dantur; conatur hæc duo concordare, & quidem ingeniosè de more in lib. de Correp. & Gratia cap. 13. Verumtamen quia & ipsa vita æterna, quam certum est bonis operibus debitam reddi, à tanto Apostolo gratia Dei dicitur: cum gratia non operibus reddatur, sed gratis detur: sine ulla datione consistendum est, idem gratiam vitam æternam vocari, quia his meritis deditur, quæ gratia contulit homini. Rectè quippe intelligitur, quæ gratia in Evangelio legitur, gratia pro gratia, id est, pro his meritis, quæ contulit gratia.

618. Et idem S. Doctor iterum conciliat hæc loca Apostoli, quomodo vita æterna detur propter merita, & sit gratia, quæ datur gratis, & non propter merita, in lib. de Grat., & lib. arb. cap. 8. initio dicens: Nascitur inde non parua qua-

Vita æterna est corona iustitiæ.

cap. 13.

cap. 13.

cap. 13.

S. Augustinus conciliat hæc duo, quod sit merces, & gratia.

cap. 13.

Iterum August.



tion. Si enim vita aeterna bonis operibus redditur, sunt aperitissime dicit Scriptura, quoniam Deus retribuitque reddet secundum opera eius: quomodo gratia est vita aeterna, cum gratia non operibus reddatur, sed gratis detur, ipso Apostolo dicente. Et qui operatur, merces non imputatur secundum gratiam, sed secundum meritum: & iterum reliquiae, inquit, per electionem gratiae saluae factae sunt: Et mox addidit, si autem gratia, iam non ex operibus, aliquid gratia iam non est gratia: quomodo ergo gratia vita aeterna, quae ex operibus sumitur? an forte vitam aeternam non dicit Apostolus gratiam? immo, verò sic dicit, ut negari omnino non possit: nec intellectorem acutum, sed tantummodò intusum desiderat auditorem: cum enim dixisset, stipendium peccati mors: continuo subdidit, gratia autem Dei vita aeterna in Christo Iesu Domino nostro: ista ergo quaestio nullo modo mihi videtur posse dissolui, nisi intelligamus, & ipsa bona opera nostra, quibus aeterna redditur vita, ad Dei gratiam pertinere, propter illud, quod ait Dominus Iesus, Sine me nihil potestis facere: & ipse Apostolus, cum dixisset, gratia salui facti estis per fidem: & hoc non ex vobis, sed donum Dei est: non ex operibus, nè forte quis extollatur, &c.

619. Idem S. Doctor explicans verba Rom. 2. Tim. 4. supra allata, Bonum certamen certavi, &c. superest mihi corona iustitiae, quam reddet mihi iustus index, &c. in eodem libro de Grat. & lib. arb. cap. 6. plura, prolixaque dicit, praeter ceteris, haec: ista utique iam merita sua bona commemorat, ut post bona merita consequatur coronam, qui post merita mala consecutus est gratiam. Denique attendite quid sequitur: superest inquit mihi corona iustitiae, quam reddet mihi Dominus in illa die iustus

Vita aeterna est gratia, & premium ex gratia ex Apostolo.

Terrid. S. August. idem probat.



Inde dicitur: *Si redderet coronam iustus Iudex, si non  
 donasset gratiam misericors Pater. Et quomodo ef-  
 ficeret coronam iustum, nisi praecessisset gratia, quae in-  
 stituitur in piis? quomodo ista debita redderetur, nisi  
 prius illa gratuita donaretur? Ergo magna haec vita  
 aeterna gratia propter merita gratuita quoque da-  
 turus.* Quod tandem meritum hoc dicendum sit  
 meritum promissionis, ac donationis divinae,  
 non verò debiti naturae humanae, ex praemissis cui-  
 denter patet. In natura siquidem humana non  
 adsunt tales qualitates, talisque dignitas, ut eius  
 operibus debeat ex vera iustitia premium su-  
 pernaturale adeo excellens, ut est vita aeterna.  
 Si enim, inquit Apostolus, non sumus sufficientes  
 cogitare aliquid ex nobis, tamquam ex nobis, quo-  
 modo poterimus ex nobis, seu nostris operibus  
 mereri, & assequi maximum omnium bonorum,  
 vitam aeternam? Ideo S. Augustinus in cap. 6.  
 nuper relato, post iam dicta, invehens contra  
 Pelagium dicentem, & gratiam, & vitam aeter-  
 nam ex nostris operibus nobis dari, inquit. Si  
 cum Pelagiani dicant vitam aeternam secundum me-  
 rita nostra dari, intelligerent, ut etiam ipsa meri-  
 ta dona Dei esse cognoscerent, non esset reprobanda  
 ista sententia. Quoniam verò merita humana sic pra-  
 dicant, ut ea ex semetipso habere hominem dicant:  
 prorsus rectissime respondet Apostolus. Quis te  
 discernit? Quid autem habes, quod non accepisti? si  
 autem accepisti, quid gloriaris quasi non acceperis?  
 Prorsus talia cogitanti verissime dicitur, dona sua co-  
 ronari Deus, non merita tua; si tibi à teipso, non ab  
 illo sunt merita tua. Haec enim si talia sunt, male  
 sunt, quae non coronat Deus; si autem bona sunt, De-  
 dona sunt, quia Iacobus Apostolus dicit. Omne

Ex mer ito  
 promissi  
 nis datu  
 vita aetern  
 na.

Ex S. Aug.

Ex S. Aug.  
 Ex S. Aug.  
 Ex S. Aug.

*datum optimum. & omne donum perfectum defu-  
sum est, descendens à Patre luminum, & Ioannes  
Præcurſor Domini. Non poteſt homo accipere  
quidquam, niſi fuerit ei datum de Cælo.*

676. Concludo ergo cum ſimplicitate ſer-  
monis: Si Deus ab æterno non elegiſſet homines  
ad gloriam, nullus hominum haberet ius ad illa-  
lam: & ſi non decreuiſſet eam dare propter bona  
opera, tamquam merita fundata in infinito me-  
rito Chriſti Domini, nemo illam obtineret: &  
ideò omnes prædeſtinati, ſive Patriarchæ, ſive  
Prophetæ, aliique Sancti, qui Chriſti aduentum  
præceſſerunt; ſive qui eum ſecuti ſunt, vt Apo-  
ſtoli, Martires, ſimplices Confeſſores, Virgines,  
Vidux, Anachoritæ, &c. ideò ad vitam æternam  
electi ſunt, quia Deus voluit; ideò ad gratiam,  
electi ſunt, quia Deo ſic placuit; ideò bona eo-  
rum opera facta in gratia, & fundata in Chriſti  
merito, meritoria ſunt conſecutionis vitæ æternæ,  
quia Deo placuit ſic diſponere. Vnde ſi Apoſto-  
lus dicit eis operibus deberi coronam iuſtitix, in-  
telligendus eſt de iuſtitia proueniēte ex pacto, pro-  
miſſione, ac fidelitate Dei facientis, quod pro-  
mittere voluit; & nobiſcum opera illa facit,  
quia nos laborantes iuuat, vt ex Auguſtino dixi-  
mus *ſer. 16. de Verb. Apoſt.*

621. Hæc ſunt, quæ pro mea tenuitate de  
rebus tam arduis, ac ſubtilibus in hoc triplici O-  
pufculo contentis potui ex S. Auguſtini Doctrina,  
ſi eum intellexi, dicere, vt amicis meis ſatisface-  
rem. Nulli contrariæ ſententiæ Authori volui  
iniuriam facere; nullam ſententiam reprobare;  
ſed omnes in ſua probabilitate relinquere. Si  
quæ dixi placent alicui, laudet Deum, à quo  
bona omnia. Si non placent; eiufdem S. Auguſti-  
ni

Concluſio  
ducta ex  
dictis.

Ex Dei vo-  
luntate o-  
pera om-  
nium San-  
ctorum ſunt  
merita vi-  
tæ æternæ.

Excusatio  
Authoris.



С П Д А А

C: 91

X  
C  
33







0604

